


III. 1. 6. 9. 8

in 1^a 3^a 4^a parts.



36

18.3.23.

13-14. D. 119

18



EXAMEN DECRE

TORVM CONCILII

• Tridentini.

IN QVO EX SACRAE SRI
pturae norma, collatis etiam orthodoxis uere &
purioris Antiquitatis testimonijs ostenditur,
qualia sint illa Decreta, & quo arti-
ficio sint composita:

AUTORE MARTINO KEM-
nicio.



BIBLIOTECA NAZ
ROMA
ORIO. EMANUEL



M. D. LXVI.

IN PRIMA PARTE H V
ius Examinis explicantur hi
loci.

De Scriptura.

De Traditionibus.

De Peccato originis.

De Concupiscentia quæ in renatis reliqua est.

De Conceptione beatæ Mariæ uirginis.

De Operibus infidelium seu non renatorum.

De Libero arbitrio.

De Iustificatione.

De Fide.

De Bonis operibus.

Opposita etiam est in hac prima parte re-
sponsio ad acerbam maledicentiam
Iacobi Andradij Lusita-
ni, &c.

INCLITO, ET SVM-
MAE SPEI ILLVSTRIS
simo Principi ac Domino, D. AL-
BERTO FRIDERICO,
illustrissimi Principis ac Domini, D.
Alberti senioris, &c. filio: Marchio-
ni Brandeburgensi, Prussiae, Stetini:
Cassubiorum & Vandalorum Duci:
Principi Rugia: & Burggraui Nori-
bergensi, &c. Domino suo cle-
mentissimo:

Gratiam, pacem, salutem & benedictionem à Deo
patre propter filium Dominum nostrum Je-
sum Christum, per Spiritum su-
um sanctum.



Illustrissime Princeps, Do-
mine clementissime. Quod
scriptum hoc, complectens
gravissimas disputationes
de præcipuis doctrinae coelestis capiti-
bus, in Tridentino concilio conspurca-
tis & deprauatis, Cels. uestrae in primo
adhuc ætatis flore agendi, demissè offero:
eius rei honestas & graues habeo cau-

EPISTOLA

sas: quas Cels. V. illustrissimus parens,
 Princeps ac Dominus D. Albertus seni-
 or, &c. Dominus meus clementissimus,
 pro eximia, & iam senili sua prudentia,
 ut spero, non improbabit. Homines sapi-
 entes, omnibus tēporibus, grauissimo
 consilio censuerunt, in formandis à pri-
 ma statim ætate studijs, uita & moribus
 eorum, qui ad spem Imperij nati sunt, &
 educantur, plurimum operæ & diligen-
 tiæ ponēdum esse: quia *νεὺν δὲ ἀγαθόν*, pu-
 blicum & commune bonū sit, talis prin-
 ceps, qualem sapiens antiquitas in pul-
 cherrimo illo Homeri uersu descripsit:

*ἀμφότερον βασιλεὺς τ' ἀγαθὸς πρᾶτερόν τ' αἰχ-
 μῆτης.* Vt autem Dei beneficio tales eua-
 dant, ualde multum interest reipub. qua-
 li institutione à prima statim ætate for-
 mentur, & ad quæ exercitia à teneris as-
 suefiant. Qua de re multa extāt sapiēter
 cogitata, & uenustè dicta, & apud Poe-
 tas & apud Philosophos.

In Ecclesia uerò filij Dei, Spiritus san-
 ctus uult, principes terræ non tantū ad
 politicas & bellicas uirtutes formari: sed
 præcipuè uult ipsos erudiri, ut seruiant
 Domino in timore, & filium ipsius, Do-
 minum nostrū Iesum Christum, à tene-

DEDICATORIA.

ra ætate osculari discant: Psal. 2. Vtq; sint
 benefici misere & exulantis Ecclesie nu-
 tricij: Isaia 49. Pulcherrimum enim spe-
 ctaculum, Deo gratum, Ecclesie saluta-
 re, & iplis angelis optatissimū esse, Da-
 uid affirmat Psal. 47. quando principes
 populorū cōgregātur cum populo Dei
 Abraham. apud illos enim qui sunt scu-
 ta terræ, Deus uehementer eleuatur. Et
 Pl. 102. dulcissimā facit hypotyposin: Scri-
 bantur hæc in generationē alteram, quia
 prospexit de excelso sancto suo, Domi-
 nus de cælo in terram respexit: in cōue-
 niēdo populos & reges in unum, ut ser-
 uiat Domino. Ita 4. Reg. 11. Ioas in domo
 Domini, apud pontificem Ioiadam edu-
 catur: & quidem in ipsa domo Domini,
 ritu augustissimo inauguratur: diadema-
 te capiti imposito, & libro legis in ma-
 nus tradito: cum tamē septem tantū an-
 norum puer tunc esset, cuius animus nō
 poterat tunc quidem per ætatem, omnia
 legis mysteria capere. Ab ineunte tamē
 ætate, iudicārun regij pueri animū im-
 buēdum esse illis cogitationibus, ut me-
 minisset in quam spem educaretur: ut
 scilicet non tantum priuatim uoluntatē
 Dei agnosceret, Domino seruiret, & filiū

EPISTOLA

oscularetur: sed ut illa traditione libri testimonij, cōmonefieret, publicam custodiam doctrinæ diuinitus patefactæ, & in libris sacris consignatæ, sibi, ut politico magistratui, certo modo & ordine, à quibusuis deprauationib. tutâ dâ cōmēdari.

Ita ex Christianis regib. & principibus multi bono consilio & pio zelo, liberos suos, in collegijs Ecclesiasticis. quæ tūc scholæ erāt, & quasi plātaria Ecclesiæ Dei, uoluerūt educari: & à prima ætate ita institui & formari, ut reuerentiâ erga doctrinâ Ecclesiæ, in primo ætatis flore conceptâ, postea in ipsa Imperij administratione retinerēt & colerēt. Et sæpe in tali institutione, Principū liberis propositi, traditi & cōmendati sunt libri, complectētes explicationes de grauissimis, contra sanam doctrinâ motis cōtrouersijs. De quibus etsi per ætatem tūc iudicare nō poterant, admonebantur tamē, traditione huiusmodi scriptorum, ad officiū pij principis, ad quod educabātur, pertinere, ut & priuatim ab omnibus sanæ doctrinæ corruptelis seriò abhorrent, ut quæ suo loco lupos afferentes alienâ uocem, ab ouili arcerent, & abigerent.

Cumq; non dubitē, illustriss. Ducem
Prussię,

DEDICATORIA.

Prussie, Dominum Albertum seniore,
 &c. Dominū meum clementiss. in hac
 graui sua ætate, nihil aliud in uotis ha-
 bere, quàm ut pia filioli & hæredis sui in-
 stitutio & formatio, per Dei gratiā ita be-
 nedicatur, ut unà cum diademate, etiam
 liber testimonij diuini, ipsi rectè tradi &
 commendari possit, utq; in nutritiōe
 Ecclesiæ, paternis uestigijs insistat. Iudi-
 caui igitur, Cels. ipsius non ingratum fo-
 re, meum hoc officium, ab ea gratitudi-
 ne, quam Prussie multis nominibus de-
 beo, non alienum, si inclito, & summæ
 spei Cels. suæ filiolo, Domino Alberto
 Friderico, &c. Domino meo clementis-
 simo inscriberem & offerrem, Examen
 hoc Decretorū concilij Tridentini, qđ
 certis rationibus ita flagitantibus con-
 scripsi: ut cum aliud non possim, unà cū
 precib. meis, commonefactione aliqua,
 institutionem illustris. & summæ spei
 Principis, &c. adiuuarem: ut Cels. ipsius
 meminerit, in quam spem, non suę tan-
 tum Prussie, sed toti rei literariæ, & præ-
 cipuè Ecclesiæ educetur: utq; progredi-
 ente ætate, discat & agnoscere & odisse
 technas & fraudes tyrannidis pontifi-
 ciæ, & regni Antichristi.

EPISTOLA

Non autem priuato uel consilio uel arbitrio, hoc argumētū, graue sanè et difficile, mihi delegi: sed quodāmodo necessitate quadā mihi impositum est. Edi di ante biennium libellum, proponentē & quasi in tabella monstrantem præcipua capita Theologiæ Iesuitarū: quæ ex quadā ipsorum censura collegeram, ut noua ista regni pontificij secta, Germaniæ nostræ detegeretur, quā monstrōsas opiniones profiteatur & circūferat. Ad illum libellum uerò, ne ex Iesuitarū quidē secta hætenus quisquā responsionem instituere uoluit: credo quòd nemo, turpitudinis istius publicè detestæ patronus habere uoluerit. Tandem Andræus quidā Lusitanus, qui inter theologos Tridentini concilij, præcipuā personam sustinuit, ad profligādum illum exiguum meū libellum, magna & prolixa acerbitate exarsit. Idq; non suo quodam uel instituto uel arbitrio, sed (sicut ipse narrat) eorum instigationibus inflāmat, quorum Tridēti in concilio præcipua fuit autoritas: cum quidem (sicut ipse narrat) multorum sermone cognoscerēt, aliqua nostrorum gratulatione, libellum istum meum fuisse exceptum.

Iam

DEDICATORIA.

Iam uerò ad primâ inspectionē, scriptū illud Andradij, propter acerbam & tumidam maledicentiā, cum quidem in reb: ipsis, ad profligatas Iesuitarum opiniones, maiorem & crassiorē ipse addat impudentiam: statuerā prorsus silentio præterire. Sed cum attentius, res ipsas, quas Andradius tractat, considerarem, deprehendi ipsum quasi aliud agendo, uoluisse simul mysteria quædam, quæ Tridenti in priuatis congressib. & deliberationibus agitata sunt, in lucem producere. Cumq; illam personam, à Tridentinis patrib. sibi impositam fuisse, ipse narret: existimo, uoluisse pontificios, post promulgata & edita impia sua decreta, etiā interpretationem illorum orbi Christiano tradere. Atq; hoc modo ex illis Andradij explicationib. animaduerti, quā multæ technæ, & quàm uariæ fraudes, in Tridentinis decretis insidiosè occultentur: de quib. lector uix suspicari posset, si obiter nuda decreta inspiciat.

Cum igitur omnino responsio aliqua opponēda esset: iudicaui hanc rationē, quæ cum aliqua lectoris utilitate coniūcta esset, fore cōmodissimā: si ex Andradij scripto, quod Tridenti durante concilio,

EPISTOLA

lio, hortatu & instigatione Patrum compositum erat, exciperentur ea, quæ decretis Tridentinis talem interpretationem addūt: unde nō obscure colligi potest, quæ ibi dictæ sententiæ, quæ agitatae deliberationes, ad deprauanda præcipua doctrinæ cœlestis capita. Et hac occasione institui examen primæ partis Decretorum concilij Tridētini, usq; ad doctrinā de Sacramētis. Altera uerò pars, si occupationes permiserint, & Ecclesię utilitas efflagitārit, Deo bene iunante, subiūgetur. Cognoscet autem lector, ex commonefactione huius examinis, ex quā insidiosis technis & fraudibus, consuta sint Tridentina decreta: hoc consilio & hoc fine, ut usitatas adulteratiōes, quas ex philosophia malè & infelicitè cum Theologia dilutas, Monachi in Ecclesiā inuexerunt, quoquo modo, inuitis & Deo & hominibus, retinere, confirmare, & stabilire possint. Adieci in ploriscq; locis, fundamenta explicationum & refutationum, quantum quidem instituta examinis ratio tulit. Locum uerò, de Scriptura & traditionibus, quia in eo pontificij, tōtius suæ causæ robur & præsidium, hoc quidem tempore collocant, ali-

DEDICATORIA.

aliquanto plenius, iusta fermè tractatione explicari. In tota autem hac scriptione, nihil conatus sum noui afferre, sed tantum antiqua, hoc est, usitatam nostrarum Ecclesiarum doctrinam repetere: quam non dubito esse Propheticam, Apostolicam, & uerè catholicam consensionem. Sed de consilio scriptionis, in ipsa præfatione plura dicenda erunt.

Nunc igitur illustrissime princeps Alberte Friderice, &c. ad Celsitudinem uestram reuertor: quam reuerenter & demissè oro, ut clementer audiat, quibus rationibus motus, scriptum hoc Celsitudini uestræ inscribere & offerre uoluerim.

Aduersarius meus Andradius, explanationes suas quas ita inscribit: Serenissimo Regi Lusitanæ, &c. cuius adolescentia, in primo ætatis flore, sub Iesuitarum disciplina, referente Andradio, instituitur, destinauit: ut scilicet tenellus regis animus, si à Scriptura ad humanas traditiones abducatur, & superstitionibus pontificijs ab ineunte etate, undique fascinetur, non possit aliquândo progredi ad fraudes pōtificias agnoscēdas, &

EPISTOLA

& ueritatis lucem aspiciendā. Cogitau
 igitur iustiores me habere causas, ut si-
 mili inscriptiōe seu dedicatione, nostros
 principes, qui in primo ætatis flore, in il-
 la simplici & fundatissima doctrina, quæ
 à Deo generi humano patefacta, & lite-
 ris propheticijs & Apostolicis consigna-
 ta est, educantur & instituuntur, commo-
 nefacerē & exhortarer: ne si quando ad
 reipub. gubernacula admoti fuerint, pa-
 riantur se & suos, à manifesta & salutari
 scripturæ luce, ad tenebras & signēta hu-
 manarū traditionum, & scrinij pōtificij
 somnia abduci. Vestræ autem Cels. illu-
 strissime Princeps Alberte Frid. &c. po-
 tissimū iudicauī me hoc qualecunq;
 officiū iure quodā debere. Multis enim
 & magnis ab illustrib. Cels. uestræ paren-
 te, &c. Domino meo clementiss. benefi-
 cijs sum affectus: quando instructissimæ
 Ducali Bibliothecæ ante annos 13. præse-
 dus, honestū in aula locum habui. Exer-
 citia etiam mea in Mathematicis qualia
 cunq; Cels. ipse non ingrata fuerunt.

Et cum ad pertexenda studia mea ad
 Academijs redire uellē honestè, & qui-
 dem liberaliter à Cels. ipse, & literis &
 donarijs dimissus sum. Pro quib. benefi-
 cijs

DEDICATORIA.

cijſ, iudicaui me hac ratione animi grati-
tudinē commodiſſimē, uel aliquo ſaltē
modo ſignificare poſſe: ſi hac inſcriptio-
ne oſtenderem, me illuſtriſs. filiolo & hē-
redi Celf. ipſius, omnia fauſta & felicia
precari, in ijs præſertim quæ ſumma &
maxima ſunt in hac uita: ut ſcilicet iux-
ta Spiritus S. ſententiā, primis aſſueſcat
ab annis, ſeruire Domino in timore, &
oſculari filiū. Pſal. 2. congregari cū popu-
lo Dei Abraham. Pſal. 47. ſuſcipere nutri-
tione Eccleſiæ. Iſa. 49. odiſſe Eccleſiam
malignantiū. Pſal. 26. Et hanc meam ope-
ram ſpero Celf. ipſius non minus grata,
atq; adeo pro rerū æſtimatione, gratio-
rem fore, quàm cum olim qualiacunq;
Mathematicum exercitia, Celf. ipſius exhi-
berem: quæ tamen memini, ſingulari cle-
mētia accepta fuiſſe. Volui etiā gratitudi-
nem meā pro illo beneficio oſtendere,
quòd in Bibliotheca inſtructiſſima, per
trienniū & amplius, non ſine fructu mi-
hi uerſari clementer conſeſſum fuit. Illa
enim occaſione accenſus ſum ſtudio lin-
guarum, & amore cognoscendę uerę &
purioris antiquitatis. Merito igitur, cū
debita gratitudine, Prutēicę Bibliothe-
cæ acceptum refero, quantulumcumq;
eſt,

EPISTOLA

est, quod postea in hoc studiorum genere profeci.

Sæpe etiam illius humanitatis recorder, cū in aula quiduis potius quàm aulicus, per trienniū fermè uersarer, quod illi qui aula præcipui erāt, ad amicitiam suam honestum & liberum aditum mihi patère uolebant. A Domino Burggrauiο, propter modestiam & simplicitatem amabar, & quidem liberaliter fouebar. Nobili uiro Calparo Nosticio, Doctori Christophoro Ione consiliarijs, Andreæ Muncero Secretario, non ingrata erat mea consuetudo, & quidem multis in rebus opera ipsorum sæpe utebar: qui etiam absentem beneuolentię officijs prosecuti sunt. Nec opus est singulos nominare, quorum in Prussia & amicitia usus, & beneuolentiā expertus sum.

Cumque aliud non possim, existimaui me uel aliquam gratitudinis significationem Prussię ostendere posse, si publica hac declaratione & commonefactione testatum facerem, me ardentibus & summis uotis, institutionem & formationem, ipsam denique uitam & salutem, incliti & summæ spei principis

DEDICATORIA.

ac Domini D. Alberti Friderici, &c. diuina gratiæ & benedictione commendare.

Vestram uerò Cels. illustrissime princeps Alberte Friderice, &c. Domine clementissime, reuerenter & demissè oro, ut non ægrè ferat, quòd per uestram Celsitud. uolui gratum meum animum, erga illustrissimum Cels. uestræ parentem &c. Dominum meum clementissimum & erga totam Prussiam, publica aliqua significatione declarare. Erit hoc Deo gratum, & Cels. uestræ honorificum, si in primo ætatis flore, exemplo illustrissimi parentis, cœperit ostendere, & spem præbere, se patrocinium rei literariæ, & nutritionem Ecclesiæ, unà cum reliqua hæreditatis successione suscepturâ. Et hac bona spe fretus, Cels. uestræ offero & dedico hanc meam qualemcunq; operam, quam eruditorum, & in his illustrissimi Cels. uestræ parentes, &c. iudicio grauissimo submitto: reuerenter & demissè orans, ut quicquid hoc est officij, Cels. uestra, placido uultu, & clementi animo accipere non dedignetur.

Deum patrē Domini nostri Iesu Christi, toto pectore & ardētib. uotis oro, ut
propter

EPISTOLA

propter filium suum, Dominum nostrū
Iesum Christum, Cels. uestre institutio-
nem & studia, totam deniq; uitam & sa-
lutem, diuina sua gratia & benedictio-
ne, per Spiritum suum sanctum guber-
net, ab omni periculo & malo incolumem clementer conseruet & custodiat:
& benedictione sua efficiat, ut Cels. ue-
stra esse aliquando possit organon Deo
gratum, Politie utile, & Ecclesie saluta-
re: Amen.

Brunsuigæ, anno Domi-
ni 1565. die Aprilis 29. quo die De-
us Cels. uestram in hanc lucem nasci uo-
luit: quem etiam toto pectore oro, ut il-
lum diem Cels. uestre faustum, fe-
licem & salutarem sæpissi-
mè redire uelit.

Celsitudinem uestram

*reuerenter & demissè co-
lens,*

*Martinus Kemnicius,
minister ecclesie Brun-
suicensis.*

NARRATIO DE SY-
nodo Nicena, uersibus exposita: au-
ctore Matthia Bergio Brun-
suuicensi.

NVnc tandē pietas multum laudata supremi
Pōtificis perfecta dedit, quæ tēpore longo
Parturiens nobis specie ostentabat inani:
Nunc tandē Alpina cœptum (quis nescit) in urbe
Concilium Latia de religione peractum est.
Hei mihi, quale fuit, quantumq; recessit ab illis,
Quæ sancti quondam, mundi melioribus annis,
Egerunt procures, cū nondum adiuta nocentum
Fraude superstitio, doctrinæ tradita sensim
Carpere Apostolicæ furtis audacibus orsa est:
Cū nondum sanctis priscorum moribus ætas
Decolor inuexit uirus: segetiq; malignum
Triticæ lolium atq; aconita nocentia furtim
Miscuit ille nocens lachrymabilis arbiter Orci.
Hei mihi, quale fuit, quantumq; recessit ab illo,
Quod quondam Solymis duodena coegerat altis
Turba: rudes populos dū Christo hinc inde laborat
Iungere, sollicitaq; hæc prouidet omnia mente,
Quæ poterant cœptis obstare ingentibus, illo
Tempore, messis adhuc tenera cū stabat in herba
Christe tibi, et multi gressum in tua castra ferebāt.
Quid? Quam dissimile hoc rebus fuit omnib. illi,

DE SYNODO NICENA

Quod quōdā ex omni princeps lōge optimus æuo
 Eximio Christi & pietatis amore coegit,
 Contra hunc, quem Martis de nomine dixit Ariū
 Græcia, qui Christi numen dum perfidus ore
 Abnegat impuro, tibi maxime Constantine
 Aeterna obiecit laudandum in sæcla laborem.
 At sibi, complicibusq; suis, æterna nocentum
 Supplicia infelix, omniq; miserrimus æuo:
 Quādo hostili animo Christū infectatus & inter
 Blasphemias contra hunc uoces animam exhalauit.
 Hæc iam Pierio mens est mihi promere cantu.
 Non tamen, ut rerum momenta per omnia pergēs
 Singula commemorem, dici haud indigna: laboris
 Ingentis res illa foret: mihi parua loquenti,
 Sufficit ad plenos lectorem mittere fontes
 Mī sat erit, paruo indicio monstraſſe legenti,
 Quam simile hoc illis fuerit, quæ diximus ante,
 Concilijs, Latij studio quod præsulis actum est.
 Nimirum ut Nemefi similem patet eſſe Lauernā:
 Laida Penelopæ: Venerem tibi caſta Diana:
 Gorgonas Harpyasq; tibi Tritonia uirgo.
 Dum tamen iſtud ago, numeris dum talia promo,
 Ecquis erit, Muſis qui non auerſus, opellam
 Cōprobet hanc, uenæ cenſor minus aſper agreſtis?
 Tu quam reſpexit uultu ſupremus amico
 Iampridem pater, & lucem cui reddidit illam,
 Quam tenebris olim & caligine texerat atra
 Vana ſuperſtitio, & pietati inimica Tyrannus,

Saxo

NARRATIO.

*Saxonica Arctoi non ultima gloria tractus:
 Tu mecum facilis cceptum percurrere laborem:
 Dum decus egregium, dum facta ingentia condo
 Principis, insignis magnum Constantia nomen
 Cui dedit: & pœnas etiam, quas soluit Arij
 Impietas, alto dum bellum intentat Olympo:
 Et Christum uanis oppugnat perfidus armis.
 Vos quoq; quos etiam nũ hac tãta in luce tenebræ
 Impietasq; iuuat blasphemi insana papatus:
 Ibida qui turpem Romanæ sedis honore.
 Afficitis superum (siue huc uos impulit error
 Siue auri male suada fames, seu fulgor honorum,
 Præstringit captis oculos) huc uertite mentes,
 Huc animos, neu quis dubitet quin impia facta
 Tristibus exemplis, quantumuis tardus ad iram
 Sit pater ulturus, quando bonitate uidebit
 Esse nihil patria, monitis nihil omnibus actum.
 Aspicitote animis, quanto diuina furore
 Ira uel hunc ipsum de quo mea pagina dicet,
 Prefferit: in formi demissum ad Tartara letho:
 Vt uel sic uobis mentem sententia mutet
 Sanior, & morti uos eripiat & Orco.
 Sed nos iam uento par demus uela uocanti.
 Ergo hic, cui clarum dederat Constantia nomen,
 Primus in Imperio magno te Christe professus
 Romulidum fuit, & cultus portenta profani
 Sustulit, & uite populos melioris in usum
 Formauit, passim uanos dediscere cultus*

DE SYNODO NICENA

Hortatus, Christumq; animis Christum ore fateri.
 Dum tamen illud agit, Christo dum militat ille,
 Quæ rerum discrimina pertulit? o quibus ille
 Iactatus fatis, quæ bella exhausta per orbem
 Consecit, diros ueri dum numinis hostes
 Europa atq; Asia pulsos sequiturq; premitq;.
 Et iam complures sæuissima monstra Tyrannos
 Sustulerat uictor ferro, rerumq; potitus.
 Regnum instaurabat Christo fortissimus uni:
 Et rectos cultus, & iusta capefcere sacra
 Iusserat, & uanos ritus & uana priorum
 Orgia uastatis passim submouerat aris:
 Ille animas Christo dociles, non exta parare,
 Non ullas pecudum fibras mandauerat ille
 Antiqua quicquid reliquum de sorde manebat,
 Extirpare omni penitus ratione parabat.
 Nec mora: crudeles rabies Acherontica sensit
 Inuidiæ stimulos, dirisq; ultricibus acta,
 Artis opem ad solitæ decurrit: scilicet illam
 Hoc super interitu sacrorum artisq; nefandæ,
 Millia quæ tã multa hominũ Phlegethontis auari
 Intulerat regno, super hoc tum scilicet illum
 Iræ indignantem immanes curæq; coquebant.
 Ergo ille Arium, quo nemo peritior esset,
 Perturbare animos, uario mala pingere fūco
 Dogmata, & externo pietatem fingere gestu,
 Excitat: infandos illum exhortatur ad ausus.
 Viperiam inspirans ad cœpta immania mentem.
Vide-

NARRATIO.

Viderat ille quidem, non uano fulmine dogma
 Defixum, ad multos quod propugnauerat, & quod
 Scite exornatum uerbis atq; arte magistra
 Protulerat, librisq; & crebra uoce piorum
 Damnari: ipse adeo Pharia iam pulsus ab urbe,
 Diuersa exilia & non notas querere terras
 Actus erat: mox illi iterum noua furta paternæ
 Artis adornantur: rursus sua dogmata uerbis
 Pingit, & his populo fucum facit impius omni:
 In partesq; suas multos trahit, & sua furtim
 Insinuat, motumq; animis dubitantibus addit.
 Præsul Alexandri clara tum primus in urbe
 Vixit Alexander: qui cùm uidiſſet, Arium
 Non eſſe hūc hominē, quē pax tranquilla iuuaret:
 Quem pia ſimplicitas intra ſua ſepta teneret:
 Senſiſſetq; adeo, quid moliretur, & iſtis
 Quid ſtrueret cœptis: quem, ſi fortuna faueret,
 Euentum cuperet rerum, mox omnia pandit
 Conſtantine tibi: tua ſupplex prouocat uſq;
 Auxilia, aduerſus caput inſanabile uani
 Lymphatiq; uiri, qui faſtu inſanus & ira,
 Aeternum Chriſti numen neget ore proteruo.
 Nec uerò hoc ille indicium neglexit: adire
 Ad ſe ipſum turbæ auctorem ſociosq; iubebat:
 Dicturos magnam magno ſub iudice cauſam.
 Affuit ille ultro, & regem nil tale uidentem,
 Circumiſt, dum animum nūc hic nūc occupat illic,
 Inſinuans ſeſe: uitiumq; occultat, & omni

DE SYNODO NICENA

Principis assensum captat ratione benigni.
 Sicut erat ueri fallax simulator, & arte
 Instructus stygia, quæ fando reddere nouit
 Candida de nigris & de candentibus atra.
 Heu nimium faciles aures tum præbuit illi
 Mitis adhuc princeps, latebrofi & pectoris artes
 Ignorans huius, quo non astutior unquam
 Decepit mentes hominum, monstroq; sefellit.
 Atq; ideo, ignarus fraudumq; doliq; latentis,
 Ad sua mox iterum incolumes saluosq; remittens
 Pacem optate uiri, pacem colite, inquit, & iras
 Ponite, dissidijsq; aditus occludite cunctis.
 Iungite amicitias, & foedera pristina rursum
 Purgatis renouate animis, & utrinq; fouete
 Concordes: ne uos odijs certate nefandis.
 Aspicite hoc passim quo machina foedere sese
 Tota liget mundi: quaq; omnia lege per æuum
 Conspirent elementa sibi, faueantq; uicissim:
 Aspicite, ut paruos felix concordia cœtus,
 Vt paruas locupletet opes: cum maxima regna
 Funditus illa nocens toties discordia uertat.
 Ah coeant iterum, coeant in foedera dextra.
 His alijsq; illos princeps laudatus amorem
 Depositis renouare odijs exhortabatur:
 Cuncta prius tentanda putans. sed uana fuere
 Illius hortamenta: adeo neq; causa ferebat
 Concordare animos: imis nec fixa medullis
 Ambitio elatum passa est requiescere Arrium.

Ergo

NARRATIO.

Ergo nouis iterum pingit sua dogmata fucis:
 In partesq; suas nunc hos nunc pertrahit illos.
 Optimus at princeps conceptam gliscere pestem
 Dum uidet, & studijs certamina crescere sentit:
 Multa suo super his tristi cunr corde uolutat.
 Dumq; alius medicas adhibere ad uulnera nemo
 Instituit ue potest ue manus: se poscier ille,
 Se signari oculis censet, ne noxia pestis
 Corriperet coetum, de quo grassantia pridem
 Arma Tyrannorum dextra uictrice fugarat.
 Multa alternanti potior sententia uisa est
 Cogere concilium, quò res ratione modoq;
 Legitimo discussa patefceret, ilicet omnes
 Conuocat ex omni terrarum parte magistros
 Christiadam, pietas quos & doctrina celebres
 Efficeret passim, qua sol utrunq; recurrens
 Aspicit Oceanum, qua lucida tollitur Arctos
 Quaq; dies medius flagrantibus aestuat horis.
 Nec tantum edicto rem publicat: omnia curat
 Insuper auerti coeptis obstantia: neu quis
 Moliriue moram, aut ueniendi neclere causas
 Posset, præberi currusq; rotasq; uolucres
 Mandat, quæ præsto passim uenientibus essent.
 Nec mora diuerso passim se ex orbe ferebant
 Tam uarij linguis, habitu quam uestis et ore
 Dissimiles: aderant Graij, Thracesq; Phrygesq;
 Indi, Arabes, Cretes, terraq; Libyside nati.
 Adfuit & Scythici procerior accola ponti,

DE SYNODO NICENA

Germanusq; ingens, & glebæ cultor Iberæ.
 Ille ualens usu rerum arbitrioq; sagaci:
 Ille ministerio linguarum atq; arte magistra:
 Hic arcana bonus scripturæ euoluere sensa
 Ad normam fidei: donis ingentibus omnes
 Conspicui, & multis super omnes dotibus aucti.
 Festinant omnes iussi, rapidisq; feruntur
 Passibus, haud illi tantum quibus integer æui
 Sanguis erat: multi senio tardante grauari
 Conueniunt, ultra uires sortemq; senectæ.
 Quæ celebrem tellus uidit Bithyna Niceam:
 Urbem olim, sed mox deletæ triste cadauer
 Urbis & exemplum diuinæ terribile iræ.
 Hic tum cernere erat crines incanaq; menta
 Multorum, quos antè odijs crudelibus omni
 Terrarum tracturabies Acherontica multo
 Vexarat fastu, atq; odijs agitarat amaris.
 Cernere erat toto laceratos corpore quosdam:
 Lumine multatos alios: pro religione
 Christe tua, & ueræ qui pro pietatis honore,
 Mittebant caras in aperta pericula uite
 Pridem animas, quando diris subiecta Tyrannis
 Crescebat mira pietas imperdita sorte.
 Diuini uerò procures atq; inclita postquam
 Hinc atq; hinc collecta loco conuenit in uno
 Concio, cœpti ipse ingentis non futilis auctor
 Constantinus adest: non ille satellite multo
 Terribilis, non ille armis metuendus & ense:

Non

NARRATIO.

Non toruus uultu sed tantum simplice cultu
 Conspicius, fidisq; aliquot comitatus amicis
 Ingreditur, non tam sublimibus alta columnis,
 Non tam auro gemmisq; aut Indo splendida luxu
 Limina, quam tali multum ueneranda Senatu
 Ingreditur, facilesq; oculos fert omnia circum:
 Et folio tandem medius confedit in aureo.
 Atq; ibi facundo dum cunctis explicat ore,
 Quæ causa, aut quæ res pro tēpore suaserit illud
 Cogere concilium: quantæ sibi singula curæ
 Sint, quæ Christe tuum possent extendere regnum
 Ostenditq; petitq; adeò, quando optima rebus
 Hæc dubijs medicina foret, ardentibus omnes
 Numinis æterni uotis sine fine petendo
 Auxilium, controuerso de dogmate certò
 Constituant: & quando ipsum, quocunq; mederi
 Afflictis possit rebus tentare uiderent,
 Vnanimis itidem partes explere studerent
 Quisq; suas: Christo ut passim sua gloria constet.
 Atq; ait: Hæc summa est uotorum tota meorum,
 Dogmatis unanimes & consentanea ueri
 Copula nos nectat: Deus hæc incepta secundet,
 Cui soli ueros passim instauramus honores:
 Ut uideant homines cœlestis libera regni
 Incrementa, & magno Ecclesia floreat auctu.
 Quantis nos odijs ille immanissimus hostis
 Oppugnet: quantis hoc egerit hætenus unum
 Viribus, ut sacros corrupto dogmate cœtus,

DE SYNODO NICENA

Turbaret, Christo cunctos arcere laborans,
 Omnia nota satis, neq; nostræ uocis eget res.
 Huic ego, diuinam Christi defendere laudem
 Conatus, uitamq; meam, studiumq; laboresq;
 Opposui, te, summe pater, te scilicet uno
 Confisus, propter te perdere cuncta paratus:
 Aut tibi cuncta uni dextra asserturus & armis.
 Nunc nos diuersa (quis non uidet) impius ille
 Aggreditur ratione: malum dum dogmata fraudes
 Inuehit in sincera: animos quibus occupet atq;
 Correptos tristi secum demergat auerno.
 At uos quos caro pastor supremus ouili
 Custodes dedit esse, & quos huic pabula Christus
 Mandauit monstrare salubria, uos modò poscit
 Tēpus, uestræ operæ, uestri nunc hæc studij et res.
 Proinde adhibete animos, ne uerbi nobile donum
 Arbitrè obscuret nigri sæuissimus Orci.
 Biblia sunt uobis: sunt scripta prophetica uobis:
 Sunt & Apostolicis signata uolumina uerbis.
 Scilicet his pater ipse deūm se lumine largo
 Conspicuum dedit, & quod de se scire necesse est
 Humanas mentes, totum hac in parte reclusit.
 Et ratio ipsa adeò doctrinæ est omnibus una
 Temporibus: pariterq; eadem sunt ante professi
 Cum proauis uates sancti, duodenaq; turba.
 Hæc sunt certa: suo hæc uis ordine nulla mouebit.
 Illorum ad normam doctrinæ tradita quæq;
 Exigere & sacros rectum est inquirere fontes.

NARRATIO.

Nec fas est cuiquam norma discedere ab illa
 Dogmate diuerso: quoniam hic seq; & bona cuncta
 Exhibuit pater, & manifesta in luce reiecit.
 Quare agite, ex animis nunc ò nunc pellite uestris
 His quodcunq; potest coeptis obsistere: cesset
 Certandi studium: contentio uana faceffat:
 Iurgia sint iræq; procul: perquirite iusto
 Veracis cuncti rem totam examine lancis:
 Neu finite incaßum nostros cecidisse labores.
 Nimirum felix mihi terq; quaterq; uidebor
 Tum demum, cum uos animis concordibus uno
 Aeternæ aspiciam Sophiæ coalescere nexu.
 Hæc & plura illos multa grauitate monebat.
 Ipse etiam quærentum inter media agmina totos
 Continuare dies: ipse aurem intendere cunctis
 Attentam, studioq; exquirere cuncta sagaci,
 Libera quinetiam cunctis hic ora iubebat
 Concedi, & quæcunq; animo sententia cuiq;
 Sedisset, liquido, nullo impediante, uolebat
 Proferri: ueri quando indagatio linguas
 Neutiquam uinctas. sed libera posceret ora.
 Nunc tamen est aliquis, cuius uesania & excors
 Impietas prohibere audet, ne dogmata quisquam
 Excuiat, mundo quæ dudum obtruserat omni
 Impia barbaries huius, qui regna supremi
 Aeterniq; Dei furto labefactat & arte.
 Qui supra reges se tollit & omnia mundi
 Imperia, & fastu tumidus latè omnia complet
Barba-

DE SYNODO NICENA

Barbarico: atq; illos audax sibi poscit honores
 Quos homini sperare nefas: celsoq; superbus
 In solio superum dicit conuicia regi.
 Non erat hoc animi tibi Constantine: nec unquam
 Te prohibere fuit cuiquam non libera fandi
 Copia, dum uerax prolata explorat amussis,
 Et trutinæ iusto doctrinam examine pensat
 Concio sanctorum non illaudata uirorum.
 Non præiudicio damnauit acerbior ullo
 Alterius causam partis: non pronior ille
 Alterutris uisus, iustoq; fauentior unquam
 Addidit iniustæ uires & robora causæ.
 At cum legitimo tandem res fine fuisset
 Clausa, & hanc normā, quam cœlitus edidit ipse
 Aeterni interpres & imago æterna Parentis,
 Omnia discussa: & cunctis iam cognitus esset
 Martigeræ furor & rabies manifesta cohortis:
 Non tunc illi animus, non tunc constantia iusta,
 Laudatus non tunc deerat rigor illicet ille
 Conuictos & adhuc firmata mente fouentes
 Erroris commenta sui non munere tantum
 Priuauit, sed & extorres ignota coegit
 Exilia & terras alio sub sole iacentes
 Querere, nec cœtu se permiscere piorum.
 At reliquos fidei mox consentanea iunxit
 Formula, multorum quæ post quoq; sustulit una
 Materiam errorum, & dubitantia pectora sæpe
 Expediit, dū Christū hominem probat esse Deūq;
Verāq;

NARRATIO.

Veraq; Theſeo monſtrat compendia filo.
 Exin ſe cuncti perfectis rebus ad urbem
 Quisq; ſuam referunt: quos ille hortatibus omnes
 Mitibus appellans, animis concordibus unam
 Doctrinæ uocem mundo inculcare iubebat:
 Inq; propaganda doctrinæ uoce laborem
 Et ſtudio acce Deo uigilanti mente probare.
 Tum uerò inſirmos omni ratione iuuando
 Allicere ad Chriſtū, pro re pro tempore cunctis
 Conſulere, atq; omnes ſanandi querere cauſas.
 Sicut qui medicum tractat cum laude laborem,
 Pharmaca debilibus ſi quando ſalubria miſcet,
 Diuerſis diuerſa adhibet medicamina: non hic
 Ingratis ſemper ſuccis medicantia miſcet
 Pocula: non aloes lignum aut abſynthia ſemper
 Triftia præbebit: non ſcilicet omnibus ille
 Ingratum tetra Colocynthide temperat hauſtum.
 Eſt etiam ſuaui laticem cum neſtare prudens
 Inſicit, & condit fragranti cætera melle.
 Non aliter Chriſto quosdam eſſe adiungere rectū
 Mitibus alloquijs & commoditate ferebat,
 Quos tamen inſirma dociles cum mente uiderent:
 Ut tandem ipſi etiam uicti bonitate piorum,
 Conſilia in melius referant, Chriſtumq; ſequatur.
 Hinc petit, ut precibus uotisq; ardentibus omnes
 Commendare uelint ſuperum ſua regna parenti.
 Quando tot inſidias uideant, tot furta per orbem,
 Monſtraq; non leuiter ſanctis obſtantia cæptis,
ille

DE SYNODO NICENA

Ille uiam monstret, rem prouidus ille gubernet:
 Vimq; dolosq; premat, quos passim immūda malo
 Agmina spirituum miscēt. Hinc munera cūctis (rū
 Distribui non paru iubet, prout quēq; decebat,
 Nemo adeò tanto numero indonatus abibat:
 Neglectus nemo est. sed & ades iussit ubiq;
 Templaq; Christiadis refici furiosa priorum
 Impietas regum quæ passim euerterat, & mox
 Munificus largos tribuit super omnia sumtus
 His, rude qui possent uulgus formare docendo.
 Felix ò nimium felix clarissime princeps:
 Tantorum felix operum: dignissima fama
 Aeterna & nullis inter moriente diebus.
 Parcere subiectis & debellare superbos,
 Heroæ uirtutis opus: sed gloria maior
 Aeternum Christi in terris extendere regnum,
 Dogmataq; inuictō diuina labore tueri.
 Hoc decus est tanti quanti non omnia mundi
 Totius ornamenta forent, si congerat uno
 Illa loco seu fors seu quis deus. hinc tibi maius
 Enatum decus est, quam quod capitolia curru
 Tarpeiasq; arces aurato inuectus, ab omni
 Laudatus populo parta de pace fuisti,
 Terribiles Scythicæ ducens feritatis alumnos,
 Ante tuos uictor currus, Dacumq; Getamq;
 Nam quod Threicios populatus Sarmata tractus
 Te uictore cadit, mutatoresq; domorum
 Gotthosq; Dacosq; truces dare terga coegit

Mili-

NARRATIO.

Militiæ labor ille tuæ: quod sæcta triumphis
 Innumerabilibus tibi laudibus contigit, & quod
 Naufragio tristi conuulsum colligis unus
 Imperium, & lacerae reficis tabulata carinae
 Sunt hæc magna quidem: sed enim communia tei
 Constantine hæc sunt multis: neq; gloria summa
 Hinc tibi, sed uita tantum quæ clauditur ista
 Prouenit maior longè tibi nascitur inde
 Verarum series laudum, tua prouida cura
 Numinis æterni cultum quod iuuat, & alnum
 Afferuit fidei decus, & uenerabile donum,
 Repressitq; nefas, neque uerò hoc almus Olympi
 Neglexit Rector, per bis tria lustra quietum
 Imperium tibi concedens: natisq; patre ni
 Inconcuſsa itidem tradens insignia regni.
 At qui Christum ausi uerbis lacerare uel armis,
 Infelix miserumq; genus natosq; nepotesq;
 Exitio secum æterno implicuere cadentes.
 Felix ò nimium felix clarissime princeps.
 Ut uerò canos frigescentemq; senectam
 Attigit, ab ueris labes mala laudibus hæsit.
 Quando illum, cuius toties deprensa fuere
 In superos superumq; ipsum conuicia regem,
 Exilio reuocat siue illud pacis & ocij
 Tunc ipsi subiecit amor: siue altera causa:
 Siue oblita sui senio fuit incluta uirtus
 Principis eximij: siue hæc tum cuncta peregit
 Occultæ studium sectæ, quo tempore Caesar

De-

DE SYNODO NICENA

Decubuit, morbo fractus, fractusq; senecta,
 Vt potius reor, & potius fas credere duco:
 Tunc igitur toties iam condemnatus, Arius
 Rursus ab exilio Byzantij ad moenia uenit,
 Auxilio sociae occulto studijsq; cateruæ
 Subnixus: stimulis iamq; exagitata sinistris
 Præcipuos illi spondebat factio honores.
 Indoluit senior, quem non pietatis egentem
 Non animi, non uirtutis pia concio summum
 Sacrorum & uerbi custodem hac urbe fouebat.
 Opposuit sese ille uiris, neq; uelle ferebat
 Coetibus adiungi sanctis, quem tota piorum
 Concio ceu pestem dudum auersata fuisset,
 Nuncq; etiam damnet fontem. sic ille bidentum
 Sollicitus custos cum toruum & acerba tuentem
 Sentit adesse lupum, clamorem protinus edit,
 Prædonem contra dirum: dum fida canum uis
 Assiliens, hostem toto petat improba campo.
 At magis atq; magis, stimulis agitata sinistris,
 Factio pergebat cœptis instare nefandis.
 Cæsaris Imperijs illuc iussuq; uocatum
 Esse uirū memorans, sacris qui ibi præsit & aris.
 Ausi quinetiam uoces iactare superbas:
 Inuito sene & inuitis etiam omnibus, illic
 Hunc unum templis. sacris hunc præfore & aris.
 At pius & Christi obseruans super omnia præsul
 Obstitit usq; animo: & ne cœpta nocentia dirus
 Perficeret furor, & sacrum infestaret ouile

Horri-

NARRATIO.

Horribili contagie lues damnanda, supremum
 (Quādo opis humanæ nil iam superesse uidebat)
 Sollicitare patrem precibus: prohiberet ab illa
 Cœtum labe suum: uim frangeret insidiasq̃:
 Aut sese ad requiem potius finemq̃ laborum,
 Corporis exutum uinclis, dmitteret, antè
 Quam cœtum inficeret contagio fœda suorum.
 O quos hic gemitus, o quæ suspiria ab imo
 Pectore tum dedit: o quanto est ardore precatus.
 Omnem adeo exegit somni sine munere noctem,
 Cum ueniente die sua perfecturus Arius
 Cœpta, palam populo sese ostentare uolebat.
 Non tulit omnipotens genitor, miseratus ab alto
 Conatus: totaq̃ senex quæ nocte precatus
 Ante Deum fuerat, rectis ea uota feruntur
 Passibus, & cœli nubes & sydera tranant.
 Man e erat, & magna iam iam se mole ferebat
 Ille furens fastu, tantorum & causa malorum:
 Atq̃ illum templo subitum haud parua caterua
 Pone sequebatur gradientem & multa mimantem.
 Ecce autem subitum atq̃ omni mirabile sæclo
 Euenit monstrum: tota dolor ortus in aluo,
 Quærere secessus iubet, & se auertere cœtu.
 Hic illum (auditis si quicquam credimus) ingens
 Occupat attonitum terror: formidine tacta
 Mens stupet: & scelerum intuitu, culpæq̃ nocētis
 Contrahitur, miseramq̃ animā uis strāgulat intus
 Mortifera, atq̃ illum cōstringit & urget inherēs

DE SYNODO NICENA

Illa rumpuntur post hæc: mox exta latebras
 Proijcit in foedas. furijsq; uocantibus atris,
 Indignantem animam tristi cum murmure fundit.
 Hoc fine ille miser Libycæ telluris alumnus
 In terris uitam clausit, dum bella mouebat
 Impia, Christo adimens diuinæ stirpis honorem.
 Vos ò quos illi similes uidet auricomus Sol,
 Queis idem furor est eademq; insania, Christo
 Aduersos uos ferre Deo: quiq; usq; perosi
 Accensam uerbi lucem, immortale sonantis
 Auxilium mundo, uariis exquiritis artes
 Nequicquam superos contra, resipiscite tandem
 Si pote, & in melius mutatos uertite cursus
 Neu dubitate Deum memorem fandi atq; nefandi.
 Fraus unde exorta est, in eum plerunq; redundat.
 Et quanquam lentis ad poenam passibus iræ
 Procedunt superum, grauitas tamen omnia pēsāt
 Supplicij, mora quæ pridem diuturna neglexit.
 Tu quoq; qui laceras lingua petulante Mothemum
 Kemniciū, et reliquos adeò, quæ plurima turba est
 Seu te deceptæ mentis malus impulit error,
 Quo tua te primis Hispania tinxit ab annis,
 Ancilla Ausonij dum mauult esse Baalis,
 Quam Christi populus: siue hoc fiducia suasit
 Ingenij: seu spes magnorum hortatur honorum
 Ponere respectum ueri, & mendacia fūco
 Pingere: siue aliud causæ est tibi: Tu quoq; tandem
 O tandem leue studium hoc ò exue mentis.

Aspi-

NARRATIO.

Aspice deformes obitus immanis Arii:
Aspice quæ nostro contingunt plurima sæclo:
Aspice mugitus Latomi, sub morte fatentis
Exosam ob uerbi lucem se iudicis alti
Horrendo iussu morientem ad tristia mitti
Tartara, perpetuis luat ut facta impia pœnis,
Tristiaq; æternum furiarum uerbera ploret.
Nec uerò ut uester uita emigrauerit olim
Hofmeisterus & huic similes, deuota perenni
Exitio capita, te posse latere putandum est,
Vtq; alij similes manet, æternumq; manebit
Accensum mundo lumen: quantumlibet illud
Oppugnet uasra stygij Cacodæmonis arte,
Turba furens undis, ferro, fæce, uoce, librisq;.
Et ueniet tandem illa dies, qua quenq; sequentur
Præmia pro factis, mundi sub iudice magno.
Tum meliora pijs uersa uice currere fata
Incipient: dextra lachrymas tunc ipse suorum
Deterget pater, & mundi ludibria deinceps
Passuros nunquam mundo meliore fouebit
Æternum. uersa tum flebit barbara sorte
Impietas: tunc in fletus hæc gaudia abibunt
Omnia: tunc in lucem, ante hac cælata, ferentur.
Tuq; adeò quondam regnata tricorpore tellus
Geryone, ac grauiore tyrānide nunc quoq; pressa
Geryonis Latij: quem fanda nefanda patrantem
Alcides pridem inuictis Germanicus armis
In stigante Deo, cœlesti numine plenus

NARRATIO.

Elisit, cæcumq; orbi scelus omne retextit,
 Maximus ille animi gestorum maximus ille
 Martinus (quid uane fremis quid ringere Liur?
 Maximus ille tamen) quo sese Saxonis ora
 Iactitat & iactabit in æuum nobilis omne:
 Tu tellus Hispana inquam, nunc aspice demum
 Exortam mundo lucem: & Tirynthius ut te
 Barbarico eripuit fastu pastoris Iberi:
 Sic & nunc uobis aliquando petentibus ætas
 Auxilium ferat & furijs tandem eximat huius
 Qui regnum Europæ atq; Asiæ Libyæq; calentis
 Sperabat, captasq; impune hinc inde per urbes
 Ibat ouans & diuino gaudebat honore
 Ius regum & clauis alti mentibus Olympi
 Hoc me nunc uobis Pietas iubet alma precari:
 Hoc uobis donet cupientibus astripotens rex.

F I N I S.

ERRATA.

Pag. 3. uers. 23 & ad cognitionem 5. ult. retrahi 6. 24
ut scilicet per istos 7. 18 qui in publicum 11. 3 scriptura
12. 10 concilij 22. ult. in alijs 23. 1 epistola 163 27. 25 de
autoritate scripturæ sentire 25. 1 *ἡγεμονύστα* 28. 13
quas multi 28. 14 noluerit 30. 1 inuoluant ead. 3 inces-
sur 33. 23 amitteretur 34. 8 caupones ead. 15 egrediar 35.
17 prima 37. 27 purioribus 39. 5 sine scriptura ead. 7 &
alijs 46. 10 n. 47. 11 potuerit 49 20 sed de canone 54.
17 ueris 57. 8 monebit ead. 19. quæ 59. 11 comendaret
60. 24 dele. & ead. 23 manifesta 61 2 puritati uerbi Dei
ead. 14 commentos ead. 24 conscriptū 66. 2 laqueis ead.
3 fuerit 67. 1 de rectabant ead. 13 defendi non possunt
68. 4 scriptis sit comprehensa ead. 6 nodum ead. 21. in-
mo ead. 24 in tabulis cordis carneis 69. 2. qua Deum 70
13 & quidem 71. 18 collationem 72. 20 leguntur 73. 8 ne
uerbo 77. 7 aliquot annis ead. 17. Theophilaḗti 80 4 i-
dē sibi ead. 19 per uiginti annos Apost. sine scripto. 83. 3
sufficiētiā 84. 6 quia inde ead. 8 quia inde 86. 24 con-
scriptas 87. 23 Apostolico 91. 9 ad posteritatem scire ne-
cessarium iudicarunt ead. 24 ex ludæis 92. 22 at ascensi-
one 94. 4 id primum 96. 2 in proœmio ead. 25 certe 98.
2 confideret 102. 11 interea ead. 9 magnis 104. 18 reuerē-
ter ead. 21 noluerit 105. ult. certo 106. 3 didicistis ead. 9 ra-
dio solis ead. 19 & Cyrilli ead. 27 dele. non 107. 21 Tri-
dēnci 110. 26 auricularis ead. 27 purgatorium 111. 8 sine
facta 115. 2. prædicari ead. 13 erunt ead. 21 fundarint ead.
27 diuinare ead. 27 rumusculis 116. 17 soliti 123. 9 deter-
geret 124. 27 abijcerent 125. 7 ipsos 127. 4 seruatas 128.
9 traditiones 132. 1 Aliud enim est 145. 1 (dicat quis) se-
quitur 148. 17 in epistola 154. 5 multis 158. 1 reddidit
ead. 8 Quod 161. 11 moderari ead. ult. se ead. 19 poterat
163. 11 superfluum ead. ult. illa 168. 1 summam ead. 17 il-
lustre ead. 18 *ὑποτίπωσις* 170. 17 magni momenti 171.
10 ueteris testamēti 173. 14 Act. 21. 176. 22 qua 178. 22 scri-
psi 179. 4 testificare ead. 11 iudicasset 181. 13 Pauli ead. 14
commendat 182. 17 *ὑπεβλάσσει* ead. eod. toruoris ead. 26
contorqueatur 183. 10 quid ead. 27 permanferit 187. 20
textus ead. 24 acceperant 188. 10 tota enim 190. 13 ob-
trudera

ERRATA.

eruderentur ead. 19 scripserunt 191. 4 de traditionibus
 ead. 21 fidem 192. 4 credit ead. 15 munda 193. 3 despiciere
 ead. 16 quia discentes 194. 24 figit 196. 9 exemplum 197.
 alijs ead. 12 doctrinam 200. 2 sancta 209. 23 Tridenti
 210. 6 iudicaret 211. 4 concilio ead. 10 controuersa 214.
 10 incertitudine 215. 29 seponenda 216. 25 opaca ead.
 eod. proficientib. 217. 17 summa ead. 18 diuina sunt ut o-
 mnes 218. 4 disputatoris 121. 5 libri sint 222. 10 [¶] 235.
 11 testimonio 238. 22 uocata 239. 7 Cyprianus 241. 26
 Manichæus 242. 7 prolata 243. 2 non frustra non sunt
 244. 5 examinatione 247. 10 qui nunc uult ead. 24 capi
 te 25. 248. 7 *νοβοστρα* 252. 5 & uetus 255. 5 cōcilia ead.
 11 sententiā 256. 5 obiectiones 258. ult. cap. 14. 259. 11 sa-
 ne fidei ead. 12 resistendum putabit ead. 14 quod Hiero-
 nymus inquit 266. 7 Deut. 28. 267. 1 ueteris & 17 confi-
 gnari 270. 17 Latinis 278. 6 affingere 280. 12 ecquid 283.
 26 quod in 284. 6 donum ead. 7 alligatum 293. 14 An-
 dradi 289. 5 alligatum 306. 21 alligatam 314. 20 & sua
 ead. 26 neq. sint 318. 7 synceram 323. 16 & doctrina 328.
 15 conditorem ead. 27 uenturum 329. 28 adde sequentia
 in fine. Et tantum ueritatis obstitit adulter sensus, &c.
 330. 1 corruptor 340. 11 certè 341. 9 illis 351. 23 doctrina
 ue 363. 5 innumeros ead. 24 posset iniri 366. 27 possint
 369. 2 ex scriptura 373. 8 *ἀιτημα* 374. 7 traduntur 378.
 8 concredere 380. 5 æ doctrinas 385. 21 Paulū secundas
 386. 7 lib. 7 388. 4 Hieronymi 397. 24 contra Aerium 399.
 7 sed Socrates 402. 2 Atqui Gregorius ead. 2 epistola
 63. 406. 10 genus mali inferioris 399. 23 contra Aerium
 407. 20 reprehēsos 409. 1 inanitate 419. 2 indicio 421.
 15 ipse Platina 422. 1 consecrarit 423. 7 illas non 424.
 16 proponantur 431. 2 purioris & 23 cuiq. 435. 2 reatu
 437. 10 ut ita in peccato 441. 11 tantam 445. 1 in mente
 446. 6 in natis 448. 27 quales 450. 18 nunc 451. 9 sapien-
 tia carnis est 452. 28 facultatem 454. 10 sine actio 456.
 20 incurrat 458. 6 porro quia 461. Num uerò docemus
 illud post baptism. in renatis ead. omnino ratione esse &
 manere sicut est ante baptismum in non renatis 462. 26
 tristissimæ 463. 9 sed renouatio ead. 10 peccatorum ead.

ERRATA.

24 reliquias 469.20 tantum 471.1 totum id 471.17 di-
micandum est 472.22 assumamus ead.27 uita nec perfecta
476.11 adiacet 477.12 operatum 478.13 sicut inquit Au-
gust.481.17 tamen non uerentur ead.20 corporis 482.3
πεπονήσαν ead.24 grandibus 483.16 eandem 486.17
tractatu 41.488.4 cui etiam ead.18 sentiant 492.6 perso-
nam ead.10 reliquias 493.19 agnoscat 494.12 renoua-
tionis ead.23 concidunt 496.20 hoc poterit 506.25 ar-
gumenti 512.23 est uerbum 513.24 uide quod 516.2 nec
semper in hac 519.15 sanctus dominus 520.27 uniretur
523.5 de mira 544.9 obduratio 545.13 nec seruari 554-
6 postillator ead.26 cui ego 567.22 Ecclesiasticis dogma-
tibus 569.15 sicut externam 570.6 Tyrannis 570.9 mo-
tu mentis 571.23 ut ipsi sibi 575.27 constituendum est
576.11 diabolus ead.18 motus alicui 577.8 cōuersionē 578.
13 quomodo pij 580.25 aliquanto 581.18 contritione 585.
3 facere uerbis 588.1 exerere 596.14 aliquomodo 599.
14 expedit 601.11 libello 603.18 in ijs in quortum 615.7
liberat or 617.14 siue ex ead.17 nos uelle ead.22 facile
ead.25 antiquam 638.23 profusa 650.15 ἀμαυολογίας
653.23 de propria 656.3 confugiens 669.21 Deo fide 675.
24 resurrectionis 692.19 Quæ sit iustitia 695.5 in se rece-
pit 696.22 quæ potest esse 697.27 in iustificatione 698.
25 quia in nobis 699.11 aliud meriti 701.23 dele, est ead.
24 in nobis est 708.25 si quod 711.21 iusticiæ tuæ 715.5
aut non placere 727.26 non maneat 729.9 ut sint ead.13
percepimus 720. eod.tribunali 731.8 quid Deus 734.3 sed
& hoc 745.26 Ωπ 752.15 illa misericordia 757.18 Chri-
sti beneficio 785.19 inde extruxisse 786.3 ut suspicari
789.21 fidei in sacris 790.26 nudum illū 795.14 male &
ead. eod. dilutis 814.18 ex operibus 825.3 non mutatur
828.15 ex omnium 829.27 sed quæ sit 832.5 remissionis
835.3 ad illud 835.8 omnipotētis. 848.3 promissioni 861.
9 in arcano 868.15 non mutandam 889.6 glorianur 891.
5 sunt in Ecclesia ead.6 de ritibus ead.7 externis 893.12
noluerit ead.25 profundum laci 895.20 electicios 896.
24 præceptis 897.25 electicios 898.1 minuas 902.27 &
quod ead.27 dele, per 903.10 hætenus & hoc ead.16
qui

ERRATA.

qui non infirmi ead. 17 dele, non, & lege, sed praefrati
906.9 alligati 920.10 praeterea 912.9 ad salutem 919.14
quod non iam dudum 921.13 uirib. 922.21 iota legis 924
20 etiam ipsius 925.3 uir hominum 926.15 iustum 937.16
illam non 931.7 Quando ad 934.11 censent dari 935.5
sensum esse 938.5 Blasphema igitur 939.5 non actib. 942.
13 à Christo 946.12 adherent 948. 8 praeter.

IN EXAMEN PRI- MAE PARTIS DECRETORVM Concilij Tridentini,

PRAEFATIO.



Fortius iam annus est, cum prae-
cipua capita doctrinae Iesuitarum,
ex quadam ipsorum censura an-
notata, lectoribus tanquam in bre-
ui tabella inspicienda proposui:
hoc consilio, ut secta illa, quae nuper admodum in per-
niciem Ecclesiarum, quae puram Euangelij doctri-
nam amplectuntur, à Pontifice Romano creata es-
se scribitur, nota redderetur nostris Ecclesiis non
de nomine, nec ex uestitu tantum, sed sicut Christus
Ioan. 10. uerum pastorem ab alieno discernendum
docet, ex uoce doctrinae, qualis illa sit quam profi-
teantur et circumferant. Et sine longiori explica-
tione, nuda tantum capita recitavi, ut praebere oc-
casionem, ut ipsi plenius se explicarent, sed ex to-
ta illa factione, seu conspiratione, quam societatem
ipsi uocant, nullus hactenus in arenam illam descen-
dere uoluit: quibus uero de causis certamen illud
tam pertinaciter declinarint, homines non prorsus
stupidi facile diuinare possunt. Ne tamen quod ui-
tio uerti posset, omnino taceret, conductitum quen-

2 EXAMEN DECRETORVM

dam emissarium, missellum sanè Ecebolū, IOAN-
NEM ALBERVM ex schola Ingolstadiensī
extruserunt: qui personatus, fabulam illam Ger-
manico scripto, tāquam in scena tam ridiculè egit,
ut uix ingressus protasin, cum à longinquo specta-
ret fabulæ epitasin, abiecta persona ex theatro se
proriperet: facta prius spectatoribus spe, subsecu-
turum mox alium comædum, qui reliquas fabulæ
partes, si non felicius, splendidius saltem pertexe-
ret. Tandem ex synodo Tridentina orator magni-
loquus, Iesuitarum fabulam acturus prodijt, IACO-
BUS PAYVA Andradius Lusitanus: qui in Episto-
la nuncupatoria illos quorum autoritas in conci-
lio Tridentino præcipua fuit, sibi hortatores fuisse
narrat, ut libellum meum de Iesuitarum Theolo-
gia profligandum susciperet, eo quòd multorū ser-
mone intellexissent Patres nō sine applausu et gra-
tulatione nostrorū illas meas chartas exceptas fuis-
se. Ita ille. Ego uerò inde colligo, non tam Iesuitarū
rationem habitam fuisse à patribus Concilij, quàm
quòd per Andradium, tanquam idoneum Concilij
interpretem, uoluerint explicationes decretorum
suorum inter homines spargere: id quod etiam ti-
tulus, orthodoxarū explicationum de controuersis
religionis capitib. non obscure indicare uidetur.
Non igitur cum Iesuitis, qui certamen pertinaci-
ter defugiunt, sed cum hoc argumento Andradij
mihi iam res erit. Cū enim duo in libello meo pro-
posuissem,

CONCILII TRIDENTINI.

posuiffem, de origine & theologia Iefuitarum, Ingolftadienfis quidam procurator Ioannes Alberus multa conabatur mitigare, & aliter interpretari in Iefuitarum theologia. Sed Andradius illam totam, & totaliter talis qualis eſt, non tantum ſar- tam teſtam conſeruare conatur: ſed ne inferior i- pſis uideatur, non contemnendo maioris impuden- tia cumulo, illam amplificat, additis paradoxis multo tetrrioribus: ut ſanè Iefuitarum cauſe in to- to orbe habitabili, patronus magis idoneus ex- quiri non potuiſſet quàm Andradius. Maneat igitur Iefuitarum theologia talis qualis eſt, donec ipſi eam auctam & recognitam rurfus extrudant.

De prima uerò origine, inſtitutiõe & antiqui- tate ſectæ Iefuitarum, ſiue forſan creationem ipſi uocari malint, quedā quæ ex Andradij narratione didici hoc loco adiſciam: ut Iefuitas, priuſquam tra- ctationem alterius argumenti ingrediār, placatos & propitios bona cum gratia à me dimittā: ſi for- ſan, quod de ipſorum ſanctitate ſuſpicari non de- cet, antea offenſi fuiſſent. Et utile eſt, ueram narra- tionem de conſilio inſtitutionis huius Pontificiæ foeturæ extare & notam eſſe. Ego quidem fateor, me hætenus nihil certi potuiſſe ex ſcriptorib. no- ſtri temporis cognoscere: & cognitionem rei ad- modum recentis, antiquitatis monumenta nihil conferunt. Illorū igitur quas habere potui annota- tiones ſecutus ſum: ſed audio, iam inter tot & tam

4 EXAMEN DECRETORVM

uaria examina ordinum & religionum ecclesiæ
Pōtificiæ commissam esse cōfusionē Theatinorū,
qui à Paulo III. originem habēt: & Iesuitarum,
quorum fœtura alios habeat autores. Vt igitur er-
ror iste, per satisfactionem fiat uenialis, narratio-
nem de origine & ratione institutionis Iesuitarū,
ex grandiloquis Andradij progymnasmatīs, sim-
pliciter & breuiter hoc loco repetā. Miles qui-
dam Ignatius Layola, in obsidione arcis Pompeio-
politane, altero crure bombardæ ictu laeso, in alte-
tero grauissimo uulnere accepto, postea domo pa-
tria, & quas habebat facultatibus desertis, no-
uam inire uitæ austeritatem & humilitatem con-
stituit. Quia uerò ad illam uitæ rationem, quam
inire cogitabat, literarum cognitionem plurimum
conducere intelligebat, Lutetiam Parisiorum se
contulit. ubi per decem annos in studijs uersatus,
decem nouæ suæ religionis socios sibi asciuit. Exa-
cto uerò decennio, cum nouis recentis suæ reli-
gionis sodalibus redijt in Hispaniam, anno Do-
mini 1536.

Postea anno 1537. uenerunt Romam, ut à Pon-
tifice Romano facultatem impetrarent, sacra Hie-
rosolymæ loca peragrandi. Sed cum Turcicum
cum Venetis bellum illud institutum intercepis-
set, mutato consilio constituerunt, ad docendas Ec-
clesias uitæ suæ institutum conuertere. Venetijs
igitur à legato Pontificio, septem ex illis sacris ini-
tiati

CONCILII TRIDENTINI. 5

tiati sunt accepta facultate, ut liberè ubiq; plebem docere, secretim peccatorum confessiones audire, & sacramenta administrare possent.

Anno 1540, intercedente Cardinali Contarino, à Paulo III. petierunt, ut uita illius institutum Pontificia autoritate cōfirmaret. Qui addita hac cautione, illud ratum habuit, ne plures quàm 60 uiri, ad eam societatem ascriberentur. Sed cum postea animaduernerent, illam uita rationem, ad restituendam & resarciendam nutantem & labascentem Pontificiam ecclesiam, præ cæteris ordinibus maximè idoneam esse, 1543. anno decreuit, ne ullis uel locorum terminis, uel personarum numero, societas hæc nomine Iesu insignita, circumscriberetur. Rationem uerò institutionis hanc de scripto recitat Andradius: Quicumque in societate nostra uult militare, & soli Domino, atque Romano pontifici, eius in terris uicario seruire, post solenne perpetuæ castitatis uotum, proponat sibi in animo, se partem esse societatis, ad hoc potissimum institutæ, ut ad fidei propagationem, per publicas prædicationes, & nominatim per puero- rum ac rudium in Christianismo institutionem, ac fidelium in confessionibus audiendis consolationē præcipuè intendat, &c.

Sub idem tempus Ignatius ille considerans Germaniam, quæ à Pontificia sede descuerat, non aliter posse sub iugum Pontificium detrahi, quàm per

EXAMEN DECRETORVM

concionatores ad hoc idoneos : aliquos igitur
 suis sodalibus in Germaniam emisit. Quia cum fa-
 cto periculo ostēdissent, se Ecclesie Germaniae sua
 hypocrisi plus nocere, quam posse, seu uelle, quā re-
 liquas omnes Ecclesias Monachorum religiones: Io-
 annes Toronius cardinalis, qui in proxima Tri-
 dentina synodo legatus fuit Pontificis, & concilij
 praeses, consilium cōmunicauit cum Ignatio, quan-
 to usui esse posset ecclesiae Pontificiae, si Romae am-
 plissimum collegium construeretur, in quo maxi-
 ma Germanorum adolescentium multitudo, in bo-
 nis literis & religione, sumptibus Pontificis in-
 stitueretur : ut tandem in patriam redeuntes, col-
 lapsam & conculcatā Pontificiam religionem,
 ibi instaurare aliqua ex parte possent. Et illud o-
 pus aggressi sunt Iesuitae, anno Domini 1553, ex-
 tracto tali collegio Romae, non procul à Iesuita-
 rum collegio. Illos uerò adolescentes, narrat An-
 dradius assumi in illud collegium, non ut coopten-
 tur tandem in ordinem Iesuitarum: sed ait, Iesuitas
 tantum alendi illos, moderandi & instituendi cu-
 ram gerere : & ad hunc laborem suscipiendum,
 solum salutis Germaniae desiderio fuisse incita-
 tos : ut scilicet istos emissarios Germania ad gre-
 nium, uel si hoc ninium est, ad oscula pedum Ro-
 mani Pontificis paulatim reduceretur. De hac Ie-
 suitarum techna, Andradius tam bene sibi suisq;
 ominatur, quod inquit : Non dubito, quin ho-

CONCILII TRIDENTINI. 7

rum adolescentium opera & diligentia Germania præreptam sibi fidei (scilicet Pontificiæ) lucem aliquando recuperet, &c.

Et hoc est quod in libello meo antea dixeram, sectam Iesuitarum potissimum in perniciem ecclesiarum Germaniæ creatam esse. Id uerò Ioannes Alber Ingolstadiensis, per inficiationem fortiter conabatur amoliri. Sed gratias agimus Andrædio, qui totam rationem institutionis huius sectæ simpliciter & planè sine dissimulatione nobis exposuit: ut iam non opus sit, uel ex rumoribus, uel ex coniecturis diuinare, quo consilio Romana sedes nouam hanc foeturam postremis huius mundi temporibus, orbi obtruserit. Hanc igitur narrationem, exordio huius scripti insere-re uolui, ut Iesuitas aliqua cum gratia à me dimitterem. In hac enim responsione, non constitui cum ipsis qui publicum prodire uerentur, agere: sed cum Andrædij argumento mihi res erit. Cum enim hætenus uarijs artificijs rem suam tentarint & egerint Pontificij: iam post emissâ ex Tridento anathematum fulmina, submiserunt hominem, in quo grande & picturatum genus dicendi cum acerba & superba maledicentia, ex æquo certaret: si hac forsân ratione, Germanorum simplicitas posset, uel fascinari, uel Panico terrore ab agnita uerbi diuini ueritate proturbari. Video enim Andrædium

8 EXAMEN DECRETORVM

cum in exordijs altissimè repetitis, & in argum-
tationibus cum supercilio propositis, nescio quid
parturire putetur: nihil tamen aliud præstare,
quàm quod reliquorū qui hætenus Pontificiæ tur-
pitudinis patroni fuerunt, fumos iamdudum luce
Scripturæ discussos, acerba sua & superciliosè ar-
roganti grandiloquentia, uenditare nequicquam sa-
tagit. Inter legendum enim, subinde ueniebat in
mentem, id quod Ireneus inquit: Inflatum cum sa-
percilio incedit, gallinacei elationem habens. Et
quod Poeta canit:

Quid feret hic tanto dignum promissor hiatus?
Proijcit ampullas & sesquipedalia uerba, &c.

Multas autem & graues habui causas, quòd uolui
respōsionem aliquam Andradij opponere, cum ad
hoc certamen tam superbè, & quidem satis contu-
meliosè me prouocet. Accedit, quòd in decem illis
Andradij libris, multa ita posita sunt, quòd tracta-
tio illorum non potest non utiliter multa monere.
Ne uerò Lectorem odiosa repetitione, & molesta
refutatione maledictorū Andradij inutiliter fati-
garem: cogitavi respōsionē potius de rebus ipsis
instituēdā esse, ut ita aliquid utilitatis ex illa cōcen-
tatione ad Ecclesiā, Deo bene iuuante redire pos-
set. Et existimo, materiā respōsionis diuinitus mihi
oblatam & monstratam esse. Andradius enim præ-
cipuam personam in deliberationibus synodi Tri-
dentinæ sustinuit, & in ipso cōcilio libros suos ad-
uersus

uersus me conscripsit: idq; hortatu & impulsu illorum, quorum consilia, patres cōcilij, uelut ex Apollinis Pythij, quod in fabulis est, oraculo edita cōplexi sunt. hæc enim sunt ipsius uerba. Multa etiam in decretis Concilij inuoluta, quæ inter legendum uix aliquis suspicari posset, satis crasse explicat: sicut suis locis monstrabitur. Cum igitur eodem ferme tempore, maledicta Andradij et decreta concilij Tridentini accepissem: non dubitavi monstratam mihi esse uiam, quomodo instituenda esset responsio. Decreta enim synodi, breuiter & nudò proposita sunt: quæ uerò fuerint deliberationes, ex quibus fundamentis & fontibus factæ decisiones, quo artificio fabricata decreta, quem habeant sensum & finem, Andradij explicationes aliquo modo ostendent. Is enim Tridenti perstitit, quousque tandem concilium perfectum & absolutum fuit: & ibi in medijs concilij actionibus, explicationes suas confecit. Et sicut in sessionibus sub Pio IIII. omnibus deliberationibus, si non præfuit, at certè interfuit: ita sine dubio, illa etiam quæ in præcedentibus sessionibus agitata fuerūt, explorata habuit. Si igitur Andradij explicationes ad decreta Concilij, & utrumq; ad regulam Scripturæ contulero & examinauero: ex illa tractatione constituetur & prodibit Examen decretorū concilij Tridentini: quod aliquo cū fructu Lectoris fieri posse arbitror. Atque hac ratione iudico, me cōmodissime simul ad-

uersario meo Andradio posse respondere, & macula illas quas maledictis suis, non tam mee quam Ecclesiarum nostrarum uesti aspergit, abstergere & eluere. Quod si Lector uiderit, me singula non esse persecutum iusta explicatione: meminerit, me examentatum, ea occasione quam ab Andradio mihi datam esse dixi, instituisse. Nec indignetur Andradius, quod pleraque eius maledicta non iudicari digna esse responsione: cum de rebus ipsis potissimum instituta sit haec nostra συζητησις.

Nolo autem hoc loco illa repetere, quae hoc anno a nostris, editis publicis scriptis, toti orbi demonstrata sunt, propter quas causas Tridentinum concilium non agnoscat pro uero, legitimo, libero & Christiano: sed intra metas examinis orationem continebo. Et illa potissimum decreta examinanda proponam, quae dogmata de quibus hoc tempore controuertitur, completuntur. Quae enim de reformatione fabulantur, in fine ita subiiciunt Pontificis arbitrio, ut illa non serio: sed, quod dicitur, pro forma tractata fuisse significant.

Est quidem conciliorum saluberrima autoritas in Ecclesia, sicut Augustinus recte inquit, si scilicet secundum regulam et normam sacrae Scripturae iudicet: & quando sententiam suam ex certis & perspicuis Scripturae testimonijs probant, debet illis Ecclesia, tamquam uoci coelesti, summa cum reuerentia obediencia. Tunc enim locum habet id quod Christus dicit: Qui uos audit, me audit: & qui uos spernit, me spernit.

Sed

CONCILII TRIDENTINI. 61

Sed nudus Concilij titulus exauditus, non debet nos statim tanquam caput Gorgonis in saxa, trücos & stipites cöuertere, ut quæuis decreta sine examine, sine inquisitione & dijudicatione temerè amplectamur. Scriptum enim affirmat, esse quædam concilia malignantium, Psal. 22. quædam uanitatis, Psal. 26. quædam impiorum, Psal. 1. quorum cathedram Ieremias cap. 15. ex Psalmo uocat confessum **וְיִי** qui à ludificatoria interpretatione nomen habent: qualia fuerunt impiorum pontificum & sacerdotü concilia, cötra Micheam, Ieremiam, contra Christum & Apostolos. Habemus autè seuerissima mandata Dei, 1. Io. 4. Nolite omni spiritui credere: sed probate spiritus, num ex Deo sint, quoniam multi pseudoprophetae exierunt in mundum.

1. Tess. 5. Omnia probate, & eius quod bonum fuerit, tenaces estote.

Matth. 7. Attendite à pseudoprophetis, &c.

Rectè igitur fit, & ex mandato Dei necessario hoc faciendum est, ut decreta conciliorum exigantur ad normam sacrae Scripturae, sicut Hieronymi sententia habet: Spiritus sancti doctrina est, quæ Canonicis literis prodita est, cötra quã si quid statuerant cöcilia, nephas duco. De re enim magna, & cöplectènte salutè animarü agitur. Et tyränis est uerè Pötificia, postulare, ut sine examine, sine inquisitione et dijudicatione, simpliciter assentiamur nudis decretis cöcilij Tridentini: in quo idè fuit actor, reus et iudex.

12 EXAMEN DECRETORVM

iudex: in cuius exordio, Scriptura canonica ex gradu suo proturbatur, ne sola sit regula & norma iudicij. Iactitāt quidem Pontificij, legem Martiani Imperatoris C. de summa Trinitate & fide catholica: Ne quis in synodo semel iudicata & rectē disposita, disputando reuoluat tumultus, aut perfidie occasionem inde querens: sed religiosissimus Imperator nullo modo uoluit infinitam licentiam quiduis, extra, prater & contra uerbum Dei fingendi & statuendi, concilij concedere. Nec libertatem iudicandi, & diligentia omnia probādi, à Deo Ecclesie concessam & mandatam suo decreto uoluisse abrogare & tollere putandus est. Dicit enim, quæ rectē disposita sunt, nō esse disputationibus reuoluenda. Et in actis concilij Chalcedonēsis, ubi integrum Martiani decretū ponitur, hæc extant eius uerba: Cesset iam prophana cōtentio: quisquis enim post ueritatem repertam aliquid ulterius discutit, mendacium querit. Inter nos uerò ardua illa questio controuertitur, An ea quæ in synodo Tridentina iudicata sunt, rectē sint disposita? An de controuersijs horum temporum, ueritas ibi sit reperta? Et his disputationibus non querimus tumultus, aut perfidie occasionem, quod Imperator Martianus rectē prohibuit: sed sine seditione, sine armis, sola uoce doctrinæ, iuxta normam Scripturæ diuinitus patefactæ inquirimus, ne à uera uiuifica fide, quam Augustinus ex Scripturis canonicis cōceptam esse dicit,

dicat, prætextu synodi ad perfidiam traditionū humanarum abducamur. Hanc inquisitionem uoce diuina Ecclesie concessam & mandatam, nulla creatura, uel debet uel potest inhibere, aut damnare. Et si aduersarius meus Andradius, quæ est superbia & acerbitate, hoc ipsum institutum examinandi decreta synodi Tridentinæ damnauerit: ipso facto ostendet, quàm intolerabili tyrannide Ecclesiam premere, & fidei dominari conentur Pontificij. Si concilium Tridentinum decreta sua rectè disposuit, si ueritas ibi reperta est: non timebit sibi ab inquisitione, quæ ex Scriptura instituitur, nec ægrè illam feret. Veritas enim non fugit lucem, & eloquia Domini munda sunt, quæ non uerentur igne examinari, & uel septuplū probari, Psal. 12. Tertullianus in Apologetico eleganter dicit: Lex quæ probari se non uult, meritò suspecta est, & si non discussa & probata dominetur, improba est: cum nulla lex sibi soli conscientiam suæ iusticiæ debeat, sed eis à quibus obsequium expectat. Quāto uerò magis de Conciliorum decretis, in causis fidei hoc uerū est? Vetera concilia, non nuda tantū decreta, tanquā dictatoria et ἀντιστάσια Ecclesijs obtruserūt: sed editis integris actionibus & iustis disputationibus, simul ostenderunt, ex quibus fontibus & fundamentis falsa damnassent, & uera confirmassent: ut diiudicatio Ecclesiæ esset faciliior & manifestior: sed Tridentini Areopagite nuda tantum decreta, sine
ratio,

14 EXAMEN DECRETORVM

rationibus, prætoria autoritate orbi Christiano promulgant: & mox contradicētibus, imò saltem inquirentibus, ferrum & flammam proposituri videntur. Hæc scilicet est compendiaria illa ratio, quam Canonistæ sequuntur, ut pontifex Romanus habeat uoluntatem pro ratione in his quæ uult.

Sed petimus dari nobis, uel ab inuitis, ueniam, ut libertate uoce diuina nobis concessa utamur, ne cuius spiritui credamus, sed omnia probemus: ipsi uicissim liberum est, ut in nostra, non sicut consueuerunt, epicherematis ex carnificum officinis, iuxta Hieronymi dictum petitis, sed argumentis & testimonijs Scripturæ inquirent. Quod si factum fuerit, spero fore, ut hac ratione multa mysteria ex deliberationibus synodi Tridentinæ in lucem ab aduersarijs educantur: nisi forsitan pro ratione mysteriorum occultanda & silentio tegenda iudicabuntur, iuxta dictum: Qui malè agit, odit lucem. Sed ad rem ipsam accedemus. Suprà autem, quæ sit instituti nostri ratio significatum est. Ad dogmatica igitur properantes, reliqua præambula præteribimus: nisi quod uelim Lectorem obiter huius admonitum, ut consideret, qualia fuerint principia synodi Tridentinæ.

Pontifex Paulus III. in bulla indictionis, nundinationem indulgentiarum titulo plenariæ remissionis peccatorum, gratis pro sua liberalitate proposuit illis, qui processionibus interfuerint, qui ele-

mosynant

mosynant alicui pauperi elargiti fuerint, uel qui Dominicam orationem, cum Salutatione angelica quinquies recitauerint. Mox in ipso ingressu Concilij in Litania, ubi ne uno quidem uerbulo mentio fit intercessionis Christi: pro unico mediatore Christo, omnes angelos & sanctos, mediatores, patronos & intercessores substituerunt. Subsecutus est Ambrosius Catharinus, qui in oratione in exordio Concilij habita, Christi matrem, sociam eius appellat: quæ scilicet throno eius assideat, ut gratiam nobis impetret. Alius quidam in oratione sua, uoces Euangelicas quæ soli filio Dei competunt, ad Romanum pontificem sceleratè detorquens exclamauit, Papa lux uenit in mundum: ut scilicet nullum esset dubium, inter ipsa principia synodi Tridentinæ, impleri id quod Paulus uaticinatus est, 2. Theß. 2. hominem peccati, & filium perditionis qui aduersatur & extollitur supra omne quod dicitur Deus, sedere in templo Dei, ostendentem se, tanquam sit Deus. Ex his principijs iudicari potest, qualis expectandus sit progressus & exitus. Impossibile enim est, iuxta usitatũ dictum, Quæ malo inchoata sunt principio, bono finire exitu.

Recitentur igitur decreta quartæ Sessionis
concilij Tridentini.

PRI.

16 EXAMEN DECRETORVM
PRIMVM DECRETVM QVAR-
te Sessiois, quinto Aprilis celebrate con-
cilij Tridentini, M. D. XLVI.

RECEPTIO ET NUMERA-
tio librorum sacrorum, ueteris
& noui Testamenti.

Sacro sancta œcumenica & gene-
ralis Tridentina synodus, in Spiri-
tu sancto legitimè congregata, præsi-
dentibus in ea tribus Apostolica sedis
legatis, hoc sibi ante omnia perpetuò
proponens, ut sublatis omnibus errori-
bus, puritas ipsa Euangelij in Ecclesia
conseruetur: quod promissum antè per
Prophetas in Scripturis sanctis, Domi-
nus noster Iesus Christus Dei filius, pro-
prio ore primùm promulgauit: deinde
per suos Apostolos, tanquam fontē om-
nis salutaris ueritatis, & morum disci-
plinæ, omni creaturæ prædicari iussit:
perspiciensq; hanc ueritatem & disci-
plinam

plinam cōtineri in libris scriptis, & si-
 ne scripto traditionibus, quæ ex ipsius
 Christi ore ab Apostolis acceptæ, aut ab
 ipsis Apostolis Spiritu sancto dictan-
 te, quasi per manus traditæ ad nos usq;
 peruenerunt: orthodoxorum Patrum
 exempla sequuta, omnes libros, tam ue-
 teris quàm noui Testamenti (cum utri-
 usq; unus Deus sit autor) nec non tra-
 ditiones illas, tum ad fidem, tum ad mo-
 res pertinentes, tanquam uel ore tenus
 à Christo, uel à Spiritu sancto dictatas,
 & continua successione in Ecclesia ca-
 tholica conseruatas, pari pietatis affe-
 ctu ac reuerētia suscipit ac ueneratur.
 Sacrorum uerò librorum indicē, huic
 decreto ascribendum censuit: ne cui du-
 bitatio suboriri possit, quinam sint, qui
 ab ipsa Synodo suscipiantur. Sunt uerò
 infrà scripti Testamēti ueteris. Quinq;

18 EXAMEN DECRETORVM
libri Moysi: scilicet Genesis, Exodus, Le-
uiticus, Numeri, Deuteronomiũ. De-
inde Iosue, Iudicũ, Ruth, Quatuor Re-
gum, Paralipomenon duo, Esdra duo,
primus scilicet & secundus, qui dicitur
Nehemias: Thobias, Iudith, Esther,
Iob, Psalterium Dauidicum, centum
quingenta Psalmorum: Parabola
Salomonis, Ecclesiastes, Canticum Can-
ticorum, Sapientia, Ecclesiasticus, E-
saïas, Hieremias, Baruch, Ezechiel,
Daniel, duodecim Prophetæ minores,
scilicet Osee, Ioel, Amos, Abdias, Mi-
cheas, Nahum, Habacuc, Sophonias,
Aggeus, Zacharias, Malachias: Duo
Macchabæorum, primus scilicet & se-
cundus. Testamenti noui. Quatuor
Euangelia, secundum Matthæum,
Marcum, Lucam & Iohannem. A-
cta Apostolorum à Luca euangelista
con-

conscripta: quatuordecim Epistola beati Pauli apostoli, scilicet ad Romanos, ad Corinthios dua, ad Galatas, ad Ephesios, ad Philipenses, ad Colossenses, ad Thessalonicenses dua, ad Timotheum dua, ad Titum, ad Philemonē, ad Hebraeos. Petri apostoli dua, Iohannis apostoli tres, Iacobi apostoli una, una Iudae apostoli: Apocalypsis Iohannis apostoli.

Si quis autem libros ipsos integros, cum omnibus suis partibus, prout in Ecclesia catholica legi consueuerūt, & in ueteri uulgata Latina editione habentur, pro sacris & canonicis non susceperit, & traditiones praedictas sciens & prudens contempserit, anathema sit.

Omnes itaq; intelligant, quo ordine & uia ipsa synodus, post iactum fidei confessionis fundamentum, sit progressura: & quibus potissimum testimonijs

20 EXAMEN DECRETORVM

ac præsijs, in confirmandis dogmatibus, & instaurandis in Ecclesia moribus sit usura.

SECUNDVM DECRETVM

quartæ Sesionis.

RECEPTIO VVLGATÆ EDI

tionis, & modus interpretandi

& imprimendi sacram

Scripturam.

INsuper eadem sacrosancta Synodus considerans, non parũ utilitatis accedere posse Ecclesie Dei, si ex multis Latinis editionibus quæ circũferuntur sacrorum librorũ, quæ nam authentica habenda sit, innotescat: statuit & declarat, ut hæc ipsa uetus & uulgata editio, quæ longo tot seculorũ usu in Ecclesia ipsa probata est, in publicis lectionibus, disputationibus, prædicationibus, aut expositionibus, pro authentica habeatur:

beaturn: & quòd eã nemo reijcere quouis prætextu audeat uel præsumat.

Canon alius.

Præterea ad coercenda petulãtia ingenia, decreuit ut nemo sua prudentia innixus, in rebus fidei et morũ, ad ædificationẽ doctrinæ Christianæ pertinentiũ, sacram Scripturã ad suos sensus cõtorqueat: aut cõtra eum sensum quem tenuit & tenet sancta mater Ecclesia, cuius est iudicare de uero sensu et interpretatione sanctarũ Scripturarũ, aut etiam cõtra unanimum consensum Patrum, ipsam Scripturã sacrã interpretari audeat: etiamsi huiusmodi interpretationes, nullo unquã tempore in lucem edendæ forent. Qui contrà uenerint, per ordinarios declarentur, & pœnis à iure statutis puniantur.

EXAMEN DECRETORVM Examen.

Et res ipsa, & totius orbis Christiani iustissimæ querelæ à multis annis clamitant, in Ecclesia pontificia multum errorum in doctrinam, & uarios abusus in ritus Ecclesiasticos irrepsisse. Multorum igitur uotis sæpe expetitum, & diu expectatum fuit uerum, legitimum, liberum & Christianum concilium, in quo uera medicina his tantis malis adferretur, idq; ex Scriptura: quam Basilius, in principium primi Psalmi, à Spiritu sancto conscriptam esse ait, ut sit communis medica animarum officina.

Et in prima sessione Pontifex per suos legatos significauit, Tridenti apertam esse synodum (sicut ipsi loquuntur) quam sibi hoc propositum habere fingunt, ut sublatis omnibus erroribus, puritas ipsa Euangelij, in Ecclesia conseruetur. Bona sane sunt uerba.

Constituit autem synodus in principio, quibus potissimum testimonijs & præsijs, in extirpandis hæresibus, & confirmandis dogmatibus uti uelit. fit & hoc rectè exemplo, & more purioris antiquitatis. Cusanus enim de forma ueterum universalium Synodorum, dicit morem fuisse, ut sacra Euāgelia ponerentur in medio synodi: ut admoneretur, quibus præsijs & armis contra errores, pro ueritate dogmatum in consilijs pugnandum esset. Quod non alijs etiam de religione disputationibus

CONCILII TRIDENTINI

bus solitum fieri, Augustinus scribit Epistola 63.

Et nota est Constantini Magni memorabilis sententia, quæ ipse Nicenam synodum aperuit (sicut nunc loquuntur Pontificij) Evangelici, inquit: Libri sunt & Apostolici, antiquorumq; Prophetarum oracula: quæ nos manifestè instruunt, quid sentiendum sit de rebus diuinis. Suscipiamus igitur ex sermonibus diuinitus inspiratis, questionum solutionem.

Tridentina igitur synodus, quibuscumque præsidij in confirmandis dogmatibus constituit se usuram? Num Spiritus sancti doctrina, quæ literis canonicis, sicut Hieronymus inquit, prodita est?

Nequaquam, inquiunt: Scriptura sola regula & norma erit nostri iudicij: sed, Primò Traditiones, quæ sine scripto, tantum ex consuetudine longi temporis probationem habent, pari pietatis affectu ac reuerentia, sicut ipsam Scripturam, suscipiendæ & uenerandæ constituunt. Secundò discrimen inter libros Scripturæ canonicos & apocryphos, quod totius ueræ & purioris antiquitatis testimonia habet, conuellunt, abrogant & tollunt: ut ad confirmationem Ecclesiasticorum dogmatum, par & eadem sit autoritas librorum canonicorum & apocryphorum. Tertiò. Quia in ueteri uersione, ipse sensus Scripturæ sæpe non satis expressus, sæpe etiam uitio describentium deprauatus est: constituunt uulgatam illam edi-

tionem habendam pro authentica, ita ut nemo eam in disputationibus & expositionibus, quouis prætextu, etiamsi scilicet ostendatur manifestè discedere ab ipsis fontibus, audeat uel præsumat reiicere.

Quia uerò hisce etiam præsidij non satis fidūt Tridentini Patres, adiungunt Quartum, quod est fortissimū ἀντὶμα, penes se scilicet esse ius et autoritatē authenticæ interpretationis Scripturarum: hoc est, sicut Hosius de expresso uerbo Dei inquit: Si quis habeat interpretationē Romanæ ecclesiæ, etiā si nō uideat, quomodo cū textu uel cōueniat, uel pugnet, habere tamen ipsissimum uerbum Dei.

Existimas igiturne, optime Lector, Tridentinos patres ex indictione terreni sui Dei, pontificis Romani, hoc proposito conuenisse, ut si errores aliquos in ipsorum doctrina, in ritibus abusus aliquos hæere ex uerbo Dei ostensum fuerit, parati sint hæc ad normam Scripturæ canonice corrigere & emendare? Nihil minus. Hæc ipsa enim Quartæ sessionis decreta sonoram coram toto mundo edunt confessionem, Pontificios in sua Ecclesia, multa, imò pleraque talia habere, quæ Scripturæ canonice testimonijs & præsidij probare, confirmare & defendere nullo modo possunt. Ideo enim alia præsidia, extra & præter Scripturam conquirunt: ut si testimonijs Scripturæ urgeantur & oppugnentur, ne ueritati cedere cogantur, sed ad alia in hunc usum disposita præsi-

CONCILII TRIDENTINI. 25

præsidia, receptum et æquopv'etæ qualiacunq; habere possint.

Illæ uerò præsidia extra, præter, imò cōtra Scripturam, tot et tam uaria opportunis locis ita collocarunt & disposuerunt, ut manifestè significant, se hoc animo conuenisse: non ut ad normam Scripturæ aliquid corrigant, sed ut qualescūq; errores & abusus, qui hætenus ex uerbo Dei notati, reprehensi & refutati sunt, per alia præsidia, cōtra Scripturæ testimoniā prætenu aliquo retinere, defendere, & ecclesiæ ceruicibus imponere possint. Huc enim redeūt omnia illa, quæ de uarijs suis præsidijs, inter initia Synodi constituerūt. Et potuissent paucis uerbis totam rem absoluere, si tantū in ipso Synodi ingressu professi essent, se simpliciter præsentem Ecclesiæ suæ statum, qualis ille cunq; est, uelle retinere, & pertinaciter defendere: nec admissuros se, ut ex norma Scripturæ canonice aliquid, quicquid illud sit, corrigatur uel emendetur. Non igitur opus fuisset tot annorum sumptibus, nisi iudicassent, prætenu & titulo Synodi, hominibus sic esse faciendum.

Tertullianus de Resurrectione carnis, quosdam uocat Lucifugas scripturarū. Iste titulus nulli hominum generi melius conuenit, quàm congregationi Tridentinæ. Vsq; adeò enim reformidant & fugiunt lucem Scripturæ, ut uix obiter credo pallido ore, & tremulis labris, mentiōe facta Scripturæ canonice,

36 EXAMEN DECRETORVM

nonice, mox alia, & quidē uaria præsidia circumspiciant, quorum tenebris se inuoluere possint, si ad lucem Scripturæ protrahantur.

Sed singula hæc diligentius examinanda sunt. Hoc enim tempore præcipui loci communes Pontificiorum sunt: De insufficientia, obscuritate & incertitudine Scripturæ. De traditionibus, & de prætoria autoritate interpretationis. Animaduertunt enim, se ante cōgressum deuictos esse, si in hæc angustias copię ipsorum redigantur, ut nihil sit recipiendum uel credendum, quod testimonijs Scripturæ non potest ostendi & probari: utq; in illis que titulo uel Traditionum uel Patrum, uel Conciliorum prætenduntur, illud tantum quod authoritati diuinarum Scripturarū congruit, accipiat: quod uerò non congruit, eadem facilitate contemnatur qua probatur, iuxta Hieronymi dictum: uel ut (iuxta Augustini regulam) liberè cum pace illorū quorum nomina prætexuntur, respuatur.

DE SCRIPTVRA SACRA.

TRidētini patres decreta sua, sine rationibus, nuda tantū, uarijs sæpe generalitatib. inuoluta proponunt. Quòd si dignati fuissent etiā hoc publicare, ex quib. rationibus, fontib. & fundamētis decreta illa cōstituisent, faciliior esset ratio inquisitionis et dijudicationis. Sed bene res habet. Aduersarius enim meus Andradius, una cum alijs Pontificijs

CONCILII TRIDENTINI. 27

cijs scriptoribus, multa talia mysteria, siue prudentes, siue imprudentes in uulgus efferunt. Et adhibitis illorum declarationibus, ratio examinis plana erit: sicut hic locus de Scriptura, & sequēs de Traditionibus manifestē ostendet. Mentionem facit 4. hęc Sessio sacrorum librorum, satis honorificam: & uideri posset, hoc tantum uelle, unam & eādem esse doctrinam Euangelij, quam Apostoli primū uoce tradiderunt, & postea libris scriptis complexi sunt. Sed audiamus Andradium, qui secretorum Concilij gnarus est, ex quibus fundamentis & quo artificio compositum sit hoc decretum.

Scripseram, Iesuitis cū alijs Pōtificijs hoc axioma cōmune esse, quòd sacra Scriptura sit doctrina mutila, mǎc., & imperfecta, eo quòd non cōtineat omnia quę ad fidem, moresq; pię uiuēdi pertinet. Hic uerò Andradius, Lusitanico cothurno aduersus me insurgit, uociferās quā potest acerbitate, de mēdacijs et iniurijs. Et ego cū hęc legerē, mirabar, quę esset causa, quòd Andradius à cōtumeliosis illis uocibus, quas nō ignorat à multis Pōtificijs scriptorib. multo durius in sacrā Scripturā cōiectas esse, tantopere abhorreret. Cogitabā aut, forsā in synodo Tridētima coepit iam rectius & honorificentius, de autoritate Scripturę: quòd si fieret, non egrē sanē ferrē, me hoc modo mendacij argui: Attentē igitur coepi sequentia perlegere, nunquid Andradius, qui synodi pars magna fuit, sentiret & profi-

profiteretur, Doctrinam cœlestem, quæ ad fidem & pietatem uitæ necessaria est, contineri in sacra Scriptura omnem, totam, integrā & perfectam. Sed inquit, nullo modo in Scriptura est tota comprehensa. Et fatetur, me, licet mutatis uerbis, sententiam tamen eandem, quæ Iesuitarum & omnium Pontificiorum est, expressisse. Quid igitur tumultuatur? Quia, inquit, plebs cōcitari posset, si sacra Scriptura tam atrocibus & inuidiosis uerbis incessatur. Magnas igitur gratias habemus Andræ, quòd iam intelligere possumus, quare decretum synodi Tridentine, contumeliosas illas uoces, quas multis scriptores Pontificij in sacra scripturam solent euomere, noluerint usurpare: cum tamen in effectu sententiam eandem confirmare & sancire uelit: ne scilicet plebs cōcitetur, si Scriptura tam atrocibus & inuidiosis uocibus incessatur, & hæc de artificio compositionis decreti diligenter obseruentur.

Audiamus porro, quis sit sensus huius decreti de Scriptura, quæ rationes agitatae fuerint in deliberationibus, cum decretum illud fabricandū esset. Andræ, inquit, cum Christus fragilitati memorie, Euangelio scripto succurrēdum putauit, ita breue compendium literis tradi uoluit, ut pars maxima, tanquam magni precij thesaurus traditionibus, intimis Ecclesiæ uisceribus infixis, relicta fuerit. Et ex 31. capite Ieremiæ (quod ipsi cum alijs Pontifi-

Pontificijs scriptoribus commune est) probare cō-
tendit, doctrinæ noui Testamēti, quæ à Christo pro-
prio ore primū promulgata, & postea Spiritu
sancto dictante, ab Apostolis prædicata, & per to-
tum orbem propagata est, hanc esse proprietatem,
quæ à doctrina ueteris Instrumenti eā discerni De-
us uoluerit, ne uel tabulis lapideis comprehenda-
tur, uel calamo & atramento literis consignetur.
Addit igitur, non factum esse ex mandato Christi,
quòd Euangelistæ & Apostoli literis quædā com-
mendarint: prædicare enim iussit, non scribere. E-
go uerò hoc addo, quòd ex loco Ieremiæ, sicut à Pō-
tificijs ille tractatur, sine contradiciōe manifestissi-
mè sequitur, contra uerbum & uoluntatem Dei fa-
ctum esse, quòd uel pauca quædam de doctrina no-
ui Testamenti, calamo & atramento in literas ab
Apostolis relata sunt. Si enim uera sunt, quæ Pon-
tificij de loco Ieremiæ dicunt, uoluntas & manda-
tum Dei erit, ut simpliciter nihil de doctrina noui
Testamenti literis consignetur. nō enim dicit, par-
tim chartis, partim mentibus inscribendam esse no-
uam legē: sed iuxta ipsorū sententiam, Paulus sim-
pliciter affirmabit, non esse atramento scribendā.

Habebimus ergo sacros libros noui Testamen-
ti, sine uoluntate & mandato Christi: imò contra
uerbum, uoluntatem & mādatum Dei cōscriptos.
Conflagret licet Andradius sua acerbitate, certum
tamen est, hæc ex ipsorū fundamentis manifestissi-
mè con-

me consequi, licet alijs uerbis se inuolant: ne scilicet plebs, sicut Andradius inquit, concitetur, si tam inuidiosis uerbis Scriptura incessetur. Et ut in pauca, quæ prolixè ab ipsis disputantur, contraham: hoc est quod non ambabus tantum manibus, sed toto corpore, & omnibus neruis contendunt, Euangelistas & Apostolos nullo modo hoc consilio scripsisse, ut propter posteritatem, ea quæ ad fidem & mores pie uiuendi necessaria sunt, literis cõsignarent, ut Scriptura illa esset canon, norma & regula fidei in Ecclesia: sed fingunt longè alias causas. Andradius cum prolixè disputasset, Christum et Apostolos, per tot annos multo plura prædicasse, quàm quæ angustijs librorum noui Testamenti comprehendere potuerint: tandem concludit, multa esse credenda quæ scripta non sunt: & propterea constantem Ecclesiæ sententiam, Euangelij instar accipiendam & amplectendam esse. Pronūciat igitur normam, canonem seu regulam fidei exactissimam, non esse Scripturam, sed Ecclesiæ iudicium. Addidit etiam, in piorum moribus Euangelium multo clarius esse expressum, quàm literarum monumentis sit cõprehensum. Pighius de Eccles. Hierar. lib. 1. ca. 2. dicit, Apostolos quedam conscripsisse, non ut scripta illa præessent fidei & religioni nostræ, sed ut subessent potius. Et tandem concludit, Ecclesiæ auctoritatem, non solum non inferiorem, non solum parem, imò quodammodo & superiorem
 & notio.

CONCILII TRIDENTINI. 71

Et notio-rem esse auctoritate Scriptura. Siquidē Ec-
clesia præcipuis scripturis canonicā impartita est
authoritatē, quam nec ex se, nec ex authoribus suis
habebant. Capite 3. dicit, Apostolicas epistolas nō
Ecclesiæ catholicæ, sed pro nata occasione neces-
situdinis unius aut alterius Ecclesiarum particularium
scriptas esse: ideo nō esse opinandū, Apostolū uniuersis
suis Epistolis uoluisse cōprehēdere uniuersa no-
stræ fidei, Christianæq; doctrinæ præcepta et my-
steria. Et addit, Epistolā ad Philemonē, quia præter
deprecationē pro seruo fugitiuo nihil prorsus cōti-
net, non esse in hoc scriptā à Paulo, ut publicè lege-
retur in catholica Christi Ecclesia. In fine inquit:
Anathema sunt, quicūq; cōmuni receptæq; ab anti-
quo obseruationi et traditioni Ecclesiasticæ con-
tradicūt, tametsi nulli Scripturae uel cōtradiciūt uel
aduersentur. Cap. 4. hoc agit, in re dubia, aut que
cūq; excitata cōtrouersia, ad fidē certitudinēq; faci-
endam, magis idoneā et efficaciorē esse Ecclesiasti-
cæ traditionis auctoritatē, quā ipsas Scripturas. Ra-
tionem hāc assignat: quia clarior magis aperta, et
planē inflexibilis sit traditio: cum contrā Scriptu-
ræ plurimū frequenter obscuritatis habeant, et
se trahi accōmodariq; in diuersam, eamq; quā quis
secū antè præsumpsit, sententiā, et eludi cauta ex-
positione facillè permittant. Proinde et Scriptura-
rum certam inflexibilemq; amussim esse Eccle-
siasticæ traditionis communem sententiam. Et in
fine

32. EXAMEN DECRETORVM

sine ita concludit: Si huius doctrinæ memores fuif-
semus, hæreticos scilicet non esse informandos, uel
conuincēdos ex Scripturis (hæc enim sunt eius uer-
ba) meliore sanè loco essent res nostræ. Sed dum
ostentandi ingenij & eruditionis gratia, cum Lu-
thero in certamen descenditur Scripturarum, exci-
tatum est hoc, quod proh dolor nūc uidemus incen-
dium, &c. Et ne recitandis singulorum Pontifi-
ciorum in Sacram Scripturam contumelijs lōgior
sim, summa huc redit, sacram Scripturam non esse
canonem, normam, amussim seu regulam, ad quam
omnia quæ de rebus fidei disputantur, sint exigen-
da: idq; propter duas potissimū causas. 1. Quia sit
insufficiens, non complectens omnia quæ ad fidem
& uite pietatem necessaria sunt & sufficiunt.
2. Quia etiam in illis quæ complectitur, sit obscu-
ra & ambigua tanquā nasus cereus, aut quasi plu-
bea Lesbie ædificationis regula. Et propterea di-
cunt, illam esse materiam litis, non uocem iudicis:
præceptorem mutum, literā mortuā, imò occiden-
tem, &c. Eccius iuxta morē suum, uocat Euāge-
lium nigrum, & Theologiam atramentariam. In
hanc ergo sententiam intelligendum est decretum
4 sessionis Tridentinæ synodi de Scriptura. Ex An-
dradio enim iam didicimus, ex quib. rationibus &
fundamentis, decretum illud hoc modo constitu-
tum sit. Superest iam, ut illud examinemus. Affera-
mus autem ad examen illud (iuxta Augustinū) non
stateras

stateras dolosas, ubi appēdamus quod uolumus, & quomodo uolumus, pro arbitrio nostro dicentes, Hoc graue, hoc leue est: sed asseramus diuinā state-
rā de Scripturis sanctis, tāquā de thesauris Domini-
cis: & in illa quid sit grauius, appendamus: imò nō
appēdamus, sed à Domino appēsa recognoscamus.
Hæc sunt Augustini uerba cōtra Donatist. li. 2. c. 6.

Res autem seria & magna agitur. Pōtificij qui-
dem petulantiam, dissentienti libidinem, & nescio
quæ alia odiosa nomina propterea nobis tribuūt:
sed Deus qui inspector est cordiū, uidet & nouit,
nos diligentiam illam omnia probandi, ab ipso no-
bis seriō mandatam, ideo adhibere, ne quouis uēto
doctrinæ circumferamur: sed ut fides nostra cer-
tum habeat fundamentum & firmamentum. Cer-
tum enim est, mundum in sua sapientia Deum non
nouisse. 1. Corinth. 1. sed Deum ipsum se & uolun-
tatem suam, dato certo uerbo, quod ingentibus mi-
raculis confirmauit, generi humano patefecisse. Et
quidem, si uel angeli essemus, uel inter angelos uer-
saremur, nulla admodum opus esset uel sollicitudi-
ne, uel circumspeditione, ne puritas patefactæ do-
ctrinæ cœlestis uel adulteraretur, uel admittere-
tur. Sed tria ualde magna obstacula nobis obijciun-
tur. 1. Versamur in hoc mundo, cuius iudicium ē
diametro pugnat cum iudicio Spiritus sancti, in re-
bus fidei. 2. Ratio nostra extollit se contra agni-
tionem Dei: animalis enim homo non percipit ea

quæ sunt spiritus, sed stulticia sunt ei. 3. Diabolus est mendax, pater mendacij, & spiritus erroris. Et hinc fit, quod doctrina diuinitus patefacta, non semper & ubique in hoc mundo manet pura & sincera: sed sæpe deprauatur & corrumpitur, uel substitutis quæ omnino falsa sunt, uel admixto fermento, quod paulus uocat *καπηλεύειν*, sicut cauponum infusa aqua adulterant: ita enim Græci interpretes, Esaiæ 1. uerbum illud usurpant. Nec satis certum *κεῖθεν* est, si prætendatur titulus ordinarij ministerij scriptum est enim Ieremie 14. Mendacia prophete uaticinantur in nomine meo: non misi eos, non præcepi eis, neque locutus sum ad eos, dolum cordis sui uaticinantur 3. Regum 22. Egredior, & ero spiritus mendax in ore omnium Prophetarum regis, &c. Considerandum ergo est, qua ratione in tam ancipite discrimine, Deus omnibus temporibus Ecclesiæ suæ clementer prospexerit: ut certum esset, quæ doctrina ut indubitata cœlestis & diuina amplectenda esset: & qua norma quæuis corruptela, quæ fugienda essent, agnosci & dijudicari possent. Hæc autem consideratio paulo altius repetenda est: ut in historia sacra ab initio mundi obseruare possimus, quàm sæpe & uariè insidijs diaboli, mundi scandalis, & rationis petulantia, adulterata & deprauata fuerit puritas uerbi Dei: & eccontrà, quàm paterna sollicitudine Deus Ecclesiæ suæ, de restitutione

CONCILII TRIDENTINI. 55

tione & conseruatione puritatis uerbi sui contra mundi, carnis & diaboli corruptelas prospexerit. Et illas obseruationes, ad hasce nostras disputationes accommodabimus. Quod enim Pontificij fabulantur, aliam, & planè diuersam rationem conseruandæ puritatis doctrinæ cœlestis esse in nouo Testamento, ab ea qua Deus usus fuit in ueteri, postea diluemus.

DE ORIGINE, CAUSA ET VSV Scripturæ ueteris Testamenti.

TOta hæc disputatio de sacra Scriptura, uidetur mihi non posse simplicius et rectius explicari, quàm si constituatur de prima sacrae Scripturæ origine, qua occasione, propter quam causam, & in quem usum, primùm instituta & tradita sit à Deo. neque enim tempore noui Testamenti primùm cœpit: Ex primo igitur origine iudicanda est: & ita pleræq; Pōtificiorum obiectiones solidè refutabuntur. Deus igitur ab initio mundi, & ante et post lapsum, ex arcana sua sede, quæ est lux inaccessibilis, prodiens se & uolūtatem suā generi humano, dato certo uerbo, et additis manifestis miraculis patefecit: utq; doctrina illa diuinitus patefacta, uiua uoce propagari, & posteritati quasi per manus tradi posset, Deus Adamū cōstituit, ætatis illius quasi Episcopū: quē diuino testimonio, et autoritate ornatum fuisse, nō est dubiū: cui etiā tam lon-

geuam uitam Deus concessit, uti is suo testimonio,
 puritatem doctrinae caelestis à corruptelis uindica-
 ret, & suos ab assuendis peregrinis opinionibus re-
 traheret. Sed non diu post patefactionem illam,
 Cain cum suo coetu discessit à puritate uerbi Dei.
 Post mortem uerò Adami, non tantum posteritas
 Caini, uerumetiam filij Elohim, qui traditiones do-
 ctrinae caelestis acceperant, corruerunt uis suas:
 in qua corruptione, absq; dubio praecipua fuit ad-
 ulteratio uerbi Dei. ita enim Deus inquit: Non
 disceptabit Spiritus meus in homine in perpetu-
 um. Et causam addit: Quia caro sunt, & figmen-
 tum cordis humani malum est. Fuit igitur doctri-
 na caelestis in originali mundo, uiua uoce, sine
 scripto, quasi per manus tradita: sed quia cor-
 dis humani figmentum malum est, puritas uerbi
 per traditiones uiuae uocis tandem, non fideliter
 fuit conseruata, sed corrupta & adulterata, imò
 tandem planè amissa. dicit enim Deus: Non di-
 sceptabit Spiritus meus in homine in perpetuum,
 &c. Ibi uerò Deus peculiaribus reuelationibus
 ad Noe, additis stupendis in diluuiio miraculis, pu-
 ritatem doctrinae collapsam restituit, conserua-
 uit, & pleniorē eius declarationem addidit, &
 ante & post diluuium. Et Noe illis miraculis con-
 firmavit in praconem iusticiae, 2. Pet. 2. ut custos
 esset puritatis doctrinae, & illam uiua uoce per
 manus traderet posteris. Et quidem cum Noe po-
 steritas

steritas in uniuersas terras dispergeretur, electa fuerit posteritas Sem, cuius custodia traditio doctrinae coelestis commendaretur. Considera autem, quam bene & fideliter traditio doctrinae coelestis in illa familia, quae tunc titulum uerae Ecclesiae gerebat, uiua uoce conseruata fuerit. A cōfusione enim linguarum usq; ad Thare, cum gigneret Abraham, nondū ducenti anni transierant: & seruierunt dijs alienis Thare pater Abraham, & Nahor, Iosue 24. Non autem in uniuersum abiecerunt & proculcarunt traditionem uerae doctrinae, sed admixto fermento eam corruperunt & adulterarunt, sicut historia Laban postea ostēdit. Modicum autem fermenti, iuxta Paulū, totam massam corrumpit. Haec obseruanda sunt, ut consideretur, quam lubricam & incertam custodiam & conseruationem doctrinae noui Testamenti, Pontificij constituent, in traditionibus sine scripto: cum quidem non habeamus nunc promissiones de nouis & peculiari-
bus reuelationibus, quales tunc fuerunt. Nunc sunt postrema & delira tempora senectutis mundi: & postulatur, ut fundamentum doctrinae coelestis in traditionibus, quales illae in hominum animis sine scripto conseruantur, constituamus: cum Scriptura nobis ostendat, quam incerta fuerit custodia uerbi Dei, per traditiones in animis hominum seruatas, primis illis uiuidis, puerilibus & florentissimis mundi temporibus.

Deus igitur tūc, cum traditiones adulterate essent & deprauatae, iterū per peculiare reuelationes Abrahae factas, puritatem doctrinae suae instaurauit: quam plenius etiā declarauit, & Abrahamiū Prophetam instituit. Gen. 20. Sequētib; etiā temporibus, immediate cum Isaac & Iacob locutus, instauratam doctrinae suae sinceritatem cōfirmauit. Iacob uerò moriturus, depositum illud filiis suis, tanquā in testamento relictum, diligēter quasi per manus posteris tradendū & cōseruandum, cōmendauit. Et quamdiu duodecim Patriarchae filij Iacob superstites fuerint, traditionem illā sane doctrinae incorruptam seruata esse, uerisimile est. Sed à morte filiorum Iacob, usq; ad exitū ex Aegypto, ultra centum non multi anni intercesserūt. Quā certō aut & fideliter, intra tā breue tēporis spaciū, puritas doctrinae per traditiones cōseruata fuerit, Ezechiel ostendit cap. 20. ubi Deus inquit: Dixi ad eos: Vnusquisq; offensiones oculorū suorū abijciat. Et irritauerunt me. Vnusquisq; offensiones oculorum suorum non proiecit, nec Idola Aegypti reliquerunt: & dixi, ut implerē iram meā in eis, in medio terrae Aegypti, &c. Ibi uerò sicut antea etiam, cum traditio non cōseruasset depositum illud Deus peculiaribus reuelationibus, additis multis stupendis miraculis, puritatem doctrinae suae per Moysen, ad ueteres fontes Patriarcharū reuocauit: id quod scriptio libri Genesim manifeste ostendit.

Breuius

Breuius quàm pro rerum amplitudine, cõplexus sum historiam annorum ab initio mundi bis mille quadringentorũ & quinquagintaquatuor: in quibus doctrina cœlestis, uoce diuina patefacta, fuit propagata & per manus tradita, siue Scriptura diuinitus inspirata, sola uiua uoce, ab ijs qui cœlestibus reuelationibus, at alijs testimonijs diuinitus ad hoc constituti & confirmati fuerant. Ostendimus autem, quàm parum fideliter traditio illa, quæ à Patriarchis accepta erat, retenta & conseruata fuerit à posteris. sepius enim corruptam, adulteratã & deprauatam fuisse, Scriptura ostendit, ab ijs qui traditiones illas à patribus acceptas conseruare, propagare, & alijs per manus tradere debebant. Qualis igitur sit custodia & conseruatio doctrinæ cœlestis, per traditiones apud posteritatem, exempla illa ostendunt. Visum autẽ tunc Deo fuit, per nouas subinde & peculiare reuelationes, puritatem uerbi sui, quando per traditiones adulterari cœperat, instaurare, confirmare, propagare & cõseruare. Quare uerò illa, & non alia ratione tunc uti uoluerit, nostrum non est curiosius inquirere. neque enim omnium operum suorum rationes Deus nobis reddere tenetur.

Sed hoc dignum est cõsideratione, Cum per traditiones puritas doctrinæ nõ cõseruaretur, et Deus nõ uellet amplius illa ratione uti ut exortis corruptelis per nouas subinde & peculiare reuelatiões

repeteret, instauraret & conseruaret puritatem eius doctrine, quæ ab initio mundi Patriarchis patefacta & tradita fuerat: dignum inquam est obseruatione, quam aliam rationem tempore Moyses ipse instituerit & ostenderit: ut scilicet scriptis, diuina autoritate & testimonio approbatis & confirmatis, puritas doctrine cœlestis propagaretur & conseruaretur: ne questionibus aut controuersijs de ueteri genuina & pura Patriarcharum doctrina exortis, semper quærendæ & expectandæ essent nouæ & peculiare reuelationes. Illa uerò historia diligenter consideranda est. Vtiliter enim illustrabit & explicabit præsentem controuersiam de sacra Scriptura, mōstrata prima eius origine. Ostendit autem historia, quod iudico præcipuè esse obseruandum, Deum non tantum instituisse, sed ipsum suo facto & exemplo, cum primus uerba Decalogi scripsit, initiassè, dedicassè & consecrassè, uiam illam & rationem, ut per Scripturas diuinitus inspiratas conseruetur & retineatur doctrine cœlestis puritas, ita prima origo sacre Scripturæ, Deū ipsum habebit autorem. Loquimur aut de Scripturis diuinitus inspiratis. Nihil igitur disputabimus de illis quæ Iosephus ante diluuiū columnis incisa fuisse refert. Nec apocrypha scripta Henoch huc pertinent, de quibus Hilarius in Psalmo 132 inquit: Quæ libro legis non continentur, ne nosse quidem debemus.

Sunt

Sunt qui opinantur, Moysen historiam Iob, apud Iethro socerum suum in terra Madian reperisse, & illam secum attulisse ad filios Israel in Aegyptum, ut exemplo Iob, oppressiones Pharaonis patienter discerent ferre: sed hoc dicitur sine certis testimonijs & argumentis. Iudei fabulantur, librum Genesis à Moysse conscriptum fuisse, priusquam Deus uerba Decalogi scriberet: propterea quòd Exodi 24. sit mentio uoluminis fœderis, ante allatas tabulas Decalogi. Sed non animaduertunt, multa per anticipationem, seu per ὕστερον πρότερον in historia sacra dici. uolumem enim illud, cuius mentio sit Exod. 24. fuit liber ueteris Testamenti, quod Deus in monte Sina pepigit cū filijs Israel: sicut manifeste scriptum est Heb. 9. Sed Exod. 34. cū Deus uerba Decalogi scriberet in tabulis, Moyses nondum scripserat uolumen fœderis, sed tunc primū accipit mandatum scribendi. Nullum igitur dubium est, quæ Exod. 24. de descriptione & dedicatione uoluminis fœderis referuntur, gesta esse postea, quæ Exod. 34. describuntur: ita ut Deus Decalogum prius scripserit in tabulis, quàm Moyses suos libros conscriberet. Non ignoro, uaria disputari de libro bellorum Domini, cuius Moyses mentionem facit Num. 21. Utitur enim futuro tempore: Dicetur in libro bellorum Domini, quod gestum est in mari rubro. Et quod Iosue 10. citatur liber iustorum, nō potest esse liber aliquis antediluvianus:

42 EXAMEN DECRETORVM

agitur enim de historia, quæ sub Iosua accidit. Nec iudeorum siue fabulas, siue ænigmata moror, quòd lex ante conditionem mundi scripta fuerit literis igneis, nigris in dorso ignis candidi: Neque ciuitas, quasi uniuersitas librorum apud Cananitas Iosue 15. huc pertinet. Nobis enim de libris Scripturæ diuinitus inspiratæ, quos ad posteritatem Deus peruenire & conseruari uoluit, disputatio est.

Et hæc eò recitaui, ut obseruetur ex scripturis diuinitus inspiratis, quas ad posteritatem Deus conseruari & extare uoluit, nihil scriptum fuisse ante tabulas Decalogi, Dei digitis conscriptas. Multum enim facit ad dignitatem & autoritatē sacræ Scripturæ illustrandam, quòd Deus ipse rationem comprehendendi literis doctrinā cœlestem. non tantum instituit et mādauit, sed quòd illam primus, scriptis uerbis decalogi suis digitis initiauit, dedicauit et cōsecrauit. Si enim ab hominibus primum scriptio sacrorum librorum inchoata fuisset, potuisset opponi præscriptio plusquā bis mille annorum: ubi in melioribus mūditiēporibus, & inter præstātissimos Patriarchas, sine scripto, uiua uoce tradita fuit doctrina uerbi diuini. Deus igitur ipse, suis digitis fecit initium scribēdi: ut ostēderet, quantū huic rationi, ut doctrinæ puritas ad posteritatem scriptis cōseruetur, tribuendū sit. Quòd uerò tabulas lapideas sumpsit, in quibus uerba decalogi scripsit, alia est ratio, quæ explicatur, 2 Cor. 3. Ne uerò ea quæ per homines

Dei

Dei, miraculis et testimonij diuinis ad hoc ornatos uel conscriberetur, uel conscripta comprobaretur, minoris uel nullius ad confirmationē dogmatū, et refutationē corruptelarū, autoritatis haberentur: noluit Deus ipse totā legē conscribere, sed scriptis uerbis decalogi, Moysi mādatū dedit, ut reliqua ex ore eius cōscriberet. Et ut populus Dei certus esset, Scripturā illā Moysis nō humana uoluntate allatā, sed diuinitus inspiratā esse: Deus ualde multis stupēdis miraculis testimonio Moysis autoritatē cōciliauit, et ante scriptionē, et post, et in ipsa scriptione.

Duo igitur hactenus ex uetustissima historia sacra monstrauius. I. Puritatem doctrinæ celestis, per traditiones uiuæ uocis non fuisse semper et ubiq; conseruatam, sed sæpius corruptā et adulteratam. II. Ne uerò nouis semper et peculiaribus, ad instaurandam et retinendam doctrinæ puritatem, opus esset reuelationibus, Deum sub Moysē instituisse aliam rationem: ut scilicet scripto comprehenderetur doctrina uerbi Dei. Et hæc est prima origo Scripturæ: qua monstrata, superest ut porrò consideretur, quem Scripturæ usum, quam dignitatē et autoritatem Deus ipse esse uoluerit. Et quia historia manifesta est, nuda annotatione locorū cōtēti erimus. Cōplexus est autem Moysis 4 libris, non tantum histeriā sui tēporis eductionis ex Aegypto, et quæ per quadraginta annos in deserto gesta sunt: sed præcipuum eius

44 EXAMEN DECRETORVM

eius consilium fuit, conscribere doctrinam legis, quam Deus in monte Sina in deserto, populo Israel tradidit. Præterea in primo libro complexus est capita doctrinæ & fidei Patriarcharum, quam ab initio mundi, ad sua ferme tempora, ex ipsius Dei patetificatione traditam acceperant, & professi fuerant. Et tabulas quidem Decalogi, ipsius Dei manu scriptas, in arcam foederis, quæ in loco tabernaculi sanctissimo erat, imponi Deus iussit: Moyses uero sua scripta, inspiratione diuina consignata, collocari iussit in Literæ arcæ, Deut. 31. Et eius depositi custodiam & conseruationem commendauit sacerdotibus, filiis Leui, qui portabant arcam foederis Domini, & cunctis senioribus Israel. Constituit etiam, ut Rex exemplar legis, ex illo quod coram facie sacerdotum & leuitarum erat descriptum, secum haberet, ne declinaret in partem uel dexteram uel sinistram, Deu. 17. Et mandauit, ut uulgus etiam in postibus, in ianuis, in limine, in ostijs uerba illa scriberet, Deut. 6 & 11.

Vsum etiam expressè ostendit Deu. 31. ubi præcipit, ut legatur coram toto Israel, tam uiris quam mulieribus, paruulis et aduenis, ut audientes discant, custodiant & impleant omnes sermones legis huius: filij quoque eorum qui nunc ignorant, ut audire possint, &c. Et in fine inquit: Ponite librum istum in latere arcæ foederis, ut sit tibi contra te in testimonium. Noui enim, quod post mortem meam declinabitis

bitis de uia quam praecepi uobis.

Hæc Scripturæ testimonia ostendunt, quomodo post conscriptos sacros illos libros, Ecclesia filiorū Israel fuerit columna & firmamentum ueritatis: quia scilicet ipsis concredita fuerunt eloquia Dei, Rom. 3. Non autem ita, ut uel quiduis arbitrato suo statuere, uel ut ex traditionibus non scriptis, pro fidei dogmatibus, alia & diuersa ab illis quæ conscripta erant, obtrudere possent Ecclesiæ: sed quia custodes esse debeant Scripturæ, in qua Deus sua inspiratione doctrinam cœlestem, & quæ ab initio mundi Patriarchis tradita, in Ecclesia sonuerat, & quæ Moyse patefacta fuerat, literis comprehenditur: non ut libri sancti in angulo tabernaculi sepulti iacerent, sed ita ut quærentibus aut ignorantibus, quæ doctrina Patriarchis, quæ Moyse esset diuinitus patefacta & tradita, ostenderet ex illa Scriptura, ueram, genuinam & puram doctrinæ cœlestis uocē. Et si declinassent à mandatis Dei, ut Scriptura illa esset testimoniū, Deut. 31. Ideo enim iubebat Moyses describi exēplar legis, ut esset canō, norma & regula, ne declinaretur uel in dexteram, uel in sinistram partem, Deut. 17. Et ualde illustri magnificentia, Deus illam uerbi sui custodiam ornauit & commēdauit extruptione, portatione & circumseruatione splendidissimi tabernaculi.

Adijciatur uerò et hæc observatio. Reliqua Noe posteritas per uniuersas terras dispersa, sine dubio

ex relatione maiorum, per successeſionē multa ex traditionibus patrum, licet fermeſtata retinuerat: ſicut poſteris etiā temporibus talia ueſtigia traditionū, licet ualde deprauata in gentiū religionibus deprehēſa & notata ſunt à ſcriptoribus Eccleſiaſticis. Et non eſt dubiū, ipſos cū non minus uideri uellent, habere uerbū Dei, quā filij Iſrael, magnifice poſuiſſe titulos & prætextū traditionū, ab ipſis patriarchis acceptarū. Quòd ſi tunc habuiſſent aduocatū, Andradio, Pighio, aut Lindano ſimilem ne illi contumelioſe eluſiſſent magnificū illud inſtitutū Dei, de Scriptura per Moysen tradita. Quid enim? Num ueriſimile eſt, Patriarchas & ante & poſt diluuium, quibus longiſſima uita conceſſa fuit, intra bis mille & trecentos annos uſq; ad mortē Ioseph, nō plura uerba ſeciſſe de doctrina diuinitus pateſcēta, quā quæ paucis & anguſtis illis primi libri Moysiſ paginis cōprehēſa ſunt? Atqui non minus fuit uerbum Dei, quod illi à Deo acceptum, frequētius & multo pluribus uerbis tractarūt, quā illud quod à Moysē in primo libro de doctrina & fide Patriarcharum, breuiſſimē conſcriptū eſt. Nec exiſtimandum eſt, tam parui momenti illa fuiſſe, quæ Patriarchæ plenius tractarūt, ut facile negligi poſſint: modò illa teneamus, quæ Moysēs ſcripto cōplexus. Et quid eſt, quòd noſtro tempore contra Scripturæ autoritatē, pro traditionibus à Pōtifijs aſſertur, quod non potuiſſent etiā prætereſtere poſteri

Cham & Iaphet, qui religionem suam, cum ex Scriptura non possent, titulo traditionum tuebantur. Nam & illud quod Pighius de Epistola ad Philemonem calumniatur, posset de libro Moysis dici, longè maiora mysteria fuisse in Patriarcharum doctrina, quàm quæ Moyses narrat de ouibus, de seruatorum rixis, de mulierum contentionibus, & similibus. Sed una & simplex tunc fuit responsio, uerū esse, quòd intra tā multos annos, Patriarchæ longè plura uerba fecerint de doctrina cœlesti, quàm quæ uno tam angusto libro Moysis potuerint cōprehendi. Sed ex omnibus illis quæ Patriarchæ & fecerūt, & docuerūt diuina inspiratione, illa electa esse ut cōscriberentur, quæ ad fidem et mores piè uiuendi, posteritati sufficere iudicata sunt. Et huius iudicii seu selectionis, Deū ipsum esse auctore, nullū est dubiū. quæ enim Moyses in primo capite, ante creationem hominis facta & dicta esse scribit, à nullo homine, sed ex solius Dei reuelatione cognoscere potuit. Certū igitur est, quod ne Pontificios quidē, negaturos arbitror, ea quæ de Patriarcharū doctrina & fide Deus posteritati necessaria iudicauit, cōprehensa esse scriptis Moysis. Et sanè non est dubiū, in memoria piorum hœsisse tunc adhuc narrationes quasdā, nec falsas nec uanas de sermonibus Patriarcharū. Sed illas oportuit nec cōtrarias, nec diuersas, sed consentaneas fuisse illis quæ Moyses scripsit, ita ut scriptura Moysis, regula & amussis esset, ad quā

exige-

exigerentur & examinarentur, quæcunq; de Patri archarū & Moysis doctrina dicerentur. Hanc collationem ideo institui: ostendit enim ex ipsa prima origine Scripturæ, refutationem omnium argumentorum, quæ nunc à Pontificijs pro traditionibus contra Scripturam necluntur: & quidem talem refutationem, quam ipsi admittere & usurpare coguntur, quādo de scriptis ueteris Testamenti disputatio est. Quod uerò fingūt, aliam esse rationē scriptorum noui Testamenti, postea refutabimus.

Et hæc de prima Scripturæ origine, potissimum huc pertinent. Reliqua igitur de doctrina & scriptura ueteris Testamenti, breuiter perstringemus.

Post Moysen enim Deus subinde excitauit prophetas, quorum doctrinæ & testimonio ingentibus miraculis fidem & auctoritatem conciliauit: sicut historia Eliæ & Elisæi manifestè ostendit. Et ad Iosue Deus dicit cap. 3. Hodie incipiam te exaltare coram omni Israel, ut sciant, sicut cum Moyse fui, ita & tecum sum. Illi uerò licet miraculis essent confirmati, non tamen habebant potestatem, ut de doctrina Patriarcharum & Moysis, alia diuersa aut contraria assererēt aut statuerent, quàm quæ in libris Moysis consignata erant: sed ex diuina reuelatione addebant interpretationes illustriores, prout lucifer noui Testamenti magis magisq; appropinquabat. Totius uerò suæ doctrinæ summam & capita, quantum Deus posteritati necessarium iudicabat,

bat, ipsi conscribebant: quæ conscripta, ad sacros Moysis libros, hoc est in latere arcae collocabatur. Ita enim de Iosue cap. 24. scriptum est, quòd omnia uerba sua scripserit in uolumine legis Domini, quod positum erat in latere arcae fœderis, Deu. 31. Et 1 Reg. 30. Samuel legem regni scripsit in libro & reposuit coram Domino: hoc est ubi arca fœderis erat. Esa. 30. Deus dicit propheta: Nunc ingressus scribe super tabulam, & in libro diligenter exaralud, & erit in die nouissimo usque in æternum. Et quomodo propheta soliti fuerint capita doctrine suæ, quæ Dei inspiratione ad posteritatem peruenire debebant, conscribere, colligi potest ex 2 cap. Habacuc: Scribe uisionem, & explana eam super tabulam, ut percurrat qui legerit eam. Et Esa. 8. Sume tibi librum, & scribe in eo, stylo hominis. Similia exempla extant apud Ieremiam cap. 36. 45. 51.

Et hoc modo constitutus est canon Scripturæ propheticae. Nam Ezech. 43. de pseudoprophetis dicitur: In Scriptura Israel non sribentur. Sed canone Scriptura postea dicendum erit.

Hæc narratio de temporibus prophetarum, quâ breuitatis studio obiter attingere magis quàm explicare uolui, liquidò ostendit, quàm paterna sollicitudine Deus Ecclesiæ suæ prospexerit: ut posteritas doctrinam propheticam, sine fermēto, sine adulteratione & deprauatione, genuinā, puram & sinceram habere, conseruare & propagare posset.

d Scripto

30 EXAMEN DECRETORVM

Scripto enim illam cōprehendi uoluit, ne peregrina et adulterina Ecclesiæ obtruderētur, hoc titulo, quasi à prophetis tradita & accepta essen. Quòd si obijciatur, Eſaiam in curriculo ministerij sui, per annos 80. certè plura prædicasse, quàm quæ 66. angustis illis quæ extant sectionibus, cōprehenduntur: quod idem de reliquis prophetis, quorū uel nulla planè extāt scripta, uel quæ extiterunt inter-ciderunt, plausibilis obijci potest. Et certè æquè fuit uerbum Dei, pari reuerentia amplectendum, quod prædicatum est, & quod scriptum est. Responsio autem firma & uera hæc est Quæ ex prophetarum doctrina Deus ad fidem & pietatem posteritatis necessaria iudicauit, ea conscribi curauit, & ad posteritatē cōseruauit. Hoc argumentū ideo toties repeto, ut Pontificij uideāt, quale habeāt fundamentum in suis obiectionibus. Negare enim nec possunt, nec audēt id quod uerissimū est: licet plura fuerint tradita à Patriarchis, Mose & prophetis, quàm scripta sunt: contineri tamen in Scriptura ueteris Testamēti omnia, quæ de Patriarcharū, Moysis & Prophetarum doctrina Deus necessarium iudicauit posteritatem scire. Coguntur & hoc aduersarij concedere, Quæcunq; quocunq; etiam titulo à Iudæis afferuntur, examināda et exigenda esse ad normā illius Scripturæ: ut quæ ei cōsentanea sunt, probentur: quæ uerò peregrina sunt, aut dissentiūt reprobentur. Conſtat enim de doctrina ueteris Testamenti

CONCILII TRIDENTINI. 56

stamenti nihil esse admittendum aut recipiendum, quod ex Scripturis illius non potest probari: non obstantibus quibusvis argumētis, de traditionibus. Fundamenta uerò huius uerissimæ sententiæ, monstrabunt nobis postea uiam ad refutandas & subuertendas omnes obiectiones Pontificiorū de Traditionibus. Christus enim & Apostoli in nouo Testamēto, quando allegāt prophetas aliquid dixisse, Deum locutum per os prophetarū, quando nominant sermonem propheticū, non ablegant nos ad tacitas sine scripto traditiones, sed ea quæ in Scriptura exstant, intelligūt. Lindanus, totius Pontificiæ religionis panopliā in eo cōstituit, quod Petrus dicit: Verbum Dei est, quod prædicatū est uobis. Sed Apostoli per tot annos plura prædicauerunt, quàm quæ angusto codice noui Testamenti comprehendere potuerunt. Plura ergo in nouo Testamēto sunt credenda, quàm quæ scriptis Apostolicis continentur. Sed idem & eadē etiā ratione de doctrina ueteris Testamenti dici posset. sæpius enim occurrūt in ueteri Testamento illæ uoces: Auribus nostris audiuiimus, Patres nostri nunciauerūt nobis, tradiderunt illa filiis post se, &c. Et non est dubium, multa ex concionibus & sermonibus prophetarū, in piorū animis cōseruata, & posteris communicata fuisse. Num uerò propterea, extra & præter scripturā ueteris Testamenti, fabulæ Thalmudicæ recipiendæ erunt? Nos uerò potius sequamur uerè piorum iudicium, qui

tempore prophetarum fuerunt: inde eniꝫ solutio-
nem obiectionis intelligemus.

Motis enim controuersijs, & exortis corrupte-
lis, simpliciter proposuerunt normam Scripturæ.
Ita cum tempore Achas, remoto altari Domini, &
substituto Damasceno, tristissimæ regnarent cor-
ruptelæ, quæ titulo & prætextu reuelationum pro-
ponebantur, Esaias cap. 8. simpliciter dicit. Ad le-
gem & ad testimonium, quòd si non dixerint iux-
ta uerbum, hoc nõ erit eis matutina lux. Videt &
agnoscit lector, quomodo Scriptura in ueteri Te-
stamento usurpata fuerit pro norma, canone, &
mussi, & regula certissima in controuersijs de do-
ctrina: sicut supra ex Moyse ostendimus, in hunc
usum illam conscriptam fuisse. Et Iosaphat religio-
nem collapsam, & superstitionibus contamina-
tam instauraturus, scribitur eam reuocasse ad pri-
mas uias Dauid patris sui. Sed audi, iuxta quam re-
gulam & normam corruptelæ abiecte, & puri-
tas doctrinæ patrum restituta fuerit, 2 Par. 17. Mi-
sit de principibus suis, de sacerdotibus & leuitis,
qui docerent populum in Iuda, habentes librum le-
gis Domini: & circuibant cunctas urbes Iuda, ac
erudiebant populum Ezechias etiam, corruptelas
doctrinæ & cultus diuini ab Achas inuectas elimi-
naturus, operatus est rectum & uerum coram Do-
mino iuxta legem. 2 Par. 31. & iuxta dispositionem
Dauid: siquidem Domini præceptum fuit per ma-

num prophetarum eius. Et memorabile est, cum Manasses & Ammon, populum à uera patrum religione ad idololatriam abducere uellent, librum legis Domini absconderunt, ne singulis septennijs populo prælegeretur, sicut Moyses constituerat, sub Iosia enim Helcias sacerdos librum legis Domini, qui per manum Moysis datus fuerat, inuenit in ruinis templi cum reficerentur. Et Iosias conuocatis uniuerfis senioribus, sacerdotibus, leuitis, & omni populo, à minimo usq; ad maximum, legit omnia uerba uoluminis: & percussit fœdus coram Domino, adiurauitq; omnem populum, ut facerent quæ scripta sunt in uolumine illo quod legerat. Et hæc fuit norma, iuxta quam repurgauit doctrinam & cultum templi, in hanc sententiam in historia Iudicum de corruptelis doctrinæ & cultus diuini, aliquoties scribitur: In illo tempore non erat rex in Israel, sed quisq; quod sibi rectum uidebatur faciebat. Rex enim iussus erat Deut. 17. exemplar legis diuinæ semper secum habere, in illum usum sicut de Iosaphat, Ezechia & Iosia iam dictum est. Et cum Ioas in regnum inauguratur, adhibetur ceremonia pulcherrima, 2. Par. 23. Imposito enim diademate, traditur ipsi testimonium legis, & ita ungitur in regem. Et summa, quando propheta arguit populum de corruptelis doctrinæ, dicunt discessionē factam esse à lege Domini: quæ certe Scriptura comprehensa fuit.

32. EXAMEN DECRETORVM

Illustre etiam est exemplum in Esdra, quomodo errores & abusus, qui multi irrepsent per tempora exilij, ad normam Scripturæ correxerint & emendârunt. Ex hac etiam norma Paulus coram rege Agrippa, probat se nihil falsi aut peregrini docere, Acto. 26. Nihil docens extrâ ea, quæ Moyses & prophetæ prænuñciauerunt. Abraham etiã diuitem à peculiaribus reuelationibus, mittit ad audiendum Moysen & prophetas. Et ne quis de traditionibus non scriptis hoc intelligat, Christus Lucæ 24. cum testimonia doctrinæ patrum & prophetarum, ab initio mundi proferre uellet, Scripturam interpretatur, & inquit: Ita scriptum est. Et hoc testimonium diligenter considerandum est. Ingressus iam erat Christus in gloriam suam per resurrectionem, & potuisset multa commemorare de patriarcharum & prophetarum ueteris traditionibus non scriptis: ipse enim est persona illa, quæ cum patribus locuta fuit: sed ea tantum quæ scripta sunt, assert. Voluit enim comprobare, in illis quæ de doctrina patriarcharum & prophetarum scripta sunt, cōtineri omnia quæ necessaria sunt & sufficiunt, quādo queritur, quæ fuerit doctrina & fides patriarcharum & prophetarum. Et norma illa Scripturæ ueteris Testamēti, tantæ fuit autoritatis ad probationē & confirmationē dogmatum, quod Christus ipse doctrinā suā Testimonijs Scripturæ ueteris Testamenti probare non erubescit.

Paulus

Paulus Rom. 1. confirmat se prædicare Euangelium, quod per prophetas in scripturis sanctis promissum fuit. Et Acto. 17. prædicatio Apostolorum ad Scripturas examinatur, an recte se habeat. Et hoc examen laudatur à Spiritu sancto.

Sed iam dudum præsentio, Andradium exclamaturum, peregrinam esse hanc disputationem. neque enim questionem esse de libris ueteris Testamenti, sed de scriptura noui Testamenti. Ego uerò non ignoro, quare soleant præcidere commemorationem de usu & autoritate Scripturæ ueteris Testamenti: sentiunt enim, ex nulla illa commemoratione, omnia sua argumenta quæ contra scripturam noui Testamenti cumulant, labefacturi & infringi. Et propter hanc causam paulò altius uolui repetere hanc commemorationem, de prima origine Scripturæ sacræ. Non enim in nouo Testamento ab Apostolis primum ratio illa, ut doctrina celestis literis commendetur, inuenta & instituta est: sed rationem illam acceperunt à ueteribus, & ea usi sunt propter easdem causas & in eundem usum, sicut Scriptura in prima sua origine tradita fuit. Et hoc diligenter obseruandum est.

Ostendimus igitur I. Quæ sit prima Scripturæ diuinitus inspiratæ origo, & quem primum habeat autorem. II. Qua occasione, et propter quā causam instituta fuerit Scriptura sacra: quia scilicet per traditiones nō cōse. uabatur puritas doctrinæ, sed illo

36 EXAMEN DECRETORVM

titulo & prætextu, multa peregrina & falsa admiscebantur. III. Quem Deus uoluerit usum esse Scripturæ: ut scilicet, esset norma & regula fidei & iudiciorum in controuersijs & disputationibus de religione, sicut multis exemplis probauimus. II II. Ostendimus, quòd diuina inspiratione, ex Patriarcharum & prophetarum doctrina, summaria capita electa fuerunt, quæ conscriberentur: quæ posteritati, à Deo iudicata sunt necessaria esse, et sufficere. V. Monstrauimus, quid tribuendum sit objectioni illi, contra perfectionem & sufficientiam Scripturæ ueteris Testamenti: quod scilicet frequentius, & multo pluribus uerbis, uiua uoce tradita fuerit doctrina à Patriarchis & prophetis, quàm paucis & angustis libris cõprehēdi potuerit.

Hæc capita rectè considerata, pulcherrimè illustrant disputationem de Scriptura noui Testamenti. Quòd enim Euangelistæ & Apostoli doctrinam suam scriptis comprehendi curarunt, illud sumpserunt à prima Scripturæ Origine: & inde rectissimè potest iudicari, quæ sit ratio, causa & usus Scripturæ noui Testamenti, sicut mox ostendemus. Sed prius pauca quædam annotanda sunt de origine traditionum, quæ Scripturæ, uel ut imperfectæ assuuntur, uel ut ambigæ & obscuræ opponuntur.

DE SIMILITVDINE ET AFFINIRATE traditionum Pontificiarū, cū Pharisaicis & Thalmudicis.

DE traditionibus Pontificiorum, suo loco dicemus. Sicut autem utile est, primam originem Scripturæ sacræ considerare: unumquodque enim ex sua origine rectissimè iudicatur: ita et hæc observatio multa manebit, quòd disputatio de traditionibus non scriptis, uel assuendis uel opponendis scripturæ, non recens cœpit, sed est ipsissima pa-
 noplia Iudaicæ perfidiæ, contra gladium spiritus, quod est Verbum Dei in scriptura. Fuisse autem antiquissimis etiam temporibus certamina de Scriptura & traditionibus, non est dubium: cum posterius Cham & Iaphet, religiones suas, extra & cōtra Scripturam, palliare & tueri conati fuerunt titulo & prætectu traditionum, quas à maioribus per manus se accepisse iactitarunt. Sed de ijs tantum qua manifesta sunt, breuiter dicemus. Puritatem sanæ doctrinæ uerbi Dei, apud Iudæos tempore Christi corruptam, adulteratam et deprauatam fuisse, historia Euāgelica manifestè ostēdit. Quòd si originem & causam illarum corruptelarum, cum quidem sacros libros Iudæi haberent, legerēt & interpretarentur, inquiramus, respondebit historia Euāgelica, deberi illas falsis et uanis traditionibus. Quando enim Scriptura erat manifesta,

ut de secundo & quarto præcepto, opponebāt traditiones, ita ut uerba Scripturæ inflecterent ad traditiones, & ex illis sumerēt interpretationem, hoc titulo & pretextu: Dictū est antiquis, sicut exempla extant. Matth. 5. 15. & 23. Habebant præterea multas uanas traditiones, extra & præter scripturam: quarum obseruationem, fingeabant ita necessariam, ut eam uel præferrent, uel certè æquarent mandatis Dei scriptis. Marci 7. Luc. 11. & 18. Matth. 23. &c.

Et hunc fuisse tunc fontem omnium corruptelarum in doctrina Pharisaica, filius Dei in multis locis ostendit. Vnde autem arbitraris ortam illam persuasionem de traditionibus, nisi inde, quòd iudicatum est, non omnia quæ ad fidem & uite pietatem necessaria sunt, in scriptura ueteris Testamenti comprehensa esse? Et non est dubium, multa nec uana nec falsa, ex sermonibus Patriarcharū et Prophetarum in memoria piorum, in uera antiquitate hæsisse. Sed inde apud posteros, cum facta esset inclinatio puritatis doctrinæ, orta demum est persuasio, quia Patriarchæ & Prophete plura fecissent & dixissent, quàm quæ scripta sunt: ideo præter scripturam, illa etiam quæ titulo traditionū iactabantur, pari reuerentia & pietatis affectu complectenda & ueneranda esse, licet Scripturæ non essent consentanea, uel etiam cum illa pugnarent. Et hoc bene consideretur, quæ ratione diabolus soleat

Soleat insidiari puritati doctrinae, quando Scripturam in uniuersum non potest abolere, sicut tentauit per Antiochū, 1. Machab. 1. quod scilicet specioso prætectu fingit præter Scripturam, necessaria esse etiam traditiones sine scripto: & quidem ita, ut traditiones illæ non ad Scripturam examinandæ, sed econtrà uerba Scripturæ inflectenda iudicentur ad traditiones non scriptas: cum tamen Deus propter illam ipsam causam, Ecclesiæ Scripturam in prima eius origine, sicut supra ostensum est, commendauit, ut illa esset norma & regula, ne falsa, supposititia & uana, quocunq; titulo & prætectu Ecclesiæ obtruderentur. Sed hoc consilium & institutum Dei, diabolus insidiosè apud Iudæos inuertit, specioso hoc prætectu: quod sine dubitatione illa quæ certum esset Patriarchas & Prophetas docuisse & fecisse, licet scripta non essent, digna tamen essent pari cum Scriptura authoritate. Et sub hoc prætectu, incerta & commentitia quæq;, postea inimicus ueritatis uenditauit. Vide autem cum de traditionibus extra & præter Scripturam, Christo disputatio esset cum Phariseis, potuisset facile commemorare alia & plura Patriarcharū & Prophetarū uera dicta & facta, quàm quæ scripta sunt: et potuisset illius cōmemorationis fidē, miraculis cōprobare, Et sine dubio fecisset illud, si iudicasset non omnia quæ necessaria sunt, & sufficiunt, Scripturis contineri.

Cum

60 EXAMEN DECRETORVM

Cum enim duæ essent quæstiones, 1. An de doctrina Patriarcharũ & Prophetarũ, præter ea quæ scripta sunt, aliquid aliud tãquã ex traditione uiuæ uocis profectũ & acceptũ, quod ex scriptura probari non posset, nec cũ ea cõsentaneũ esset, admittere dum esset & recipiendum, 2. An ille traditiones, quæ à Phariseis hoc titulo prætendebantur, essent ueræ? Christus non tantum ipsas traditiones Phariseorum, ut falsas & uanas refutat & abiicit: sed simpliciter deducit ipsos ad scripturam non substitutis alijs traditionibus, de doctrina ueterum, tanquam præter scripturam necessarijs & amplectendis. Et. 1. Pet. 1. Apostolus dicit: Non auro uel argento, sed pretioso sanguine agni immaculati Christi, redempti estis à uana cõseruatione quã ex patrũ traditione acceperatis. sitis igitur sancti in omni conuersatione, sicut scriptum est.

Corruptele igitur puritatis doctrinæ apud Phariseos originem habuerunt ex traditionibus, quas ut necessarias, Scripturæ partim assuebant, partim opponebant. Et Christus doctrinæ propheticæ pristinam & geminam puritatem ita restituit, quod abiectis & refutatis traditionibus, ad ipsam Scripturã & Ecclesiã deducit. Hæc ex historia Euangelica sunt manifestæ. Irenæus lib. 4. cap. 25 dicit, suo tempore extitisse legem Pharisæicam de traditionibus: ubi de scripta lege Dei quædã auferant, quædã addant, quædam ut uolunt interpretentur. Has traditiones

ditiones uocat aquatas ex 1 capite Isaia, propterea quòd puritatti uerbi & ei, admisceatur fermentũ traditionum. Et dicit ipsos fingere, illarũ traditionum obseruationem ex ipsa lege necessariam esse.

Hæc descriptio obseruetur. ostendet enim imaginem & similitudinem traditionum, quæ Pontificij Ecclesiæ obtrudunt. Nam & ipsi fingunt ex ipsa Scriptura Noui testamenti, necessariam esse etiã traditionum non scripturarum obseruationem.

Sed Andradius cum suis excipiet, de non tolleranda contumelia, quòd ipsorum traditiones cum Pharisaicis & Iudaicis componantur. Dicet enim Phariseos, & sequentes Rabinos finxisse, & comentas esse suas traditiones: Pontificiorũ uerò traditiones ab ipsis Apostolis acceptas, certa & continua Episcoporũ successione conseruatas, & per manus traditas esse, ad nostra usq; tempora. Sed Iudei nullo modo concedent, se suas traditiones sine certa authoritate, ex figmentis hominum habere. Texunt enim longam, & sine interruptione continuam successione seriem, qua traditiones ab ipso Deo traditæ, à Moysæ acceptæ, ad posteritatem bona fide propagatæ, et per manus traditæ narratur. Et nisi Thalmud prius esset conscriptam, omnino cogitarem, Rabinos artificium illud à Pötificijs mutuo sumpsisse, & ad suas traditiones accommodasse. Tanta enim est similitudo, ut utriusque cõmenti de traditionibus, & Thalmudistarũ & Pontificiorũ,

unum & eundem esse architectum & artificem, qui scilicet bono semini interspergit & admisceat zizania, dubitari non possit. Ita autem commentum suum concinnant Thalmudici. Fingunt Moysen in monte Sinai accepisse à Deo, non tantum ea quæ scripsit uerum etiam mysticam et arcanam expositionem legis: quam nec scripserit, nec scribi uoluerit, sed uiua tantum uoce eam tradiderit, & ita posteritati per manus tradendam commendauit. Et addunt, utrumq; esse uerbum Dei, pari reuerentia & pietatis affectu amplectendum & uenerandum: cum quòd Moyses scripsit, tum quòd sine scripto, uiua uoce per traditiones conseruandum & propagandum mandauit. Vide autem, quam splendidam contexant successionē, qua conseruata sit traditio illa, ne de fide eius dubitatur. Moyses, inquit, tradidit eam Heli sacerdoti, Heli Samueli Prophete, Samuel Dauidi regi, Dauid Achie Prophete, Achias Elie, Elias Eliseo, Eliseus Ioiade pontifici, Ioiadas Zacharie Prophete, Zacharias Hoseæ, Hoseas Amos, qui eam tradidit Isaïæ: Isaïas Micheæ, Micheas Ioeli, Ioel Nahum Prophete, Nahum Habacuc, qui eam tradidit Sephonie: Sephonias Ieremie, Ieremias Baruch Scribæ, Baruch Esdræ. Ab Esdra deinde ponunt continuā successionem maximè illustrium uirorum usq; ad Hillelem, Simeonem iudum, Gamalielē, & alios, donec ex illa cōseruatione

seruatione cœpit in scripta redigi, unde tandem Thalmud confectū est. Hæc prolixè descripta extant apud Petrum Galatinum.

Hæc profectò longè alia species successionis est, quàm quæ à Papiſtis iactatur, de seriè & numero Romanorū pōtificiū, in quorū catalogo multi fuerunt mōstra uerius quàm homines. Fingamus iam, nobis rem esse cum Iudæo aliquo, qui rectius sentiens, repudiatis Thalmudicis traditionibus, illa tantū uelit recipere & credere, quæ Sacris Scripturis cōsentanea sunt, & ex illis probari possunt. & illi opponamus Pigij argumentū: unde tu Iudæe nosti, uera illa esse quæ in libris Moysis & Prophetariè scripta extant, qui autographa non uidisti: nec si uideres, posses certi aliquid ex inspectione statuere. Vnde igitur certus es, libros illos, non esse supposititios, nec esse adulteratos, sed complecti ueram & sanam doctrinā uerbi Dei, sicut diuinitus patefactā est? Certè nō aliunde hoc cōstabit, quàm ex testificatione illorum, quorum suprà facta est mentio, qui continua successionis serie libros illos conseruauerunt, & posteritati quasi per manus tradiderunt. Si igitur sacros codices, ex illorum traditione, seu testificatione recipis: qua fronte reliquas traditiones, quæ per illos ipsos, certa successionis serie ad posteritatem propagatæ feruntur, repudiabis? Aut si de Thalmudicis traditionibus dubitare incipies, uacillabit etiam &

corrueſ

corruet ipsius Scripturæ certitudo & authoritas, quam traditio & testificatio synagoga tibi commendauit, Hic uelim ex Andrædio audire, quid iudicet Iudeum, qui ex Thalmudicis traditionibus se extricare cuperet, ad hanc obiectionem debere & posse respondere. Non enim arbitror, ipsum ita insinrare, ut iudicet, pari reuerentia & pietatis affectu suscipiendos libros Biblicos & Thalmudicos. Agnoscat igitur, uel ex hac collatione, quale argumentum sit illud, quo ipse etiam pro traditionibus Pontificijs pugnans, seriò triumphat. Si libros sacros ex traditione Ecclesiæ recipimus: ergo eodẽ modo etiã reliquas omnes traditiones debemus recipere. Sed hoc postea explicandum erit. Nunc tantum ostendere uolui, quanta sit cognatio & similitudo Thalmudistarum & Papistarum, quando de traditionibus non scriptis, extra & præter scripturã disputant. Idem enim spiritus, qui Scripturæ ueteris Testamenti insidias struxit, sub uelamine traditionũ, etiã in nouo Testamẽto, ea quæ ex Scriptura probari non possunt, sub titulo traditionum Ecclesiæ obtrudere conatur: et utrobiq; usque adeo simili utitur artificio, ut faciliẽ agnoscas eundem esse architectum. Quanta uerò sit efficacia huius erroris, manifestum est. sola enim illa persuasio de traditionibus non scriptis, cum quidem tam plausibili specie successionis præstantissimorũ in populo Dei uiuorum proponatur, accedẽte præscriptione & consue-

consuetudine longissimi temporis, captiuam ducit
 & detinet miseram plebeculam Iudeorum in tri-
 stissima excacatione : ut Rabi Abraham Hispanus,
 de sententijs Rabinorum inquit : Nos decet uer-
 bis illorum subscribere, eo quod omnia eorum
 uerba, sunt Cabalæ uerba. Et nos incedimus ac
 palpamus, sicut cæci in pariete, ut sustētemus nos
 ad illum. Ac licet uideantur nobis, uerba nostra
 esse uera ac recta: nihilominus tamen est nobis
 abijcienda ueritas in terram, quoniam ueritas cum
 illis est. Et Lyra Deuter. 17. citat glossam He-
 braicam, recipiendum esse, quicquid hoc modo
 proponatur, etiamsi dextrum dixerint esse fini-
 strum. Eosdem ergo laqueos, ex funiculis com-
 mentitiarum traditionum contextos, quibus Iu-
 deos irretiuit, nobis etiam tendit idem author.

Et quare Iudeorum Rabini tam pertinaciter
 pugnent pro Thalmudicis traditionibus, circum-
 stantia temporis, quando conscribi cœpit Iudai-
 cum Thalmud, si rectè consideretur, ostendet.
 Cum enim subinde ex Iudæis multi, luce scriptura-
 rum conuicti, ad Christianam religionem transi-
 rent: uidentes Rabini, se id quod uolebant obtine-
 re non posse, si solis scripturarum armis pugnan-
 dum esset, alia sibi compararunt præsidia. Circa
 annum enim Domini 150. cœpit conscribere Thal-
 mud, complectens traditiones: cuius successum
 cum animaduertissent, postea in infinitum ferme
 auctum

audium est. Et post illa tempora, raro ex Iudeis aliquis (quia laqueas traditionum irretiti, & a Scriptura auersi erant) ad Christianam fidem conuersus fuit. Diximus breuiter de Scriptura ueteris Testamenti: ut ostenderemus, quae fuit prima origo, quae ratio, quis usus sacrae Scripturae. Adiecitimus itam etiam obseruationem, quomodo Pharisei, & postea Thalmudistae, Ecclesiam Iudeorum repleuerint infandis erroribus & superstitionibus, ea ratione quod contenderunt, praeter Scripturam Moysis & Prophetarum, pari reuerentia & pietatis affectu recipiendas esse etiam traditiones non scriptas, licet ex Scriptura probari non possent. Et Thalmudica quaedam commenta, de traditionibus recitauimus, propter affinitatem quam habent cum Pontificiorum disputationibus. tacita enim illorum collatio, loco manifestae refutationis esse potest. Iam digredimur ad Scripturam noui Testamenti, & ad disputationes nostri temporis de traditionibus.

DE SCRIPTURA NOVI Testamenti.

Video me breuitatis metas, quae ad rationem examinis sufficere possent, in hoc loco de Scriptura transire: sed candidus Lector dabit mihi ultro ueniam, si causam considerauerit. Longe alia nunc est ratio disputationum inter Pontificos, quam tempore Eccij, Emseri, & similium fuit. Illi enim Scri-

Scripturæ armis nobiscum congregari non detractabant. Pighius uerò deprehendit, hoc institutum plus detrimenti quàm commodi dedisse regno Pontificio. Aliam igitur ipse uiam magis compendiarium monstrauit; cui si insistant, nullo negotio, quiduis possent obtinere: ut scilicet conquisitis omnibus Rhetorices artificijs declamitent, de angustijs, de imperfectione, insufficientia, ambiguitate & obscuritate Scripturæ: & strenuè pugnent pro necessitate, authoritate, perfectione, certitudine & claritate traditionum, non Scripturarum. Vidit enim in illis quæ ex Scriptura defendi possunt (quæ potissima regni Pontificij pars est) hac sola ratione uictoriam, nec dubiam nec laboriosam fore. Et hoc consilium scriptores Pontificij, qui Pighium insecuti sunt, pro uiribus omnes amplexi sunt: ut integris iam libris nihil ferme aliud agant, quàm quod contra scripturam, pro traditionibus, non scriptis disputant. Et in hoc etiam præsidio, concilium Tridentinum omnes ope suas, ipsamq; adeò salutem suam collocat. Necessitas igitur requirit, ut paulò pluribus de authoritate Scripturæ, contra commenticias traditiones agamus. In reliquis postea breuiores erimus, & intra metas examinis orationem cōtinebimus. Quia uerò de Scriptura Noui Testamēti potissimum controuersia inter nos est, de illa iam dicemus. Et ex illis fundamentis quæ de prima

c 2

origine

origine sacrę scripturę in ueteri testamēto suprā annotauimus, plana est tota hęc disputatio: propter quas scilicet causas, & quo consilio doctrina noui Testamenti, scriptis comprehensa. Et ipsi aduersarij hoc animaduertunt & sentiunt. Vnde autem insidiosas ipsorum technas. Nondum enim illum quasi Gordium cum soluere non possint, semel præcidunt hac bipenni: in scriptura scilicet ueteris testamenti, omnia quę de Patriarcharum & Prophetarum doctrina, Deus posteritati necessaria esse iudicauit & sufficere comprehensa esse: sed doctrinę noui Testamenti, longę aliam esse rationem. eius enim proprietatem, ab ipso Deo ita esse constitutam, ut nec in tabulis, nec in chartis, nec calamo, nec atramento, uel quouis aliō modo literis consignetur: sed uiua tantum uoce, animis auditorum commendatur, & ita sine scripto conseruetur, & per manus tradatur. Et hunc uolunt esse sensum eius quod Ieremię 31. scriptum est: Dabo legē meam in corda eorum, & in initio eorū scribam eam. Et quod Paulus dicit 2. Cor. 3. Epistola nostra estis uos, scripta à nobis non atramento, sed spiritu Dei uiui: nō in tabulis lapideis, sed in carnīs cordeis tabulis.

Quid igitur ad hęc respondebimus? Dicemus id quod res est. Si Deus ita constituisset & ordinasset, ut doctrina Christi & Apostolorum sine scripto, sola trāitiōe uiuę uacis propagaretur & conser-

conseruaretur, reuerenter uellemus hac ratioe cō-
 senti esse, qua Deus in principio mūdi, ultra bis mil
 le annos usum, suprà ostendimus. Ille enim solus o-
 ptimè nouit, qua ratione saluti Ecclesiæ cōmodissi-
 mē prospiciatur. Sed hæc est quæstio: An Deus de
 doctrina Christi & Apostolorū ita cōstituerit, ut
 non cōsignetur literis, sed sine scriptis uiua tātum
 uoce per manns tradatur. Pontificij quidē dicūt,
 Deū per Ieremiā & per Paulū hoc affirmare. Sed
 quia Pontificij fidē suā in multis suspectā reddide-
 runt Ecclesiæ, nos ex mādato Christi, lo. 5. et exem-
 plo Berrhaensii, Act. 17. scrutabimur Scripturas,
 an hæc ita se habeant, sicut Pontificij asseuerāt, Ec-
 ce aut statim uel palpabiliter deprehendimus, non
 esse uerum, quod Pōtificij de Ieremiæ aut Pauli sen-
 tentia fabulātur. Sunt enim aliquot libri ab ipsis A-
 postolis, de doctrina noui Testamenti conscripti,
 quod sine dubio non fecissent, si illa esset Dei sen-
 tentia, in dicto Ieremiæ, quam Pontificij ipsi af-
 fingunt. Author Epistolæ ad Hebræos, in media
 scriptione, dum doctrinam noui Testamenti lite-
 ris commendat, illam sententiam Ieremiæ allegat.
 Et Paulus iam scripserat utramque Epistolam ad
 Thessalonicenses, & priorem ad Corinthios,
 cum dicit: non atramento, sed spiritu Dei, 2. Cor.
 3. imò illud ipsum tunc, non uiua uoce tradebat,
 sed scribebat. Extra omnem igitur controuer-
 siam manifestissimum est, Apostolos sententiam

Ieremie 31. & Paulum dictum suum, 2. Cor. 3. non ita intellexisse, sicut Pontificij fingunt: doctrinam scilicet Christi, & Apostolorum, non ferre, ut scripto comprehendatur & tradatur.

Dabitur autem nobis uenia, si iudicauerimus Apostolos rectius intellexisse Ieremie et Pauli sententiam, quam Pontificios. Sed excipient, se non ita sentire, quasi simpliciter nihil omnino de doctrina Christi Apostolorum debuisset literis mandari, aut scriptis comprehendere: sed quod quedam sane debuerint, aut saltem potuerint scribi, non aut omnia que necessaria sunt & sufficiunt: sed quod multa, & quedam precipua, relinquenda fuerint traditionibus non scriptis. Audio, & scio quid Pontificij dicant: sed questio est, an illud quod dicunt, sit Ieremie & Pauli sententia in locis allegatis. Inspicio aut Ieremie sententiam, & non inuenio quod dicat, legem noui Testamenti scribendam esse partim in chartis, partim in cordibus: nec uideo quod Paulus dicat, de doctrina Christi & Apostolorum, quedam atramento in tabulis uel chartis, quedam Spiritus Dei in cordibus esse scribenda: sed loquuntur indefinite. Nec concedimus Pontificijs, ut extra & contra uerba textus, arbitrarijs suis interpretationibus Ecclesiam impunè ludificentur.

Si quis igitur uerba Ieremie & Pauli, cum Pontificijs ad hanc questionem uiolenter uelit detorque: An doctrina Christi & Apostolorum, debeat

aut

aut possit scripto comprehendi: an uerò sine scripto, traditione uiuæ uocis sit cōseruāda & propaganda? certū & manifestū est, illa expositione non posse reddi aliam quā hanc sententiam, quòd doctrina Christi & Apostolorū, simpliciter sine aliquo omnino scripto, sola traditiōe nec scripta nec scribenda, sit proponenda, propaganda & cōseruanda. Et si quis ex illa doctrina literis aliquid conetur consignare, id fieri contra eius naturam & proprietatem, imò fieri contra uoluntatem & ordinationem Dei. Sed hanc expositionē & sententiam falsam esse, Apostoli ipso facto monstrarunt: scriptis enim doctrinam suam complexi sunt: idq; sicut Irenæus dicit, ex uoluntate Dei.

Ab hoc igitur presidio Pontificij, luce ueritatis clarissima deiecti sunt: nisi forsan cum ratione ipsis libeat insanire. Quam ineptam enim reddant collocationem ueteris & noui Testamenti, de qua Ieremias & Paulus grauissimè disputant, si opinionem suam pertinaciter tueri uoluerint, Lector attentius quæso consideret. Si enim uetus Testamentum intelligunt de doctrina Patriarcharum et Prophetarum, usq; ad Christum (quod improprie dici, Augustinus docet, et ostendit, potius uetus instrumentum appellandum esse:) certè doctrina illa per annos bis mille, quadringentos, quinquagintaquatuor, sine scripto, per traditiōem uiuæ uocis tradita & propagata fuit. Sūt aut à conscriptione

legis usq; ad ministerium Christi, anni 1538. Populus igitur ueteris Testamenti, doctrinam cœlestem per annos 1116. diutius habuit sine scripto, quàm in scriptis Christi uerò et Apostolorum doctrina, cœpit scriptis comprehendi, cum ne per 20 quidē totos annos, sola uoce sine scriptis tradita fuisset. Vt enim maxime concedamus, Matthæum tunc primum scripsisse, cum Paulus iam Romæ esset: certe Paulus iam tunc scripserat, utraq; ad Thessalonicenses, priorem ad Timotheum, utranque ad Corinthios, & Epistolam ad Romanos. Vide iam Andradi, quomodo constet. quòd contendis æquum fuisse, ut populus Dei sub ueteri Testamento, doctrinam cœlestem literis haberet comprehensam: noui uerò Testamenti planè diuersam esse rationem. Quòd si uetus Testamentum intelligant de doctrina legis, quæ in monte Sina promulgata fuit: certè præcepta decalogi, & ante & post diluuium, uoce diuina proposita, & à Patriarchis tradita legunt in Genesi. Et Paulus Rom. 2. affirmat opus legis natura scriptum esse in omnium hominum cordibus, etiam illorum qui legem scriptam non habent. Etiam consideretur, quæ insania sit, Ieremie tribuere illam sententiam, quasi discrimen ueteris & noui Testamenti, in eo potissimum consistat, quòd doctrinam legis, scriptis comprehendi æquum fuit, doctrinam uerò Euangelij, per traditiones sine scripto cordibus cōmendandam esse.

Certum

Certum igitur & manifestum est, Ieremie dictum nec habere, nec admittere illam expositionem & sententiam: de qua Pontificij ita digladiantur, ut in illa omne suum praesidium contra Scripturam pro traditionibus non scriptis se collocare, non dissimulent. Et Augustinus, qui in libro de Spiritu & litera, locum illum Ieremie & Pauli exprofecto iusta tractatione explicat, non uerbo quidem mentionem facit eius somnij, quod Pontificij Ecclesiae obtrudere uolunt, pro commentitijs suis traditionibus contra Scripturam stabiliendis.

Chrysostomus homilia prima in Matthaeum, accommodat quidem Ieremie dictum ad hanc sententiam, quod paucis aliquot annis, Christi & Apostolorum doctrina, sine scripto tradita fuit, de quo nulla inter nos controuersia est: non autem id quod Pontificij faciunt, extruit inde, naturam & proprietatem noui Testamenti non ferre, ut doctrina eius, literis consignetur, & scriptis comprehendatur: aut sicut Lindanus dicit, naturam uerbi Euangelici à scripto & literis plane abhorrere. Hic enim status est disputationis nostrae.

Adijciam uero & hanc obseruationem, ex hac sola disputatione animaduerti posse, quales interpretes Scripturae sint Pontificij. Ieremias & Paulus in illis dictis de re longè grauißima disputant, quam ex Augustini sententia breuiter recitabo. Ve-

tus Testamentum est doctrina mandatorum, extra hominē scripta: qua foris docemur, attestante conscientia nostra (est enim opus legis, scriptum in cordibus) quod & qualem obedientiam Deus à nobis requirat: & condemnat quidem hos qui huic norme non sunt conformes, sed uirtutem præstandi ea quæ requirit, non subministrat. Tam tristis enim est naturæ per peccatū deprauatio, ut quādo Deus uoluntatem suam patefacit, & per ministerium, seu uoce seu scripto proponit: uetus tamen homo, qualis est sine spiritu regenerationis, etiam quando uires suas naturales exerit, & aliquid præstare contendit, non possit spiritalia quæ uerbo proponuntur, rectè & uerè intelligere, amplecti & seruare: præcipuè uerò, legem ita faciendo non facit. Hos Augustinus uocat uetus Testamentum, ubi cor non renouatur: & ibi licet opus legis, quò ad notitiam, scriptum sit in cordibus: dicitur tamen lex foris extra hominem scripta, non in corda, quando corda non renouantur ad ueram interiorem obedientiam. Nouum uerò Testamentum, est promissio gratiæ propter filium Mediatorem: cum qua coniuncta est, promissio & exhibitio Spiritus sancti, qui doctrinam foris in ministerio, siue uoce siue scripto sonantem, efficacia & operatione sua in corda scribat: hoc est, mentem illuminet, uoluntatem & cor regeneret, ut possimus promissionem de Messia, uera fide ex corde amplecti. Qui

uero

uerò credunt in nomine eius, illis dat potestatem, ut fiant filij Dei, Ioannis primo. Et hoc est quod Ieremias dicit, Spiritum sanctum scribere doctrinam Euangelij in corda credentium, ut impleatur, quod dicit: Ego ero eis in Deus, & ipsi erunt mihi in populum: Deinde etiam doctrinam legis, Spiritus sanctus scribit in corda renatorum, ut secundum interiorem hominem condelectetur legi Dei, Roman. 7. & ex animo incipiant obedire, Rom. 6. Hoc Augustinus in sua dissertatione, uocat nouum Testamentum: cuius uim, & efficaciam, etiam in patribus tempore ueteris Testamenti fuisse, recte asserit.

Hanc grauissimam & utilissimam doctrinam Pontificij, in sententia Ieremie non tantum prætereunt, sed obscurant & expungunt, substituta alia peregrina & falsa explicatione. Spiritus sanctus enim illud de quo Ieremias loquitur, operatur non enthusiastico modo, sine medio, sed per ministerium uerbi Dei. Ne autem uerbum illud, quod solum est organon Spiritus adulteretur, uel incertum sit: quòdnam illud sit, Deus in ueteri Testamento scriptis illud comprehendendi mandauit. De Christi uerò & Apostolorum doctrina, in nouo Testamento iam dicemus. Scriptura igitur uerbi Euangelici non pugnat cum dicto Ieremie.

Hæc de Ieremie sententia, necessariò dicenda fuerunt. eius enim peregrinā, contortam, & adu-
riman

rimam expositionem magnificè amplificatam, semper in acie collocant aduersarij, pugnaturo contra Scripturam noui Testamenti, pro suis traditionibus. Ostendimus igitur, Ieremie dictum nullo modo uel præbere, uel admittere illam sententiam, quam Pontificij contra Scripturam fingunt. Et hoc præsidio destructo, iam in patenti campo, facilius erit cum aduersarijs congressus de Scripturis noui Testamenti. Et quod de Ieremie sententia diximus, idem etiam ad Pauli dictum pertinet, 2 Corinth. 3. Non enim negat doctrinam Euangelij esse, quam atramento, chartis, in epistola, & tunc & antea commendauerat: neque hoc dicit, quia Corinthios primùm, sine suo aliquo scripto, sola uiuæ uocis traditione conuertit, ideo illa quæ nunc atramento scribebat non esse organon Spiritus, per quod Euangelium scribatur in corda credentium: sed hoc agit, Corinthios qui corde iam credebant ad iusticiam, & ore confitebantur ad salutem, quicquid noua creatura facti, lege Dei delectabantur, & ex animo obediebant: illos inquam dicit esse epistolam Christi, non atramento exterius, sine interiori renouatione scriptam, quod ad uetus Testamentum, & ad literam occidentem pertinet: sed in ipso corde expressam, non uiribus ueteris hominis, sed spiritu Dei uiui. Sed iam ad ipsam Scripturam noui Testamēti progrediemur. Conuenit autem de hoc inter nos, doctrinam noui

Testa-

Testamenti (sicut usitatè nunc loquimur) illam esse, quam Christus tempore carnis suæ, in ministerio suo proprio ore promulgauit, quamq; Apostoli, cū à Spiritu sancto in omnem ueritatē ducti essent, in omnem terram omni creaturæ prædicauerunt.

Constat & hoc, doctrinam illam primis aliquot annos, & à Christo, & postea ab Apostolis, sine scripto uiua uoce traditam & propagatam esse, postea uerò ab Apostolis scriptis esse comprehensam. Sed nō patitur nos usq; ad scripta Apostolica prægredi Andradius: sed facta tantum mentione primi temporis, cum sine scripto tradita est doctrina Euāgelij, statim exclamat: Quæ igitur est leuissimorum, perditissimorumq; quorundam hominū tanta impudentia & temeritas, qui hanc rationem tradendi, propagandi & conseruandi Euangelium (per traditiones scilicet absque scripto) qua Christi Ecclesia nata, educata, longè lateq; propagata, denique conseruata fuit, inanem ac leuem existimat. illa enim extra omnem controuersiam, omniū est optima, certissima & tutissima ratio tradendi, propagandi & conseruandi doctrinam Euangelij: quam ipse filius Dei, qui est patris sapientia, iniit: quam Spiritus sanctus, cum Apostolos in omnem ueritatem duceret, usurpauit. Et Andradius subducto calculo, ostendit Ecclesiā uiginti annis aut plus, scripto Euāgelio caruisse. Non enim probat Theophrasti rationem, quòd Matthæus anno post ascensionem

sionem Christi octauo scripserit: sed amplectitur Irenæi annotationem, quòd Matthæus tunc primum scripserit, cum Paulus iam Romæ esset: & ita ante conscriptum Matthæi Euangelium, supputat annos ab ascensione Christi unum & uiginti, & menses undecim. Aut si recipiatur illorum sententia, qui Claudij imperio tribuunt menses nouem supra annos tredecim, exurgent anni duo & uiginti, & menses septem. Non igitur octo tantum annis, iuxta Theophylacti supputationem, sed tam multis inquit Andradius annis & mensibus, scripto Euangelio Ecclesia Christi caruit. Non autem considerauit, præ strepitu calculorum in supputatione, ut maxime Irenæi annotatio, quam non improbo, recipiatur: quòd tamen Paulus priusquam Romam uinctus duceretur, scripserit ad minimum 6. epistolas: duas ad Thessalonicenses, unam ad Timotheum, duas ad Corinthios, & unā ad Romanos. Iuxta Irenæi igitur annotationem, tot iam Epistolis Pauli conscripta fuerat doctrina Euangelij, ante Matthæi scriptionem.

Nec difficile mihi esset, ex actis Apostolicis ostendere circa quotum post ascensionem Christi annum, Paulus primum cœpisset scribere ad Thessalonicenses: & ita de calculo Andradij, annorū 22. & mensium 7. quo tempore constituit primum cœpisse doctrinam Euangelij literis mandari, aliquid detraheretur. Sed non pugnabimus de numero

anno.

annorum & mensium, de quo inter ueteres etiam scriptores non satis conuenit: imò calculo Andradij (quod ipsi in mentem tunc non uenit) liberaliter addamus annos etiam ministerij Christi, ut calculum annorum augere posset, additione trium annorum, & aliquot mensium. Fac igitur ita esse, sicut Andradius cōtendit, uiginti annis aut plus, scripto Euangelio Ecclesiam caruisse. Quid inde efficiet? Certè in ueteri Testamēto, Ecclesia Dei, ab initio mundi per annos bis mille, quadringentos & quinquagintaquatuor Scriptura diuinitus inspirata caruit. Aut si placeret numerum strepitu plurimum calculorum augere, diceremus iuxta LXX. per annos ter mille, sexcentos & nonagintaduos, primam Ecclesiam caruisse Scriptura, Si hīc Thal mudista aut Cabalista aliquis, post traditā Scripturam ueteris Testamenti, pro suis traditionibus Andradij grandiloquentia ita insurgeret: Quæ igitur est leuissimorū, perditissimorūq; hominū insolētia & temeritas, quæ hāc tradendi uerbi Dei rationē, qua prima Ecclesia in mundo nata, educata, & per annos bis mille, quadringētos, & quinquagintaquatuor propagata et cōseruata fuit, iā non uult amplius admittere? ut scilicet præter Scripturā, Cabala etiam pari reuerētia et pietatis affectu suscipiatur.

Hæc certè Cabalista, si nō ipsi, saltē per cōductitium aliquē rhetorem, multò splendidius possent amplificare, quā Andradius supputationem suam

de uiginti annis. Sed dicat nobis Andradius, quid ad hanc obiectionem pro Scriptura ueteris Testamenti, contra Thalmudistarum Cabalam respondendum iudicet: & idem ibi etiam responsum habeat. Quod enim exceptionem fingit ex sententia Ieremie 31. iam ostendimus uanum & falsum esse. Verba igitur sunt, aut potius iuxta prouerbium, fumi sunt, quos Andradius grandiloquentia, sua, de uiginti illis annis uenditat. Neque enim sequitur: Ecclesia noui Testamenti, uiginti annis caruit Euangelio scripto: ergo optimum fuisset, ut perpetuò illo careret: ergo sceleratè fecerunt Apostoli, qui aliam rationem propagandi et conseruandi doctrinam Euangelij, per scripta scilicet instituerunt, quàm ipse filius Dei, qui est sapientia patris, in ministerio suo iniit: usus scilicet sine scripto, sola traditione uiuæ uocis. Si negauerit Andradius, hæc esse sue mentis: qua igitur ratione putat, hanc consequentiam ualere: Per uiginti Apostoli, sine scripto, sola traditione uiuæ uocis, doctrinam Euangelij propagarunt & conseruarunt: ergo nunc etiam, postquàm scriptis cõprehensa est doctrina Euangelij, prior illa ratio seruanda est: & quidẽ ita, ut scriptis opponantur traditiones. Apostoli igitur doctrinam Euangelij, à Christo acceptam, & à Spiritu sancto illustratam, primis aliquot nō multis annis, sine scripto, sola traditione uiuæ uocis propagarunt: mox uerò per Dei uoluntatē, sicut Irenæus loquitur, ceperunt

cœperunt literis consignare, & scriptis comprehendere non contrariâ, non diuersam, non aliam, sed illam ipsam doctrinam, quam uoce prædicârunt. Quòd si quærat, quare non statim in primo anno cœperint scribere: possemus respondere id, quod suprâ diximus de annis ab initio mundi, bis mille, quadringentis & quinquaginta quatuor. Sed hoc loco ratio manifestior est. Doctrina enim Euangelij, antequam conscriberetur, erat prius contra Iudeorum & Gentium calumnias & contradictiones, prædicatione Apostolorum, signis & prodigijs per totum terrarum orbem confirmanda, & assensione populorum credentium in omnibus terris comprobanda: ut certi essemus, ea quæ scripta sum, non esse dubia, incerta, aut parum firma, sed sicut Lucas inquit, *ἡ περὶ λόγου τοῦ ἐνανθινοῦ*, hoc est à Deo per Apostolos confirmata, & à primis fidelibus per totum mundum, ut certissimæ fidei comprobata. Ita non tantum nihil de trahitur Scripturæ, sed dignitas & auctoritas eius magis illustratur inde, quòd non statim primis annis Apostolicæ predicationis, literis cōsignata est.

Status uerò totius disputationis, in eo iam consistit, ut monstretur, quibus de causis, quo consilio, quo proposito & instituto, Euangelistæ & Apostoli doctrinam Euangelij literis consignare, seu scriptis mandare & comprehendere uoluerint: quem uoluerint illorum scriptorum usum esse in Eccle-

f sia

32 EXAMEN DECRETORVM

ſia: quo loco primitiua Eccleſia, ſcripta illa habuerit: quid, & quantum illis tribuerit. Ad hunc diſputationis ſtatum, mox poſito titulo, De Scriptura noui Teſtamenti, progrediendum fuerat: ſed prius reprimendi fuerunt clamores Pontificiorum de loco Ieremie, & de primis annis Apoſtolice prædicationis: quorum ſtrepitu lectorem conantur obruere & obtundere, ut ita à uero ſtatu diſputationis illum auocent.

Collocabimus autem quaſi in acie, pulcherriſſimam Irenæi ſententiam, quæ extat in præſatione, & i. capite 3. libri, ubi dicit: Sola uera ac uniſifica ſides illa eſt, quàm ab Apoſtolis Eccleſia percepit, & diſtribuit filiis ſuis. Etenim Dominus omnium, dedit Apoſtoliſ ſuis poteſtatē Euangelij, per quos & ueritatem, hoc eſt, Dei filij doctrinam cognouimus, quib. & dixit Dominus: Qui uos audit, me audit: & qui uos contemnit, me contemnit, & eum qui miſit me. Non enim per alios diſpoſitionem ſalutis cognouimus, quàm per eos, per quos Euangelium peruenit ad nos. QVOD QUIDEM TVNC PRAECONIAVERVNT, POSTEA VEROPER DEI VOLVNTATEM, IN SCRIPTVRIS NOBIS TRADIDERVNT FVNDAMENTVM ET COLUMNAM FIDEI NOSTRAE FVTVRVM.

Hæc Irenæi ſententiâ, in genere loquitur, de tota
Scriptura

Scriptura noui Testamenti: cuius autoritatē, perfectionem, & (ut nunc loquimur) sufficientia, firmissima demonstratione ostendit. Illa enim extra omnem controuersiam, sola est uera & uiuifica fides, quam primitiua Ecclesia ab Apostolis accepit, & filiis suis distribuit. Sed illa fides concepta fuit ex prædicatione Apostolorum quam ipsi ex doctrina filij Dei acceperant. Hanc uerò doctrinam Christi & Apostolorū, ex qua uera primitiua Ecclesie fides accepta fuit, Apostoli primum sine scripto uiua uoce tradiderunt: postea uerò non humano aliquo consilio, sed per Dei uoluntatem in Scripturis tradiderunt. Quid nam? Illam ipsam doctrinam, quam à filio Dei acceptam, uiua uoce prædicauerant: ex qua solam ueram ac uiuificantem fidem, primitiua Ecclesia, ab Apostolis acceperat, & filiis suis distribuerat. Quibus uerò Apostoli Euāgelium tradiderunt in Scripturis. Num ut particulares illæ tantum Ecclesie, quibus inscriptæ sunt Apostolorum epistolæ, pro præsentis tantum necessitate scriptis illis Apostolorum uterentur. Ita quidem Pighius fingere uidetur, sed Irenæus dicit: Nobis nobis Apostoli id quod prædicauerant in Scripturis tradiderunt. Quo uerò consilio? quæ illius sue Scripturæ usum Apostoli in Ecclesia esse uoluerunt? Respondet Irenæus: Ut id quod in Scripturis nobis tradiderunt, in futurum esset fundamentum, & columna fidei nostræ: illius scilicet,

f 2 quam

quam ab Apostolis Ecclesia percepit, & distribu-
it filiis suis. Fundamentum igitur & columnam so-
lus uera & uiuifica fidei, primitiue Ecclesie ab
Apostolis acceptae, habemus nos in Scripturis,
quas Apostoli per Dei uoluntatem nobis tradide-
runt. Fundamentum quidem fidei, quia fide disci-
tur, agnoscitur, extruitur, & concipitur: Columna
uerò, quia fide probatur, confirmatur, & contra
omnes corruptelas propugnatur, & conseruatur
illa fides, quae sola uera & uiuifica est. Fides igi-
tur, quae aliunde, quàm ex Scripturis ab Apostolis
traditis extruitur, concipitur, probatur & confir-
matur, non est uera, uiuifica, Apostolica, & primi-
tiue Ecclesie fides. Haec in Irenaei demonstratione
manifestissimè & firmissimè coherent. Et postea
dicit illos esse haereticos, qui scripturis Apostolicis
non assentiuntur, & notas haereticorum his uerbis
describit cap. 2. Cū ex Scripturis arguuntur, in accu-
satione conuertuntur ipsarū Scripturarū quasi nō
rectè habeāt, neq; sine ex autoritate: & quia uariè
sint dictae, & quia nō possit ex his ueritas inueniri
ab his, qui nesciāt traditionē: non enim per literas
traditā illam, sed per uiuā uocē, etc., Mirum ni uel
parū per erubescāt, Pighius, Lindanus Andradius,
& similes, recognoscētes suas uoces in hac descrip-
tione. Ostendit igitur Irenaeus in illa sententia, quo
cōsilio Apostoli doctrinā suam in Scripturis nobis
tradiderint, & quē scripturae eius usum in Ecclesia
esse

esse uoluerint: ut scilicet esset fundamentū & colū
nea fidei nostræ, qui uiuā Apostolorum uocem nō
audiuimus. Et addit illos esse hæreticos, qui Scrip-
turas illas, uel abijciunt, uel in accusationem earū
conuertuntur, quòd uariè sint dictæ, & quòd ueri-
tas ex his non possit inueniri nisi præter illas Scrip-
turas adiungantur traditiones, quæ sine scripto &
litteris, per uiuā uocē ab Apostolis traditæ iactantur

Hæc prolixius aliquanto de Irenæi sententia
annotare uolui. Loquitur enim in genere, de tota
Scriptura noui Testamenti: & complectitur fir-
missima demonstratione, illa omnia quæ ad hanc
controuersia de Scripturæ autoritate pertinent.
Quæ uerò sit Irenæi de traditionibus sententia, in
sequenti loco explicabimus. Lectorem autem oro,
ut ad illam Irenæi sententiam conferat quod An-
dradius dicit: tam breue compendium doctrinæ
Apostolicæ litteris, traditum esse, ut pars maxima
tanquā magni precij thesaurus traditionibus non
scriptis relicta fuerit: item quod concilium Tridē-
tinum constituit, in controuersijs horum tempo-
rum, ueritatem non posse ex solis Scripturis inue-
niri, nisi pari reuerentia & pietatis officij suscipi-
antur illa etiam, quæ tunc ad fidem tum ad mores
pertinentia. extra & præter Scripturam tanquam
ex traditionibus non scriptis uenditantur. Sed ut
ueritas manifestior euadat, ordine de singulis,
scriptis noui testamenti inquiramus: quibus de cau-

sis, & quo consilio literis consignata sint: & quena Scripturæ illius usum, tum scriptores ipsi tum primitiua Ecclesia uoluerint esse.

Non autem de momentis siue annorū siue mensium, quibus unum quodque scriptorum in nouo Testamento editum sit, scrupulosius disputabimus (ueterum enim annotationes inter se nō satis cōueniunt) sed ea quæ certa sunt, ἐμὲν ᾠλὰς sumemus.

Et id, quod Andridius de Matthæo contendit, non grauatim recipio: scripsisse scilicet illum, cum Paulus iam Romæ esset. æquum enim est, ut antiquissimorum potius, Irenæi & Eusebij in historia Ecclesiastica, quàm recentium, uel Theophylacti de octo, uel Nicephori de 15. annis, sententiam sequamur. Et hanc supputationem, ideo libentius recipio: deducet enim nos ad primam & illustrem originem Scripturæ noui Testamenti. Si enim Matthæus tunc primum scripsit, cū Paulus Romæ Euangelizaret, sicut Irenæus loquitur, erit quidem primus inter Euangelistas, iuxta omnium antiquorum sententiā: sed non erit primus inter eos, qui doctrinam Apostolicam literis coeperunt commendare. Paulus enim priusquàm Romam uinctus duceretur, aliquot iam epistolas conscriptis ediderat: id quod ex historia Actorum manifestè colligitur, sicut suprā ostendimus. Quæro autem, fuerit ne aliquid ab Apostolis conscriptum, priusquam Paulus primas suas epistolas ediderit? Et in-

uenio Acto. 15. Apostolos & seniores in primo & celeberrimo concilio Apostolico, re diligenter de liberata, & communibus suffragijs scripsisse epistolam ad Ecclesias ex gentibus collectas. Nec reperiō ante illam Epistolam, aliquid ab Apostolis literis mandatum fuisse, si Andradij supputationem de Euangelistis sequamur. Hæc igitur erit prima origo, hoc primum principium Scripturæ diuinitus inspiratæ, in Nouo testamento: quod ita esse, Andradius, iuxta suam de Matihæo supputationem, negare non poterit. Sicut igitur Scripturæ sacræ in ueteri Testamento, originem ualde illustre inuenimus, cum scilicet Deus ipse primus, uerba Decalogi suis digitis in tabulas exarauit: ita Andradius præbuit mihi occasionem sua supputatione, ad inuestigandam magnificam & illustrem primam originem Scripturæ in nouo Testamento, quod scilicet initium literis consignandi doctrinam Apostolicam factum fuerit, non ab uno aliquo ex Apostolis, priuato quodam consilio, sed cum Apostoli omnes, & etiam presbyteri ecclesiæ Hierosolymitanæ, in primo & celeberrimo consilio Apostolicæ congregati essent, communibus suffragijs, & re diligenter deliberata, conscripta & edita est Epistola, complectens sententiam Apostolorum, de qua tunc motæ erant controuersiæ. Et hoc esse primum scriptum, ab Apostolis in nouo Testamento editum, Andradius, si sibi constare uoluerit,

negare non poterit. neque enim certis testimonijs docere poterit, ante concilium illud Apostolorum quicquam de Scriptura, diuinitus inspirata, in nouo Testamento conscriptum fuisse. Theophylasti enim supputationem non recipit: & meo quidem iudicio, merito, Nec arbitror ipsum apocrypham epistolam, quæ sub Christi Seruatoris nomine, ad Abgarum toparchæ Edeffenum apud Eusebium extat, in numerũ Scripturæ Canonice collocare.

Erit igitur hæc, quam ostendimus, prima origo Scripturæ diuinitus inspiratæ in nouo Testamento, cuius hoc erit emblema: Visum est Spiritui sancto, & nobis, Et sicut primum traditione uiuæ uocis, Lex exiit ex Zion, & uerbum ex Ierusalem: ita etiam prima Scriptura noui Testamenti exiit ex Zion, & principium cœpit in Ierusalem: quod ipsum ad dignitatem & auctoritatem Scripturæ, non parum facit.

Et hæc ipsa prima origo, si rectè consideretur ostendit id de quo disputamus, propter quas scilicet causas, qua occasione, quo consilio, & in quem Ecclesiæ usum doctrina Apostolica literis cœperit consignari. Ipsa enim prima Apostolica epistola his uerbis utitur: Quidam ex nobis ex cunctis turbauerunt uos sermonibus, docentes circumcisionem & obseruationem legis, quibus id non mandauimus, etc. Quia igitur sub prætextu, & titulo traditionum Apostolicarum sparsis adulterinis & suppositiis

posititijs dogmatibus, Ecclesiæ turbabantur, uisum est Apostolis & presbyteris cū tota Ecclesiā, ueram de illa controuersia Apostolorum sententiam scripto comprehendere. Et hæc fuit occasio primi Apostolici scripti. Finis uerò & usus hic fuit, ut ex scripto Ecclesiæ certò constaret, de uera & genuina Apostolorum sententia, ne quis sicut antea factum fuerat, adulterinā & supposititiā sententiam hoc titulo, quasi ab Apostolis traditam & acceptam, Ecclesijs obtrudere posset. Experientia igitur in ipsis primis Apostolicæ prædicationis annis ostendit, in tantis diaboli insidijs, mundi malitia, & ingenij humani petulantia, puritatem doctrinæ Apostolicæ, per traditiones non fideliter conseruari, sed sub prætextu traditionum Apostolicarum, doctrinam adulterari: cum Apostoli ipsi, Ecclesia per uarias terra sparsa, non possent ubiq; uiua uoce præsentem esse. Et propter hanc causam, in prima Apostolorum synodo, coepta est scriptio doctrinæ Apostolicæ.

Est & hoc in prima Apostolica epistola notandum, quòd scribunt se misisse Iudam & Silam, ut illa ipsa & eadem annuntiarent, quæ ipsi Epistola sua complexi erant. Quare autem non iusserunt potius Ecclesias contentas esse traditione uiuæ uocis, per Iudam & Silam sine scripto: Nisi quòd propter periculum commentitiarum traditionum, rationem hanc certitudinis iudicarunt Ecclesiæ uti-

lem & necessariam esse, ut Iudas & Silas, qui ab Apostolo's mandata acceperant ad Ecclesiam perferenda, ex scripto ostendere & probare possent, non incerta, adulterina uel falsa, sed genuina et uera esse quæ offerrent & traderent. Et Lucas mox subiicit, ipsos multis uerbis & longa oratione hoc fecisse: & tamen illa, quæ longè pluribus explicarum, non fuerunt contraria, non diuersa, imò non alia præter illa, quæ scripta fuerant, sed αὐτὰ, sicut Apostolorum epistola inquit: non quòd illas literas & syllabas tantum ingeminârunt, sed sententia fuit una & eadem pluribus quidem uerbis, & prolixius à Iuda & Sila explicata. In summa autè & breui compendio, quantum sufficiebat & necessarium erat, in Apostolorum scripto comprehensa.

Et hæc ipsa obseruatio de prima origine scripturæ in nouo Testamēto ostendit fontes explicatum, quando Pontificij obijciunt, Apostolos frequenter & pluribus docuisse, quàm quæ paucis illis Scripturæ paginis potuerint omnia comprehendere.

Sed de reliquis etiam scriptis noui Testamenti inquirendum est, propter quas causas, quo consilio, & in quem usum conscripta & edita sunt: hoc enim suprâ diximus statum esse huius disputationis. Et si ordinem temporis sequi liberet, prius de epistolis quibundam Pauli dicendum esset: sed ordinis

dinis gratia primum de Euangelistarum scriptis
postea de Apostolorum epistolis dicemus.

DE SCRIPTIS EVANGELISTARUM.

Illud igitur probandum est, Euangelistas propter hanc causam, hoc consilio, & in hunc usum historias suas conscripsisse, ut literis ad posteritatem commendata extarent, quæ Apostoli de dictis & factis Domini, Ecclesiam ad posteritatem, necessarium iudicârunt.

Omniū autem consensu Mattheus, primus inter quatuor Euangelistas, historiam suam conscripsit. De occasione autem & consilio scribendi, Eusebius hoc annotavit lib. 3. cap. 24. Mattheus cum primum Ebraeis prædicasset, & iam ad alios quoque transiture erat, Euangelium suum patrio sermone literis tradidit: & quod subtracta sua præsentia desiderare possem illi à quibus discedebat, per literas adimplevit Nicephorus lib. 2. cap. 45. hanc sententiam ita expressit: Discedens absentiam suam scripto præsentī compensavit.

Thomas citat hanc Hieronymi descriptionem: Mattheus in Iudæa Euangelium edidit, ob eorum maximè causam, qui Ierosolymis & Iudæis crediderant. Cum enim primum prædicasset Euangelium viva voce, volens transire ad gentes, primus Euangelium conscripsit, quod fratribus à quibus ibat,
in memo-

in memor ac reliquit: sicut enim necesse fuit ad confirmationem fidei Euangelium prædicari, sic & contra hæreticos scribi.

Chrysostomus homilia 1. in Matthæum ita inquit: Matthæus scripsit accedentibus his qui ex ludæis Christo crediderant, & rogantibus, ut quæ uerbis docuisset, hæc eis in literis seruanda dimitteret.

Autor operis imperfecti in Matthæum, quod sub Chrysostomi nomine extat, occasionem scribendi ita recitat. Cum facta esset grauis persecutio in Palestina, ut periclitaremur dispergi omnes, nec ceteros doctores, doctrina etiam carerent, petierunt Matthæum, ut omnium uerborum & operum Christi conscriberet eis historiam: ut ubi cunque essent futuri totius secum haberent fidei statum.

Thomas illam sententiam ita recitat: Petierunt Matthæum, ut dispergendis totius fidei, quam uiua uoce tradiderat, summam scripto completeretur, etc. Et hæc narratio de persecutione, non malè congruit ad tempus scriptionis iuxta Irenæum. Circa 130. enim absentione Christi annum, ludæam miserabiliter afflictam fuisse à magis & latronibus, auctor est Iosephus. Accessit captiuitas Pauli, quæ uidebatur omnibus Christianis periculum minari.

Causæ igitur propter quas Matthæus Euangelium suum conscripsit, hæc sunt. 1. Ut quod propter discessum, præsens uiua uoce, docendo & confirmando,

firmando præstare non poterat, id absens scripto, seu per literas præstaret II. quia memoria fragilis & labilis est, ut quæ docuerat, ea literis seruanda dimitteret III. ut totius fidei statum, & summam scripto comprehensam haberent, qui uiua Apostolorum uoce uti non possent. IIII. propter hæreticos necesse fuit doctrinam Euangelij senib; ne Ecclesiæ falsa, supposititia, & adulterina, sub nomine Euangelij obtruderentur. Et Irenæus. scriptiōe Matthæi, primū exemplum ponit eius, quod dixerat: Apostoli quod præconiauerūt per Dei uoluntatē, postea in Scripturis nobis tradiderunt, fundamentū tam & columnā fidei nostræ futurū.

Lindanus leui pede hæc transit, fingens tantum *μνημόσυνον* fuisse: sicut de amicorum munusculis dicitur.

Esse sui dederat monumentum & pignus amoris.

Sed ea quæ manifesta sunt, non patimur se tam facile eludi.

Notandum est & hoc, quem ipsi Apostoli, & uiri Apostolici iudicauerint usum esse Euangelij à Matthæo conscripti.

Hieronymus scribit, Pantenum cum à Demetrio episcopo Alexandrino missus esset in Indiam, reperisse Bartholomæum ibi prædicasse aduentū Christi, iuxta Matthæi Euangelium, quod etiam Hebraicæ scriptū, inde secū attulerit Alexandria.

Nicephorus lib. 4. cap. 32. historiam illam ita recitat:

citāt: Apud quosdam fideles in India Matthæi Euangelium inuentum esse Hebraico sermone, à Bartholomæo expositum: quod in multa tempora, formas literarum eius qui ad primū scripsit, illas conseruari.

Idem etiam lib. 17. cap. 36. refert in Barnabæ tumulo Euangelium Matthæi repertum fuisse, ipsius Barnabæ manibus scriptum. Ipsi igitur et Apostoli et uiri Apostolici, reuerenter de Euangelio Matthæi senserunt: et quis debeat eius usus esse in Ecclesia, suo exemplo ostenderunt. Marcum plerique omnes secundo loco, post Matthæum scripsisse consentiunt: Clemens uerò Alexandrinus, Lucam præponit Marco: Irenæus etiam Marcū post mortē Petri et Pauli scripsisse refert. Sed de ordine et tempore non disputabimus. Illud uerò utilis queritur, qua occasione, et quo consilio scripserit, quæque sit scripti ipsius autoritas.

Eusebius ex Clemente hanc historiam recitat lib. 1. cap. 15. quam Nicephorus repetit lib. 2. cap. 15. Cum Euangelium in Occidentē uenisset, tantus pietatis splendor mentibus illorum, qui Petrum audierant, illuxit, ut non possent contenti esse, non scripta diuinæ prædicationis doctrina, aut in istis, quæ sine scripto, de diuino uerbo didicissent permanere: sed Marcum magna animorum contentione obtestati sunt, ut commentarios eius doctrinæ, quam uerbo sine scripto traditam accepissent, li-

teris comprehensam ipsis relinqueret. Aiunt autem Apostolum Petrum, cum ex instinctu Spiritus sancti hoc cognouisset, delectatum esse uiro-
rum illorum uoluntate: & scriptum hoc iudicio suo comprobasse & confirmasse, utq; in Ecclesijs legeretur, constituisse.

Nicephorus lib. 2. cap. 45. dicit, Petrum dictasse Marco Euangelium: atque ut id in Ecclesijs dem-
ceps legeretur, sanxisse.

Eusebius libro 3. cap. 39. & Nicephorus lib. 3. cap. 20. ex Papias referunt, Marcum ordinis quidem negligentiorem fuisse: hoc uero unicum sibi in scribendo proposuisse, ne quid eorum quæ audierat omitteret, aut qua in re, quod falsum esset traderet.

Irenæus lib. 3. cap. 1. Marcus discipulus & interpres Petri, ea quæ annunciata erant, nobis tradidit.

Pighius delectatur Ruffini uerbis, qui Euangelium Marci, uocat religiosum furtum: ut scilicet eo facilius Scripturæ autoritatem possit extenuare. Sed quo consilio in literas relatum sit Marci Euangelium, & quam eius autoritatem Petrus in Ecclesijs esse uoluerit, ex illis quæ annotata sunt, lector intelligit. Et uidebit, quàm frivola & peregrina Pontificij ad hæc clarissima testimonia respondeat.

De LVCA, quo is consilio historiam suam suâ conscri-

conscripterit, non opus est aliorum testimonia conquirere. ipse enim in præmio disertè explicat, qua occasione, & propter quam causam scriptionem suam instituerit: quia scilicet multi tentabam, nec satis diligenter, nec certò, nec fideliter contexere narrationem, de ijs, quæ Iesus cepit facere & docere. Potest autem αὐτὰρ ἐξ αὐτοῦ, & ad traditiones & ad scriptiones referri, utroque enim modo, tunc fuit adulterata & deprauata doctrina Evangelij: Et ex antithesi obseruetur, unde potissimum factum fuerit, Lucas enim ea quæ scribit, uocat *καταλογον* *φρονηματικον*, certissimæ fidei, quæ diligenter & certò affecutus sit. Inde ergo corruptele oriri cœperum, tempore Apostolorum: quòd uel falsa, uel supposititia, uel non satis comperta, pro certis & ueris tradebantur uel uoce, uel scripto, ab illis, qui *καταλογον* *φρονηματικον* doctrinæ Euangelicæ non satis certò affecuti fuerant.

Quale uerò remedium huic pericula adulterationis doctrinæ, tempore Apostolorum oppositum fuit? Num existimarunt, traditionibus uiuæ uocis, animis credentiũ receptis, & cordibus in scriptis, posse certò & tutò ad posteritatem, contra corruptelarũ discrimina, puritatẽ doctrinæ conseruari.

Certò Theophilus erat *καταχρηστικος*, hoc est, doctrinam Euangelij uiua uoce, ex ueris Apostolorũ traditionibus acceperat: sed propter eius doctrinæ ἀσφελειαν, Lucas dicit se Euangelii suũ conscrip-

cōscripsisse. Pulcherrimè autem hoc uocabulo descripsit certam & firmam custodiam & conseruationem puritatis doctrinæ, contra quæuis pericula & insidias corruptelarum.

Verbū enim ἀσφαλίζω, ita usurpatur, quando accurata custodia aliquid ita asseruatur, ut caueatur, ne uel elabatur, uel amittatur. Ita Act. 16. custodia captiuorum, hoc uocabulo describitur. Et Matth. 27. Iudæi petunt sepulchrum Christi ἀσφαλίζειν. Usurpatur etiam uocabulum illud, quando contra ingruentem uim aliquid ita munitur & firmatur, ut tutum & illesum retineri & conseruari possit: ut cum oppida munitionibus & praesidijs firmantur, cum caput galea munitur, cum fores pectore firmantur: qualia exempla multa exstant apud autores.

Propter talem igitur puritatis doctrinæ ἀσφαλίζω, contra corruptelarum incurSIONES dicit se Lucas Euangelium suum conscripsisse. Et eodem uocabulo Paulus etiam de suis scriptis utitur, Philip. 3. sicut postea annotabimus.

Theophylactus duobus modis uocabulum illud explicat. I. Prius te sine scriptis institui, nunc scriptum tibi trado Euangelium: atq; ita mentem tuam munio, ut ne obliuiscatur eorum, quæ sine scriptis tradita sunt. II. Solemus sepe, quando quis nobis sine scripto loquitur, suspicari ne quid fortè mendacij admixtum sit: quando autem etiam scribit quæ

8

loquitur,

loquitur, tunc credimus quòd non scripſiſſet, niſi uera ſe dicere cõſideret. Ita Lucas inquit: Scripſi tibi Euangelium, ut ea de quibus ſine ſcripto cruditus es, in maiori ſecuritate conſerues: maioremq; mihi fidem habes, qui adeò de his quæ ſine ſcripto docui, conſidam, ut etiam ſcripturis prodeſſe non formidarim. Hæc Theophylaſtus.

Certum igitur & manifeſtum eſt, qua occasione, propter quam cauſam, quo conſilio, & in quem finem Lucas Euangelium ſuum conſcripſerit. Euſebius libro tertio, cap. 24. de Luca inquit: Neceſſariò nos à dubia aliorum opinione liberans, dum certam ipſe narrationem per Euangelium ſuum tradit. Quid uerò lectori expectandum ſit ex illo ſcripto, ipſe etiam explicat. Dicit enim ſe ea deſcripſiſſe, quæ de dictis & geſtis Saluatoris inter Chriſtianos tunc fuerint *πεπληροφωρμένα*, hoc eſt nota, certa & indubitata: & de quibus ſoliti fuerunt catechiſari. Et illa ita ſe deſcripſiſſe ait, ſicut Eccleſiæ tradiderunt ij qui ab initio fuerant ſpectatores & miniſtri doctrinæ Euangelicæ. Apoſtolos igitur uiua uoce, ſine ſcripto primum doctrinam Chriſti tradidiſſe, nullum eſt dubium. Num autem traditiones illæ Apoſtolorum manſerūt, & relictæ ſunt ſine ſcripto? Certè Lucas affirmat, ſe ea, & quidē eodem modo, ſcripto complexum eſſe, ſicut Apoſtoli doctrinam de factis & dictis Chriſti, Eccleſiæ tradiderunt. Et quare tra-

ditiones

ditiones illas in literas retulerit, *suprà ostensum est.* Irenæus libro tertio, capite 14. pulchrè hac in re confert præceptorem Paulum, & discipulum Lucam. Paulus Miletum euocatis presbyteris Ephesinæ ecclesiæ dicit: Non subtraxi uobis, ut non annuntiarem omnem sententiam Dei. Lucas uerò sine inuidia quæ didicerat tradidit, inquit: Sicut tradiderunt nobis, &c. Hæc Irenæus.

Ambrosius illud expendit, quòd cum Lucas affirmet, se affecutum omnia, non tamen omnia, sed de omnibus se scripsisse dicit, Acto. 1.

Chrysostomus querit, quomodo Lucas affirmet, se de omnibus scripsisse, quæ Iesus cœpit facere & docere: cum Iohannes dicat, hoc esse impossibile. Respondet autem: Non dixit omnia, sed de omnibus: perinde ac si quis dicat summam & in genere. Aut de omnibus loquitur, quæ necessaria sunt.

Hæc pro autoritate Scripturæ, contra prætextum traditionum non scriptarum, sicut illæ nostro tempore à Pontificijs iactantur, profectò manifestissima sunt.

Restat ut de quarto, hoc est de Ioanne dicamus. Obseruatio enim historiæ de ipsius scriptione, multa ad hanc disputationem pertinentia monebit. Cum iam edita essent, & in Ecclesia extarèt trium Euangelistarum scripta, Apostoli uiuentes adhuc docebant de gestis Christi, & ea quæ à tribus Euan-

gelistis conscripta extabant, & quæ præterea facta & dicta esse memoria tenebāt: ut rectè tunc ab Apostolis, de gestis Christi usurpari potuerit illa Pauli uox 2 Theß. 2. Tenete traditiones quas didicistis, siue per sermonem nostrum, siue per trium Euangelistarum scripta.

Vide autem quid factum fuerit. Cum reliqui Apostoli morte essent sublato, & Iohannes in Pathmon esset relegatus: Ebion & Cerinthus, motis certaminibus de Christi diuinitate, de regno eius terreno, de leuiticis obseruationibus, &c. Ecclesias miserè perturbarunt. Sed audi quæso, qua ratione, qua specie, & quo prætextu hoc fecerint. Eusebius libro tertio, cap. 28. citat ex Caio, Cerinthus prætextu reuelationum, uelut à magno Apostolo acceptarum, portentosa sua dogmata uoluisse in Ecclesiam inuehere. Et addit ipsum fuisse inimicum Scripturis Dei. Quia igitur in recenti adhuc Ecclesiæ memoria erat, Apostolos de gestis & concionibus Saluatoris tradidisse alia quedam, præter illa quæ in trium Euangelistarum historijs conscripta extabant: Cerinthus & reliqui hoc prætextu abusi sunt, & adulterina sua dogmata, quæ ex Apostolicis scriptis quæ tunc extabant, probare non poterant proponebant hac specie, quod Apostoli uiua uoce talia docuissent: & ad illas commentitias traditiones contendebant inflectenda esse ea quæ scripta erant. Ad hæc certamina respi-

cit

cit Iohannes Apocal. 2. cum inquit : Examinaſti eos qui gloriantur ſe eſſe Apoſtolos, & non ſunt. Item Ieſabel, quæ dicit ſe eſſe prophetiſſam, &c. laſtarunt igitur & reuelationes & traditiones, quibus Apoſtolicam autoritatem tribui uoluerunt. Et ſicut Iohannes inquit in epiſtola ad Thyatherenſes, illa ſua dogmata uocarunt *τὰ Βάβυ*, hoc eſt, non uulgaria illa Apoſtolorum dogmata, quæ omnibus in Eccleſia, ex ſcriptis etiam nota erant, ſed profunda recõdita & abſtruſa myſteria: quæ Apoſtoli non cuius ex uulgo, ſed priuatim ſuis familiaribus uiua uoce, ut myſteria ſilentio ueneranda, per manus tradiderant : Iohannes uerò uocat profunda non Apoſtolorum, ſed ſathane.

Et illud certamen hac ſpecie motum, ualde turbauit Eccleſias. Negare enim non poterāt, quia recens adhuc erat memoria, Apoſtolos de geſtis Chriſti, plura uiua uoce tradidiſſe, quàm quæ ſcriptis trium Euangelistarum comprehenſa erant. Et quia reliqui Apoſtoli iam morte ſublati erant, Iohanni Deus longiorem uitam, poſt reliquorum Apoſtolorum mortem ſine dubio ideo conceſſit, ut Apoſtolica uigilantia Eccleſiæ ad omnē poſteritatē proſpiceretur: ne uel ſuppoſitiuæ traditiones, uel adulterina ſcripta, pro uera & genuina Apoſtolorum doctrina, Eccleſiis obtruderentur.

Cum igitur Iohannes ab exilio ex Pathmo, in Aſiam reuerſus eſſet, controuerſiæ illæ à Cerintho

Et alijs interna motu, ad ipsum tanquam ad postremum ex Apostolis uigilem et inspectorem, examinande et dijudicande delatæ sunt: non tantum ab Episcopis Asiæ, uerumetiam multorum fidelium et totius Ecclesiæ legationibus, sicut Hieronymus inquit. Ibi Ioannes, sicut Eusebius scribit libro tertio, cap. 24. trium Euangelistarum scripta probauit, et ueritatis, illis dedit testimonium. Quia uerò hæc questio magis tunc tumultibus agitabatur: An omnia quæ Dominus fecisset et docuisset, quæque Apostoli de ipsius gestis tradidissent, comprehensa essent in scriptis trium Euangelistarum: an uerò plura essent tradita, quam scripta? Ne igitur Ecclesia ad posteritatem, quoniam uento et prætextu traditionum circumferretur, sed certa esset de doctrina ab Apostolis de gestis Christi tradita: Ioannes data sibi hac occasione, ea quæ præter trium Euangelistarum narrationes et facta sciebat, et tradita nouerat, quæque Spiritus sanctus Ecclesiæ ad omnem posteritatem necessaria et sufficientia iudicabant, conscripta sua Euangelica historia adiecit, et Ecclesiæ exposuit. Et quia Ebion solū Matthæi Euangelium recipiebat, cui peculiare interpretationes, quasi ex traditione acceptas affungebat: Ioannes concionibus Christi acuratiùs quam reliqui fecerant descriptis, inde ueram interpretationem sumendum esse monstrauit.

Hæc uera observatio, de occasione et causa scriptio-
ptionis

ptionis Ioānis, ualde multa monet. Num uerò postquam Ioannes etiam scripsit, singula quæ Iesus fecit & dixit, scriptis comprehensa sunt? Nequaquam. Ipse Ioannes enim ita concludit: Sunt & alia multa quæ Iesus fecit, quæ si scriberentur per singula, nec ipsum arbitror mundum capere posse eos qui scriberentur libros. Non ergo omnia de doctrina Christi quæ necessaria sunt, & quæ sufficiant in Euangelistarum scriptis habebimus: sed præter ea, alia etiam ex traditionibus, ad fidem & salutem necessaria erunt? Hoc quidem Pontificij pugnant. Sed audi, quid Ioannes dicat: Hæc autem scripta sunt, ut credatis, quia Iesus est Christus filius Dei: & ut credentes uitam habeatis in nomine eius.

Lindanus ut hæc uerba eludat, dicit Ioannem de uno illo articulo, de diuinitate scilicet Christi, in sua scriptione egisse. Sed certum & manifestum est, de doctrina & miraculis Christi, ea quæ in reliquorum Euangelistarum descriptionibus deerant, ipsum adijcere uoluisse. Summam uerò & finem totius doctrinæ Christi, ponit ueram fidem, salutem & uitam æternam. Et illa quæ de Christi doctrina, ad ueram fidem & salutem necessaria sunt & sufficiunt, Ioannes affirmat scripta esse. Res igitur manifesta est, licet nec omnia, nec singula, illa tamen tot & tanta, de doctrina et miraculis Christi cōscripta esse, quæ

ad ueram fidem, & ad uitam eternam necessaria sunt, & sufficiunt. Non enim de sua tantū scriptio-
ne, sed de reliquorum etiam Euāgelistarū scriptis,
Ioannes hæc loquitur, sicut ueteres omnes interpre-
tantur. Qui ergo præter illa adhuc alia de doctri-
na Christi querunt, manifestum est quòd nec fidē,
nec salutē, sed perfidiā et perditionē querant. Hæc
enim scripta sunt ut credatis, & credentes uitā ha-
beatis, inquit Ioannes. Quare uerò Spiritus sanctus
nō uoluerit singula cōscribi, rationē reddit Ioānes:
nō ut ex scrinio pectoris Pontificis Romani titulo
& prætextu traditionū, quiduis in Ecclesiā eructa-
retur: sed quia mundus, inquit, non caperet. Et Au-
gustinus rectē dicit, intelligendum hoc esse non de
mole librorum, nec de locali capacitate: sed quòd
Spiritus sanctus nostri habuerit rationem, et ea se-
legerit conscribenda, quæ in hac infirmitate cre-
dentes capere possent. Grata igitur mente, & re-
uerentur debemus illud spiritus beneficium ample-
cti & exosculari, quòd ad nostram se dimiserit in-
firmitatem, & uoluerit illam nimium onerare: sed
de doctrina & miraculis Christi ea selegit & dicta
uit conscribenda, quæ ad ueram fidem, & uitam e-
ternam sufficere & necessaria esse iudicauit.

Hic uerò Andradius exclamat: Ergone reliqua
quæ Christus fecit & dixit, quæ scripta nō sunt, fue-
rūt ociosa et in uilia ad fidē et ad mores? Inanem ne
igitur laborē, & ociosam operam, exceptis ijs quæ
scripta

Scripta sunt, in cæteris omnibus Christus posuit, quæ nihil erant futuris seculis profutura? Sed nos simpliciter respondemus uerbis Ioannis: si singula scriberentur, mundus non caperet omnes libros. Hæc autem scripta sunt ut credatis, & per fidem uitam habeatis. Nec propterea ociosa et inutilia fuerunt reliqua, quando easdem conciones, & similia miracula sæpius repetiuit. confirmanda emin erat illa doctrina, cuius summa cum cõfirmata esset, postea per Dei uoluntatem conscripta est.

Ita obijcit etiam hoc Andrædus: Christus post resurrectionem, per 40. dies, de regno Dei, permulta locutus est, quæ à nemine Euangelistarum scripta extant: & tamen non fuisse tam parui momenti existimandum est, ut ociosa iudicari potuerint. Sed respondemus id quod Augustinus de illa Christi sententia Iohan. 16. Multa habeo dicere, &c. cū Euangelistæ tacuerint, quis nostrum dicat ista uel illa fuisse: aut si dicere audeat, unde probabit? quis tam uanus aut temerarius, qui etiam si uera dicat, sine ullo diuino testimonio affirmet ea esse, quæ Spiritus sanctus per Euangelistas scribere noluit. Quis hoc nostrum facit, et non maximam culpam temeritatis incurrat, in quo nec prophetica, nec Apostolica excellit autoritas. Sed tamen quæ illa fuerint, quæ de regno Dei Christus locutus est Apostolis cum mentem ipsis aperiret, ex Apostolorum scriptis certè colligere possumus.

Operæ precium autē est obseruare, memorabile artificium Andradij, quod sine dubio in cōcilio Tridentino dicie. Contra Iesuitas allegaueram Augustini & Cyrilli sententias, ex doctrina & miraculis Christi, electa esse ea quæ conscriberentur, quæ saluti fidelium tam ad mores, quam ad dogmata à spiritu sancto : iudicata sunt sufficere. Quid uerò existimas bone Lector, contra hæc tam clara testimonia, quæ traditio solis (sicut Tertullianus loquitur) scripta uideri possent, Andradium contra Scripturæ sufficientiam, pro traditionibus proferre posse? Dicā tibi, primum strenuē maledicis, nos ganeonum more, mutilis & decurtatis sanctorum testimonijs agere, ut imperitam multitudinem circūueniamus. Nos uerò Dei beneficio & possumus & solemus, ipsum autorum loca inspicere, nec ex solis commentarijs sapere. Sed audiamus sanē, quo artificio Andradius aliam sententiam ex illis dictis Augustini & Christi exculpere possit. Toruo autem supercilio, quasi ex Tridentinis subsellijs dictat: Quando Augustinus inquit : Electa sunt quæ scriberentur, quæ saluti credentium sufficere uisa sunt: nequaquam hanc esse sententiam, omnia fidei nostre sacramenta Euangelistas paruo uolumine. complexos, sed ea tantum literis consignasse, quæ ad constituendam fidem aliarum rerum omnium quæ literis comprehensæ non sunt sufficere nō poterāt. Audax profectō est interpretatio. Sed quidē sunt nē

hæc

hæc Augustini uerba? Non sunt sed Andradij. At-
qui receperat, se ex Augustini uerbis, hanc nobis
sententiam monstrare uelle. Audi uerò quomodo
hoc præstet. Augustinus dicit miraculū resuscitati
Lazari fidem facere, 1. Christum esse illum Deū,
qui omnia, quæ uniuersitatis ambitu continentur,
creauit. 2. quòd in fine seculi, omnes mortuos sit
resuscitaturus: ut credamus in eum, & ad illam re
surrectionem præparemur, quæ erit ad uitam, non
ad iudicium. 3. dicit resurrectione Lazari, figura
ri resurrectionem animarum: qua magna Dei gra
tia, per fidem fit ne moriantur in æternum, &c. Et
hinc Andradius uult probare, Augustinū loqui de
fide illarū rerū, quæ sacris literis cōprehensæ non
sunt. Atqui ego hætenus, pro mea simplicitate cre
didi, articulos istos, de quib. Augustin. loquitur, ex
preßè in sacris literis cōtineri. Et iā animū subibat
admiratio, quò homo sanus, nisi per febrē forsā so
mnare posset, ex illis August. uerbis extrudi posse
id quod Andradius dictitat: sed nō meminērā, An-
dradiū Tridētini in cōcilio hoc scripsisse, ubi ius et
plenaria auctoritas est taliū interpretationum, nec
cuiquā liberū est dicere, Quid facis? Oportet profe
ctò magnā esse uel insolētiā, uel impudētiā Andra-
dij, qui existimat se talia posse Germaniæ sua grādi
loquētia persuadere. Eiusdē farinæ etiā est altera in
terpretatio. Cyrillus dicit: Nō omnia quæ Dominus
fecit, cōscripta sunt, sed quæ scribētes tā ad mores,
quā

quàm ad dogmata putarunt sufficere. Andradius
 nerò tradit talem interpretationem, Cyrillum his
 uerbis non asserere, fidei omnia sacramenta sacris
 esse literis explicata, sed tantum ea quæ ad creden-
 dum, omnia diuina mysteria (quæ scilicet in Scri-
 ptura comprehensa non sunt) sufficere possunt. Ni-
 hil addam: manifestum enim est, quàm petulans
 & superba sit hæc Andradij non explicatio, sed
 ludificatio, si ad uerba Cyrilli conferatur. Et quale
 putas concilium fuisse, in quo tales interpretatio-
 nes regnarunt? Exempli sanè gratia: utile est talia
 Pontificiorum artificia extare. Et quidem ipse An-
 dradius suæ ludificationi non satis fudit, ideo alia
 querit effugia. Affirmat Cyrillum de solo Euange-
 lio Ioannis hoc dixisse. Sed Cyrilli uerba sunt, quæ
 scribentes putarunt sufficere: Num is solus Ioan-
 nes est? O os impudens. Postremò concludit, ut ma-
 ximè sit Augustini & Cyrilli sententia, conscripta
 esse quæ ad mores, fidem, & ad salutem suffici-
 unt: communem tamen consensum, quo contrari-
 um statuitur, esse præferendum.

Repeto igitur illas Augustini & Cyrilli senten-
 tias: quas nunc magis amo, cum uideam illas tam fir-
 ma perspicuitate, auctoritatem & sufficiētā Scri-
 pturæ de doctrina Christi asserere: ut cum Andra-
 dius omnibus acerbatis & grandiloquentiæ ner-
 uis, toto deniq; Tridentino artificio illas uarijs mo-
 dis incantare, & transformare conatus sit, nihil
 tamen

tamen inde, præter extremæ impudentiæ notam retulit. Sunt autem hæ sententiæ, de tota historia Euangelica, quatuor Euangelistarum Augustinus Tractatu in Iohannem 49. Cum multa fecisset Dominus Iesus, non omnia scripta sunt: electa sunt autem quæ scriberentur, quæ salutem credentiũ sufficere uisa sunt. Cyrillus lib. 12. in Ioan. Non igitur omnia quæ Dominus fecit, cõscripta sunt: sed quæ scribentes tam ad mores, quàm ad dogmata putarunt sufficere: ut recta fide & operibus, ac uirtute rutilantes, ad regnum cœlorum perueniamus per Iesum Christum.

Addam adhuc unam sententiã Augustini, de cõser. Euangelist. lib. 1. cap. 35. ubi refutat illos, qui discipulos Christi, Euangelium cõscribentes ideo contemnendos putant, quia ipsius Christi nulla scripta proferantur à nobis. Christus (inquit) omnibus discipulis suis, per hominem quem assumpsit, tanquã membrum sui corporis, caput est. Itaq; cum illi scripserunt quæ ille ostendit, nequaquam dicendum est. quod ipse non scripserit: quandoquidem membra id operata sunt, quod dictante capite cognouerũt. Quicquid enim ille de suis factis & dictis nos legere uoluit, hoc scribendum illis tanquam suis manibus imperauit. Hæc Augustinus. Agnoscis autem candide Lector, quis intelligendus sit author & censor, quando in præcedentibus sententijs dicitur: Quæ uisa sunt sufficere, quæ scribentes putarunt sufficere.

sufficere. Sed in postrema hac sententia, Andrada. statim inueniet rimam quae elabatur. August. n. dicit: quae de suis factis et dictis Christus nos legere uoluit, ea Euangelistis scribenda mandauit. Andrada. uero dicit: Non omnia uoluit nos legere in Euangelistarum scriptis, sed maximam partem de suis dictis et factis, tamquam praecipui precij thesaurum, ex traditionibus. non scriptis, sed per manus traditis nos audire uoluit. Sed lector uidet, August. hoc nec uelle, nec dicere. Et quae hoc titulo nunc a Pontifice. iactantur, ea certe legimus in Pighio, Perezio, Lindano, Osio, in Pontificali, in Rationali diuinorum, in Tomis Conciliorum, &c. Augustinus uero dicit: Quicquid de suis dictis & factis Christus nos legere uoluit, illud scribendum Euangelistis, tamquam suis manibus imperauit. Christus igitur non uoluit, ut apud alios scriptores, de suis factis & dictis aliquid, quod in illis quae apud quatuor Euangelistas descripta extant, non continetur legamus. Quicquid ergo praeter haec ab alijs de Christi dictis & factis scriptum est, illud certum est, Christum non imperasse scribendum, nec uoluisse ut illud legamus. Quicquid enim de suis dictis & factis Christus nos legere uoluit, illud scribendum Euangelistis, tamquam suis manibus imperauit. Quando igitur Pontificij fabulatur, Christum instituisse consecrationem Chrismatis, sacramentum confirmationis, extremae unctionis, articularis confessionis, satisfactionis, indulgentias purgatorium, Missam, inuocationem sanctorum, adorationem imaginum

maginū, utrūq; gladiū Pōtificis, et scrimū in pecto-
 re eius, et similia, quę sub hoc titulo in Pōtificiorū
 scriptis legimus: opponimus hęc Augustini senten-
 tia: Quicquid de suis factis et dictis Christus nos le-
 gere uoluit, illud scribēdū Euāgelistis, tanquā suis
 manib. imperauit. Quid ergo de illis quę apud Euā-
 gelistas nō legimus, et tamē hoc titulo uenditātur,
 quōd sine facta et dicta Christi, iudicādū sit, mani-
 festū est. Loquimur aut nō de literis et syllabis, sed
 de sentētia: sicut eius dicti quod Paulus recitat Act.
 20. Beatius est dare quā accipere, &c. sentētia ex-
 tat in multis cōcionib. Christi. Irenæus autor est.
 quatuor illa cōscripta Euāgelia fuisse in primitiua
 Ecclesia normā, amussim et regulā: ad quā exigebā-
 tur, a quocūq; aliquid, quasi de factis et dictis Chrī-
 sti, pponeretur: et quod illis cōsentaneū inuenieba-
 tur, recipiebatur, quod uerō uel disētiebat uel repu-
 gnabat liberē repudiabatur. Ita aut inqt Iren. li. 3. c.
 1. Nec plura numero, nec rursus pauciora capit esse
 Euāgelia q̄ quatuor illa. Quoniam enim quatuor
 sunt regiones mūdi, & disseminata est Ecclesia su-
 per omnē terram: columna aut et firmamētum Ec-
 clesie est Euāgelium et spiritus uitę: cōsequens est,
 quatuor habere eā colūnas undiq; flātes incorrupti-
 bilitatē, & iustificātes hōines. Et postea subdit. Hi
 uerō q̄ sunt a Valētino suas cōscriptiones pferētes
 plura habere gloriātur, q̄ sint ipsa. (scilicet cōscri-
 pta) Euāgelia siqdē in tātum pcesserūt audacie, ut
 quod

quod ab his nō olim conscriptum est, ueritatis titulent Euangelium, in nihilo conueniens Apostolorum Euangelij. Si enim quod ab eis profertur, ueritatis est Euangelium: Dissimile autem est hoc illis, quæ ab Apostolis nobis tradita sunt: qui uolunt, possunt discere, quemadmodum ex ipsis Scripturis ostenditur, iam non esse id quod ab Apostolis traditum est ueritatis Euangelium.

Thomas etiam in Marcum inquit: Oportuit Euangelium nō solum prædicari propter præsentēs, sed etiā scribi propter futuros. Et hactenus quantum satis est, ostendimus quibus de causis, quo consilio, quo proposito et instituto, Euangelistæ historiam de dictis & factis Christi, literis cōsignarint: quem uoluerint illorum scriptorum usum esse in Ecclesia: quo loco primitiua Ecclesia, scripta illa habuerit: quid, & quantum illis tribuerit. Et ex illis quæ annotauimus, ea quæ à Pontificij de traditionibus non scriptis, contra auctoritatem, perfectionem et sufficientiam Scripturæ disputatur, rectissime dijudicari possunt. lucida enim est illa observatio, quæ fuerit summa fidei de dictis & factis Christi in Ecclesia Ierosolymitana, ex qua uerbum exiit in omnem terram: in Matthæi Euangelio literis consignatum est. Et quæ sit doctrina, quam de dictis & factis Christi, Petrus uiua uoce, Romanæ Ecclesiæ, cuius fides in uniuerso mundo, uiuentibus Apostolis celebrabatur, tradiderit, scripto

Marci

Marci memorie mandatum est. hæc enim sunt antiquitatis uerba. Lucas uerò ipse affirmat, se ea conscripsisse, quæ Apostoli de dictis et factis Christi, in ecclesia Antiochena (eius enim ciuis Lucas fuit) quæ prima Christianis hoc nomen dedit, tradiderunt, & quæ Ecclesiæ illæ gentium, quas cum Paulo perlustrauit, certa & indubitata tunc fide tenebant & profitebantur. Quid uerò Ioānes in Ephesina ecclesia de dictis & factis Christi tradiderit, ipse etiam scripto complexus est. Et hæ Ecclesiæ, extra omnem controuersiam tunc fuerunt præcipuæ, Ierosolymitana, Antiochena, Ephesina & Romana. Addatur si libet & Alexandrina, ad quam Marcus cū Euangelio suo, postquā illud conscripsisset, profectus esse scribitur. Si ergo pio studio querimus, quæ sint ueræ & indubitata Apostolorū traditiones de doctrina Christi, quæ fuerit *παραδοξις*, hoc est certa et indubitata fides illarū Ecclesiarū, quas Tertullian. matrices uocat, res ex illis quæ hætenus diximus, manifestissima est.

DE SCRIPTIS ET EPISTOLIS Apostolorum.

Quando proprie loqui uolumus, inter doctrinam Christi, & doctrinam Apostolorum, nulla est differentia. Ita enim Apostolis Christus dat potestatem annunciandi Euangeliū, Matth. 28. ut disertè addat: Docentes ipsos seruare quæcumq;
h præcepi

præcepi uobis. 10. 16. Spiritus sanctus docebit uos omnia, & suggeret uobis omnia quæcunq; dixi uobis. 2. Cor. 13. An experimentũ queritis eius qui in me loquitur Christus? 2. Cor. 5. Pro Christo legatione fungimur, &c. Hoc uerò loco, ordinis & distributionis gratia, doctrinã Christi intelligimus, iuxta Lucæ explicationem Act. 1. quæ Iesus coepit facere & docere usq; ad diem cũ assumptus est. Et hæc doctrinã de dictis & factis Christi, quantum nobis Spiritus sanctus necessarium esse & sufficere iudicauit, Euangelistarũ scriptis cõprehensam esse demonstrauimus. Apostolorum uerò doctrinam intelligimus, quã post ascensionem Christi, ipsi per totum terrarum orbem, tam inter gentes quàm inter Iudeos tradiderunt & propagarũt. De illa iam nobis dicendum est. Constat enim, Apostolos primis aliquot annis, Apostolicam doctrinam ex Scripturis quidem ueteris Testamenti probasse et confirmasse, sed sine suo aliquo scripto, sola uiua uoce tradidisse & progagasse. Postea uerò de doctrina sua coeperũt quædã cõscribere, quo cõsilio, quibus de causis, quo proposito & instituto hoc fecerint, quẽ huius sue scripturæ usum in Ecclesia esse uoluerint: eodem modo inquiremus, sicut de Euangelistis fecimus. Illa enim (etiã aduersariorũ confessione) est uera, tota & perfecta doctrina Euangelij (quantũ quidem pro modulo huius uitæ) quã Christus Dei filius proprio ore primum promulgauit

gavit, deinde per suos Apostolos omni creaturæ præiudicare iussit. Si igitur, sicut iam de Christi doctrina probauimus, de Apostolorum etiam doctrina ostenderimus literis consignatū, et scriptis comprehensum esse, quātum Spiritus sanctus nobis ad dogmata et ad mores necessariū esse et sufficere iudicauit: manifestū erit, sacrā Scripturam esse canonem, normā, regulā, fundamentū et columnā totius nostræ fidei, ita quod ex scriptura probandū et confirmandū erit, quicquid hoc titulo et nomine, q̄ sit Christi et Apostolorum doctrina, suscipi debet: et quod ad hāc normā, omnia in cōtrrouersijs religionis ita exigēda et examināda erāt, ut ualeat Hieronymi illud dictū: quicquid de Scripturis sacris autoritatē nō habet, eadē facilitate cōtēnitur qua probatur. Et hoc est caput cōtrouersie, inter nos et Pontificos. Ad hāc uerò cōsiderationē, omnino pertinet et necessarium est, ut cōstet et mōstrari possit, quæ fuerint prima principia, qui secuti progressus Apostolicæ prædicationis, quomodo primū Ecclesias fundauit cū inter Iudæos. tū inter Gētes: quomodo postea aliquantulū progressos in fide cōfirmarint: q̄ fuerint ritus, quæ exercitia, et q̄ quasi πολιτεία fuerit in prima Apostolica ecclesia, Et certum quidem est, Apostolos, non statim primis annis suæ prædicationis scripsisse. Ne tamem opus esset, uel diu coniecturis inare, uel ex ramusculis traditionum quæ sine capite sparguntur, petere quis fuerit

primus & uerè antiquissimus Apostolica ecclesia status: uoluit Spiritus sanctus certum autenticum & canonicum de his tam necessarijs & utilibus rebus scriptū ad omnem posteritatē extare in Ecclesia: cū non ignoraret, fore, ut hoc titulo multa incerta, uana, suppositicia & falsa obtruderētur Ecclesie. Lucas enim cum scriptione Euāgelicæ historie fidem & auctoritatem in Ecclesia sibi comparasset, contexuit etiā historiam de actis Apostolorum, exorsus à primis initijs Apostolicæ predicationis. Et hæc historia abunde suppeditat, quæ de his rebus necesse est, & sufficit scire.

Lindanus tragicis uocib. tumultuatur, in omnibus Apostolorum scriptis, non extare literis consignatum, quomodo nondum Christianos ad fidem adduxerint, & quæ fidei capita suis catechumenis oliti fuerint proponere: quia (inquit) Epistolas suas Apostoli scripserunt, non ad rudes fidei & ad catechumenos, se ad illas quas iam antea in rudimentis fidei instituerant. Et inde insert, Apostolos nō omnia Euangelicæ fidei dogmata, in Scripturas cōtulisse & conclusisse. Sed non animaduertit Lindanus, aut potius uidere noluit, in Actis Apostolorum à Luca, non tantum descriptam esse historicā narrationem, quod multi qui prius non erant Christiani, tam ex Iudæis quàm ex Gētib. ad fidem Euangelicā conuersi & facti fuerint Christiani: uerum etiam extare ibi integras descriptiones, quæ capita doctrinæ.

doctrinæ, & quomodo Apostoli proposuerint illis quos ad fidem Euangelicam primum adducebāt, non tantum ex Iudæis quibus doctrina Prophetica antea nota erat, uerumetiam ex Gentibus qui plane rudes erant doctrinæ diuinitus patefactæ.

Et Heb. 6. capita Apostolicæ catecheseos, quæ uocantur sermones inchoationis, ita recensentur: Doctrina pœnitentiæ ab operibus mortuis, fidei in Deum, baptismi, impositionis manuum, resurrectionis mortuorum, & iudicij æterni. Quis uerò ita insaniat, ut fingere ausit, hæc capita uel non tradita, uel non explicata extare in actis & in scriptis Apostolorum, cum hoc manifestissimum sit?

Irenæus lib. 4. cap. 40. dicit apud illos qui à Mo se & Prophetis, de peccato & de promissione aduentus Messie præcatechisati erant, breuē & facilem fuisse Apostolorū catechisationem: sicut Act. 8. Philippus paucis catechisationem absoluit, et ab Eunuchō rursus discedit. Paulo uerò apostolo apud Gentes laboriosiore fuisse catechisationē: oportebat enim illos instrui, Non mœchari, non furari, &c. & quæcunq; odio habentur à Deo. item quòd sit unus Deus, qui filium miserit, etc. Hæc Irenæus. Vtrumq; autem certè habemus in scriptis Apostolorum, & quid Iudæis, & quid Gentibus proposuerint, quando eos ad fidem Christi adducebāt. Et Lucas ca. 1. dicit se scribere certitudinem illorū, de quibus Theophilus antea catechisatus fuerat. De

IN EXAMEN DECRETORVM

catechesi igitur Apostolorum, nihil desideratur in
 ipsorum scriptis. Sed inquit Lindanus: Certè nec in
 actis, nec in epistolis Apostolorum scriptum est de
 omnibus illis ritibus, quos nos Pontificij circa ba-
 ptismum seruamus, nec de sacramento confirma-
 tionis per Chrisma, &c. Respondeo. Hoc & nos di-
 cimus, in Pontificiorum doctrina multa esse, quæ
 nulla habeant in Scriptura testimonia: & ideo
 contendimus, illa immeritò tribui Apostolis, quo-
 rum nulla extant uestigia uel in actis, uel in scriptis
 Apostolorum. Sed excipiunt, non omnia singulo-
 rum Apostolorum acta, à Luca esse literis consigna-
 ta. Pauca enim tantum de Petro narrat: Plura qui-
 dem de Pauli gestis scribit, ut cuius itineris comes
 & ministerij socius fuit, sed tamen nec omnia Pau-
 li acta recenset: sicut ex 11. capite secundæ ad Co-
 rinthios, Roman. 15. Galat. 1. & 2. & ex alijs lo-
 cas colligitur. de reliquorum uerò Apostolorum
 actis, ferè nihil annotauit. Omnino igitur plura
 & dixerunt & fecerunt Apostoli, quàm quæ Lu-
 cas angusto illo libello de actis Apostolorum com-
 plexus est. Non rectè itaq; aliquid ideo rejicitur, ut
 ab Apostolis nec institutum, nec factum, quia Lucas
 in actis Apostolicis illud non annotarit: se multò plu-
 ra credenda sunt ab Apostolis instituta, tradita &
 facta, quàm quæ ex Actis à Luca conscriptis pro-
 bari possunt. Respondeo. Et quis tandè erit mo-
 dus, finis aut numerus eorum, quæ sub hoc titulo ec-
 clesiæ

clesiæ, sine teste obtrudentur? Simplex autem & uera solutio ita deprehenditur. Antiquis temporibus, statim post Apostolorum tempora, argumentum illud ita fuit agitatum, quod multa scripta proposita fuerunt, promittentia supplementum eorum, quæ à Luca de actis Apostolorum præterita, & tamen ecclesiæ necessaria uidebantur: ut itinerarium Petri, quasi à Clemente conscriptum: Prædicatio Petri, Actus Andrea, Philippi, Petri, Thomæ, &c. Et quidem uiuente adhuc Ioanne apostolo, historia de periodo siue actibus Pauli & Teclæ sparsa fuit: quam Ioannes conuictio commentii authore, ostendit esse supposititiâ, sicut ceteri etiam libri de actibus Apostolorum, ab ecclesia reprobati sunt. Non recēs igitur artificium est, sub illo titulo & prætextu, quod Lucas non omnia singulorum Apostolorum acta, scriptione sua persecutus est, uana, falsa & supposititia obtrudere Ecclesiæ. Cum uerò supposititiij illi libri, qui promittebant pleniorē narrationem de actibus singulorum Apostolorum, reprobarentur, sine dubio ideò, quod incerta & falsa cōtinerent: num edita tunc fuerūt alia autentica scripta, de gestis aliorum Apostolorū, quæ ad posteritatē conseruarentur, cum præsertim Ioannes, qui ad Euangeliam historiam ea quæ uidebat à cæteris prætermissa, quæ posteritati tamen cognitu necessaria iudicabat adiecerat, tunc adhuc superstes esset? Hoc

certe factum esse, nemo affirmabit. Nec sanè aude-
 bimus dicere, ideo illud intermissum esse, ut posteri-
 tas suo arbitratu, uel ex incertis narrationibus
 quiduis fingeret de Apostolorū institutis, dictis &
 factis. Restat ergo, ideo non fuisse aliquid aliud de
 actis Apostolorum conscriptum, quod iudicatum
 fuit, illa quæ Lucas ediderat, adhibitis Epistolis
 Apostolorum, posteritati sufficere. Nam & in
 ueteri Testamento, non omnium seu Patriarcha-
 charum seu Prophetarum acta descripta sunt. Nec
 omnes Prophetæ, doctrinā suam literis posteritati
 cōmendarunt, imò quorundā scripta Deus interci-
 dere passus est: ut Nathan, Gad, Semeiæ, Hadde,
 Achia, Iehu filij Hammoni, &c. & ex illorū non
 scriptis traditionibus, Rabini dicunt Thalmud con-
 fectum esse. Quid uerò illis aliud respondere
 possumus, nisi quod ex omnibus Patriarcharum
 & Prophetarum dictis & factis, Spiritu sancto
 monstrante & seligente, ea literis mandata sunt,
 quæ posteritati ad dogma & ad mores (sicut Cy-
 rillus loquitur) necessaria esse & sufficere iu-
 dicata sunt?

Idem responsum uerè etiam opponimus Ponti-
 ficiorum obiectionibus. Quod enim attinet ad Ec-
 clesie statum, ad ministerium, doctrinam, fidem,
 &c. non habuerunt singuli Apostoli proprium
 aut peculiare aliquid, sed una fuit fides, eadem do-
 ctrina, commune ministerium, quo unum &
 eundem

eundem Ecclesie (quo ad substantiam Euangelicæ religionis) statum constituerunt: ut etiam si singulorum Apostolorum acta conscripta essent, non tamen contrarium, non diuersum, non aliud, sed unum & idem sæpius scriptum legeremus. Quæ igitur ratio communis illius ministerij, unius fidei, eiusdē doctrinæ in primo & antiquissimo Apostolicæ ecclesie statu fuerit, quia Spiritus sanctus non curauit sigillatim cuiusque Apostoli acta conscribi: sine dubio iudicauit, nos illud, quantum ad nostram doctrinam sufficit, ex illis quæ Lucas conscripsit, posse colligere & intelligere. Si enim plura iudicasset necessaria esse, absque dubitatione curasset illa per alios ad posteritatem conscribi, sicut in historia Euangelica fecit. Vsurpabimus igitur nobis uerba Augustini: Cum Dominus tempore Apostolorum, noluerit reliquorum Apostolorum acta conscribi: quis nostrum dicat, ista uel illa esse. aut si dicere quis audeat, unde probabit?

Sed inquis: In actis apud Lucam, plerumque tantum capita consignata sunt, non autem additæ sunt iustæ & necessariae explicationes. Respondeo. Illæ explicationes conscriptæ extant in epistolis Apostolorum, ut ita de doctrina Apostolica, quod nobis necessarium sit, inscriptis noui Testamenti nihil desiderari possit. Inquirendum igitur iam est nobis, quo consilio, propter quas causas, & in quem usum Apostoli epistolas suas conscripserint hæc enim con-

h s sidera.

sideratio, id quod querimus, liquidò ostendet.

Nicephorus lib. 2. cap. 34. de Pauli epistolis ita scribit: Ad plerosq; quos eum adire Spiritus sancti uis & gratia iusserat, quosq; per fidē in Christū Euageliū magnificē regenuerat, quæ præsens oratione sua dilucidē docuerat, eadē per compendii absens in memoriā renocās, epistolas dedit. Ita uerò eas quoque, quæ secretioris mysterij, magisq; abstrusa antea silētio præterierat, postea per sacra sua scripta, aut grādiōris sapientiæ uerbis accuratē & dilucidē declarauit, aut saltem (ut ita dicam) parabolarū more & specie, tanquā per enigmata adumbrauit: neq; propter eos qui ad res diuinas audiēdas idonei futuri erant, ea occultans: neq; propter ineptos atq; indignos dilucidē prorsus & apertē, ad contentum euitandum exponens. Hæc Nicephori uerba manifestē ostendunt, I. Pauli epistolas scriptas esse, ut essent ὑπομνήματα, compendio completa eadē quæ præsens oratione sua, dilucidē tradiderat illis quos per fidē in Christum regenuerat, II. quòd præterea etiam ea quæ in tradendis primis fidei principijs, ut altioris sapientiæ mysteria præterierat, uoluerit in epistolis accuratē & dilucidē declarare: III. quòd illa scripserit non præsentibus tantum, sed illis etiam qui ad res diuinas audiendas idonei futuri erant. IIII. quòd accuratē & dilucidē dogmata in epistolis suis declararit. V. Multa tamen in Epistolis Pauli, quasi per enigmata esse

esse adumbrata, propter ineptos & indignos, ad contemptum euitandum: illa uero enigmata, Paulum ita esse moderatum, ut ea quæ scribebat, nollet occultata esse illis qui idonei ad res diuinas audiendas futuri erant. Quod idem est, sicut Augustinus dicit, Spiritum sanctum Scripturas sanctas magnificè & salubriter ita modificasse, ut locis apertis fami occurreret, obscurioribus autem fastidia detegeret. Nihil enim (inquit) frè de illis obscuritatibus eruitur, quod non planissimè dictum alibi reperiatur. Sed totum id quod quaerimus, non potest euidentius, certius & firmitus, quàm ex ipsis Apostolorum epistolis demonstrari. Hoc igitur quam fieri potest breuissimè annotabimus, quomodo in ipsis Apostolorum epistolis deprehendi & obseruari possit, quo consilio, & propter quam causam scriptæ sint, & quis earum debeat in Ecclesia usus esse. Et iuxta Nicephori obseruationem, duo illa præcipuè considerabimus: quòd scilicet Apostoli uoluerint epistolas suas esse ὑπομνήματα, compendio complectentia ea quæ præsentis uoce Ecclesijs traderant: deinde quòd ea quæ post percepta prima fidei principia, Ecclesijs adhuc necessaria iudicabant, per scripta sua accuratè & dilucidè declararint.

Et quia multum refert, hanc sententiam ex solidis fundamentis, & firmis testimonijs constitu-

tam

tam & confirmatam habere: operæ precium est, huic considerationi aliquantulum immorari. Plus enim animus cōfirmatur uno Scripturæ testimonio, quàm si sexcenta ex alijs scriptoribus cūnulentur.

Possset autem in argumentis & perpetuo contextu singulariū epistolarum, multis & uarijs demonstrationibus hoc ostendi: sed copiosa, et ualde prolixa futura esset oratio, & ab instituto aliquantulum nos abduceret. Quædam igitur tantū, quæ maxime illustria sunt testimonia, ex Apostolorum epistolis annotabimus: ut ex ipsis Apostolorum uocibus audiamus & discamus, quo consilio, propter quas causas, in quem finem & usum, Apostoli doctrinam cœlestem, quam primum uiua uoce tradiderunt, postea literis consignârint, & scriptis monumentis complecti uoluerint.

Prima igitur ante alias scripta uidetur prior ad Thessalonicenses. Occasio autem & causa, quare illam scripserit, ex 17. capite Acto. & ex ipsius epistolæ uerbis non obscure colligitur. Multos enim & ex Iudeis & ex Gentibus religiosos, non paucas etiā ex primarijs matronis Thessalonicæ Paulus ad fidē Christi, tēpore non ita longo adduxerat: statim uerò à Iudæis infidelibus, mota per tumultū seditio ne, eiectus inde fuerat. Sollicitus igitur erat, ne propter persecutionem, fidem recēs susceptam uel negligenter, uel adijceret. Et cum ipse uenire nō posset, Timotheum eo miserat, qui hortaretur ipsos, ut

in fide semel suscepta perseverarent. Postea propter illam ipsam causam, scripsit priorem hanc ad Thessalonicenses epistolam: in qua non tantum hisce uerbis utitur, In doctrina qua uiua uoce à me traditam accepistis, permanete: sed capita eius doctrinae quam praesens tradiderat, in qua ut perseverarent, ipsis hortabatur, repetit & recitat: ut ita epistola illa esset perpetua commonesactio, per repetitionem reuocans ipsis in memoriam doctrinam, quam uiua uoce ipsis tradiderat. Alteram uero causam scriptionis suae, hanc esse dicit, ut impleret ea quae deerant fidei ipsorum. Id quia reditu suo ad ipsos haetenus praestare non poterat, per epistolam supplet & efficit. Haec plane conueniunt ad generalem obseruationem Nicephori, de Paulinis epistolis.

Altera ad Thessalonicenses, non multo post scripta est. Et in illa praecipue hoc obseruandum est, quod in secundo capite disertè explicatur alia occasio seu causa propter quam Apostoli coeperunt doctrinam suam literis comprehendere. Verba haec sunt: Ne turbemini, siue per Spiritum, siue per sermonem, siue per epistolam, quasi à nobis profecta. Audis quosdam tunc turbasse Ecclesias, sparsis nouis dogmatibus, praetextu spiritus seu reuelationum. Quia enim doctrina Apostolorum habebat auctoritatem, propter testimonium spiritus arrogabant sibi hoc etiam alij: ut cum iactarent spiritum & reuelationes diuinas, postularent sua etiam dicta, parireucren-

reuerentia & pietatis affectu suscipienda esse, sicut Apostolorum. Sed hoc facile refutabatur. tantum enim Apostoli erant electi, ut essent testes Christi, quorum doctrina talem haberet auctoritatem. Cum igitur intelligerent homines phanatici, Ecclesiam debere alligatam esse ad illam uocem doctrinæ, quæ Apostoli sonabant, alia ratione corruptelus meditabantur: prætendebant enim illa sua cõmentata quæ afferebant, esse uel à Paulo uel ab alijs Apostolis, uiua uoce in alijs Ecclesijs tradita. Ideo enim Paulus dicit: Nolite turbari siue per spiritum siue per sermonem, quasi à nobis profectum. Et speciosus erat prætextus, cum ad illa ferme tempora, doctrina Euangelij, sola uiua uoce tradita fuisset. Erat autem Apostolis mandata non tantum cura docendi, uerum etiam inspectio, ne alia quàm uera & sana doctrina Ecclesijs proponeretur: sed animaduertebant, cum longè lateq; propagata Ecclesia, ipsi uiua sua uoce non possem ubiq; præsentem esse, puritatem doctrinæ Apostolicæ per traditiones nec fideliter, nec tutò ubiq; retineri & conseruari, sed sub illo prætextu & titulo spargi peregrina & commenticia dogmata. Cæperunt igitur doctrinam suam literis cõsignare, ne sub titulo traditionum adulteraretur, sed ut Ecclesia certa esset de uera & genuina Apostolorum doctrina. Quia uerò etiam suppositicia epistola, quasi à Paulo, uel ab alijs Apostolis profecta, Ecclesijs obtrudebantur: Paulus pecu-

liari signo suæ manus, genuinas suas epistolas notauit. Et illas autenticas Apostolorum epistolas, hoc est autographa, in illis Ecclesijs quibus inscriptæ erant, suo adhuc tēpore seruatus fuisse, Tertullianus autor est, lib. de Præscriptione aduersus hæreticos.

Hoc diligenter obseruandum est in hac secunda ad Thessalonicēses epistola, qua occasione, & propter quam causam Apostoli, cū aliquot annis sola uiua uoce doctrinam tradidissent, postea coeperint illam literis cōmendare: ne scilicet turbarentur Ecclesiæ, siue per spiritum, siue per sermonem tanquam ab Apostolis traditum. Et rectè hoc opponimus Pontificijs. Si enim in primis annis Apostolicæ prædicationis, ipsis Apostolis adhuc in carne uiuentibus, per traditiones non fuit ubiq; seruata doctrinæ puritas, ubi Apostoli ipsi nō poterāt præsentēs esse, sed sub illo tittulo et prætextu, uaria cōmentata sparsa fuerūt, quasi ab Apostolis tradita: An non luculenter insaniunt, qui in hisce postremis temporibus, de quibus licet Christus & Apostoli prædixerunt, tantam fore pseudoprophetarum copiam, tantam errorum efficaciam, ut si fieri possit, etiam electi seducerentur: ipsi tamen iubent nos, ommissa clarissima luce, & certissima regula Scripturæ, ueritatem & puritatē doctrinæ Apostolicæ querere in traditionibus, quæ tanquam ab Apostolis profectæ, nunc à quibusdā iactātur, & hoc nomine uenduntur. Certè prudentius & rectius facimus, quòd ueritatem

ritatem & puritatem doctrine Apostolica querimus in Scriptura: quam ideo ab Apostolis Ecclesie traditam esse, manifestissima testimonia ostendunt, ne sub prætectu & titulo traditionum Apostolicarum, quiduis nobis octrudi posset. Sed ex hac ipsa epistola Pontificij ne estunt argumentum, quod tanquam Achilleam panopliam opponunt contra Scripturam, pro suis traditionibus. Paulus enim dicit: Tenete traditionis quas didicistis, siue per sermonē, siue per epistolam nostrā. Manifestissimū ergo est (aiunt) non omnia quæ necessario tenenda sunt, in scriptis Apostolorū comprehensa esse: sed ea etiam quæ ab Apostolis uiua uoce tradita, per traditiones ad nos peruenerūt, pari reuerentia & pietatis affectu suscipienda esse. Et fateor, inter omnia Pontificiorū argumenta, quæ contra sufficientiā Scripturæ, pro traditionibus cumulantur, nullū maiorem habere speciem, quā hoc. Videtur enim ipsa Scriptura suam insufficientiā fateri, & ideo nos mittere ad traditiones non scriptas, cum dicit: Tenete traditiones quas didicistis, siue per sermonem, siue per epistolam nostram.

Possē autem respondere: Quia non cōtraria, non diuersa, non alia, sed una et eadē fuit doctrina, quam Paulus tradidit siue per sermonē, siue per epistolam: ideo rectē ipsum dicere, Tenete traditiones quas didicistis, siue per sermonem, siue per epistolam nostrā. Et uidetur in uerbis præcedentibus explicare

plicare quas uelit intelligi traditiones. inquit enim: Gratias agere debemus Deo pro uobis, quod elegerit uos in salutem in sanctificatione spiritus, & in fide ueritatis, in qua uocauit uos, per Euāgelium nostrum, in acquisitionem gloriæ Domini nostri Iesu Christi, Et per particulam illatiuā annectit: Itaq; tenete traditiones, &c.

Quod autē de ueris Apostolorum traditionibus scriptum est, non statim ad illas quæ à Pōtificijs hoc nomine proponuntur, trāsferri debet. Si enim tam liquidò & certò probarint, traditionē aliquam esse indubitato Apostolicam, sicut ea quæ scripta sunt probantur: ualeat sanè id quod Paulus dicit: Tenete traditiones quas didicistis, siue per sermonem, siue per epistolam nostram. Hoc uerò in controuersia adhuc positum est, an sint ueræ Apostolicæ traditiones, quæ à Pontificijs iactātur. Quādo hoc probauerint, postea de dicto illo Pauli disputent. Hæc possem uerè ad hanc obiectionem respondere: sed non utar nunc quidem illis responsionibus, sed paulisper sequar, quò nos ducunt aduersarij: ut Andradius iterum ex cōmiseratione quadam cogitet, me minimè circumspectū esse. Concedo igitur, tunc cum Paulus Theſſalonicensibus hæc scriberet, non omnia quæ de Christi & Apostolorum doctrina tenēda sunt, scriptis fuisse comprehensa. Iuxta Irenæi enim supputationem, quam aduersarius meus Andradius sequitur, nec Matthæus, nec ullus Euan-

gelistarum

gelistarum adhuc scripserat. Et à Paulo prior tantum epistola ad Thessalonicenses tunc scripta erat, altera uerò tunc primum scribebatur. Sicut igitur rectè dicitur, & nemo impugnat, in duabus illis epistolis ad Thessalonicenses, nò omnia quæ de Christi & Apostolorum doctrina, cognitu necessaria sunt, quantū satis est, cōprehensa esse: ita Paulus meritiò dicit, Thessalonicenses debere non tantū illam doctrinā, quā in priori epistola ab ipso traditā acceperāt, tenere (in illa enim non omnia erāt, expressè & explicatè comprehensa) uerū etiam quæ uiua uoce ab ipso tradita acceperant, quæ in epistola illa non omnia continebantur.

Ex collatione illud quod dico, simplicissimè & clarissimè intelligi potest. Si quis canone Scripturæ ueteris Testamenti nondum absoluto, libros Moysis, sicut Sadducei postea fecerunt, ita recepisset, ut ea quæ per prophetas à Deo tradebantur, repudiaret & abijceret, meritiò culpandus esset. Rectè enim tunc dici poterat: Tenete doctrinam quam Deus uobis tradidit, siue per scripta Moysis, siue per os, aut sermonem prophetarum. Si uerò Cabalista aut Thalmudista aliquis, post constitutum & absolutum canonem Scripturæ ueteris Testamenti, idem illud argumentum ad suas traditiones confirmandas accommodare uellet: quæro ab Andrædio, & à reliquis Pontificijs, num constet & admittendum sit, hoc argumentum: Tempore propheta-

prophetarum rectè dicebatur, suscipiendam & tenendam doctrinam uerbi Dei, non tantum quæ scriptis Moysis comprehensa erat, uerumetiam quæ per prophetas uiua uoce tradebatur: ergo etiam post tempora prophetarum, postquam constitutus & absolutus est canon Scripturæ ueteris Testamenti, existimandum est, non omnia quæ de doctrina patriarcharum & prophetarum necessario tenenda sint, in libris sacræ Scripturæ contineri, sed præterea etiam illa quæ à Phariseis & Cabalistis, titulo traditionum uenditantur, parè reuerentia & pietatis affectu suscipienda & ueneranda esse. Non arbitror Andradium hoc admissurum. Petrus certè à Soto hoc negat. Quæ ergo ratione putant consequi? Paulus cum primò unam epistolam scripsisset, dicit, Thessalonicenses debere tenere traditiones, non tantum quas in una illa epistola acceperant, sed quas præterea etià uiua uoce ab ipso didicerant, quæ in unica illa epistola non omnes plenè cõtinebantur: ergo nunc etià, postquàm cõstitutus & absolutus est canon Scripturæ noui Testamenti. Idem de imperfectione & insufficientia totius Scripturæ dicendum est, ut præterea illa etiam, quæ nunc titulo traditionum à Pontificijs iactantur, pari reuerentia & pietatis affectu, sicut ipsam Scripturam, suscipiamus & ueneremur. Certè manifestissimum est, etiamsi uera essent quæ à Pontificijs de traditionibus disputantur, ex illa tamen Pauli

sentētia minimē hęc consequi. Longē aliud enim de Scriptura noui Testamēti loqui, cū primum unica tantū epistola Pauli edita esset, quam cū tot libris & epistolis postea tradita et explicata est: sicut postea ostendemus, quōd Paulus in epistola ad Timotheum, quam circa finem uitę scripsit, longē aliter loquatur de Scriptura.

Quid contra hanc manifestissimam ueritatē, uel specie aliqua uerisimilitudinis, dicere possunt Pontificij, non sanē uideo: nisi forsā crepitu anathematum, ueritati oppedere uoluerint. Quoties igitur argumentum illud, in scriptis Pontificiorū legeris, memineris esse insignem fallaciam à dicto secundum quid, ad dictum simpliciter. Et sanē gestit animus audire, quid Andradij grandiloquentia, contra hanc euentiam proferre conabitur.

Sed progrediamur ad reliquas Pauli epistolas. proxima enim post ambas ad Thessalonicēses, scripta uidetur siue ex Phrygia, siue ex Macedonia prior ad Timotheum. Actoorum 18. In qua, sicut Nicephorus dicit, Paulus ἐν τῷ πῶ rationem & uitam Hierarchicam copiose descripsit. Et sanē non egemus Nicephori testimonio. ipse enim Paulus causam scriptionis explicat cap. 3. Hęc scribo tibi, sperans me citō uenturum ad te: si autem tardauero, ut scias quomodo oportet in domum Dei conuersari, quę est ecclesia Dei uiui, columna & firmamentum ueritatis. Manifesta explicatio,

plicatio, qua occasione, propter quam causam, & in quem usum Paulus priorem epistolam ad Timotheum scripserit. Commendauerat ipsi ministerium in ecclesia Ephesina, ut sanam doctrinam & traderet & confirmaret, ἐπεροδιδασκᾶλους uerò refutaret, quæ cum sana doctrina in moribus pugnant argueret, ritus Ecclesiæ ad ædificationem utiles institueret et conseruaret, ministros ordinaret, &c. Vt autem sciret, quomodo fidelem ministrum Christi in his quæ ad ministerium pertinent, oporteat rectè uersari in Ecclesia, quæ non est congregatio malignantium, sed domus Dei, columna & firmamentum ueritatis; propter hanc causam, & in hunc usum affirmat se scripsisse illam epistolam. Et quidem non dicit, Quomodo oporteat te conuersari: sed indefinitè & generaliter loquitur, Quomodo oporteat conuersari, &c. Vt sit typus generalis. Et profectò magna hæc est huius epistolæ commendatio. Ecclesia est columna & firmamentum ueritatis, extra omnem controuersiam, propter possessionem & conseruationem puritatis doctrinæ Apostolicæ. Quomodo uerò ministerium docendi, ita sit instituendum & usurpandum, ut Ecclesia non fiat spelunca latronum, & congregatio malignantium, sed sit & maneat columna & firmamentum ueritatis; propter hanc causam & in hunc finem ipse Paulus suis uerbis testatur, se priorem hanc epistolam ad Timotheū

conscriptisse. Et ideo statim in primo capite ponit
 summam *παράγγελίας*, hoc est illius doctrinae,
 quam à Christo acceptam, Timotheo annuncian-
 dam commendauerat. Et praecepta illa quae scribit,
 aliquoties nominat *ἐποδολογίη*, cap. 1. & 4. hoc
 est, uerā Apostolicā Cabalā, ex traditione uiuæ uo-
 cis, ab Apostolis ita acceptā, ut fidelis sit sermo, &
 dignus acceptione. Et ad illa etiā praecepta, quae scri-
 pta in illa epistola cōprehēdebat, subinde se refert:
 Hoc praeceptū cōmedo tibi, hæc scribo tibi: hæc pro-
 ponēs fratribus, bonus eris minister Christi, enutri-
 tus uerbis fidei, & bonæ doctrinae quā affecutus es.
 Hæc præcipe & doce. Hæc meditare. In his esto. In
 his permane: hoc enim faciens, & teipsum saluū fa-
 cies, & eos qui te audiunt. Testor corā Deo, ut hæc
 custodis sine præiudicio. Hæc doce, & exhortare,
 etc. Certū igitur & manifestū est, quo cōsilio Pau-
 lus hanc epistolā ad Timotheū scripserit, et quē uo-
 luerit eius usum esse in Ecclesia. Tertullians de præ-
 scriptione aduersus hereticos, expēdit diligēter uo-
 cabula, q. Paulus nō dicit illud uel illa: sed, hoc præ-
 ceptū, & hæc proponēs, &c. Inquit enim: Cū Pau-
 lus inquit, Hæc: de eis dicit, de quibus in præsentī
 scribebat. De occultis uerō, ut de absentibus apud
 conscientiam, non (hæc) sed (illa) dixisset. Confidere
 tur uerō & hoc cū Paulus Timotheo ministerium
 & inspectionē Ecclesiæ Ephesinæ cōmendaret, nō
 est dubiū, ipsum uiuæ uoce, ea quæ ad ministerium
 perti-

pertinet tradidisse & explicasse. Dicit enim: Sicut
 rogavi te, ut denunciare, &c. Cur uero non multo
 post discessum suum, eadem scripto comprehensa mittit
 ad Timotheum? Ita enim orditur epistola: Sicut ro-
 gavi te, ut maneres Ephesi, &c. Et in 3. demum capi-
 te sequitur αὐτὸν ὁ λόγος: Sicut rogavi te, hæc scri-
 bo tibi. Certè non ideo hoc fecit, quod tam parum fi-
 deret memorie Timothei. Sed quia autoritas Timo-
 thei non erat par Apostolicæ autoritati sed opor-
 tebat ipsum testimoniū habere, et liquidò posse pro-
 bare, ea quæ proponebat esse ab Apostolo tradita
 & accepta: ideo Paulus ea quæ ad ministeriū perti-
 nentia, uiua uoce ipsi mādārat, iam literis cōsignata
 ad ipsum mittit: ne quis, sicut inquit, adolescētiā ip-
 sius cōtēnat, sed ut & ipse certus sit, & alijs proba-
 re & cōfirmare possit, hoc esse præceptū illud, sibi
 à Paulo cōmendatum: utq; Ecclesia certa sit, Timo-
 theū, quādo hæc proponit fratribus, esse bonū mini-
 strū Christi. Nūquid autē non suffecisset sola asseuera-
 tio Timothei, si affirmaret, se illa quæ proponebat
 à Paulo, ex traditiōe uiuæ uocis accepisse? Certè non
 opus fuisset scriptione Pauli, si Pōtificios de autori-
 tate traditionū, non scriptarū in cōsiliū adhibuisset.
 Quia uero illa quæ Timotheo uiua uoce comendā-
 rat, scripto cōplecti uoluit: satis ostēdit, quo cōsilio
 id fecerit, et quæ iudicauerit scripturæ usum debere
 esse in nouo Testamento: ut tale scilicet testimoniū
 pponat, q̄ gloriatur se Apostolicā doctrinā asserre.

Accedit & hoc, quòd Timotheus non diu seu continuè mansit Ephesi, sicut historia Actorum ostendit. Paulus igitur ideo scripsit, ut post discessum Timothei haberent Apostolicam formam ministrum, quomodo conuersandum sit in Ecclesia, quæ est columna & firmamentum ueritatis. Hæc profectò sunt ualde illustra testimonia. Contra quæ si quis excipiat generalia quidem capita eorum quæ ad ministerium pertinent, in hac epistola notari: ut de sanis sermonibus Christi, de ea quæ secundum pietatem est doctrina, quæ est Apostolica: non autem extare in ea, plenas & iustas explicationes: respondeo. Qui sint sani sermones Domini nostri Iesu Christi, habemus in scriptis Euangelistarum: quæ uerò sit Apostolorum doctrina, in alijs ipsorum epistolis plenius explicatum est. Si quis uerò pertinaciter contendat, præter illa quæ & in hac epistola, in alijs scriptis noui Testamenti consignata sunt, alia etiã fuisse tradita, quæ æquæ nobis sint necessaria: respondeo uerbis Augustini: Cum Spiritus sanctus illa noluerit scribi, quis dicet uel ista uel illa esse? & si quis tam temerarius & audax erit, ut dicere audeat, unde probabit?

De ijs quæ scripta sunt, certi sumus, quòd sine ab Apostolis tradita quæ propter hanc etiã causam scripta sunt, ut de ijs certi essemus. De incertis uerò, nò potest fides esse. Relinquamus igitur talia illis, qui certis et necessarijs relictis, incertis occupari

cupari malunt: nos ijs quæ propter fidei certitudinem conscripta sunt, contenti simus.

Eadem omnino est ratio epistolæ ad Titum, quæ post priorem quidem ad Corinthios ex Nicopoli Act. 20. scripta est: sed propter argumēti similitudinem, hoc loco de illa annotabimus, quæ ad nostri instituti rationē pertinent. Huius rei gratia inquit, reliqui te in Creta, ut ea quæ desunt corrigas, & cōstituas presbyteros. Num igitur uel incertū et ignotum est, uel ex Pontificiorū traditionibus diuinandum est, quæ & quomodo ex mandato Pauli, Titus in Creta debuerit corrigere, quæ Paulus festinans ad alia loca, non potuerat absolueret? & quomodo debuerit presbyteros constituere? Certe propter hanc causam, & hoc consilio scripsit Epistolam ad Titum, sicut ad illa quæ scribit se refert: Hæc loquere: de his uolo te affirmare.

Et quia ab Epheso Paulus ita profectus est, ut iret in Macedoniam: in illo igitur itinere peruenit in Cretam, & ab ea proxima est Epirus, ubi Nicopolis sita est. Post paucos igitur dies à discessu suo ex Creta, Paulus scripsit hanc Epistolam ad Titum, repetens ea quæ præsens uiua uoce ipsi in mādatis dederat. Quare uerò hoc fecit, cum elapsis paucis diebus, mandata illa in recenti adhuc memoria Titī essent: nec periculum esset, ne Titus doctrinam adulteraret? Respōdeo: Causam ipse in epistola indicat cap. 2. Hæc loquere, & exhortare, & argue

cum omni imperio: nemo te contemnat. cap. 3. Fidelis sermo: de his uolo te asseuerare. Iam uerò Titus potuisset uerè confirmare, se illa quæ agebat docendo, exhortando, arguendo & corrigendo, facere ex mandato Pauli, quod uiua uoce, paucis antè diebus ab ipso acceperat. Sed uides consilium Pauli, quia scripto illa sua mandata complecti uoluit: 1. ut Titus ipse certus esset, ea quæ proponebat, esse fidelem sermonem, de quo rectè & meritò posset & deberet asseuerare. 2. Ut ecclesia haberet testimonium, ea quæ Titus cum asseueratione proponebat, esse fidelem sermonem. Ut igitur ea quæ Titus ratione ministerij, docendo, exhortando, arguendo & corrigendo agebat, non contemnerentur, sed haberèt authoritatem, ut ab Apostolo tradita & mandata, ut cum omni imperio posset docere, exhortari & arguere: Paulus iudicauit non satis esse, si Titus saltem affirmaret, se illa uiua uoce ab Apostolo accepisse, sed mandata illa scripto comprehensa misit ad Titum, propter causas, quas ipse (sicut monstrauimus) in epistola indicat. Si igitur tunc quando Paulus non tantum in carne adhuc uiuebat, sed in loco ualde uicino aderat, & ante paucos dies, uiua uoce, mandata dederat Tito, quem uocat Germanum suū filium, quem Creteneses uiderant esse non tantum comitem itineris Pauli, sed & socium ministerij: si tunc inquam, Paulus iudicauit solam allegationem traditionis.

traditionis, in ijs quæ ministerij sunt, non sufficere illis qui ipsi non erant Apostoli, sed doctrinam ab Apostolis traditam docebant: sed necessarium esse testimonium ex scripto, unde probari & confirmari posset, certum esse sermonem, qui à nemine esset contemnendus, sed cum omni imperio proponendus (hæc enim sunt Pauli uerba:) quid igitur hisce iam postremis mundi temporibus Pontificij contendunt, pro traditionibus Apostolicis esse recipienda, quæ ex Scriptura probari & confirmari nullo modo, quod & ipsi fateri non erubescunt, possunt? Certè ab Apostolo discimus, quomodo Titius Cretensibus debuerit, probare & confirmare, certum & fidelem esse sermonem de quo asseuerabat, qui non esset contemnendus, sed autoritate Apostolica proponendus. Et iam lector de tota hac controuersia iudicare potest. Idè enim potissimum ab aduersarijs flagellamur, quòd tutissimum hoc Pauli consilium sequendum esse docemus, hisce præsertim postremis senescentis mundi temporibus: de quorum periculis, quod ad doctrinæ corruptelas attinet, multa & manifesta in Scriptura extant uaticinia.

Et hæc quæ ex ipsis Pauli uerbis ostendimus, quo consilio, propter quas causas, et in quem usum epistolas suas conscripserit, cauillationib. sanè exagitari et cõspurcari possunt, iuxta Phormionis artificium: Nihil tam bene dictum est, quod maledicendo

cendo deprauari non possit. Sed ueris & solidis argumentis labe factari nullo modo poterunt. Pergamus igitur ad reliqua Pauli scripta.

Prior ad Corinth. epistola uidetur Ephesi scripta esse. Paulus enim dicit, se mansurum Ephesi usque ad Pentecosten. Et in fine dicit: Salutant uos ecclesie Asiae: & inter illas nominat etiam Aquilam & Priscillam, quos Ephesi Actor. 19. Paulus reliquerat. Non diu igitur post discessum suum Paulus epistolam illam scripsit ad Corinthios. Nobis uero tantum propositum est inquirere, quo consilio, propter quas causas, et in quem usum Epistolam illam scripserit. Deprehendimus autem statim in principio, Paulum uoluisse epistola illius usum esse, non tantum in Corinthiaca ecclesia, pro presenti tantum necessitate. Inscribit enim illam omnibus qui inuocant nomen Christi in omni loco, et ipsorum et nostro. Hoc primo obseruetur propter Pighij calumniam, quasi Paulus epistolas suas tantum propter particulares quasdam ecclesias, & tantum in usum presentis tunc necessitatis conscripserit.

Deinde & cause propter quas epistolam illam scripserit, ex ipsius uerbis colligi possunt. Erant inter Corinthios schisinata: Ego sum Pauli, ego Apollos, ego Cepha, ego Christi. hoc est: Cum quidam doctrinam acceperant à Paulo, quidam ab Apollo, uiro disertissimo: quidam à Petro, qui cum Christo in carne conuersatus fuerat: quidam etiam eo uenissent,

uenissent, qui Christum in carne uiderant, & docētem audiuerant: inde certabatur apud Corinthios, quæ traditiones essent præstantiores. Paulus uerò ostendit, non ex personarum docentium discrimine, sed ex unitate & ueritate doctrinæ iudicandum esse. Fundamentum enim aliud nemo potest ponere, præter id quod positum est, qui est Christus Iesus. Qui plantat, & qui rigat, unum sunt. Illa etiam circumstantia temporis digna est consideratione, quòd Paulus tunc primum cœpit doctrinam suam literis consignare, postquam datis dextris societatis, Galat. 1. publicè declarata erat consensio de doctrina inter ipsum & reliquos Apostolos: ut certi essemus, in epistolis Pauli comprehensam esse doctrinam, quæ communis fuit omnibus Apostolis: ne quis cauillari posset, nos Pauli tantum, non etiam reliquorum Apostolorum doctrinam in scriptis noui Testamenti habere.

Quia uerò apud Corinthios, quidem ab illa forma doctrinæ quam per traditionem uiuæ uocis à Paulo acceperat discesserant, & adulterationes quedam cœperant irrepere de peccato, de cœna Domini, de resurrectione mortuorum, &c. Paulus capita traditionis suæ in illa epistola literis consignare uoluit: quomodo scilicet fundamentum posuerit, quomodo potum lactis Corinthijs dederit: Nihil, inquit, iudicauit me scire inter uos, nisi

nisi Iesum Christum, & hunc crucifixū. Vnde prædicationem suam uocat uerbum crucis. Et cap. 15. inquit: Euangelium quod accepistis, & in quo stastis, hac ratione prædicaui uobis. Tradidi enim uobis in prinis, quod & accepistis, quod Christus mortuus est, &c. Et addit: Siue ego, siue alij Apostoli ita prædicaui, & ita credidistis. Doctrinam igitur Christi, sicut illa ab Euangelistis descripta nunc extat, prædicaui & tradidit: & hoc uocat fundamentum, capite 3. Sicut & cap. 11. in instructionem cœne Dominicæ iisdem uerbis repetit, sicut extat apud Euangelistas. Et præfatur: Ego enim accepi à Domino, quod & tradidi uobis.

Fuit igitur una causa scriptionis, sicut Nicephorus inquit: quod quæ præsens oratione sua dilucide docuerat, eadem absens per compedium in memoriam, scripta epistola reuocare uoluit, propterea quod à quibusdam Pauli traditionibus discescerant. Et diligenter hoc notetur, quod puritas doctrinæ Apostolicæ apud Corinthios, per conseruationem traditionis uiuæ uocis, non diu fuit custodita, sed intra ualde breue tempus cœpit adulterari. Quod si id factum fuit primis annis Apostolicæ prædicationis, ipsis Apostolis adhuc uiuentibus: quid, putandum est accidisse traditionibus, per tot centurias annorum post mortem Apostolorum, & quidem postremis mundi temporibus? Et si tunc ad conseruationem puritatis doctrinæ,

opus fuit scriptis Apostolorū: quanto infinitis modis magis nunc, hac uia & ratione opus est?

Alteram causam, quod priorem ad Corinthios epistolam Paulus scripsit, ipse etiam exponit. Posito enim fundamento, cum non esset dubium, superstruendum esse ædificium: illo prætextu alij quidem superstruebant aurum, argentum, gemmas: alij uerò ligna, fœnum, stipulas. Et obseruetur hoc, quod ipsis Apostolis adhuc in carne uiuentibus, imò non diu post discessum Pauli, quidam apud Corinthios cœperunt lignum, fœnum, stipulas super fundamentū extruere. Vt igitur posito fundamento, non esset incertū, quæ Apostolica structura superimponenda esset, ipse Paulus scripto ostēdit, quod sit aurū, argentū & gēma, quæ Apostolica structura super fundamentū extruatur: unde etiā dijudicari possint lignū, fœnū stipula, quæ ab alijs superstruatur.

Et ita habemus literis consignatum, totum ædificium Dei, cuius architecti sunt Apostoli: fundamentū scilicet, & ea quæ super struenda sunt: et quæ huius scriptiois usum in ecclesia Paulus esse uoluerit. Inde constat, q̄ epistolā illam inscripsit omnibus, qui inuocant nomen Christi in omni loco.

Miserat quidē Paulus Timotheū ad Corinthios cap. 4. qui inquit: ἀναμνησται hoc est, quasi obliuioni datas in memoriam uobis reducet uias meas. Simul uerò addidit ei quasi instructionem, seu literas fiduciaras aut credētie (sicut uulgò loquimur)

in hac

in hac epistola: qualis scilicet deberet esse ἀντί-
 ρωστis illa, ut inde probare posset Timotheus, ea
 que diceret à Paulo se in mādatis accepisse. Et hac
 cautione Paulo ideo utendum fuit: alicubi enim
 ecclesijs imponebatur, quasi per sermonem à Pau-
 lo profectum, 2. Thess. 2.

Quod si quis cauilletur, uel capita quedā Apo-
 stolice doctrine, uel certē iustas explicationes in
 hac epistola desiderari: respondemus simpliciter,
 nos non ita unam aliquam Pauli epistolā amplecti,
 ut reliquas nō inspiciamus & conferamus: sed ad-
 hibitis & collatis omnibus scriptis noui Testamē-
 ti, affirmamus nos in illis habere, quantum necesse
 est, & sufficit, capita scilicet doctrine Apostolicę,
 & iustas explicationes: sicut postea Paul. 2. Tim. 3.
 ipse cōfirmabit. Et hoc loco 1. Cor. 4. dicit: Sicut u-
 biq; in omnib. ecclesijs doceo. Adhibenda igitur et
 conferenda sunt illa etiā, quę à Paulo in alijs eccle-
 sijs tradita esse, ex scriptis eius constat. hac enim
 demonstratione Paulus σὺνέγραψεν suos, adhuc ui-
 uente se uti uoluit, sicut iam ostendimus. ideo enim
 scripta mandata ipsis tradidit.

Sed inquirunt, Paul. 1. Cor. 11. de coena Domini lo-
 quens, dicit: Cetera cum uenero disponā. Ergo illa
 quę nunc in Pontificiorum missā seruātur, Paulus
 postea uiua uoce Corinthijs tradidit. Ita lesuitę.

Audax profectō est consequentia: sed eādē fa-
 cilitate cōtemnitur, quā probatur. Onuino tamen

(dicat

Paulum quædã uoluisse uiua uoce disponere, quæ scripto non est complexus. Num uerò dogmata quedam plura & alia, de cœna Domini promittit? Certè de ijs quæ scribebat, dicit: Ego à Domino accepi, quod & tradidi uobis. Non ergo uel plura, uel alia dogmata de cœna Domini, quàm quæ à Domino acceperat, promittere potuit. De ritibus igitur quibusdam externis loquitur. Nam ita cap. 16 uerbum *ἡ ἑσθία* usurpatur, ut prima sabbathi eleemosyna seponatur. Paulus uerò sollicitè distinguit illa de quibus mandatum Domini habet, à ritibus adiaphoris qui ad ædificationem Ecclesiæ ordinanter. Talia enim non sicut dogmata perpetua & uniuersalia sunt: ut de aperto & uelato capite, cap. 11. Cum igitur ea quæ præsens ordinare uoluit, noluerit scripto complecti: quis nostrum dicat, ista uel illa esse: aut si quis dicere audeat, unde probabit? Sed uideo, ex hac obseruatione præter opinionem, scriptionem nostram excrescere. Vellem enim generali annotatione, quæ de reliquis epistolis restant, comprehendere: sed tamen animaduerto, ex singulis sermè epistolis, peculiare aliquid, quod ad hoc nostrum institutum illustrandum & confirmandum pertinet, utiliter posse annotari. Cumq; hæc testimonia, quæ ex ipsis epistolis Apostolicis sumuntur, omnium sine certissima, quibus pie mentes, contra omnes cauillationes rectissimè possunt confirmari: pertexe-

mus catalogum illum, quæ fieri poterit breuitate.

Aliera igitur ad Corinthios, ex Macedonia, non multò post priorem scripta est hac occasione. Cum ex Tito redeunte, inter cetera & hoc Paulus cognouisset, doctrinam suam à quibusdam apud Corinthios hoc prætextu in contemptum adduci, quod aliorum Apostolorum maior deberet esse authoritas, qui cum Christo per aliquot annos uersati fuerat: autoritatē igitur ministerij sui indicat, et inquit cap. 12. Nihilo inferior sui ijs qui sunt supra modum Apostoli. Quid est quod minus habuisti præ ceteris Ecclesijs, &c. Iterum uidet, Ecclesiam turbari disputationibus, de uiuis Apostolorum traditionibus. Illud uerò ad nostrum institutum proprie pertinet, quod à falsis fratribus tunc coepit iactari, longè aliū esse Paulum absente per epistolas, quam præsens sit uerbo et facto. Colligitur hoc ex 1. 10. & 13. capitib. Aliquoties igitur repetit: Quales sumus absentes per epistolas, tales & præsentēs facti, cap. 10. Prædixi & prædico, ut præsens, ita et nunc absens, cap. 13. Et pulcherrima extat sententia in 1. cap. Non enim alia scribimus uobis, quam quæ legitis & cognoscitis. Vitur duobus uerbis, *ὡς ὁ ὡς ὡς*, quod Græca scholia rectè interpretamur, quasi per reminiscentiā aliquid antea traditū et notū recognoscere: & *ἐπιγνώσκετε*, quod significat notū, compertū et exploratū habere. Ipse igitur Paulus occasione sibi ab aduersarijs

data,

data, exproffesso cōsignauit testimoniū de suis epistolis, q̄ in illis nihil scripserit, q̄ q̄ præsens uiua uoce tradiderat, ita ut legentes epistolas, in illis recognoscere doctrinā prius traditā. Et pulchrè huc cōuenit, sicut Basilius uerbo ἐπιγιγνώσκων uiuitur, cum inquit: Agnoui epistolā tuā, sicut filij non degeneres ex similitudine cum parentib. noscitantur: ita Paulus dicit epistolas suas ex doctrina quā præsens uiua uoce tradiderat, agnosci. Ea igitur quorū cognitionē antea uiua uoce Ecclesijs tradiderat, postea epistolis suis cōplexus est. Non enim alia inquit, scribo uobis, q̄ quæ recognoscitis et cōgnoskitis. 1. Cor. 14. uerbo illo ita utitur, ut significet se epistolas suas subijcere recognitioni seu diiudicationi illorū, qui prophetae seu spirituales erant. dixerat enim: Spirituality diiudicat omnia, ca. 2. Ita autē inq̄t cap. 14. Si quis uidetur propheta esse, aut spirituality, cognoscat quæ scribo uobis, q̄ Domini mādata sūt. Publico igitur Ecclesiæ testimonio et iudicio cōprobatæ fuerūt Pauli epistolæ, cū quidē aduersarij illas arroderēt. Et hoc testimonium Pauli de suis epistolis, cū aduersarij illis detrāhere inciperēt, diligēter notandū est, q̄ qualis præsens uiua uoce fuit, talis sit in epistolis. Nō minus igitur nūc, nec alio modo habem⁹ Paulū docentē, q̄ cū præsēs uiua uoce ecclesiā institueret. Et has traditiones Pauli, ex animo amplectimur, ueneramur et exosculamur. Venim⁹ iā ad epist. ad Ro. cui hoc

148 EXAMEN DECRETORVM

à nostris tribui indigne fert Lindanus, quòd complectatur methodum fidei Christianæ. Sed ipse Paulus explicet nobis, quo consilio epistolam illam scripserit. cap. 1. inquit: ut impertiar uobis aliud quod donum spirituale, ad confirmandos uos: hoc est, ut communem capiam consolationem in uobis, per eam quæ inuicem est fidem uestram atq; meam. Et cap. 15. inquit: scio quòd repleti sitis omni scientia: sed tamen audacius scripsi uobis, ex parte tantquam in memoriam uobis reducens, propter gratiam quæ data est mihi à Deo, ut sim nūmister Christi, in Gentibus, sacrificans Euangelium, ut fiat oblatio Gentium accepta, &c. Quod igitur præsens præstare non potuit, per epistolam efficere uoluit, confirmare scilicet fidem, quæ communis erat & Pauli & Romanorum: idq; reducendo in memoriam, ita ut in epistolæ ad Romanos sit nūmister Christi, sacrificans Euangelium in Gentibus, sicut impleuerat illud à Ierusalem ad Illyricū usque. Addit autē, se scripssisse illam epistolam, cum instituisset profectionem Ierosolymas. Et de illa profectione, dicit Act. 20. Spiritus sanctus per omnes ciuitates mihi protestatur, uincula & tribulationes me Ierosolymis manere. Scio quòd amplius non uidebitis faciem meam, &c. Cum igitur Ierosolymas quasi à morte proficisceretur, conscripsit illam epistolam: ut si quid ipsi accideret, literis signatū post se relinqueret, quomodo ad-

nūmi-

ministrasset Euangelium Dei inter Genes, & quod esset Euangelium Christi quod impleuerat: hoc est, plenè, sufficienter & perfectè prædicauerat à Ierusalem per circuitum, usq; ad Illyricum. Et propter hanc causam copiosius & accuratius capita doctrinæ, quæ in alijs epistolis tantum recitauerat, ad Romanos iusta explicatione tractat et declarat: idq; pulcherrima methodo.

Habemus igitur in epistolis Pauli, non nudum tantum catalogum capitum eius doctrinæ quam uiua uoce tradidit, uerumetiam iustas explicationes, & quidem quo ordine, & qua methodo capita illa à Paulo sint proposita: & propter hanc causam, epistola ad Romanos meritò à nostris commendatur. complectitur enim methodum fidei quæ fuit & Pauli & Romanorum: continet tum. mam Euangelij quod Paulus impleuit, hoc est plenè prædicauit à Ierusalem ad Illyricum usque: & hoc ita continet, ut fundamenta ex quibus doctrina illa munetur & confirmatur, monstret & explicet. dicit enim: Ad confirmandos uos, εἰς τὸ σῶσθαι ὑμᾶς ἐν Χριστῷ. Et quidem tunc scripta est, cum Paulus ob imminens uitæ discrimen, quasi cōfessionem suam fidei & doctrinæ uolebat post se relinquere. Et quia fides Romanorum tunc in uniuerso mundo celebrabatur, hanc epistolam, illis inscripsit: ut hac ratione totius orbis Ecclesijs, Pauli cōfessio innotesceret, & commendatior esset.

Theodoretus querit, quare epistola ad Romanos primo loco sit collocata, cum tamen nō sit prima omnū scripta: Et respondet hoc factū esse, quia in se omnis generis doctrinā, et acuratā copiosq; dogmatū pertractationem contineat.

Hec omnia tam manifesta, firma et plena cōsolationis, Lindan⁹ eludere conatur unica uocula, quod Rom. 15. Paulus dicit: Audacius scripsi uobis ἀπὸ μέγους. Ergo nō omnia necessaria fidei dogmata, illa epistola cōplecti uoluit, dicit enim, se ex parte scripsisse. Quid aut si illud ἀπὸ μέγους, referendū sit nō ad uerbū Scripsi, sed ad aduerbiū Audacius: ut sensus sit, Aliquamulū, uel quodāmodo audacius scripsi uobis: sicut 2. Cor. 2. particula illa usurpatur: Non me contristauit, sed ἀπὸ μέγους quodāmodo uos omnes. Et si maxime cōiungatur uerbo Scripsi, tamen et 1. Cor. 13. Paulus dicit: Ex parte cognoscimus, et ex parte prophetamus. Dicit etiā 2. Cor. 1. Spero quōd usq; ad finē cognoscetis, sicut et cognouistis nos ex parte. Dicemus ne ppter ea Paulū etiā uiua uoce nō tradidisse omnia quę necessaria erāt? Ita tandem nec in Scriptura nec in traditionib. Apostolorū habebimus omnia. Sed demus sanē institutionē baptismi et cœnæ Dominicæ, integrā historiā de dictis et factis Christi, de uirginibus, de Antichristo, de excommunicatio-
ne, de extremo iudicio, de ritibus qui in priori ad Timotheū describūtur, et c. nō cōtineri in epistola
ad R. o.

ad Romanos. Si igitur ἀπὸ μὲγας hoc significat, quædam capita doctrinæ in epistola ad Romanos non cōprehensa esse: nos quæ illa sint, ex alijs scriptis noui Testamenti monstrare & probare possumus. Pontificij uerò illud ἀπὸ μὲγας, non tantū ad epistolam ad Romanos, sed ad totam Scripturā ueteris & noui Testamenti referunt. Et reliqua illa quæ in epistola ad Romanos non cōtinentur, nō tantū uolunt ea intelligi quæ in alijs Scripturæ locis extant, sed præcipuè quæ ipsi titulo traditionum Ecclesiæ obtrudunt. Hoc uerò Paulus non dicit, cum inquit ἀπὸ μὲγας. Quod si Pontificij instant & urgent, respondemus uerbis Augustini aliquoties iam repetitis: Si scripta non sunt: quis nostrū, qui nec prophetica nec Apostolica autoritate excellimus, dicet ista uel illa esse: aut si quis dicere audeat, unde probabit? Quis enim est tā uanus et temerarius, q̄ cum sine ullo testimonio diuino affirmet illa esse, nō maximā culpā temeritatis incurrat? Quod. n. titulū traditionū Pontificij præcedunt, nō sufficit. Nā cum Timotheus et Titus, potuissent uerius illud prætere: Paulus tamē, sicut ostendimus, ideo ipsis dedit epistolas, ut ex scriptis probarent autoritatem & ueritatem eorum quæ proponebant, ubi Paulus ipse præsens adesse non poterat. Apostolorum enim erat, ut sanā doctrinā uel ipsi traderēt, uel ab alijs traditā, si uera esset, comprobarent & confirmarent: aut si secus de-

prehenderetur, notarent & refutarent. Idq; ubi
 & quantum poterant, uiua faciebant uoce: sicut
 Act. 8. mittuntur Petrus & Iohannes, ut Philippi
 prædicationem, Apostolica autoritate comproba-
 rent & confirmarent. Vbi uerò uiua uoce præsen-
 tes esse non poterant, per literas illud efficiebant:
 sicut Paulum fecisse monstrauius. Talia igitur do-
 cumenta, talem demonstrationem & probatio-
 nem meritò requirimus, quando aliquid: quasi A-
 postolica traditio nobis proponitur, Inerea illis
 quæ Scriptura continentur, contemimus.

Et hæ sunt epistolæ, quas Paulus ante captiui-
 tatem suam scripsit. Quas uerò Roma ex uinculis
 ad Ecclesias misit, de ijs non potest certò constitui,
 quo ordine sint scriptæ: nec ad nostrum institutū
 magnopere hoc facit, qui tamum inquirimus, quo
 consilio, propter quas causas, & in quem Eccle-
 siæ usum sint scriptæ. Eo igitur ordine, sicut uulgò
 collocamur, de illis dicemus. Epistola ad Galatas,
 propter quas causas, & in quem usum scripta sit,
 ipsa indicat. Galatæ enim à doctrina Euangelij,
 quam ex traditione uiuæ uocis à Paulo acceperāt,
 discesserant & translati erant. Quo uerò mo-
 do, qua specie, aut quo pretextu, Euangelium in-
 ruersum fuerit apud illos, qui Paulum antea ut
 angelum Dei, inò ut Christum ipsum susceperāt,
 ipsa epistola non obscure indicat. Iactabantur opi-
 niones, ut traditæ à reliquis Apostolis, quæ non ita
 abhor-

abhorrerent à lege & ab operibus eius, sicut Paulus, & contendebatur, illorum authoritatem quicum Christo uersati, omnium secretorū eius conscij essent, meritò præferendam esse Paulo. Non instituimus, iustam explicationem argumenti epistolæ ad Galatas: sed hanc tantum obseruationem ostendimus, quòd puritas doctrinæ, per translationes non fideliter fuerit conseruata apud Galatas: sed quòd titulo, & prætextu traditionum, quasi à reliquis Apostolis acceptarum, Ecclesia turbata, & pura doctrinæ massa fermento corruptionis infecta fuerit, sicut Paulus ipse loquitur. Non autem omnino abiecerant Galatæ professionem Euangelij, sed historiam ueteris Testamenti, & historiam de Christo ipsos retinuisse, non obscure ex hac epistola colligitur. Affirmat autem Paulus, Euangelium apud ipsos esse interuersum, propterea quòd discrimen legis & Euangelij, & uerum cuiusq; officium & usum, admissa confusione amiserant: quòd puritatē doctrinæ de peccato, de operibus legis, de iustificatione fidei, & de sequenti nouitate, non rectè & distinctè conseruauerāt. Et hoc diligenter obseruandum est, doctrinam Euangelij non tantum consistere in historica uel narratione, uel assensione de dictis & factis Christi, & reliquis quæ in sacra Scriptura narrantur: sed potissimum sitam esse in uera interpretatione & accommodatione ad pœnitentiā, fidem, iusti-

fic: tionem, spem & caritatem Et de hoc argumen
io Paulus laborat in epistola ad Galatas.

Consideremus autem, quale remediū Paulus op
posuerit corruptelis illis, sub pretextu traditionū
sparsis. Afferit quidem nullis argumentis ministe
rio suo auctoritatem: & Galatas deducit ad illud
Euangelium, quod ex traditione uiuæ uocis amica
ab ipso acceperant. Et addit: Si uel nos Apostoli,
uel angelus e cœlo euāgelisauerit, præter id quod
accepistis, anathema sit. Num uerò silentio præte
rit et inuoluit, quæ fuerint illæ sue traditiones, ad
quas Galatas ablegat? Certè illo consilio instituit
scriptionem huius epistolæ, ut ea quæ de doctrina
Euangelij, uiua uoce apud Galatas tradiderat, ex
plicit & confirmet: de Iesu scilicet Christo cruci
fixo (in quo tota historia Christi comprehenditur)
& de uera huius historiæ accommodatione, expli
catione & usu. Quale igitur fuit Euangelium
quod Paulus Galatis annunciauit, quodq; Gala
tie acceperant, non opus est ut uel ex coniectu
ris, uel ex fama traditionum non scriptarum di
uinemus. Paulus enim literis illud consignauit,
& copiose explicauit in epistola ad Galatas. Re
ctè igitur Hieronymus dicit: Spiritus sancti doctri
na est, quæ canonicis literis prodita est: contra
quam si quid statuunt Concilia, nephas duco.
Quia igitur Paulus dicit: Si quis præter id quod
uos euāgelizauimus, & uos accepistis, annun
ciauerit,

ciauerit, anathema sit. Illud uerò quod Paulus euangelizauit, & Galatæ acceperant, literis consignatum est: rectè ergo & Basilius & Augustinus Pauli illam sententiam ad Scripturam accommodant: Si quis præter illam doctrinam quæ in Scriptura comprehensa & tradita est, aliud euangelizauerit, anathema esto. Paulus enim non tantum dicit, Si contra: sed, Si præter id fuerit, etiamsi modicum fuerit fermenti, corrumpi puritatem totius massæ. Gal. 5. Cap. 4. dicit: Filioli quos iterum parturio, donec formetur in uobis Christus. Quomodo uerò parturit Paulus Galatas? Certè illa doctrina quam in hac epistola explicauit: & illa ipsa doctrina, antea fuerant regenerati. Habemus ergo in epistola ad Galatas, doctrinam qua filij Dei generantur, & qua rursus si lapsi fuerant, parturiuntur, ut Christus in ipsis formetur. Et cap. 6. epistolam ita concludit: Quotquot iuxta hunc canonem, normam seu regulam incedunt, pax super illos, & misericordia. Repeto autem quod ex Tertulliano antea citatum est: Si Paulus aliquid aliud, præter & extra ea quæ scripserat, intelligi uoluisset, nominasset uel istum uel illum canonem. Dicit autem τὸ γενόμενον τὸ τῷ: iuxta hunc canonem. *Sententijs* ergo intelligit de ijs quæ scripserat. Et non simpliciter dicit in præseni τοιχοῦσι, sed ὅσοι τοιχοῦσι: ut ostendat, non propter Galatas

Galatas tantum, & presentem ipsorum necessitatem scriptam esse hanc epistolam: sed sicut Psalm. 102. inquit, Scribatur hæc in generationem alteram: ut apud populum qui creabitur, eius usus sit.

Et sine dubio appellatio Scripturæ canonice hinc sumpta est. σοῖχοι enim in re militari uocantur ordines, certatione collocati, & hostibus oppositi. Et γὰρ κατὰ σοῖχον τῷ φερέντων uocatur, in qua certo ordine, ad certam normam arbores compositæ sum. Et utraq; significatio pulchrè huic loco connexit, ut certo ordine uestigijs ueræ fidei insistamus. Rom. 4. Ne aberremus. utq; contra incursiones hostium fidei præmunuti simus, necesse est ut ad certum ordinem, certis quasi cancellis circumdati incedamus, ne lineam illam, quæ quasi norma est ordinis, prætergrediamur. Quis autem sit illis καὶ ὁ π, Paulus ostendit, cum de ijs quæ scripserat dicit, τοῖς καὶ ὁ π τῷ τῷ. Et utitur tempore futuro, significans quem uelit scriptorum suorum usum esse apud posteritatem, in Ecclesia: ut scilicet sint canon fidei, ita ut pax & misericordia sit super illos, quorum fides secundum hunc canonem incedit. Et quid amplius querimus, quàm ut pax & misericordia Dei sit super nos credemes: Et grati hoc beneficium Dei celebrare debemus, quod in Scriptura illum canonem certò nobis constituit: iuxta quem si fides no-

stra incesſerit, certi ſumus, pacem et miſericordiã Dei ſuper nos eſſe.

In epiſtola ad Ephēſios cap. 3. extat inſignis ſententia de inſtituto, ſine et uſu epiſtolarũ Pauli: Sicut ſuprà ſcripſi in breui πὲς ὃ poteſtis legentes intelligere cognitionem meam in myſterio Chriſti. Sed prius explicandum eſt, quid ſignificet τὸ πὲς ὃ. Vetus interpres reddidit, prout poteſtis legentes intelligere. Et ita Chriſoſtomus interpretatur, exclamans papæ. Itaq; neq; rem omnem ſcripſit, neq; quantum ſcribi oportebat: iſtud enim rei natura non ferebat.

Theophylaſtus: Scripſi non quantum oportebat, ſed ſecundum captum ueſtrum, Occumenius: En tantummodo ſcripſit, quorum caperent notionem. Et ita uſurpatur aliquando præpoſitio πὲς, in proportionibus. πὲς αὐτὸν, pro corporis eius quantitate: πὲς τὸ μέγεθος τῆς πόλεως, pro urbis magnitudine. Dicitur etiam πρὸς τὸ δόκουν, prout uisum fuerit: πρὸς τὸν πολλὸν λόγον, ſicut uulguſ exiſtimat. Porro habet etiam præpoſitio πρὸς cum accuſatiuo alias ſignificationes, quæ ad Pauli ſententiam rectè conueniunt, ut Thucydides: πρὸς τὰς ἐπιſτολάς ὑπὸ πῶτον αὐτὸν, ex epiſtoliſ habebant ipſum ſpectum. Germanicè ita dicimus: Man kent in an ſeiner ſprach, an ſeinem ſchreiben. Et ita Luterus reddidi

138 EXAMEN DECRETORVM

addidit Pauli sententiā: Daran ir mercken kundt.
 Latine non potest commodius reddi, quam: Unde,
 seu ex quibus potestis intelligere. Conuenit et
 hæc significatio: τὴν πρὸς ἀλήθειαν καὶ ἀπὸ
 πρὸς νόμον. quæ ad normam ueritatis et legum,
 pulchra et honesta sunt. Ita Plutarchus dicit:
 πρὸς φῶς βαδίζειν, Lumine monstrante uiam
 ambulare. Quid igitur Paulus dicit Eph. 3. πρὸς
 ἀνύσταδε νοῦ ὑμῶν: sensus erit, uel sicut uetus inter
 pres reddidit, Prout potestis intelligere: uel, unde,
 seu ex quibus potestis intelligere: Daran ir kundt
 mercken. uel, Ad quam tanquam normam legentes
 potestis intelligere. Et singula hæc sententiam
 Pauli illustrent, quid scriptis suis ipse tribui uelit.
 Sensus autem ita colligetur. Cap. 1. nominat Euange-
 lium salutis, quod fide amplexi, et Iudei et Gentes
 signati sunt Spiritu promissionis sancto in redem-
 ptionem acquisitionis. Petit illuminari oculos men-
 tis, ut sciant quæ sit spes uocationis, quæ diuitiæ
 hereditatis, quæ potentia Dei in credentes, etc.
 Cap. 2. dicit: Christus ueniens (per ministerium sci-
 licet) euangelizauit pacem, et ijs qui procul abe-
 rant, et qui propè erant. Estis super edificati super
 fundamentum Apostolorum et Prophetarum, existente
 summo angulari lapide, ipso Iesu Christo. Cap. 3. Si
 quidem audiistis dispensationem gratiæ Dei, quæ
 data est mihi in uos, quoniam secundum reuelationem
 nouum factum est mihi mysterium, ut inter Gentes euan-
 gelizem.

gelizem, &c. Vide autē quomodo illa omnia Paulus ad scripta sua reſerat. dicit enim: Sicut ſuprà ſcripſi, in breui $\pi\rho\varsigma\ \delta\ \text{potestis legentes intelligere}$, cognitionē meā in myſterio Chriſti. Digna omnino eſt ſententia, accurata conſideratione. Paulus enim ualedicens preſbyteris Ephēſinæ Eccleſiæ, Act. 20. inquit: Non ſubterfugi, quo minus annūciārim omne conſiliū Dei uobis. Iam uerò Roma ex uinculis ad ipſos ſcribens, repetit ſummā et capita, q̃ Chriſtus per miniſteriū Euāgelizārit pacem et Gentib. et Iudæis: q̃ Iudæi primū, poſtea Gentes fide ſuſceperint Euangelium ſalutis: q̃ ipſe Paulus Euangelium, quod per reuelationē filij Dei accepit, annūciārit inter Gentes: quod Ephēſij auſdierant, per quod ſuperextructi ſunt ſuper fundamentum Apoſtolorū et prophetarum, &c. De his omnibus uerò tandem dicit: Sicut ſuprà ſcripſi in breui $\pi\rho\varsigma\ \delta\ \text{potestis legentes intelligere ſcientiā meam in myſterio}$. Verba ſunt aliquantō diligentius expendenda, q̃ $\delta\lambda\acute{\iota}\gamma\omega$ Oecumenius interpretatur, uel paulo antè, uel per breuia, ſeu paucis. Quod ſi $\delta\lambda\acute{\iota}\gamma\omega$ ſignificat paulo antè: uerbum ergo $\pi\rho\tau\epsilon\gamma\gamma\alpha\ \psi\alpha$ nō ſimpliciter ſignificabit, ſuprà uel antè ſcripſi: eſſet enim tautologia. ſed habebit alteram ſignificationem, quæ pulcherrimè huc quadrat. Significat enim $\pi\rho\tau\epsilon\gamma\gamma\alpha\ \mu\upsilon\alpha$ Scripturā in publico loco poſitam, ut ab omnibus legi poſſit: ſicut edicta magiſtratus, aut reſcripta principi

160 EXAMEN DECRETORVM
pum proponebantur. Et suprà ostendimus ex se-
cundo capite Habacuc, quomodo propheta sum-
mam suarum concionum soliti fuerint conscribere
& proponere. Scribe, inquit Dominus, uisionē,
& explica eam super tabulas, ut percurrat qui le-
gerit eam. Inde Paulus Rom. 15. Scripturæ ueteris
Testamenti, tribuit uerbū $\pi\rho\omicron\gamma\epsilon\alpha\phi\iota\delta\alpha\iota$. Quod
Paulus hoc loco ad sua etiam scripta transfert,
quod sint quasi $\pi\rho\omicron\gamma\epsilon\alpha\mu\alpha\tau\alpha$, hoc est tabelle,
complectentes summam doctrinæ Euangelij pu-
blice propositæ, ut summam illam cuius legere
posset. Dicit autem, se $\phi\iota\delta\alpha\iota\gamma\epsilon\omicron$ in præcedentibus
breuiter et paucis illa conscripsisse. Pluribus enim
sine dubio uerbis & apud Ephesios per triennium,
& alibi doctrinam Euangelij tradiderat. Ne uerò
ideo Scriptura arguatur perfectionis seu insuffi-
cientiæ, addit, $\pi\rho\delta\varsigma\ \delta\prime$. potestis legentes intelli-
gere cognitionem meam in mysterio Christi. Si se-
quamur Chrysostomi sententiam, redditio erit ra-
tionis, quare ea quæ multis uerbis & copiosa or-
dine tradiderat, breuiter & paucis uoluerit scri-
pto comprehendere: prout scilicet legentes pos-
sint scientiā Pauli in mysterio Christi intelligere.

Narrat Paulus 2. Cor. 12. se raptum in tertium
usq; cœlum, audiuisse ibi $\alpha\gamma\gamma\epsilon\lambda\iota\alpha$ uerba, hoc est
mysteria, quæ uerbis explicari non possunt. Too-
tam igitur scientiam suam in mysterio Christi, non
potuit

potuit humanis uerbis satis & plenè explicare. Et etiam si potuisset angelorum & hominū linguis loqui, 1. Cor. 13. affirmat tamen hoc loco, se & breuiter & eo modo scripsisse, prout legentes scientiam ipsius in mysterio Christi possent intelligere. Quòd igitur paucis & breuiter Paulus scripsit, nō rectè à Pontificijs in accusationē Scripturarū conuertitur, quasi sint imperfectæ & insufficiētes. Sed eò gratiores debemus hoc beneficium Spiritus sancti summa cū reuerētia amplecti, quòd Scripturam ita medicari uoluit, prout legentes intelligere possumus. Et hinc iudicari potest, qualis sit præsumptio, nolle illis quæ scripta sunt cōtētū esse, propterea quod Apostoli plurib. et copiosius doctrinā tradiderint.

Epiphanius narrat, Caianos cōfinxisse librum, quem ascensum Pauli nominarint: occasione inde accepta, quòd ἀγῶντα illa uerba quæ in tertio cælo Paulus audiuerat, quia tunc carnalibus & rudibus adhuc non poterit explicare, iudicārint tamen cognitu necessaria esse, præter illa quæ scripta extabant, & potuerunt prætereundere, quòd Paulus tūc scripserit, prout poterant intelligere, postea uerò perfectioribus reliqua etiā esse tradita, & scripta. Sed nugæ & fraudes sunt. Illis igitur, quæ propter nostram tarditatē & infirmitatem breuiter et simpliciter scripta sunt, contenti simus.

Si uerò præpositio τοῦ, alio modo accipiat, reddet hunc sensum: sed paucis quidē scripsisse, sed
tamen

namē ita, quod ināe possit à legentib. intelligi, qualis fuerit cognitio Pauli in mysterio Christi. Si igitur questio est, quod fuerit mysterium, cuius agnitionem ex reuelatiōe filij Dei Paulus accepit, quod inter Gentes annunciauit, quod fideles & Iudæi et Gentes susceperunt, quod Ephesij audierunt, cum Paulus ipsis omne consilium Dei annuntiaret, per quod superextructi sunt, super fundamentum Apostolorū & Prophetarū. Respondet Paulus, se paucis quidē, sed tamen ita scripsisse, ut $\omega\gamma\omicron\varsigma$ $\tau\epsilon$ inde & tanquā ad normā intelligi possit, quæ sit scientia ipsius in mysterio Christi. Et quid per Deum immortale amplius querimus? Hæc enim est unitas illa fidei & agnitiōis filij Dei, de qua cap. 4. loquitur, propter quā dat quosdā Apostolos, Prophetas, Euāgelistas, Doctores, Pastores, ne circumferamur omni uento doctrinæ in nequitia hominū, etc. Hoc profecto luculentū testimoniū, quid Paulus suis scriptis tribui uelit: & ostendit illustrem refutationem Pontificiæ obiectionis, de breuitate & angustia scripturæ.

Epistola ad Philipenses, præbet etiam nō cōtemnendū testimoniū eius rei, de qua inquisitionē instituiamus: quo scilicet consilio, propter quā causam, & in quē usum Apostoli doctrinā suā literis consignā int. Ita enim dicit cap. 3. $\tau\alpha$ $\alpha\upsilon\tau\alpha$, eadem uel illa ipsa uobis scribere me quidē nō piget, uobis autē tutū est. Illud autem $\tau\alpha$ $\alpha\upsilon\tau\alpha$, non potest referri

ferri ad alias aliquas epistolas, quas Philippensibus antea scripserit: hoc enim probari non potest. Referendum igitur est ad ea quæ præsens uiua uoce tradiderat, sicut cap. 4. inquit: Quæ didicistis, accepistis, audiulistis, & uidistis in me.

Testatur itaq; ipse Paulus, se eadem & illa ipsa scripsisse, quæ præsens uiua uoce tradiderat. Et causam addit, quare eadem & illa ipsa scripto comprehendere uoluerit: Mihi inquit, *ὅτι ὁ κνῆγορ*, hoc est, non grauatim hoc facio quasi pudeat me, ut superfluum & non necessarium quid agere, eadem scilicet, quæ tradidi, etiam scribere: uobis uerò inquit, *το ἁσφαλὲς*, quòd eadem quæ uiua uoce tradidi, scriptis cōplector. Quā uerò emphasin habeat uocabulū *ἁσφαλὲς*, & quā pulchrè ostendat, propter quā causam & in quē usum Paulus eandē doctrinam quā uiua uoce tradidit, literis consignarit, suprà ostendimus, cum de Lucae scriptio-
ne ageremus: ut scilicet de ueritate doctrinæ Apostolicæ simus certi & securi: utq; eius puritatem certius, firmitus & tutius, contra incursiones corruptelarum conseruare possemus: sicut & Paulus hoc loco ostendit. Cum enim dixisset, Vobis *το ἁσφαλὲς* tutum est: Mox addit, Videte canes, uidete malos operarios, &c.

Cap. 3 dicit, ad quod peruenimus, eodem procedamus canone. Quis autem est ille canon? sine omni dubitatione illud doctrina, quam præsens ui-

ua uoce tradiderat. Atqui Paulus affirmat, se eadē
 & illa ipsa scribere. Quis igitur sit canon Pauli,
 habemus in ipsius scriptis, idq; ipsius testimonio: di-
 cit enim, se τὰ αὐτὰ scribere.

Et cap. 4. de ijs quæ scripserat, dicit: τὰ αὐτὰ hæc
 cogitate, quæ & didicistis, & accepistis, & audiui-
 stis, & uidistis in me. Coniungit igitur ea quæ tra-
 diderat, cum ijs quæ scribebat, ita ut dicat Hæc co-
 gitare, quæ & audiuiistis &c. Quod non rectē
 diceretur, si alia essent tradita quàm scripta. tunc
 enim dicendum fuisset, Illa cogitare: uel, Cogitare
 hæc, & præterea quæ audiuiistis, Dicit aut. Hæc co-
 gitare quæ et audiuiistis et didicistis. Omnino igitur
 eadem esse ostendit.

Et propter has quidem causas, Paulus ad illas ec-
 clesias, quas præsens uiua uoce suæ doctrine funda-
 uerat, scripsit: Colossenses uerò & Laodicenses, fa-
 ciem ipsius in carne non uiderant, sicut dicit cap. 2.
 Quo consilio uerò, propter quas causas, & in quæ
 usum illis scripsit, qui ex ipsius uiua traditione do-
 ctrinam Euangelij non acceperant. Respondet
 ipse capite 2. Volo uos scire, qualem sollicitudi-
 nem habeam pro uobis, & quicumque faciem me-
 am in carne non uiderunt: ut consolationem ac-
 cipiant corda eorum, cum fuerint instructi in ca-
 ritate, & in omnes diuitias certæ persuasionis in-
 telligentie in agnitionem mysterij Dei. Hoc autem
 dico, ne quis uos decipiat in sublimitate sermo-
 nym.

num. Item uidete ne quis uos decipiat per Philosophiam, & inanem fallaciam secundum traditionem hominum, &c. Didicerant igitur Colossenses Euangelium ab Epaphra: Paulus uero scribit ad illos, 1. Vt ex Apostoli scripta comprobatione habeant *πληροφορίαν*, illud quod ab Epaphra qui non erat Apostolus acceperant, non esse incertum aut adulterinum dogma, sed esse uerbum ueritatis Euangelij, quod prædicatum est in uniuerso mundo sub cælo. 2. Ne uel per philosophiam, uel per traditiones hominum seducantur, &c. Et huius rei sollicitudinem Paulus sibi ut Apostolo incumbere ostendit, ita ut *ἀγῶνα* appellet, ne sub suo uel aliorum Apostolorum nomine adulterinum aliquid spargatur. Vbi igitur præsens uiua uoce, non potest adesse, per scripta officio suo satisfacit. Quod igitur Epaphras asseuerauit doctrinam illam quam Colossensib. proponebat, esse traditionem Pauli et aliorum Apostolorum, uere et rectè faciebat. Ad *πληροφορίαν* uero, necessaria erat Apostolica confirmatio: quam cum Paulus uiua uoce præsens tribuere non posset, ideo epistolam scripsit ad Colossenses, ut certam haberent persuasionem de cognitione mysterij Dei, & ne secundum traditionem hominum seducerentur sub prætextu humilitatis, & opinione sapientiæ. hæc enim sunt ipsius uerba. Non autem tantum hæc uerba scribit, Vera sunt, quæ Epaphras apud uos docuit:

sed capita doctrinae Apostolicae recitat, ut inde agnoscant & intelligant *ἡλικροφεία* eorum quae ab Epaphra audierant, quod eade essent. Qualis autem esset *ἡλικροφεία*, si Epaphra alia docuisset, quam quae Paulus tunc Colossensibus scribebat? Quicquid ergo proponitur tanquam doctrina seu traditio Apostolica, illud omnino Apostolica auctoritate & comprobatione confirmandum est: & ubi uiua Apostolorum uox haberi non potest, Confirmatione per literas opus fuit: sicut & alibi, & in hac epistola Paulus testatur. Cap. 3 dicit: Sermo Christi habitet in uobis opulenter. Quod de doctrina Christi, sicut ab Euangelistis descripta, extat intelligendum uidetur. Cap. 4 meminit Marci, a quo mandata acceperint. Quod intelligo de epistola Apostolorum, Acto. 15. Cum enim separarentur Paulus & Barnabas, Acto. 15. sicut Paulus cum suis tradidit Ecclesijs dogmata decreta ab Apostolis, Acto. 16. quae scripto comprehensa fuisse certissimum est, Acto. 15. Ita non est dubium, etiam Barnabam cum Marco, quem Acto. 15. assumpserrat, idē fecisse. Et quae Acto. 16. uocantur *λόγμοι*, hoc loco uocari uidentur *ἐντολαί*. Ita ad scripta noui Testamenti, quae tunc extabant, Paul. Colossenses deducit. Non autē in Colossensium tantū usum Paulus epistolam illam cōscripsit, sed uult ut legatur etiam in Ecclesia Laodicensium, qui ut Colossenses faciem ipsius in carne non uiderāt. Nobis igitur

igitur omnibus, qui Pauli uiuā uocē nō audiuius,
 & faciem in carne non uidimus, epistolæ eius pro-
 posite sunt, ut inde *πληροφορίαν* fidei nostræ
 sumamus. Hoc enim est ipsius Pauli consilium, &
 est cardo controuersie, quæ inter nos est & in-
 ter Pontificios.

Addamus hoc loco etiam observationem ex epi-
 stola ad Hebræos. de authore enim iam non dispu-
 tamus. Recte autem definit doctrinam Euangelij,
 quæ à Domino primum cœpit enarrari, & postea
 ab Apostolis prædicata et confirmata est. Dicit au-
 tem cap. 2. Ne *παρρησώμεν*. Recte enim dicit
 Chrysostomus: Quando sermo auditus non retine-
 tur aut conseruatur, dicitur effluere. Quare igitur
 epistola illa scripta sit, inde potest æstimari: ne sci-
 licet effluant ea quæ ex traditione uiuæ uocis acce-
 perāt. Et capite quidē 13. dicit, se breuiter et paucis
 scripsisse. duo tamen cōplectitur, in quibus summa
 doctrinæ Apostolicæ cōsistit. Nam cap. 5. et 6. ostē-
 dit, quæ elementa doctrinæ Apostolicæ solita fue-
 rint propropi in ecclesijs, tēpore Apostolorū. Et nu-
 da sanē tantū capita Apostolicæ catecheseos ibi re-
 citātur: iuste uerò explicatiōes in alijs Apostolorū
 scriptis extāt. Principale uerò argumētū epistolæ
 ad Heb. hoc est: q̄s intelligēdus sit solidus adulatorū
 cibus, quē post percepta prima fidei elemēta Chri-
 stianis proponi solutū, Paulus etiā cōfirmat 1. Cor.
 3 & 14. Et hæc duo capita, sine dubio cōplectūtur

summa totius doctrinæ Apostolicæ. Idem capite 13. concludit: Doctrinis uarijs & peregrinis nolite circumferri. Ita Nicephorus etiam dicit argumentum epistolarum Apostolicarum consistere in duobus: 1. quòd et quæ uiua uoce tradiderant, per literas in memoriam ecclesijs reuocāt. 2. quæ fundamento supra extruēda erāt, per epistolas adiungunt. Et cum illa duo, in quib. summa totius Apostolicæ doctrinæ cōsistit, fundamentum scilicet, & quæ fundamēto superextruenda sunt, habeamus in Scriptura noui Testamēti, quid ultra desideramus.

Superest ex epistolis Pauli. Posterior ad Timotheum: quā tunc scripsit, cum finis resolutionis ipsius instaret: & quia illam paulo ante mortē suam scriptam, quasi ultimæ uoluntatis loco Paulus ecclesiæ relinquere uoluit, suppediabit nobis maxime illius testimonium de tota Scriptura noui Testamenti. Cap. 1. dicit: Habeto ὅτι ὁ λόγος ἁγίων sanctorum uerborū, quæ audisti ex me. Ne uerò dubia aut ignota sit illa hypotyposis, mox addit, illā cōsistere in his duob. capitib. fide scilicet et charitate, quæ in Christo Iesu fundata sunt. Et hoc mox uocat bonū illud depositū, quod iubet custodire. Cap. 2. inquit: Quæ audiisti à me per multos testes, hæc cōmenda fidelibus hominibus, qui idonei erunt & alios docere. Et cap. 3. Tu permane in his quæ didicisti, & credita sunt tibi, sciens à quo didiceris.

Has sententias loqui de doctrina, quam Paulus
præsens

præsens uiua uoce Timotheo tradiderat, non est dubium? Sed unde nos, qui nec Pauli, nec Timothei uiuam uocem audiuius, certi erimus quæ fuerint illæ traditiones, Timotheo à Paulo cōmendatæ? Nū apud posteritatem, *ἡ ἀποστολικὴ* fidei nostræ uoluit pendere à narrationibus & asseuerationibus hominum, qui (sicut Augustinus inquit) nec prophetica nec Apostolica habent auctoritatem? Certè sæpius iam ostensum est, quòd propter illam ipsam causam Paulus doctrinam suam literis consignarit. Eodem etiam modo 2. Timoth. 3. à traditionibus uiuæ uocis digreditur ad Scripturam.

Et cum hætenus de singulis epistolis & scriptis noui Testamenti, obseruauerimus testimonia ex ipsis uerbis Scripturæ: iam hoc loco Paulus circa finem uitæ suæ, in genere uniuersæ Scripturæ, & ueteris & noui Testamenti, clarissimum & pulcherrimum uoluit præbere testimoniū. Et sicut Colos. 2. dicit, se dum uiueret sollicitū fuisse de plerophoriæ fidei illorū qui faciem ipsius in carne non uiderāt: ita iam moriturus, eandem sollicitudinem Ecclesiæ ostendit pro tota posteritate, quæ faciem ipsius non uisura, & uocem non auditura erat in hac uita. Est autem sine dubio eius doctrinæ quam Paulus præsens uiua uoce tradidit, summa & finis, ut homines erudiantur ad salutem per fidem in Christo Iesu.

Idem uerò de sacris literis affirmat. inquit enim: Sacra literæ possunt te eruditum reddere ad salu-

tem, per fidem quæ est in Christo Iesu. Sicut igitur Ioannes de scriptis Euangelistarum pronunciat: Hec scripta sunt, ut credatis quia Iesus est Christus filius Dei, & ut credentes, uitam habeatis in nomine eius: ita Paulus de tota Scriptura affirmat: Sacra literæ possunt te instruere ad salutem, per fidem quæ est in Christo Iesu. Iudicium tam est simile, & quidem iisdem uerbis pronunciatum à Paulo primum, & postea à Ioanne: ut illa similitudo & autorem eundem Spiritum sanctum ostendat, & præcipue constantem certitudinem & firmitatem iudicii huius de Scriptura sacra confirmet. Ne enim iudicium illud de Scriptura, putetur uno in loco obiter excidisse: aliò loco & tempore, iisdem uerbis Spiritus sanctus illud repetere uoluit. Et tales repetitiones in Scriptura, significationem habent certitudinis, quodq; res regni sit, quam Deus eorundem uerborum repetitione diligenter commendatam esse uelit hominibus. Ille uerò locus Pauli, 2. Tim. 3. si diligenter expendatur, ostendet Paulum loqui non tantum de sacris literis ueteris Testamenti, sed de tota Scriptura ueteris & noui Testamenti. Dicit enim, Timotheum ab infantia nosse sacras literas. Sed illo tempore, quando Timotheus infans adhuc erat, nondum extabant scripta noui Testamenti. Loquitur ergo de sacris literis ueteris Testamenti, quas Timotheum à primis pueritiæ annis notas habuisse confirmat. Mox uerò attexit aliam

senten-

Sententiam: Omnis Scriptura diuinitus inspirata, &c. Hoc loco quæro, an illa sententia tantum de sola Scriptura ueteris Testamenti intelligenda sit? Si enim quis contendere ausit, scripta noui Testamenti, quæ illo tempore iam extabant, in illa Pauli sententia non comprehendi, sed excludenda esse: sequetur, ea non esse diuinitus inspirata, nec utilia ad doctrinam. quod neminem credo dicturum.

Certum igitur & manifestum est, quod Paulus, cum de sacris literis noui Testamenti locutus esset, mox addit generalem sententiam de omni Scriptura diuinitus inspirata: in qua, scripta etiam noui Testamenti ipsam comprehendere, nemo sine blasphemia negare poterit. Illo autem tempore quo Paulus hoc scribebat, extabant iam omnia ferme canonica scripta noui Testamenti, exceptis Ioannis scriptis. Paulus igitur & ea comprehendit quæ illo tempore iam extabant, & generaliter dicit: Omnis Scriptura diuinitus inspirata, &c. Hæc itaque uera est canonisatio scriptorum noui Testamenti. Et quia de autoritate, certitudine, ueritate, perfectione & sufficientia Scripturæ ueteris Testamenti, nulla tunc inter fideles dubitatio erat: Paulus principaliter in posteriori illa sententia, de scriptis noui Testamenti loqui uidetur, de quibus iudicium suum iam mortuus ad omnem posteritatem Ecclesiæ relinquere uoluit.

Sed

Sed quid, inquis, ex illa sententia probabis? Utilem enim esse Scripturam etiam noui Testamenti, nemo est qui neget. Sed ab utilitate ad sufficientiam argumentari, non est firma collectio. Liber Ruth utilis est ad doctrinam. Quis uerò sanus inde colliget, omnia quæ ad dogmata et ad mores necessaria sunt, in libro Ruth contineri, ita ut nihil suscipiendum sit, quod inde non possit expresse probari?

Respondeo. Fateor, si Pauli sententia tantum diceret, Scriptura utilis est ad doctrinam, et c. non satis firmiter inde colligi sufficientiam Scripturæ. Sed Paulus pronunciat, omnem Scripturam diuinitus inspiratam, in qua etiam noui Testamenti libros comprehendimus, ita esse utilem ad doctrinam, ad redargutionem, ad correctionem, ad institutionem in iusticia, ut perfectus sit homo Dei ad omne opus bonum absolutus. Vocat hominem Dei, quod posset de quouis Christiano intelligi, qui Deo dicatus est. Sed in priori ad Tim. cap. 6. homo Dei, est periphrasis ministri Euangelij: sicut propheta uocabantur uiri Dei. Et in tota hac posteriori ad Timotheum epistola, agit Paulus de ministerio docendi et tradendi Euangelium. Pronunciat igitur, Scripturam esse utilem, ut homo Dei, hoc est minister Euangelij sit ægtios: quod significat sanum, integrum, omnibus partibus et numeris absolutum. Et de sufficientia etiã usurpatur, ut cum Greci dicunt: ægtioi wolũp tōp, sufficientes sunt hoc efficere.

De qua uerò sufficientia & integritate Paulus hoc intelligi uelit, ipse explicat, cum nominat hominem Dei, hoc est ministerium Euangelij: ut ad omne bonum opus, quod ad ministerium scilicet requiritur, sit ἐξυγετισμῶς. Nam & Tit. 3. cum de Zena legisperito & de Apollo locutus esset, addit: Discant & nostri bonis operibus præesse, quæ de ministerio præcipuè ibi intelligit. Quamuis si generaliter de quouis Christiano, & de omni opere bono intelligatur, nihil detrahatur sententiæ Pauli. Sed & uocabula & circumstantiæ ostendunt, Paulum præcipuè de ministerio loqui. Significat autē ἐξυγετισμῶς, qui præparatus, instructis, & quasi ad finem deductus & absolutus est. Ita Act. 2. dies absoluti & expleti, hoc uocabulo describuntur. Et Oecumenius interpretatur ἐξυγετισμῶν, per πλερωμῶν. Lucæ 6. ubi Christus dicit: Non est discipulus supra magistrū, sed tunc perfectus erit, quando sicut magister erit: ibi usurpat uocabulum κατηγετισμῶς. Et ex illa collatiōe lector intelligat, quid Paulus hoc loco uocet ἐξυγετισμῶν.

Ex hac igitur uocabulorum declaratione manifestum est, Pauli sentententiam hanc esse: Quando homo Dei, hoc est minister Euangelij, Scriptura diuinitus inspirata utitur ad doctrinam, ad redargutionem, ad correctionem, ad institutionem: quòd tūc sit in ministerio ἀγχιος, hoc est sanus, integer, sufficiens

sufficiēs et perfectus ad omne bonum opus, quod ad ministerium requiritur, ἐξαρτισμένος, satis et sufficienter instructus, paratus et absolutus. Hanc enim esse emphasin uocabulorum certum est.

Queritur iā, an homini Dei, hoc est ministro Euāgelij, quādo habet et rectē usurpat Scripturā diuinitus inspiratā, aliqd praeerea aliud prae ter Scripturā ad ea quae ministerij sunt, sit necessarium? An uerō Scriptura diuinitus inspirata, sufficienter contineat illa omnia, quae ad ministeriū Euāgelij pertinet et requiruntur. Pōtificij priorē sententiā defendūt: nos posteriorē de perfectione et sufficientia Scripturae tuemur. Quōd si pio studio queritur, utri sententiae Paulus accedat, et suffragiū suū adiūgat: res cōtra omnes cauillationes manifestissima est, pronūciat enim Scripturā ad hoc esse utilē, ut homo Dei sit ἀρτιος, ad omne opus bonū ἐξαρτισμένος. Quōd si prae ter Scripturā, aliae etiā et diuerse traditiones non scriptae, pari reuerentia et pietatis affectu suscipiendae sunt: profectō Paulus nō rectē dixisset, Scripturā ad hoc utilē esse, ut homo Dei sit ἀρτιος, ad omne opus bonū ἐξαρτισμένος. Habēt autē se correlatiuē, doctrina ministerij, et fides Ecclesiae. quod igitur de uno probatur, de altero etiā probatū esse intelligitur. Sed inquis: Paulus tamē Timotheo nō tantū Scripturā cōmendat, uerūmetiā traditiones, quas uiua uoce ipsi tradi erat: Quae audisti, inquit, ex me, quae didicisti, quae con-

con-

concredita sunt tibi, &c. Respondeo. Verum hoc est. Sed uide quam simplex & plana sit solutio. De suis traditionibus Paulus dicit: Hæc præcipe & doce. hoc enim faciens, & teipsum saluum facies, & eos qui te audiunt. In illa igitur doctrina, quam Paulus uiua uoce tradidit, absque omni dubitatione comprehensa fuerunt omnia, quæ ad dogmata & ad mores necessaria sunt. Et de illis Pauli traditionibus rectè dici potuit, quòd sint utiles ad doctrinam, ut homo Dei sit ἀγτιος, ad omne opus bonum absolutus. Non enim subterfugi, quin omne consilium Dei uobis annunciārim, inquit Acto. 20. Quia uerò Paulus, idem de Scriptura pronunciat, sicut ostensum est: omnino igitur necesse est, eandem doctrinam, quam Paulus uiua uoce tradidit, in Scriptura esse comprehensam. Nō enim dicit, Qui habet Scripturam, habet partem aliquā doctrinæ Apostolicæ: quando uerò ad Scripturā adiungit traditiones nō scriptas, tum demum homo Dei est ἀγτιος. Hoc non dicit, sed uerba sunt clarissima: Scriptura utilis est, ut homo Dei sit ἀγτιος. Vtrumque igitur uerum est: Homo dei tenens Pauli traditiones, ἀγτιος est in ministerio: & Tenens Scripturā diuinitus inspiratā, ἀγτιος est in ministerio. Quia eadē est doctrina, quæ primò uiua uoce fuit tradita, et postea in scriptis cōprehēsa. Neq; locū habet illa obiectio, quod 2. Theß. 2. inquit: Tenete traditiones quas accepistis, siue per sermonē, siue per epistolā nostram

nostram. Illud enim Paulus tunc dixit, quando libri noui Testamenti primum coeperant conscribi, & nondum omnes erant editi. Sed circa finē uitæ suæ, cum iam conscripti & editi essent libri noui Testamenti, ita de Scriptura loquitur, quòd duo æquipolentia constituit, traditionem & scripturam, ut qui unum habet, habeat & alterum: idq; inde & ideo, quia idem scriptum est quod traditum fuerat. Et illa ipsa etiam capita quæ Paulus recenset 2. Tim. 3. ostendunt perfectionem & sufficientiam Scripturæ. quatuor enim ponit.

1. διδασκαλίαν, quæ complectitur ea, quæ ad dogmata proponenda & confirmanda pertinent.

2. ἐλεγχοῦ. Vsurpatur autē uerbum ἐλέγχειν, de refutatione hæreticorum, Tit. 1. ἐλεγχος igitur complectitur dijudicationem, & refutationem falsorum dogmatum.

3. Ponit παιδείαν: & addit, Quæ est in iusticia, sicut scilicet, qui iustitiam facit, iustus est. Complectitur ergo institutionem pie uitæ, & informationem morum.

4. ἐπανόρθωσις, quia arguuntur, corriguntur & instaurantur, quæ in uita & moribus, ad regulam diuinæ uoluntatis non conueniunt.

Et quādo in ministerio hæc habemus tam ad dogmata quā ad mores, certè nihil ultra debemus uel possumus desiderare. Rectè ergo Paulus pronūciat,

ciat, Scripturā utilem esse, ut homo Dei sit ægrius.

Habemus igitur ex Paulo clarissima testimonia, sigillatim de singulis ipsius epistolis, propter quas causas, quo cōsilio, in quē finē et usum illas cōscripserit, et ecclesijs cōmendārit, Adiūgemus breuiter etiā ex reliqs Apostolorū scriptis testimonia qdā.

Petrus igitur 1. cap. dicit, Euangelium esse quod prophetae prænunciārun, & Apostoli Euangelizārun: Hoc, inquit, est uerbū Domini, quod Euangelizatū est inter uos. Sed illud, aiunt, fecerūt Apostoli uiua uoce. Rectē: quis enim hoc negat? Sed iā querimus, quia Apostoli doctrinā suam primū uiua uoce tradiderunt, & postea eam literis consignārun, quo cōsilio, propter quas causas, & in quē usum hoc fecerint, Ipse autē Petrus, in fine prioris epistole illud explicat: Per Siluanū uobis fidelē ut arbitror fratrē, paucis seu breuiter scripsi, adhortans & testificans, hanc esse uerā gratiā Dei, in qua & statis. Antea diximus, ad Apostolorū officiū pertinuisse, ut doctrinā quæ Ecclesijs tradita erat, si uera et sana esset, suo testimonio cōprobarēt et cōfirmārēt. Illud Petrus antea præsens uiua uoce fecerat in Samaria, Act. 8. Quia uerò nūc præsens uiua uoce nō potest ubiq; in dispersione illud præsare, mittit Siluanū. Nū uerò ita mittit Siluanū, ut is tantū titulū traditionū obducatur illis, quæ se in mādatis à Petro habere dicturus erat? Et certē Siluanus in magna tūc fuit autoritate, ut qui unā cū Paulo aliquot

ipſius epiſtoliſ ſubſcripſerit. Sed tamē in cōproba-
 tione & cōfirmatione dogmatū, ubi Apoſtolica au-
 toritas requiritur, Petrus cū ipſe præſens adeſſe nō
 poſſet, in ſcripto tradidit Siluano conſignata illa,
 quæ ſuo nomine Eccleſijs exponi uolebat, ut & Sil-
 uani probare poſſet, et Eccleſiæ certæ eſſent, quæ
 ueræ, certa et yvnoia eſſent mandata Petri. Habe-
 mus igitur etiā ex Petri ſententiā & cōſilio, id quod
 ex Pauli epiſtoliſ ſuprà aliquoties mōſtrauimus: ut
 quādo aliquis qui nō eſt Apoſtolus, aliqd nobis pro-
 ponit tāquā ab Apoſtoliſ traditū et acceptū, ſi non
 poſſumus uiuā Apoſtolorū uocē habere, exigamus
 probationē ex ſcripto aliquo Apoſtolico. Si enim
 nudus traditionū prætextus et titulus Eccleſijs poſ-
 ſet ſatisfacere, certē nō opus fuiſſet, ut Siluano tātē
 tūc autoritatis uiro Petrus ſententiā ſuā ſcripto cō-
 prehēſam, et Eccleſijs ex ſcripto cōmōſtrandā tra-
 didiſſet. Hoc uerō tēpore, (ne quid dicā durius) pro-
 feſſo non ſunt Siluani, illi qui ſine Scriptura præte-
 xtum traditionum nobis obtrudunt.

Conſilium autem & cauſam ſcribendi. Petrus
 hiſ uerbiſ exponit. Scripſit paucis, teſtificans hanc
 eſſe ueram gratiam Dei, in qua ſtatis.

Lindanus fingit, Petrū in illa epiſtola tantū uo-
 luſſe cōfirmare traditiones, quas ſine ſcripto acce-
 perat: quæ aut fuerint illæ traditiones, nullo modo
 uoluſſe in illa epiſtola oſtēdere uel exponere. Sed
 ſi hoc tantū fuiſſet Petri inſtitutū, potuiſſet epiſto-
 lam

Item 4. aut 6. uerbis absoluere. Testificor uera esse, quæ tradita accepistis. Quare uerò tam multis uerbis capita doctrinæ Apostolicæ recēset et exponit? Certè ipse dicit, se paucisilla scripsisse, ut testificare **ταύτην** esse uerā gratiā Dei, in quā stabili essent. Nō dicit (iuxta Tertulliani obseruationē) illam, sed hanc referēs se ad ea quæ scripserat. Eorum igitur quæ Euāgelizata fuerāt in illis Ecclesijs, repetitiōnē in hac epistola instituit: ut post mortē suā, sicut in altera epistola inquit, extaret testificatio, quam Petrus indicasset uerā esse gratiā Dei. In altera epistola causam scriptionis pluribus uerbis, & luculētiū exponit. Recitatis enim summarijs doctrinæ capitibus inquit: Licet hæc sciatis, & confirmati sitis in præsenti ueritate, nō tamē negligā uos de his cōmonefacere (per scripta scilicet) Et addit hanc causam: ut post obitū meū habeatis, unde memoriā horū faciatis. Erunt enim inter uos falsi doctores, qui fictitijs sermonibus de uobis negociabuntur. item: quia in nouissimis diebus uenient illusores, &c.

Emphasis uocabulorum expendatur **ὑπομνήματα** enim uocantur commentarij seu libri, qui in subsidium memoriæ, breuibus annotationibus ex lectione seu auditione conficiuntur. Et hinc colligitur, quid Petrus uelit cum usurpat uerbum **ὑπομνήσκων**: nominat & **ὑπόμνησις**. Ad uerbum etiam **ἐκάσote**, considerandum est: significat enim semper ubique sigillatim. Et sensus

ex illa phrasi colligēdus est, ἵνα μνημὼν ποιῶ-
 δαι, cuius sensus est, uel ut possitis facere, uel ut ha-
 beatis unde faciatis memoriam doctrinæ Apostoli-
 cæ semper ubiq; & sigillatim, etiā quādo uiuā Apo-
 stolorū uocē amplius habere nō poteritis post obi-
 tum illorū. Omnino enim plus est μνημὼν ποιῶ-
 δαι, quā μνησθαι. significat enim cōseruare me-
 moriā alicuius rei. ἰμῖν enim et ἰμῖν quod Gre-
 ci interpretes nunc μνησθῶσιν, nunc μνημὼν,
 nūc μνησθαι, reddiderūt, significat & memoriā alic-
 cuius rei, & monumentū, quo memoria illa renoua-
 tur & cōseruatur. Duae igitur causas suæ scriptio-
 nis, uerbis ualde illustribus Petrus recēset. I. Ut cū
 uiua Apostolorum uoce destituti fuerint, possint ta-
 mē semper ubiq; et sigillatim memoriā puræ doctri-
 næ ab Apostolis traditæ habere et cōseruare. II. di-
 cit, se ideo scribere, quia futuri sint in Ecclesia falsi
 doctores. Et illorum corruptelas uocat fictitios ser-
 mones, quos scilicet fingēt ab Apostolis traditos et
 acceptos, sicut Paulus dicit 2. Thes. 2. Nec de illis tā-
 tū periculis, quæ tūc tēporis erāt, loquitur: sed futu-
 ri sunt, inquit cap. 2. & cap. 3. inquit: In extremis tē-
 porib; ueniēt. Quē ergo sum suorū scriptorū in ec-
 clesia esse uoluerit, manifestū est. Nō igitur iudica-
 uit Petrus, per traditiones seruari posse memoriam
 doctrinæ. Ideo enim scripsit, imō prædicit corrupte-
 las orituras ex fictitijs traditionibus. Et his scriptis
 opponit, & recēset summā Scripturæ. I. Sermonem
 prophē-

propheticū, qui in ueteri Testamēto descriptus est.
 II. quæ de Christi aduētū, maiestate & potētia A-
 postoli et uiderūt et audiuerūt. Illa uerò in scri-
 ptis Euāgelistarum exposita esse, suprà demōstrau-
 mus. III. Mādātū quod Apostoli tradiderūt, illud ue-
 rò cōscriptū esse, mox ex Iohāne audiemus. Et Pe-
 trus ipse testatur, se ideo scripsisse, ut eius quod A-
 postoli tradiderāt, memoria postmortē suā maneat
 et cōseruetur. Nec de suis, tātū scriptis loquitur, sed
 in fine cōcludit. Sicut & dilectus noster frater Pau-
 lus, secūdū datā sibi sapiētīā scripsit uobis, quasi in
 omnibus epistolis loquēs de his, etc. Vidit igitur Pe-
 trus Paulus epistolas, & illas suo testimonio, Eccle-
 sijs ita cōmedat, ut significet, pertinere eas nō tantū
 ad pariculares illas Ecclesias quibus inscriptæ sunt,
 sed cōtinere eas doctrinam uniuersalem, pertinen-
 tem ad omnes, qui æquē preciosam cum Apostolis
 sortiti sunt fidem. ad illos enim Petrus scribit, & in-
 quit: Vobis scripsit Paulus. Quomodo uerò, et de
 quib. Petrus iudicet Paulū scripsisse, inde colligitur,
 q. nō de uno tātū articulo, sed de tota sua doctrina,
 cuius mētione in illa epistola fecerat, Petrus inquit:
 Sicut & Paulus scripsit uobis de his. Et illustre est
 encomium epistolarū Pauli, q. Petrus de his inquit,
 ὡς ὁ λαλῶν: hoc est quòd Paulus in omnib. suis
 epistolis, quasi uiua uoce loquatur de dogmatib. Si
 igitur querimus quasi uiuā uocē Pauli, tradētē do-
 ctrinam Apostolicā, Petrus ostēdit, eam in epistolis

18. EXAMEN DECRETORVM

ipſius ſonare et exaudiri. Sed inquit: Petrus tamē affirmat epistolās Pauli eſſe difficiles intellectu, quia multi ad ſuā perniciē deprauent. Periculoſum igitur eſt, Scripturis uti: & tutius eſt, traditionibus acquieſcere. Reſpōdeo. Petrus hoc nō dicit, epistolās Pauli ita eſſe cōſcriptas, ut difficultate et obſcuritate ſua lectoribus praebeāt occaſionē ad perditionē, utitur enim articulo, nō ſerimineo, ſed neutro, ſignificās res ipſas de quib. Paulus loquitur, quia poſita ſunt lōge ſupra et extra omnē cōſpectū rationis nō poſſe rectē intelligi ab hominib. carnalibus, ſed opus eſſe illuminatione Spiritus ſancti. Nec dicit, omnia dogmata in epistolīs Pauli eſſe *συνών* *τα*, ſed quedā. Et illa nō dicit per ſe praebere lectoribus occaſionē ad perditionē: ſed homines, inquit, indocti, & parū cōfirmati deprauāt illa ad ſuā ipſorū perniciōē. Utitur uerbo walde emphatico, *συνών* *τα*, quod à turturis ſumptū eſt. Sicut enim adhibitis tormētis, ſaepe de innocētibus habētur quaestiones, ut aliquid aliud quā res ipſa ſe habet, pro affeetu torquentiū ab illis exprīmatur: ita Petrus dicit, Scripturā quaſi tormēta adhiberi, quib. à genuina, ſimplici & aperta ſententia diſtorqueatur: ut illud nobis loquatur, quod ante lectionē praesumptiſſimus intelligendū, ſicut Hilarius loquitur. Ergo per ſe niſi cōtorquebatur, nō reddit niſi unā, ſimplicē, uerā & ſalutare ſententiā. Hanc uerō fortunā, Petrus dicit epistolīs Pauli cōmunem eſſe cum reliqua Scriptura.

ptura. Inquit enim, Sicut et reliquis Scripturis. Nū-
 uerò propterea dehortatur Petrus à lectione Scri-
 pturæ. Nihil minus: sed causam & finē illius cōmo-
 nefactionis ponit, cū inquit: Vos igitur dilecti, quia
 præmoniti estis, cauete ne simul cū alijs nephario-
 rum errore abducti, excidatis à propria stabilitate,
 &c. Habemus igitur Petri iudiciū de suis, de Pau-
 li, et de reliqs Scripturis, quo cōsilio, propter quas
 causas, et in quē finē Ecclesiæ sint traditæ et cōmen-
 datæ. Audiamus & Ioānē, q̄ in epistola sua de scri-
 ptis Apostolorū iudicet, et quō ea Ecclesiæ cōmen-
 det. Ponit primò descriptionē Apostolicæ prædica-
 tiōis: Quod fuit ab initio, quod audiui⁹, quod uidi-
 mus de uerbo uitæ, annūciauimus uobis, Mox uerò
 addit: Et hæc scribim⁹, uobis, ut gaudiū uestrū sit ple-
 nū. Et hæc est annūciatio, quā audiui⁹ ab ipso, &
 annūciam⁹ uobis, etc. Vides quid Ioānes de scriptis
 Apostolicis affirmet. dicit enim: Hæc scribimus, &
 hæc est annūciatio quā audiui⁹ à Christo, et an-
 nunciamus uobis. Cap. 2. dicit: Vos quod audistis ab
 initio, in uobis permaneat. Itē: Sicut unctio docuit
 uos, in eo manete. Has sentētiās loqui de ijs quæ A-
 postoli uiua uoce tradiderāt, nō est dubiū. Sed audi
 quid dicat Ioānes: Fratres, non nouū mādatum scri-
 bo uobis, sed mandatum uetus, quod habuistis ab
 initio. Et mandatum uetus, est sermo ille quem
 audiui⁹ ab initio. Fiat iam collectio. Ioannes
 dicit: Si in uobis permanferint quōd audistis ab ini-
 tio, & uos in filio & in patre manebitis: & repro-

missio est uita aeterna. Sed idē Ioannes affirmat, uer-
bū illud quod ab initio audiuerūt, cōscriptū esse. Er-
go qui permanet in ijs quę scripta sunt, uerē pma-
net in ijs quę Ecclesię ab initio ab Apostolis tradi-
ta sunt. Sed quare Ioannes scribit illa quę antea au-
diuerāt et didicerāt; Hęc, inquit, scripsi uobis de his
qui seducūt uos. Vos, inquit, habetis unctiōē à san-
cto, et nostris omnia. Ne uerò sub pretextu illius un-
ctiōis, quiduis Ecclesię obtrudatur, mox addit: Nō
scripsi uobis, ut ignorātibus ueritatē, sed quia scitis
eā. Quę ergo ex unctiōe Spiritus didicerāt, ea Io-
annes scribit: quibus uerò, quomodo, et in quē finē,
et quē uelit usum esse Scripturę in Ecclesia, expres-
se indicat: Scribo uobis filioli, quoniā remittuntur
uobis peccata: scribo uobis patres, quoniā cognoui-
stis eum qui ab initio est: scribo uobis adolescentes,
quoniā uicistis malignū: scribo uobis puelli, quoniā
cognouistis patrē: scribo uobis iuuenes, quoniā for-
tes estis, et uerbum Dei manet in uobis. Hęc sanē
sunt manifestissima omnibus etatibus, proposita es-
se Scripturā, et quidē in illum usum, ut scilicet cer-
ti sint, peccata remitti, se cognoscere patrē qui ab
initio est, se uincere malignū, et uerbū Dei mane-
re in ipsis. Cap. 4. Nolite omni spiritui credere, sed
probate spiritus an ex Deo sint: quoniā multi pseu-
doprophetę exierūt in mundū. Quō uerò spiritus
sint probādi, et pseudoprophetę dijudicādi, hoc cer-
te est quod Ioannes hac sua scriptiōe agit. Et ad ea
quę

que scribebat, subinde se refert, cū inquit. Hoc est mandatum, hoc est testimonium. Mandatum igitur Apostolorum, cuius Petrus uult memores esse Ecclesias, scriptis comprehensum esse, Ioannes aliquoties in hac epistola testatur.

Cap. 5. concludurus epistolam dicit: Hæc scripsi uobis qui creditis in nomē filij Dei, ut sciatis quod uitam habetis æternam, et ut credatis in nomen filij Dei. Hæc sententia in ueteri uersione, & mutilata & mutata est. Ostendit autem Ioannes, se scripsisse & propter illos qui iam credebant, ut in fide confirmati, scirent se habere uitam æternā: & propter illos qui adhuc credituri erant, ut crederēt in nomen filij Dei. Nudas tantum sententias recito: in re enim per se manifesta, nō opus est multis uerbis.

In Apocalypsi Ioannis, hoc in primis obseruandum est, quod Ioannes aliquoties mandatum accipit à filio Dei, ut scribat Ecclesijs ea que & uidebat & audiebat. Et tamen tanta est Eccij, Pighij, & Andradij mei impudentia, ut non uereantur dicere, Apostolos accepisse à filio Dei mandatum, non ut scriberent, sed ut tantum prædicarent Euangelium. Atqui Ioannes aliquoties expressum accipit mandatum ab ipso filio Dei, ut scribat Ecclesijs. Et de reliquis noui Testamenti scriptis Paulus affirmat, quod sint diuinitus inspirata: hoc est (sicut Petrus illud interpretatur) non humana uoluntate, sed à Spiritu sancto impulsī, locuti sunt homi-

nes Dei Pertinet et hoc in Apocalypsi ad nostram obseruationē quod nō omnia Ioānes permissus est scribere, sed ea quae necessaria erant, & capi poterant. Nam cap. 10. inquit: Cum locuta fuissent septem tonitrua uoces suas, ego scripturus eram: & audiui uocem de coelo, dicentem mihi: Sgna quae locuta sunt septē tonitrua, & noli ea scribere. In fine cominatur plagas, qui uel adposuerit uel diminuerit de uerbis libri huius. Ergo quod de scriptura ueteris Testamēti dicitur, pertinet etiam & recte accommodatur ad scripta noui Testamenti: Nihil addas nihil minas: non declines siue ad dexterā, siue ad sinistrā: non faciatis singuli, quod uobis reatum uidetur, sed quod ego praecipio tibi, hoc tantum facito: nec addas, nec minus aliquid.

Iudas de sua epistola inquit: Cum antea habuerit studiū et promptitudinē scribēdi de comuni salute, impositā sibi iam esse necessitatē scribēdi, propter subingressos falsos doctores. Et argumentū epistolae est, ut certent pro tuēda doctrina, quae semel tradita est sanctis. Hic Lindanus exclamat, Iudā manifestē loqui de doctrina Apostolorū, quam uiua uoce tradiderant. Quid ni loquatur de illa, cum nulla sit alia Apostolica doctrina, quam quae ab ipsis tradita est? Sed iam ostendimus, illa quae Apostoli annunciauērunt & tradiderunt, esse ab ipsis cōsignata literis, & scriptis comprehēsa. Et ut Iudas ostendat, se respicere ad scripta Apostolorū ad uerbum, ferme

fermè describit quæ extant in secunda Petri epistola. Et postea dicit: Memores estote uerborum quæ antehac dicta fuerunt ab Apostolis Domini. Non autem intelligit ignotas aut non scriptas traditiones, sed mox ipsa uerba Petri citat, quæ extant in 3. cap. secundæ epistolæ. Quia igitur Iudas, cum loquitur de fide semel tradita manifestè se refert ad scripta Apostolorum: sine dubio adieciisset alia, si quæ putasset deesse & desiderari in scriptis Apostolicis, ad conseruationem puritatis doctrinæ necessaria.

Quod in secunda & tertia epistola, quæ Ioannis nomine feruntur, dicitur: Cum multa haberem quæ scriberem, nolui per cartam, atramentum & calamum: sed spero protinus me uisurum te, & ore ad os loqui. Hoc Lindanus ita deprauat, præcipua quædam fidei capita, & sublimiora Christianismi dogmata Apostolos noluisse Papyro & atramento peritura credere, sed ut perpetua essent, traditionibus commendasse. sed impudens figmentum, & manifestum mendacium est, quod texto hoc uel dicat, uel sentiat. Et uerus Apostolus Ioannes multò aliter in priori epistola, quæ constat *γυναικα* esse, loquitur: se scilicet scribere mandatum illud uetus, quod ab initio acceperat. De authore uerò duarum posteriorum, ab antiquis semper dubitatum fuit. Maneat igitur, quod Hieronymus de Apocryphis ex sententia antiquitatis pronunciat: ad confirmanda ea quæ in controuersiam ueniunt, testimonia ex illis sumi

sumi nec posse, nec debere. Et cū author illarū epistolarum, multa illa quorum mentionem facit, scribere noluerit, respondemus uerbis Augustini: Quis ergo dicet, uel ista uel illa esse: aut si quis dicere audeat, unde probabit?

Et hactenus de singulis noui Testamenti scriptis ostendimus, quo consilio, propter quas causas, et in quem usum Apostoli doctrinam suis literis consignarint, & scriptis comprehenderint: & illam tractationem ideo institui. Tota autem disputatio de authoritate, perfectione & sufficientia Scripturæ, omnium rectissime ex his fundamentis potest dijudicari. Constitueram autē in principio, paucioribus uno atque altero testimonio hanc observationem absoluere. Sed in ipsa tractatione, postea animaduerti, in singulis Apostolorum Epistolis extare luculenta aliqua de hac re testimonia, quæ singula peculiare aliquid monent: sicut illa simul, in unum collecta, firmiores & solidiores de authoritate, perfectione & sufficientia Scripturæ præbent probationes, quàm quæ leuissimis Pontificiorum cauillationibus & sophismatis eludi & labefactari possint. Me sanè erudiuit, delectauit, & plurimum confirmauit hæc tractatio: & spero, ad letitiam etiam aliquid fructus, Deo bene iuuante, inde rediturum.

Summa autem eorum, quæ demonstrauiimus, hæc est. Hoc consilio, propter has causas, & in hunc usum,

usum Apostolos doctrinam suam literis consignasse. 1. Vt ea quæ præsentibus uiua uoce tradiderant, per literas repeterent, et in memoriam reuocarēt. 2. Vt ea quæ post tradita prima fidei elementa superstruenda erant, per epistolas explicarent. 3. Quia sub prætextu et titulo traditionum, quasi ab Apostolis acceptarum, Ecclesiæ turbabantur, et doctrina adulterabatur. 4. Quia doctrina uiua uoce ab Apostolis accepta, nõ fideliter per traditiones conseruabatur. 5. Vt alij doctores, qui non erant Apostoli, haberent scriptum testimonium, unde probare possent ecclesijs, Apostolicam esse doctrinam quam afferebāt. 6. Vt ecclesiæ quæ non poterant audire uiuam Apostolorum uocem, certæ essent, quam doctrinam ut uerè Apostolicam suscipere et uenerari deberent. 7. Eadem quæ Apostoli præsentibus uiua uoce tradiderant, absentes postea scriptis complexi sunt. 8. In scriptis Apostolorum proponi, non nudum tantum Catalogum, quæ fuerint capita Apostolicæ doctrinæ, uerum etiam iustas explicationes. 9. Quòd canon fidei Christianæ sit in Scriptura. 10. Ex scriptis Apostolorum posse intelligi, quæ fuerit ipsorum cognitio in mysterio Christi. 11. Apostolos ita scripsisse, prout credētes in huius uitæ infirmitate mysteria Euangelij capere possunt. 12. Eadem quæ prius tradiderant, postea literis consignarunt: ideo ut puritas doctrinæ contra corruptelas conseruari posset.

posset 13. Apostoli in suis scriptis complexi sunt, & prima elementa fidei, & quæ postea subsequuta fuerit plenior & perfectior doctrina. 14. Omnis Scriptura diuinitus inspirat utilis est, ut minister Euangelij sit perfectus, ad omne opus ministerij satis instructus. 15. Apostoli ideo scripserunt, ut ecclesia post obitum Apostolorum, quando uia ipsorum uoce destituta esset, haberet unde posset retinere et conseruare memoriã doctrinæ Apostolicæ: præcipue quia in postremis temporibus futurum erat, ut commentitijs sermonibus, quasi ab Apostolis traditis, multa corruptela Ecclesijs obtrudantur. 16. Ut extaret forma, quomodo in ministerio uersandum sit in Ecclesia, ut sit & maneat columna & fundamētum ueritatis. 17. Eadem quæ ab initio Apostoli tradiderunt, postea conscripserunt: idq; in certum usum omnibus ætate, omnibus Ecclesijs, & omnibus temporibus. 18. Scripserant & pro illis qui iam credebant, & pro illis etiam qui adhuc credituri erant. 19. Mandatum scribendi acceperunt ab ipso filio Dei. 20. Eadem est origo, ratio & usus Scripturæ in nouo Testamento, sicut fuit in ueteri: ut nihil addatur, nihil minuatur, non declinetur, uel ad dexteram, uel ad sinistram. Et quæ præterea huc pertinentia, in ipsa tractatione explicata sunt.

Hæc contra omnes cauillationes, contra omnia
sophismata

sophismata Pontificiorū, luculenter & solidē probant & confirmāt authoritatem, perfectionem et sufficientiam sacrae Scripturae in nouo Testamento. Quae uerò traditionibus obijciūtur, infrā suo loco explicabuntur.

TESTIMONIA VETERIS Ecclesiae de Scriptura.

QUAE haftenus ex ipsis Scripturae uerbis adduximus firmissima sunt testimonia, quib. pia mens tutò niti potest. Proponunt enim nobis ipsius Spiritus sancti iudicium de Scriptura. Sicut enim ueteres dicunt, de Deo nihil credendum esse, nisi ipso Deo reuelante & testificante: Ita etiam de Scriptura id credamus, quod ipsa Scriptura de se, imò quòd author ipse Spiritus sanctus de opere suo iudicat & pronunciat. Adiungemus uerò etiam ueteris Ecclesiae consensum de auctoritate, perfectione & sufficientia Scripturae. Amamus enim & ueneramur ueteris et purioris Ecclesiae testimonia, cuius consensu & adiuuamur & confirmamur: idem uerò oportet niti uerbo Dei, non humana auctoritate. Ideo Patrum testimonia non praeponimus, sed subiungimus Scripturae.

Primum aut̃ repeto Irenaei sententiā lib. 3. cap. 1. Apostoli Euangeliū tunc praekonauerunt, postea uerò per Dei uoluntatem in Scripturis nobis tradiderunt

derunt, fundamentum & columnam fidei nostræ futurum.

Augustinus de Ciuitate 19. cap. 18. Ciuitas Dei credidit Scripturis sanctis, ueteribus et nouis, quas canonicas appellamus. Unde fides ipsa cōcepta est, ex qua iustus uiuit, per quā sine dubitatione ambulamus, quamdiu peregrinamur à Domino.

Chrysostomus homilia 1. in Mattheum: Oportuerat quidem nihil nos indigere literarum auxilio, sed tam mundam in omnibus exhibere uitam, ut librorum uice, gratia Spiritus uteremur. Quia uerò hanc nobis excusimus gratiam, age uel ad secundam nauigationē animum adijciamus. Ita Patriarchis Deus non per literas, sed per semetipsum locutus est, quia nuda eorū corda repererat. Postquam uerò omnis Iudeorum populus in uatiorum ima delapsus est, necessario inde dantur literæ ac tabule, & ea quæ per has administratur admonitio. Et hoc non tantum ueteris Testamenti sanctis, sed etiam noui accidisse perspicimus. Siquidem nec Apostolis scriptum aliquid tradidit Christus, sed pro literis Spiritus sancti se illis daturum gratiam repromisit. Et hoc illo esse multò melius, testatur Ieremias cap. 31. Paul. 2. Cor. 3. Quia uerò progredi ente tēpore, quidam propter dogmata, alij propter morum improbitatem grauiter impeerunt: ea rursum quæ literis constat, opus fuit admonitione. Et addit: Cōsidera quā sit extreme omnino demen-

tia,

tie, quia primam illam dignitatem perdidimus, ne secundo quidem remedio uti uelle ad salutem, sed coelestia scripta, quasi frustra ac uanè posita dispiceret: Primam igitur illam dignitatem, quando sine literis sola uiua uoce tradebatur doctrina Apostolica, Chrysostomus pronunciat amissam esse, & ostendit, propter quā causam, & in quem usum Deus Scripturam nobis tradiderit, non tantum in ueteri, sed etiam in nouo Testamento. Ignorat enim differentiam illam, de qua Pontificij fabulamur.

Theophylactus illam Chrysostomi sententiam ita reddidit: Quoniam hereses pullulaturæ erant, quæ mores nostros depascere, operæ præcium uisum est ut scriberentur Euangelia: quòd discennes ex illis ueritatem, nō deciperemur ab heresium mendacijs.

Augustinus de doctrin. Christ. lib. 2. cap. 9. In his quæ aperte posita sunt in Scriptura, inueniuntur illa omnia quæ continent fidem, moresq; uiuendi, spem scilicet & caritatem. Augustini igitur sententia est, omnia quæ ad fidem moresq; uiuendi pertinent, inueniri in Scriptura: & quidem in illis locis - qui aperte positi sunt in Scriptura. Quid igitur de illis quæso iudicandum est, quæ Pontificij præter & extra Scripturam nobis obtrudere conantur?

Augustinus contra literat Petilianum li. 3. cap. 6.

Si quis siue de Christo, siue de eius Ecclesia, siue de quacumq; alia re, quæ pertinet ad fidem uitamq; nostram: non dicam, si nos, sed quod Paulus adiecit, si Angelus de cælo uobis annunciauerit, præterquam quod in Scripturis legalibus & Euangelicis accepistis, anathema sit.

Arrigat ad hunc locum aures Lindanius, qui comendat non esse anathema, qui præter ea quæ scripta sunt Euangelizat, eo quod plura siue tradita quàm scripta.

idem in epistolam Iohannis, tractatu 2. Maxime debetis animaduertere, & memorie uestre mandare, quod contra insidiosos errores Deus uoluit ponere firmamentum in Scripturis: contra quas nullus audet loqui, qui quoquo modo se uult uideri Christianum. Cum enim palpandū se præbuisset, non illi sufficit, nisi de Scripturis confirmaret cor credentium. prospiciebat enim nos futuros, in quo nos palpemus non habemus, & quod legimus habemus.

De bono uiduitatis cap. 1. Quid amplius te doceam, quàm id quod apud Apostolum legimus? Sancta enim Scriptura nostræ doctrinæ regulam fingit, ne audeamus sapere plus quàm oportet. Nō sit ergo mihi aliud te docere, nisi uerba tibi doctoris exponere.

Athanasius contra Gentes: Sufficiunt sanctæ ac diuinitus inspiratæ Scripturæ, ad omnem instructionem

tionem ueritatis.

Chrysostomus 2. Thess. 2. Omnia clara sunt ac plana ex Scripturis diuinis: quæcunq; necessaria sunt, manifesta sunt.

Hieronymus ad Gal. Spiritus sancti doctrina est, quæ canonicis literis prodita est: contra quam si quid statuam concilia, nephas duco.

Basiliius in sermone de fidei confessione: Si fidelis est Dominus in omnibus sermonibus suis, et si delicia omnia mandata eius, manifesta est elapsio (ἐκπίπτει) à fide, et superbie crimen: aut reprobare quid ex his quæ scripta sunt, aut superinducere quid ex nō scriptis, cum Christus dixerit: Oues meæ uocem meam audiunt, alienū autem non sequuntur, sed fugiunt, quia non nouerunt uocem eius. Idem in Moralibus, summa 72. cap. 1. pronunciat, quod oporteat auditores eruditos in Scripturis probare ea quæ à doctoribus dicuntur: et quæ quidem consona sunt Scripturis suscipere, quæ uero aliena reijcere. Et ad illam regulam accommodat sententiā Pauli, Gal. 1. Si angelus à coelo euangelizauerit uobis, præter id quod prædicauimus uobis, anathema sit. Ibidem summa 80. cap. 22. Quid est propriū credentis? Nihil audere, aut insuper addere. si n. omne quod nō ex fide est, peccatū est: fides autē ex auditu est, auditus autem per uerbū Dei: omne quod extra Scripturam diuinitus institutum non est, quia non ex fide est, peccatum est.

Idem Epistola 10. Non putamus, iustum esse, obtinentem apud ipsos consuetudinem, legem ac regulam facere recte doctrine. Igitur Scriptura diuinitus inspirata, arbiter à nobis constituatur, (*δια τὸν αἶω* *ἡμῶν*) et apud quos inuenta fuerint dogmata, diuinis sermonibus concordantia, his omnino etiam ueritatis suffragium accedit.

Origenes in 3. cap. ad Rom. Paulus doctoribus Ecclesia præbet exemplum, ut ea quæ loquuntur ad populum, non proprijs præsumpta sententijs, sed diuinis munita testimonijs proferant. Si enim tantus ac talis Apostolus auctoritatem doctorum suorum sufficere posse non credit, nisi doceat in lege et prophetis scripta esse quæ dicit: quando magis nos minimi hoc obseruare debemus, ut non nostras cum docemus, sed sancti Spiritus proferamus sententias.

Gerfon in 1. parte de examine doctrinarum, citat glossam quandam super illud, Apparuit Moses et Helias cum ipso: Suspecta est omnis reuelatio: quam non confirmat Lex et prophetæ cum Euangelio.

Epiphanius hæresi 65. Nos uniuscuiusque questionis inuentionem, non ex proprijs rationationibus dicere possumus, sed ex Scripturarum cōsequentia.

Sempiterna memoria digna est sententia Constantini Magni, qua Nicænam synodum (sicut nunc loquimur) ipse aperuit. Et occasio eius sententiæ confi-

consideranda est. Sozom. lib. 1. cap. 17. recitat uarias fuisse sententias. Alij consulemibus, nihil inno-
uandum præter fidem αρχαίαν traditam: alijs ue-
rò affirmantibus, non esse temerè adhaerendum
uictis opinionibus αβασανίως temerè, sine in-
quisitione & examinatione: & ita uarijs que-
stionibus causa distrabebatur. Constantinus igitur,
sicut Theodoretus scribit lib. 1. cap. 7. intulit
sermonem de concordia: indignum dicens, hosti-
bus Ecclesie domitis, iam ipsos se mutuò impete-
re, & risum præbere inimicis, præsertim in di-
sputationibus rerum diuinarum: in quibus doctri-
na Spiritus sancti haberent ἀνάγκητον, hoc est
inscripta, quasi in acta seu instrumenta relata.
hoc enim significat ἀνάγκη. Euangelici enim
inquit & Apostolici libri & antiquorum prophe-
tarum oracula, planè instruunt nos, quid de re-
bus diuinis sentiendum sit. Proinde hostili posi-
ta discordia, ex dictis diuinitus inspiratis suma-
mus questionum npxplicationes. Pulcherrima hæc
sententia, digna est quæ ipsius autoris uerbis ex-
tet & nota sit. Sic autem habet: εὐαγγελικαὶ καὶ
ἀποστολικαὶ βιβλοὶ, καὶ τῶν παλαιῶν προφητῶν
τὰ θεοπύσματα, σαφῶς ἡμᾶς ἀρχὴν περὶ τοῦ θεοῦ
φρονεῖν ἐκπαιδεύουσι. τῇν πολέμιον ὅν ἀπελά-
σαντες ἔτι, ἐν τῶν θεοπνεύσωρ λόγων λάβωμεν
τῶν ζητημένων τῇν λύσιν.

Ita etiam Euagrius lib. 2, cap. 16. de Ephesina

Et Chalcedonensi synodo scribens, recenset Ioannis Antiocheni sententiam, à Cyrillo approbatam: Ex Euangelicis & Apostolicis de Domino uocibus, scimus uiros diuinos constituisse, &c.

Et Cusanus scribit, formam ueterum uniuersalium synodorum fuisse, ut sacra Euangelia poneremur in medium.

Idem Augustinus epistola 163. dicit, in priuatis etiam de religione disputationibus seruatum: Vbi cunq;, inquit, locus constitutus fuerit, faciamus codices canonicos præstare esse. Et si qua proferri potuerint ex utraq; parte documenta, ut postpositis cæteris, rem tantam ad inquisitionis terminum perducamus.

Chrysostomus homilia 13. in Genes. Dicunt de paradiso, non sicut scripta sunt, sed alia ratione intelligenda. Sed Scriptura cum tale quiddam nos docere uult, se ipsum exponit, & auditorem errare non sinit. Oro igitur & obsecro, ut omnibus illis præclusis auribus, ad amussim canonem sacre Scripturæ sequamur.

Origenes in Ezechielem homilia 7. Qui pessimæ uitæ est, non facile homines ad falsum dogma sollicitat: sed illi qui conuersationis optimæ sunt. Qui ergo curam habet uitæ suæ, non capiatur hereticorum mansuetudine, ad consensendum doctrinæ ipsorum. Nec meis qui doceo delictis scandalizetur, sed ipsum dogma cōsideret. Audi uerò, quomo-

quò Origenes ipsum dogma doceat cōsiderādum. Nullum, inquit, imitemur: & si uolumus imitari quempiam, propositus est nobis ad imitandū Chri-
stus Iesus, descripti sunt actus Apostolorū, et Pro-
phetarū gesta de sacris uoluminibus agnoscimus.
illud exemplar firmum est, illud propositū solidū:
quod qui i sequi cupit, securus ingreditur.

Cyrillus de recta fide ad Reginas: Necessariū
nobis est, diuinas sequi literas, & in nullo, ab ea-
rum præscripto discedere.

Augustinus contra Maximinū li. 3. cap. 14. Sed
nunc nec ego Nicenum, nec tu debes Ariminense,
tanquā præiudicaturus proferre cōciliū. Nec ego
huius autoritate, nec tu illius detineris. Scriptu-
rarū autoritatibus, nō quorumcunq; proprijs, sed
utrisq; cōmunibus testibus, res cum re, causa cum
causa, ratio cum ratione concertet.

Origenes in Ieremiā: Neceffe nobis est Scriptu-
ras sanctas in testimoniū uocare. sensus quippe no-
stri et enarrationes, sine his testib. nō habent fidē.

Hieronymus ad Titum: Sine autoritate Scriptu-
rarum, garrulitas non habet fidem.

Idem in caput Matt. 23. Quòd de Scripturis au-
toritatem non habet, eadem facilitate contemni-
tur, qua probatur.

In Cōmemarijs Ps. 86. quæ Hieronymi nomine
ferūtur: Dominus narrabit in Scriptura populorū
et principum qui fuerunt in ea. Quomodo narra-

bit Dominus? Non uerbo, sed Scriptura. In cuius
 scriptura? populorū, hoc est Scriptura sancti, quæ
 populis omnibus legitur, hoc est, ut omnes intelli-
 gant. Plato scripsit non populis, sed paucis: uix e-
 nim intelligūt tres homines, isti uero, hoc est prin-
 cept Christi, non scripserunt paucis, sed uniuerso
 populo: nō ut pauci intelligerent, sed ut omnes. Di-
 citur et in principū Scriptura, hoc est Apostolorū
 et Euangelistarū, horū qui fuerunt in ea. Videte
 quid dicat. Qui fuerunt, non qui sunt: ut exceptis
 Apostolis, quodcumq; aliud postea dicitur, abscon-
 datur, non habeat postea auctoritatem, Quamuis
 ergo sanctus sit aliquis post Apostolos, quamuis di-
 fertus sit, non habet auctoritatem. Quoniam Domi-
 nus narrat in Scriptura populorū et principum,
 horum qui fuerunt in ea.

Chrysostomus in cap. Matt. 24. homilia 49.
 cum uideritis hæresin impiam, quæ est exercitus
 Antichristi, stantem in locis Ecclesie sanctis: tunc
 qui in Iudæa sunt, conferant se ad montes: hoc est,
 qui sunt in Christianitate, conferant se ad Scriptu-
 ras, Vera enim Iudæa, Christianitas est: montes
 autem sunt Scripturæ prophetarum et Apostolo-
 rum, sicut scriptum est: Fundamenta eius in mon-
 tibus sanctis. Quare autem in hoc tempore om-
 nes Christiani conferre se ad Scripturas debent?
 Quia in hoc tempore, ex quo obtinuit hæresis Ec-
 clesias, nulla probatio potest esse ueræ Christiani-
 tatis;

tatis: neq; refugiū potest esse Christianorū, aliud, uolentiū cognoscere fidei ueritatem, nisi Scripturæ diuinæ. Antea enim multis modis ostēdebatur, quæ esset Ecclesia Christi, et quæ Genilitas. Nunc aut nullo modo cognoscitur, uolentib. cognoscere quæ sit uera Ecclesia Christi, nisi tantūmodo per Scripturas. Quare? quia hæresis omnia similiter habet. Volens ergo cognoscere quæ sit uera Ecclesia Christi, unde cognoscat, in tanta confusione similitudinis, nisi tantummodo per Scripturas? Sciens ergo Dominus tamā confusionē rerū in nouissimis dieb. esse futurā, ideo mandat, ut Christiani qui sunt in Christianitate, uolentes firmitatem accipere ueræ fidei, ad nullam rem fugiant, nisi ad Scripturas. Alioqui si ad alia respexerint, scandalizabuntur & peribunt, non intelligentes quæ sit uera Ecclesia: & per hoc incident in abominationem desolationis, quæ stat in locis Ecclesiæ sanctis.

Chrysostomus in Psal. 95. Si quid dicitur absq; Scriptura, auditorum cogitatio claudicat. Verū ubi ē Scriptura diuinæ uocis prodiit testimoniū, et loquentis sermonem, et audientis animū cōfirmat.

Augustinus in Ps. 57. Auferantur de medio chartæ nostræ, procedat in medium codex Dei. Audi Christū dicentem, audi ueritatem loquentem.

Tertullianus aduersus Hermogenem: Adorō Scripturæ plenitudinem. Scriptū esse doceat Her-

mogenis officina. Si non est scriptum, timeat ut il-
lud, adiicientibus aut detrahentibus destinatum.

Augustinus de peccatorū meritis lib. 2. cap. 36.
ubi de re obscurissima disputatur, non adiuuamib.
diuinarum Scripturarū certis clarisq; documen-
tis, cohibere se debet humana præsumptio, nihil
faciens in partem alteram declinando.

Cyrillus, siue is Origenes est, in Leu. li. 5. Si nō
potueris omnes carnes sacrificij secūda die finire,
nihil de his in tertia die comedes, &c. Ego, inquit,
in hoc biduo, puto duotestamenta posse intelligi:
in quib. liceat omne uerbū quod ad Deū pertinet,
requiri & discuti, atq; ex ipsis oēm rerū scientiā
capr: si quid aut̃ super fuerit, quod nō Scriptura di-
uina decernat, nullam aliam debere tertiā Scriptu-
ram ad auctoritatem scientiæ suscipi.

Augustinus de unitate Ecclesiæ cap. 3. Non au-
diamus, Hæc dico, hæc dicis: sed, Hæc dicit Domi-
nus. Sunt certè libri Dominici, quorum auctoritati
utriq; consentimus, utriq; credimus: ibi quæramus
Ecclesiā, ibi discutiamus causam nostrā. Item: Au-
ferantur de medio, quæ aduersus nos inuicē, nō ex
diuinis canonicis libris, sed aliūde recitam^o. Quæ-
rat fortasse aliquis: Cur uis ista auferre de medio?
Quia nolo humanis documentis, sed diuinis oracu-
lis Ecclesiā sanctā demonstrari. Item: Quicquid at-
tulerint, & undecunq; recitauerint, audiamus po-
tius, si oues eius sumus, uocem pastoris nostri. Er-

go in Scripturis sanctis canonicis Ecclesiam requiramus.

Chrysostomus hom. 13. in 2. ad Cor. Non multo rû opiniones habeamus, sed res ipsas inquiremus. Absurdum enim est, de pecunijs nō credere alijs, sed ipsas numerare & supputare: de rebus autem multo amplioribus, aliorum sententiā simpliciter sequi, præsertim cum habeamus omnium exactissimam trutinam, gnomonem & regulam, diuinarum legum assertionem. Ideo oro uos omnes, ut relinquantis, quid huic uel illi uideatur: & de his à Scripturis hæc omnia inquirete.

Chrysost. in 22. cap. Matt. Quicquid quaeritur ad salutem, totum iam impletum est in Scripturis.

Origenes in Matth. homilia 25. Ad testimoniū omnium uerborum, quæ in doctrina proferimus, debemus sensum Scripturæ proferre, quasi confirmantem quem exponimus sensum. Sicut enim omne aurum quodquod fuerit extra templum, non est sanctificatum: sic omnis sensus qui fuerit extra diuinam scripturam, quamuis admirabilis uideatur quibusdam, non est sanctus, quia non continetur à sensu Scripturæ. Non ergo debemus ad confirmandam doctrinam nostros proprios intellectus assumere: nisi quis ostēderit eos sanctos esse, ex eo quòd in Scripturis cōtinentur diuinis, quasi in templis quibusdam Dei.

Cyprianus ad Pompeiū, habet ualde elegantē
senen-

priani errorem, non dicit, hoc principium seu axioma falsum esse: ad originem scilicet Apostolicæ traditionis in Scriptura comprehensæ, esse recurrendum, indeq; canalem in nostra tempore dirigendum: & traditiones omnes quæ hoc titulo proponuntur, ad Scripturam esse exigendas, & inde probandas: sed concedit hoc esse optimum, & sine dubitatione faciendum. lib. 5. cap. 26. de unico baptismo contra Donatistas. In accommodatione uero Scripturæ, ostendit Cyprianum errasse. Fixum igitur manet illud principium de Scriptura, Augustini etiam consensu & commendatione.

Augustinus de pastoribus cap. 14. Ego uocem pastoris inquirō. Lege hoc mihi de propheta, lege mihi de Psalmo: recita de Lege, recita de Euangelio, recita de Apostolo. Inde ego recito Ecclesiam, toto orbe diffusam, et Dominū dicentē: Quæ sunt oues meæ, uocem meā audiunt, et sequuntur me: auferamur chartæ humanæ, sonent uoces diuinæ.

Augustinus de unitate Ecclesiæ, cap. 6. Legite hoc nobis de Lege, de Prophetis, de Psalmis, de Euangelio: de Apostolicis literis legite, et credam⁹.

Cap. 10. Nec catholicis episcopis consensuendū est, sicubi fortē fallimur, ut contra canonicas Del Scripturas aliquid sentiant.

Cap. 12. Qui aliud Euangelizat, anathema sit: aut legat mihi hoc in Scripturis sanctis, & non sit anathema.

Cap.

Cap. 16. Ecclesiā suā si possunt, demonstrēt: nō
 in sermonibus et rumoribus Afrorū, non in cōcilijs
 episcoporū suorū, non in literis quarūlibet dispu-
 tatorum, non in signis et prodigijs fallacibus: quia
 etiam contra ista, uerbo Domini preparati et cau-
 ti redditi sumus: sed in præsripto legis, in prophe-
 tarum predictis, in psalorum canibus, in ipsius
 pastoris uocibus, in Euangelistarum prædicationi-
 bus et laboribus: hoc est, in omnibus canonicis san-
 ctorum librorum autoritatibus. Item: Non dicat,
 Ideo uerum est, quia illa et illa mirabilia fecit uel
 iste uel ille, aut quia homines ad memorias mortuo-
 rum nostrorū orant et exaudiuntur, aut quia illa
 et illa ibi contingunt, aut quia ille uel illa tale ui-
 sum uel uigilans uidit, uel dormiens somnauit. Re-
 moueantur ista uel figmenta mendaciū hominum,
 uel portenta fallacium spirituum. Nam nec nos pro-
 pterea dicimus nobis credi oportere, quòd in Ec-
 clesia Christi sumus, quia ipsam quam tenemus cō-
 mendarunt innumerabiles nostræ communionis
 episcopi, aut quia nostrorum collegarum concilijs
 prædicata est, aut quia per totum orbem in locis
 sanctis, quæ frequentat nostra cōmunio, tanta mi-
 rabilia uel ex audituum uel sanitatū fiunt, &c.
 Item ipse Dominus Iesus, cum post resurrectio-
 nem discipulorū oculis uidendum, manibusq; tan-
 gendum corpus suum offerret: ne quid tamen fal-
 laciæ se pati arbitraremur, eos testimonijs legis,
 prophe-

prophetarum & psalmorum confirmandos esse iudicauit, &c. Hæ sunt causæ nostræ documenta, hæc fundamenta, hæc firmamenta, inquit Augustinus.

Et capite 20. concludit: Exigite ab istis, ut ostendant aliqua manifesta de canonicis libris testimonia. Mememote quòd Domini dictum sit: Habent Moſen & prophetas, audiant illos.

Et memorabile est, quòd Augustinus illa de Scripturæ persuasionem, se ex Manichæorum hæresi eluctatum esse scribit, Confess. li. 6. cap. 5. Persuasisti mihi, non qui crederent, sed qui non credere libris tuis, esse culpandos. Itaq; cum essemus infirmi ad inueniendam liquida ratione ueritatem, & ob hoc opus nobis esset autoritate sanctorum literarum: iam credere coeperam, nullo modo te tributurum fuisse tam excellentem illi Scripturæ per omnes iam terras autoritatem, nisi & per ipsam tibi credi, & per ipsam te queri uoluisses.

Et alio in loco ita confitetur: Sed non sinebas me ullis fluctibus cogitationum auferri ab ea fide qua credebam, & in Christo filio tuo Domino nostro, atq; in Scripturis sanctis quas Ecclesiæ tuæ sanctæ cõmendat autoritas, uia te posuisse salutis humanæ ad eam uitam, quæ post hanc mortem futura est, &c. Et uetus catechisatio talis fuit introductio, qua persuadebantur catechumeni,

meni, uera & diuinitis patefacta, esse, quæ in sacra Scriptura cominemur. Et eorū quæ in Scriptura comprehenduntur, summa proponebatur & declarabatur catechumenis. Cumq; responderent se illa credere, & uelle obseruare, admittuntur ad sacramenta. Ita catechisatio erat introductio ad Scripturam. Sicut hæc colliguntur ex Augustino de catechisandis rudibus cap. 6. 9. 26. & per totum librum.

Possent plures ex Patribus sententias recensere: sed posito ex ipsa Scriptura fundamento, sufficit aliquas in conspectu habere, quæ monstrent consensum ueteris Ecclesiæ: quo ita adiuuamur & confirmamur, ut fides tamen nitatur non humana autoritate, sed uerbo Dei. Et sunt quidem aliæ illustres Patrum sententiæ, quæ in genere de uerbo Domini & de doctrina Apostolorum loquuntur. Sed scio quomodo illas eludant aduersarij: non omnia scilicet uerba Domini, nec totam doctrinam Apostolorum, scriptis contineri. Ideo illas potissimum ueterum sententias collegi, quæ disertè & expresse de Scriptura loquuntur. Testimonia uerò ueterum, quæ de Canone sacre Scripturæ, & de scriptis Patrum loquuntur, suis postea locis annotabimus.

Habemus igitur etiam ueteris Ecclesiæ testimonium de perfectione & sufficientia Scripturæ, quod omnia quæ ad fidem moresq; uiuendi necessaria

saria sunt, contineat: ita ut regula, canon & norma sit, ex qua in negocijs religionis probanda & confirmanda sunt, quæcunq; ut uerbum Dei suscipi debent. Et huius manifestissimæ ueritatis luce, aduersariorum oculi ita perstringuntur, ut uerbis fateri cogantur, sacram Scripturam esse fidei regulam certissimam. Sed audi quæso, quàm ueteratorie Andradius illud eludat. Inde enim disces, quo sensu intelligi uelint, quando honoris (quod dicitur) gratia aliquando ita loquuntur, sacram Scripturam esse fidei regulam. Hæc autem sunt Andradij uerba.

Omnia diuinarum literarum iudicio ita quidem metiēda sunt, ut nihil probemus diuersum ab ijs quæ scripta sunt. Fides tamen catholica non ita est Scripturæ sacrae finibus & angustijs circumscribenda & coarctanda, ut nihil credamus amplectamurq; quod in sacris literis scriptum non sit. Nam etsi omnia sacris literis comprehensa uerissima sint, non tamen omnia quæ Christiana fides credit, religio ueneratur, sacrarum literarum sunt monumentis consignata. Hæc Andradius Tridentini scripsit: in quibus uides, quàm curtam, imperfectam, defectuosam & consutitiam regulam fidei faciant ex Scriptura. Veterum certe testimonia, de Scriptura ita non loquuntur: & appellatio canonis seu regulæ, hoc non patitur. Theophylactus enim dicit: Canon & amussis neq; additionem

tionem patitur, neq; ablationem. Et Photius apud Oecumenicum inquit: Quemadmodum in Canone seu norma siue abstuleris quippam, siue addideris, totum perdidisti, ita & in fide.

Et cōtra Eunomiū, qui symbolū, quod ueteres regulam fidei uocârunt, ita se recipere aiebat, ut iudicant additamento exactori opus habere. Basilii lib. 1. ita inquit: Regula & amussis, quādiu nihil defuerit ut sint regula & amussis, nullū additamentū ad sinceritatem recipiunt. iuxta defectuosum enim cōtingit additamentū. Vbi uerò imperfecta fuerint, ne appellationes quidē has rectē susceperint, ut scilicet uocentur regula & amussis, &c. Idem etiā Andrado responsum esse uolo. Si Scriptura non aliter est regula fidei, quā eo quo ipse fingit modo: ne dignam quidē esse hanc appellatiōe, ut uocetur regula fidei. Ideo etiam Pighius de Hierarchia Ecclesie lib. 1. cap. 4. disertē dicit, ipsi etiam Scripturæ propter obscuritatē & flexibilitatē, opus esse alia certa & inflexibili norma & amussi, traditiōne scilicet Ecclesiastica. Vsq; adeo misera, curta, imperfecta, plumbea, incerta, flexibilis fidei regula est Scriptura. Inunc Tridentum, & quære à Patribus, an regula fidei sit sacra Scriptura? Quid. n. respōsi principes nostri retulerint, dignū est sempiterna memoria, cum de forma salui cōductus ageretur. Inter cetera petitū est à nostris, ut de Iudice cōtrouersiarū, ex Basiliēsi cōcilio hæc uerba inserentur.

tur. Et signanter, quod in cōtrouersia lex diuina, praxis Christi, Apostolorū & primitiue Ecclesie una cū Cōcilijs et doctoribus, fundatib. se ueraciter in eadē, pro uerissimo iudice in hoc cōsilio admittantur. Tridentinis uerò patrib. intolerabile hoc uisum est, ut Cōciliorū et Patrum sentētiæ eatenus tantum recipiātur, quatenus ueraciter se fundant in sacra Scriptura. Ideo formulā illam Basiliensis concilij expunxerunt, & pro ea substituerunt hæc uerba. Et signāter quod causæ cōtrouersie secundū sacra scripturā & Apostolorū traditiones, probata Cōcilia catholice Ecclesie cōsensum, & sanctorū Patrū autoritates in cōcilio Tridentino tractātur. Andradius uerò omnia et ipsius uerba Dei, et patrū testimonia, de Scripturæ perfectione et sufficiētia, una ἀποδιδέξαι putat se posse. euertere. audiuit. n. demonstrationes Geometricas, nō tā probare q̄ cogere. Est autē hæc ipsius demonstratio: Deus semper in mundo habet aliquā Ecclesiam. Vera autē Ecclesia, à uera fide seiungi et separari nō potest. Necessario ergo nobis credendū est, quicquid siue olim, siue nunc Ecclesia siue tradidit, siue credit, etiamsi nullo id. Scripturæ testimonio probari possit: & per consequēs, non Scriptura, sed Ecclesie sensus norma est exactissima, ad quā dirigēda & formāda est fides nostra. Fortis me herclē est ἀποδιδέξαι, quæ uno impetu Scripturam de gradu suo perturbare conatur, ne sit regula & canon fidei nostræ.

stra. Vnica illa demonstratio potuisset uel Christum cum omnibus Apostolis condemnare; propterea quòd Scripturæ testimonijs, contra consensum pharisaicæ Ecclesiæ pugnabant: sed facilis est responsio. Verissimum est, ueram Ecclesiam à uera doctrina seu fide non posse seiungi. Illa enim est uera Ecclesia, quæ ueram & sanā doctrinā uerbi Dei amplectitur et profitetur. Quando uerò cœtus ille qui habet titulū Ecclesiæ, discedit à uera doctrina uerbi Dei: nō sequitur propterea, uel sanā doctrinā falsam, uel errores quos cœtus ille amplectitur, ueritatem esse. Sed hoc sequitur, cœtū illū, quādo nō amplius habet ueram doctrinā, non esse uerā Ecclesiā. Non ergo sicut Andradius uult, ueritas uerbi Dei dependet ab Ecclesia: sed, econtrariō ueritas Ecclesiæ dependet & dijudicatur ex ueritate uerbi Dei, quod amplectitur & profitetur. Ecclesia enim nō est cœtus ἀνθρώπων, ἀποκριὸς, siue ἀνυπεύθυνος: sed debet certis & firmis documentis ostendere & probare, quòd doctrina illa, quā amplectitur & profitetur sit diuinitus patefacta, uera & sana. Illa uerò documenta sumit ex instrumentis librorū Scripturæ canonicorū, sicut ex ueterū sententia hoc probauimus. Est & hoc considerandū, quòd etiā in uera Ecclesia, super fundamentū saepe extruuntur faxnum, lignū, stipulæ. 1. Cor. 3. Aliquādo uera Ecclesia praualete & supereminēte altero adulterino cœtu, ita quasi latet, ut Elias dicat: Solus relictus sum.

Et quan-

Et quādo filius hominis uenerit, putāsne quòd fidē inueniet in terra? Quòd si quis tēpore Eliæ ex consensu uisibilis cœtus, de doctrinæ ueritate iudicasset, omnino errasset. Andradij igitur postulatis oppono sententiā, quæ extat in Decret. 11. quæst. 30. Is qui præest, si contra uoluntatem Dei, uel præter quod in Scripturis sanctis præcipitur, uel dicit aliquid, uel imperat, tanquā falsus testis Dei & sacri legis habeatur. Oppono etiā Augustini sententiā supra citatā. In disputatione enim de uera Ecclesia, multe magnæ quæstiones sunt, quæ nō γεωμετρικῶς sine probationib. postulādæ, sed ἐκκλησιαστικῶς probandæ sunt: An scilicet uisibilis ille cœtus, qui arrogat & usurpat sibi titulū Ecclesiæ, sit semper et indubitato uera Ecclesia, siue habeat ueritatē uerbi Dei, siue nō. 2. An ex statu Ecclesiæ, iudicādum sit de ueritate doctrinæ: an uerò ex doctrinæ diuinitus patefacta, iudicādū sit quæ sit uera Ecclesia. Christus certè signū mōstrans ueram Ecclesiā, hoc cōstituit: Oues meæ uocē meam audiūt. Et Paulus dicit: Superædificati estis super fundamētū Prophetarū et Apostolorū. Augustinus disputās cōtra Petilianū, quæ et ubi sit Ecclesia, non uult illam in sermonib. & rumorib. hominū, nō in Cōcilijs, nō in scriptis Patrum, nō in signis & prodigijs, sed in diuinis libris canonicis quæri et demonstrari. Nō asserimus, Hæc ego dico, hæc tu dicis: sed audiamus, Hæc dicit Dominus. Falsum igitur est, q. Andradius

114 EXAMEN DECRETORVM

somniat ideo aliquid credendum esse, quia uisibilis
 ille cœtus qui titulū habet Ecclesiæ, illud obseruā-
 rit & obseruet, quāuis nullo Scripturæ testimonio
 probari possit. Vera enim est Augustini sententia:
 Si quis uel Apostolus uel Ecclesia, uel etiā angelus
 de cœlo, de quacūq; re quæ pertinet ad fidē, uitāq;
 nostram, nobis annūciauerit, præterquam quod in
 Scripturis legalib. & Euangelicis accepimus, ana-
 thema sit. Sūt præterea duo alij loci cōmunes Pō-
 tificiorū, de certitudine scilicet seu ambiguitate, et
 de obscuritate Scripturæ: sed illos aduersarius me-
 us Andradius non uult ingredi. Concedit enim Scri-
 ptura sacra nihil esse uerius, certius, firmitus & im-
 mutabilius: & ubi dogmata seu præcepta tradit,
 Scripturā esse certā, & minimē ambigūā. Ab hære-
 tics uerò, uerba Scripturæ à proprio & germano
 sensu transferri, & pro libito trahi ad uarias & di-
 uersas sentētias. Et de hoc inter nos cōuenit: non.n.
 disputamus, quid Scriptura hæreticis fiat per acci-
 dens, sed quid sit per se. De obscuritate Scriptu-
 ræ, Andradius non potest abijcere illā quam ex Au-
 gustino cōtra Iesuitas attulerā distinctionem: quòd
 cū multa sint in Scriptura, obscura & difficilia lo-
 ca: omnia tamē quæ ad fidē moresq; uiuēdi perti-
 nent, inueniri in planis & apertis Scripturæ locis.
 Istud etiā quod Irenæus dicit, probare cogitur: licet
 multa sunt obscura & parabolica Scripturæ loca,
 regulā tamen ipsam ueritatis, in Scripturis sacris
 in aperta

in aperto positū esse. Ne tamē nihil agere uideatur Andradius, multa declamitat, quā multū periculi sit in obscuris Scripturæ locis, si quis ea curiosè & audacter ad impiā et sacrilegā opinionē torqueat. Sed in tota hac declamatione pugnat sine aduersario. Dicimus. n. & nos, obscura Scripturæ loca, nō esse exponēda cōtra illā sententiā quæ in planis & apertis Scripturæ locis explicatur: imō ex obscuris Scripturæ locis, nō esse extruēdā sententiā aliquā, quæ mōstrari nō possit in alijs manifestis Scripturæ locis. Quòd uerò Andr. ad mysteria quedam fidei, ex solis obscuris Scripturæ locis alludere uidetur: simpliciter opponimus uerba Augstini. Nihil fermè de obscuritatib. illis eruitur, quod nō planissimè dictū alibi reperiatur. Et cōtra Petilianum ca. 5. Quia in Scripturis multa figuratè et obscure posita sunt, aperta & manifesta deligamus. Quæ si in sanctis scripturis nō inuenirētur, nullo modo esset, unde aperirētur clausa, et illustrarētur obscura. Illa igitur interim respōdēda sunt, quæ obscure sunt posita, et figurarū uel aminib. inuoluta, & secundū nos, et secundū illos possunt interpretari. Et ca. 16: Nō colligāt & cōmemorēt, quæ obscure uel ambigue, uel figuratè dicta sunt: quæ quisq; sicut uoluerit, interpretatur secūdum sensum suū. Talia enim rectè intelligi exponiq; non possunt, nisi prius ea quæ apertissimè dicta sunt, firma fide teneantur.

Itē: Aliquid proferre quod nō egeat interprete,

nec unde convincamini, quod de alia re dictū sit: & uos illud, ad uestrū sensum detorquere conemini. Cap. 19. Quæ ambiguae posita, et pro nobis & pro uobis possint interpretari, nihil utiq; adiuuāt causam uestrā: sed planè talia malā causam uel moras faciēdo sustētāt. Itē: Hæc mystica sunt, operta sunt, figurata sunt: aliquid manifestum, quod interprete nō egeat, flagitamus. Huic distinctioni de obscuritate & perspicuitate Scripturæ, addatur et altera, de qua Paul. loquitur, 2. Cor. 4. Si uelatū est Euāgelium nostrū, in his qui pereūt uelatum est: in quib. Deus huius seculi excæcauit mentes infidelium, ne illucescat ipsis lumē Euāgelij. Et 1. Cor. 1. Animalis homo nō percipit ea quæ sunt spiritus. Sed Dominus aperit mētes, ut intelligāt Scripturas, dato Spiritu sancto, Luc. 24. Ier. 31. Pertinet etiā huc, quod Augustinus dicit Epist. 3. Tanta est Christianarū profunditas literarū, ut in eis quotidie proficere, si eas solas ab ineunte pueritia usq; ad decrepitā senectutē maximo ocio, summo studio, et meliore ingenio conarer addiscere: nō quō ad ea quæ necessaria sunt salutē, tāta in eis perueniatur difficultate: sed cum quisq; ibi fidē tenuerit, sine qua piē recteq; nō uiuitur, tam multa, tamq; multiplicib. mysteriorū umbraculis opera intelligenda proficiscētib. restant: tantaq; nō solū in uerbis quib. ista dicta sunt, uerū etiā in reb. quæ intelligēdæ sunt, latet altitudo sapientiae: ut annosissimis, acutissimis, flagrantissimis cupidita-

piditate discendi hoc contingat, quod Scriptura dicit: Cum consummauerit homo, tunc incipit.

His uerò distinctionibus positis et seruatis, firmū & immotum manet Psal. 18. Præceptū Domini lucidum, illuminans oculos. Psal. 118. Lucerna pedibus meis uerbū tuū, & lumen semitis meis. 2. Pet. 1. Sermo propheticus ceu lucerna lucet in obscuro loco.

Cyrillus cōtra Iulian. lib. 7. respōdens obiectioni, quod Scriptura uulgare & protritā habeat dictiōnē, inquit: Vt omnib. essent nota, paruis et magnis, utiliter familiari sermone cōmēdata sunt, ita ut nullius captū trāscēdāt. Et li. 9. Ignorat Iulianus, quod nihil difficile est ijs qui in legis uersatur scripturis. Inaccessa aut omnino ipsi et suis, quæuis sentētiarū in eis. Lactant. Nū Deus & mētis, et uocis, & lingue artifex, disertē loqui nō poterit: imò uerò summam prouidētia carere fūco uoluit ea quæ diuina sunt oēs intelligerent, quæ ipse omnib. loquebatur.

Augustinus: Hoc ipsum uerbum consummatum & breuiatum, nec obscurum Deus esse uoluit: ideo breue, ne nō uacaret legere: ideo apertum, ne dicat: Non licuit mihi intelligere.

Chrysostomus Hom. 1. in Ioh. Huius doctrina, sole clarior est & illustrior. Idem Hom. 9. in 2. ad Corinth. Semper enim quando aliquid obscurum loquitur Paulus, seipsum iterum interpretatur.

Ambrosius lib. 3. Epist. 5. Ita nobiscum loquitur, ut nos sermonem eius intelligamus. Libro 2. Epist.

7. Paulus in plerisque ita se ipse in suis exponit sermonibus, ut is qui tractat, nihil inueniat quod adijciat suum: aut si uelit aliquid dicere, Grammatici potius quàm disputationis fungatur munere.

Augustinus Tracta. 21. in Ioh. Temerè fortassis facimus, quia discutere & scrutari uolumus uerba Dei. Sed quare dicta sunt, nisi ut sciantur: quare sonuerunt, nisi ut audiantur: quare audita sunt, nisi ut intelligantur?

DE LIBRIS CANONICIS, SEV
Scriptura Canonica.

EX PRIMO DECRETO QVARTAE
sessionis concilij Tridentini.

Sacrorū librorū indicē, huic decreto ascribendū cēsuit Synodus, ne cui dubitatio suboriri possit, quinā sint, qui ab ipsa synodo suscipiātur. Sūt uerò infra scripti. Testamēti ueteris. Quinq; libri Moysi: scilicet Genesis, Exodus, Leuiticus, Numeri, Deuteronomiū. Deinde Iosue, Iudicū, Ruth, Quatuor Regū, Paralipomenōn duo, Esdra duo, pri-
mus

mus scilicet & secundus, qui dicitur Ne-
hemias: Thobias, Iudith, Esther, Iob,
Psalterium Davidicum, centum quin-
quaginta Psalmorum: Parabola Sa-
lomonis, Ecclesiastes, Canticum Canti-
corum, Sapientia, Ecclesiasticus, Esai-
as, Hieremias, Baruch, Ezechiel, Da-
niel: duodecim prophetae minores, sci-
licet Osee, Ioel, Amos, Abdias, Io-
nas, Micheas, Nahum, Habacuc,
Sophonias, Aggeus, Zacharias, Ma-
lachias: duo Machabaeorum, primus
scilicet & secundus.

Novi Testamēti. Quatuor Euange-
lia: scilicet secundum Matthaeū, Mar-
cum, Lucam & Ioannem. Acta A-
postolorum, à Luca Evangelista con-
scripta: quatuordecim Epistolae beati
Pauli apostoli: scilicet ad Romanos, ad
Corinth. duae, ad Galatas, ad Ephesios,
ad

*ad Philippēses, ad Colossenses, ad Thes-
salonicenses duæ, ad Timotheum duæ,
ad Titum, ad Philemonē, ad Hebræos:
Petri apostoli duæ, Ioānis apostoli tres,
Iacobi apostoli una, una Iudæ apostoli,
Apocalypsis Ioannis apostoli.*

*Si quis autem libros ipsos integros,
cum omnibus suis partibus prout in Ec-
clesia catholica legi consueuerunt, et in
ueteri uulgata Latina editioæ habentur,
pro sacris & canonicis non suscep-
erit, & traditiones prædictas sciens &
prudens contempserit, anathema sit.*

*Omnes itaq; intelligant, quo ordine
& uia, ipsa Synodus post iactum fidei
confessionis fundamētum, sit progressu-
ra: & quibus potissimū testimonijs
ac præidijs, in confirmandis dogmati-
bus, & instaurandis in Ecclesia
moribus sit usura.*

Examen.

Examen.

Tres potissimum quæstiones ad hunc locum pertinent. 1. Quæ sit ratio appellationis, quod Scriptura uocatur canonica: & quomodo illa appellatio confirmet, quæ de autoritate perfectione & sufficientia Scripturæ hætenus diximus. 2. A quibus, & quomodo constitutus sit Scripturæ canon: siue unde Scriptura habeat autoritatem canonicam. 3. Qui libri sicut canonici, qui apocryphi.

Nugæ sunt quod quidam fabulantur, ideo Scripturam uocari Canonicam, quod illa autoritas per canonem alicuius Concilij ipsi attributa sit: cum ne nominare aut fingere quidem possint Concilium aliquod, in quo primum constitutus sit talis canon Scripturæ, quasi antea Scriptura non habuisset talem autoritatem. Quod enim canones qui sub Apostolorum nomine circumferuntur, huius rei mentionem faciunt, tam est putidum, ut Lindanus etiam illud, ut supposititium reprobet. Nam & tertium Machabæorum librum Canonicum faciunt: imò libros Clementis inter Canonicos referunt: de quibus longè diuersum iudicium extat apud Eusebium libro 3. cap. 38. Non igitur eo modo Scriptura uocatur Canonica, sicut uocantur horæ Canonicae, aut satisfactiones Canonicae, aut sicut *καὶ καὶ ὁ ἀρχιεπίσκοπος*, *καὶ ὁ ἀρχιεπίσκοπος*, *καὶ ὁ ἀρχιεπίσκοπος*, abligurientes bona Ecclesiastica uocantur Canonici.

Secundum absque dubio appellatio sumpta est ex Paulo,

qui

qui Gal. 6. inquit: ὅσοι τῷ κανόνι τοῦ τῷ σοιχῆ σουσι. Quotquot secundum hunc canonē seu regulam incedent, pax super illos & misericordia. Et Phil. 3. Eodē canone seu regula ambulare. 2. Cor. 10. doctrinā Apostolicā uocat κανόνα, cuius μέτρον Deus quasi admensus sit Paulo, quousq; eius propagatione pertingere deberet. Sumpta autē est appellatio ex Psal. 19. In omnē terrā exiuit regula eorū, et in fines orbis terræ uerba eorū. Verba siue doctrinam Apostolorū uocat κανὼν quod significat canonē seu regulā, cōstantē aut lineā aut funiculo: quæ applicatur ad structurā, seu quodcunq; opus, ne à uera ratione, aut extra debitū ordinē aberret: sed ut certo ordine, & debita ratione cōficiatur & absoluat. Et suauissima est hæc metaphora, quæ ad doctrinā Apostolorū trāsferitur. Est enim Ecclesia, domus Dei uiuētis: cuius ædificatio est ex Deo, & architecti sunt ministri uerbi. Vt autē structura illa ministerio uerbi, seu prædicatione doctrinæ rectē inchoetur, iusto ordine & debita ratione conficiatur & absoluat, opus est certo canone seu regula: ad quā architecti opus suum exigāt, ne ædificatio à iusto ordine, & debita ratione exorbitet. Et regula illa, est doctrina Apostolorum. Psal. 19. Quia uerō illa, quantū & satis & necesse est, scriptis est comprehensa, Scriptura uocatur canonica, libri Canonici, siue canon Scripturæ: quia est talis regula, ad quā structura fidei Ecclesiæ formanda & aptanda est:

est: ita ut quicquid ad illam regulam conuenit, re-
 ctum, sanum & Apostolicum iudicetur: quicquid
 uerò non quadrat, sed ab illa regula, siue in excessu
 siue in defectu exorbitat & aberrat, rectè iudice-
 tur supposititium, adulterinum & erroneum. Et
 Paulus utitur uerbo *σοῦχῃ καὶ οὐκ ἀνόμῳ*. Sicut acies ca-
 strorum certo ordine instruitur, progressura con-
 tra hostiles incursiones: ita quando Ecclesia uesti-
 gijs ueræ fidei uult incedere, Roman. 4. ita ut mu-
 nita sit contra pericula corruptelarum, opus habet
 certo canone seu regula, secundum quam incedat,
 intra cuius limites & terminos se contineat, ne in
 errorem incidat. Et quicumque iuxta hanc regulam
 incedunt, pax super illos, & misericordia, inquit
 Paulus. Ille uerò canon seu regula, est doctrina di-
 uinitus ab initio mundi generi humano patefacta
 per patriarchas, prophetas, per Christum & Apo-
 stolos. Et quia illa doctrina, scriptis per Dei uolun-
 tatem est comprehensa: ideo & inde Scriptura uo-
 catur Canonica.

Valde illustris igitur est appellatio Scripturæ ca-
 nonicæ, quæ probat & cōfirmat illa quæ hactenus
 de eius autoritate, perfectiōe et sufficiētia diximus.
καὶ οὐκ ἀνόμῳ enim, sicut Varinus annotat, uocatur etiam
 in trutinis pars illa, quæ in medio librilis lingulæ
 instar consistit, & ostendit uel æquilibrium, uel
 excessum, uel defectum. Quam metaphoram pul-
 cherrimè expressit Augustinus lib. secūdo, cap. 6.

de baptismo contra Donatistas: Afferamus, inquit, nō stateras doloſas, ubi appendamus quod uolumus, & quomodo uolumus, pro arbitrio nostro: dicentes, Hoc graue, hoc leue est. Sed afferamus diuinam stateram de Scripturis sanctis tanquam de thesauris Dominicis, & in illa quid sit grauius appendamus: imò non appendamus, sed à Domino appensa recognoscamus. Hæc pulcherrima est explicatio, quo sensu Scriptura appelletur Canonica. Aristoteles 2. Politi. cap. 8. disputans utrum melius sit gubernationē politicam instituere κατὰ γράμματα, secundum leges scriptas, aut secundum quod hominibus uidetur æquum: utitur uocabulo κανόνος. Inquit enim: ταῦτα βέλτιον γίνεσθαι κατὰ νόμον, ἢ κατὰ αὐθρόων βούλησιν. οὐ γὰρ ἀσφαλὲς ὁ νόμος. Sicut igitur lex scripta, canon est iudiciorum politicorum: ita Scriptura uocatur Canonica, quòd sit certa & infallibilis regula fidei. Varinus canonem ita definit, quòd sit μέτρον ἀδιάρκτου, πᾶσαι πρόδεσιν ἢ ἀφείρισιν μετὰ μὲν ἐπιδεχόμενος. hoc est: Canon est regula seu mensura infallibilis, quæ nullo modo admittit, ut aliquid ei uel addatur, uel detrahatur, &c. Hoc modo Scriptura uerè est Canonica. Ita Cicero dicit tyronem esse κανόνα scriptorum suorum, quòd ea moderetur, corrigat & emendet.

Demosthenes περὶ τῆς ἐλευθερίας, dicit ὅτι ἢ κανόνες αἱ γὰρ ὧν Græcis erant, tueri libertatē. Cælius etiā anno-

annotat, *καρὸνικὸς* uocatos. Pythagoræ illos harmonicos, qui non ex auditu tantum, sed præcipue ex ratione iudicabant de harmonijs. Plutarchus etiam in uita Solonis dicit, Chronica quædam appellata fuisse *καρὸνικὰ*: cuius appellationis ratio, facile potest intelligi. Hæ obseruationes illustrent & explicant quæ sit ratio appellationis, quòd Scriptura uocatur Canonica. Et in hanc sententiam extant Augustini multa pulcherrima dicta, ex quibus quædam annotabimus. clarissime enim ostendunt perfectionem & sufficientiâ Scripturæ.

Contra Faustum Manichæum libro undecimo, capite quinto: De his libris qui non præcipiendi autoritate, sed proficiendi exercitatione scribuntur nobis dici potest, aliquid eos habere non consonum fortasse occultiori, & ad dinoscendum difficiliiori ueritati. Quod genus literarum non tum credendi necessitate, sed cū iudicandi libertate legendum est. Cui tamen ne intercluderetur locus, & adimeretur posteris ad quæstiones difficiles tractandas atque uersandas linguæ ac styli saluberrimus labor, distincta est à posteriorum libris, excellentia Canonice autoritatis ueteris & noui Testamenti: quæ Apostolorum confirmata temporibus, per successiones Episcoporum, & propagationes Ecclesiarum, tanquam in sede quadam sublimiter constituta est: cui seruiat omnis fidelis & pius intellectus. Ibi si quid uelut absur-

dum mouerit, non licet dicere, Autor huius libri nō tenuit ueritatem : sed, Aut codex mendosus est, aut interpres errauit, aut tu non intelligis. In opusculis autem posteriorum, quæ libris innumerabilibus cōtinentur, sed nullo modo illi sacratissimæ Canonicarum Scripturarum excellentiæ coequantur, etiam in quibuscunq; eorum inuenitur eadem ueritas: longe tamen est impar autoritas. Itaque in eis, siqua fortè propterea dissonare putantur à uero, quia non ut dicta sunt intelliguntur: tamen liberum ibi habet lector auditorue iudicium, quo uel approbat quod placuerit, uel improbet quod offenderit: et ideo cuncta eiusmodi, nisi uel certa ratione, uel ex illa canonica autoritate defendantur, ut demonstretur siue omnino ita esse uel fieri potuisse, quod uel disputatum ibi est uel narratum, si cui displicuerit, aut credere noluerit, non reprehenditur. In illa uerò Canonica eminentia sacrarum literarum, etiamsi unus Propheta, seu Apostolus aut Euangelista, aliquid in suis literis posuisse ipsa canonis confirmatione declaratur, non licet dubitare quod uerum sit. Alioquin nulla erit pagina, qua humane imperitiæ regatur infirmitas, si librorum saluberrima autoritas, aut contempta penitus aboletur, aut interminata confunditur.

Manifestè affirmat Augustinus, Scripturæ Canonicam regere humane imperitiæ infirmitatem: ei
seruire

seruire debere omnē fidelem & pium intellectu: ex illis demonstranda & iudicanda esse reliqua.

Contra Faustum libro 13. cap. 5. Cum Manichæi Scripturam non reciperent, dicebant se famæ de Christo credidisse. Augustinus respondet: Si famæ de Christo credidistis; uidete utrū idonea testis sit: considerate, quò uos præcipietis Scripturas: tantâ autoritate firmatas commendatasq; respuitis, miracula non facitis: quæ si faceretis, etiam ipsa in uobis caueremus, per instruente nos Dominum, Matt. 24. Vsq; adeò nihil credi uoluit aduersus confirmatam Scripturarum autoritatem, &c.

De baptismo cõtra Donatistas lib. 2. cap. 3. Obijcere nobis soletis Cypriani literas, Cypriani concilium. Quis aut̃ nesciat, sanctā Scripturā Canonica, tam ueteris quàm noui Testamenti certis suis terminis cõtineri: eamq; omnibus posteriorib; episcoporum literis ita præponi, ut de illa omnino dubitari & disceptari non possit, utrū uerum, uel utrum rectum sit, quicquid in ea scriptum esse constiterit. Episcoporum autem literas, quæ post confirmatum canonem uel scriptæ sunt; uel scribuntur, & per sermonem fortè sapientiores cuiuslibet in ea re peritioris, & per aliorum Episcoporum grauiorem autoritatem, doctorumq; prudentiam, & per concilia licere reprehendi, si quid in eis fortè à ueritate deuiatum est.

Ad Vincentiū Donatistam epistola 48. Noli con-

tra diuina testimonia colligere uelle calumnias ex Episcoporum scriptis, primò quia hoc genus literarum ab autoritate canonis distinguendum est. Non enim sic leguntur, tanquam ita ex eis testimonium proferatur, ut contrà sentire non liceat, si forte aliter sapuerint, quàm ueritas postulat.

In Tractatu de Pastoribus: Constituit montes Israel autores Scripturarum diuinarũ. ibi pascite, ut securè pascatis: quicquid inde audieritis, hoc uobis bene sapiat: quicquid extra, respuite. ne in nebula erretis, colligite uos ad mentē Scripturæ. ibi sunt delicie cordis uestri: ibi nihil uenenosum, nihil alienũ: pascua ibi uberrima tantum.

Cōtra Faustũ li. 23. Quod de generatione Mariæ Faustus posuit, q̃a Canonicũ nō est, nō me astringit.

In Ps. 67. Testimonijs utriusq; Testamēti ita acquiescēdũ, ut quādo ex his aliquid profertur et probatur, omnis contentio pacifica quiete finiatur. Itē: Tunc prædicatoribus uerbũ ueritatis datur, si autoritas ab eis duorum testamentorum nō relinquatur.

De Nuptijs & cōcupiscentia lib. 2. cap. 33. Ista cōtrouersia iudicem quærit. Iudicet ergo Christus: & cui mors eius profecerit, ipse dicat: Hic est, inquit, sanguis meus, etc. Iudicet cum illo et Apostolus, qui clamat: Proprio filio non pepercit, &c.

Contra Cresconiũ lib. 2. cap. 31. Nos nullā facimus Cypriano iniuriam, cum eius quaslibet literas à canonica diuinarum Scripturarũ autoritate distinguimus.

mus. Neq; enim sine causa tam salubri uigilantia ca-
non Ecclesiasticus constitutus est, ad quē certi Pro-
phetarum & Apostolorum libri pertineant: quos
omnino iudicare nō audeamus, & secundū quos de
ceteris literis uel fidelium uel infidelium iudicamus.

Ibidem cap. 32. Ego huius epistolę autoritate nō
teneor: quia literas Cypriani, non ut Canonicas ha-
beo, sed eas ex canonicis considero: & quod in eis
diuinarū Scripturarum autoritati cōgruit, cum lau-
de eius accipio: quod autem non congruit, cum pace
eius respuo.

Epistola 19. ad Hieronymum: Ego solis eis Scri-
pturarū libris qui iam Canonici appellātur, hunc ti-
more & honorē didici deferre, ut nullū eorum au-
torē scribendo aliquid errasse, firmissimē credam:
alios autē ita lego, ut quantalibet sanctitate doctri-
nāq; præpolleant, non ideo uerum putem, quia ipsi
ita senserunt, sed quia mihi uel per illos autores ca-
nonicos, uel probabili ratione, quod à ueritate non
abhorreat, persuadere potuerunt.

Epistola 112. ad Paulinā: Si diuinarū Scripturarū,
earū scilicet quę Canonice in Ecclesia nominātur,
perspicua aliquid firmatur autoritate, siue ulla du-
bitatione credēdum est. Alijs uerō testibus uel testi-
monijs, quibus aliquid credendum esse suadetur, ti-
bi credere uel non credere liceat, quantū meriti ea
ad faciendam fidem uel habere, uel nō habere per-
penderis.

Et quia aliquoties Augustinus meminit, reliquos scriptores omnes uel ex libris Canonicis, uel certa aut probabili ratione probare debere, quod uera sint quae scribunt: questio est, quā intelligat rationem probabile? Illud uerò perspicue multis uerbis explicat epistola 112. ad Paulinam: Si ea quae nō uidemus, neque de Scripturis sanctis didicimus, nulla omnino credidissimus: unde sciremus esse ciuitates, ubi nunquā fuimus, uel à Romulo conditam Romā? Unde sciremus, quinam parentes nos procreassent, quibus auis maioribusq; geniti essemus? Taliū quippe cum plurima sciamus, non tamen ea uel ullo sensu praesentia, uel Canonicorum eloquiorum auctoritate didicimus, sed alijs referentibus: de quorum testimonio in hoc duntaxat rerum genere, minimè dubitandum esse putauimus. In quibus si alicubi fallimur credendo, nihil periculi esse iudicamus, si nō sit contra illam fidem, qua pietas informatur. Haec praelocutio mea, te atque alios qui ista lecturi sunt, praestruit, qualis seu meorum, seu quorumlibet scriptorum iudices esse debeatis: ne uel scire uos opine mini quod nescitis, uel temerè credatis, quod neque corporis sensibus, aut animi contuitu in eiusdem rei quae cognoscenda est euidentia percepistis, neq; canonicarum Scripturarum auctoritate credendum esse didicistis, &c. Hanc Augustini sententiam integram propterea adscripsi: ut certò intelligatur quid Augustinus uelit, cum dicit, uel auctoritate Scripturae

pturæ Canonicae, uel per alias certas aut probabiles rationes probandum esse quod Patres affirmant. Pontificij enim ex illis rationibus mox uel suas traditiones, uel aliquid aliud fabricarent. Sed habemus ipsius Augustini declarationem.

Alter a huius loci questio est. Cum ualde magna & eminens sit Scripturæ Canonicae autoritas: unde illā habeat et acceperit, seu à quibus constitutus sit canon ille, ad quem certi libri Canonici pertineant? Pontificij dicunt, ab Ecclesia Scripturam habere illam autoritatem. quod Pighius ita interpretatur, autoritatem Ecclesiae quodammodo superiorem esse autoritate Scripturarum: siquidem Ecclesiae autoritas, Scripturis quibusdā, eisq; præcipuis, quam neq; ex se, neq; ex autoribus suis, apud nos habebant, Canonicam impartita est autoritatem. Alij dicunt, usq; adeo Ecclesiae autoritatem esse supra Scripturam, quod Euangelia ab Apostolis, ut à Matthia, Iacobo, Bartholomæo, Thoma, Philippo, Petro, Andrea scripta, Ecclesia potuit reijcere: & quod rursus Canonicam potuit impertiri autoritatem, illis quæ conscripta sunt à Marco & Luca: qui non fuerunt Apostoli, sed quos Lindanus dicit antea fuisse apostatas, ut qui Ioannis sexto, à Christo defecerint. Sunt qui non uerentur blasphemare sacram Scripturam diuinitus inspiratam: si autoritate Ecclesiae deseratur, nō plus per se ualere, quam fabulas Aesopi.

Et ex his postulatis extruunt hoc axioma, quòd ea quæ Ecclesia tradit & proponit, etiam sine ullo Scripturæ testimonio eandem habeant auctoritatē, sicut Scriptura Canonica, cui Ecclesia hanc auctoritatem indulserit. Sed falsissimum est, Ecclesiam habere auctoritatem reiiciendi & improbandi ullam Scripturam, quam certò constet diuinitus inspiratam esse. Falsum est & hoc, sacram Scripturam nec ex se, nec ex suis autoribus habere auctoritatem canonicam: sed eam aliunde, ex Ecclesiæ scilicet auctoritate mutuatam esse.

Illud uerò manifestè blasphemum est, quòd si præsens Ecclesia, Pontifex scilicet Romanus cum suis prælatis, Scripturam sua auctoritate desererent, non plus illam per se ualituram, quàm fabulas Aesopi.

Habet igitur Scriptura Canonica eminentem illam suam auctoritatem principaliter inde, quòd diuinitus est inspirata. 2. Tim. 3. hoc est, quòd non hominum uoluntate allata est, sed quòd à Spiritu sancto impulsī homines Dei & locuti sunt, & scripserunt. 2. Pet. 1. Vt autem tota hæc necessaria res contra omnes imposturas esset certissima, Deus certos quosdam homines ad scribendum elegit, & illos multis miraculis & diuinis testimonijs ornauit: ut nullum esset dubium, diuinitus inspirata esse ea quæ scribebant.

Postremò scripta illa diuinitus inspirata, tunc cū scriberetur publica testificatione proposita, tradita

edita & commendata sunt Ecclesiae: ut ea, adhibita summa cura & prouidentia, incorrupta conseruaret, & quasi per manus traderet, & commendaret posteritati. Et sicut uetus Ecclesia tēpore Moyses, Iosue & Prophetarum, ita etiam primitiua Ecclesia tempore Apostolorum, certò potuit testificari, quae scripta essent diuinitus inspirata. nouerat enim authores, quos Deus peculiaribus testimonijs Ecclesiae commendarat: nouerat etiā, quae essent illa quae ab ipsis scripta erant: & ex ijs quae traditione uiuae uocis ab Apostolis acceperat, poterat iudicare, illa quae scripta erant, esse illam ipsam doctrinam, quam Apostoli uiua uoce tradebant. Ita Ioan. 21. Apostoli testimonium, et Ecclesiae testificatio coniunguntur: Hic est discipulus ille qui scripsit haec, & scimus quia uerum est testimonium eius. Ita Paulus certo signo notauit genuinas suas epistolas. Habet igitur scriptura Canonicam authoritatem, principaliter à Spiritu sancto, cuius impulsu & inspiratione prodita est. Deinde à scriptoribus, quibus Deus ipse certa & peculiaris ueritatis testimonia perhibuit. Postea à primitiua Ecclesia habet authoritatem, ut à teste, cuius tempore scripta illa edita & approbata fuerunt.

Haec uerò testificatio primitiuae Ecclesiae, de scriptis diuinitus inspiratis, postea perpetua successione per manus tradita est posteritati, et in certis antiquitatis historijs diligenter conseruata: ita ut se-

sequens Ecclesia, custos esset testificationis primitiue Ecclesie de Scriptura. Maxima igitur est differentia, 1. inter testificationem primitiue Ecclesie, que fuit tempore Apostolorum. 2. inter testificationem Ecclesie, que proximè post Apostolorum tempora secuta est, queq; primæ Ecclesie testificationem acceperat. 3. & inter testimoniũ presentis Ecclesie de Scriptura. Que enim & nunc est, & antea fuit Ecclesia, si potest ostendere testimonia eorum qui acceperant & nouerant testificationem primæ Ecclesie de germanis scriptis, credimus ei, ut testi probanti sua dicta: Non autem habet potestatem statuendi aut decernendi aliquid de libris sacris, cuius non possit certa documenta ex testificatione primæ Ecclesie proferre. Hec sunt uerissima: & tota disputatio rectissime ex his fundamentis intelligi potest.

Ita ex allegationibus, que extant in nouo Testamento, colligi potest, quis fuerit canon Scripturæ ueteris Testamenti. In nouo Testamento Ioannes uidit trium Euangelistarum scripta, & probauit ea. Paulus epistolas suas peculiari nota signauit, Petrus eas uidit, et Ecclesie cõmendauit. Ioannes suis scriptis annectit & suum, & Ecclesie testimoniũ. Omnino enim non quælibet, sed Apostolica auctoritas requiritur: ut in nouo Testamento probetur scriptum aliquod esse canonicum, seu diuinitus inspiratum. Ita Tertullianus refutaturus Euangelium à

lium à Marcione adulteratum, inquit: Constitui-
mus in primis Euangelicū instrumentum, Aposto-
los authores habere, quibus hoc munus promulgā
di Euangelij ab ipso Domino sit impositum. Si &
Apostolicos, non tamen solos, sed cum Apostolis;
quoniā prædicatio Apostolorū suspecta fieri pos-
set, si nō assistat illi autoritas magistrorū, imò Chri-
sti, qui magistros Apostolos fecit. Et mox addit:
Quia Euangelium ante Lucā discurrit, habuit utiq;
authēticā paraturā, per quam ad Lucā usq; perue-
nit: cuius testimonia assistente, Lucas quoq; possit
admitti. Et postea: Dico apud ecclesias Apostolicas,
& iam apud uniuersas id Euāgelium Lucæ, quod tue-
mur ab initio editionis sue stare. Eadē autoritas
Ecclesiarum Apostolicarū ceteris patrociniabitur
Euāgelij, quæ per illas & secundum illas habemus.
Et Augustinus inquit: Eo tēpore scripserūt, quo
nō solū ab Ecclesia Christi, uerū etiā ab ipsis adhuc
in carne manentib. Apostolis probari meruerunt.

Et memorabilis est historia quam Hieronymus
ex Tertulliano recitat: unde intelligi potest, quā ui-
gilantia constitutus sit canon librorū canonicorū
noui Testamēti. Ioanni enim Deus post mortē re-
liquorū Apostolorū, longiorē uitā cōcessit, ut Apo-
stolica uigilantia Ecclesiæ ad omnē posteritatem pro-
spiceretur, ne adulterina scripta sub Apostolorum
nomine Ecclesijs obtruderentur. Historiam autem
Hieronymus sic refert: Cum post mortem Pauli
libellus

libellus quidam de Periodo Pauli & Teclæ spargeretur, & sub nomine ac titulo Pauli circumferretur, presbyterū quendā in Asia $\sigma\pi\sigma\delta\lambda\alpha\varsigma\upsilon\upsilon$ Pauli conuictum apud Ioannem Apostolum, quod author esset illius libri: & confessum, se hoc Pauli amore fecisse, & ob id excidisse. Ita Hieronymus.

Quod uerò Marcus & Lucas, qui non fuerunt Apostoli, ad scribendum Euangelium diuinitus uocati sunt, Augustinus hanc reddit rationem: ne putaretur, quod attinet ad prædicandum & percipiendum Euāgelium, interesse aliquid: utrum illi annuncient, qui Dominum hic in carne apparentem discipulatu famulāte secuti sunt: an hi qui ex his fideliter comperta crediderunt Diuina prouidentia procuratum est per spiritum sanctum, ut quibusdā etiam ex illis qui primos Apostolos sequebantur, non solum annunciandi, uerumetiā scribendi Euangelium tribueretur authoritas, &c. Et huc pertinet altera Augustini sententia: Eo tempore scripserūt, quo non solum ab Ecclesia Christi, uerum etiam ab ipsis adhuc in carne manentibus Apostolis probari meruerunt.

Hoc igitur modo constitutus est canon Scripturæ in nouo Testamento: & inde Scriptura canonica habet eminentem illam authoritatem.

Huc etiam pertinet, quod Tertullianus de præscriptione affirmat, ipsas authēticas Apostolorum literas, hoc est ipsa $\alpha\upsilon\tau\acute{o}\gamma\gamma\alpha\phi\alpha$ Apostolorū, suo adhuc

adhuc tempore in Ecclesijs Apostolicis conseruata extitisse. Eusebius etiam alicubi narrat de scripto quodā, quod sub Pauli nomine ferebatur, quosdam affirmasse, αὐτοῦ γὰρ εἶναι extare in Tarso Cilicia: sed cōpertum fuit, falsam esse narrationem. Vides ergo, quibus documentis usa fuit Ecclesia, quæ post Apostolorum tempora secuta est in dijs dicandis genuinis libris.

Et hanc primæ Ecclesiæ quæ Apostolorum tempore fuerat, testificationem de genuinis Apostolorum scripturis, posteritas quæ mox secuta est, tam constanter et fideliter retinuit et conseruauit, ut cum multa postea quasi ab Apostolis conscripta præferrētur, reiecta et reprobata fuerint, tāquā suppositicia et adulterina: primò ideo, quia non poterat ostendi et probari ex testificatione primæ Ecclesiæ, quòd uel ab Apostolis essent conscripta, uel uiuentibus Apostolis comprobata, et primæ Ecclesiæ tradita et commendata: secundò, quia afferebant peregrinam doctrinam, non consentaneam illi, quam Ecclesia ab Apostolis acceptam, in recenti tunc adhuc memoria conseruabat. Ita Serapion apud Eusebium libro 6. de Euangelio quodā quod Petri titulum præferebat, iudicat: Nos, inquit, Petrum, et reliquos Apostolos, sicut et Christū recipimus: sed ἐν ὁμολογίᾳ καὶ ἐν ὁμολογίᾳ reiicimus, uelut gnari eorum sensus et sententiæ: sciētes, quòd tālia οὐκ ἔχουσιν, hoc est, nō accepimus tradita ab Apostolis,

Apostolis, &c. His duobus κριτηρίοις adhibitis, uetus Ecclesia quædam scripta simpliciter reiecit, ut suppositicia et adulterina: quædam uerò, de quibus uel non certissima, uel non consentientia primitiue Ecclesiæ extabant testimonia, non simpliciter damnauit, sed tamen distinguere & seiungere uoluit ab illis, quæ sine ulla dubitatione & contradictione uera & legitima erant scripta.

Ita Eusebius lib. 3. cap. 3 & 25. facit tres ordines scriptorum. Primum eorum quæ nec ficta: nec dubia, sed ἀναμφιλίκτως ἐνδιδάσκαλα, καθολικὰ καὶ ὁμολογούμενα: hoc est, quæ sine contradictione testamētaria, legitima, catholica, et omnium Ecclesiarum confessione certa sunt. Secundum ordinem ponit eorū scriptorū, de quibus dubitatum fuit, an certò essent ab illis apostolis conscripta & edita, quorū nomē & titulū præferunt: ut quæ contradictionē, non consentientibus primitiue Ecclesiæ testificationibus passa sunt, illa non fuerunt simpliciter damnata, sed usurpata & lecta à multis Ecclesiasticis uiris, ut non inutilia. Et sicut quæ prioris generis sunt, uocati sunt Canonica & Catholica: ita quæ ad secundū ordinē pertinent, uocata sunt hagiographa, Ecclesiastica, & à Hieronymo, apocrypha. Et tam acurata distinctio ideo salubri uigilantia facta est, ut certus esset canō, et certa regula dogmatū seu fidei in Ecclesia: Vt sciant, inquit Cyprianus, à quibus sibi fontib. uerbi Dei haurienda sint

sint pocula. De apocryphis seu Ecclesiasticis, quæ ad secundum ordinem pertinent, inquit Hieronymus: Legit hæc Ecclesia ad adificationē plebis, nō ad authoritatē Ecclesiarum dogmatum confirmādam. Item: Illorum authoritas ad roboranda illa quæ in contentionem ueniunt, minus idonea iudicatur. Cyzrianus, siue is Ruffinus est, in expositione Symboli inquit: Quæ legi quidem in Ecclesijs uoluerunt, non tamen proferri ad authoritatē ex his fidei confirmandam.

Tertium uerò ordinem scriptorum, Eusebius facit eorū quæ sunt supposititia, adulterina & falsa, quæ simpliciter reijciuntur & reprobantur.

Iam questio est, 1. An Ecclesia quæ primitiuam & uetustissimā illam secuta est, uel quæ nūc est Ecclesia, possit ea scripta quæ hoc modo reiecta & reprobata sunt, authētica facere? Et manifestū est, quòd non. 2. An ea quæ ex testificatione primæ Ecclesiæ habēt, certa & firma authoritatis suæ testimonia, possit reijcere & probare? Et non arbitror quēquam hoc dicturū. Tertia igitur questio est: An ea scripta de quibus in antiquissima Ecclesia, propter quorundam contradictionem dubitatum fuit, ideo quod testificationes primitiue Ecclesiæ de his non consentirent: an inquam præsens Ecclesia possit illa scripta facere canonica, Catholica, & paria illis quæ primi ordinis sunt? Pontificij non tantum disputant se hoc posse, sed de fide illam

illam authoritatem usurpant: In uniuersum tollentes primitiue & antiquissimæ Ecclesiæ necessariã distinctionem, inter libros Canonicos & apocryphos, seu Ecclesiasticos. Sed manifestissimum est ex ijs quæ diximus, Ecclesiam nullo modo habere illam authoritatẽ. eadem enim ratione posset etiã uel Canonicos libros reijcere, uel adulterinos canonisare. Tota enim hæc res (sicut diximus) p̃det ex certis testificationibus eius Ecclesiæ, quæ tempore Apostolorũ fuit: quas acceptas proximẽ sequens Ecclesia, certis & fide dignis historijs conseruauit. Vbi igitur non possunt proferri certissima docum̃ta primitiue et antiquissimæ Ecclesiæ, ex testificationib. ueterũ, qui non longẽ post Apostolorum tempora uixerunt, libros illos de quibus cõtrouertitur, fuisse sine cõtradictiõẽ & dubitatione pro legitimis & certis acceptos & commendatos Ecclesiæ, nõ ualẽt ulla humana decreta. Quàm insolens enim est audacia, ita statuere: licet primitiua & sequens antiquissima Ecclesia, de libris illis propter multorum Ecclesiasticorum contradictionem dubitarit, ideo quòd nõ satis certa et firma authoritatis ipsorum testimonia extarent: hoc tamẽ non obstante decernimus, debere illos pro omnino certis pari authoritate cum illis qui legitimi semper iudicati sunt, recipi. Sed quibus documentis hoc uestrum decretũ probatis? Respondet Pighius: Ecclesia habet illam potestatem, quòd potest scriptis quibus-

quibusdam impertiri canonicā auctoritatem, quam nec ex se, nec ex suis autoribus habent. Quin igitur impartiamur illam auctoritatem uel fabulis Aesopi, uel ueris narrationib. Luciani. Nō q̄ libros illos de quibus controuersia est, uelim fabulis Aesopi comparari (tribuo enim illis cum Cypriano & Hieronymo, honorificum locum, quem in uetēri Ecclesia semper habuerunt) sed ἐπαρωγῶ ἐῖς ἀσέβειαν, sicut dialectici loquūtur, uolui ostendere: in disputatione de libris scripturæ, Ecclesiā non habere illam potestatem, quod possit ex falsis scriptis facere uera, ex ueris falsa, ex dubijs & incertis facere certa, canonica & legitima, sine ullis certis & firmis documentis: quæ ad hanc rem requiri, suprà diximus.

Et planè eodem modo Augustinus, quando disputat de constitutione canonis librorum Scripturæ, non tribuit Ecclesiæ merum & mixtum imperium supra Scripturam, sed testificationis meminit: & qualem testificationem intelligat, consideretur. Contra Faustum lib. 28. cap. 2. Cum coepēro Matthæi Euangelium recitare, continuo dices, illam narrationem non esse Matthæi. Tu mihi quid contrā lecturus es? Aliquem fortè librum Manichæi. Sicut ergo ego credo, illum librum esse Manichæi, quoniam ex ipso tempore quō Matthæus uiuebat in carne, per discipulos eius certa successione præpositorū uestrorum, ad uestra usq; tem-

pora custoditus atq; perductus est: sic & istum librum crede esse Matthæi, quem ex illo tempore quo Matthæus ipse in carne uixit, interrupta serie temporum, Ecclesia & certa connexionis successione usq; ad tempora ista perduxit. Ibidem lib. 33. cap. 6. Etiam in literis secularibus, sub clarorum autorum nominibus, postea multa probata sunt: et ideo repudiata, quia uel his quæ ipsorum esse constaret, minimè congruerent: uel eo tempore quo illi scripserunt, nequaquã innotescere, & per ipsos, uel familiarissimos eorum in posteros prodi commendariq; meruerunt. Platonis, Aristotelis, Ciceronis, aliorumq; eiusmodi autorum libros, unde nouerunt homines quod ipsorum sunt? nisi temporum sibi met succedentium contestatione continua. Quæ Patres cōscripserunt, unde cōstat quid cuiusq; sit? nisi quia his temporib. quibus ea quis scripsit, quibus potuit insinuauit & edidit: & inde in alios atque alios, continuata noticia, latiusq; formata ad posteros, etiã usq; ad nostra tempora peruenerunt. Ecce istas literas quas habemus in manibus, si post aliquantū tēpus uitæ huius nostræ, uel illas quisq; falsi esse, uel has neget meas, unde cōuincitur? nisi siq; illi qui nūc ista nouerunt, notiā suā ad longē etiã post futuros cōtinuatis posterum successiōibus traiciunt. Quæ cum ita sint, quis dicat hoc mereri non potuisse Apostolorum Ecclesiā tam fidam, tam numerosam fratrum cōcordiam, ut eorum scripta fideliter

fideliter ad posteros traicerent? Lib. 11. cap. 2.
 Quam libri à te prolati originē, quā uetustatem,
 quam seriem successionis testem citabis? Et uides
 in hac re, quid Ecclesiæ catholicæ ualeat authori-
 tas: quæ ab ipsis fundatissimis sedibus Apostolorū,
 usq; ad hodiernum diem succedentium sibimet E-
 piscoporum serie, & tot populorum consensione
 firmatur. Lib. 32. cap. 21. Hic iam si queratis à
 nobis, unde sciamus Apostolorum esse istas lite-
 ras: breuiter uobis respondemus, inde nos scire, un-
 de & uos scitis illas literas esse Manichæi.

De ciuitate Dei lib. 15. cap. 23. Omittamus earū
 Scripturarum fabulas quæ apocryphæ nuncupan-
 tur, eo q̃ earū occulta origo non clauit patribus,
 à quibus usq; ad nos autoritas uerarū Scripturarū
 certissima et notissima successione peruenit. In his
 aut apocryphis etsi inuenitur aliqua ueritas, tamē
 propter multa falsa, nulla est canonica autoritas.
 Scripsisse quidē nōnulla diuina Enoch, negare nō
 possumus, cum hoc in Epistola canonica Iudas a-
 postolus dicat: sed non frustra sunt in eo canone
 Scripturarū, qui seruabatur in tēplo Hebræi popu-
 li, succedentiū diligētia sacerdotū. Cur aut hoc? nisi
 quia ob antiquitatē suspectæ fidei iudicata sunt, nec
 utrū hæc essent q̃ ille scripsisset, poterat inueniri:
 nō talib. proferētibus, qui ea per seriē successionis
 reperirētur ritē seruasse. unde illa quæ sub eius no-
 mine p̃feruntur, rectē à prudentib. iudicantur non

244 EXAMEN DECRETORVM

ipsius esse credenda: sicut multa sub nominibus et aliorum prophetarum, & recentiora sub nominibus Apostolorum ab hæreticis proferuntur: quæ omnia sub nomine apocryphorum, ab authoritate canonica, diligenti examinationi remota sunt.

De consensu Euangelist. lib. 1. Ceteri scriptores uel non tales extiterunt suis temporibus, ut eis fidem haberet Ecclesia, atq; in auctoritatem canonicam sanctorum librorum, scripta eorum recipe ret: uel quia scriptis suis quædam fallaciter indiderint, quæ Catholica atq; Apostolica regula fidei, & sana doctrina condemnat.

Idem contra Faustū: Legunt Scripturas apocryphas Manichæi, nescio à quibus sutoribus fabularum, sub nomine Apostolorū scriptas: quæ suorum scriptorū temporibus in auctoritatem sanctæ Ecclesiæ recipi mererentur, si sancti et docti homines qui tunc in hac uita erant, & examinare talia poterant, eos uera locutos esse cognoscerent.

Manifestum est, Augustinum non tribuere Ecclesiæ illam potestatem, quod possit scriptis quibusdam tribuere canonicam auctoritatem: quā nec ex seipsis, nec ex suis autoribus habuerunt, & quam illis cum scriberentur temporibus, non habuerint, sicut Pontificij contendunt. Sed alia est ratio auctoritatis Spiritus sancti: cuius impulsu & inspiratione prophete, Apostoli, & Apostolorū discipuli libros sacros conscripserant, qui miraculis do-

lis doctrinam illam conscriptam confirmarunt. Et alia est ratio testificationis Ecclesie, quod scripta illa sint à prophetis & Apostolis uel conscripta, uel comprobata, & Ecclesie commendata. Et in hac testificatione alia etiam est ratio illius Ecclesie, quæ fuit illis temporibus, cum libri illi primum scriberentur: & eius Ecclesie, quæ postea secuta est. Illa enim tamē conseruat, & ad posteros transmittit testificationem primæ Ecclesie: non autem uel debet uel potest aliquid de libris illis statuere, cuius non habeat certa documenta ex testificatione primæ Ecclesie.

Ita Gerson de uita spiritali, lectione 2. corollario 7. d. sputat, maiorem hac in re fuisse auctoritatem primitiue Ecclesie, quàm nunc sit. Et addit: Non est in potestate Papæ, aut Concilij, aut Ecclesie, immutare traditiones datas ab Euangelistis et ab Apostolis, sicut quidam delirant. Nec habent parem auctoritatis firmitatem, ut faciant aliquid esse purè de fide. Subiungit & hoc: Et hic aperitur modus intelligendi illud Augustini: Euangelio non crederem, nisi me auctoritas Ecclesie compulisset. Ibidem enim Ecclesiam sumit pro primitiua congregatione fidelium eorum qui Christum uiderunt, audierunt, & sui testes extiterunt. Hæc Gerson.

Tertia questio est: Qui libri sint in Canone, et qui non sint in canone? sicut Hieronymus loquitur.

Non autem de supposititijs, adulterinis, & falsis scriptis nunc loquimur, quorum catalogus extat apud Eusebium, & dist. 15. cap. Sancta Romana, sed de illis libris quæstio est, qui simul extant in uulgata Bibliorum editione, quiq; in Ecclesijs à fidelibus leguntur. De illis quæritur ueteris Ecclesiæ testificatio, an omnes sine eiusdem certitudinis, & paræ authoritatis. Est autem certissimum & manifestissimum, ueteris Ecclesiæ hanc esse testificationem, quòd ex illis libris quidam sint in canone, quidam non sint in canone, sed sint apocryphi: sicut Hieronymus solet loqui: siue (quod idem est) quædam ex illis scriptis esse legitima, & quæ sine contradictione certa & conscientia suæ authoritatis testimonia habeant, ab uniuersa prima & ueteri Ecclesiæ: de quibusdam uerò dubitatum fuisse, propterea quòd propter quorundam contradictionem nō habuerint satis certa, firma & consentientia primæ & ueteris Ecclesiæ testimonia de sua autoritate.

Et ex scriptis ueteris Testamenti, inter apocrypha quæ non sunt in canone, numerantur Liber sapientiæ, Syrach, Iudith, Tobias, tertius & quartus Esdræ, Baruch, epistola Ieremiæ, libri Machabæorum, particula in Esther & Daniele.

Et ratio, quare libri illi ab autoritate canonica separati sunt, non est obscura. Quidam enim ex illis, post tempora prophetarum tunc scripti sunt,

cum

cū populus Israel nō amplius habebat prophetas, quales ueteres fuerant: & scripti sunt ab illis, qui non habebāt diuina testimonia, sicut Prophetae, de doctrinae suae certitudine & authoritate. Qui dam uerò ex illis libris, praeferunt quidem nomina prophetarum, sed non habuerunt certas testificationes, quòd ab illis quibus tribuuntur, essent conscripti. Hæc ratio manifesta est, quare re-moti sint à canone Scripturæ. Istos ergo libros qui non uult facere canonicos, illum necesse est probare posse, quòd certò, absque omni dubitatione sint à prophetis conscripti: quod probare impossibile est. Vel necesse est statuere, ad Scripturam diuinitus inspiratam nihil referre, siue habeat diuina certitudinis, authoritatis & ueritatis testimonia: siue humana tantum habeat testimonia. Consideret igitur lector, quòtandem euasura sit dictatoria librorum illorum Canonisatio.

Ex libris noui Testamenti, qui in prima & ueteri Ecclesia non habuerunt satis certa, firma & consensientia certitudinis & autoritatis suae testimonia, hi recensentur.

Eusebius libro 3. capite 35. Scripta quæ non habentur pro indubitatis, sed quibus contradicitur, licet multis sint cognita, hæc sunt: Epistola Iacobi, Iudæ, posterior Petri, & altera cū tertia Iohānis. Apocalypsin Iohannis quidam reprobant, quidam

248 EXAMEN DECRETORVM

certis & indubitatīs Scripturis adiudicant.

Hieronym. in Catalogo script. epistola Iacobi, ab alio quodā sub eius nomine edita asseritur.

Eusebius lib. 2. cap. 23. Istius Iacobi qui iustus et Oblias uocabatur, dicitur esse epistola quæ prima scribitur inter Catholicas. Sciendum autem est, ὅς τοις ἐβραίοις, hoc est, q̄ non pro genuina & legitima, sed pro notha & adulterina iudicetur. Nō multi igitur ueterum (ὧν πάλαι) istius meminerunt, sicut & quæ Iudæ: quia de libro Enoch qui Apocryphus est, testimonium assumit, à plerisq; rejicitur.

Eusebius lib. 3. cap. 3. Eam quæ circumfertur altera Petri epistola, non esse legitimam accepimus.

Hieronymus in Catalogo scripto: Secunda à plerisq; Petri esse negatur, propter styli cum priori dissonantiam.

Eusebius lib. 3. cap. 25. Reliquis duab. epistolis Iohannis contradicatur. Et rationem addit, cap. 25. Quia, inquit, dubitatum fuit, utrum essent Iohannis euangelistæ, an uerò alterius cuiuspiam, eiusdem cum illo nominis.

Eusebius lib. 3. cap. 3. Non est ignorandum, quòd quidam in Romana ecclesia, epistolā ad Hebræos reprobarūt, asserētes cōtradici, quasi nō sit Pauli.

Lib. 6. cap. 25. Origenes ponens catalogū canonicorū scriptorū ueteris Testamenti, dicit librōs Machabeorū ἐξ τῶν τριῶν esse. Ibidem: Petrus unā
episto-

CONCILII TRIDENTINI. 249

epistolā, de qua certò cōstat, post se reliquit. Esto aut reliquerit et alterā: de illa nāq; cōtrouertitur. Item: Alterā et tertiā Iohannis, nō omnino Germanas esse dicunt. Ibidem: De epistola ad Hebræos, character dictionis non habet τὸ ἰδιώτικον ἐν λόγῳ, sicut Paulus confitetur se idiotam esse sermone. Quisquis autē potest discernere inter phrasas, fatebitur epistolam ad Hebræos ἐν συνθέσει ὡς ἑλληνικῶν τέραρ. Rursus quod sensus huius epistolæ nequaquā inferiores sint illis literis, quæ sine contradictione Apostolicæ sunt, fatebitur, quisquis diligenter legerit Apostolica. Et tandem concludit: Si qua igitur Ecclesia, epistolā illam tanquā Pauli recipit, ἐν δοκιμείῳ καὶ ᾧ τῶν πρῶτων. non enim frustra prisca uiri, Pauli esse tradiderūt. Quis uerò illā scripserit, τὸ μόνον ἁλθῆς Deus nouit. Ad nos uerò historia peruenit, uel à Clemēte, uel à Luca esse scriptā: ut sensus sine Pauli, phrasis uerò ὡς cōpositio sit ἁρμονικῶς ὡς ἡνὸς Apostolica, ὡς quasi σχολιογραφίαν ὡς, quæ dicta erant à præceptore. Hieronymus in 8. cap. Isaie: Licet Latina Ecclesia epistolā ad Hebræos inter canonicas Scripturas nō recipiat.

Ensebius lib. 3. cap. 24. De Apocalypsi etiam apud multos dispar est opinio, probantibus illam alijs, alijs uerò reprobantibus.

Lib. 3. cap. 39. Verisimile est, alterum Iohannē

qui inter seniores numeratur, nisi quis primum qui inter Apostolos nominatur, Apocalypsin illam uidisse, quæ sub nomine Iohannis circumferatur. Lib. 5. cap. 8. Irenæus tribuit illam Iohanni apostolo. Ita et lib. 6. cap. 25. Origenes.

Hæc ueterum testimonia ideo annotaui, ut non tantum notus sit catalogus scriptorum noui Testamenti, quæ non habent satis certa, firma et cõsentientia autoritatis suæ testimonia: sed ut præcipuè notari possint rationes, quare de illis dubitatum fuerit.

1. Quia apud ueteres non inuenta fuerunt satis certa, firma et cõsentientia testimonia de testificatione primæ Apostolicæ Ecclesiæ, quòd libri illi essent ab Apostolis comprobati, et Ecclesiæ commendati.
2. Quia non certò ex testificatione primæ et ueteris Ecclesiæ constitit, an ab illis sub quorũ nomine editi sunt, libri illi cõscripti essent: sed iudicati fuerunt ab alijs sub nomine Apostolorũ editi.
3. Cum quidã ex uetustissimis, aliquos ex illis libris tribueret Apostolis, quidã uerò cõtradicerent: res illa, sicut nõ erat indubitato certa, relicta fuit in dubio. Pendet enim tota hæc disputatio à certis, firmis et cõsentientibus primæ et ueteris Ecclesiæ testificationibus: quæ ubi desunt, sequens Ecclesia sicut non potest ex falsis facere uera, ita nec ex dubijs potest certa facere, sine manifestis et firmis documentis. Contra hæc tam manifesta antiquitatis testimonia, Trideminũ concilium,

concilium sessione quarta, ita decernit: Si quis libros integros cum omnibus suis partibus, prout in ueteri uulgata Latina editione habemur, pro sacris & canonicis non susceperit, an anathema sit. Sed unde hoc suum decretum, contra antiquitatis testimonia probant et confirmant? Num proferunt certa & manifesta quedam documenta, ex testificationibus primæ Apostolicæ et ueteris Ecclesiæ, quod libri illi controuersi, eandem certitudinē & parem auctoritatem cum reliquis, de quibus nunquā dubitatū fuit, habeant? Nihil minus: neque enim possunt hoc facere. Sed rapiunt sibi hanc potestatem, quæ Papa cum suis Prælatiis, possit & illis, & forsitan alijs etiam libris impertiri canonicā auctoritatem: quam nec ex se, nec ex suis autoribus merentur, & quam tempore Apostolorum & primitiue Ecclesiæ non habuerunt: sicut Pighius contendit. Quin igitur aperte dicunt quod res est. Licet probari non possit, libros illos uel à prophetis, uel ab Apostolis siue scriptos, siue cōprobatos, & à prima ueteriq; Ecclesia certò et cōstanter receptos: imò licet contrariū manifestissimis antiquitatis testimonijs meridiana luce clarius probetur: hoc tamē non obstante, statuimus et decernimus, certò hoc credendum esse, licet nulla à nobis huius rei idonea proferantur documenta: quia (si dīs placet) plenitudo huiusmodi Antichristianæ potestatis, sepulta est in scrinio pectoris Pontificij.

Dicunt

352 EXAMEN DECRETORVM

Dicunt anathema omnibus, qui libros apocryphos non recipiunt eadem certitudine & authoritate, sicut canonicos. Anathema igitur erit Eusebius, Hieronymus, Origenes, Melito, & tota prima Apostolica et uetus Ecclesia: ex cuius testificatione, illa quæ supra de libris istis recitauimus, accepta sunt.

Scio, quòd Nicephorus, scriptor nō admodum uetus, lib. 3. ubi ex Eusebio recitat primitiue & ueteris Ecclesiæ sententiā de libris istis apocryphis, addit, Ecclesiam iamdudum illos pro legitimis & testamentarijs recepisse. Sed quas affert rationes, quæ documenta, quare à testificationibus primitiue Ecclesiæ discedendum sit? Nihil certè. Hilarius in prologo psalmerū, de re graui profectò non satis graui ter agit. Iudit enim, quia 22. sunt libri canonici ueteris Testamenti, iuxta numerū literarū Hebraicarū: ideo quia Græcorū et Latinorū, 24. sunt literæ, addendos esse canonici duos libros, Iudith scilicet & Tobiam, ut numerus respondeat literis. Sed in re tam graui & seria, non tam friuolè ludendum est.

Tota igitur disputatio in hac questione consistit: An certum & indubitatum sit, libros illos de quibus hæc controuersia est, esse Scripturam diuinitus inspiratam à Prophetis & Apostolis, qui diuinitus auctoritatem illam habuerunt uel editam, uel approbatam?

Tota

CONCILII TRIDENTINI. 153

Tota antiquitas respondet, non esse certum, sed propter multorum contradictiones fuisse dubitatū. Tridentinū uerò supercilium anathema minatur, nisi quis illos susceperit pari, imò eadem certitudine & autoritate, sicut reliquos libros de quibus nunquam dubitatum fuit. Quid igitur mirum est, quòd parasiti quidam Pontificij disputarunt, Papam posse novos fidei articulos condere: cum hoc loco nouam Scripturam canonicam fabricare nō uereatur? ut nullum amplius sit dubium, quis sit ille, qui in templo Dei sedens, super omne quod Deus dicitur, extollitur. 2. Thes. 2.

Numquid igitur simpliciter abijciendi & damnandi sunt libri illi? Nequaquam hoc querimus. Quem igitur usum habet hæc dissolutio? Respondeo. Vt regula fidei, siue sane in Ecclesia doctrina certa sit. Ex solis enim libris Canonicis, autoritatē Ecclesiasticorū dogmatū confirmandam ueteres censuerunt, sicut testimonia suprā allegata sunt. Solius canonice Scripturæ autoritas, idonea iudicata fuit ad roboranda illa quæ in contentione ueniunt: reliquos uerò libros, quos Cyprianus Ecclesiasticos, Hieronymus apocryphos nominat, legi quidem uoluerunt in Ecclesijs, ad ædificationem plebis, non ad autoritatem Ecclesiarū dogmatum confirmandā. Non enim uoluerūt illos proferri, ad autoritatē ex his fidei confirmandā. Et illorū autoritas, id est roboranda ea quæ in contentionem ue-

144. EXAMEN DECRETORVM

niunt, minus idonea iudicata fuit. Nullum igitur dogma ex istis libris extrui debet, quod nō habet certa & manifesta fundamenta & testimonia in alijs Canonicis libris. Nihil quod controuersum est, ex istis libris probari potest, si nō extant aliæ probationes et confirmationes in libris canonicis. Sed quæ in illis libris dicuntur, exponenda & intelligenda sunt, iuxta analogiā eorum quæ manifestè traduntur in libris canonicis. Hanc esse uetustatis sententiam, nullum est dubium. Sed conciliū Tridentinum propter illam ipsam causam, necessariā & uerissimam hanc ueteris Ecclesiæ distinctionē infringit, subuertit & tollit: quia (sicut Andradius meus inquit) non uolum se in has conijcere angustias, ut omnibus alijs præsidijs destituti, à sola canonica Scriptura fidem mutuentur. Inquit enim Synodus Tridentina, se ideo ex libris apocryphis facere canonicos: ut ostendat quibus potissimum testimonijs & præsidijs, in confirmandis dogmatibus, & instaurandis moribus sit usura.

Quid igitur antiquitatis suffragia prætendūt, qui primæ et ueteris Ecclesiæ sententiam de canone fidei & dogmatum ab ipsis fundamentis subuertunt? Et diligenter consideret lector, quid in cōmodi in Ecclesiā inuexerit, neglecta & sublata antiquissima illa distinctio, inter libros canonicos, apocryphos, et adulterinos seu falsos. Primum. n. ad auctoritatem librorum canonicorum, paulatim adiungi

adiungi cœperunt reliqui, qui apocryphi uocantur Hieronymo. Postea ex adulterinis et reprobatis scriptis, multa tanq̃ ex traditionib. citari cœperūt sicut ostēdemus in loco de traditionib. Tertiò, circa Gregorij tēpora cœpit dici, Concilij amplectenda et ueneranda esse, sicut Euāgelia. Quartò, glossa in cap. Nol. dist. 15. inq̃: August. loquitur secūdu illa tēpora, cū adhuc scripta Patrū nō erāt authentica: sed hodie oīa iubetur teneri usq; ad ultimū iota. Quintò, accessit et hæc impudētia, q̃ Augustini sentētia de doctrina Christiana, li. 2. cā. 8. turpiſsimē falsare nō sunt ueriti. Ita. n. legūt et interpretantur, dist. 19. cap. In canonicis: Inter Scripturas canonicas præponēdas esse illas, quas Apostolica sedes (hoc est, Romana) habere, et ab ea alij accipere meruerūt epistolas. Ibi decretales Romanorum pontificū nō tantū equantur, sed præponuntur Scripturæ canonicæ: idq; manifestissimo crimine falsi. August. n. hoc nō dicit. Sed qd miramur, cū arrogēt sibi illā licentiā, q̃ possint canonizare libros, q̃ tēpore Apostolorū et primitiue ecclesiæ tales habiti nō fuerūt: Postremò. Quia hæc de Cōcilijs, Patrib. et Decretis Pōtificū, nimis crassa, nostro qdē seculo uideri possint, si equetur Euangelio: aliud iā artificii inuentū est, ut qcqd credit et obseruat ecclesiā Pōtificia, quod nullo Scripturæ testimonio p̃bari potest, dicatur et credatur esse traditio Apostolica. Et hi sunt Pontificiorum loci uerē ἀρεχοῦν.

ex quib. nullo negotio quiduis probare possunt.

Hæc recensui, ut intelligatur, quid Pontificij querant sua illa confusione: & quam omnino necessarium sit, pro ueteri illa librorum Scripturæ distinctione dimicare. Duas autem habent abiectiones, quas specie aliqua huic quam defendimus sententiæ, opponere possunt. Vna est ex Hieronymo, qui dicit libros illos procedente tempore auctoritatem obtinuisse, & inter sanctas Scripturas computatos. Altera est Augustini, qui libros illos uocat canonicos. Sed de Augustino prius dicemus: ille enim de doctrina Christiana lib. 2. cap. 8. recitans, quib. libris canon Scripturæ contineatur, annumerat etiam illos libros, quos hætenus diximus esse extra canonem, seu apocryphos. Et illam Augustini sententiã sequitur conciliũ Carthaginense tertium, etc. Hæc propter Augustini auctoritatem, specie aliqua contra ea quæ hætenus diximus, prætendi possunt. Sed nõ est difficilis responsio. Primum enim querere possem: Cum tota antiquitas aliter sentiat, utrũ recipienda et imitanda potius sit totius antiquitatis, q̃ unius Augustini sententiæ: cũ nõ sit ignotũ, quã libertatẽ lectori Augustinus in suis scriptis cõcedat? Salua igitur Augustini honorificentiã, et bona ipsius pace fieret, si nollemus ipsius unius sententiã præferre & pluriũ et antiquiorũ constanti iudicio. Sed non utamur nunc hac responsione. Video, n. Augustinum, licet alijs uocabulis utatur, dere

de re ipsa tamen idem & sentire & loqui, sicut ex testimonijs antiquitatis hactenus ostēdimus. Nam apocrypha scripta Augustinus non intelligit, ut Hieronymus de Iudith, Thobia, &c. sed simpliciter apocrypha uocat adulterina, falsa & reprobata scripta. Vt de Ciuit. Dei lib. 15. cap. 23. uocat fabulas scripturarum, quæ apocryphæ nominantur, quarum propter multa falsa, nulla est Canonica auctoritas. Et cōtra Faustū dicit, apocrypha à sutoribus fabularū sub Apostolorū nomine scripta. Augustinus igitur nō tres cum Eusebio & Hieronymo, sed duos tantū ordines scriptorū, uocabulis apocryphorum & canonicorum distinguit. 1. uocat apocrypha, hoc est fabulosa, adulterina et falsa. 2. ea quæ in Ecclesijs legebantur, uno uocabulo uocat Canonica. Quæro autem, num Augustinus affirmet illorum librorum omnium, quos uno uocabulo canonicos nominat, eandē esse certitudinem, & parem auctoritatem: hic enim est status disputationis. Et inuenio, Augustinū expressis uerbis tradere & exponere hanc distinctionē: quosdā scilicet ex illis libris, ab omnibus accipi Ecclesijs catholicis: quosilā uerò non ab omnibus accipi, sed à quibusdā tantū. Et addit, illas Scripturas quæ ab omnibus Ecclesijs accipiuntur, præponendas esse eis, quas quædam non accipiunt. Et in his rursus, quæ à pluribus & grauioribus accipiuntur, præponēdas esse ijs quæ pauciores, minorisq; auctoritatis Ecclesiæ tenent. Sicut

r igitur

igitur tota antiquitas, ita etiam Augustinus distinguit libros Biblicos: & quo ad authoritatem & certitudinem, dicit alias alijs præponendas: hoc est, non parum esse omnium authoritatem & certitudinem, eo quòd quædam ab omnibus Ecclesijs accipiantur, quædam non ab omnibus. Et illud est, quod cum tota antiquitate nos etiam dicimus. Ita libros Machabæorum Augustinus alibi uocat Canonicos. Non autem de appellatione potissimū disputatio est, sed de re ipsa: An scilicet Augustinus, libris Machabæorū parē, imò eandē tribuat auctoritatem, quam habent reliqui libri qui propriè sunt canonici. Lego autē, quòd Augustinus cōtra Gaudētij epistolam, lib. 2. cap. 23. Razie exemplū, inferentis sibi mortem, licet uariè torqueat: non tamē uel audet, uel potest defendere & probare. Et tandem inq̃t: Hāc quidē Scripturā, quæ appellatur Machabæorū, nō habēt Iudæi sicut legē, & prophetas, & Psalmos, quibus Dominus testimonium perhibet, tanquam testib. suis, Luc. 24. Sed recepta est ab Ecclesia non inutiliter, si sobriè legatur uel audiatur.

Hoc certē modo Augustinus de libris uerè canonicis non loquitur. Extat præterea alius locus apud Augustinum: unde adhuc manifestius colligitur, tempore Augustini, istorū librorū de quibus cōtrouersia est, non fuisse parem auctoritatē, sicut aliorum uerè canonicorum. Nam de prædestinatione sanctorū, li. 1. cap. 1. D. Augustinus dicit, se usum te-

stimonio

testimonio ex libro Sapientiae: Raptus est, ne malitia mutaret intellectū eius. Et addit: Quod testimoniū à me positum fratres istos ita respuisse dixistis, tanquā non de libro canonico adhibitū. Quid uerò Augustinus? Non defendit librū istū uerē esse Canonicum, sed inquit: Quasi excepta huius libri attestatione, res ipsa non clara sit, quam uolumus hinc doceri: Et adhibita sententia ex Ezechiele dicit, Hec est tota causa, cur dictum sit, à quocūq; sit dictum: Raptus est, ne malitia mutaret intellectum eius. Item: Quilibet hoc dixerit, quis homo sanē fidei restituendum putabitur? Manifestum ergo est, Augustinum de distinctione librorum sacrorum idem sentire. Hieronymus inquit: Legit hac Ecclesia ad ædificationem plebis, non ad authoritatem Ecclesiasticorū dogmatū confirmandā. Manifestū ergo est, Augustinū probare, retinere et seruare ueterū illam distinctionē, de qua supra diximus, q; scilicet nō eadē aut par sit certitudo et autoritas omnīū librorū Scripturæ, quæ in uulgata Latina editiōe cōtinētur. Et iā quiuis Lector intelligit, Pōtificios falso et nequicquā Augustini autoritatē obtēdere suæ opinioni, q̄ oēs libros æquāt, et pares faciūt, quo ad certitudinē et autoritatē. Sed inquis: Quare August. illos libros annumerat cæteris, et uocat canonicos? Respōdeo: Aug. hoc tātū agit, apocryphos illos libros, quos Hierō. ita uocat, licet nō sint eiusdē certitudinis et autoritatis, sicut reliq; indubitati scri

tura libri: non tamen simpliciter esse abiectos & damnatos, sicut reliqua adulterina & falsa scripta, sed receptos esse in numerum sacrae Scripturae: ea tamen lege & conditione, sicut supra ex Hieronymo & Cypriano dictum est. Illud uero & nos libenter concedimus & docemus.

Altera abiectio est ex Hieronymo, qui inquit: Epistola Iacobi, paulatim procedente tempore, auctoritatem obtinuit. Et de Epistola Iudae inquit: auctoritatē uetustate iam & usu meruit, & inter sanctas Scripturas computatur. Dicit etiam synodus Nicenā, librū Iudith in numero sanctarū Scripturarum cōputasse. Sed quia de Hieronymi sententia, absq; omni ambiguitate constat, facilis est responsio. Est enim Hieronymo discriminē inter haec duo: Cōputari inter Scripturas, et recipi inter Scripturas canonicas. De Iudith. n. dicit in Praefatione, quod cōputetur in numero sanctarū Scripturarū. Sed in praefatiōe librorū Salomonis inquit: Iudith, Tobiae & Machabaeorum libros legit quidē Ecclesia, sed eos inter canonicas Scripturas non recipit. Et ipse Hieronymus, quomodo haec intelligi uelit, disertē explicat, cū inquit: Legit haec Ecclesia ad edificationē plebis, non ad auctoritatē dogmatū Ecclesiasticorū confirmandā. Itē illorū auctoritas ad roborandā illa quae in cōtentionē ueniūt, minus idonea iudicatur. Manet igitur & iuxta Augustinū et Hieronymū, sententia antiquitatis fixa & firma.

Ita etiam

Ita etiam Euseb. lib. 2. cap. 23. de epistola Iacobi
 & Iude inquit: Attamen scimus & istas cum reli-
 quis, in plurimis Ecclesijs *δεσποεύουσιν* *ἐν τῇ πόλει*
 publice legi, etc. Sed inde non sequitur, canonicam
 ipsis tributam fuisse authoritatē. Nam & de pasto-
 re Hermæ, eodem uocabulo utitur Euseb. lib. 3. ca. 3.

Quod igitur ad rem ipsam attinet, idē sentit et
 dicit Augustinus de libris Scripturæ, quod reliqui
 ante ipsum ueteres scriptores: nisi quod nō iisdem
 uocabulis, nec eodē modo utitur. Latius enim acci-
 pit uocabulū Canonicorū, quā Hieronymus. Apo-
 crypha etiā aliter intelligit quā Hieronymus. Et
 ex diuisione Eusebij trimembri, quod scilicet quidā
 libri sint legitimi, quidā de quib. dubitatū fuit, qui-
 bus adulterini & falsi: Augustinus facit bimembrē
 diuisionē, quosdam libros esse Canonicos, quosdā
 apocryphos. Et tamen illos quos uocat canonicos,
 rursus non obscure distinguit: quosdam scilicet ab
 omnibus accipi Ecclesijs, quosdam non ab omni-
 bus, quos sobrie uult legi. Quod si Pontificij de
 rebus ipsis ita sentirent, de uerbis aut uocabulis nō
 magnopere pugnaremus. Sed uolunt ad confirma-
 tionem dogmatū, & ad roboranda illa quæ in con-
 tentionem ueniunt, eandem & omnino parem esse
 authoritatem omnium librorum qui in uulgata La-
 tina editione Bibliorum habentur. Et hoc est quod
 impugnamus, quodq; cum iudicio totius antiquita-
 tis pugnare dicimus.

Constitutis autem rebus, de uerbis quidem seu uocabulis non temerè est pugnandum, utile tamen est, uocabula habere maxime ppria, quæ res ipsas perspicue & sine ambiguitate significant & explicent. Hieronymus uocat libros canonicos, qui sunt legitimi & indubitati: de quibus uerò dubitatum fuit, uocat apocryphos. Augustinus utrosq; uno uocabulo appellat Canonicos. Hieronymus apocryphos appellat, tam eos de quibus dubitatum fuit, quàm adulterinos et falsos. Ita in prologo Galeato inquit: Ut scire ualeamus, quicquid extra hoc est, inter apocrypha esse ponendum: ut Syrach, Iudith, Tobiam &c. Et in præfatione in Euangelistas, inquit: Apocryphorum nenas, mortuis magis hæreticis, quàm Ecclesiasticis uiuis canendas. Augustinus uerò per apocrypha tantum intelligit adulterina & falsa.

Variius igitur & diuersus est horum uocabulorum usus: sed si de proprietate queritur, facilis est iudicatio. Ipsa enim appellationis emphasis & proprietas indicat, libros illos nō propriè uocari canonicos, qui leguntur quidē in Ecclesijs, sed non ad cōfirmandam ex his fidei auctoritatem: & quorum auctoritas non idonea iudicatur, ad roboranda ea quæ in contentionem ueniunt. Conuenit enim appellatio propriè ad illos libros, qui sunt canon dogmatum & fidei. ἀπὸ κρυφῶν propriè uocatur illi libri, quorum occulta origo nō claruit illis, quorum testifica-

testificatione auctoritas uerarum Scripturarū ad nos peruenit: sicut inquit Augustinus de Ciuit. li. 15. cap. 23. Et contra Faustum lib. 11. cap. 2. dicit, uocari apocryphos, qui nulla testificationis luce declarati & prolatisunt. Hæc explicatio appellationis, recte conuenit ad illos libros, qui in uulgatis editionibus habentur quidem, sed non sunt in Canone, sicut Hieronymus loquitur: propterea quod non satis certis testificationibus constitit, an essent à prophetis uel Apostolis. siue editi, siue comprobati. Ad tertium genus scriptorum, quæ adulterina & falsa sunt, siue hæc siue alia appellatio accommodetur, nō pugno: modo ipsarum rerū distinctio, quæ necessaria est, retineatur & proponatur.

Eusebius habet uocabula ualde significatia. Quæ enim Hieronymus appellat canonica scripta, ea Eusebius uocat γνήσια ἐν δὲ ἀποκρίσεως, καθολικά, ἀναμφίλεκτα, ὁμολογημένα: hoc est, genuina, germana, legitima, testamentaria, catholica, sine contradictione & dubitatione certa, et ab omnibus confessa.

Ea uerò quæ leguntur quidem in Ecclesijs, sed tamen non sunt in Canone, sicut Hieronymus inquit, Eusebius uocat ἀμφίλεκτα: de quibus dubitatum fuit, siue quibus contradictum fuit. Vocat etiam non legitima, non testamentaria, &c. Reliqua uerò uocat adulterina, absurda, & impia.

264 EXAMEN DECRETORVM
DE VERSIONE SEV TRANSLA-
latione Scripturæ in alias linguas.

SECUNDVM DECRETVM SYNO-
di Tridentinæ 4. Sessiois.

INsuper eadem sacrosancta Synodus
considerans, non parũ utilitatis ac-
cedere posse Ecclesiæ Dei, si ex multis
Latinis editionibus quæ circumferun-
tur sacrorum librorum, quæ nam pro
authentica habenda sit, innotescat: sta-
tuit & declarat, ut hæc ipsa uetus &
uulgata editio, quæ longo tot seculorum
usu in Ecclesia ipsa probata est, in pu-
blicis lectionibus, disputationibus, præ-
dicationib. aut expositionibus, pro au-
thentica habeatur: & quòd eam ne-
mo reijcere quouis prætextu
audeat, uel præ-
sumat.

Examen.

Examen.

In hoc secundo decreto 4. Sessionis de uersionibus seu translationibus sacrarum librorum, duo sunt notanda. 1. Quia tantum de Latinis editionibus disputant: oblique igitur, quod alias aperte faciunt, damnant, si in alias uernaculas & populares linguas Scriptura transferatur. 2. Solam ueterem & uulgatam Latinam editionem ita faciunt authenticam, ut nemo eam in prædicationibus, lectionibus, disputationibus aut expositionibus rejicere quouis prætextu audeat, uel præsumat. Hæc sunt examinanda. Et iudicium non est obscurum, si origo uersionum consideretur. Deus primum doctrinam coelestem lingua Hebraica patefecit. Ante diluuium enim illa unica & sola lingua fuit totius generis humani, & illius linguae literis postea doctrinam suam conscribi curauit: quia Hebraea lingua, matrix est omnium aliarum linguarum, sicut Hieronymus inquit in 13. cap. Sophoniae. Et licet facta est postea confusio linguarum, Gen. 11. uidetur tamen fuisse primis illis temporibus talis quaedam cognatio seu affinitas, quod Abraham in Chaldaea, Aegypto & Chanaan sine interprete loquitur, & alios intelligit. Et Gen. 31. aceruum testimonij aliter Laban patria lingua appellat, aliter Iacob: uterque tamen alterum intelligit. Et filiae Laban imponunt filiis nomina Hebraica, cum in ipsa adhuc Syria essent. Ita Gen. 41. Ioseph in Aegypto per interpretem loquitur fratribus: su-

r s iſſe

isse tamen adhuc magnam cognationem cum lin-
 gua Hebraica, ostēdit appellatio פַּרְעֹה quam Pha-
 rao Iosepho imposuit. Idem etiam ostendit no-
 men Mosis מֹשֶׁה quod filia Pharaonis ipsi im-
 posuit, addita ratione appellationis. Et amici Iob
 ex diuersis partibus uenientes, Hebraicē cum Iob
 disputant. Deuteronomium uigintiocto, ubi mi-
 natur hostes ex longinquis regionibus uenturos,
 inquit: Cuius linguam intelligere non poteris. Po-
 tuerunt igitur tunc propter affinitatem linguarum,
 ab alijs etiam legi & intelligi, quæ Deus lingua He-
 braica tradebat, & conscribi curabat. Neque enim
 ita Deus Scripturam tradidit, ut tanquam ad folia
 Sibyllæ nemini, aut per paucis ad eius lectionem adi-
 tus patēret. Sed propter hanc ipsam causam, ut ab
 aliarum etiam linguarum hominibus legi posset
 Scriptura, uentū est postea ad uersiones siue trans-
 lationes. Cum enim progressu temporis, affinitas
 quæ reliquis linguis cum Hebræa hætenus inter-
 cesserat, corrupta esset, ita ut Hebraica non am-
 plius ab alijs intelligerentur: tandem in alias lin-
 guas quæ tunc usitate erant, & præ reliquis latē
 patebāt, trāsferri coepit Scriptura sacra: idq; ideo,
 ut non tantum ab Hebraicē peritis, sed ab alijs e-
 tiam hominibus legi & intelligi possent, quæ o-
 mnium salutem complectebantur. Ita Daniel & E-
 zras coeperunt Chaldaico idiotismo quedam con-
 scribere. Postea in linguam Syraicam seu Chaldaicam

eam tota Scripturæ ueteris Testamēti translata est. illa enim lingua in multis tunc terris & populis latè patebat. Ita cum propter Græcorum monarchiam, lingua Græca in plerisq; terris & populis usitata & nota esse cœpisset, translata est Scriptura ueteris Testamenti in Græcam linguam. Et Christus uerbis Scripturæ in Syriaco idiotismo in cruce usus est. Apostoli etiam Græca translatione ueteris Testamenti plerunque usi sunt. Institutum igitur transferendi sacros libros in alias linguas uernaculas & populares, comprobatum est ab ipso filio Dei, & ab Apostolis. Neq; enim unam aliquam linguam Deus ita dedicauit sacræ Scripturæ, ut ne phas sit eam transferri in alias uernaculas & populares linguas: unde ab omnibus legi et intelligi possint, quæ de doctrina cœlesti, literis, uel Hebraicis uel Græcis consignare uoluit Deus, qui uult omnes homines saluos fieri, & ad agnitionē ueritatis peruenire. Ita Eunuchus Aethiopissæ, Act. 8. legit prophetā Isaiā, nō in lingua Hebraica, sed in trāslatione Græca. Vult ergo Deus sacram Scripturam legi & intelligi, ab aliarū etiā linguarū hominibus: utq; illud fieri posset, factæ sunt trāslationes in illas linguas, quarum usus tunc latissimè patebat non inter doctos tantū, sed alios etiā: qualis erat Syriaca & Græca. Hoc & Augustinus agnoscit, de doctrina Christ. li. 2. ca. 6. ita enim inquit: Ex quo factū est, ut etiā Scriptura diuina, qua tantis morbis humanarū

uolūtatum subuenitur, ab una lingua profecta, quæ opportunè potuit, per orbem terrarum diffeminari, per uarias interpretū linguas, longè lateq; diffusa, innotesceret Gentibus ad salutem: quam legentes nihil aliud appetunt, quàm cognitionem, uoluntatemq; illorum à quibus conscripta est inuenire, & per illas uoluntatem Dei, secundum quam tales homines locutos esse credimus.

Nouum uerò Testamentum, sicut uulgò nunc loquimur, missio Spiritu sancto in die Pentecostes, inchoatum, & quasi dedicatū est diuersarum, & postea omnium Gentium linguis, ad quas salus illa pertinebat. Sicut enim linguarum confusione puritas doctrinæ diuinitus patefactæ, amissa & deprauata fuerat: ita Spiritus sanctus per diuersitatem linguarum cunctarum, Gentes in unitatem fidei rursus per Apostolos congregauit. Et quidem ideo dedit donum linguarum, ut doctrina noui Testamenti, nō quibusdam tantū populis in una aut altera lingua, sed omnibus gentibus quæ sub cælo sunt, tradi & proponi posset illa lingua, quā intelligere possent. Scripturam uerò noui Testamenti Deus Græcis literis tradi uoluit, propterea quòd eius tunc usus latissimè patebat: sicut ex Ciceronis oratione pro Archia colligi potest. Inquit enim: Si quis minorem putat gloriæ fructum ex Græcis uersib. percipi, quàm ex Latinis, uehementer errat, propterea quòd Græca leguntur in omnibus ferè Gentibus, Latina suis finibus

finibus exiguis sanè continentur.

Et in Oriente, ubi Græca lingua diu mansit uernacula & popularis, Patres Græcè locuti sunt Ecclesijs, populus in Græca lingua legit sacram Scripturam: sicut Chrysostomus sæpius laicos hortatur ad lectionem sacræ Scripturæ. quod facile fieri poterat, quia Græca lingua tunc adhuc uernacula & popularis erat.

In Occidente uerò, ubi unà cum imperio Romano, etiam Latine linguae usus latè in populis propagabatur, coeptæ sunt fieri translationes sacræ Scripturæ in linguam Latinā. Et Augustinus de doctrina Christiana lib. 2. cap. 11. inquit: Qui Scripturas ex Hebræa lingua in Græcam uerterunt linguam, numerari possunt: Latini autem interpretes, nullo modo. Vt enim cuiq; primis fidei temporibus in manus uenit codex Græcus, & aliquantulum facultatis sibi met, utriusq; linguae habere uidebatur, ausus est interpretari, &c. Ita Augustinus Ecclesiæ suæ Latine locutus est, & populus Latine legit Scripturam, Latine cantauit Psalmos: erant enim Latine linguae homines.

Factæ igitur sunt semper translationes Scripturæ sacræ in illas linguas, quarum usus popularis erat, & latissime patebat, non inter doctos tantum, uerum etiam inter alios.

Postquam igitur iam linguae Latine usus desijt esse uernaculus & popularis, quæstio est: An liceat sacram

sacram Scripturam transferre ex suis fontibus in illas linguas, quæ hoc tempore in nostris regionibus usitate sunt, & latè patent. Hoc institutum Pontificij non tantum damnant, sed ferro & flamma persequuntur, dimicantes tantum pro Latina uersione. Sed quid de barbarica illa tyrannide sentiendum sit, ex his quæ diximus manifestum est. ubi enim Deus patefecit, tantam esse Latine lingue dignitatem, ut in ea sola legenda sit sacra Scriptura? Maior certè esset dignitas Hebraicæ & Græcæ lingue, in quibus originaliter scripti sunt libri sacri. Quare igitur non contendunt potius, in solis illis linguis legendam esse sacram Scripturam? Sed forsitan ideo hoc fit, quia maior ipsorum pars cum Accursio dicit: Græca sunt, legi non possunt. Certè Deus non uult doctrinam suam tantum Latine hominibus notam esse. Si ergo mandatum Dei est, doctrinam noui Testamenti omnium linguarum Gentibus tradere & proponere, ita ut intelligere possint: illud profectò fieri non potest, nisi doctrina Scripturæ docendo transferatur in illas linguas, quæ notæ sunt populis quibus prædicandus est Christus: nisi forsitan statuere uelint, Latine tantum lingue hominibus annunciandum esse Euangelium. Doctrina enim Euangelij ex Scriptura prædicanda est. In prædicando autem, nõ utendum est lingua, quæ ignota est illis quibus prædicatur, 1 Cor. 14. Ergo uerba & sententiæ
Scripturæ

Scripturae, transferendae sunt in linguas, quae notae
 & usitatae sunt illis quibus praedicatur. Quid au-
 tem interest, siue uoce, siue scripto fiat uersio siue
 translatio? Si enim omnino piaculum est, Scriptu-
 ram transferre in populares linguas: ergo neq; E-
 uangelium ex Scriptura doceri & tradi poterit, lin-
 gua uulgari.

Sed non memineram, Pontificiorum fidem extra
 & praeter Scripturam consistere. possunt igitur do-
 cere sine Scriptura translatione in linguas uulga-
 res. Sed ad rem. Cum non abhorreant, quando sen-
 tentiae quaedam Scripturae docendo transferantur
 in uulgares linguas: hoc tamen damnant, si tota Scri-
 ptura uersione scripta ita transferatur. Quare
 autem hoc? nisi quod uolunt hanc sibi licentiam
 reseruare, ut quicquid libet, & quantum libet, po-
 pulo proponant: cui incumbat necessitas credendi,
 sine ulla dijudicatione. Vident autem hanc licen-
 tiam non fore integram, si populus ipse Scripturam
 in lingua uulgari & nota legere possit. Haec est illa
 Helena, hinc illae lachrymae.

Quod enim praetendunt, maiestatem Scripturae
 inquinari, si in barbaras linguas transferatur, nugae
 sunt. Quae enim est Latinae linguae sanctitas? (non
 loquor iam de elegantia.)

Et certe non uiolata fuit doctrinae coelestis maie-
 stas, quando in Petecosteuarijs barbaris linguis tradi-
 ta et proposita fuit. Ergo nec uersione in quacumq;
 linguam,

linguam, quantumuis habeatur barbara, inquinabitur, si uersio sit uera & sana. Omnium enim Gentium lingue à Spiritu sancto dedicate sunt, ut sonent magnalia Dei, Act. 2. Ro. 14. Isa. 66. Ita Hieronymus alicubi testatur, se in linguam Dalmaticam uertisse Scripturam.

Verè igitur Antichristi tyrannis est, homines innocentes tantum propter uersiones Scripturæ in linguas uulgares, necare. Non loquor autem de uersionibus, si quæ sunt prauæ, & non respondentes fontibus.

Alterum caput huius decreti, est de ueteri et uulgata Latina editione: quam nos sanè simpliciter & in totum nec reijcimus, nec damnamus (debetur enim sua laus, quisq; fuit uetus ille interpres: multa enim sunt non malè reddita.) Et utile est, extare certam aliquam uersionem, quæ in citationibus allegetur: ita ut tamen uocabulorum emphasis, & sententiæ proprietates ex ipsis fontibus iudicetur: ad quos omnino recurrendum est, sicubi minus rectè, commode, et propriè interpres reddidisse uidetur. Hoc modo nos retinemus & usurpamus ueterem uersionem. Et si Tridentini decretores de ueteri uersione hoc tantum agerent, nulla inter nos esset dissensio. Sed his non contenti, flagitant ut uulgata illa uersio, sicut in ipsorum Ecclesia usitata est, pro authentica habeatur in publicis lectionibus, disputationibus, prædicationibus aut expositionibus, ita ut

eam

eam nemo reijcere quouis prætectu aufit. Sed quid, si ea quæ in fontibus sunt siue Hebraicis, siue Græcis, uulgata illa editio non rectè, commodè & propriè reddidit? Si librariorum uel inscitia, uel incuria quedam sunt mutata, mutilata uel addita, num licebit à ueteri editione discedere, & ad fontes recurrere? Num licebit fontes præferre riuiulis? & si qua in uulgata illa uersione malè reddita, mutata, mutilata & addita sunt, ita ut à fontibus dissentiant: num licebit ea, si quis odiosius urgeat, reijcere? Respondent Tridentini patres: Vuulgatam editionem nemo reijcere, quouis prætectu audeat, uel præsumat. Hoc uerò non est tolerandum in Ecclesia, ut pro ijs quæ Spiritus sanctus in fontibus Hebraicis & Græcis scripsit, ea quæ ab interprete uitiosè reddita, uel à librarijs mutata, mutilata & addita sunt, tanquam authentica nobis obtrudantur: & quidem ita, ut non liceat inspectis fontibus ea reijcere.

Græci interpretes, inquit Augustinus, numerari possunt: Latini uerò, nullo modo. Si igitur de antiquitate Latine uersionis contenditur, illa certè quæ nunc uulgata est, non erit antiquissima: tribuitur enim Hieronymo in libris ueteris Testamenti. Et tamen ipse Hieronymus, in Hebraicis quæstionibus multa aliter reddit & interpretatur, quàm nunc legimus in uulgata editione. Extat Hieronymi uersio in Psalterio &

s

Ecclesia.

σφάλματα, hominum additiones & mutilationes, pro uerbo Dei acceptabimus: nec liberum erit ipsis puris fontibus plus credere, quàm cœnosis & lutulentis riuulis.

Augustinus certè de Doctrinâ Christi. libro secundo, capite undecimo, inquit: Latinae linguae homines, duabus alijs ad Scripturarum diuinarum cognitionem habent opus, Hebræa scilicet & Græca, ut ad exemplaria præcedentia recurratur, si quam dubitationem attulerit Latinorum interpretum infinita uarietas. Capite duodecimo: Quis interpretum uera secutus sit, nisi exemplaria linguae præcedentis legantur, incertum est. Cap. decimoquinto: Libros noui Testamenti, siquid in Latinis uarietatibus titubat, Græcis cedere oportere, non est dubium. Idem Epistola 59. Vocabula secundum Græcum eloquiũ discernenda sunt. Nam nostri interpretes uix reperiuntur, qui ea diligenter & scienter transferre curauerint.

De sermone Domini in monte libro primo, statetur exemplaribus Græcis maiorem adhibendam esse fidem, quàm Latinis.

Contra Faustum lib. 11. cap. 2. Confugiendum est ad exēplaria ueriora uel pluriũ codicum, uel antiquiorum, uel linguae præcedētis, unde hoc in aliam linguam interpretatum est.

De uera religione: Locutio diuinarũ scripturarũ secundum cuiusq; linguae proprietatē accipiēda est.

Et

Et in Decretis dist. 9. citatur hæc Augustini sententia: Vt ueterum librorum fides, de Hebræis uoluminibus examinanda est: ita nouorum ueritas, Græci sermonis normam desiderat.

Hoc modo Apostoli usurparūt quidem, & allegarunt uulgatam tunc LXX. interpretum editionem, quia tunc in omnium manibus erat: nō autem authenticam ipsam fecerunt contra ipsos fontes, sed emphasin & proprietatē sententiæ ex ipsis fontibus sumpserunt, sicubi interpretes ab illis discesserant: sicut Hieronymus multis exemplis hoc ostendit. Et hæc est uera & Apostolica ratio utendi uersionibus: quod diligenter notandum est.

Sed Pontificij nec Apostolos, nec Patres, nec sua ipsorum decreta curant, modò statū regni sui quoquo modo retinere & conseruare possint. Ita uersionem Erasmi, quam Leo X. approbārat, Paulus III. retulit in Catalogum librorum damnatorum. Et dignū est obseruatione, quòd in illo catalogo omnes editiones Bibliorum etiam ueteris interpretis, in quibus uel manifestissima quedam uulgatæ editionis errata sunt emendata, damnantur. Et inde manifestum esse potest, quid Tridentini querant hoc suo decreto.

Non aut nulla est causa, quare tā acriter & pertinaciter eo modo sicut dictum est, pro erratis uulgatæ editionis dimicent. In multis enim locis transformata est ad dogmata Pōtificia. Et sicut Albertus

Constitutis autem rebus, de uerbis quidem seu uocabulis non temerè est pugnandum, utile tamen est, uocabula habere maximè ppria, quæ res ipsas perspicuè & sine ambiguitate significant & explicent. Hieronymus uocat libros canonicos, qui sunt legitimi & indubitati: de quibus uerò dubitatum fuit, uocat apocryphos. Augustinus utrosq; uno uocabulo appellat Canonicos. Hieronymus apocryphos appellat, tam eos de quibus dubitatum fuit, quàm adulterinos et falsos. Ita in prologo Galeato inquit: Vt scire ualeamus, quicquid extra hoc est, inter apocrypha esse ponendum: ut Syrach, Iudith, Tobiam &c. Et in præfatione in Euangelistas, inquit: Apocryphorum nenas, mortuis magis hæreticis, quàm Ecclesiasticis uiuis canendas. Augustinus uerò per apocrypha tantum intelligit adulteria & falsa.

Variius igitur & diuersus est horum uocabulorum usus: sed si de proprietate queritur, facilis est diiudicatio. Ipsa enim appellationis emphasis & proprietas indicat, libros illos nō propriè uocari canonicos, qui leguntur quidē in Ecclesijs, sed non ad cōfirmandam ex his fidei auctoritatem: & quorum auctoritas non idonea iudicatur, ad roboranda ea quæ in contentionem ueniunt. Conuenit enim appellatio propriè ad illos libros, qui sunt canon dogmatum & fidei. ἀπὸ κανόνος propriè uocatur illi libri, quorum occulta origo nō claruit illis, quorum
testifica-

testificatione auctoritas uerarum Scripturarū ad nos peruenit: sicut inquit Augustinus de Ciuit. li. 15. cap. 23. Et contra Faustum lib. 11. cap. 2. dicit, uocari apocryphos, qui nulla testificationis luce declarati & prolatisunt. Hæc explicatio appellationis, recte conuenit ad illos libros, qui in uulgatis editionibus habentur quidem, sed non sunt in Canone, sicut Hieronymus loquitur: propterea quod non satis certis testificationibus constitit, an essent à prophetis uel Apostolis siue editi, siue comprobati. Ad tertium genus scriptorum, quæ adulterina & falsa sunt, siue hæc siue alia appellatio accommodetur, nō pugno: modò ipsarum rerū distinctio, quæ necessaria est, retineatur & proponatur.

Eusebius habet uocabula ualde significatia. Quæ enim Hieronymus appellat canonica scripta, ea Eusebius uocat γνήσια ἐν ὁλίᾳ θύκᾳ, καθολικὰ, ἀναμφίλεκτα, ὁμολογημένα: hoc est, genuina, germana, legitima, testamentaria, catholica, sine contradictione & dubitatione certa, et ab omnibus confessa.

Ea uerò quæ leguntur quidem in Ecclesijs, sed tamen non sunt in Canone, sicut Hieronymus inquit, Eusebius uocat ἀμφίλεκτα: de quibus dubitatum fuit, siue quibus contradicendum fuit. Vocat etiam non legitima, non testamētaria, &c. Reliqua uerò uocat adulterina, absurda, & impia.

264 EXAMEN DECRETORVM
DE VERSIONE SEV TRANSLA-
tione Scripturæ in alias linguas.

SECUNDVM DECRETVM SYNO-
di Tridentinæ 4. Sefsionis.

INsuper eadem sacrosancta Synodus
considerans, non parū utilitatis ac-
cedere posse Ecclesiæ Dei, si ex multis
Latinis editionibus quæ circumferun-
tur sacrorum librorum, quæ nam pro
authentica habenda sit, innotescat: sta-
tuit & declarat, ut hæc ipsa uetus &
uulgata editio, quæ longo tot seculorum
usu in Ecclesia ipsa probata est, in pu-
blicis lectionibus, disputationibus, præ-
dicationib. aut expositionibus, pro au-
thentica habeatur: & quòd eam ne-
mo reicere quouis prætextu
audeat, uel præ-
sumat.

Examen.

Examen.

In hoc secundo decreto 4. Sessionis de uersionibus seu translationibus sacrarum librorum, duo sunt notanda. 1. Quia tantum de Latinis editionibus disputant: oblique igitur, quod alias aperte faciunt, damnant, si in alias uernaculas & populares linguas Scriptura transferatur. 2. Solam ueterem & uulgatam Latinam editionem ita faciunt authenticam, ut nemo eam in predicationibus, lectionibus, disputationibus aut expositionibus reijcere quouis pre-textu audeat, uel presumat. Hæc sunt examinanda. Et iudicium non est obscurum, si origo uersionum consideretur. Deus primum doctrinam celestem lingua Hebraica patefecit. Ante diluuium enim illa unica & sola lingua fuit totius generis humani, & illius lingue literis postea doctrinam suam conscribi curauit: quia Hebraea lingua, matrix est omnium aliarum linguarum, sicut Hieronymus inquit in 13. cap. Sophoniæ. Et licet facta est postea confusio linguarum, Gen. 11. uidetur tamen fuisse primis illis temporibus talis quedam cognatio seu affinitas, quod Abraham in Chaldaea, Aegypto & Chanaan sine interprete loquitur, & alios intelligit. Et Gen. 31. aceruum testimonij aliter Laban patria lingua appellat, aliter Iacob: uterque tamen alterum intelligit. Et filie Laban imponunt filiis nomina Hebraica, cum in ipsa adhuc Syria essent. Ita Gen. 41. Ioseph in Aegypto per interpretem loquitur fratribus: su-

r s i s s e

isse tamen adhuc magnam cognationem cum lin-
 gua Hebraica, ostēdit appellatio אֶכְרָה quam Pha-
 rao Iosepho imposuit. Idem etiam ostendit no-
 men Mosis מֹשֶׁה quod filia Pharaonis ipsi im-
 posuit, addita ratione appellationis. Et amici Iob
 ex diuersis partibus uenientes, Hebraicē cum Iob
 disputant. Deuteronomium uigintiocto, ubi mi-
 natur hostes ex longinquis regionibus uenturos,
 inquit: Cuius linguam intelligere non poteris. Po-
 tuerunt igitur tunc propter affinitatem linguarum,
 ab alijs etiam legi & intelligi, quæ Deus lingua He-
 braica tradebat, & conscribi curabat. Neque enim
 ita Deus Scripturam tradidit, ut tanquam ad folia
 Sibyllæ nemini, aut per paucis ad eius lectionem adi-
 tus patēret. Sed propter hanc ipsam causam, ut ab
 aliarum etiam linguarum hominibus legi posset
 Scriptura, uentū est postea ad uersiones siue trans-
 lationes. Cum enim progressu temporis, affinitas
 quæ reliquis linguis cum Hebræa hætenus inter-
 cesserat, corrupta esset, ita ut Hebraica non am-
 plius ab alijs intelligerentur: tandem in alias lin-
 guas quæ tunc usitate erant, & præ reliquis latē
 patebāt, trāsferri cœpit Scriptura sacra: idq; ideo,
 ut non tantum ab Hebraicē peritis, sed ab alijs e-
 tiam hominibus legi & intelligi possent, quæ o-
 mnium salutem complectebantur. Ita Daniel & E-
 zras cœperunt Chaldaico idiotismo quedam con-
 scribere. Postea in linguam Syriacam seu Chaldai-

cam tota Scripturā ueteris Testamēti translata est.
 illa enim lingua in multis tunc terris & populis
 latē patebat. Ita cum propter Græcorum monar-
 chiam, lingua Græca in plerisq; terris & populis
 usitata & nota esse cœpisset, translata est Scriptu-
 ra ueteris Testamenti in Græcam linguam. Et Chri-
 stus uerbis Scripturæ in Syriaco idiotismo in cru-
 ce usus est. Apostoli etiam Græca translatione ue-
 teris Testamenti plerunque usi sunt. Institutum igi-
 tur transferendi sacros libros in alias linguas uer-
 naculas & populares, comprobatum est ab ipso fi-
 lio Dei, & ab Apostolis. Neq; enim unam aliquam
 linguam Deus ita dedicauit sacræ Scripturæ, ut ne-
 phas sit eam transferri in alias uernaculas & popu-
 lares linguas: unde ab omnibus legi et intelligi pos-
 sint, quæ de doctrina cœlesti, literis, uel Hebraicis
 uel Græcis consignare uoluit Deus, qui uult omnes
 homines saluos fieri, & ad agnitiōē ueritatis per-
 uenire. Ita Eunuchus Aethiopissæ, Act. 8. legit pro-
 phetā Isaiā, nō in lingua Hebraica, sed in trāslatione
 Græca. Vult ergo Deus sacram Scripturam legi
 & intelligi, ab aliarū etiā linguarū hominibus: utq;
 illud fieri posset, factæ sunt trāslationes in illas lin-
 guas, quarum usus tunc latissimē patebat non inter
 doctos tantū, sed alios etiā: qualis erat Syriaca &
 Græca. Hoc & Augustinus agnoscit, de doctrina
 Christ. li. 2. ca. 6. ita enim inquit: Ex quo factū est, ut
 etiā Scriptura diuina, qua tantis morbis humanarū

uolūtatum subuenitur, ab una lingua profecta, quæ opportunè potuit, per orbem terrarum disseminari, per uarias interpretū linguas, longè lateq; diffusa, innotesceret Gentibus ad salutem: quam legentes nihil aliud appetunt, quàm cognitionem, uoluntatemq; illorum à quibus conscripta est inuenire, & per illas uoluntatem Dei, secundum quam tales homines locutos esse credimus.

Nouum uerò Testamentum, sicut uulgò nunc loquimur, misso Spiritu sancto in die Pentecostes, inchoatum, & quasi dedicatū est diuersarum, & postea omnium Gentium linguis, ad quas salus illa pertinebat. Sicut enim linguarum confusione puritas doctrinæ diuinitus patefactæ, amissa & deprauata fuerat: ita Spiritus sanctus per diuersitatem linguarum cunctarum, Gentes in unitatem fidei rursus per Apostolos congregauit. Et quidem ideo dedit donum linguarum, ut doctrina noui Testamenti, nō quibusdam tantū populis in una aut altera lingua, sed omnibus gentibus quæ sub cælo sunt, tradi & proponi posset illa lingua, quā intelligere possent. Scripturam uerò noui Testamenti Deus Græcis literis tradi uoluit, propterea quòd eius tunc usus latissimè patebat: sicut ex Ciceronis oratione pro Archia colligi potest. Inquit enim: Si quis minorē putat gloriæ fructum ex Græcis uersib. percipi, quàm ex Latinis, uehementer errat, propterea quòd Græca leguntur in omnibus ferè Gentibus, Latina suis finibus

finibus exiguis sanè continentur.

Et in Oriente, ubi Græca lingua diu mansit uernacula & popularis, Patres Græce locuti sunt Ecclesijs, populus in Græca lingua legit sacram Scripturam: sicut Chrysostomus sæpius laicos hortatur ad lectionem sacre Scripturæ. quod facile fieri poterat, quia Græca lingua tunc adhuc uernacula & popularis erat.

In Occidente uerò, ubi unà cum imperio Romano, etiam Latine lingue usus latè in populis propagabatur, coepte sunt fieri translationes sacre Scripturæ in linguam Latinā. Et Augustinus de doctrina Christiana lib. 2. cap. 11. inquit: Qui Scripturas ex Hebræa lingua in Græcam uerterunt linguam, numerari possunt: Latini autem interpretes, nullo modo. Vt enim cuiq; primis fidei temporibus in manus uenit codex Græcus, & aliquantulum facultatis sibi met, utriusq; lingue habere uidebatur, ausus est interpretari, &c. Ita Augustinus Ecclesiæ suæ Latine locutus est, & populus Latine legit Scripturam, Latine cantauit Psalmos: erant enim Latine lingue homines.

Factæ igitur sunt semper translationes Scripturæ sacre in illas linguas, quarum usus popularis erat, & latissime patebat, non inter doctos tantum, uerum etiam inter alios.

Postquam igitur iam lingue Latine usus desijt esse uernaculus & popularis, quæstio est: An liceat sacram

sacram Scripturam transferre ex suis fontibus in illas linguas, quæ hoc tempore in nostris regionibus usitate sunt, & latè patent. Hoc institutum Pontificij non tantum damnant, sed ferro & flamma persequuntur, dimicantes tantum pro Latina uersione. Sed quid de barbarica illa tyrannide sentiendum sit, ex his quæ diximus manifestum est. ubi enim Deus patefecit, tantam esse Latine lingue dignitatem, ut in ea sola legenda sit sacra Scriptura? Maior certè esset dignitas Hebraicæ & Græcæ lingue, in quibus originaliter scripti sunt libri sacri. Quare igitur non contendunt potius, in solis illis linguis legendam esse sacram Scripturam? Sed forsitan ideo hoc fit, quia maior ipsorum pars cum Accursio dicit: Græca sunt, legi non possunt. Certè Deus non uult doctrinam suam tantum Latine hominibus notam esse. Si ergo mandatum Dei est, doctrinam noui Testamenti omnium linguarum Gentibus tradere & proponere, ita ut intelligere possint: illud profectò fieri non potest, nisi doctrina Scripturæ docendo transferatur in illas linguas, quæ notæ sunt populis quibus prædicandus est Christus: nisi forsitan statuere uelint, Latine tantum lingue hominibus annunciandum esse Euangelium. Doctrina enim Euangelij ex Scriptura prædicanda est. In prædicando autem, nõ utendum est lingua, quæ ignota est illis quibus prædicatur, 1 Cor. 14. Ergo uerba & sententiæ
Scriptu-

Scripturae, transferendae sunt in linguas, quae notae & usitatae sunt illis quibus praedicatur. Quid autem interest, siue uoce, siue scripto fiat uersio siue translatio? Si enim omnino piaculum est, Scripturam transferre in populares linguas: ergo neque Euangelium ex Scriptura doceri & tradi poterit, lingua uulgari.

Sed non memineram, Pontificiorum fidem extra & praeter Scripturam consistere. possunt igitur docere sine Scripturae translatione in linguas uulgares. Sed ad rem. Cum non abhorreant, quando sententiae quaedam Scripturae docendo transferantur in uulgares linguas: hoc tamen damnant, si tota Scriptura uersione scripta ita transferatur. Quare autem hoc? nisi quod uolunt hanc sibi licentiam reseruare, ut quicquid libet, & quantum libet, populo proponant: cui incumbat necessitas credendi, sine ulla dijudicatione. Vident autem hanc licentiam non fore integram, si populus ipse Scripturam in lingua uulgari & nota legere possit. Haec est illa Helena, hinc illae lachrymae.

Quod enim praetendunt, maiestatem Scripturae inquinari, si in barbaras linguas transferatur, nugae sunt. Quae enim est Latina linguae sanctitas? (non loquor iam de elegantia.)

Et certe non uiolata fuit doctrinae coelestis maiestas, quando in Petecosteuarijs barbaris linguis tradita et proposita fuit. Ergo nec uersione in quacunque linguam,

linguam, quantumuis habeatur barbara, inquinabitur, si uersio sit uera & sana. Omnium enim Gentium lingue à Spiritu sancto dedicate sunt, ut sonent magnalia Dei, Act. 2. Ro. 14. Isa. 66. Ita Hieronymus alicubi testatur, se in linguam Dalmaticam uertisse Scripturam.

Verè igitur Antichristi tyrannis est, homines innocentes tantum propter uersiones Scripturæ in linguas uulgares, necare. Non loquor autem de uersionibus, si quæ sunt prauæ, & non respondent fontibus.

Alterum caput huius decreti, est de ueteri et uulgata Latina editione: quam nos sanè simpliciter & in totum nec reijcimus, nec damnamus (debetur enim sua laus, quisq; fuit uetus ille interpres: multa enim sunt non malè reddita.) Et utile est, extare certam aliquam uersionem, quæ in citationibus allegetur: ita ut tamen uocabulorum emphasis, & sententiæ proprietates ex ipsis fontibus iudicetur: ad quos omnino recurrendum est, sicubi minus rectè, commode, et propriè interpres reddidisse uidetur. Hoc modo nos retinemus & usurpamus ueterem uersionem. Et si Tridentini decretores de ueteri uersione hoc tantum agerent, nulla inter nos esset dissensio. Sed his non contenti, flagitant ut uulgata illa uersio, sicut in ipsorum Ecclesia usitata est, pro authentica habeatur in publicis lectionibus, disputationibus, prædicationibus aut expositionibus, ita ut

eam

eam nemo reijcere quouis prætextu ausit. Sed quid, si ea quæ in fontibus sunt siue Hebraicis, siue Græcis, uulgata illa editio non recte, commodè & propriè reddidit? Si librariorum uel inscitia, uel incuria quedam sunt mutata, mutilata uel addita, num licebit à ueteri editione discedere, & ad fontes recurrere? Num licebit fontes præferre riuulis? & si qua in uulgata illa uersione malè reddita, mutata, mutilata & addita sunt, ita ut à fontibus dissentiant: num licebit ea, si quis odiosius urgeat, reijcere? Respondent Tridentini patres: Vuulgatam editionem nemo reijcere, quouis prætextu audeat, uel præsumat. Hoc uerò non est tolerandum in Ecclesia, ut pro ijs quæ Spiritus sanctus in fontibus Hebraicis & Græcis scripsit, ea quæ ab interprete uitiosè reddita, uel à librarijs mutata, mutilata & addita sunt, tanquam authentica nobis obtrudantur: & quidem ita, ut non liceat inspectis fontibus ea reijcere.

Græci interpretes, inquit Augustinus, numerari possunt: Latini uerò, nullo modo. Si igitur de antiquitate Latine uersionis contenditur, illa certè quæ nunc uulgata est, non erit antiquissima: tribuitur enim Hieronymo in libris ueteris Testamenti. Et tamen ipse Hieronymus, in Hebraicis quæstionibus multa aliter reddit & interpretatur, quàm nunc legimus in uulgata editione. Extat Hieronymi uersio in Psalterio &

Ecclesiaste: sed in uulgata editione, longè alias habemus istorum librorum uersiones. Quatuor Euangelistas Hieronymus fatetur se collatione Græcorum codicum emendasse: & tamen interpretans Matthæum, quædam reprehēdit in uulgata editione, sicut & in epistolis Pauli. Et quid post Hieronymi tempora, librariorum dormitantium incuria, cum studia linguarum sepulta iacerent, uulgatæ editioni accidisse putamus? Certè negari nō potest, in uulgata Psalterij editione, in ualde multis locis, genuinam psalmorum sententiam nec rectè, nec cōmodè, nec propriè reddi, sed sæpe peregrinam sententiam obtrudi. Hoc adeo manifestum est, ut Lindanus etiam illud agnoscat. Nec arbitror Andradiū hoc negaturū, qui Hebraicæ linguae cognitionem, præter rem sæpe ostentat.

In Syracide, quàm multæ integræ sententiæ sunt additæ, quæ in Græco planè non sunt: quædam transpositæ sunt, ex alijs in alios locos.

Gen. 9. mutilata est sententia: Qui effuderit sanguinem humanū, fundetur sanguis illius. Omissum enim est, Per hominem.

Ita Matt. 9. mutilata est pulcherrima sententia: Non ueni uocare iustos, sed peccatores. ibi omissum est, Ad poenitentiam.

Rom. 1. in fine planè mutata est sententia.

1. Ioh. 5. Apostolus ita scripserat: Hæc scribo uobis qui creditis in nomen filij Dei, ut sciatis quoniam

nam uitam aeternam habetis, & ut credatis in nomen filij Dei. Vulgata uerò editio legit:

Hæc scribo uobis, ut sciatis quoniam uitā habetis aeternam, qui creditis in nomine filij Dei.

Rom. 4. ubi Paulus dicit, Abrahamū non ex operibus iustificatū: additum est, Operibus legis: ut scilicet de ceremonialibus philosophari possent.

Rom. 11. plane omīssa siue expuncta est illa sententia: Si ex operibus, iam non amplius est gratia, alioquin opus non esset amplius opus.

Quam multa indocti librarij deprauarunt, quæ nūc in tēplis Pōtificiorū pro authēticis sine intellectu leguntur. ut Ioelis 2. Præstabilis super malicia.

1. Ezre 9. pro paxillus: posuerunt, pax illius: pro sepem, spem.

Iud. 11. ex altera matre: fecerunt, adulteram matrem. Psal. 131. ex uictu: fecerunt, uiduam.

1. Reg. 19. pro cecidit: legunt, cecinit. item ex lapidibus sacculi: fecerunt, lapides seculi, &c.

Et quid opus est in re manifesta multis uerbis? Extant multa talia loca, iustis scriptis notata à Val. Stapulensi, Erasmo, &c.

Et tamē tāta est Pōtificiæ cōgregationis impudētia, ut nō uereātur sine ulla exceptione statuere, uulgatā editionē nō esse reiiciendā, ne ullo quidē pre-textu: etiā si scilicet uitiose quædā sint reddita, quædā mutata, mutilata et addita, ita ut cū fontibus nō consentiant. Ita scilicet interpretis errata, librariorum

σφαλματα, hominum additiones & mutilationes, pro uerbo Dei acceptabimus: nec liberum erit ipsis puris fontibus plus credere, quàm cœnosis & lutulentis riuulis.

Augustinus certè de Doctrinâ Christi. libro secundo, capite undecimo, inquit: Latinae linguae homines, duabus alijs ad Scripturarum diuinarum cognitionem habent opus, Hebræa scilicet & Græca, ut ad exemplaria præcedentia recurratur, si quam dubitationem attulerit Latinorum interpretum infinita uarietas. Capite duodecimo: Quis interpretum uera secutus sit, nisi exemplaria linguae præcedentis legantur, incertum est. Cap. decimoquinto: Libros noui Testamenti, siquid in Latinis uarietatibus titubat, Græcis cedere oportere, non est dubium. Idem Epistola 59. Vocabula secundum Græcum eloquiū discernenda sunt. Nam nostri interpretes uix reperiuntur, qui ea diligenter & scienter transferre curauerint.

De sermone Domini in monte libro primo, fitetur exemplaribus Græcis maiorem adhibendam esse fidem, quàm Latinis.

Contra Faustum lib. 11. cap. 2. Confugiendum est ad exemplaria ueriora uel pluriū codicum, uel antiquiorum, uel linguae præcedētis, unde hoc in aliam linguam interpretatum est.

De uera religione: Locutio diuinarū scripturarū secundum cuiusq; linguae proprietatē accipiēda est.

Et in Decrētis dist. 9. citatur hæc Augustini sententia: Ut ueterum librorum fides, de Hebræis uoluntatibus examinanda est: ita nouorum ueritas, Græci sermonis normam desiderat.

Hoc modo Apostoli usurparūt quidem, & allegarunt uulgatam tunc LXX. interpretum editionem, quia tunc in omnium manibus erat: nō autem authenticam ipsam fecerunt contra ipsos fontes, sed emphasin & proprietatē sententiæ ex ipsis fontibus sumpserunt, sicubi interpretes ab illis discesserant: sicut Hieronymus multis exemplis hoc ostendit. Et hæc est uera & Apostolica ratio utendi uersionibus: quod diligenter notandum est.

Sed Pontificij nec Apostolos, nec Patres, nec sua ipsorum decreta curant, modò statū regni sui quoquo modo retinere & conseruare possint. Ita uersionem Erasmi, quam Leo X. approbārat, Paulus III. retulit in Catalogum librorum damnatorum. Et dignū est obseruatione, quòd in illo catalogo omnes editiones Bibliorum etiam ueteris interpretis, in quibus uel manifestissima quedam uulgatæ editionis errata sunt emendata, damnantur. Et inde manifestum esse potest, quid Tridentini querant hoc suo decreto.

Non aut nulla est causa, quare tā acriter & pertinaciter eo modo sicut dictum est, pro erratis uulgatæ editionis dimicent. In multis enim locis transformata est ad dogmata Pōtificia. Et sicut Albertus

Ingolstadiēsis Ecebolus dicit: In ueteri litera uulgata editionis latent multa mysteria fidei, scilicet Pōtificia: ut intercessio & patrocinium Mariæ probari potest ex illa deprauatione Gen. 1. Ipsa cōteret eā put serpētis. Quā falsationē Colonienses etiā Iosepho in publica editione affirmare non sunt ueriti, abutētes corrupta Ruffini interpretatione: cū Iosephus in Græca lingua nihil tale habeat. Et cū Hebraeus, Chaldaeus, Græcus, et tota antiquitas hūc textū legat & interpretetur de ipso semine tām perfricta tamē est frons Thaidis Babylonice, ut amasios eius, huius tam crassæ impudentiæ, ne in clarissima quidem luce pudeat.

Sacrificiū Missæ probāt ex eo, quod uetus trāslatio habet Melchisedech obtulit panē & uinum, erat enim sacerdos: cū Hebraeus, nec uerbum oblationis, nec coniunctionem rationalem ibi habeat.

Peccatum originis possunt extenuare inde, quod ubi Deus dicit, Figmentum cordis est tantum malū: ibi uetus uersio habet, Cogitatio cordis humani intenta seu prona est ad malū. Inuocationē sanctorū probāt inde, quia Iob. 5. uulgata editio habet: Voca si est qui tibi respōdeat, et ad aliquē sanctorū cōuertere. Et Psal. 150. Laudate Dominū in sanctis.

Dubitationē fidei de remissione peccatorū, possunt probare, quia Syrach. 5. textus ita deprauatus est: De peccato ppiciato noli esse sine metu. Et Eccl. 9. Nescit homo, utrū amore uel odio dignus sit.

Quod

Quod omnia quæ in cōcilijs suis statuūt, accipiēda sint pro oraculis Spiritus sancti, possunt probare ex deprauatione textus in uulgata editione, Io. 14. Spiritus sanctus suggeret uobis omnia, quæcūq; dixerō uobis. Græca uerò habent, εἰποὺ ὑμῖν, Quæcūq; dixi uobis: non dixerō.

Perfectionē bonorum operum in hac uita Staphylus probat ex corrupto textu, in ueteri editione Eph. 6. Ut possitis in omnibus perfecti stare.

Matrimonium probatur esse unū ex 7. sacramentis: quia uetus interpres Eph. 5. pro mysterio reddidit sacramentū. Vnctionis extremæ efficacia probatur inde, q. Iac. 5. uetus editio habet uerbū (ἀλειuari) quod de spectris, incurusioneq; sathanae interpretantur. cum Iacobus habeat uerbum ἐψηγῆναι.

Meritū uitæ æternæ probat: q. scilicet Syrac 26. et Heb. 13. interpres uocabulū meriti, quod in textu nō est, posuit, sicut et Gen. 14. inquit, Ut ueniā merear. Andradius meus probaturus, in baptisatis nec uestigia nec reliquias ullas manere peccati, citat Heb. 9. Christus semel oblatus est ad multorū exhauriēda peccata. Et addit: quod exhaustū est, ibi nihil reliqui est: cū nō ignoret, tale uerbū in Græco nō esse. Gropperus Anno 1541. Ratisbonæ probaturus Papisticā satisfactionē institutā esse ab Apostolo Paulo, allegauit quod Erasmus 2. Cor. 7. in descriptione poenitētiæ Corinthiorum, ἀπολογίαμ transtulit satisfactionem.

Et quod præcipuē lector notare debet, Tridenti

num conciliū ut probet Ecclesiam habere potestatem dispensandi in sacramentorum substantialibus, contra institutionem Christi, abutitur equiuocatione ueteris uersionis, ubi 1. Cor. 4. ministri Christi uocantur dispensatores mysteriorum Dei. Possunt ergo in sacramentis dispensare, & unam speciem in coena abrogare. sunt enim dispensatores. Bone Deus, quanta est Antichristi impudentia, in tanta luce cognitionis linguarum, de tam graui materia tam pueriliter ludere; cum Paulus tantum οἰκονομῶν, uocet ministros Christi.

Et quid uerò tibi Lector iam uidetur? Non certè frustra Tridentinum concilium ueterem, uulgatam Latinam editionem Biblicorum, authenticam facit, eo modo sicut iam dictum est.

DE INTERPRETATIONE Scripturae.

SECVNDI DECRETI II. SES-
sionis, Tridentini concilij,
Canon alius.

Praterea ad coercēda petulātia inge-
nia, decreuit ut nemo sua prudentia
innixus, in reb. fidei et morū, ad aedifica-
tionē doctrinae Christianae pertinētū, sa-
crā Scripturā ad suos sensus cōtorqueat:

aut contra eum sensum quem tenuit
 & tenet sancta mater Ecclesia, cuius
 est iudicare de uero sensu & interpre-
 tatione sanctarum Scripturarum, aut
 etiam contra unanimes consensum Pa-
 trum, ipsam Scripturam sacrā inter-
 pretari audeat: etiam si huiusmodi in-
 terpretationes nulla unquam tempore
 in lucem edenda forent. Qui contrā
 uenerint, per ordinarios declarentur,
 & pœnis à iudice statuis puniantur.

Examen.

Hilarij dictum est: Scripturæ non sunt in le-
 gendo, sed in intelligēdo. Certum igitur est,
 doctrinam Scripturæ, & salutarem eius usum, cōsi-
 stere nō in uerbis nō intellectis: sed in uero eius sen-
 su, & sano intellectu, sicut parabola Matth. 13. in-
 quit: Qui uerbum Dei audit & intelligit, & fru-
 ctum affert, hic in terram bonam seminatus est. Et
 multi sanē in Scriptura loci, sunt planis & perspi-
 cuis uerbis expositi, qui interpretatione procul pe-
 tita non indigent, sed se ipsos explicant: ad quos, ut
 Augustini uerbis utar, accessus patet & doctis &
 indoctis.

indoctis. Et in his quæ aperte in Scriptura posita sunt, inueniuntur illa omnia, quæ continent fidem moresq; uiuendi. Sunt uerò præterea multæ difficiles et obscuræ sententiæ in Scriptura, quarum sensus nō potest à quouis primo statim aspectu deprehēdi. Et tamen ne uel frustra in Scriptura essent posita, uel ansam præberent erroris, Deus uoluit in Ecclesia donū extare interpretationis: q; sicut donum sanationū, miraculorū & linguarum nō est cōmune omnib. sicut inquit Paul. 1. Cor. 14. Alij per spiritum datur gratia sanationū, alij operatio uirtutum, alij genera linguarū, alij interpretatio sermonū. Et donum illud Deus nō uult uel cōtemni, uel abijci, sed reuerenter usurpari, tanquam organon & administriculum, ad inueniendum & intelligendum uerum & sanum Scripturæ sensum: sicut Eunuchus regine Candaces Actor. 8. inquit : Quomodo possum intelligere, si nō aliquis uiam præmonstret mihi? Et cum intelligeret diuinitus sibi oblatum esse Philippum, habentem donum interpretationis, cum gratitudine illum in currū ad se recipit, & de sensu loci Esaie cū ipso confert. Et de hoc genere interpretationis pulchrè dictum est ab Augustino li. 1. de morib. Ecclesie: Eo dulcius accipiuntur, postquam per interpretationem aperta sunt, quo clausa difficiliter aperiebantur. Illud uerò donum interpretationis, non est extra Ecclesiam in nō renatis. est enim lumen Spiritus sancti, accensum in cordibus pio-

bus piorum. Et de non renatis inquit Paulus. 1. Cor. 2. Animalis homo nō percipit ea quæ spiritus sunt, stultitia enim sunt ei: spiritualis uerò diiudicat omnia. Et 2. Cor. 4. Si adhuc opertum est Euangelium nostrum, in ijs qui pereunt est opertum, in quibus Deus huius seculi excæcauit mētes infidelium. Sed in Ecclesia, filius Dei sedens ad dextram patris, dat talia dona ad ædificationem corporis sui. Eph. 4.

Est & hoc certum, neminē debere sue prudentiæ in Scripturæ interpretatione, ne in claris quidem locis. Illud enim manifeste scriptū est 2. Pet. 1. Scripturam non esse priuatæ interpretationis. Et illi qui Sacram Scripturam, ad suos sensus, quos antea præsumpserunt, intelligendos contorquent, faciunt hoc in perniciem suam. 2. Pet. 3. Optimus enim Scripturæ lector est secundum Hilarium, qui dictorū intellectū nō attulerit, sed retulerit ex Scriptura. Grati etiā & reuerēter utimur Patrum laboribus, qui multa Scripturæ loca, cōmentarijs suis utiliter illustrarunt. Et ueteris Ecclesiæ testimonijs, in uero & sano Scripturæ sensu, nos non parum confirmari fatemur. Neq; enim probamus, si quis sibi cōminiscatur sensum pugnantem cum tota antiquitate, & cuius planē nulla sint Ecclesiæ testimonia.

Et hæc cum ita sint, quid igitur est, quo in canone concilij Tridentini, de interpretatione Scripturæ desiderari possit? Respondeo. Insidiosè
sanè

sanè uerbis generalibus positus est ille Canon. Sed quatuor sunt potissimū capita in hoc loco, de quib. inter nos controuertitur : quæ insidiosa generalitate hoc loco inuoluerūt, alibi uerò clarissimè hæc explicant.

Primò contendunt, demum interpretationes, ordinarie Episcoporum successioni ita allegatum esse, ut quicumq; ad thronos illos euehatur, eius qualescunq; interpretationes statim suscipiendæ & uenerandæ sint, tanquam legitimæ, ueræ & sanæ, quæ ualeant ex priuilegio loci quem illi occupant. Ita dicunt, quòd Papa habet omnia iura in scrinio petitoris sui : etiamsi sit idiota, & tam obliuiosus, ut immemor sit etiam sui. Item quòd habeat uoluntatem pro ratione, in his quæ uult: quòd possit formā sacramentorum, ab Apostolis traditam immutare: quòd contra Epistolas Pauli possit statuere : quòd dispensare possit contra prima quatuor Concilia, & contra uerba Euangelij, &c. Agnoscet opinor Andræ ipsa Canonistarum uerba. Et talis est etiam persuasio Synodi, quòd quando ibi congregati sunt omnes Episcopi, sicut in arca Noe animalia munda & immunda congregabantur: quamcunq; illi sine probatione tradant interpretationem, eam amplectendam, propterea quòd fingunt Cathedris Episcoporum indiuulse alligatum esse donum interpretationis.

Sed hoc falsum est. Paulus enim 1. Cor. 12. ubi disputat

spūtat de dono interpretationis, disertè dicit: Hæc omnia operatur unus & idem spiritus, diuidens singulis prout uult. Et tota historia ueteris Testamenti ostendit Deum sæpe præteritis ordinarijs pontificibus & sacerdotibus, aliunde et sæpe ex alijs tribus excitasse Prophetas, interpretes uoluntatis suæ. Et quales sint interpretes Episcopi nostri, totus mundus iam uidet. Secundò, ex dono interpretationis faciunt autoritatem quasi prætoriam: ut non opus ipsis sit, interpretationē probare monstratis certis & firmis rationibus & fundamentis interpretationis: sed sine examine, sine inquisitione & dijudicatione, simpliciter uolunt nos iurare in illū sensum, quē nobis obtrudūt illi, qui sine ostensione spiritus ius interpretandi sibi arrogāt. Atqui Paulus 1. Thess. 5. ubi inquit: Spiritum nolite extinguere, prophetias nolite cōtemnere. Mox addit: Omnia probate, quod bonum est tenete. Ita Acto. 17. cum Paulus interpretaretur Scripturas, Berrhœenses prius scrutantur Scripturas, an hæc ita se habeant: & cum agnoscunt, interpretationem Scripturæ consentaneam esse, approbant & recipiunt eam. Et Actor. 8. Eunuchus interpretationem eleganti uerbo ὁδὸν γὰρ describit. Ipse interrogat, Philippus respōdet: & hac ratione monstrantur fundamenta ueræ interpretationis, ita ut Eunuchus ipse, ex illa quasi manu ductione Philippi cognoscat & intelligat, quæ sit illius loci quem legebat,

legebat, sententia. It. 1. Cor. 14. Paulus describit, quomodo in obscuris locis, pij doctores ueram interpretationem communicatis sententijs inquirere debeant: Prophetæ duo aut tres dicant. & addit: Ceteri dijudicent. Quod si alij sedenti reuelatum fuerit, taceat prior. Augustinus de doctrina Christiana, & alibi cum alios docet, tum ipse usurpat non prætoriam interpretandi auctoritatē: sed ostēdit, quomodo ex locis manifestioribus interpretandi sint obscuriores: quomodo ex phrasi Scripturæ, ex circumstantijs, ex collatione aliorū locorū, & ex analogia fidei, querenda sit simplex, sana & uera interpretatio. Et quia animalis homo nō percipit ea quæ sunt Spiritus, stultitia. n. sunt ei: spiritualis uerō dijudicat omnia, 1. Cor. 2. Opus est ergo Spiritus sancti illuminatione, ad inueniendū et diiudicandū uerū Scripturæ sensum. Et pater coelestis dabit Spiritū sanctum petētibus, Luc. 11. Ita Paulus optat Ecclesijs spiritum illuminationis. Eph. 1 & 3. Philip. 1. Col. 1. Ita etiam David orat Psal. 118.

In hanc sententiā Origenes inquit homilia 17. in Exod. Non solū studium nobis adhibendū est ad discendas sacras literas, uerū & supplicandum Domino, ut ipse accipiēs librum signatū dignetur aperire: ipse enim est qui aperit mentes, ut intelligantur Scripturæ. Et in Iosue homilia 8. Ad explananda ea, gratia Spiritus sancti indigemus.

Hilarius inquit li. 4. de Trin. Intelligentia dictorum,

rum, ex causis sumenda est dicendi. Et lib. 9. Dictorum intelligentia aut ex prepositis, aut ex consequentibus expectetur. lib. 8. Fides non ex nostro arbitrio, sed ex dictorum est ineunda uirtutibus. Basilius de Spiritu sancto cap. 1. dicit, interpretē debere sententiā in singulis uocibus ac syllabis latentem perscrutari. Cyrillus in Ioan. lib. 8. Ante omnia quādo locum Scripturæ intelligere uolumus, tria diligenter consideranda sunt: tempus, quando scriptum est quod dicitur: persona quæ dicit, uel ad quam, aut de qua dicitur: Et res propter quam, Et de qua dicitur. Sic enim absq; errore sensum poterimus uerum inuestigare.

Augustinus de Vtilitate credendi cap. 2. tradit 4. modos interpretationis. 1. Secundum historiam, cum docetur quid sit scriptum aut gestum. 2. Secundum etymologiam, quid, qua de causa, uel factum uel dictum sit. 3. Secundum analogiam, cum demonstratur Scripturā sibi non aduersari. 4. Secundum allegoriam, cū docetur nō ad literā esse accipienda quædā, sed figuratē intelligenda.

Item de morib. Ecclesiæ lib. 1. cap. 1. Et diligentia Et pietas adhibēda est. altera fiet, ut scientes inueniamus: altera, ut scire increamur. Idē de scalis Paradysi, cap. 2. Lectio inquirat, oratio postulat. Meditatio inuenit, contemplatio degustat.

Non igitur pretoria uel Pōtificia est interpretationū autoritas in ecclesia: sed certæ sunt regulæ, secundum

cundum quas fieri, & ad quas exigi debent. Habet enim Ecclesia ius & libertatem dijudicandi. Sed Pontificij tale ius interpretationum sibi sumunt, ut una & eadem opera, & se labore probandi eximant, & Ecclesie dijudicandi libertatem adimant. Et hoc est quod in isto canone impugnamus. Veras enim & sanas interpretationes, congruentes ad regulas quas ex Patribus recitauimus, amamus & ex osculamur. Ad Pontificiorum uero interpretationes accommodamus, quod Tertullianus de lege dicit: Lex quæ probari se non uult, meritò suspecta est. Hilarius inquit lib. 4. de Trin. Non enim diuinorum dictorum, sed intelligentiæ nostræ à nobis ratio præstanda est. Et Hieronymus in Apologia de libris contra Iouinianum: Propositum mihi erat, non ad meam uoluntatem, Scripturas trahere: sed id dicere, quod Scripturas uelle intelligebam. Commentatoris enim officium est, non quid ipse uelit: sed quid sentiat ille quem interpretatur, exponere. Alioqui si contraria dixerit, non tam interpres erit, quam aduersarius eius, quem nititur explanare. Certè ubicunq; Scripturas non interpretor, sed liberè de meo sensu loquor, arguat me cui libet.

Tertiò: Quàdo dictum aliquod Scripturæ Pontificij ad suas corruptelas transformarunt, sollicitè inquirunt in Patrum scriptis, ut aliquas inde sententias corradant, quomodocunq; patrocinatoras suo proposito. Et tales interpretationes ueterum, quacunq;

quacunque occasione, quocūq; modo traditas, contendunt simpliciter sine discrimine & examinatione recipiendas esse, siue uerbis Scripturæ consentiant, siue ab illis dissentiant: cum ipsi Patres lectorē nolint ita sibi allegatum, ut putēt necesse sibi esse, aliquid ideo credere, quoniam à Patribus dicitur: sed quia dicta sua uel per Scripturas canonicas, uel per alias probabiles rationes, quòd à ueritate non abhorreāt, persuadere poterint. Hæc enim sunt Augustini uerba ad Paulinam, epist. 112. & apud Hieronymum, epist. 19. Origenes in 2. cap. ad Romanos inquit: Hæc de circumcisione ea lege sunt dicta nobis, ut si quis melius & rationabilius dixerit, illa magis quàm hæc nostra teneantur.

Hieronymus ad Mineriū & Alexandrū: Meum propositum est, antiquos legere, probare singula, retinere quæ bona sunt, & à fide catholice Ecclesie non recedere. Idē in præfatione super Oseam: De Origene, Eusebio, Didymo, &c. hæc dico, ut no ueris quos in Prophetæ huius cāpo præcursores habuerim: quos & simpliciter, nō superbe, sicut quidam meorum amicorū insibilat, tuæ prudentiæ fateor, non in omnib. sum secutus: ut iudex potius operis, q̄ interpret es existerē, diceremq; quid mihi uideretur in singulis. Suas etiam interpretationes Hieron. non uult pro oraculis haberi, sed subijcit eas lectoris iudicio, ut in 2. ca. Micheæ: Videtur mihi sic posse sensus reddi, si tamē prudens lector no

stræ rationi acquieuerit. Ita in 2. cap. Sophoniæ, in
 Isaiã cap. 19. in Ezech. 36. 40. li. 2. in Zachariã, etc.
 Et ad Augustinũ inquit: Respondeat mihi pruden-
 tia tua, quare tu contra tot & tales interpretes in
 explanatione Psalmorũ diuersa senseris. Hæc liber-
 tas in interpretationibus, omnino in Ecclesia reti-
 nenda est, ut cum iudicio legantur quorumcũq; in-
 terpretationes, & liberè exigãtur ad fontes & fun-
 damẽta. Nec propterea damnãda est interpretatio
 aliqua Scripturæ, quod à ueteribus quibusdam dis-
 sentiat: si modò uerbis Scripturæ, circũstantijs tex-
 tus, & analogiæ fidei consentanea sit. Quod uerò
 ueterum sanis & ueris interpretationibus tribuen-
 dum sit, suprà diximus. Vtimur enim ueterum labo-
 ribus, cum reuerentia & gratitudine, sed salua li-
 bertate Christiana.

Quartò arrogant & hoc ius sibi, Pontificij, ut
 in locis Scripture etiã clarissimis, à simplici & ge-
 nuina sententia, quam propria uerborum significa-
 tio præbet, libere possint discedere, & aliam assue-
 rè tali dictatoriq; authoritate: ut nobis credendum
 sit, nõ quod Scriptura simpliciter, propriè & aper-
 tè dicit, sed quod ipsi pro imperio & authoritate
 nobis interpretantur. Hoc enim artificio eludunt
 locos clarissimos, de fide iustificatẽ, de reliquijs pec-
 cati in renatis, de imperfectione bonorum operum
 in hac uita, de libero arbitrio, de intercessiõẽ Chri-
 sti, etc. Quãdo Christus dicit: Bibite ex hoc omnes:
 ipsi

ipsi affingunt suam interpretationem, Non omnes, sed sacerdotes tantum. Quando Heb. 13. Paulus dicit, Honorabile coniugium in omnibus: ipsi dicunt, Non in omnibus, sed in solis laicis tantum. 1. Cor. 7. Propter uitandam fornicationem, unusquisque qui non continent, habeat suam uxorem. Ibi, Unusquisque, ipsis est signum particulare: nec obstat, quod sententia est manifestissima. Quando Apostolis Christus dicit: Reges dominantur: uos autem non sic. ibi uolunt nos a manifestissima sententia discedere, & nescio quas interpretationes recipere. Paulus uocat doctrinas demoniorum, quae prohibent nubere, & abstinere à cibis quos Deus creauit, ut sumantur. Sed nihil proficit clarissima illa lux. Contendunt. n. uerba illa esse intelligenda non sicut sonant, sed sicut ipsi ea interpretantur. Et ut hunc ludum in Scripturae interpretatione porro impune, & quidem cum authoritate ludere possint, ideo canon iste ita constitutus est. Osius de expresso uerbo Dei dicit: Si quis habeat interpretationem Romanae Ecclesiae, de loco aliquo Scripturae, etiamsi nec sciat nec intelligat, an aut quomodo cum Scripturae uerbis conueniat, illum tamen habere ipsissimum uerbum Dei. Ita Romanae Ecclesiae interpretatio est: Ecce duo gladij hic. hoc est: Pontifex Romanus habet administrationem utriusque gladij, & spiritalis & politici.

Eliseus aquas amaras, iniecto sale, per miraculū

dulces reddidit. hoc est: In Ecclesia debet iam esse aqua exorcisata & sal benedictū: cuius efficaciam contra diabolū & peccata ualere, credendū est. Item Psal. 8. Deus omnia subiecit pedibus Christi: hoc est, Pōtificis Romani. Pecora campi: hoc est, homines uiuētes in hac terra. Pisces maris: hoc est, animas in purgatorio. Volucres cœli: hoc est, animas beatorū, quas per canonisationē Papa potest adorandos proponere. Tales non interpretationes, sed ludificationes extāt multo plures in publicis Pōtificiorum scriptis. Vtq; illis omnibus et similibus, qualiacunq; tandem sunt, sua constet & salua maneat authoritas: ideo Andradius de fide implicita, per tam multas paginas tumultuatur, insidiosē autē declamitat: cum implicitum illud dicatur, quod ali qua in re absconditū latet. fidē igitur implicitā esse, quod credimus omnia quæ in sacris literis cōtinentur uera esse, licet multa cognitionem nostrā fugiant: non omnia enim eius penetralia, in hac uita lustrare et penetrare possum. Ita sancti ueteris Testamenti, multa crediderunt implicitē, quæ nos in nouo Testamento explicitē credimus. Sed heus bone uir, sine aduersario pugnās, de quibus nulla est controuersia. Bene enim nouit Andradius, Pontificios quādo pro fide implicita pugnāt, non hoc uelle & agere, de quo ipse tā prolixē rhetoricatur. Sophistica igitur est. Sed hæc est, quā appellauī Babylonicā seruitutem fidei implicitæ, quam Andradius etiam postea

postea diserte propugnat: quòd uolunt nobis impositam esse necessitatem credendi, quæcunq; ecclesia Pontificia tenet & proponit, licet nullis uerbi Dei testimonijs probari possint: & quidem ita, ut non opus sit uel cogitare, uel inquirere, uel intelligere quæ & qualia sint illa, an et ubi in uerbo Dei habeant fundamenta. Erasmus alicubi de disputatione quadã contra Pontificios, fatetur ipsorũ sententiam nõ habere certa & firma Scripturæ testimonia: sed diuersam sententiã ex uerbo Dei melius, clarius & firmitus probari posse. Addit uerò: Sed tamen si hoc Ecclesia iusserit, credam. Captiuabo .n. intellectum meum, in obsequium Ecclesiæ.

Hoc est Andradij, de quo disputamus: non sicut tu calumniaris, quasi in agrestibus hominib. egressia et solida sacrarũ literarũ cognitio requiratur: in quibus tamen necessariã esse fateris hãc persuasionem, articulos fidei qui proponuntur, non esse humana commẽta, sed uoces diuinas in uerbo Dei traditas. Atqui cum rudibus proponuntur uerba decalogi, symboli, orationis Dominicæ, institutionis baptismi, & cœnæ Dominicæ: ibi sunt ipsa uerba Scripturæ: in quibus summam doctrinæ cœlestis contineri, non est dubium. Fides igitur quantũuis rudium, credens hæc, non est Pontificiorũ implicita fides: amplectitur enim ipsa uerba & sententiam Scripturæ: sed persuasionẽ fidei implicitæ eò trahere, ut uel prohibeatur, uel doceatur, non opus

t 3 esse

esse cogitare & querere, an quæ proponuntur, habeant certa, firma & perspicua in uerbo Dei fundamenta: sed simpliciter ex persuasione auctoritatis personarum credere. Hanc persuasionem dixi non esse ueram fidem, sed seruilem opinionem: non ex uerbo Dei, sed ex humana persuasionem conceptam. Hanc enim seruitutem imponunt non rudibus tantum, sed & uidentibus ne uideant, querant aut intelligant, ubi in Scriptura fundata sint quæ proponuntur: sed simpliciter ideo credant, quia Pontifex & prælati Ecclesiæ ita statuerunt. Hic est status disputationis, de fide implicita. Scimus, non parem esse omnium perspicaciam. Non requiritur solida Scripturæ cognitio in rudioribus. Recte enim dicit Augustinus contra epistolam Fundamenti cap. 4. Ceteram turbam non intelligendi uiuacitas, sed credendi simplicitas tutissimam facit. Et tamen ipsorum etiam fidem oportet esse, non sine uerbo Dei. Ideo Augustinus formam catechisandi rudes, talem describit: ut summam doctrinæ cœlestis in Scriptura patefactæ illis proponatur, & ut postea ad ipsam Scripturam deducatur, quisque pro domi sui modulo.

Chrysostomus laicos sæpe duriter increpat, quod lectionem Scripturæ ad solos monachos ablegent: ita ut ipsi non uideant, legant & querant, quomodo ea quæ in ecclesia docentur, Scripturæ sint consentanea. Diserte igitur improbat fidem implicitam.

implicitā, sicut Pontificij de illā disputant. Et omnium Patrum studium fuit, populum non à Scripturā ad fidem implicitam humanæ persuasionis abducere, sed ad Scripturæ agnitionē deducere. Ideo enim Scripturas populo interpretati sunt, & explicatio nes suas ex Scripturis probāunt. Et aliter quidem hæc proposuerūt catechumenis, aliter neophytis, aliter cōfirmationib. nunquā tamē sine uerbo Dei docuerunt. Imò gradus illos ita distinxerunt, ut ostenderent, homines ad ipsa Scripturæ fundamenta magis magisq; esse deducendos. Vos uerò cum contrarium non tantum faciatis, sed & fieri iubetis, obiecto spectro fidei uestræ implicitæ: hoc est, quod in uobis reprehendimus & accusamus. Nec est quod speres Andradi, te sophisticis tuis cauillationibus nobis fucum facere: nisi forsā, quod Augustinus inquit, cogitas te per sophisticen grādiōri dictionis cothurno incedētem, malam causam, uel moras faciendo posse sustentare.

Miratur Andradius, illos qui donum interpretationis ipsi non habent, posse aut uelle, de interpretationibus iudicare. Et scimus quidem gradus esse, nec eandem esse omnium perspicaciam in Ecclesia. Scimus etiam, non debere quenquam plus sapere quā oportet. Notum tamen est, quid Patres populi iudicio in homilijs suis, quibus Scripturas interpretabantur, tribuerint. Interpretis enim est, rationes & fundamenta interpretatio-

nis tam liquidò & certè monstrare, ut ea intelligere & perspicere possint etiam alij, qui ipsi donum interpretationis non habent. Ita enim Eunuchus agnouit Philippi interpretationem uerā esse, Act. 8.

DE TRADITIONIBVS.

EX PRIMO DECRETO 4. Sessionis Tridentini concilij.

Sacrosancta Tridētina Synodus, perspiciens hanc ueritatem & disciplinam contineri in libris scriptis & sine scripto traditionibus, quæ ex ipsis Christi ore ab Apostolis acceptæ, aut ab ipsis Apostolis Spiritu sancto dictante, quasi per manus tradita ad nos usque peruenerunt, orthodoxorum Patrū exempla sequuta, omnes libros tam ueteris quàm noui Testamenti (cū utriusq; unus Deus sit author) nec nō traditiones ipsas, tūm ad fidem, tūm ad mores pertinentes, tanquam uel oretenus à Christo, uel à Spiritu sancto dictatas,

dictatas, & continua successione Ecclesia catholica conseruatas, pari pietatis affectu & reuerentia suscipit ac ueneratur.

Examen.

Hic locus communis Pontificiorum latissime patet, complectens in suo sinu, quicquid tradit & seruat Pontificia ecclesia, quod Scripturæ testimonijs doceri & probari non potest. Et uerè est Pandora pixis, cuius operculo omne genus corruptelarum, abusuum & superstitionum in Ecclesiam inuectum fuit. Quid enim non libebit fingere, admissio semel hoc postulato, non opus esse documentis & probationibus ex Scriptura. Quem errorem refutabimus, si uetustas erroris, & errantium multitudo potest errori patrocinium parere? Hoc siquidem agunt Pontificij, sua de traditionibus disputatione, ut abusus, qui præter & contra Scripturæ regulam in Ecclesiam irrepserunt, si modò late pateant, & temporis aliqua præscriptione sint confirmati, titulum habeant non tantum Ecclesiasticæ consuetudinis; sed quod plus est, Apostolicarum traditionum. Et utile est lectorum commonefacere, quomodo paulatim mutatus sit status disputationis. In primis enim Pontificiorum contra Lutherum certaminibus, ea quæ nullis Scripturæ testimonijs probari poterant, ita

defendebantur, quòd illa quæ Ecclesia statueret, parerem haberent uim & auctoritatem, cum ijs quæ ex Scriptura certò constaret diuinitus esse patefacta. Multa igitur extant tunc disputata de auctoritate Ecclesiæ, de plenitudine potestatis Papæ, de consuetudinibus Ecclesiasticis, &c.

Hi enim sunt loci, quos Eccius in suo Enchiridio, in prima fronte, tanquam in acie contra Lutherum constituit. Postea uerò deprehensum est, Locos istos communes, uel non posse sustinere tantam molem structuræ Pontificiæ, uel certe nimis laboriosum esse eos defendere, si firmis ex Scriptura argumentis oppugnentur. Tandem igitur ut magis compendiaria uia, inuenta est disputatio de traditionibus Apostolorum non scriptis. Fingunt enim multa, quæ ad fidem moresq; uiuendi necessaria sunt, ab Apostolis tradita esse, quæ in Scriptura non comprehenduntur. Et mox attexunt aliud ætymon: Ea quæ in ecclesia Romana traduntur & obseruantur, quæ nullo Scripturæ testimonio probari possunt, esse illa ipsa quæ ab Apostolis uiua uoce sunt tradita, & scriptis non comprehensa. Et hoc dicit Andradius esse principium, ultra quod non sit fas in inquisitione progredi. Per talia postulata, sicut Geometræ appellant, leuari se sentiunt onere & labore probandi. Liberati enim ex Scripturæ angustijs, quas ita uocant, nihil iam est, quod ex capacitate loci de Traditionibus deprome
re non

re non possint. Quod igitur olim fuit sermum pe-
 ctoris Pontificij, quia eius turpitudinem etiā cæci
 iam uident, & ignorantes norunt: hoc nunc est lo-
 cus communis infinitus & immensus, de traditioni-
 bus Apostolorum non scriptis.

Quia uerò uocabulū Traditionis, apud ueteres
 non eodem modo usurpatur: nec eiusdem generis
 sunt traditiones, quarum mentio fit in scriptis uete-
 rum: Pontificij sophisticè, sine discrimine talia te-
 stimonia cōmiscet: & ex una (quod dicitur) fide-
 lia omnes traditiones dealbant: ut prætectu & spe-
 cie antiquitatis, fucum faciant. Iudico igitur, totam
 hanc disputationem de traditionibus, non posse sim-
 plicius explicari: nec ad ueterum testimonia, quæ à
 Pontificijs in hac disputatione magno cū apparatu
 producuntur, cōmodius responderi posse, quā per di-
 stinctionē. Distribuemus itaq; hanc materiā de Tra-
 ditionibus, in certa quedā capita seu genera: et ostē-
 demus, quæ testimonia ueterū, ad quod genus tradi-
 tionum pertineāt, & quid de singulis sentiendū sit.

Ita enim manifestū euadet, illa quæ speciem ali-
 quam in hac disputatione habent, si rectè distin-
 guantur & explicentur, nihil planè patrocina-
 ri corruptelis, abusibus & superstitionibus re-
 gni Pontificij. Semper autē memoria repetendū est,
 statum disputationis Pontificiorū de traditionibus
 hūc esse: Scripturā nō omnia quæ ad articulos fidei,
 & ad dogmata pietatis pertinet, habere: sed multa
 quæ

legebat, sententia. It. 1. Cor. 14. Paulus describit, quomodo in obscuris locis, pij doctores ueram interpretationem communicatis sententijs inquirere debeant: Prophetae duo aut tres dicant. & addit: Ceteri dijudicent. Quod si alij sedenti reuelatum fuerit, taceat prior. Augustinus de doctrina Christiana, & alibi cum alios docet, tum ipse usurpat non prætoria interpretandi auctoritatē: sed ostēdit, quomodo ex locis manifestioribus interpretandi sint obscuriores: quomodo ex phrasi Scripturæ, ex circumstantijs, ex collatione aliorū locorū, & ex analogia fidei, querenda sit simplex, sana & uera interpretatio. Et quia animalis homo nō percipit ea quæ sunt Spiritus, stultitia. n. sunt ei: spiritualis uerò dijudicat omnia, 1. Cor. 2. Opus est ergo Spiritus sancti illuminatione, ad inueniendū et diiudicandū uerū Scripturæ sensum. Et pater cœlestis dabit Spiritū sanctum petētibz, Luc. 11. Ita Paulus optat Ecclesijs spiritum illuminationis. Eph. 1 & 3. Philip. 1. Col. 1. Ita etiam Dauid orat Psal. 118.

In hanc sententiā Origenes inquit homilia 17. in Exod. Non solū studium nobis adhibendū est ad discendas sacras literas, uerū & supplicandum Domino, ut ipse accipiēs librum signatū dignetur. aperire: ipse enim est qui aperit mentes, ut intelligantur Scripturæ. Et in Iosue homilia 8. Ad explananda ea, gratia Spiritus sancti indigemus.

Hilarius inquit li. 4. de Trin. Intelligentia dictorum,

rum, ex causis sumenda est dicendi. Et lib. 9. Dictorum intelligentia aut ex præpositis, aut ex consequentibus expectetur. lib. 8. Fides non ex nostro arbitrio, sed ex dictorum est ineunda uirtutibus. Basilius de Spiritu sancto cap. 1. dicit, interpretē debere sententiā in singulis uocibus ac syllabis latentem perscrutari. Cyrillus in Ioan. lib. 8. Ante omnia quādo locum Scripturæ intelligere uolumus, tria diligenter consideranda sunt: tempus, quando scriptum est quod dicitur: persona quæ dicit, uel ad quam, aut de qua dicitur: & res propter quam, & de qua dicitur. Sic enim absq; errore sensum poterimus uerum inuestigare.

Augustinus de Vtilitate credendi cap. 2. tradit 4. modos interpretationis. 1. Secundum historiam, cum docetur quid sit scriptum aut gestum. 2. Secundum etymologiam, quid, qua de causa, uel factum uel dictum sit. 3. Secundum analogiam, cum demonstratur Scripturā sibi non aduersari. 4. Secundum allegoriam, cū docetur nō ad literā esse accipiendā quædā, sed figuratē intelligendā.

Item de morib. Ecclesiæ lib. 1. cap. 1. Et diligentia & pietas adhibenda est. altera fiet, ut scientes inueniamus: altera, ut scire mereamur. Idē de scalis Paradysi, cap. 2. Lectio inquit, oratio postulat. Meditatio inuenit, contemplatio degustat.

Non igitur pretoria uel Pōtifícia est interpretationū autoritas in ecclesia: sed certæ sunt regulæ, secundum

cundum quas fieri, & ad quas exigi debent. Habet enim Ecclesia ius & libertatem dijudicandi. Sed Pontificij tale ius interpretationum sibi sumunt, ut una & eadem opera, & se labore probandi eximant, & Ecclesie dijudicandi libertatem adimant. Et hoc est quod in isto canone impugnamus. Veras enim & sanas interpretationes, congruentes ad regulas quas ex Patribus recitauimus, amamus & ex osculamur. Ad Pontificiorum uero interpretationes accommodamus, quod Tertullianus de lege dicit: Lex quæ probari se non uult, meritò suspecta est. Hilarius inquit lib. 4. de Trin. Non enim diuinorum dictorum, sed intelligentiæ nostræ à nobis ratio præstanda est. Et Hieronymus in Apologia de libris contra Iouinianum: Propositum mihi erat, non ad meam uoluntatem, Scripturas trahere: sed id dicere, quod Scripturas uelle intelligebam, Commentatoris enim officium est, non quid ipse uelit: sed quid sentiat ille quem interpretatur, exponere. Alioqui si contraria dixerit, non tam interpres erit, quam aduersarius eius, quem nititur explanare. Certè ubicunq; Scripturas non interpretor, sed liberè de meo sensu loquor, arguat me cui libet.

Tertiò: Quādo dictum aliquod Scripturæ Pontificij ad suas corruptelas transformarunt, sollicitè inquirunt in Patrum scriptis, ut aliquas inde sententias corradant, quomodocunq; patrocinatoras suo proposito. Et tales interpretationes ueterum, quacunq;

quacunque occasione, quocūq; modo traditas, contendunt simpliciter sine discrimine & examinatione recipiendas esse, siue uerbis Scripturæ consentiant, siue ab illis dissentiant: cum ipsi Patres lectorē nolint ita sibi allegatum, ut putēt necesse sibi esse, aliquid ideo credere, quoniam à Patribus dicitur: sed quia dicta sua uel per Scripturas canonicas, uel per alias probabiles rationes, quòd à ueritate non abhorreāt, persuadere poterint. Hæc enim sunt Augustini uerba ad Paulinam, epist. 112. & apud Hieronymum, epist. 19. Origenes in 2. cap. ad Romanos inquit: Hæc de circumcisione ea lege sunt dicta nobis, ut si quis melius & rationabilius dixerit, illa magis quam hæc nostra teneantur.

Hieronymus ad Mineriiū & Alexandrū: Meum propositum est, antiquos legere, probare singula, retinere quæ bona sunt, & à fide catholicæ Ecclesiæ non recedere. Idē in præfatione super Oseam: De Origene, Eusebio, Didymo, &c. hæc dico, ut no ueris quos in Prophetæ huius cāpo præcursores habuerim: quos & simpliciter, nō superbè, sicut quidam meorum amicorū insibilat, tuæ prudentiæ fateor, non in omnib. sum secutus: ut iudex potius operis, q̄ interpretes existere, diceremq; quid mihi uideretur in singulis. Suas etiam interpretationes Hieron. non uult pro oraculis haberi, sed subiicit eas lectoris iudicio, ut in 2. ca. Michæ: Videtur mihi sic posse sensus reddi, si tamē prudens lector no

stræ rationi acquieuerit. Ita in 2. cap. Sophoniæ, in
 Isaiã cap. 19. in Ezech. 36. 40. li. 2. in Zachariã, etc.
 Et ad Augustinũ inquit: Respondeat mihi pruden-
 tia tua, quare tu contra tot & tales interpretes in
 explanatione Psalmorũ diuersa senseris. Hæc liber-
 tas in interpretationibus, omnino in Ecclesia reti-
 nenda est, ut cum iudicio legantur quorumcũq; in-
 terpretationes, & liberè exigãtur ad fontes & fun-
 damẽta. Nec propterea damnãda est interpretatio
 aliqua Scripturæ, quod à ueteribus quibusdam dis-
 sentiat: si modò uerbis Scripturæ, circũstantijs tex-
 tus, & analogiæ fidei consentanea sit. Quod uerò
 ueterum sanis & ueris interpretationibus tribuen-
 dum sit, suprã diximus. Vtimur enim ueterum labo-
 ribus, cum reuerentia & gratitudine, sed salua li-
 bertate Christiana.

Quartò arrogant & hoc ius sibi, Pontificij, ut
 in locis Scripture etiã clarissimis, à simplici & ge-
 nuna sententia, quam propria uerborum significa-
 tio præbet, liberè possint discedere, & aliam assue-
 rè tali dictatoriã authoritate: ut nobis credendum
 sit, nõ quod Scriptura simpliciter, propriè & aper-
 tè dicit, sed quod ipsi pro imperio & authoritate
 nobis interpretantur. Hoc enim artificio eludunt
 locos clarissimos, de fide iustificãte, de reliquijs pec-
 cati in renatis, de imperfectione bonorum operum
 in hac uita, de libero arbitrio, de intercessiõe Chri-
 sti, etc. Quãdo Christus dicit: Bibite ex hoc omnes:
 ipsi

ipsi affungunt suam interpretationem, Non omnes, sed sacerdotes tantum. Quando Heb. 13. Paulus dicit, Honorabile coniugium in omnibus: ipsi dicunt, Non in omnibus, sed in solis laicis tantum. 1. Cor. 7. Propter uitandam fornicationem, unusquisque qui non continet, habeat suam uxorem. Ibi, Vnusquisque, ipsis est signum particulare: nec obstat, quod sententia est manifestissima. Quando Apostolis Christus dicit: Reges dominantur: uos autem non sic. ibi uolunt nos à manifestissima sententia discedere, & nescio quas interpretationes recipere. Paulus uocat doctrinas demoniorum, quæ prohibent nubere, & abstinere à cibis quos Deus creauit, ut sumantur. Sed nihil proficit clarissima illa lux. Contendunt. n. uerba illa esse intelligenda non sicut sonant, sed sicut ipsi ea interpretantur. Et ut hunc ludum in Scripturæ interpretatione porro impune, & quidem cum authoritate ludere possint, ideo canon iste ita constitutus est. Osius de expresso uerbo Dei dicit: Si quis habeat interpretationem Romanæ Ecclesiæ, de loco aliquo Scripturæ, etiamsi nec sciat nec intelligat, an aut quomodo cum Scripturæ uerbis conueniat, illum tamen habere ipsissimum uerbum Dei. Ita Romanæ Ecclesiæ interpretatio est: Ecce duo gladij hic. hoc est: Pontifex Romanus habet administrationem utriusque gladij, & spiritalis & politici.

Eliseus aquas amaras, iniecto sale, per miraculū

dulces reddidit. hoc est: In Ecclesia debet iam esse aqua exorcisata & sal benedictū: cuius efficaciam contra diabolū & peccata ualere, credendū est. Item Psal. 8. Deus omnia subiecit pedibus Christi: hoc est, Pōtificis Romani. Pecora campi: hoc est, homines uiuētes in hac terra. Pisces maris: hoc est, animas in purgatorio. Volucres cœli: hoc est, animas beatorū, quas per canonisationē Papa potest adorandos proponere. Tales non interpretationes, sed ludificationes extāt multo plures in publicis Pōtificiorum scriptis. Vtq; illis omnibus et similibus, qualiacunq; tandem sunt, sua constet & salua maneant authoritas: ideo Andradius de fide implicita, per tam multas paginas tumultuatur, insidiosē aut declamitat: cum implicitum illud dicatur, quod aliqua in re absconditū latet. fidē igitur implicitā esse, quod credimus omnia quæ in sacris literis cōtinentur uera esse, licet multa cognitionem nostrā fugiant: non omnia enim eius penetralia, in hac uita lustrare et penetrare possum. Ita sancti ueteris Testamenti, multa crediderunt implicitē, quæ nos in nouo Testamento explicitē credimus. Sed heus bone uir, sine aduersario pugnas, de quibus nulla est controuersia. Bene enim nouit Andradius, Pontificios quādo pro fide implicita pugnāt, non hoc uelle & agere, de quo ipse tā prolixē rhetoricatur. Sophistica igitur est. Sed hæc est, quā appellauī Babylonicā seruitutem fidei implicitæ, quam Andradius etiam postea

postea diserte propugnat: quòd uolunt nobis impositam esse necessitatem credendi, quæcunq; ecclesia Pontificia tenet & proponit, licet nullis uerbi Dei testimonijs probari possint: & quidem ita, ut non opus sit uel cogitare, uel inquirere, uel intelligere quæ & qualia sint illa, an et ubi in uerbo Dei habeant fundamenta. Erasmus alicubi de disputatione quadã contra Pontificios, fatetur ipsorũ sententiam nõ habere certa & firma Scripturæ testimonia: sed diuersam sententiã ex uerbo Dei melius, clarius & firmitus probari posse. Addit uerò: Sed tamen si hoc Ecclesia iusserit, credam. Captiuabo .n. intellectum meum, in obsequium Ecclesiæ.

Hoc est Andradij, de quo disputamus: non sicut tu calumniaris, quasi in agrestibus hominib. egregia et solida sacrarũ literarũ cognitio requiratur: in quibus tamen necessariã esse fateris hãc persuasionem, articulos fidei qui proponuntur, non esse humana commẽta, sed uoces diuinas in uerbo Dei traditas. Atqui cum rudibus proponuntur uerba decalogi, symboli, orationis Dominicæ, institutionis baptismi, & cœnæ Dominicæ: ibi sunt ipsa uerba Scripturæ: in quibus summam doctrinæ cœlestis contineri, non est dubium. Fides igitur quantumuis rudium, credens hæc, non est Pontificiorũ implicita fides: amplectitur enim ipsa uerba & sententiam Scripturæ: sed persuasionẽ fidei implicitæ eò trahere, ut uel prohibeatur, uel doceatur, non opus

t 3 esse

esse cogitare & querere, an quæ proponuntur, habeant certa, firma & perspicua in uerbo Dei fundamenta: sed simpliciter ex persuasione auctoritatis personarum credere. Hanc persuasionem dixi non esse ueram fidem, sed seruilem opinionem: non ex uerbo Dei, sed ex humana persuasione conceptam. Hanc enim seruitutem imponunt non rudibus tantum, sed & uidentibus ne uideant, querant aut intelligant, ubi in Scriptura fundata sint quæ proponuntur: sed simpliciter ideo credant, quia Pontifex & prælati Ecclesiæ ita statuerunt. Hic est status disputationis, de fide implicita. Scimus, non parem esse omnium perspicaciam. Non requiritur solida Scripturæ cognitio in rudioribus. Rectè enim dicit Augustinus contra epistolam Fundamenti cap. 4. Cæteram turbam non intelligendi uiuacitas, sed credendi simplicitas tutissimam facit. Et tamen ipsorum etiam fidem oportet esse, non sine uerbo Dei. Ideo Augustinus formam catechisandi rudes, talem describit: ut summam doctrinæ coelestis in Scriptura patefactæ illis proponatur, & ut postea ad ipsam Scripturam deducantur, quisque pro doni sui modulo.

Chrysostomus laicos sæpe duriter increpat, quòd lectionem Scripturæ ad solos monachos ablegent: ita ut ipsi non uideant, legant & querant, quomodo ea quæ in ecclesia docentur, Scripturæ sint consentanea. Disertè igitur improbat fidem
 implicitam.

implicitā, sicut Pontificij de illā disputant. Et omnium Patrum studium fuit, populum non à Scripturā ad fidem implicitam humanæ persuasionis abducere, sed ad Scripturæ agnitionē deducere. Ideo enim Scripturas populo interpretati sunt, & explicatio-
 nes suas ex Scripturis probarunt. Et aliter quidem hæc proposuerunt catechumenis, aliter neophytis, aliter cōfirmationib. nunquā tamē sine uerbo Dei docuerunt. Imò gradus illos ita distinxerunt, ut ostenderent, homines ad ipsa Scripturæ fundamenta magis magisq; esse deducendos. Vos uerò cum contrarium non tantum faciatis, sed & fieri iubeatis, obiecto spectro fidei uestræ implicitæ: hoc est, quod in uobis reprehendimus & accusamus. Nec est quod speres Andradi, te sophisticis tuis cauillationibus nobis fucum facere: nisi forsā, quod Augustinus inquit, cogitas te per sophisticen grādiōri dictionis cothurno incedētem, malam causam, uel moras faciendo posse sustentare.

Miratur Andradius, illos qui donum interpretationis ipsi non habent, posse aut uelle, de interpretationibus iudicare. Et scimus quidem gradus esse, nec eandem esse omnium perspicaciam in Ecclesia. Scimus etiam, non debere quenquam plus sapere quā oportet. Notum tamen est, quid Patres populi iudicio in homilijs suis, quibus Scripturas interpretabantur, tribuerint. Interpretis enim est, rationes & fundamenta interpretatio-

nis tam liquido & certè monstrare, ut ea intelligere & perspicere possint etiam alij, qui ipsi donum interpretationis non habent. Ita enim Eunuchus agnouit Philippi interpretationem uerā esse, Act. 8.

DE TRADITIONIBVS.

EX PRIMO DECRETO 4. Sessionis Tridentini concilij.

Sacro sancta Tridēтина Synodus, perspiciens hanc ueritatem & disciplinam contineri in libris scriptis & sine scripto traditionibus, quæ ex ipso Christi ore ab Apostolis acceptæ, aut ab ipsis Apostolis Spiritu sancto dictante, quasi per manus traditæ ad nos usque peruenerunt, orthodoxorum Patrū exempla sequuta, omnes libros tam ueteris quàm noui Testamenti (cū utriusq; unus Deus sit author) nec nō traditiones ipsas, tum ad fidem, tum ad mores pertinentes, tanquam uel oretenus à Christo, uel à Spiritu sancto dictatas,

dictatas, & continua successione Ecclesia catholica conseruatas, pari pietatis affectu & reuerentia suscipit ac ueneratur.

Examen.

Hic locus communis Pontificiorum latissimè patet, complectens in suo sinu, quicquid tradit & seruat Pontificia ecclesia, quod Scripturæ testimonijs doceri & probari non potest. Et uerè est Pandoræ pixis, cuius operculo omne genus corruptelarū, abusū & superstitionū in Ecclesiā inuectū fuit. Quid enim non libebit fingere, admissio semel hoc postulato, non opus esse documentis & probationibus ex Scriptura. Quem errorem refutabimus, si uetustas erroris, & errantium multitudo potest errori patrocinium parere? Hoc siquidem agunt Pontificij, sua de traditionibus disputatione, ut abusus, qui præter & contra Scripturæ regulam in Ecclesiā irrepserunt, si modò latè pateant, & temporis aliqua præscriptione sint confirmati, titulum habeant non tantum Ecclesiasticæ consuetudinis: sed quod plus est, Apostolicarum traditionum. Et utile est lectorem commonescere, quomodo paulatim mutatus sit status disputationis. In primis enim Pontificiorum contra Lutherum certaminibus, ea quæ nullis Scripturæ testimonijs probari poterant, ita

t s defen-

re non possint. Quod igitur olim fuit serinium pe-
 ctoris Pontificij, quia eius turpitudinem etiā cæci
 iam uident, & ignorantes norunt: hoc nunc est lo-
 cus communis infinitus & immensus, de traditioni-
 bus Apostolorum non scriptis.

Quia uerò uocabulū Traditionis, apud ueteres
 non eodem modo usurpatur: nec eiusdem generis
 sunt traditiones, quarum mentio fit in scriptis uete-
 rum: Pontificij sophisticè, sine discrimine talia te-
 stimonia cōmiscet: & ex una (quod dicitur) fide-
 lia omnes traditiones dealbant: ut prætextu & spe-
 cie antiquitatis, fucum faciant. Iudico igitur, totam
 hanc disputationem de traditionibus, non posse sim-
 plicius explicari: nec ad ueterum testimonia, quæ à
 Pontificijs in hac disputatione magno cū apparatu
 producūtur, cōmodius responderi posse, quā per di-
 stinctionē. Distribuemus itaq; hanc materiā de Tra-
 ditionibus, in certa quedā capita seu genera: et ostē-
 demus, quæ testimonia ueterū, ad quod genus tradi-
 tionum pertineāt, & quid de singulis sentiendū sit.

Ita enim manifestū euadet, illa quæ speciem ali-
 quam in hac disputatione habent, si rectè distin-
 guantur & explicentur, nihil planè patrocina-
 ri corruptelis, abusibus & superstitionibus re-
 gni Pontificij. Semper autē memoria repetendū est,
 statum disputationis Pontificiorū de traditionibus
 hūc esse: Scripturā nō omnia quæ ad articulos fidei,
 & ad dogmata pietatis pertinet, habere: sed multa
 quæ

quæ ad articulos fidei, & ad dogmata pietatis necessaria sunt, suscipienda & credenda esse, sine Scriptura, extra & præter Scripturam, ex traditionibus non scriptis, quæ nullo Scripturæ testimonio probari possunt.

PRIMUM GENVS TRADITIONUM.

Primum igitur genus traditionum illud constituemus, quod ea quæ Christus & Apostoli uiua uoce tradiderunt, quæ postea ab Euangelistis & Apostolis literis cõsignata sunt, sæpe uocantur traditiones. Ita Cyprianus dicit: In calice Domini offerendo, ut uino misceatur, Dominica traditio seruetur: neque aliud fiat à nobis, quàm pro nobis Dominus prior fecit. Atqui hæc traditio scripta extat. Et Basilius libro tertio, cõtra Eunomium inquit: Hoc palàm impugnat salutaris baptismatis traditionem: Euntes, inquit, baptisate in nomen, &c. Item: Baptismus noster est iuxta ipsam Domini traditionem, in nomen patris, filij & Spiritus sancti. Illa certè traditio scripta extat.

Obseruet autè lector, quam candidè agant Pontificij. Vbicunq; enim inueniunt uocabulum Traditionis, illud mox detorquēt ad suas traditiones, quæ ex Scriptura probari nō possunt. ut cum Paulus dicit 1. Cor. 15. Tradidi uobis quod accepistis, si tenetis, nisi frustra credidistis. Hic statim exclamant: Audis traditiones? Audio: sed mox in eodem loco lego,

Paulum

Paulum scripto explicare, quæ sint illa quæ tradiderit: Tradidi uobis, quod Christus mortuus est pro peccatis nostris, secundum Scripturas, quod sepultus est, & resurrexit secundum Scripturas. Audis traditiones Pauli, duplici modo esse ἐγγεγραμμεναι. Primò enim sumptæ sunt ex Scriptura ueteris Testamenti: secundò ab ipso Paulo literis consignatæ sunt. Et tamen sunt homines, quos non pudet hunc locum torquere ad traditiones, quæ iactantur extra, præter & contra Scripturam. Ita de coena Domini Paulus inquit: Ego à Domino accepi, quod & tradidi uobis. Sed illam traditionem, post Euangelistas ipse etiam scripto comprehendit. Iesuite allegant dictum Pauli, 2. Thess. 3. Subducatis uos ab omni fraude, ambulante inordinate, & non secundum traditionem quam acceperunt à nobis. Sed mox in illo ipso capite describit, quam intelligat traditionem: sicut inspicienti manifestum est. Et tamen inde uolunt probare, multa esse credenda, quæ nullo Scripturæ testimonio probari possunt. Similis impudentiæ est, quod pro traditionibus non scriptis allegant id, quod Acto. 16. scriptum est: Tradebant eis custodire dogmata, quæ erant decreta ab Apostolis & senioribus Ierosolymitanis. cum cap. 15. manifestissimè testetur, dogmata illa literis fuisse ab Apostolis consignata.

Ita cum Cyprianus ad Pompeium inquit: Si in aliquo uacillauerit ueritas, ad origenem Domini-

cam,

eam, & Euangelicā, & Apostolicā traditionē reuertamur. Mox exclamat Lindanus: Audis saluberrimā nō scriptæ traditionis autoritatē? Sed scelera te præterit, quod in eadem epistola extat: Vnde est ista traditio, utrum de Dominica & Euāgelica autoritate descendens, an de Apostolorū mādatis & epistolis ueniens? Ea enim faciēda esse quæ scripta sunt, Deus testatur Ios. 1. Si igitur aut in Euāgelio præcipitur, aut in Apostolorū epistolis & actibus continetur, obseruetur etiam hæc sancta traditio. Hec Cyprianus.

Nec sanē iustæ indignationi honesta defutura esset oratio, si hoc Pōtificiorū artificium liberet suis coloribus depingere. Sed satis sit, lectori extremas lineas monstrassee.

Basilius in sermone de confessione fidei, ponit talem definitionem: Fides est assensus, non hesitans de his quæ audita sunt, in certitudine ueritatis, & prædicata sunt per gratiā Dei. Mirū uerò quā exultet Lindanus, q. in illa definitione fidei, nulla fiat Scripturæ mētio. Sed mox tertio uersu Basilius subiūgit hāc sententiā: Si fidelis est Dominus in omnibus sermonib. suis, manifesta est elapsio à fide, & superbie crimē, aut reprobare quid ex his quæ scripta sunt, aut superinducere quid ex nō scriptis. Cōsidera quæso optime lector, quale sit hoc artificium, quo Pōtificij utūtur. Præclarū extat Irenæi testimonium de Polycarpo, apud Eusebium lib. 4. cap. 14. q. per-

perpetuò eadē docuerit, quæ & ab Apostolis acceperat, quæ Ecclesia quoq; tanquam sola uera tradidit. Ibidem : Multos hæreticorū ad Ecclesiam Dei conuertit, dum unam & solam eam ueritatē, quam ab Apostolis acceperat, quā etiā Ecclesia tradidit, prædicauit. Axioma extra omnē controuersiam uerissimū est, illam solam doctrinā ueram esse, quam Apostoli tradiderunt, quam primitiua Ecclesia ab Apostolis acceptam professā est. Sed quæstio est, an doctrina illa sit alia et diuersa ab ea, quā in Scriptura cōprehensam habemus. Pontificij simpliciter distinguūt traditiones, cōtra Scripturā. Et quādo Irenæus dicit, Polycarpū ea docuisse quæ ab Apostolis acceperat: hoc ita interpretantur, q. alia, & multo plura ab Apostolis accepta prædicārit, quā quæ in Scriptura cōtinentur. Ita illi. Sed propter multas causas suspecta est nobis ipsorum fides. Alia igitur querenda sunt testimonia. Nullum autem dubium est, Polycarpum etiam illa quæ scripta sunt, ab Apostolis accepisse: quomodo igitur simpliciter contra Scripturam distinguuntur ea, quæ Polycarpus dicitur ab Apostolis accepisse? Sed audiamus ipsius Irenæi testimonium, qui apud Eusebium libro 4. cap. 14. dicit Epistolam Polycarpi ad Philippenses ita esse scriptam, & ad hoc instructam, ut ex ea fidei character, et ueritatis doctrina cognosci possit, ab ijs qui salutis suæ rationem habent. Atqui in illa epistola quia extat, nulla sit mentio eorum quæ

à Pon-

à Pontificijs pro traditionibus iactantur: sed scribit de incarnatione Christi, de mysterio crucis: quòd Christus sit iusticia nostra, qui sustulit peccata nostra, ut uiuamus in ipso: de resurrectione, de extremo iudicio, de fide, spe, charitate: de bonis operibus, de tolerandis infirmis, de oratione, & de alijs quæ in Scriptura expresse continentur. Est igitur character fidei Polycarpi, non extra Scripturam.

Addamus aliud testimonium, quod adhuc clarius est. Irenæus enim apud Eusebium lib. 5. cap. 20. recitat, se non chartis, sed cordi inscripsisse, quomodo Polycarpus narrauerit se cum Apostolis conuersatum: quomodo sermones ipsorum cõmemorauerit, & quæ ex illis de Domino, de uirtutibus & doctrina eius audierit. De hoc loco Andradius meus serriò triumphat pro traditionibus extra Scripturam. Sed Irenæus mox addit, quòd Polycarpus, ea quæ ab illis qui ipsi uerbum uitæ uiderant, perceperat, annunciauit, *πάντα σύμφωνα ταῖς γραφαῖς*, omnia sanctis Scripturis consona. Verè aurea est hæc Irenæi sententia: quæ rectissimè declarat, quomodo intelligēda sint pleræq; ueterum sententiæ de traditionibus. Apostoli multa tradiderunt uiua uoce: Apostolici ab Apostolis ex traditione uiue uocis multa acceperunt, quæ suis postea discipulis rursus tradiderūt. Sed Irenæus inquit, omnia illa fuisse *σύμφωνα ταῖς γραφαῖς*, consona Scripturis. Et nos eorum nihil reiicimus, sed omnia quæ
Scri-

Scripturis sanctis consentanea sunt, suscipimus
 & ueneramur. Pontificij uerò pro talibus tradi-
 tionibus pugnant, quæ nullo Scripturæ testimonio
 probari possunt. his enim uerbis utitur Andradius,
 qui etiam anathema dicit illis qui perhibent: Nisi
 de ueteri ac nouo Testamento euidenter fuerimus
 edocti, non sequimur doctrinas Patrum, atque tra-
 ditionem Ecclesiæ. Lector ipse instituat antithe-
 sin eorum quæ Polycarpus ab Apostolis accepta
 tradidit. ea enim Irenæus pronunciat omnia fuisse
 consona Scripturis sanctis: & eorum quæ Ponti-
 ficij titulo traditionum iactant. de illis enim diser-
 te affirmât, quòd nullo Scripturæ testimonio pro-
 bari possint. Imò anathema dicunt omnibus, qui que-
 runt *συμφωνίαν* traditionum Pontificiarum, cū
 ueteri ac nouo Testamento.

Primum igitur genus Traditionum est, quòd A-
 postoli tradiderunt doctrinā uiua uoce, sed illa po-
 stea in Scriptura literis consignata est. Viri etiā A-
 postolici multa annunciarūt ab Apostolis accepta:
 sed *πάντα σύμφωνα τῷς γραφαῖς*, omnia cō-
 sentanea Scripturis sanctis. Et hæc certè nihil pa-
 trocinantur Pontificiorum traditionibus: quæ nul-
 lo Scripturæ testimonio, sicut ipsi fatetur, probari
 possunt. Obseruandum est autem in hoc primo ge-
 nere, quàm fraudulēter Pontificij citent & tractēt
 Scripturæ & antiquitatis testimonia, pro stabiliē-
 dis & confirmādis cōmentarijs suis traditionibus.

306 EXAMEN DECRETORVM
SECUNDVM GENVS
Traditionum.

Secundum genus traditionum est, quòd libri Scripturæ sacrae non interrupta serie temporum (sicut Augustinus loquitur) & certa connexionis successione, ab Ecclesia custoditi, & fideliter ad posteros transmissi, nobisq; quasi per manus traditi sunt. Ita Origenes dicit, se *ὡς παρὰ τὸν Θεόν*, per traditionem didicisse, quòd quatuor Evangelia, in uniuersa Ecclesia sint indubitata. Et Eusebius de libris canonicis disputans, aliquoties utitur uerbis tradendi & accipiendi. Quæ uerò sit ratio huius traditionis, hoc est Ecclesiæ testificantis de germanis & canonicis Scripturæ libris, supra fuisse explicatum est, cum de libris Canonicis ageremus. Et hanc traditionem, qua nobis in manum dantur sacrae Scripturæ libri, reuerenter accipimus: Nihil autem patrocina-
tur Pontificijs, qui pugnant pro dogmatibus, quæ nullo Scripturæ testimonio probari possunt. Ecclesia enim illa traditione fatetur, se allegatā esse ad uocem doctrinae sonantis in Scriptura: & propagatione illius traditionis, posteritatem etiam ad Scripturam alligatam esse docuit. Et tempore Patrum, illi qui apud Ecclesiam querebant ueritatem, deducebantur ad Scripturas: sicut ex Augustino, de catechizandis rudibus constat.

Et contra epistolam Manichæi capite quinto,
narrat

narrat Augustinus, quomodo ad fidem Ecclesiæ catholicæ perductus fuerit. Dicit enim, se obtinuisse catholicis laudantibus Euangelium, & dicentibus: Credite Euangelio. Et ibi ponit uulgatam illam sententiam: Ego uerò Euangelio non crederem, nisi me catholicæ Ecclesiæ commoueret autoritas. Ex Ecclesiæ igitur testificatione commotus fuit, ut legeret Euangelium, & crederet, doctrinam diuinitus patefactam in illo contineri. Num uerò postquam Euangelio credidit, pollicetur se plus crediturum Ecclesiæ quàm Euangelio, si ipsa aliquid statuatur uel proponat, quod uel sit contra Euangelium, uel nullo Scripturæ testimonio probari possit? Hoc certè non dicit. Imò alibi dicit anathema illis, qui annunciant præter quod in Scripturis legalibus et Euangelicis accepimus. Et in illo ipso loco dicit, se quia Euangelio credat, nõ posse Manichæo credere, propterea quia ibi nihil legat de Manichæi Apostolatu. Hoc ergo secundum genus traditionum deducit nos ad Scripturam, & ad uocem doctrinæ sonantis in ea, alligat nos. usque adeò non probatur inde Pontificium axioma, multa dogmata fidei suscipienda esse, quæ nullo Scripturæ testimonio probari possunt.

Sed obijciunt Pontificij: Si hanc Ecclesiæ traditionem, testificantem de libris Scripturæ sacræ accepitis: quo iure reliquas traditiones, de quib. Pontificia ecclesia testificatur, & sine scripto ab Aposto-

lis sint traditæ, reijciatis? Ecclesiæ enim testimonium, sicut Andradius inquit, aut ubique contemnendum, aut ubique certe amplectendum est. Respondeo. Immensa est differentia inter primitiuam Ecclesiam, quæ fuit tempore Apostolorum & Apostolicorum testificantem de libris Scripturæ sacræ: & inter Pontificiam Ecclesiam, obtrudentem nobis sine probatione pro traditionibus Apostolorum sua commenta.

Patres, ubi hanc traditionem de libris Scripturæ describunt, probant illam ex testificationibus primitiue Ecclesiæ. Si idem eadem certitudinis ratione, de alijs etiam traditionibus, quarum alicubi mentionem habent, fecerint: ualeat sanè hoc, ut eodem etiam iure recipiantur. Affirmant autem, ea quæ ab Apostolicis tradita fuerunt, omnia fuisse consona sacris Scripturis: sicut iam diximus ex Irenæo, & mox pluribus ostendemus. Habemus igitur ex ipsa Patrum traditione, unde dijudicandum sit, quæ sint ueræ Apostolicæ traditiones, sicut Hieronymus inquit in primum capitulum Aggæi: Gladius Dei, qui est sermo Dei uiuus, percutit illa quæ absque autoritate & testimonijs Scripturarum, quasi traditione Apostolica homines sponte reperiunt & confingunt. Ecclesiæ igitur traditio, libros Scripturæ sacræ ita nobis commendat: ut moneat reliqua omnia ad illam esse exigenda (sicut testimonia in præcedentibus

bus allegata ostendunt) & quæ illi sunt consona, recipienda: quæ uerò non sunt consona, licet quasi traditio Apostolica proponantur, percutienda esse gladio uerbi Dei. Et hæc est simplex & uera solutio superioris illius obiectionis, & reiicere eam Pontificij non possunt: aliàs enim eodem iure cogerentur, & ipsi etiam phariseorum traditiones, & totam Thalmudistarum Cabalam recipere. Iudeos enim Augustinus scite uocat nostros librarios & scriniarios: ut qui custodes fuerunt librorum ueteris Testamenti, circumferentes adhuc illam custodiam in ipso exilio.

Quærunť sanè κρησφύγετον Pontificij, Ecclesiam accepisse libros ueteris Testamenti, ex traditione non phariseorum, sed prophetarum, Christi & Apostolorum. Sed quia series temporum non interrupta, iuxta Augustinum, ad hanc rem requiritur: non possunt pharisei, ab illa testificatione de libris ueteris Testamenti excludi. Quare igitur Christus & Apostoli, qui traditionem de libris ueteris Testamenti recipiebāt, non eodem etiam iure reliquas traditiones seniorum recipiebant, cum quidem hunc præferrēt titulum: Dictum est antiquis? Quo iure ipsi Pontificij repudiant Thalmudicas traditiones, cum de libris ueteris Testamenti, traditionem Iudeorum recipiant? Si dixerint, Iudeos confinxisse Cabalam Thalmudicam: ipsi hoc fortiter negabunt. allegant enim pri-

mos autores Patriarchas, Mosen & prophetas. Quare igitur huic ipsorum testificationi nec ideo Pontificij creditis: cum tamen de libris ueteris Testamenti, testificationem ipsorum, utique non repudiemus? Nos simpliciter respondemus: Quia ex libris propheticis, de quibus Iudæi testificantur, discimus literis consignatum esse, quantum de doctrina patriarcharum, Mosis & prophetarum & satis est, & opus est. Ideo reliquas traditiones omnes, ad ea quæ scripta sunt examinamus: & huic testificationi contrariam traditionem Iudeorum, multa tradentium extra, præter & contra Scripturam non recipimus, sed iure optimo repudiamus: id enim ex ipsis libris, quos Iudæi sua testificatione nobis commendant, discimus. Si quam aliam responsionem habent Pontificij, proferant: & eandem nos opponere poterimus ipsorum obiectioni, quare cum traditionem Ecclesiæ de libris canonicis recipiamus, non similiter etiam reliqua omnia quæ titulo traditionum nobis à Pontificia Ecclesia obtruduntur recipiamus.

TERTIVM GENVS

traditionum.

Tertium genus traditionum, constituimus illud, de quo loquuntur Irenæus libro tertio, & Tertullianus de præscriptione aduersus hæreticos. magnificis enim encomijs uterque celebrant traditionem Apostolicam. Irenæus libro tertio, cap. tertio, inquit:

inquit: Traditionem Apostolorum in toto mundo manifestatam, in Ecclesia adest perspicere omnibus, qui uera uelint audire. Et capite quarto: Non oportet adhuc quærere apud alios ueritatem: quam facile est ab Ecclesia sumere, cum Apostoli quasi in depositarium diues, plenissime in ea contulerint omnia quæ sint ueritatis: ut omnis quicumque uelit, sumat ex ea potum uitæ. Hic est enim uitæ introitus: omnes autem reliqui, fures sunt & latrones. Propter quod oportet quidem deuitare illos: quæ autem sunt Ecclesiæ, cum magna diligentia diligere, & apprehendere ueritatis traditionem. Quid autem, si neque Apostoli quidem Scripturas reliquissent nobis: nõne oportebat ordinem sequi traditionis, quam tradiderunt ijs quibus cõmittebant Ecclesias? cui ordinationi assentiuntur multæ Gentes barbarorum sine caractere & atramento, scriptam habentes per spiritum in cordibus suis salutem, & ueterem Apostolorum traditionem diligenter custodientes.

Tertullianus de Præscript. Hanc igitur dirigemus præscriptionem: Si Christus Apostolos misit ad prædicandum, alios non esse recipiendos prædicatores, quàm quos Christus instituit. Quid aut prædicauerint, hoc est, quid illis Christus reuelaue- rit: & hinc præscribã, nõ aliter probari debere, nisi per easdẽ Ecclesias, quas ipsi Apostoli cõdiderunt, ipsi eis prædicãdo tã uina uoce, quàm per epistolas.

Postea: Si hæc ita sunt, constat proinde omnem doctrinam, quæ cum illis Ecclesijs Apostolicis, matricibus & originalibus fidei conspiret, ueritati deputandam: id sine dubio tenentem, quod Ecclesiæ ab Apostolis, Apostoli à Christo, Christus à Deo suscepit: reliquam uerò omnem doctrinam de mendacio præiudicandam, quæ sapiat contra ueritatem Ecclesiarum, & Apostolorum, & Christi, & Dei.

Hæc magnifica traditionum encomia, uidentur omnino multum patrocinari Pontificijs contra Scripturam. Nam & excerptam illam Tertulliani sententiam, quasi in triumpho in omnibus suis libris ducūt, quæ sic habet: Non ergo ad Scripturas prouocandum, nec in his constituendum certamen, in quibus aut nulla, aut incerta est uictoria.

Sed simplex ueritas firmiter fundata, & sibi bene conscia nec reformidat, nec subterfugit uera antiquitatis testimonia. Manifestè enim ostendemus, hæc Irenæi & Tertulliani disputationes non infringere, sed confirmare nostram de sacra Scriptura sententiam, si sententiæ non truncate inspiciantur, sed tota series disputationis consideretur. Sicut enim iurisperiti dicunt, inciuile esse, lege non tota perspecta, ex aliquâ ipsius particula pronunciare: ita Hilarius rectè monet, in nostris disputationibus intelligentiâ dictorū ex causis dicendi sumendam esse. Ordiamur itaque
ab

ab illa questione, quæ est status disputationis Põtifficiæ, de Traditionibus: & queramus, an Irenæi et Tertulliani disputatio instituta fuerit de recipiendis dogmatibus quibusdam fidei, quæ nullo Scripturæ testimonio probari potuerint: sed quæ uoluerint credi sine Scriptura, extra & præter Scripturam, ex sola traditione, cuius nulla extiterint in Scriptura testimonia. Res autem non est obscura. Vterque enim, & Irenæus et Tertullianus, expresse narrat, de quibus dogmatibus fidei instituta fuerit illa disputatio. recitant enim ad uerbum sermone illos articulos fidei, quos hodie symbolum, quod Apostolicum nominatur, complectitur. Num uero articuli illi fidei, non possunt ex Scriptura probari, ostendi & confirmari? Num contrarij hæreticorum errores, de his articulis non possunt ex Scriptura impugnari & refutari? Certe manifestissimum est, summam totius Scripturæ in hisce potissimum consistere articulis. Et Irenæus in tertio, quarto & quinto libris nihil aliud agit, quam quod ex Scriptura prolixè probat & confirmat articulos istos fidei: & ex Scripturæ testimonijs sumit refutationes corruptelarum pugnantium cum illis articulis.

Hoc igitur quod manifestissimum est, & negari nullo modo potest, primò diligenter obseruetur in hac disputatione, non fuisse scilicet controuersiam de dogmatibus fidei, quorum uel probatio, uel contrariorum refutatio ex Scripturæ testimonijs

non potuerint peti & sumi. Sunt enim illi articuli, in quibus quasi summa totius Scripturæ consistit. Et hoc ideo obseruetur: agnoscet enim lector, quo artificio has Irenæi & Tertulliani disputationes Pontificij detorqueant ad suas traditiones: de quibus ipsi fatentur, quòd nullo Scripturæ testimonio probari possint

Quæ uerò causa fuit, cum articuli illi fidei habeant in Scriptura multa, certa, firma et perspicua testimonia, quòd Irenæus & Tertullianus prouocant ad traditiones, quas Ecclesiæ Apostolicæ ab Apostolis acceptas tunc tenebant & obseruabant? Causam illam non opus est per coniecturas diuinare. Vterq; enim manifestè illam exponit. Num uerò hæc fuit causa, quòd ex Scriptura non potuerunt satis euidentia & firma de illis fidei articulis proferre testimonia, aut hæreticorum fabulas inde refutare? Nequaquam: ipsi enim hæretici non poterāt negare, illam Ecclesiæ fidem habere in Scripturis fundamēta & testimonia, ut sua figmenta à Scripturis argui & refutari. Ideo enim scripturas uel reijciebant, uel deprauabant, uel conquerebantur insufficientes esse. Ita enim Irenæus inquit libro 3. cap. 2. Cum ex Scripturis arguuntur, in accusationem conuertuntur ipsarū Scripturarum, quasi non rectè habeant, neque sit ex authoritate, & quia uariè sint dictæ, & quia non possit ex his inueniri ueritas ab his qui nesciūt traditionem.

non

non enim per literas traditam illam, sed per uiuam uocem. Tertullianus ita inquit: Ista hæresis non recipit quasdam Scripturas: & si quas recipit, ad iectionibus & detraktionibus ad dispositionem instituti sui interuertit: & si recipit, non recipit integras, &c. Item: Dicunt Apostolos non uoluisse omnia omnibus reuclare, quedam palam & uniuerfis, quedam secretò & paucis demādassee: & hoc Paulum uocare depositum. Agnoscit lector, hæreticos cum uiderent, se ex Scripturis perspicuè & firmiter refutari, mouisse certamen de auctoritate ipsarum Scripturarum: 1. Quòd non rectè haberent, & ideo non essent recipiendæ. 2. Quòd uariè essent dictæ, ut non possit inde colligi certa & firma sententia. 3. Non omnes Scripturas recipiebant, sed quasdam tantum: & tamè illas etiam non integras, sed multa addebant, multa etiam detrahebant. 4. Criminabantur ex Scripturis solis non posse inueniri ueritatem, nisi addantur & adhibeantur traditiones: quæ non per literas, sed per uiuam uocem ab Apostolis traditæ essent. 5. Fingebant Apostolos quedam palam & uniuerfis, ut quæ scriptis diuulgauerunt: quedam uerò secretò & paucis demandasse, ex quibus sua probabant figmenta. Et quia hæc eiusdem sint auctoritatis cum illis, ideo Scripturas exponendas & corrigendas secundum secretas & tacitas traditiones, quæ non per literas, sed uiua uoce traditæ sint.

Hæc

Hec ita recitantur ab Ireneo & Tertulliano : ex quibus manifestum euadit, propter quam causam, & in quē finem Patres illi prouocarint ad traditiones. Quia. n. quasdā Scripturas nō recipiebant, aut nō recipiebāt integras : & criminabantur eas uel non rectē habere, uel uarias esse dictas, uel esse insufficiētes, ut ex illis solis nō possit inueniri ueritas : ideo Tertullianus dicit, nō esse prouocandū ad Scripturas : nec in illis certamen constituendum, in quibus aut nulla, aut incerta sit uictoria, contra tales scilicet hæreticos. Num uerò censet, articulos illos fidei de quibus tunc erat certamen, non posse ex Scripturis contra hæreticos defendi, nec corruptelas hæreticorum inde refutari? Certē Ireneus prolixē hoc facit, & per se hoc manifestissimum est. Sed de illis hæreticis qui authoritatē Scripturarum in dubium uocabant, & traditiones opposebant Scripturæ: quiq; alias proferebant Scripturas, additionibus & detractionibus interuersas, quas ueras & germanas esse asseuerabant: de illis, inquam, hæreticis Tertullianus hoc dicit. Et addit rationem, prius probandum esse, apud quos sit ueritas Scripturarū, quā ad ipsas Scripturas prouocaretur. Hanc esse Tertulliani mentem, manifestissimum est. Sceleratē igitur faciunt Pontificij, qui à dicto secundum quid, ad dictum simpliciter Tertulliani sententiam torquent, quasi omnino in controuersijs de religione, non sit prouocandum

dum ad Scripturas: & quasi in disputationibus de dogmatibus fidei, in Scripturis aut nulla, aut omnino incerta sit uictoria. Hoc enim falsissimum esse ex omnium Patrum consensu supra probatum est: & Tertullianus nunquam hoc sensit.

Quia igitur hæretici traditiones opponebant Scripturis, ita ut ex traditionibus conarètur ostendere, 1. Scripturas quas Ecclesia pro canonicis receperat, non esse ueras, & per omnia recipiendas. 2. propter uarietatem, hoc est ambiguitatem, seu incertitudinem & obscuritatem, non posse ex Scriptura intelligi ueritatē. 3. ex solis Scripturis non posse intelligi ueritatem, nisi adhibeantur etiam traditiones, quæ non per literas, sed per uiuam uocē traditæ sint. præter illa enim quæ Apostoli palàm & uniuerfis tradiderunt, quæ postea in literis retulerunt: alia quædam secreto, & paucis demandasse. Irenæus igitur & Tertullianus pro uocāt hæreticos ad traditionem. Et quia utrinq; iactabantur traditiones, questionem illam disputāt, quæ sit uera Apostolorum traditio. Probāt autem illam unam & solam esse ueritatem, quam Christus à Deo accepit, & tradidit Apostolis: quam Apostoli rursus tradiderunt Ecclesijs, & quæ in Ecclesijs per successiones presbyterorum custodita fuit. Et quia tunc temporis in illis præcipuè Ecclesijs, quæ ab Apostolis fundata fuerant, uigebat ueritas discipline Apostolicæ, & fidei Christianæ, ita ut tradu-

cem re-

cem religionis adhuc sincerum obtinerent & conseruarent: suauissimum sanè fuit, ordinem & consensum Ecclesiarum in doctrina considerare. Et rectè tunc dixit Irenæus, Etiam si nulla relicta fuisset ab Apostolis Scriptura: ex illa tamen traditione, quã Ecclesia ab Apostolis acceptã, ad illa usq; tēpora sincera conseruaret, potuisse cognosci quæ esset uera doctrina Apostolica. Num uerò idem ualebit in Ecclesia Pontificia, ita ut quicquid illa tenet & seruat, hoc solo nomine iudicetur Apostolicum, licet nullo Scripturæ testimonio probare possint? Fortiter hoc contendunt patroni pontificis Romani: sed nos dicimus, & ipsa euidentia probat, inter primitiuam Apostolicam Ecclesiã, et inter regnum Pōtificiũ, maiore esse distantia quam sit inter cœlum & terram. Probare igitur prius ipsos necesse est, Ecclesiam suam esse Apostolicã, quàm hoc priuilegium sibi arrogent.

Sed pergamus in inquisitione: hoc enim obseruandum est, quid ex traditione, quæ tunc in omnibus Apostolicis Ecclesijs una & eadem erat, ad quam prouocabant, probarint Irenæus & Tertullianus. Certum est autem, Pontificiorum etiam, ut arbitror confessione, quòd ex traditione non protulerint doctrinam aliquam pugnantem cum Scriptura: hoc enim nomine traditiones, quas hæretici iactabant, damnabant. Illa igitur erit quæstio, An diuersam & aliam doctrinam quàm quæ in Scriptura

ptura tradita erat, Irenæus & Tertullianus ex traditione protulerint & probarint. hoc est: An disputarint & ostenderint, Ecclesiam tunc ex traditione habuisse multa dogmata & mysteria fidei, quæ nullo Scripturæ testimonio probari potuerint. Hunc enim esse statum controversiæ inter nos & Pontificios, aliquoties iam diximus.

Recitant autem uterque, quid sit illud quod ex traditione probant: & sunt illi ipsi articuli fidei, quos symbolum Apostolicum complectitur. Illos autem in Scriptura multis manifestis testimonijs tradi, nullum est dubium. Non igitur aliquod aliud dogma fidei ex traditione proferunt & probant, præter illa quæ in Scriptura continentur: sed eadem, & illa ipsa dogmata quæ in Scriptura comprehenduntur, ostendunt & probant etiam ex traditione. Causas uerò propter quas ad traditionem prouocarint, cum in Scriptura haberent multa firmissima testimonia, supra recensuimus: ut scilicet ostenderent consensum ueræ traditionis Apostolicæ, cum Scriptura.

Ita ergo ex traditionibus probant ueritatem, authoritatem & sufficientiâ Scripturæ: quia scilicet eadem omnino sint dogmata fidei, quæ Scriptura continet, & quæ primitiua Ecclesia, ex Apostolorum traditione accepta, usq; ad illa tempora sincera custodierat. Nam ne apex quidem in tota illa Irenæi & Tertulliani disputatione ostendi potest

di potest de ullo dogmate, quod ex sola traditione ita producant, ut nullos Scripturæ testimonio probari possit.

Et hæc quia fortissimè infringunt & euertunt Pontificiorum fabulationes de insufficientia Scripturæ, & de illis traditionib. quas nullo Scripturæ testimonio probare possunt, attentè sunt consideranda. Simpliciter autem exposui statum disputationis apud Irenæum & Tertullianum: & non uideo, si integra disputatio consideretur, quomodo alia inde possit erui sententia, quàm q. ostendat consensum traditionis Apostolicæ cum Scriptura: ita ut eadè sit doctrina quam Scriptura tradit, & quam primitiua Ecclesia ex Apostolorum traditione acceperat. Et hanc sententiam ipsi autores uerbis nō obscuris ostendūt. Irenæus enim, idem quod ex traditione ostenderat, postea prolixè probat ex Scriptura. Et in ingressu illius disputationis cap. 1. inquit: Apostoli tunc quidem Euāgelium præconiauerunt, postea uerò per Dei uoluntatem in Scripturis nobis tradiderunt, fundamentum & columnam fidei nostræ futurum. Et cap. 3. Hunc patrem Domini nostri Iesu Christi, ab Ecclesijs annūciari ex ipsa Scriptura, qui uelint discere possunt, & Apostolicam Ecclesiæ traditionem intelligere.

Et lib. 4. cap. 63. inquit: Agnitio uera est Apostolorum doctrina, & antiquus Ecclesiæ status in uniuerso mundo, & caractere corporis Christi,

secun-

secundum successiones Episcoporum: quibus illi eam
quæ in unoquoque loco est, Ecclesiâ tradiderunt: quæ
peruenit usque ad nos custodita sine fictione, Scri-
pturarum tractatione plenissima, neque ablationem
recipiens lectio, sine falsatione: et secundum Scri-
pturas expositio legitima et diligens, et sine peri-
culo, et sine blasphemia, et præcipuum dilectionis
munus, &c. Audis antiquum Ecclesiæ statum, et
doctrinam Apostolicam per successiones Episco-
porum peruenisse usque ad Irenæi tempora, et sine
fictione custoditâ fuisse. Sed quomodo? Tractatio-
ne, inquit, Scripturarum plenissima, et expositio-
ne secundum Scripturas legitima. Non dicit de do-
gmatibus fidei, quæ nullo Scripturæ testimonio
probari possunt.

Pontificij semper in ore habent antiquum Ec-
clesiæ statum, et traditiones per manus traditas:
sed illustre est hoc Irenæi testimonium de uerè an-
tiquo Apostolicæ ecclesiæ statu, et quomodo tra-
ditio Apostolica sine fictione custodita fuerit.

Ita Tertullianus de Præscript. Sed et heretici
de Scripturis agunt, et de Scripturis suadent. Alium
de scilicet, inquit, loqui possent de reb. fidei, nisi ex
litteris fidei. Item: Credunt sine Scripturis, ut cre-
dant aduersus Scripturas. Et postea respondens ad
illud quod heretici fingeant, Apostolos præter il-
la quæ palam et uniuersis tradebant, quædâ etiâ
alia, secreto et paucis demandasse, et hoc Paulum

uocare depositum, ita inquit Tertullianus: Quod hoc depositū est tam tacitum, ut alterius doctrinæ deputetur? an illius denunciationis, de qua ait: Hanc denunciationem commendo apud te Timothee. item illius præcepti, de quo ait: Denuncio tibi ut custodias præceptum. Quod autem præceptum, quæ denuntiatio, ex supra & infra scriptis intelligitur, non nescio quid subostendi hoc dicto, de remotiori doctrina. Item: Nam & cum dicit (hæc) de eis dicit, de quibus in præsemi scribebatur de occultis autem, ut de absensibus apud conscientiam non (hæc) sed (illa) dixisset.

Pagina 109. Percurre Ecclesias Apostolicas, apud quas ipsæ adhuc cathedræ Apostolorum præfidentur, apud quas ipsæ adhuc authenticæ literarum recitantur, sonantes uocem, representantes faciem uniuscuiusq;. Item: Habes Romam, & inde nobis quoq; authoritas præstò est. Videamus quid didicerit, quid docuerit. Vnum Deum nouit creatorem uniuersitatis, & Christum Iesum ex uirgine Maria, filium Dei creatoris, & carnis resurrectionem. Legem & Prophetas cum Euangelicis & Apostolicis literis miscet, & inde petat fidem eam. Et max de hæreticis inquit: Quibus fuit propositum aliter docendi, eos necessitas coegit, aliter disponendi instrumenta doctrinæ. Alias enim non potuissent aliter docere, nisi aliter haberent, per quæ docerēt hæresin. Et sicut illis nō potuisset suc-

set succedere corruptela doctrinae, sine corruptela instrumentorum eius: ita & nobis integritas doctrinae non competisset, sine integritate eorum per quae doctrina tractatur. Consideret lector, quomodo Tertullianus in hac sententia de Scriptura loquatur. Et paucis interiectis, de Scripturis ita inquit: Quod sumus, hoc sunt, ab initio ex illis sumus. Vides lector, qualem instituat collationem seu συμφωρίαν Scripturarum, et primitivae Ecclesiae, tenentis sinceram traditionem Apostolicam. Quod nos, inquit (scilicet tenentes traditionem Apostolicam) sumus, hoc sunt Scripturae: & quidem ex ipsis nos sumus. Sunt igitur (ut ita dicam) duae aequivalentes seu termini convertibiles: antiquus Ecclesiae status, tenens veram Apostolicam traditionem, de doctrina Scripturae sacrae.

Hec prolixius aliquando tractavi, primo ideo, quia truncata illae sententiae, quae ex Irenaeo & Tertulliano citantur, possum lectorem perurbare, nisi tota illorum disputatio considerata proponatur. Secundo, quia ex illa Irenaei & Tertulliani disputatione, firmissimè munitur & comprobatur nostra sententia de authoritate, perfectione & sufficiencia Scripturae, & simul refutantur Pontificiorum traditiones: quas ipsi fatentur, se nullo Scripturae testimonio probare posse. Ostendimus enim, Irenaeum & Tertullianum probare consensum traditionis Apostolicae & Scripturae.

re, ita ut traditio non opponatur Scripturæ, tanquam uel falsæ, uel ambiguae, uel imperfectæ. hoc enim hæreticos contendisse, Irenæus ostendit cap. 2. Sed ex traditione probatur & confirmatur ueritas, authoritas, certitudo, perfectio & sufficientia Scripturæ: ita ut amiquus Ecclesiæ status & uera traditio Apostolorum, custodiatur tractatione & expositione Scripturarum. Quando igitur proponuntur traditiones, quæ cum Scriptura non consentiunt, & ex Scriptura ostendi & probari non possunt: certissimum est, eas non esse Apostolicas. Hoc fundamentum firmum & perspicuum est, quod cauillationibus sophisticis impeti quidem et exagitari, non tamen labefactari aut eueri potest. Ideo lectori hanc Irenæi & Tertulliani disputationem, diligenter commendo. Quod igitur de doctrina Christi & Apostolorum Tertullianus dicit, hoc nos rectissimè ad Scripturam accommodamus: sunt enim termini (sicut dictum est) conuertibiles. Est aut hæc Tertulliani sententia: Cum credimus, nihil desideramus ultra credere. hoc enim prius credimus, nō esse quod ultra credere debeamus, &c. Hæc de dogmatibus dicit Tertullianus: de ritibus uerò paulo post dicemus.

Et ad confirmationem eorum quæ hætenus diximus, multum faciunt illa etiam, quæ suprâ ex Eusebij libro 5. cap. 20. de Irenæi testimonio super traditionibus Polycarpi annotauimus: quod scili-

eet Polycarpus commemorauerit discipulis suis, quæ ab Apostolis tanquam uiuis testibus acceperat de Domino, de uirtutib. de doctrina eius. Sed quid? Num alia fuerunt quàm quæ in Scriptura tradita sunt? Num tradidit Polycarpus dogmata quædam, ut ab Apostolis tradita & accepta, quæ nullo Scripturæ testimonio probari possunt? Nequaquam, inquit Irenæus: sed tradidit *ταῦτα ὅσα ἡ ἐκκλησία* *ὑποδέχεται*, omnia consona Scripturis sacris. Tales igitur fuerunt, sunt, & debent esse omnes traditiones, quæ tanquam Apostolicæ proferruntur. Et semper examinandæ sunt, an habeant illam Irenæi *συνφωνίαν* cum Scriptura sacra. Si igitur uero & pio studio queritur, quæ sit uerè antiqua & Apostolica traditio: non opus est excogitare fabulas de purgatorio, de aqua benedicta, & similibus. Irenæus enim & Tertullianus, in illa de qua iam multa diximus disputatione, non in genere tantum loquuntur: sed quæ sit Apostolica traditio in specie liquidò, expressis uerbis ostendunt, describunt & recitant.

Antiquissima enim symbola, cōplectensia summam doctrinæ et traditionis Apostolicæ, tribus in locis extant apud Irenæum & Tertullianū, quæ adscribam. Ostendent enim unde sumptum sit Symbolum, quod uulgò uocatur Apostolicum. Irenæus enim libro 3. capite 4. dicit, Barbaras quasdam Gentes, sine caractere & atramento

326 EXAMEN DECRETORVM

ueterem traditionem diligenter custodire: credentes in unum Deum, fabricatorem coeli & terrae, & omnium quæ in eis sunt, per Christum Iesum Dei filium: qui propter eminentissimam erga figmentum suum dilectionem, eam quæ esset ex uirgine generationem sustinuit, ipse per se hominem adunans Deo: & passus sub Pontio Pilato, & resurgens, & in claritate receptus in gloria uenturus Saluator eorum qui saluantur, & Iudex eorū qui iudicantur: & mittens in ignem æternū transfiguratores ueritatis, & contēptores patris sui & aduentus eius, &c. Quibus Barbaris si quis annunciat quæ ab hæreticis adinuena sunt, statim concludentes aures, longo longius fugient. Sic per illam ueterem Apostolorum traditionem, non admittunt hæreticorum portentiloquia, &c.

Hæc est uera & uetus Apostolorum traditio: quæ nihil tradit extra & præter Scripturam, sed complectitur summam totius Scripturæ.

Et lib. 1. cap. 2. Irenæus similiter exponit prædicationem Apostolicam: Ecclesia, inquit, per uniuersum orbem usq; ad fines terræ seminata, & ab Apostolis, & à discipulis eorum accepit eam fidem, quæ est in unum Deū patrem omnipotentē, qui fecit coelum & terram, mare, & omnia quæ in eis sunt: & in unum Iesum Christū, filium Dei incarnatum pro nostra salute: & in Spiritum sanctum, qui per prophetas prædicauit dispositiones
Dei,

Dei, & aduentum, & eam quæ est ex uirgine generationem, & passionem, & resurrectionem à mortuis, & in carne in cœlos ascensionem dilecti Iesu Christi, Domini nostri, & de cœlis in gloria patris aduentū eius: ut Christo Iesu Domino nostro, & Deo et Saluatori & regi secundū placitū patris inuisibilis, omne genu curuetur cœlestium, terrestriū & infernōrū, & omnis lingua confiteatur ei, & iudicium iustū in omnibus faciat: spiritalia quidē nequitie, & angelos transgressos & apostotas factos, & impios, & iniustos, & iniquos, & blasphemos homines in aternū ignē mittat, iustis autem & æquis, & præcepta eius seruauitibus, & in dilectione eius perseverantibus, quibusdā quidem ab initio, quibusdā uerò ex poenitentia uitā donans, incorruptelam loco muneris cōferat, & claritatem aternam circumdet. Hanc prædicationem cum acceperit, & hanc fidem Ecclesia, & quidē in uniuersum mundum disseminata diligenter custodit, quasi unam domum inhabitans: et similiter credit ijs, quasi unam animā habens, & unū cor: & consonanter hæc prædicat, & docet, & tradit, quasi unū possidens os. Nam etsi in mūdo loquellæ dissimiles sunt, sed tamen uirtus traditionis una et eadem est. Et neq; hæ quæ in Germania sunt fundatæ Ecclesiæ aliter credunt, aut aliter tradunt: neq; hæ quæ in Hiberis sunt, neq; hæ quæ in Celtis, neq; hæ quæ in Oriente, neq; quæ in Aegypto,

neq; hæc quæ in Libya, neq; hæc quæ in medio mundi sunt constitutæ. Sed sicut sol in uniuerso mundo unus & idem est, sic & lumen prædicatio ueritatis ubiq; lucet, & illuminat omnes homines qui uolunt ad cognitionem ueritatis uenire, &c. Hæc igitur est Apostolica traditio, hæc uera Ecclesiæ antiquitas, hic catholicus consensus.

Et omnia sunt sacris Scripturis consona, quæ nos & recipimus & profitemur. Habemus igitur ueras & antiquas Apostolorum traditiones. Sed Pontificij de alijs nugis fabulamur, quando de traditionibus disputant.

Tertullianus etiam de Præscript. Regula auctem est fidei, qua creditur unum omnino Deum esse, nec alium præter mundi conditionem, qui uniuersa ex nihilo produxerit, per uerbum suum primo omnium emissum. id uerbum filius eius appellatum, in nomine Dei uariè uisum patriarchis, in prophetis semper auditum: postremò delatum ex spiritu Dei & uirtute in uirginem Mariam, carnem factum in utero eius, & ex ea natum hominem, & esse Iesum Christum. exinde prædicasse nouam legem, & nouam promissionem regni celorum: uirtutes fecisse, fixum cruci, tertia die resurrexisse, in celos creptum, sedisse ad dextram patris, misisse uicariam uim Spiritus sancti qui credentes agat, uenuram cum claritate, ad sumendos sanctos in uitæ æternæ et promissorum coelestium fructum,

flum, & ad prophanos iudicandos igni perpetuo, facta utriusq; partis resurrectione, cum carnis restitutione. Hæc regula ut probabitur à Christo instituta, nullas habet apud nos quæstiones, nisi quas hæreses inferunt, & quæ hæreticos faciunt. Hæc Tertullianus. Descripsi autem hæc Symbola, ut ostenderem, nos nō reprobare quas certò constat ueras & antiquas esse Apostolorum traditiones. Concilium uerò Tridentinum (quod notandū est) ideo confessionem Symboli seiunxit à traditionib. ut sciens, ipsos non potissimū contendere de ueris, certis & antiquis illis Apostolorum & Ecclesiæ traditionib. sed de alijs rebus, quas pro stabiliendo regno Pontificio, sub titulo & prætectu Apostolorū traditionū nobis obtrudūt. Et Andradius dicit anathema illis, qui phibent: Nisi de ueteri et nouo Testamēto euidenter fuerim⁹ edocti, nō sequimur doctrinas Patrū, et Ecclesiæ traditionē.

QUARTVM GENVS TRADITIONVM.

Quartum genus traditionum, est de expositione, uero sensu, seu natua sentētia Scripturæ. Nam ex Irenæo & ex Tertulliano constat, fuisse ipsis non de Scriptura tantum, uerumetiam de expositione seu sensu Scripturæ certamina cum hæreticis. Ita enim Tertullianus inquit: Ista hæresis, si Scripturas aliquatenus integras præstat, nihilominus diuersas expositiones commentata conuertit.

sensus, quantum & corrupta stylus. Item: illic & Scripturarum & expositionum adulteratio deputanda est, ubi diuersitas inuenitur doctrinae. Et Irenaeus ostendit, haereticos exposuisse Scripturam, non sicut in manifestis & apertis locis sonat, sed ex figuratis, parabolicis & obscuris locis, falsa et prodigiosa quaedam extruxisse, quibus deinde manifestos & apertos locos eludebant. Et prætexebant, se illas interpretationes accepisse ex traditione, quæ non per literas, sed per uiuam uocem tradita fuisset. Irenaeus lib. 3. cap. 2. & lib. 2. cap. 35. & per sequentia capita. Ita etiã Tertullianus inquit: Nitumur his quæ de ambiguitate coeperunt. In hoc igitur certamine de legitima expositione, siue de uero et natiuo sensu Scripturæ, cum quidem haeretici suis interpretationibus prætexerent titulum Traditionum, Irenaeus & Tertullianus prouocant ad ueram traditionem Ecclesiæ. Nul- lum enim est dubium, primitiuam Ecclesiam accepisse ab Apostolis, et à uiris Apostolicis, non tantum textum (sicut loquimur) Scripturæ, uerum etiam legitimam & natiuam eius interpretationem. quam quia primitiua Ecclesia, ad illa usque tempora sine fisione custodierat, ita ut ceris documentis probare posset, à quibus eam accepisset, & ita retrò progressus fieret ad ipsos usq; Apostolos: iucundissima sanè fuit illa consideratio, quæ pie mentes plurimum confirmata fuerunt con-

tra hereticorū corruptelas. Sed priusquā progrediamur, recurrendum est ad statum huius nostræ disputationis de Traditionibus: an scilicet Irenæus & Tertullianus, in illa disputatione de Scripturæ interpretatione, dogma aliquod, aut interpretationem aliquam proferant ex traditionibus, extra & præter Scripturam, quæ nullo Scripturæ testimonio probari possit. Certè Irenæus lib. 4. cap. 63. dicit, legitimam expositionem esse secundum Scripturas. Et lib. 2. cap. 46 & 47. tradit regulas aliquot de interpretatione Scripturæ: ex quibus intelligi potest, quæ sit uerè Apostolica traditio de interpretatione Scripturæ. 1. Sanū sensum, et qui sine periculo est, illū esse, quæ aperte et sine ambiguo, ipsis dictionib. in Scripturis ponitur. Addit aut: Vniuersæ Scripturæ, et prophetica et Euāgelica, in aperto et sine ambiguitate, et similiter ab omnib. audiri possunt. Itē: Habemus regulā ipsam ueritatē, et in aperto positū de Deo testimonium. hoc est (sicut August. inq.) in his quæ aperte in Scripturis posita sunt, inueniuntur illa oīa, quæ cōtinēt fidem moresq; uiuendi. 2. Quæ uerò in parabolis ambigūe, non aperte, neq; ipsa dictione, neq; sine cōtrouersia in Scripturis dicta sunt, nō esse interpretāda cōtra ea quæ aperte dicta sunt: neq; inde extruendū aliquid, quod ex alijs quæ manifestè dicta sunt probari nō possit. Ideo exercitiū quidē, et inquisitionem in huiusmodi locis probat: ita autem

ne excidamus ab ea suafione quæ manifestiffimè
 prædicatur: hoc est, obscura Scripturæ loca uult
 exponi ex illis, & secundum illa quæ manifestif-
 fimè in Scriptura posita sunt. 3. Interpretatio
 nem uult ita institui, ut ueritatis corpus integrũ, et
 simili aptatione membrorum & sine concussione
 perseueret. hoc est: interpres totum corpus do-
 ctinæ, quæ in Scripturis traditur, sibi præponere
 debet, ne interpretatio contra illud feratur. Et ui-
 detur idem uelle quod Tertullianus dicit, secun-
 dum plura interpretanda esse pauciora: & quod
 Paulus Romanor. 12. exigit, ut prophetia sit ana-
 loga fidei. 4. Multa sunt mysteria in Scriptu-
 ra, quæ in hac infirmitate perscrutari non possu-
 mus. Dicit igitur, si omnium quæ in Scripturis
 requiruntur, absolutiones, non possumus inueni-
 re, alium tamen Deum non requiramus: hoc est,
 sicut antea dixerat, ab ea suafione quæ in Scriptu-
 ris manifestiffimè prædicatur, non excidamus.
 Ita in Scripturis quedam absoluamus secundum
 gratiam Dei, quedam autem commēdemus Deo,
 non solum in hoc seculo, sed & in futuro. Et tan-
 dem concludit: Si secundum hunc modum, quæ-
 dam questionum Deo commiserimus, & fidem
 nostram seruabimus, & omnis Scriptura à Deo
 nobis data, consonans nobis inuenietur: & para-
 bole his quæ manifestè dicta sunt, consonabunt:
 & manifestè dicta, absoluent parabolas: & per
 dictio.

ditionum multas uoces, unam consonantem melodiam in nobis sentiemus.

Has de interpretatione regulas ex Irenæo ideo annotauimus: tum quia utiles et pulchræ sunt, ex Apostolica traditione acceptæ: tum uerò præcipuè, ut ostenderem ueterem Apostolicæ et primitiuæ Ecclesiæ traditionem, de interpretatione Scripturæ, non abduxisse homines à Scriptura: nec in interpretatione finxisse dogmata quædã, extra et præter Scripturam, quæ nullo Scripturæ testimonio probari possent: sed ex ipsis Scripturis, et secundum Scripturas, institutum et sumptum fuisse sanum Scripturæ sensum.

Ad Apostolicas etiam traditiones de interpretatione præcipuè pertinet, quid Irenæus et Tertullianus, quando de ueritate expositionum prouocant ad Apostolorum traditionem, quæ in Ecclesijs sincera tunc adhuc seruabatur, recitant et describunt, qualis sit illa traditio: symbolum scilicet, seu regula fidei, cuius uerba in tertio genere traditionum annotauimus. Nihil autem ibi est sine Scriptura, extra et præter Scripturam: sed sicut Irenæus de Polycarpi traditionibus inquit, *τὰς αὐτὰς οὐκ ἔστιν ἄλλοις ἢ τοῖς γραφείοις*.

Has uerò Germanas, antiquas, et ueras Apostolorum traditiones, summa cum reuerentia amplectimur. Profitemur enim, nos uera fide amplecti omnia scripta Prophetarum et Apostolorum: et
quidem

334 EXAMEN DECRETORVM

quidem in hac ipsa natua sententia, quæ expressa est in symbolis Apostolico, Niceno & Athanasiano. Damnamus etiã constanter omnes furores, qui pugnant cum Symbolis, quicq; cõdemnati sunt ueris Ecclesiæ iudicijs. Tertullianus symbolum uocat regulam fidei: qua salua, & forma eius manente in suo ordine, possit in Scriptura tractari, inquiri, si qd uidetur uel ambiguitate pendere, uel obscuritate obumbrari. Et ita August. expositurus Genesin, præmittit articulos fidei: ut in explicatione questionũ difficillimarũ, si nihil dixerit contra hanc regulã fidei, sed quæ illi consensanea sunt, nõ possit dici errasse: etiamsi fortè sensum & mysteria uerborũ non ubiq; affecutus, nec questionibus satisfacisse per omnia uideri posset. Irenæus etiam lib. 1. cap. 3. de regula illa fidei quã supra descripsi mus, inquit: Et neq; qui ualde præualet in sermone, ex ijs qui præsumunt in Ecclesijs, alia q̃ hæc sunt dicet: neq; infirmus in dicendo deminorabit traditionem. Et cap. 4. recitat qui fuerint, quasi loci communes, in explicationibus eorum qui doctiores fuerunt: exquirere scilicet ea quæ in parabolis dicta sunt, & adiungere ueritatis argumẽto: dispositionem Dei in genere humano factam enarrare: de lapsu angelorum & hominum differere: quare quædã temporalia, quædam æterna, quædam terrena, quædam coelestia unus & idem Deus fecerit, annuuciare: quare in ueteri Testamento,

mento, alia atq; alia forma inuisibilis Deus apparuerit: de discrimine ueteris & noui Testamenti: quare concluderit Deus omnia in incredulitatem, ut uniuersis misereatur: quare uerbum Dei caro factum: quare non in initio, sed in nouissimis temporibus apparuerit: de fine seculi: de futuris quæ in Scriptura prædicta sunt: de resurrectione: de uocatione Gentium, &c.

Hæc igitur omnia, quæ de legitima expositione, & sano sensu Scripturarum, ex traditione Apostolorum, Irenæus & Tertullianus recitant, cum recipiamus et amplectamur. nõ possumus accusari, q. ueras, genuinas & ueteres Apostolorum traditiones de Scripturæ interpretatione negligamus aut repudiemus. Illud uerò quod Pontificij sibi arrogant, fatemur nos improbare: quòd uolunt nos simpliciter recipere quasuis interpretationes, quas ex scrinio pectoris Pontificij, siue ex decretis prælatorum Ecclesiæ, siue liquidis & certis sacre Scripturæ probationibus & documentis nobis obtrudunt. Hoc enim non est traditionis Apostolicæ, sicut iam ostendimus.

V. GENVS TRADITIONVM.

Quintum genus Traditionum constituemus illud, quòd Patres aliquando ita uocant illa dogmata, quæ non totidem literis & syllabis in Scriptura ponuntur: sed bona, certa, firma et manifesta ratiocinatione, ex perspicuis Scripturæ testimoniis

testimonijs colliguntur. Nazianzenus rectè et uenustè dicit: Quædam & esse, et dici in Scripturis: quædam uerò esse in Scripturis, tametsi non dicantur. Idem lib. 5. de Theologia, recitat obiectionem hæreticorum, negantium Spiritum sanctum esse Deum: Vnde, inquit, peregrinum hunc Deum, & Scripturæ uerbis nusquam expressum nobis introducis? Respondet autem: Sicut patrem esse ingentum, non ponitur tot syllabis in Scriptura, tamè ex illis quæ scripta sunt colligitur: ut cum dico, bis quinque, non dico decem: tamen si inde colligam, & dicam decem, rectè dico: ita si aliquid in Scriptura exprimitur, si illud nomine donatum enunciem, rectè facio. Ita Origenes lib. 5. ad Rom. dicit: Ecclesia ab Apostolis accepit traditionem, etiam paruulis Baptismum dare. Idem in Leuit. homilia 8. dicit; secundum Ecclesiæ obseruantiam, etiam paruulis baptismum dari. Augustinus etiã de Bapt. contra Donatistas lib. 4. cap. 23. de paruulorũ baptismo inquit: Quod traditũ tenet uniuersitas Ecclesiæ. Et addit: Quod uniuersa tenet Ecclesia, nec concilijs institutum, sed semper retentum est, non nisi Apostolica autoritate traditum rectissimè credimur. Et de uerbis Apostoli, Sermone 14. de baptismo paruulorũ: Hoc habet autoritas matris Ecclesiæ, hoc fundatus ueritatis obtinet canon.

Affirmant igitur Origenes et August. baptismũ paruulorum esse traditionẽ Apostolicã. Hoc recipimus.

pimus. Sed respiciamus ad statum disputationis nostræ cum Pontificijs, de Traditionibus: An scilicet affirmant, esse talem traditionem quæ nullo Scripturæ testimonio probari possit. Et illæ quidem literæ & syllabæ non reperiuntur in Scriptura: Infantes sunt baptisandi, Apostoli baptisarunt infantes. Sed Patres quando dicunt, baptisma paruulorum esse traditionem: idem probant & confirmant certis & manifestis Scripturæ testimonijs.

Et quia Lindanus hac traditione nobis insultat, quasi dogma aliquod fidei sine Scripturæ testimonijs, ex sola traditione non scripta recipiamus: annotabo aliquot ueterū testimonia, quòd ualde multis Scripturæ testimonijs probent & confirment illam traditionem, Paruulos esse baptisandos. Augustinus enim dicit: Et si quisquam in hac re auctoritatem diuinam quærat, quanquam quod uniuersa tenet Ecclesia, non nisi auctoritate Apostolica traditum rectissimè credimus: tamen ueraciter conijcere possumus quid ualeat paruulis baptismi sacramentum, ex circumcisione carnis, etc.

Origenes ubi dicit, traditionem Apostolorum esse, paruulis baptismum dare, mox addit: Sciebāt enim illi, quibus mysteriorum secreta commissa sunt diuinorū, quia essent in omnibus genuinæ sordes peccati, quæ per aquam & spiritum ablui deberent: propter quas etiam corpus ipsum, corpus peccati nominatur.

Ita Irenæus li.2.ca.39. dicit: Omnes uenit Christus per semetipsum saluare: omnes inquam, qui per eum renascuntur in Deum, infantes, paruulos, pueros, iuuenes & seniores.

Origenes in Lucam, homilia 14. Quomodo potest ulla lauacri in paruulis ratio consistere, nisi iuxta illum sensum: nullus mundus à sorde, nec si unus diei quidem fuerit uita eius super terrā. Et quia per baptismi sacramentum, natiuitatis sordes depununtur, propterea baptisantur & paruuli. Nisi enim quis renatus fuerit ex aqua & spiritu, non poterit intrare in regnum cœlorum.

Cyprianus lib.3.epist. 8. paruulorum baptisma inde probat: Cum Dominus in Euangelio dicat, Filius hominis non uenit animas hominum perdere, sed saluare: quantū in nobis est, si fieri potest, nulla anima perdenda est. Nam Deus ut personam nō accipit, ita nec ætatem.

Chrysostomus homilia de Adam & Eua: Ideo prædicat Ecclesia catholica debere paruulos baptisari, propter originale peccatum, de quo sanctissimus ille bene clamabat: In iniquitatibus cōceptus sum, & in peccatis concepit me mater mea.

Ambrosius lib.10.epist.89. dicit, Pelagianos euacuare baptismi paruulorū: cū Ioānes protestetur, Ecce agnus Dei qui tollit peccata mūdi. Item: Sicut nunc in Ecclesia manet cōstitutio Saluatoris dicentis: Nisi quis renatus fuerit ex aqua & spiritu, non intrabit

Intrabit in regnum cœlorum: ita de circumcissione in lege præcautum erat, nisi in die circūcideretur oſſauo, exterminaretur anima, &c.

Augustinus epist. 89. Dicunt infantem non baptisatum perire non posse, quia sine peccato nascatur. sed dicit doctor gentium, in quo Christus loquebatur: Per unum hominem peccatum intrauit in mundum, & per peccatū mors, & ita in omnes homines pertransijt, in quo omnes peccarūt. Item: Iudicium ex uno delicto in condemnationem, gratia autem ex multis delictis in iustificationē. Proinde isti, quem forte inuenerunt infantem, non ex illius unius hominis concupiscentia procreatum ipsum dicant, illi damnationi non esse obnoxium, nec per Christi gratiam ab illa damnatione esse liberandum. Ideo non est superfluous baptismus paruulorum: ut qui per generationem illi condemnationi obligati sunt, per regenerationem ab eadem condemnatione liberentur. Non autem inuenitur homo, qui præter Christum spiritualiter regeneretur.

Has ueterum sententias ideo recensui, ut lector ipse uideat, baptismum paruulorum ita ab ipsis uocari traditionem, ut ualde multis, certis & firmis Scripturæ testimonijs illum probent & confirment. Iussi enim sunt Apostoli baptisare omnes Gentes: scibuntur baptisasse totas domos seu familias: in quibus non est dubium, comprehendi etiam
 2 1 infantes.

infantes, quos Christus sibi iubet adduci. Andradius insultat nobis Augustini testimonio, qui de Bapt. contra Donatistas lib. 2. cap. 7. inquit: *Quam consuetudinem (non rebaptisandos ab hæreticis semel baptisatos) credo ab Apostolica traditione uenientem: sicut multa non inueniuntur in literis eorum, neq; in Concilijs posteriorum: & tamen quia per uniuersam custodiuntur Ecclesiam, nõ nisi ab ipsis tradita & commendata creduntur.*

Et de eadẽ disputatione cõtra Cresconiũ li. 1. ca. 33. inquit: *Quamuis huius rei certæ, de Scripturis canonicis non proferatur exemplum: eorundẽ tamen Scripturarũ etiã hac in re a nobis tenetur ueritas, cum hoc facimus, quod uniuersæ iam placuit Ecclesiæ, quàm ipsarum Scripturarum commẽdat authoritas: ut quoniã sancta Scriptura fallere non potest, quisquis falli metuit huius obscuritate questionis, eandem Ecclesiam de illa consulat, quàm sine ulla ambiguitate sancta Scriptura demonstrat, &c.* His sententijs possunt facum facere illis quibus ignota est integra Augustini disputatio. Sed Augustini quæstio in illo loco hæc est, *An possit proferri exemplũ ex Scripturis Canonicis, quòd aliquis ab hæreticis ueniens, uel denuò sit baptisatus: uel sine iteratione baptismi, post pœnitentiam per impositionem manuum sit susceptus. Et fatetur in neutrum partem exemplum de facto, ex Scriptura posse proferri.*

Sed

Sed de iure (ut ita loquar) disputans, utra sententia sit uel uera uel falsa, quero ab Andradio, num Augustinus sola nitatur consuetudine & traditionis non scriptæ, ita ut consuetudo & traditio illa Ecclesiæ, nullo Scripturæ testimonio probari & confirmari possit? Hic enim est status nostræ disputationis cum Pontificijs. Et illi quidem pro stabiliendis suis traditionibus, quas nullo Scripturæ testimonio probare possunt, illos Augustini sententijs abutuntur: sed magna impudentia luculentam iniuriam faciunt Augustino. Prolixa enim disputatione ex multis Scripturæ testimonijs, sententiam suam probat. Et quia uideri possunt illæ Augustini sententiæ, traditioni & consuetudini Ecclesiæ, sine testimonijs Scripturæ, plusculū tribuere: loca quædam ex ipsa Augustini disputatione annotabo: quæ ostendent, ipsum nullo modo secutum traditionem aut consuetudinē, quæ nullo Scripturæ testimonio probari possit. Lib. 1. de Bapt. con. Donatistas, cap. 7. Ne uidear humanis argumentis agere, ex Euangelio profero certa documenta. lib. 2. cap. 14. Quid sit penicisiosus, utrū non baptisari, an rebaptisari, iudicare difficile est. Veruntamen recurrens ad illam stateram Domini cam, ubi non ex humano sensu, sed ex autoritate diuina rerum momenta pensantur: inuenio de utraq; re Domini sententiam. Qui lotus est, non habet necessitatem iterum lauandi. & : Nisi quis

342 EXAMEN DECRETORVM

renatus ex aqua, &c. Ipsa denique Ecclesia, sic traditum tenet, &c.

Lib. 3. cap. 4. Profectò issem in Cypriani sententiam, nisi me ad diligentiorē considerationē reuocaret tanta auctoritas aliorum: non quia fieri non potuit, ut in obscurissima questione uerius pluribus, unus paucius sentirent: sed quia non facile pro uno uel pro paucis aduersus innumerabiles eiusdem religionis & unitatis uiros, nisi pertractatis pro uiribus, atq; perspectis rebus ferenda esset sententia. Lib. 4. cap. 6. Illa consuetudo, quam etiā tunc homines sursum uersus respicientes, non uidebant à posterioribus institutā, rectē ab Apostolis tradita creditur. Sed mox addit cap. 7. Quanta robustius nunc dicimus, quod Ecclesie consuetudo semper tenuit, & quod plenarium concilium confirmauit hoc sequimur. Huc accedit, quia bene perspectis ex utroq; latere disputationis, rationibus & Scripturarum testimonijs, potest etiam dici: Quod ueritas declarauit, hoc sequimur.

Lib. 5. cap. 4. Quisquis & Ecclesie consuetudine, & posteriori robore plenarij concilij, & tot tantisq; sanctarum Scripturarū testimonijs, & perspicuis rationibus ueritatis intelligit, Christi baptismum uerbis Euangelicis consecratum, non fieri cuiuslibet hominis peruersitate peruersum, &c.

Lib. 5. cap. 23. Apostoli nihil quidem exinde preceperunt, sed consuetudo illa, ab eorum traditione
exordium

exordium sumpsisse credendum est: sicut sunt multa, quæ uniuersa tenet Ecclesia: & ob hoc ab Apostolis percepta bene creduntur, quanquã scripta nõ reperiantur. Sed audi, quid mox subiungat: Contra mandatum Dei esse, quod uenientes ab hereticis, si iam illic baptismum Christi acceperunt, baptisantur: quia Scripturarum sanctarum testimonijs non solum ostenditur, sed planè ostenditur, &c.

Cap. 26. Quod autem Cyprianus nos admonet, ut ad fontem recurramus, hoc est ad Apostolicã traditionẽ, & inde canalem in nostra tempora dirigamus: optimum est, & sine dubitatione faciendum. Traditũ est ergo nobis, sicut ipse commemorat, quod sit unus Deus, unũ baptisma. & lib. 6. ca. 1. Poterat iam sufficere, quod toties repetitis rationibus, adiũctis etiã diuinarũ Scripturarũ documentis ostendimus, &c. Hæc plurib. quàm fortassis necesse uideri poterat, ex Augstino repetiui. Quia .n. aliquoties in hac disputatione meminit traditionis, ostendendũ fuit falsum esse, quod Põtificij inde extruunt: ex sola traditione multa esse credẽda, quæ nullo Scripturæ testimonio probari possunt. Augstinus .n. qui concedit, facti quidẽ nullum extare in Scriptura exemplũ: ipsum tamẽ ius (ut hoc modo loquar) ostẽdit multa certa habere in Scripturis documenta. Nec nos de literis & syllabis cõtendimus, modò res ipsa habeat certa in Scriptura fundamenta. Et cõcedimus magnũ robur esse, si Ecclesiæ con-

suetudo & traditio cum certis & manifestis Scripturæ testimonijs consentiat. Hic uerò est status cōtrouersie inter nos & Pontificios: An in dogmatibus Ecclesiæ recipienda sit siue cōsuetudo siue traditio, quæ nullo Scripturæ testimonio probari potest. semper enim repeto Andradij uerba.

Ad hoc quintum genus traditionum, multa pertinent ueterū disputationes de dogmatibus: quæ re ipsa in Scriptura, certa & firma habent testimonia, licet totidem literis & syllabis non exprimantur: ut quòd filius sit ὁμοούσιος patri. Ariani siquidem funestis tragædijs orbem turbabant: cum nullum dogma recipiendum sit, præterea quæ scripta sunt: ideo repudandum esse ὁμοούσιον, quia sit ἕτεροφυ. Patres uerò in illa disputatione non opponebant Arianis hoc axioma, multa dogmata quæ nullo Scripturæ testimonio probari possunt, propter solum traditionis titulum suscipienda & credenda esse: sed simpliciter respondebant, licet uocabulum non extet in Scriptura, rem ipsam tamen habere certissima Scripturæ testimonia. Ita Athanasius Tomo 2. in oratione Quòd decreta Nicenæ Synodi, commodis & pijs uerbis sint exposita: Tametsi hæ uoces, inquit, in Scriptura non reperiuntur: habent tamen eam sententiam, quam Scripturæ uolunt.

Et Cyrillus lib. 1. dialogorū de Trinitate, ad objectionē, quòd homousion sit ἕτεροφυ, respondet,
rem

rem ipsam quæ per illud uocabulū significatur, habere certissima Scripturæ testimonia: ut si quis dicat Deum incorporeum. Eadem ratio est de unione personali, de duabus naturis in Christo, & similibus. Falsum enim est, Ecclesiam illa dogmata habere sine Scripturæ testimonijs, ex sola Patrum traditione. *λογομαχίας* uerò illorum qui de uocabulis tantum rixantur, cum res ipsa habeat Scripturæ testimonia, meritò improbantur.

Multa talia sunt exempla de modis loquendi à Patribus acceptis, quorū res ipsæ in Scriptura sunt fundatissimæ. Ita Basilius diuinitatem Spiritus sancti probat ex Scripturæ sacre testimonijs, & addit etiam antiquitatis consensum. Formulā uerò glorificationis, Gloria Patri & Filio cum Spiritu Sancto, probat ex traditione Patrum, quæ tamen cū doctrina Scripturæ consentit. Et tamen formula illa, ex traditione accepta, nunc mutata est. dicimus enim: Gloria Patri & Filio et Spiritui Sancto: quia ad uerba institutionis baptismi, propius conuenit coniunctio Et, quàm præpositio Cum. Ita traditiones exiguntur ad Scripturam, et cedunt Scripturæ. Nazianzenus lib. 5. de Theologia dicit, *φιλικὸν τὸ ὑπερέμμετος*. Studium literæ, esse pallium seu prætextum impietatis. Hoc Lindanus ita deprauat, quasi Nazianzenus sentiat impietatem esse, ita additum esse Scripturæ, ut nullum dogma recipiatur, quod Scripturæ testimonijs probari non possit:

tum ipse Nazianzenus dogma illud quod ibi tractat de diuinitate Spiritus sancti, multis Scripturæ testimonijs prolixè probet. Sed illos reprehendit, qui cum non totidem literis & syllabis in Scriptura reperiant: Spiritus sanctus est Deus, eiusdem essentie cum patre & filio: licet dogma illud alijs certis Scripturæ testimonijs firmiter probetur, utuntur tamen sophisticis tergiuersationibus, ut impietatem suam aduersus Scripturæ sententiā, prætextu aliquo occultare possint. Ideo non uocat studium Scripturæ, sed literæ: non $\gamma\epsilon\alpha\phi\acute{\upsilon}\varsigma$, sed $\gamma\epsilon\alpha\mu\acute{\alpha}\tau\omicron\varsigma$. Et hoc est quod Epiphanius contra Apostolicos dicit: $\tau\alpha\acute{\upsilon}\varsigma\ \acute{\epsilon}\pi\tau\alpha\acute{\iota}\varsigma\ \gamma\epsilon\alpha\phi\acute{\alpha}\iota\varsigma\ \mu\acute{\omicron}\nu\omicron\upsilon\ \chi\epsilon\lambda\omega\tau\alpha\iota$. hoc est: illa tantum, quæ totidem literis & syllabis in Scriptura posita sunt, admittunt.

S E X T U M G E N U S

Traditionum.

Sextum genus traditionum constituemus illud, quod de catholico Patrum consensu dicitur. Vsitata enim est illa forma loquendi, Patres ita tradiderunt. Iniuriam autem nobis facit Andradius, quod clamitat, nos in uniuersum antiquitatis testimonio nihil tribuere, Patrum auctoritatem nihili pendere, Ecclesiæ approbationem, fidem, maiestatemq; labefactare. Bona enim conscientia affirmare possumus, nos post sacræ Scripturæ lectionem aliquid, quantum quidem Domini gratia concedit, in inquirendo & inuestigando ueræ & purioris

rioris antiquitatis consensu posuisse, & quotidie adhuc ponere. Patrum enim scriptis suum, & quidem honorificum qui illis debetur, tribuimus locum: ut qui multos Scripturæ locos, præclare explicarunt, antiqua Ecclesiæ dogmata, contra nouas hereticorum corruptelas defenderunt, idq; ex Scriptura, multos locos doctrinæ rectè explicarunt, multa de historia primitiue Ecclesiæ, annotarunt, & multa alia utiliter monuerunt. Et cupimus, id quod de gratia Dei propter filium mediatorem credimus & speramus, ut membra ueræ catholicæ Ecclesiæ, in futura uita ipsum filium Dei, patriarchas, prophetas, Apostolos, martyres & patres, qui uerum fundamentum tenuerunt uidere, & eorū familiaritate in omni æternitate frui. Mediocri igitur diligentia inquirimus cōsensum ueræ, erudite & purioris antiquitatis: & Patrū testimonia, quæ Scripturæ consentanea sunt, amamus & magnificimus. Est enim nostrorum sententia, quod in controuersijs religionis, iudex sit ipsum uerbum Dei: & quod postea accedat confessio ueræ Ecclesiæ. Semper enim sequuntur uerbum, tanquam iudicem, aliqui pij: & confessione firmiter, adiuantur infirmi. Valet igitur in Ecclesia, sententia congruens cum uerbo Dei, & confessione piorum, siue sint plures, siue pauciores impijs. Ita ueteres damnauerunt Samosatenum, & deinde Arrium. Iudex erat uerbū Dei: id est, testimonia ex

Euāgelio, bona fide, & sine sophistica prolata, quæ conuincunt non calumniose iudicantem. Sed tamen adiuuabantur tunc quoq; infirmi in pronuntiando, confessione firmiorum eorum qui Apostolos, aut eorum discipulos audierant, & quos constabat fuisse fideles custodes doctrinæ: ut Polycarpi, Irenæi, Gregorij Neocæsariensis. Ab his recentiores audierant, λόγον significare personam. Postea ipsi collatis dictis Euangelij, agnoscunt hanc natiuam esse sententiam, quam ab illis audierant. Aliqui etiam non solum discunt à prioribus, sed etiam tanquam à firmioribus confirmantur. Ita Petrus Alexandrinus refutabat Meletium, citabat Euangelium, quod satis perspicue docet, recipiendos esse lapsos qui emendantur. Sed simul adiuuabatur exemplis prioris Ecclesiæ, quæ semper antea lapsos receperat. Ita nos pronunciamus de baptismo infantium. Habemus testimonia in Scripturis manifesta, quæ affirmant, extra Ecclesiam non esse salutem. Deinde & primæ Ecclesiæ testimonijs uiuamur. Ita iudex est uerbum Dei, & accedit puræ antiquitatis confessio. Vult enim Deus in Ecclesia esse ministerium uocis: Quare audienda est ab Ecclesia, ut doctrix: sed fides & inuocatio nituntur uerbo Dei, non humana autoritate. Hec ex locis communibus D. Philippi Melāchthonis, præceptoris mei descripta, hoc loco annotare uolui: ut Andradij clamoribus opponerem publicum Ecclesiarum nostrarum testimonium,

nium, quàm reuerenter de consensu antiquitatis, de testimonijs ueterum, de confessione & exemplis ueteris Ecclesiæ sentiamus. Probamus piam et elegantem Basilij sententiã, qui in Homilia contra Sabelianos & Arium inquit: Maxime uelim, uelut simpliciter traditum accepi, ita etiam auditoribus tradere: sed quia circũstatis uos, censores magis quàm discipuli, necesse est nos, uelut in iudicio contradictionem protendere. Vos autem hortamur, ut non quod uobis placet, à nobis audire quærat: SED QVOD DOMINO COMPLACET, ET CONSONVM EST SCRIPTVRIS, ET NON CONTRARIVM PATRIBVS. Et mox: Compescat te traditio: Dominus sic docuit, Apostoli prædicarunt, Patres conseruârunt, martyres confirmârunt: sis contentus dicere, uelut edoctus es. Et de fidei confessione inquit: Traditurus sum quæ didici ex diuina Scriptura. Athanasius de humanitate uerbi circa finem inquit: Nos ista hausimus à magistris diuinitus afflatis, qui sacros libros euoluerunt.

Fatemur etiam, nos ab illis dissentire, qui fingunt opiniones, quæ nulla habent testimonia ullius tẽporis in Ecclesia: sicut nostro tẽpore fecerunt, Seruetus, Căpanus, Anabaptistæ, et alij. Sentimus etiã, nullũ dogma in Ecclesia nouũ, et cum tota antiquitate pugnãs recipiendũ. Quid de cõsensu et testimonijs antiquitatis honorificentius dici & sentiri posset?

Ita

350 EXAMEN DECRETORVM

Ita Irenæus ad Florinum scribit: Hæc dogmata Florine, sanam sententiam non habent: hæc dogmata dissentiunt ab Ecclesia: hæc dogmata ne hæretici quidem unquam ausi fuissent pronunciare: hæc dogmata qui ante nos fuerunt presbyteri, qui & Apostolorum discipuli extiterunt, non traderunt. Hæc Eusebius libro quinto, cap. 20.

Sed profitemur & hoc, quod non ex nobis finimus, sed ab ipsis Patribus didicimus: quod scilicet inquiramus & allegemus testimonia Patrum, non ideo, quasi ea quæ ex perspicuis Scripturæ testimonijs ostenduntur & probantur, per se nec certa, nec firma satis sint, aut non satis habeant ex se roboris & autoritatis, nisi accedat Patrum etiam consensus: sed causam quare allegentur, Augustinus disertè explicat, de Peccatorum meritis lib. tertio, cap. 7. Hæc non ideo commemoravi, quod disputatorum, quorumlibet sententijs, tanquam canonica autoritate nitamur: sed ut appareat, ab initio usque ad præsens tempus quo ista nouitas orta est, hoc de originali peccato, apud Ecclesiæ fidem tanta constantia custoditum, ut ab eis qui Dominica tractarent eloquia, magis certissimum proferretur ad alia falsa refutanda, quàm quod tanquam falsum refutari ab aliquo tentaretur. Ceterum in sanctis canonicis libris, uiget huius sententiæ clarissima & plenissima autoritas. Idem de Nuptijs & Concupiscentia lib. secundo, cap. 29. Quid autem

autem dicam de ipsis diuinarum Scripturarum tractatoribus, qui in catholica Ecclesia floruerunt? quomodo hæc non in alios sensus conati sunt uertere, quoniam stabiles erant in antiquissima & robustissima fide, non autem nouitio mouebantur errore. Quos si colligere, & eorū testimonijs uti uelim, et nimis longū erit, et de canonicis autoribus, à quibus non debemus auerti, nimis fortasse uidebor præsumpsisse quàm debui.

Augustinus contra duas epistolas Pelagianorum libro quarto, cap. 8. Non quo canonicis libris, ullius disputationis æquetur autoritas: sed ut admo-
neantur, qui putant sanctos patres aliquid dicere, quemadmodum de his rebus ante noua hæreticorum uaniloquia catholici antistites, eloquia diuina secuti sunt: & sciant, à nobis rectam & antiquitus fundatam catholicam fidem, aduersus recentē Pelagianorum præsumptionem perniciemq; defendi.

Alterum quod de Patrum autoritate sentimus, etiam ab ipsis Patribus didicimus. Augustinus epistola decimonona ad Hieronymum: Alios scriptores (præter canonicos) ita lego, ut quantalibet sanctitate doctrinam præpolleant, non ideo uerum putē, quia ipsi ita senserūt: sed quia mihi uel per alios autores canonicos, uel probabili ratione quod à ueritate non abhorreat, persuadere potuerint.

Epist. iiii. Neq; quorūlibet disputationes, quāuis catholicorū & laudatorū hominū, uelut scripturas
cano-

352 EXAMEN DECRETORVM

canonicas habere debemus: ut nobis non liceat, sal-
ua honorificentia quæ illis debetur hominibus, ali-
quid in eorum scriptis improbare atq; respuere: si
forte inuenerimus, quod aliter senserint quam ue-
ritas habet, diuino adiutorio uel ab alijs intellecta,
uel à nobis. Talis ego sum in scriptis aliorum, qua-
les ego uolo esse intellectores meorum.

Contra Cresconium lib. 2. cap. 31. Ideo constitu-
tus est canon librorum canonicorum, secundum quos
de cæteris literis uel fidelium: uel infidelium libere
iudicemus. Cap. 32. Cypriani literas non ut canoni-
cas habeo, sed ex canonicis considero: & quod in
eis diuinarum Scripturarum autoritati congruit,
cum laude eius accipio: quod autem non congruit,
cum pace eius respuo. Et addit: Quoniam canoni-
cum non est quod recitas, ea libertate ad quam nos
uocauit Dominus, hoc quod aliter sapuit, non acci-
pio. Et mox: Ita hoc Cypriani de rebaptizandis hæ-
reticis non accipio, quamuis inferior incomparabi-
liter Cypriano: sicut illud apostoli Petri, quod gen-
tes iudaizare cogebat, nec accipio, nec facio, quã-
uis inferior incomparabiliter Petro. Cap. 31. dicit,
se hoc modo nullam iniuriam facere Cypriano. Et
de Baptis. contra Donatist. lib. 7. cap. 20. dicit: Cy-
prianum potuisse aliter sapere, quam ueritas postu-
labat, sine ulla eius contumelia credimus, quicumq;
diligimus Cyprianum. Ipse etiam Cyprianus, in Ser-
mone de lapsis dicit, illum infamare martyrum di-
gnitatem,

gnitatem, qui affirmat martyres aliquid mandare quod in lege Domini scriptum non sit. Augustinus ad Vincentium Victorem lib. 2. Negare nō possum nec debeo, sicut in ipsis maioribus, ita multa esse in tam multis opusculis meis, quæ possunt iusto iudicio, & nulla temeritate culpari.

Et de bono perseuerantiæ cap. 21. Quamuis neminem uelim sic amplecti omnia mea, ut me sequatur, nisi in his in quibus me non errare perspexerit. Nam propterea nunc facio libros retractationum, ut nec meipsum in omnibus me secutum fuisse demonstrem. Et addit, se nec post retractationem quidem uelle, per omnia sibi credi. ita enim inquit: Arrogantius loquor quam uerius, si uel nunc dico, me ad perfectionem, sine ullo errore scribendi iam in ista ætate uenisse. Sed interest, quantum & in quibus rebus erretur: & quam facile quisque corrigat: uel quanta pertinacia suum defendere conetur errore. Ita Epiphanius petit ueniam, sicubi errarit, uel ultra uires aliquid tentarit. Ambrosius etiam libro primo, de Officijs modestissime inquit: Nam arrogans uideri arbitror, si inter filios suscipiam affectum docendi. Non prophetarum gratiam, non uirtutem Euangelistarum, nec pastorum circumspeditionem: sed tantummodo intentionem & diligentiam circa Scripturas diuinas opto assequi.

Iustinus quæst. 119. ad obiectionem, quod Patres quidem diuersum senserint, respondet: Sed Apo-

stolus, pater patrum ita dicit, &c. Obseruet lector, ipforum Patrum sententiam esse: non ideo aliquid credi & recipi debere, quòd ex Patribus quissiam ita uel senserit uel dixerit, nisi ex Scripturis canonicis, hoc quod dicit probet. potuisse enim patres aliter sapere, quàm ueritas postulat. & ad illam libertatē nos à Domino uocatos esse, ut de quorumcunque scriptis secundum literas canonicas libere iudicemus. & quando in Patrum scriptis, aliquid quod Scripturæ non congruit, improbamus & respuimus, fieri illud nulla temeritate, sed iusto iudicio, sine iniuria & contumelia Patrum: salua illorum honorificentia, et bona eorū pace, ab illis etiā, qui incomparabiliter inferiores sunt Patribus.

Et habemus præterea ipforum etiam Patrum exempla, qui ueterum erratis, sicubi à regula Scripturæ discesserunt, non sanè proteruè insultant: sed tamen etiam ea quæ ad canonem Scripturæ non congruunt, propter Patres non approbant, nec recipiunt. Idq; ut commodius demonstrarem, non inutile fore iudico, si hoc loco breuiter annotauiero rationes quasdam, quasi regulas, quas inter legendum obseruaui: quomodo Patres incommode dicta ueterum, non ad errorum patrocinia detorserint, sed commoda interpretatione, iuxta analogiam fidei, mitigarint & excusarint. Præcipue uerò Augustino multum negocij exhibuerūt Pelagiani, cum ualidis multis ueterum sententijs, incommode dispositis,

lis, de peccato originali, de libero arbitrio. Mordeste uerò Augustinus respondet. 1. Vobis Pelagianis nondum litigantibus, securius (inquit) loquebantur Patres de his articulis, libro primo, contra Iulianum. hoc est: Extra contentionem, nondum motis controuersijs, Patres sæpe non accurate, sed securius multa disputabant. Illa uerò securius dicta, sicut Augustinus loquitur, non sunt torquenda ad patrocinium eorum, quæ cum Scripturæ non conueniunt.

2. Iulianus obiecerat Chrysostomi sententiam, infantes non habere peccata. Augustinus inquit: Intellige propria peccata, & nulla erit contentio. Sed inquit Iulianus: Cur ipse Chrysostomus non addidit propria? Cur putamus, inquit, nisi quia disputans in catholica Ecclesia, non se aliter intelligi arbitrabatur. hoc est: incommodius dicta Patrum, secundum analogiam fidei sunt interpretanda. Hoc modo Augustinus de natura & gratia Hilarij, Ambrosij, Chrysostomi, Hieronymi, & sententias quas Pelagius pro sui erroris confirmatione allegauerat, addita commoda interpretatione ad analogiam fidei accommodat: quam tamen interpretationem, non semper ex ipsis quæ allegatæ erant sententijs sumere potuit: sed eas uel ex manifestis Scripturæ sententijs, uel ex alijs Patrum dictis Scripturæ consentientib. petiuit. De gratia Christi libro primo, cap. 43. ad Ambrosij dictum, probatis

7. 2. exemplo

exemplo Zacharie & Elisabeth, hominem in hac uita posse sine peccato esse, Augustinus ita respondet: Dictum hoc est, quantum mihi uidetur, secundum quandam inter homines cōuersationem probabilem, non secundum perfectionem iusticie. Nam & Paulus dicit, se fuisse sine querela: & tamen hanc iusticiam stercoreibus deputauit.

Et de natura & gratia cap. 61. ad sententiam, quod Christus uincendo peccatum, & desiderijs carnis domitis docuerit peccatum, non esse necessitatis, Augustinus ita respondet: Quomodo dictum sit, autor huius sententiæ uiderit, qualiter possit exponere: dum tamen nos minime dubitemus, Christum peccatum in se non habuisse quod uinceret. Et ibi ponit hanc sententiam: Ego in huiusmodi quorumlibet hominū scriptis, liber: quia solis canonicis debeo, sine ulla recusatione, cōsensum.

3. Ad dictum quoddam Ambrosij, respondet libro 1. contra Iulianum: Hoc dictum est aduersus Manicheos, contra quos hoc sufficiebat. Et in libris retractationum, ipse Augustinus de se inquit: Disputabamus contra Manicheos, qui fingeant, naturam mali esse coeternam Deo: contra quos satis erat obtinere, malum esse ortum ex libero uoluntatis arbitrio: & ideo, inquit, parum diximus de gratia. Patres igitur, quando contra hereticos aliquos disputant, hoc tantum sibi proponunt, ut istorum opiniones euertant: de alijs interim articulis,

ticulis, non sunt admodum solliciti. Et inde multa, non satis circumspectè de alijs dogmatibus dicta, Patribus sæpe exciderunt. Ideo Augustinus inquit: Audi, quod ad rem præsentem spectat, quid de peccato origenis, Basilius alibi sine ulla ambiguitate dicat.

4. Basilius epist. 41. de Dionysio Alexandrino inquit: Non omnia eius uiri admiramur: imò sunt quedam, quæ penitus abrogamus. habent enim seminaria quedam impietatis τὸν ἀνομιῶν. Causam uerò arbitror, non mentis malignitatem, sed quòd uehementer uoluit resistere Sabellio. Solco igitur ipsum assimilare arborum insitori: qui dum nouellæ plantæ incurruum statum uult corrigere, nimia attractione à medio aberrat, & in contrariam partem nimium deflectendo peccat. Ita Athanasius tomo secundo, de sententia Dionysij inquit: Ratio temporis & personæ consideranda est, quòd ita scripserit. Sabellianismus enim tunc Ecclesias inuaserat: & Dionysius rudibus monstraturus, Patrem non esse filium, de humanitate loquitur. ex illis enim quæ humanitatis sunt, compendio refutantur Sabelliani. Et ibi dicit Athanasius: Ariani uidentes, se nihil posse ex Scriptura, pro sua hæresi habere, ad Patres se conuertunt: sicut prædones, cum de studijs suis malè audiant, fingunt sibi socios probos & modestos: & sicut Iudæi Scriptura conuicti, ad patrem

Abraham confugiunt, &c. Et profectò eodem plane modo, Pontificij Scripturæ testimonijs destituti & conuicti, prætextum ex Patribus querunt.

Basiliius epist. 64. cum obijceretur, Gregorium Neocæsariensem dixisse, patrem & filium mentis cogitatione esse duos, hypostasi uerò unum, ita respondet: Hoc non dogmaticè, sed in cõtentione esse dictum, in disputatione contra Aelianum. Volens enim Græcum hominem ad fidem conuertere, non exactius circa uerba disceptat, sed alicubi etiã concedit consuetudini eius qui inducitur. Ideo multas illic inuenias uoces, quæ nũc maximum robur præbent hæreticis.

5. Chrysostomus lib. 1. de compunctione cordis inquit: Nõ putes hæc cohortatoricè magis quàm uere dici. Multa igitur apud Patres dicuntur exhortatoricè magis quàm dogmaticè & uerè.

Ita Hieronymus ad Nepotianum dicit, se in epistola exhortatoria ad Heliodorũ, pro ætate lusisse, & calëtibus adhuc rhetorũ studijs, quedã scholastico flore depinxisse. Et cõtra Iouinianũ: Rhetoricatus sumus, & in morè declamatorũ paululũ lusimus.

6. Est & illud discrimen in Patrũ scriptis obseruandum: quòd aliquando priuatas speculationes & deuotiones exponunt, aliquãdo particularis alicuius Ecclesiæ consuetudinẽ describũt, aliquãdo uerò publica dogmata totius catholice Ecclesiæ explicat. Et inter hæc profectò, magnũ est discrimen.

Vtilis

Utilis est & hæc observatio, quòd aliter agūt et disputant cum infirmis fratribus, aliter cum robustis, aliter cū domesticis fidei, aliter cum hæreticis, aliter cum philosophis, aliter cum principibus: quæ singula exemplis possent ostendi.

7. Multa tolerarūt, & sæpe cefferunt temporum suorum consuetudini, etiam ubi uitij aliquid esse agnouerunt.

Ita Augustinus epistola 119. Multa huiusmodi propter nonnullarum uel sanctarum uel turbulentarum personarum scandala deuitanda, liberius inprobare non audeo. Sed hoc nimis doleo, quia multa quæ in diuinis libris saluberrimè præcepta sunt, minus curantur, & tam multis præsumptionibus sic plena sunt omnia, &c. Ita uigilias et ἀγῶνας, ad sepulchra martyrum alicubi laudat Augustinus: sed de moribus Ecclesie cap. 14. & epist. 64. reprehendit, & uellet abrogari.

8. Elegantissima est Cypriani sententia libro secundo, epist. tertia: Si solus Christus audiendus est, non debemus attendere quid aliquis ante nos faciendum putauerit: sed quid prior Christus qui ante omnes est, fecerit. Neque enim hominis consuetudinem sequi oportet, sed Dei ueritatem. Et ideo si quis de antecessoribus nostris uel ignoranter, uel simpliciter hoc non obseruauit & tenuit, quid nos Dominus facere exemplo & magisterio suo docuit: potest simplicitati eius, de indul-

gentia Domini uenia concedi. Nobis uerò non poterit ignosci, qui nunc à Domino admoniti & instructi sumus: qui dum instruit in futurum, quid facere debeamus, de præterito ignoscit, quòd simpliciter errauimus, &c. Considerent hanc sententiam, qui semper in ore habent, se malle cum Patribus errare, quàm cum alijs rectè sentire. Rectè etiam nostri dicunt, Patres si admoniti fuissent, multa correcturos fuisse. Interest enim (sicut Augustinus inquit) quàm facile quis corrigat, uel quanta pertinacia suum errorem defendere conetur.

Postremò, quando ille siue mitigationes, siue commodè interpretationes eorum quæ non satis commodè à ueteribus dicta erant, non recipiebantur & admittebantur, uel quando non poterant locum habere: Patres disertè improbârunt & damnârunt ea, quæ ad regulam Scripturæ non congruebant. Ita Augustinus de Cypriani & de omnium scriptis, liberrimè pronunciat: sicut sententias eius suprâ recitauimus. Ita in Irenæo, Chiliastarum sententia liberè damnata est. Illa sententia, quòd quidam saluati fuerint lege naturæ, quidam lege Mosis, quidam uerò gratia Christi, extat apud multos uetustissimos Patres: sed Augustinus illam, ut Pelagianam, expressè damnat. Cōtra Donatistas illos qui Patrū errores amplectuntur, eo quòd (sicut Quintilianus inquit) honestus

error

error uideatur, magnos duces sequentibus : dicit idem facere, ac si quis Petro similis esse uellet, negādo Christum, uel cogēdo gentes ad Iudaificationem: uel si quis Dauidi affectaret similis esse, cōmittendo adulterium.

Ita ergo ipsi Patres aliorū Patrum scripta tractarunt, & sua etiam hoc modo legi & accipi uoluerunt. Quam sententiam nos libēter probamus, amplectimur & sequimur. Aduersarij uerō nostri Pontificij, quando contra ea quæ ex Scripturis demonstrantur, sententias aliquas ex Patribus, quomodocunque conuulsas, pro tuendis suis superstitionibus proferre possunt : uolunt nos sine iudicio & recusatione, à Scriptura discedere & sententijs quæ ex Patrib. citātur, assentiri, etiamsi nulla Scripturæ testimonio probentur. Et huius sententiæ, Staphylus & Lindanus Athanasium non uerētur authorem facere. citant enim mutilatum & truncatum eius dictum ad Epietētū: Hoc solum hæreticis respondere & dicere sufficit, hæc non esse catholicæ Ecclesiæ, neque Patres ita sensisse. Utq; facilius ad hoc Pontificiorum propositum torqueri possit Athanasij sententia, Nannius interpretes eam ita uertit : Tantummodo ad ea respondendum est, quod ipsum per se sufficit, Patres non ita sensisse, cum Græca uerba simpliciter dicant : τὸ ἁπλὸν ἀποκρίνασθαι πρὸς τὰ τοιαῦτα, ὡς ἐστὶν ἔργον καί. Sed insignem faciunt iniuriam Athanasio. Ad

362 EXAMEN DECRETORVM


Epiſtetū. n. recēſet prodigioſos quorūdā errores; Verbū in corpus eſſe cōmutatū, corpus Chriſti conſtituere quaternitatē in Deitate, corpus eſſe coæter nū et cōſubſtāiale Deitati: & ſimilia opinionū et uerborū portēta. De illis uerō dicit: Hæc nudis uerbis tātū deſcripſi: ut q ſolū audiat, fœditatē illorū & impietatē ſtatim animaduertat. *Que. n. manifeſtē praua puerſaq; ſunt, ea curioſius tractare nō oportet, ne cōtētiōſis hominib. ambiguū uideātur: ſed hoc ſolū ad talia reſpōdere & dicere ſufficit, ea nō eſſe Eccleſiæ catholicæ, et Patres ita nō ſenſiſſe. Ne uerō ex ſolido ſilētiō occaſionē impudētiae ſibi ſumāt, paucas ex Scriptura ſentētias opponemus, etc.* *Queſo te lector, cōſeras hāc integrā Athanaſij ſentētia, cū mutila Pōtificaliū allegatiōe: et ſtatuis inde, quo cādore Pōtificaliū, tractēt Patrum testimoniā.*

VII. GENVS TRADITIONVM.

Septimū genus traditionū eſt, quod ubi ueteres mentionē faciūt traditionā nō ſcripturarū, ppriē nō intelligūt dogmata fidei ſine Scriptura, extra et præter Scripturā recipiēda, etiā ſi nullo Scripturæ testimonio pbari poſſunt: ſed de ritib. et cōſuetudinib. quibufilā uetūſtis loquūtur, quos propter antiquitatē ad Apoſtolos retulerūt. Ita Baſil. uocat qdē dogmata ſine ſcripto, ex traditione accepta: ſed recēſet, nō articulos aliquos fidei, ſed tātū ritus quosdam: Cruce ſignare: ad Orientē cōuerti in oratiōe: uerba ἐπικλεις, dū oſtenditur panis eucharistiæ,

sue, & quæ in celebratiōe eucharistiæ ante et post
uerba institutionis recēsentur: benedictio aquæ ba-
ptismatis, et baptisati: illinitio olei: trina immersio:
abrenunciatio sathane in baptismo: cōfessio fidei.
Origenes innumeras recēset genuflexiones in ora-
tione, ritus Eucharistiæ & baptisimi. Hieron. con-
tra Luciferianos ex Tertul. recēset: Die dominico,
& à Pascha usq; ad Pētecosten nō ieiunare, nec de
geniculis adorare, prægustare lac & mel post ba-
ptismū, oblationes p defunctis, et pro natalicijs an-
nuæ die, etc. Et de his quidē traditiōib. an singulæ et
oēs sint Apostolicæ, in postremo genere traditio-
nū dicemus. Nūc tantū ostēdere uolui, Patres quan-
do de traditionib. nō scriptis loquūtur, tantū de ue-
tustis quibusdā ritib. disputare: nō hoc agere (sicut
Pontificij cōtendunt) ut multa dogmata fidei, quæ
licet nullo scripturæ testimonio probari possint, pa-
ri tamē reuerētia et pietatis affectu suscipiātur, si-
cut illa quæ certa et manifesta habēt in Scriptura
testimonia. Sicut igitur discriminē est inter doctrinā
et inter ritus: ita disputatio Pōtificiorū, de traditio-
nib. nō est eadē cū illa quæ extat apud ueteres. Et si
prius de doctrina consensus cōstitueretur, de ritib.
facile possit imiri ratio & cōcordia. Apostolos igi-
tur ritus quosdā ordinasse & tradiidisse Ecclesijs,
ex scriptis ipsorum certō constat. Et uerisimile
est, quosdam etiam alios externos ritus qui in Scri-
ptura annotati nō sunt, ab Apostolis traditos esse.

Nullum



Nullum etiam dubium est, Ecclesiam post Apostolos, pro ratione ædificationis, ordinis & decori, alios quosdam ritus addidisse. Et nullis quidem certis & firmis documentis probari potest, qui sint ritus, certò ab Apostolis traditi, qui ex Scriptura ostendi non possunt. Possumus tamen habere certam Apostolicam rationem, de dijudicatione & usu omnium traditionum, de ritibus seu ceremonijs externis, undecumq; sanè originem suã habeant. Et hoc certius & utilius est, quàm de authoribus incertas texere altercationes. Ne igitur traditiones de externis ritibus, sine certa aliqua Apostolica regula, uel in ambiguo fluctuent, uel in infinitum uagentur: ex illis ordinationibus seu ritibus externis, quos Apostolos tradidisse, certò ex ipsorum scriptis constat, colliguntur certæ quædam regule, secundum quas, de quibusvis ritibus seu ceremonijs, Apostolica ratione iudicari & debet & potest.

1. Sunt quidam ritus, qui ex Scriptura ita probari possunt, quia continent usum, exercitium, & utilem declarationem eius doctrinæ, quæ in Scriptura diuinitus patefacta est. Ita 1. Cor. 11. Paulus ex institutione deducit, quomodo piè celebranda sit cœna Dominica. Et ex doctrina Apostolorum, quæ Scriptura comprehensa est, deductum est, 2. Thess. 3. de separandis illis qui in ordinatè uiuunt. 1. Cor. 5. de excommunicatione. Act. 14. de constituendis

tuendis ministris Ecclesiæ, etc. Et tales ritus merito amamus et retinemus: quales sunt cōfessio fidei, abrenūciatio sathanae, et alij ritus in actiōe baptismi: qui doctrinā de baptismo in Scriptura traditā, uti liter ad ædificationē explicant & illustrant. Ita de abrogatione sabbati, manifesta extant Scripturæ testimonia: & quod Apostoli prima sabbati conventus celebrarint, Scriptura non obscure indicat Acto. 20. 1. Cor. 16. Et Apocal. 1. extat appellatio diei Dominicæ. Ita ex doctrina de charitate proximi, & de infirmis in fide suscipiendis, Apostoli considerunt decretum suum, Acto. 15.

Tales etiam sunt illæ consuetudines Ecclesiasticæ, quas Augustinus existimat ex Apostolorum traditione originē habere: de baptisandis infantibus, de non rebaptisandis, qui baptismum ab hæreticis, secundum formam à Christo institutam acceperāt. Ille enim consuetudines tradunt exercitium & usum eius doctrinæ, quæ in Scripturæ testimonijs comprehensa est. Tales ritus quin uocentur Apostolici, nō pugnamus: cum hoc modo, sicut dictum est, habeant in ipsa Scriptura testimonium.

2. Apostolicos ritus Paulus hisce notis insigniuit: ut scilicet omnia fiant decenter, ordine, & ad ædificationem. Ita 1. Cor. 11. ritum de uelands mulieribus, ostendit probabilem esse ex Scriptura: allegat consuetudinem, & ostēdit seruire decoro. Ita 1. Cor. 14. monstraturus rationes ordinationis, de linguis,

canonicas habere debemus: ut nobis non liceat, sal-
ua honorificentia quæ illis debetur hominibus, ali-
quid in eorum scriptis improbare atq; respuere: si
fortè inuenerimus, quòd aliter senserint quàm ue-
ritas habet, diuino adiutorio uel ab alijs intellecta,
uel à nobis. Talis ego sum in scriptis aliorum, qua-
les ego uolo esse intellectores meorum.

Contra Cresconium lib. 2. cap. 31. Ideo constitu-
tus est canon librorum canonicorū, secundum quos
de cæteris literis uel fidelium: uel infidelium liberè
iudicemus. Cap. 32. Cypriani literas non ut canoni-
cas habeo, sed ex canonicis considero: & quod in
eis diuinarum Scripturarum autoritati congruit,
cum laude eius accipio: quod autem non congruit,
cum pace eius respuo. Et addit: Quoniam canoni-
cum non est quod recitas, ea libertate ad quam nos
uocauit Dominus, hoc quod aliter sapuit, non acci-
pio. Et mox: Ita hoc Cypriani de rebaptizandis hæ-
reticis non accipio, quamuis inferior incomparabi-
liter Cypriano: sicut illud apostoli Petri, quod gen-
tes Iudaizare cogebat, nec accipio, nec facio, quā-
uis inferior incomparabiliter Petro. Cap. 31. dicit,
se hoc modo nullam iniuriam facere Cypriano. Et
de Baptis. contra Donatist. lib. 7. cap. 20. dicit: Cy-
prianum potuisse aliter sapere, quàm ueritas postu-
labat, sine ulla eius contumelia credimus, quicumq;
diligimus Cyprianum. Ipse etiam Cyprianus, in Ser-
mone de lapsis dicit, illum infamare martyrum di-
gnitatem,

gnitatem, qui affirmat martyres aliquid mandare quod in lege Domini scriptum non sit. Augustinus ad Vincentium Victorem lib. 2. Negare nō possum nec debeo, sicut in ipsis maioribus, ita multa esse in tam multis opusculis meis, quæ possunt iusto iudicio, & nulla temeritate culpari.

Et de bono perseverantiæ cap. 21. Quamvis neminem uelim sic amplecti omnia mea, ut me sequatur, nisi in his in quibus me non errare perspexerit. Nam propterea nunc facio libros retractationum, ut nec me ipsum in omnibus me secutum fuisse demonstrem. Et addit, se nec post retractationem quidem uelle, per omnia sibi credi. ita enim inquit: Arrogantius loquor quàm uerius, si uel nūc dico, me ad perfectionem, sine ullo errore scribendi iam in ista ætate uenisse. Sed interest, quantum & in quibus rebus erretur: & quàm facile quisque corrigat: uel quanta pertinacia suum defendere conetur errorē. Ita Epiphanius petit ueniam, sicubi errarit, uel ultra uires aliquid tentarit. Ambrosius etiam libro primo, de Officijs modestissimè inquit: Nam arrogans uideri arbitror, si inter filios suscipiam affectum docēdi. Non prophetarum gratiam, non uirtutem Euangelistarum, nec pastorum circumspeditionem: sed tantummodo intentionē & diligentiam circa Scripturas diuinas opto assequi.

Iustinus quæst. 119. ad obiectionem, quod Patres quidem diuersum senserint, respōdet: Sed Apo-

stolus, pater patrum ita dicit, &c. Obseruet lector, ipsoꝝ Patrum sententiam esse: non ideo aliquid credi & recipi debere, quòd ex Patribus quispiam ita uel senserit uel dixerit, nisi ex Scripturis canonicis, hoc quod dicit probet. potuisse enim patres aliter sapere, quàm ueritas postulat. & ad illam libertatē nos à Domino uocatos esse, ut de quorumcunque scriptis secundum literas canonicas liberè iudicemus. & quando in Patrum scriptis, aliquid quod Scripturæ non congruit, improbamus & respuimus, fieri illud nulla temeritate, sed iusto iudicio, sine iniuria & contumelia Patrum: salua illorum honorificentia, et bona eorū pace, ab illis etiā, qui incomparabiliter inferiores sunt Patribus.

Et habemus præterea ipsoꝝ etiam Patrum exempla, qui ueterum erratis, sicubi à regula Scripturæ discesserunt, non sanè proteruè insultant: sed tamen etiam ea quæ ad canonem Scripturæ non congruunt, propter Patres non approbant, nec recipiunt. Idq; ut commodius demonstrē, non inutile fore iudico, si hoc loco breuiter annotauiero rationes quasdam, quasi regulas, quas inter legendum obseruari: quomodo Patres incommode dicta ueterum, non ad errorum patrocinia detorserint, sed commoda interpretatione, iuxta analogiam fidei, mitigarint & excusarint. Præcipuè uerò Augustino multum negocij exhibuerūt Pelagiani, cum uatis multis ueterum sententijs, incommode distis,

etis, de peccato originali, de libero arbitrio. Modeste uerò Augustinus respondet. 1. Vobis Pelagianis nondum litigantibus, securius (inquit) loquebantur Patres de his articulis, libro primo, contra Iulianum. hoc est: Extra contentionem, nondum motis controuersijs, Patres sæpe non accurate, sed securius multa disputabant. Illa uerò securius dicta, sicut Augustinus loquitur, non sunt torquenda ad patrocinium eorum, quæ cum Scriptura non conueniunt.

2. Iulianus obiecerat Chrysostomi sententiam, infantes non habere peccata. Augustinus inquit: Intellige propria peccata, et nulla erit contentio. Sed inquit Iulianus: Cur ipse Chrysostomus non addidit propria? Cur putamus, inquit, nisi quia disputans in catholica Ecclesia, non se aliter intelligi arbitrabatur. hoc est: incommodius dicta Patrum, secundum analogiam fidei sunt interpretanda. Hoc modo Augustinus de natura et gratia Hilarij, Ambrosij, Chrysostomi, Hieronymi, et sententias quas Pelagius pro sui erroris confirmatione allegauerat, addita commoda interpretatione ad analogiam fidei accommodat: quam tamen interpretationem, non semper ex ipsis quæ allegatæ erant sententijs sumere potuit: sed eas uel ex manifestis Scripturæ sententijs, uel ex alijs Patrum dictis Scripturæ consentientib. petiuit. De gratia Christi libro primo, cap. 48. ad Ambrosij dictum, probatis

exemplo Zachariæ & Elisabeth, hominem in hac uita posse sine peccato esse, Augustinus ita respondet: Dictum hoc est, quantum mihi uidetur, secundum quandam inter homines cōuersationem probabilem, non secundum perfectionem iusticie. Nam & Paulus dicit, se fuisse sine querela: & tamen hanc iusticiam stercoribus deputauit.

Et de natura & gratiæ cap. 61. ad sententiam, quòd Christus uincendo peccatum, & desiderijs carnis domitis docuerit peccatum, non esse necessitatis, Augustinus ita respondet: Quomodo dictum sit, autor huius sententiæ uiderit, qualiter possit exponere: dum tamen nos minime dubitemus, Christum peccatum in se non habuisse quod uinceret. Et ibi ponit hanc sententiam: Ego in huiusmodi quorumlibet hominū scriptis, liber: quia solis canonicis debeo, sine ulla recusatione, cōsensum.

3. Ad dictum quoddam Ambrosij, respondet libro 1. contra Iulianum: Hoc dictum est aduersus Manichæos, contra quos hoc sufficiebat. Et in libris retractationum, ipse Augustinus de se inquit: Disputabamus contra Manichæos, qui fingebant, naturam mali esse coeternam Deo: contra quos satis erat obtinere, malum esse ortum ex libero uoluntatis arbitrio: & ideo, inquit, parum diximus de gratia. Patres igitur, quando contra hereticos aliquos disputant, hoc tantum sibi proponunt, ut istorum opiniones euertant: de alijs interim articulis,

ticulis, non sunt admodum solliciti. Et inde multa, non satis circumspēctē de alijs dogmatibus dicta, Patribus sēpe exciderunt. Ideo Augustinus inquit: Audi, quod ad rem præsentem spectat, quid de peccato origenis, Basilius alibi sine ulla ambiguitate dicat.

4. Basilius epist. 41. de Dionysio Alexandrino inquit: Non omnia eius uiri admiramur: imò sunt quedam, quæ penitus abrogamus. habent enim seminaria quedam impietatis τῶν ἐνομοίων. Causam uerò arbitror, non mentis malignitatem, sed quod uehementer uoluit resistere Sabellio. Soleo igitur ipsum assimilare arborum insitori: qui dum nouellæ plantæ incurruum statum uult corrigere, nimia attractione à medio aberrat, & in contrariam partem nimium deflectendo peccat. Ita Athanasius tomo secundo, de sententia Dionysij inquit: Ratio temporis & personæ consideranda est, quod ita scripserit. Sabellianismus enim tunc Ecclesias inuaserat: & Dionysius rudibus monstraturus, Patrem non esse filium, de humanitate loquitur. ex illis enim quæ humanitatis sunt, compendio refutantur Sabelliani. Et ibi dicit Athanasius: Ariani uidentes, se nihil posse ex Scriptura, pro sua hæresi habere, ad Patres se conuertunt: sicut prædones, cum de studijs suis malè audiant, fingunt sibi socios probos & modestos: & sicut Iudæi Scriptura conuicti, ad patrem

Abraham confugiunt, &c. Et profectò eodem plane modo, Pontificij Scripturæ testimonijs destituti & conuicti, prætextum ex Patribus quærent.

Basiliius epist. 64. cum obijceretur, Gregorium Neocesariensem dixisse, patrem & filium mentis cogitatione esse duos, hypostasi uerò unum, ita respondet: Hoc non dogmaticè, sed in cõtentione esse dictum, in disputatione contra Aelianum. Volens enim Græcum hominem ad fidem conuertere, non exactius circa uerba disceptat, sed alicubi etiã concedit consuetudini eius qui inducitur. Ideo multas illic inuenias uoces, quæ nũc maximum robur præbent hereticis.

5. Chrysostomus lib. 1. de compunctione cordis inquit: Nõ putes hæc cohortatoriè magis quàm uerè dici. Multa igitur apud Patres dicuntur exhortatoriè magis quàm dogmaticè & uerè.

Ita Hieronymus ad Nepotianum dicit, se in epistola exhortatoria ad Heliodorũ, pro ætate lufisse, & calëtibus adhuc rhetorũ studijs, quædã scholasticoflore depinxisse. Et cõtra Iouinianũ: Rhetorici sumus, & in morè declamatorũ paululũ lusimus.

6. Est & illud discrimen in Patrũ scriptis obseruandum: quòd aliquando priuatas speculationes & deuotiones exponunt, aliquãdo particularis alicuius Ecclesiæ consuetudinẽ describũt, aliquãdo uerò publica dogmata totius catholicæ Ecclesiæ explicãt. Et inter hæc profectò, magnũ est discrimen.

Vtilis

Vtilis est & hæc observatio, quòd aliter agūt et disputant cum infirmis fratribus, aliter cum robustis, aliter cū domesticis fidei, aliter cum hæreticis, aliter cum philosophis, aliter cum principibus: quæ singula exemplis possent ostendi.

7. Multa tolerarūt, & sæpe cesserunt temporum suorum consuetudini, etiam ubi uitij aliquid esse agnouerunt.

Ita Augustinus epistola 119. Multa huiusmodi propter nonnullarum uel sanctarum uel turbulentarum personarum scandala deuitanda, liberius improbare non audeo. Sed hoc nimis doleo, quia multa quæ in diuinis libris saluberrimè præcepta sunt, minus curantur, & tam multis præsumptionibus sic plena sunt omnia, &c. Ita uigilias et ἀγῶνας, ad sepulchra martyrum alicubi laudat Augustinus: sed de moribus Ecclesiæ cap. 14. & epist. 64. reprehendit, & uellet abrogari.

8. Elegantissima est Cypriani sententia libro secundo, epist. tertia: Si solus Christus audiendus est, non debemus attendere quid aliquis ante nos faciendum putauerit: sed quid prior Christus qui ante omnes est, fecerit. Neque enim hominis consuetudinem sequi oportet, sed Dei ueritatem. Et ideo si quis de antecessoribus nostris uel ignoranter, uel simpliciter hoc non obseruauit & tenuit, quid nos Dominus facere exemplo & magisterio suo docuit: potest simplicitati eius, de indul-

gentia Domini uenia concedi. Nobis uerò non poterit ignosci, qui nunc à Domino admoniti & instructi sumus: qui dum instruit in futurum, quid facere debeamus, de præterito ignoscit, quòd simpliciter errauimus, &c. Considerent hanc sententiam, qui semper in ore habent, se malle cum Patribus errare, quàm cum alijs rectè sentire. Rectè etiam nostri dicunt, Patres si admoniti fuissent, multa correcturos fuisse. Interest enim (sicut Augustinus inquit) quàm facile quis corrigat, uel quanta pertinacia suum errorem defendere conetur.

Postremò, quando ille siue mitigationes, siue commodè interpretationes eorum quæ non satis commodè à ueteribus dicta erant, non recipiebantur & admittebantur, uel quando non poterant locum habere: Patres disertè improbârunt & damnârunt ea, quæ ad regulam Scripturæ non congruebant. Ita Augustinus de Cypriani & de omnium scriptis, liberrimè pronunciat: sicut sententias eius suprà recitauimus. Ita in Irenæo, Chiliastarum sententia liberè damnata est. Illa sententia, quòd quidam saluati fuerint lege naturæ, quidam lege Mosis, quidam uerò gratia Christi, extat apud multos uetustissimos Patres: sed Augustinus illam, ut Pelagianam, expressè damnat. Cōtra Donatistas illos qui Patrū errores amplectuntur, eo quòd (sicut Quintilianus inquit) honestus error

error uideatur, magnos duces sequentibus : dicit idem facere, ac si quis Petro similis esse uellet, negando Christum, uel cogendo gentes ad Iudaisationem: uel si quis Dauidi affectaret similis esse, committendo adulterium.

Ita ergo ipsi Patres aliorum Patrum scripta tradiderunt, & sua etiam hoc modo legi & accipi uoluerunt. Quam sententiam nos libenter probamus, amplectimur & sequimur. Aduersarij uero nostri Pontificij, quando contra ea quæ ex Scripturis demonstrantur, sententias aliquas ex Patribus, quomodocunque conuulsas, pro tuendis suis superstitionibus proferre possunt : uolunt nos sine iudicio & recusatione, à Scriptura discedere & sententijs quæ ex Patrib. citantur, assentiri, etiamsi nulla Scripturæ testimonio probentur. Et huius sententiæ, Staphylus & Lindanus Athanasium non ueretur authorem facere. citant enim mutilatum & truncatum eius dictum ad Epictetum: Hoc solum hæreticis respondere & dicere sufficit, hæc non esse catholice Ecclesiæ, neque Patres ita sensisse. Utq; facilius ad hoc Pontificiorum propositum torqueri possit Athanasij sententia, Nannius interpretes eam ita uertit : Tantummodo ad ea respondendum est, quod ipsum per se sufficit, Patres non ita sensisse, cum Græca uerba simpliciter dicant : τὸ ἐμὸν οὐ ἀποκρίνασθαι πρὸς τὰ τοιαῦτα, ὡς ἐπιπρὸς ἐρεῖται. Sed insignem faciunt iniuriam Athanasio. Ad

362 EXAMEN DECRETORVM


Epictetū. n. recēset prodigiosos quorūdā errores;
 Verbū in corpus esse cōmutatū, corpus Christi con
 stituere quaternitatē in Deitate, corpus esse coater
 nū et cōsubstātiale Deitati: et similia opinionū et
 uerborū portēta. De illis uerō dicit: Hęc nudis uer
 bis tātū descripsi: ut q̄ solū audiat, fœditatē illorū
 et impietatē statim animaduertat. Quę. n. manife
 stē praua puer saq; sunt, ea curiosius tractare nō o
 portet, ne cōtētiosus hominib. ambigua uideatur: sed
 hoc solū ad talia respōdere et dicere sufficit, ea nō
 esse Ecclesię catholicę, et Patres ita nō sensisse. Ne
 uerō ex solido silētio occasionē impudētię sibi su
 māt, paucas ex Scriptura sentētiās opponemus, etc.
 Quęso te lector, cōferas hęc integrā Athanasij sen
 tētiā, cū mutila Pōtificiorū allegatiōe: et statim in
 de, quo cādore Pōtificij, tractēt Patrum testimoniā.

VII. GENVS TRADITIONVM.

Septimū genus traditionū est, quod ubi ueteres
 mentionē faciūt traditionā nō scripturarū, pprie
 nō intelligūt dogmata fidei sine Scriptura, extra et
 præter Scripturā recipiēda, etiāsi nullo Scripturę
 testimonio pbari possunt: sed de ritib. et cōsuetudi
 nib. quibuslā uetūstis loquūtur, quos propter anti
 quitatē ad Apostolos retulerūt. Ita Basil. uocat qdē
 dogmata sine scripto, ex traditione accepta: sed re
 cēset, nō articulos aliquos fidei, sed tātū ritus quos
 dam: Cruce signare: ad Orientē cōuerti in oratiōe:
 uerba ἐπικλίσως, dū ostenditur panis eucharis
 tię.

sua, & quæ in celebratiõe eucharistiæ ante et post uerba institutionis recēsentur: benedictio aquæ baptismatis, et baptisati: illinitio olei: trina immersio: abrenunciatio sathanæ in baptismo: cōfessio fidei. Origenes innumeras recēset genuflexiones in oratione, ritus Eucharistiæ & baptismi. Hieron. contra Luciferianos ex Tertul. recēset: Die dominico, & à Pascha usq; ad Pētecosten nō ieiunare, nec de geniculis adorare, prægustare lac & mel post baptismū, oblationes p̄ defunctis, et pro natalicijs annua die, etc. Et de his quidē traditiōib. an singulæ et oēs sint Apostolicæ, in postremo genere traditiōnū dicemus. Nūc tantū ostēdere uolui, Patres quando de traditionib. nō scriptis loquūtur, tantū de uetustis quibusdā ritib. disputare: nō hoc agere (sicut Pontificij cōtendunt) ut multa dogmata fidei, quæ licet nullo scripturæ testimonio probari possint, pari tamē reuerētia et pietatis affectu suscipiātur, sicut illa quæ certa et manifesta habēt in Scriptura testimonia. Sicut igitur discrimē est inter doctrinā et inter ritus: ita disputatio Pōtificiorū, de traditionib. nō est eadē cū illa quæ extat apud ueteres. Et si prius de doctrina consensus cōstitueretur, de ritib. faciliē possit iniri ratio & cōcordia. Apostolos igitur ritus quosdā ordinasse & tradidisse Ecclesijs, ex scriptis ipsorum certò constat. Et uerisimile est, quosdam etiam alios externos ritus qui in Scriptura annotati nō sunt, ab Apostolis traditos esse.

Nullum



tuendis ministris Ecclesiæ, etc. Et tales ritus merito amamus et retinemus: quales sunt cōfessio fidei, abrenūciatio sathane, et alij ritus in actiōe baptismi: qui doctrinā de baptismo in Scriptura traditā, uti liter ad ædificationē explicant & illustrent. Ita de abrogatione sabbati, manifesta extant Scripturæ testimonia: & quod Apostoli prima sabbati conuentus celebrarint, Scriptura non obscure indicat Acto. 20. 1. Cor. 16. Et Apocal. 1. extat appellatio diei Dominicæ. Ita ex doctrina de charitate proximi, & de infirmis in fide suscipiendis, Apostoli condiderunt decretum suum, Acto. 15.

Tales etiam sunt illæ consuetudines Ecclesiasticæ, quas Augustinus existimat ex Apostolorum traditione originē habere: de baptisandis infantibus, de non rebaptisandis, qui baptismum ab hæreticis, secundum formam à Christo institutam acceperāt. Illæ enim consuetudines tradunt exercitium & usum eius doctrinæ, quæ in Scripturæ testimonijs comprehensa est. Tales ritus quin uocentur Apostolici, nō pugnamus: cum hoc modo, sicut dictum est, habeant in ipsa Scriptura testimonium.

2. Apostolicos ritus Paulus hisce notis insigniuit: ut scilicet omnia fiant decenter, ordine, & ad ædificationem. Ita 1. Cor. 11. ritum de uelandis mulieribus, ostendit probabilem esse ex Scriptura: allegat consuetudinem, & ostēdit seruire decoro. Ita 1. Cor. 14. monstraturus rationes ordinationis, de
linguis,

linguis, prophetia, psalmis, oratione, &c. recenset ædificationem, decorum & ordinem. Et tales sancti ritus iudico retinendos & seruandos, qui sunt (sicut eleganter dictum est) incitamenta & retinacula pietatis: hoc est iuxta Pauli regulam, qui primò faciunt ad ædificationem, ut homines inuitentur ad uerbum, ad sacramenta, & ad cætera pietatis exercitia: ut doctrina cõmodius proponatur, pluri fiat, auidius accipiat, & melius retineatur: utq; accendatur & foueatur pœnitentia, fides, oratio, pietas, misericordia, &c. Secundò, qui seruiunt ordini. oportet enim in publicis Ecclesiæ congressibus, esse ordinem dignum grauitate Ecclesiastica.

Tertiò, qui ad decorum faciunt. Intelligitur autem ἐὺσχημοσύνη, non theatra pompa, siue aulica magnificentia: sed tale decorum, ut externis ritibus ostendatur, quid tribuamus uerbo, sacramentis, & reliquis Ecclesiasticis exercitijs, utq; reliqui ad reuerentiam uerbi, sacramentorum, & cõgressuum Ecclesiasticorum inuitentur.

3. Ritus Apostolicos moderatur Christiana libertas: ut scilicet ceremoniæ sint genere indifferentes, numero pauca, sine piæ & utiles, ad ædificationem, ordinem & decorum: utq; totum hoc genus, extra casum scandali, liberas habeat obseruationes: & pro ratione ædificationis, loci, temporum, personarum, &c. dosint institui, mutari & abrogari. Ita Apostolorum constitutio, de suffocato

suffocato & de sanguine, iam dudum in usu esse desijt. causa enim propter quam facta fuerat, non amplius nunc est. 1. Cor. 12. Paulus ordinar, ut uiri aperto capite orent & prophetent: mulieres uero uelato capite. Et illud sumit ex circumstantia locorum & temporum. Tunc enim in illis locis, uiri aperto capite: mulieres, serui & libertini, uelato capite prodibant in publicum: sicut author est Plutarchus in Problem. Rom. Et indicium autoritatis erat, aperto capite loqui: sicut econtrà, uelatum caput testimonium erat subiectionis. Nostri temporibus & locis contrarium seruatur. Aperto enim capite dicere, uel audire, est testimonium subiectionis: signum uero authoritatis, est capite non aperto dicere. Ita trina immersio, prægustatio lactis & mellis, stationes in orationibus die Dominico & intra Pascha & Pentecosten: iamdudum in necessario usu esse desierunt. Natalicia uero, quorum Tertullianus mentionem facit, Nicena Synodus liberè abrogauit. Nulla uerba peculiaria nunc habent, ne Pontificij quidem, quando panis Eucharistie consecratus ostenditur: quos tamen ritus, ueteres existimant, ab Apostolis traditos. Ecclesia igitur libertatem suam, in huiusmodi traditionibus ipso facto declarauit. Doctrina enim uniuersalis & perpetua est: ritus uero pro circumstantijs mutari liberè possunt.

Colligun-

Colliguntur præterea etiam ex Apostolorum scriptis, certæ regulæ, quando & docendo, & exemplis aduersandum sit huiusmodi traditionibus de ritibus: quando scilicet statuuntur quædam, quæ pugnant cum uerbo & mandato diuino. Matth. 15. Vel quando ritibus suo genere adiaphoris, assuuntur opinioniones, cultus meriti & necessitatis, etiã extra casum scandali. Per inet etiam huc, quod Augustinus queritur epist. 119. ipsam religionem, quàm paucissimis & manifestissimis celebrationum sacramentis, misericordia Dei liberam esse uoluit seruilibus oneribus: premunt, ut tolerabilior sit Iudeorum conditio, qui legalibus sarcinis, non humanis præsumptionibus subijciebantur.

Hæc est uerè Apostolica ratio iudicandi de huiusmodi traditionibus: & est certior & utilior, quàm de incertis disputare: quæ scilicet traditiones à quibus Apostolis, quo tẽpore, quo loco, &c. sint traditæ: de quibus nullum ex Scriptura documentum proferri potest.

Nos igitur non simpliciter omnes traditiones quæ huius sunt generis, reijcimus & damnamus. Illud enim quod Hieronymus Lucinio scribit, non improbamus: traditiones scilicet Ecclesiasticas, præsertim quæ fidei non officiunt ita obseruandas, ut à maioribus traditæ sunt. Et quod Augustinus dicit: Quod neq; cõtra fidem, neq; contra bonos mores iniungitur, indifferenter esse habẽdum, & pro
eorum

eorū inter quos uiuitur societate seruandum. Hæc uerò iuxta Apostolicas regulas, quas in Scriptura colligi diximus, intelligi uolo. Nam & Augustinus epist. 119. de quibusdam ritibus refecandis disputat: licet non facile inueniri possit, quomodo sint contra fidem: tamen quia multitudine, & necessitatis præsumptione Ecclesiam premant, abrogandos esse.

OCTAVVM GENVS TRADITIONVM.

Postremum genus traditionum constituemus illud, de quo Pontificij potissimum digladiantur. Illam enim distributionem traditionum, in certa aliquot capita seu genera ideo institui: ut disputatio de Traditionibus, quam Pontificij studiosè, affectatis confusionibus perplexam reddunt, simplicius & clarius intelligi possit: utq; ueterum sententiæ, quæ nō uno modo de traditionibus loquuntur, rectius dijudicari & explicari possent. Pontificij enim, cum latis multis dissimilibus uetustissimorum scriptorum sententijs, speciem aliquam exprætextum, imò fucū potius disputationi suæ conciliant. Sophisticum autem est, quòd omnes traditiones quæ non sunt unius generis, ex una fidelia (sicut prouerbiū habet) dealbant: ut fraudem simpliciores non animaduertant. Et iudico non esse simpliciorum rationem, quæ tota hæc disputatio explicetur, & Pontificiorum obiectiones solidè
A resu-

obuertatur, ut fas non sit ultra querere, si dicatur esse traditio? In oratione Taciani ad Græcos, idolum quoddam uocatur: *πικρὸν δεισιδαιμονίας*, epitome superstitionis: nos uero Pontificiorum disputationes de traditionibus, rectius possumus uocare non epitomen, sed pandectas errorum & superstitionum.

Insignis omnino audacia est, maiestati & auctoritati Scripturæ canonicæ aliquid æquare. Concilium autem Tridentinum, traditionibus sine scripto, tum ad fidem tum ad mores pertinentibus hoc tribuit, ut pari pietatis affectu & reuerentia suscipiantur, sicut ipsa sacra Scriptura. Quid uero?

Num forsitan Concilium intelligit tales traditiones, sicut ueteres, quæ in Scriptura cominentur, & eius perspicuis testimonijs probari possunt? Nihil uero minus. Sed Andradius dicit, necessario credendas illas etiam traditiones, quæ nullo Scripturæ testimonio probari possunt. Et ne Lector hæsitet quid uelint, clarè & disertè se explicant, quas intelligant traditiones. Petrus à Soto hic uerbis utitur: Infallibilis est regula, & catholica: Quæcunq; credit, tenet & seruat Romana ecclesia, & in Scripturis non habemur illa ab Apostolis esse tradita: item, quarum obseruationum initium, author & origo ignoretur, uel inueniri non potest, illas extra omnem dubitationem ab Apostolis traditas esse. Et in

specie, has traditiones enumerat: Oblationem sacrificij altaris, unctionem chrisimatis, inuocationem sanctorum, merita operum, primatum Romani pontificis, consecrationem aquæ in baptismo, totum sacramentum confirmationis: elementa, uerba & effectus sacramenti ordinis, matrimonij, & extremæ unctionis: orationes pro defunctis, enumerationem peccatorum sacerdoti faciendam, necessitatem satisfactionis. Hæc sunt Apostoli uerba: quæ ideo adscripsi, ut lector uideat non de adiaphoris, sed de rebus longè grauissimis controuersiam esse in hac disputatione de traditionibus. Habemus igitur descriptionem, non inuidiosè à nobis exaggeratam, sed ipsorum uerbis nobis traditam: quales scilicet intelligere debeamus traditiones, quas uolunt nos pari pietatis affectu & reuerentia suscipere & uenerari, sicut ipsam Scripturam canonicam. Pertinent autem ad Apostoli enumerationem infinita alia: ut mutilatio cœnæ Dominicæ, coelibatus sacerdotum, delectus ciborum, purgatorium, nundinatio indulgentiarum, cultus imaginum, legendæ sanctorum: & in summa, quicquid credit, tenet & seruat Romana ecclesia, quod nullo Scripturæ testimonio probari potest, credendam est ab Apostolis traditum esse. Breue sanè, & facile est hoc compendium. Clamitant à multis iam annis totius orbis iustissimæ querelæ, regnū Pontificium multas corruptelas, abusus

abusis & superstitiones inuexisse in Ecclesiam: petunt, in legitimo concilio grauissimas has controuersias ex uerbo Dei dijudicari & definiri. Sed ecce, Pontificij sonora uoce profitentur, multa quæ credunt, tenent & seruant, nullo se Scripturæ testimonio probari posse. Corrigi ne igitur uolunt ea, quæ ad canonem sacræ Scripturæ non congruunt? Nihil minus. Sed opponunt ætius siue postulatam, sicut Geometræ loquuntur, ad cuius probationem nolunt obligati esse: Quæcunq; scilicet ea quæ nunc est Romana ecclesia, credit, tenet & seruat, quæ nullo Scripturæ testimonio probari possunt, certò statuendum esse, quòd sint ab Apostolis tradita. Et mox Tridentinum concilium addit uocem suam decisiuam: Traditiones siue scripto, pari pietatis affectu ac reuerentia suscipiendas ac uenerandas esse, sicut ipsam sacræ Scripturam. Tam breui & leui uelitatione conclamatum & debellatum est in synodo Tridentina, de grauissimis horum temporum controuersijs: sicut episcopus quidam Gallus, in exordio Concilij exclamauit: Venimus, uidimus, uicimus.

Non autem ordine de singulis, quæ titulo Traditionum Ecclesijs obtruduntur, & quos sibi fingant auctores, dicemus: eruditè enim et copiosè hoc præstitum est ab alijs: sed generales quasdam obseruationes annotabimus, id quod eo breuius fieri potest. in illis enim quæ hactenus exposuimus,

uos seducat per inanem deceptionem, secundum traditionem hominum. Petrus etiam cum imminente fine uitæ suæ, postremam scriberet epistolam, prædicit futuros falsos doctores, qui fictis sermonibus, negociaturi sint in Ecclesia. Et non uanas fuisse illas Apostolorum de traditionibus prædictiones & admonitiones experientia ostendit. Statim enim post Apostolorum tempora, cum adhuc in recentissima memoria esset, quæ fuisset Apostolorum doctrina, hæretici sub prætextu & titulo traditionū non scriptarū, cœperūt peregrina dogmata Ecclesijs obtrudere. Irenæus enim lib. 3. cap. 2. inquit: Cum ex Scripturis arguuntur, in accusationem conuertuntur ipsarū Scripturarum, quia non possit ex his inueniri ueritas ab his qui nesciant traditionē: nō enim per literas traditam illam, sed per uiuam uocem, sicut Paulus dicit, sapientiā inter perfectos. Et lib. 1. dicit, Carpocratianos noua sua commenta, hoc prætextu defendisse, quod scilicet Iesus talia priuatim Apostolis in mysterio locutus fuerit: & Apostolos illa tradidisse, non omnibus, sed dignis tantum.

Tertullianus de præscriptione aduersus hæreticos dicit, ipsos cū ex Scripturis cōmēta sua probare nō possent, sed inde refutarentur, duo præcedisse: uel Apostolos nō omnia scisse, quia Christus dicat: Multa habeo adhuc uobis loqui, se nō potestis ea modò sustinere: uel Apostolos quædā nihil igno-

rasse, nō autē omnia illos omnibus reuelasse: quæ-
 dam palàm & uniuersis, quædam secretò & pau-
 cis demandasse. Ideo contendebant, illa etiā quæ
 sine Scriptura, præter & contra Scripturā, quasi
 uiua uoce tradita proponebantur, suscipienda es-
 se. Sed hoc commentum egregiè refutat Tertul-
 lianus: Dominus enim præcipit, ut si quid in tene-
 bris & in abscondito audissent, in luce & in tectis
 prædicarent, lucernam non sub modio absconde-
 rent, sed super candelabrum constituerent. Et
 addit: ut maximè inter domesticos quædam disse-
 ruerint: non tamen ea fuisse credendum est, quæ
 aliam regulam fidei superducerent, diuersam &
 contrariam illi, quàm catholicè in medium profe-
 rebant. Irenæus allegat illud Pauli, Non subtraxi
 uobis, ut non annunciarer omnem sententiā Dei.
 Et addit: Ita & Lucas, sine inuidia quæ didicerat
 tradidit, inquit: Sicut tradiderunt nobis qui ab
 initio, &c. Hæc Irenæus. Quia uerò nullum e-
 rat dubium, Apostolos multa tradidisse uiua uo-
 ce, ne ideo fingeremur dogmata alia, diuersa &
 contraria illis quæ in Scriptura extant: Irenæus et
 Tertullianus ostenderunt, ueras Apostolorum &
 Apostolicorum traditiones, non esse alias diuersas
 & contrarias, sed omnino consentaneas Scriptu-
 ræ: sicut in præcedentibus hæc demonstrata sunt.
 hoc uerò loco, paucis illa repetenda fuerunt: ut
 ostenderetur, antiquam & frequentem esse uiam,
 per

per traditionum fallere nomē. Apostoli enim hoc prædixerunt, & Ecclesias præmonuerunt. Historiæ primitivæ Ecclesiæ hoc ostenderunt: quæ etiam subministrant solutiones ad prætextum illum: quia Apostoli, vivas etiam voce multa tradiderint: ideo non omnia ex Scripturis sumi & probari posse, quæ credenda sunt. Irenæus enim dicit, ea quæ Polycarpus ex traditione commemorare solitus fuerit, non fuisse diversa, nec contraria: sed τὰν τὰ σὺμφωνὰ ταῖς γράφαις, omnia consentanea Scripturis sacris.

Ita sequentes etiam hæretici, pallium traditionum corruptelis suis induerunt. Euseb. lib. 5. cap. 28. recitat, Artemonem de doctrina sua, quasi antiqua, gloriatum esse. Maiores enim omnes, ipsos etiam Apostolos, ita sensisse & docuisse. Sed reclamant ipsi, inquit Eusebius, primum divinæ Scripturæ: deinde antiquiora fratrum scripta. Clemens Stromat. 7. dicit Basilidem gloriatū, se Glaukia quodam, qui fuerit interpres Petri, magistro usum.

Valentinum audiuisse Theodotum, Pauli familiarem. Marcionistas gloriatos se Matthiæ discipulos habuisse magistros, & ab ipsis traditam doctrinam se tenere & producere.

Athanasius oratione 2. contra Arianos, recitat exordium scripti Arii, cui Titulus fuerit θαλασσα, tale fuisse: Ex electis Dei secundum fidem, peritis

capite Aggae inquit: Alia etiam, quæ absque authoritate & testimonijs Scripturarum, quasi traditione Apostolica sponte reperiunt atq; confingunt, percutit gladius Dei.

Secundò obseruandum est & hoc: non tantum hæreticos seductos, alios seduxisse, prætextu & titulo traditionū nō scriptarū: uerum etiā excellentes in Ecclesia uiros qui nō fuerunt mali, deceptos tamen fuisse, cum præter Scripturā traditionibus nō scriptis nimīū tribuerent. De Papias, qui Ioānis auditor, et Polycarpi cōdiscipulus fuit, Euseb. lib. 3. cap. 39. memorabile huius rei exemplū annotauit. Præfatur Papias, se ab ijs qui Apostolis familiares fuerūt, ea q̄ fidei sunt, accepta bene didicisse, et rectè memoriæ mādasse. Et addit: Non sum delectatus illis qui peregrina præcepta cōmemorant, sed his qui quæ uera sunt docent, & quæ à Domino fidei nostræ sunt tradita, et ab ipsa p̄fecta sunt ueritate adferūt. Sic ubi quispiā uenit, q̄ seniorū sectator fuerat, seniorū uerba exquirebā: qđ Andreas, qđ Philip. qđ Thom. uel ali⁹ q̄spiā ex discipulis Domini dixerit. Magnifica sanè hæc est traditionū Papiæ cōmēdatio. Et cōsideret lector hæc Papiæ uerba: Cogitabā me nō tātū utilitatis ex libris, quānū ex uiua uoce relaturū. Vides Papiā Scripturæ præferre traditiōes: ideo etiā potissimū de illorū Apostolorū traditiōib. exq̄siuit, quorū nulla scripta extāt. Et sanè si cui ali⁹, certè Papiæ de Traditiōib. nō scriptis

scriptis fides esset adhibenda. Sed audi quid Eusebius dicat: Multa paradoxa, & alia quædam Papias ὡς ἐκ παλαιότητος ἀγγέλλει, tanquā ex traditione non scripta ad se relatq; adijcit: & peregrinas quasdam Seruatoris parabolas ad doctrinas, cum alijs nonnullis fabulosis, in quibus etiā est Chilastica opinio. Et rationem addit Eusebius: ipsum Apostolicas disputationes non rectē accepisse, nec ritē considerasse, eo quòd admodum modico fuerit iudicio præditus. Hic mihi lector paulisper se colligat, et inter se confrat duos Apostolorū siue Apostolicorū συμφωνίας, Polycarpū sc. et Papiā, quorū uterq; affirmat, se solam eam ueritatē quā ab Apostolis acceperant, tradere. Sed Polycarpus sanā fidei regulam tenet. quæ enim ex traditionibus commemorat, sunt πάντες σύμφωνοι ταῖς γράφαις, omnia consentanea Scripturis sacris: sicut Irenæus inquit apud Eusebiū lib. 5. cap. 20. Papias uerò, quia plus tribuebat traditionib. nō scriptis, quā libris sacris, inuexit in Ecclesiā ἑσώας διδασκαλίας, καὶ μυθικώτερά τινα, peregrina dogmata, et quæ quodāmodo fabulosa erāt. Ita bonū & Apostolicū uirū Papiā, decepit nimia traditionū nō scriptarū admiratio: cum quidē illis, plus quā Scripturis tribueret. Polycarpum uerò συμφωνίᾳ traditionū cum Scripturis, in uia regia retinuit. Ita Euseb. lib. 3. cap. 37. dicit, multos discipulos, in primo gradu Apostolicæ successio-

nis, opus

nis, opus Euangelistarū perfecisse: hoc est, illis qui de doctrina fidei nihil dum prorsus audierāt, Christum prædicasse, ac DIVINORVM EVANGELIORVM TRADERE SCRIPTURAM, magno studio sat egisse. Tales tunc fuerūt ueræ traditiones.

Non autem solum Papiā admiratio traditionū nō scriptarū decepit, sed sicut Eusebius dicit, quā plurimis post se Ecclesiasticis uiris, Chiliasitici erroris causam dedit. Et rationem addit Eusebius, τῶ ἀρχαίω τῷ αὐτῷ ἀνδρὶ πρὸς πλεονέκτησιν: quia, inquit, prætenderunt antiquitatem illius uiri. Admiratio igitur traditionū non scriptarū, et prætextus antiquitatis extra, præter et contra Scripturam, à sana fidei regula seduxerunt bonos etiam et præstantes in Ecclesia uiros. Chiliasiticā enim opinionē ex traditione quasi Apostolica amplexi sunt Irenæus, Apollinarius, Tertullianus, Victorinus et Lactantius: sicut annotauit Hieronymus. Et illud factū est primis et florentissimis Ecclesiæ temporibus. Quid igitur postremis hisce et miserrimis senescentis Ecclesiæ temporibus futurum existimas lector, si recipiatur decretum Tridentinæ synodi de traditionibus non scriptis, pari reuerentia et pietatis affectu suscipiendis, sicut ipsam sacram Scripturam?

Vnum adhuc exemplū, quod ualde illustre est, attexam. Clemens Alexandrinus in tota antiquitate ha-

αὐτὸς ὁ ἴδιος uerò, inquit, uerbo creduntur nō scri-
pto. Item: Mysteria traduntur mysticè.

Et li. 5. extat longa disputatio. Sicut philosophi
quædam arcana de suis dogmatibus ita occulta-
runt, ut non essent manifesta omnibus. quædam e-
nim uocarūt ἐξωτὴ γινῶσκει, quædam ἐσωτὴ γινῶσκει.
Et sicut Plato dicit, maximam cautionem esse, nō
scribere, sed discere: quæ enim scripta sunt, in
uulgus exeunt: ita Apostolum etiam conseruan-
tem antiquam illam occultationem, dicere: Sapien-
tiam loquimur inter perfectos. Item inquit: Pau-
corum est, hæc capere. Ideo in Euangelio quodā
præcepit Dominus: Mysteriorum meorum mihi, et fi-
lij domus meæ. Hæc uerba si quis conferat, de-
prehendet planè illa ipsa esse, quæ suprā annota-
uimus ex Irenæo lib. de Carpocrattonis, et lib. 3.
de Valentinianis: item ex Tertulliano, de præ-
scriptione aduersus hæreticos. Hoc enim prætex-
tu, traditiones statim post tempora Apostolo-
rum cœperunt Ecclesiæ obtrudi. Et illa qui-
dem sententia in hæreticis, ab Irenæo et Tertul-
liano grauitè repressa fuit. mansit tamen et hæ-
sit opinio, etiam in posteris, sicut in Clemente,
Christum et Apostolos, quædam (sicut Tertul-
liani hæretici loquuntur) palam et uniuersis,
quædam uerò secretò et paucis tradidisse: et hæc
esse originem traditionum, præter Scriptu-
ram. Valde multus etiam est Clemens, in com-
mendando.

mendando quodam peculiari genere Gnosticorū: quorū hanc tradit descriptionem lib.6. Cognitio quæ uerū gnosticū facit, illa est, quæ per successionem ad paucos ex Apostolis, absq; scripto tradita peruenit, &c. Damnata quidem fuit ab Ecclesia Gnosticorū hæresis, quæ à perfectiori scientiæ opinione, ex cōmentarijs traditionibus originē habuit: sed tamen propter admirationem traditionū nō scriptarū, seminaria quædā de cognitione perfectiori quā quæ in Scripturis traditur, hæserūt in magnis & eruditis etiam uiris in Ecclesia.

Quæ uerò sunt illa, quæ Clemens ex secreta seu mystica illa paucorum traditione accepit? Recitabimus quædam: unde de reliquis, quæ ipse fatetur talia fuisse quæ timuerit conscribere, iudicium fieri possit.

Lib.1. Strom. inquit, se in illis suis ex traditionibus contextis cōmentarijs, doctrinæ cœlestis ueritatem uelle admiscere philosophiæ decretis: quia sicut lex Iudæis pædagogia fuit in Christum, ita & Græcis philosophia. Et postea addit: Per se quoq; aliquādo Græcos iustificabat philosophia. multa. n. sunt uiae ad uitā. Et postea cōtendit, legē etiā procurare salutem, & facere iustos ex iniustis, si quis uelit audire. Atqui hæc manifestissimè pugnant contra scripta Pauli. Sed Clemens excipit esse mysteria, quæ non palàm & uniuersis, sed secretò & paucis tradita fuerunt

runt ab Apostolis. Tertullianus uerò ex professò hoc refutat. uerba antè annotauimus.

Recitat etiam lib.1. traditionē, quòd Christus u-
no solo anno prædicarit. Hanc uerò traditionē Ire-
neus lib.2. cap.39. tribuit hæreticis: ex ipse oppo-
nit aliam traditionem, quam affirmat, seniores à Io-
anne apostolo, et ab alijs etiā Apostolis accepisse:
Christum scilicet non multum abfuisse à quinqu-
agesimo ætatis anno, cum crucifigeretur. Sed et hæc
Irenæi traditio, communi Ecclesiæ sententia repro-
bata fuit. Potest enim ex Euangelio Ioannis, & ex
Actis Apostolorum ostendi, quòd non sit uera. Ita
boni etiam uiri in Ecclesia, nimia admiratione tra-
ditionum non scriptarum decepti fuerunt.

Sed pauca quedam alia ex Clementis traditio-
nibus adiiciemus. Lib.2. Stromatū, dicit Apostolos
post mortē etiā mortuis prædicasse, qui cum Apo-
stolis in aquam descenderunt, & inde rursus uiuifi-
cati ascenderunt. Ibidem, secundam tantum conce-
dit pœnitentiam lapsis.

Lib.3. dicit. dicit Paulus secundū nuptias ex ue-
nia concedere: non enim peccant contra legē, non
tamen implent perfectionem Euangelicam.

Lib.4. Siue hic siue alibi agatur pœnitētia: nul-
lius enim locus uacat misericordiæ Dei. Et ideo in-
quit lib.6. Fortè cessabūt supplicia post hanc uitā.

Lib.6. multis cōtendit, Græcos per philosophiā
saluatos. Et Apostolos Euāgeliū annunciasse im-

pijs apud inferos, ut non maneant in damnatione, qui in uita non potuerint audire Euangelium, sed conuertantur. Contendit etiam, non inhaerendum literæ Scripturæ, sed quærendam allegoriam, ita ut etiam Decalogum in uarias transformet allegorias.

Libro 17. uirgines prudentes dicunt Deo: Nihil prætermisimus eorum quæ præcepisti: quamobrem promissa quoque petimus. Et ad illam sententiam accommodat, quòd athleta quidam, cum longo tempore corpus exercuisset, ascendens ad Olympia, cum Pisani Iouis aspexisset statuam: Si omnia, inquit, ô Iupiter mihi rectè parata sunt ad certamen, iustè mihi redde uictoriam.

Ibidem disputat, perfectum non debere iurare. Et Christianos non posse contendere iudicio, nec coram gentibus, nec coram sanctis. Possem similia ualde multa ex libris Clementis recitare de peccato originis, de libero arbitrio, de apathia, de perfectione, de fide, de salute, &c. quæ à regula Scripturæ procul discedunt. Sed pauca hæc capita, quæ ne ipsos quidem Pontificios probaturos arbitror, annuntiare uolui: ut ostenderem, quomodo bonis etiam et magnis in Ecclesia uiris, titulus, prætextus et admiratio traditionum non scriptarum, quarum origo referrebat ad illos qui profitebantur se Apostolos audiuisse, imposuerit: ita ut sæpe ad peregrinus planè doctrinas declinarint. id quod de Clemente negari

te negari non potest. Magnifica uerò illa traditio-
num Clementis encomia, etiã Origeni, & alijs post
ipsum, opiniones illas instillarũt. Sed in Origine et
in alijs postea multa secũdum Scripturæ regulam
damnata sunt, quæ Clemēs tanquã traditiones Apo-
stolicas acceperat : ut de Philosophia, et de lege sal-
uante : de Vnica tantum, post susceptam fidem, pœ-
nitentia : de conuersione & pœnitentia post mor-
tem : de cessatione suppliciorũ eternorum : de per-
fectione, de libero arbitrio, &c.

Et si quis libros Stromatum Clemētis rectè con-
sideret, deprehendet, titulo & admiratione tradi-
tionum præter Scripturam deberi, quòd tempore
Origenis, & postea apud quosdam doctrina Eccle-
siæ à puritate & simplicitate Apostolica degenera-
uit ad mixturã & transformationē philosophicã.

Origenes in libros $\pi\epsilon\gamma\iota\ \alpha\epsilon\chi\omega\upsilon$, ubi præcipua
capita doctrinæ Ecclesiæ explicare conatur, ita
præfatur: Cũ multi sint, qui se putēt scire quæ Chri-
sti sint, seruetur uerò Ecclesiastica prædicatio per
succeßionis ordinem ab Apostolis tradita, & usq;
ad præsens in Ecclesijs permanens: illa sola creden-
da est ueritas, quæ in nullo ab Ecclesiastica discor-
dat traditione, etc. Magnifica est præfatio: & quòd
dicit se illa ex traditione accepisse, iudico ipsum di-
cere quod sensit. Doctrinã enim suam acceperat à
Clemente Alexandrino: qui traditiones illas, ab ijs
qui profitebantur se Apostolos & Apostolicos au-
diuisse,

diuiffe, acceperat. Ita Origenes cenſet eſſe Apoſto-
licas traditiones. Sed qualis ſit doctrina in libris $\pi\epsilon\pi\iota\alpha\epsilon\chi\omega\upsilon$ Origenis, & per ſe manifeſtum eſt, &
notum eſt. Hieronymus iudicium de illis ad Auitũ
Pammachiũ & Oceaniũ, & alibi, dogmata eius uo-
cat uenenata. Et illi ſcilicet ſunt fructus talium tra-
ditionum.

Quòd ſi optimis illis primitiuæ Eccleſiæ tẽpo-
ribus, pretextus & admiratio traditionum non
ſcriptarum, potuit præſtantiſſimos uiros à ſana &
ſimplici fidei regula, ad peregrinas opiniones abdu-
cere: certè his exemplis monemur cauere fermentum
Decreti Tridẽtini de traditionib. non ſcriptis,
pari pietatis affectu ſuſcipiendis, ſicut ipſam ſacrã
Scripturã. Lector inter ſe conſerat Papiæ, Clemen-
tis, & hæc noſtra poſtrema tẽpora, & res non erit
obſcura. Per titulum igitur, pretextũ & admira-
tionem traditionũ præter & contra Scripturã, &
decepti ſunt, & deceperũt alios cùm hæretici, tũ
magni etiã, & non mali in Eccleſia uiri. Opus eſt
ergo certa regula, ad quam exigatur, ſi quid nomi-
ne traditionis proponitur. Sed quæ illa regula ſit,
poſtea dicemus. abſoluemus enim prius reliquas ob-
ſeruaciones de origine traditionũ, quæ nullo Scri-
pturæ teſtimonio probari poſſunt.

Tertia obſeruatio eſt, quòd ueteres quidã ex apo-
cryphis, ſiue adulterinis ſcriptis, multa ſub titulo
traditionũ citarant. Et hæc obſeruatio multa illu-
ſtrabit.

illustrabit. Papias & Clemēs ab illis qui profitebantur, se uel Apostolos, uel Apostolicos audiuisse, traditiones suas acceperāt. Qui uerò postea secuti sunt, cū nō possent allegare uel Apostolos, uel Apostolicos quos audiuisent, & tamē admirarētur traditiones, alio prætextu illas ad Apostolos retulerunt. Et ad hāc rē, occasione præbuit lectio scriptorū apocryphorū, hoc est adulterinorū. Suprà. n. diximus, quòd Ecclesia salubri diligentia tres ordines distinxerit, scriptorum de doctrinā Christi & Apostolorum. In primo ordine erant legitima, certa & testamentaria scripta, sicut Eusebio uocātur. Secundus, ordo habebat scripta, de quibus quædam erant dubitationes: quæ tamen ad ædificationem plebis legi uolebant. Tertius ordo erat scriptorum, quæ adulterina, supposititia ficta & falsa habebantur. Cū igitur tertij ordinis scripta, simpliciter essēt reiecta & improbata: multi tamē illa, priuatim inspiciebant & legebāt: & paulatim concipiebatur opinio, fieri posse quòd talia, aut quædā saltē ab Apostolis essent tradita. Quæ igitur ex apocryphis seu adulterinis illis scribis citabant, illa incipiebant ornare titulo traditionū. Non fingo hæc: exēpla enim sunt manifesta, quib. id quod dico, ostēdi potest.

Clemens enim Alexandrinus, talia multa, ex apocryphis citat, quibus peregrina dogmata stabilire conatur. Vt lib. 2. Strom. ex libro Pastoris Hermæ, probat Apostolos etiā post mortē prædicasse

illis qui antea in infidelitate mortui fuerāt, & illos conuersos uiuificasse. Lib. 5. probaturus arcana quedam fidei occultata, & non omnibus Christianis manifestata, citat ex apocrypho quodam Euangelio: *Mysteriū meum mihi & filiis domus meae.*

Lib. 6. ex apocryphis Petri & Pauli probat, Græcos per philosophiā saluatos. Ibidē, ex pastore Hermæ probat, in Scriptura discedendū à litera, et quæredas allegorias: et quidē ita, ut ipse Decalogus in uarias allegorias transformetur. Et li. 3. dicit, Taciani sectatores coniugiū dānasse, citatis sententijs quibusdā Christi, ex Euangelio secundū Agyptios: *Veni ad dissoluendum opera foeminae. Item: Quam diu uos foeminae paritis, mors uigebit, &c.*

Origenes & Basilius dicunt, traditionem esse, Zachariam illū, qui Matth. 23. occisus dicitur inter templum & altare, fuisse patrē Baptistæ: sed hoc in apocrypho proteuangelio Iacobi scriptum est. Tertull. & Basilius dicūt esse Apostolicā traditionem, crucis signo digitis in aere formato, omnia signare: sed hoc sumptū est ex Euāgelio Nicodemi. Ibi enim Charinus & Lenthius resuscitati, digitis faciunt signaculū crucis in linguis. Et Christus in inferno facit signū crucis supra Abraham & sanctos. Latroni etiam dat signum crucis in manu, & inquit: Si custos Paradisi noluerit te intrmittere, ostende illi signum crucis. Augustinus epistola 99. ad Euodium: *Quod Christus Adamum in inferno soluerit,*

soluerit, Ecclesia ferè tota consentit. quod eam non inaniter credidisse credendum est, undecunq; hoc traditum sit, etiamsi canonicarum Scripturarum hinc expressa non proferatur authoritas, addunt quidam, hoc beneficium alijs etiam Patriarchis & Prophetis fuisse concessum: ut cum Dominus in infernum uenisset, illis doloribus soluerentur, &c. Audis traditionem. Sed in Euāgelio Nicodemi hæc leguntur. Et Augustinus, obijciens sibi contra illam traditionē ea quæ de sinu Abrahamæ scripta sunt, inquit: Ego quidem non uideo, explicēt fortassis qui possunt. Item: Nescio utrum quisquā sit, cui non uideatur absurdum, &c. Tales scilicet sunt disputationes de traditionibus

Vetus fertur traditio, Enoch & Heliam reuersuros ante extremum diem, & præliaturos cum Antichristo: sed sumptum hoc est ex apocrypho Euangelio Nicodemi.

Epiphanius adeò delectatus fuit huiusmodi traditionibus ex scriptis Apocryphis, ut magis probet Christum, iuxta apocryphum proteuangelium Iacobi, in spelunca quadam in itinere natū esse, quam in ipsa ciuitate Bethlehem, in stabulo. Clemens etiam 7. Stromatum, tanquam ex traditione refert, quomodo obstetrices Mariam inspexerint post partum: quod itidem ex proteuangelio Iacobi sumptum est.

Ita Epiphanius ex traditione, parētes Mariæ nomi-

nat Ioakim & Annam. & addit, angelum parady-
 si, nunciasse Ioakim, conceptionem filiae. Sed hæc
 sumpta sunt ex proteuāgelio Iacobi. Nominat etiā
 ex traditione, hoc est ex scriptis apocryphis, uxo-
 rem Cani Sanue, uxorem Seth Asuram, uxorem
 Noe Barthenon, patrem Danielis Sabaan, patrem
 Melchisedech Heraclem, matrem Astaroth: A-
 belem interfectum, natum annos triginta. An-
 no Adæ centesimo: Lazarum fuisse triginta an-
 norum, cum resuscitaretur: & post resuscita-
 tionem uixisse alios 30 annos. Dicit etiā ex tra-
 ditione, Adamum ibi sepultum, ubi Christus cru-
 cifixus fuit. Sed & hanc de sepultura Adæ tradi-
 tionem, & de Zachariæ patre Baptiste, Hierony-
 mus liberè reijcit: quia ex Scripturis Canonicis nō
 habent authoritatem. Ieiuniū in pane & aqua. Epi-
 phanius nominat traditionem: sed ex lat in Her-
 ma, similitud. 5. Eusebius libro 3. cap. 25. Inter ad-
 ulterina & reprobata recitat scriptum quoddam
 de doctrinis Apostolorum. Et in Canonibus Apo-
 stolorum, inter canonicos libros numerantur Cle-
 mentis libri *πρὸς διακονοὺς* Apostolorum: id
 quod supposititium esse, ipse etiā Lindanus agno-
 scit. Epiphanius uerò multis cōmendat illas Apo-
 storū cōstitutiones, quæ apocryphæ seu nothæ habi-
 tæ fuerūt ueteribus: sicut de canonib. Apostolorū
 expresse dicitur dist. 15 & 10. Epiphanius igitur di-
 cit libro 3. Tom. 2. hæresi 80. In constitutionibus
 Aposto-

Apostolorum, inquit, diuina doctrina, pilos barbæ non esse secandos. Meminit etiam libri de constitutionibus Apostolicis, lib. 1. Tom. 3. hæresi 45. Et lib. 3. Tom. 1. hæresi 70. Ita lib. 2. Tom. 1. hæresi 59. citat et defendit canonem de cœlibatu sacerdotum, ita ut in sacerdotio non utantur coniugio. Sed Paphnutius in Nicæna synodo, uocat nouam legem. falsum igitur est, quod sit traditio Apostolica.

Et lib. 2. Tom. 1. contra Apostolicos dicit, ad interpretationem Scripturæ, opus esse traditione. Quod si hoc tantum intelligeret, ex historijs Ecclesiæ multa sumi posse, quibus loca quedam Scripturæ declarentur: sicut ibi dicit, consuetudinem fuisse, quod Christiani filias suas nō elocârint incredulis, uel Iudæis uel Gentibus, et ideo multas mansisse in-nuptas: hoc, inquam, non grauatim reciperemus: sed longius progreditur Epiphanius, & traditiones opponit Scripturæ. Vbi enim Paulus in genere scripsit, Virgo si nupserit, non peccat: Epiphanius opponit traditionē ex apocryphis illis Apostolorum constitutionibus, peccatum esse, post decretam uirginitatem ad nuptias reuerti: cum Hieronymus dicat 1. Cor. 7. Si quis in statu uirginitatis adoleuerit, si postea agnoscat, se in duplici necessitate constitutum, ut aut scortetur, aut uxore ducat, faciat quod uult: si uxore duxerit, non peccauit. Ita Cyprianus lib. 1. epist. 11. Quod si se ex fide Christo dicauerint, pudicè & castè perseuerent: si autem perseuerare

nolunt, aut non possunt, melius est nubere, quàm ut in ignem delicijs suis cadant. Adulterina igitur est traditio, quã Epiphanius ex scripto apocrypho alligat: pugnat enim cū Scriptura, & ignota est Patribus. Et ex hac obseruatione intelligi potest, unde Patres, præcipuè uerò Epiphanius, multas tales traditiones quas hoc titulo ornant, sumpserint: & quæ illarū etiam olim fuerit autoritas, hoc exemplum ostendit. Chrysostomus in opere imperfecto de Magis, quòd biennio post natum Christum uenerint, dicit: Audiui aliquos referentes de Scriptura quadã, etsi non certa, tamen non destruente fidem, &c. Et hanc traditionem seriò sequitur Epiphanius.

Theophylactus uerò, recitata illa traditione mox subiicit: Sed tu alteram sententiam, tanquam meliorem retine. Ita de traditione, de Zacharia patre Baptiste, Matth. 23. Hieronymus dicit: Quod de Scripturis autoritatem non habet, eadē facilitate contemnitur, qua probatur.

Quarta obseruatio, quòd Patres multas, aliquāto uetustiores consuetudines, cum earum origo non facile monstrari posset, statim ad Apostolos, quasi ab ipsis traditas, ut maior esset earū autoritas, retulerūt: quas tamē Apostolos non habere autores, ex alijs ueterum scriptis liquidò probari potest.

Epiphanius cōstāter asserit, ieiuniū quartæ feriæ & sextæ, Ecclesiā habere ex traditione Apostolorum. Ieiunium etiā quadragesimæ Ambrosius, Hieronymus,

ronymus, & alij tribuunt traditioni Apostolorum. Sed quid & quantum huic traditioni tribuendū sit, manifestè potest ostendi, Apud Augustinum enim epist. 86. Vrbicus quidam catholicam necessitatem, ut sabbatho ieiunetur, ex traditione Petri defendebat, qui Dominica die cum Simone mago certaturus, pridie cum ecclesia Romana ieiunârît. Alij uerò contradicebant, Apostolorum traditionem esse, non sabbatho, sed sexta feria ieiunare. Augustinus uerò ita respondet: Est quidem hæc opinio plurimorum, quamuis eam perhibeant esse falsam plerique Romani. Quòd si respondetur, hoc docuisse Hierosolymis Iacobum, Ephesi Ioannem, cæterosq; alijs locis quod docuit Romæ Petrus, hoc est, ut sabbatho, ieiunetur. sed ab hac doctrina cæteras terras deuiaſſe, atq; in ea Romam stetisse: & econtrariò refertur, Occidentis potius loca non seruasse quod Apostoli tradiderunt, Orientis uerò terras, unde coepit ipsum Euangelium prædicari, in eo quod ab omnibus Apostolis traditum est, mansisse: interminabilis est ista contentio, generans lites, non finiens quæstiones. Sit ergo una fides uniuersæ Ecclesiæ, etiamsi ipsa fidei unitas quibusdam diuersis obseruationibus celebretur, quibus nullo modo quod in fide uerum est, impeditur. Et postea dicit: Ego in Euangelicis & Apostolicis literis, animo id reuoluens, uideo præceptum esse ieiuniū: quibus autem diebus non oporteat ieiunare, & quibus
opor-

oporteat, præcepto Domini uel Apostolorum non inuenio definitum, &c. Manifesta est sententia: Et tamen quia uetus erat consuetudo, multi eam ad Apostolorum traditionem referre non uerebantur. Ita Augustinus epist. 119. dicit quidem, quadragesimā ieiuniorū habere auctoritatē ex ieiunio Moſis, Helie & Christi. Sed epist. 86. affirmat, quibus diebus sit ieiunādum, nec à Domino, nec ab Apostolis eſſe definitū. Ideo epist. 119. tandē concludit: ut 40 illi dies ante Paſcha obſeruētur, Eccleſiæ conſenſio roborauit. Agnoſcit lector, quomodo Patres antiquas conſuetudines conati fuerint ad Apostolorum traditiones referre, aut ex Scriptura probare: Et quā incerta ſit tota illa res. Ambroſius quidem aſſerit, exemplo Chriſti nobis indictam quadrageſimā. Sed Chryſoſtomus homilia 47. in Matthæū, diſertē hoc negat: Chriſtus, inquiens, non iubet, ut ieiunium ſuum imitemur, ſed inquit: Diſcite à me, quia mitis ſum, &c.

Irenæus apud Eusebium lib. 5. cap. 26. ſcribit nō tantū de die Paſchæ, uerumetiā de ſpecie ieiunij (ſcilicet ante Paſcha) eſſe diſceptationē. quosdam enim unū diē ieiunare, quosdā plures, quosdā 40 horas, cōputata hora pro die. Et hæc, inquit, uarietas, non noſtro primū tēpore cœpit, ſed multo ante nos, etc. Maniſeſtiſſimum igitur eſt, non ueram eſſe aſſeuerationem, quod ieiunium 40 dierum ante Paſcha, ſit traditio Apostolorum. Irenæus enim ibi dicit, de
ieiunio

ieiunio ante Pascha, fuisse ante ipsum *συνήθαι καὶ ἐπλότῃ καὶ ἰδιωτισμῷ*. Significat autē *ἰδιωτισμὸς τὰ ξὺν τῶν ἰδιωτῶν*, idio-
tarum constitutionem. Et illam Irenaeus dicit, non
fuisse iudicatam accuratē obseruandam, sed postha-
bitam fuisse. Hunc locum lector diligenter obser-
uet, de uera origine ieiunij ante Pascha. Et tamen
procedente tempore, facta inde fuit traditio Apo-
stolica: idq; à præcipuis ex Patribus.

Non igitur statim credendū est, quando Patres
sine certis documentis affirmant, aliquid esse tradi-
tionem Apostolorum. Quadragesimam enim Am-
brosius, Maximus Taurinensis, Theophilus, Hiero-
nymus, & alij affirmant esse traditionem Aposto-
licam. Sed Socrates lib. 5. cap. 22. recitat magnā di-
uersitatem ieiunij ante Pascha. Romanos dicit ieiun-
nasse tres septimanas ante Pascha: Græcos & Ale-
xandrinis, sex septimanas, alios septem: in quibus
tantum 15 dies per interstitia ieiunent. Et tandem
concludit: Quia nemo hac de re potest ostendere
scriptū aliquod mandatū, *ἐγγράφου πατρῶν γε-
νέας*: manifestū est, quòd Apostoli illud cuiusq; sen-
tiæ & uoluntati liberum reliquerunt.

Epiphanius contra Aetium, dicit extare consti-
tutionem Apostolorum, in qua præcipiant & de
diebus ieiunij, & quòd nihil accipiendum sit præter
panem, salem & aquam. Sed Socrates multis osten-
dit, falsum hoc, & non Apostolicum esse.

Proli-

Prolixius aliquanto hoc annotaui (illustre enim exemplum est) quomodo tempore Patrum, multæ observationes ornari cœperint titulo traditionum Apostolicarum, quas tamen ab Apostolis non fuisse traditas certum est. Nota est ueterū contentio de tempore Paschatis, Romanis asserētibus, suam consuetudinem à Petro & Paulo traditam: Asiaticis contra allegantibus, se aliam traditionem accepisse à Ioanne, Philippo, Polycarpo, & alijs. Et magna acerbitate res acta fuit. Sed Irenæus apud Eusebium libro 5. cap. 26. uocat antiquæ consuetudinis traditionem: item consuetudinem presbyterorum. Videt Lector, proximis ab Apostolorum morte temporibus, prætextu traditionum non scriptarū, excitatas in Ecclesia turbas, & antiquas consuetudines, cœpisse ornari titulo traditionum Apostolicarū: Socrates enim libro 5. cap. 22. dicit: Euangelia non imposuerunt iugū seruitutis, sed homines ipsi, suis quique locis, propter remissionem & memoriam passionis, Pascha & alios dies festos, sicut uoluerunt, ex consuetudine quadam celebrarunt. Non enim hoc uel Seruator, uel Apostoli, νόμος lege aliqua obseruandum esse mandarunt, nec supplicia comminati sunt. Scopus enim erat Apostolorum, non de diebus festis νομολογῆσαι, leges ferre: sed rectam uitam, & pietatem inducere. Mihi autē uidetur, sicut alia multa, secundum regiones in consuetudinem abierunt, ita & festum Paschatis: propterea

pterea quòd nemo Apostolorũ quicquã de illo sanc-
ciuit. Et postea dicit: Occidentales quidem dicunt,
esse traditionem Petri & Pauli: Asiatici uerò, Ioan-
nis. Sed neutra pars potest proponere ὡς ἔλαβον
ἀπὸ τῶν ἀποστόλων, demonstrationem scripto traditam.

Epiphanius dicit: Synaxes ordinatæ sunt fieri ab
Apostolis, quarta pro sabbatho & Dominica. Sed
crates ex uarietate multorũ exemplorũ, ostēdit So
hoc nō esse certũ. Et recitata multa ritũ diuersita-
te, addit tandē memorabilē sententiã: Huiusmodi di-
screpantiæ authores eos esse puto, qui singulis tēpo-
ribus Ecclesijs præfuerunt: οἱ δὲ τὰ ὑπάρχοντα
λάβοντες, ὡς νόμον τοῖς ἐπιγινομένοις παρὰ
τῶν ἀποστόλων: qui uerò talia acceperunt, ueluti legem
quandam ex accessorijs istis ritibus conscripserũt.
Hæc Socrates. Primò igitur fuerunt consuetudi-
nes: deinde factæ sunt leges: postea ut maiorem legi-
bus illis auctoritatem conciliarent, traditionibus A-
postolorum eas tribuerunt. Hæc sunt manifesta,
quæ multa monent de traditionibus: quæ hoc nomi-
ne quasi ab Apostolis acceptæ, à Patribus quibus-
dam celebrantur.

Epiphanius cōtra Aetiũ, orationes pro mortuis
uocat traditionē Ecclesiæ à Patribus acceptam. Il-
lam uerò Patrũ traditionē alij ornarũt, titulo Apo-
stolicæ traditionis. Ita Chrysostomus homilia 69.
Nō temerē ab Apostolis hæc sancita fuerũt, ut in tre-
mendis mysterijs defunctorũ agatur cōmemoratio.

Et Damascenus inquit: Apostoli edixerunt in
tremendis sacramentis, memoriam fidelium defun-
ctorum habendam. Sed Hieronymus et Gregorius
affirmant, Apostolos in celebratione Eucharistiae,
nullas alias preces præter solam Dominicam ora-
tionem adhibuisse. Vides igitur quàm certū sit, ora-
tiones pro defunctis esse Apostolicam traditionem,

Tertullianus de Corona militis, recitat multas
obseruationes, quas sine ullius Scripturæ instrumē-
to, solius traditionis titulo, exinde cōsuetudinis pa-
trocinio dicit uindicare. Et illas omnes traditiones
Pontificij contendunt simpliciter, absq; omni ter-
giuersatione, ut Apostolicas recipiendas. Sed Ter-
tullianus non dicit, traditiones illas omnes ab Apo-
stolis esse profectas: sed hoc tantum dicit, Obserua-
tionem cōsuetudo roborauit, quæ sine dubio de tra-
ditione manauit. quomodo enim usurpari quid po-
terit, si traditum prius non est? Sed quæro, unde sit
traditum? num ab Apostolis? Hoc certè Tertullia-
nus non affirmat. subiungit enim: An non putas, o-
mni fidei licere concipere & cōstituere quod Deo
congruat, disciplinæ conducat, & saluti proficiat?
Item: Saluo traditionis respectu, quocunq; tradito-
re censeatur, &c. Posterius uerò, omnes illas tradi-
tiones simpliciter asseuerarūt esse Apostolicas. Sed
obseruetur, quòd Tertullianus uocat traditiones,
quocunque traditore censeantur. Ergo non omnes
traditiones quæ apud ueteres extāt, simpliciter sunt

Apostolicæ. His manifestis exemplis, satis, ut arbitror, ostensum est, non statim simpliciter assentendum, quando Patres sine certis documentis affirmant, aliquid esse Apostolicam traditionem: quomodo enim multas ueteres consuetudines, quæ aliâ habuerunt originem, ad Apostolorum traditiones retulerint, ideo ut maiorem haberent auctoritatem, exempla ostendunt. Et in encomijs illarum traditionum, quarum origo incerta est, sunt aliquando nimium transcendentis apud Patres hyperbolæ: quæ si absque ulla commoda mitigatione, nimium urgentur, ipsi fidei nullo modo sunt uel consentaneæ, uel tolerabiles: sicut est locus Basilij de Spiritu Sancto, capite 27. si tamen Basilij est illa de traditionibus disputatio. Erasmus enim non sine causa iudicauit esse suppositiciam. Recitat autem Basilij ibi traditiones quasdam: quæ licet totidem syllabis in Scriptura non sunt posita, quod tamen ad sententiam attinet, consonæ sunt testimonijs Scripturæ: ut confessione fidei quæ fit in baptismo: item renunciationem sathane, & doxologiam: Gloria Patri & Filio cum Spiritu Sancto, &c. Et de huiusmodi traditionibus non est inter nos controuersia: quæ enim Scripturæ testimonijs probari possunt, libenter recipimus. Recitat autem præterea alias consuetudines sine scripto (ita enim uocat) & affirmat illas ex traditione Apostolorum ad nos in mysterio delatas. Et illis annumerat, quæ in celebra

C

tione

tione Eucharistiae, prae ter uerba institutionis et ante & post dicuntur. Atq; Gregorius lib. 7. epist. 36. inquit: Mos Apostolorum fuit, ut ad ipsam solummodo orationem Dominicam, oblationis hostiam consecrarent. Affirmat praeterea Basilii, traditionem Apostolicam in oratione conuerti ad Orientem. Sed Socrates, li. 5. cap. 22. narrat in Antiochia Syriae, quae celeberrima fuit Apostolica Ecclesia, templum habere inuersum situm: altare enim, non ad Orientem, sed ad Occidentem spectare. Sed illud forsitan Basilio cum alijs commune est, quod antiquas consuetudines sine certis documentis refert ad Apostolorum traditiones. Quod uero addit, traditiones illas eandem habere uim ad pietatem, sicut illa quae in Scriptura continentur, ita ut si consuetudines illae non obseruentur, ipsa Euangelij praedicatio ad nudum nomen contrahatur: hoc, inquam, cum ipsa fide manifeste pugnat. illud enim de plerisque illis traditionibus, ne ipsi quidem Pontificij affirmare audent. Si quis enim iuxta institutionem Christi baptizetur, & non ter mergatur, uel non signetur signo crucis: quaeestio est, an baptismus sit uel falsus, uel uanum? Basilii pronunciat eandem habere uim ad pietatem, trinam immersionem, & signationem crucis, benedictionem aquae baptismi, illinitionem olei, &c. sicut ipsum baptismum. Ergo nec Christus recte baptizatus erit, nec Apostoli quenuquam in Actis recte baptizauerunt? Longobardus certe lib. 4. dist. 3. inquit: In duobus consistit sacramentum baptismi, scilicet in uerbo & elemen-

elemento: Ergo etsi alia desint quæ ad decorẽ sacramenti instituta sunt, non ideo minus est uerũ sacramentum, & sanctum, si uerbũ sit ibi & elementũ, &c. Neminem sanẽ tam perfrictæ frontis esse arbitror, etiamsi Iesuita sit, qui affirmare ausit, eandem habere ad pietatem uim adorare in spiritu & ueritate, & in oratione ad Orientem conuerti. Trinã immersio, uerba inuocationis dum panis Eucharistiæ ostẽditur, prohibitio geniculationis intra Pascha & Pentecosten, iamdudum apud ipsos Pontificios in usu esse desierũt. Vniuersalis igitur illa hyperbole Basilij, de traditionibus non scriptis, quod eadẽ habeãt ad pietatẽ uim, sicut illa quæ in Scriptura instituta & mandata sunt, nullo modo potest consistere, uel defendi: nec uideo, quomodo uel Andradius sua uirulenta grandiloquẽtia hoc tentare possit. Tales igitur Patrum asseuerationes & hyperbole de traditionibus, nõ temerẽ sunt amplectẽdæ, sed cũ magno iudicio legendæ. Et nõ immeritò de illo loco Basilij, an sit γυνος, Erasmus ualde dubitat.

Quinta obseruatio est, quod ex Montanistarũ statutis & obseruationib. multa irrepsērũt in locũ communem de traditionibus. Opus igitur est uigilãti iudicio, ne pro Apostolicis Montanicas amplectamur traditiones. Mōtanus enim amplexus est doctrinã ueteris et noui Testamẽti: sed præter hæc, docuit necessarias esse etiã, obseruationes à paracletò traditas: q̃a Christus dixerit, Apostolos nõ potuisse

omnia portare, sed multa reſeruanda fuiſſe para-
 cleto. Ita Tertullianus Montaniſta de uelandis uir-
 ginibus dicit: Lege fidei manente, cætera iam di-
 ſciplinæ & conuerſationis admittunt nouitatem
 correctionis. Quale enim eſt, ut diabolo ſemper
 operante, & adijciente cotidie ad iniquitatis inge-
 nia, opus Dei aut ceſſauerit, aut proficere deſtite-
 rit: cum propterea paracletū miſerit Dominus, ut
 quando humana mediocritas omnia ſemel capere
 non poterat, paulatim dirigeretur, ordinaretur, &
 ad perfectū perduceretur diſciplina ab illo uicario
 Domini Spiritu ſancto. inquit enim: Adhuc multa
 habeo, &c. Item: Eccleſia per Euangelium effer-
 buit in iuuentutem, nunc per paracletum compo-
 nitur in maturitatem. Antiquæ igitur obſeruation-
 es, quarum apud Tertullianum fit mentio, nō ſunt
 omnes Apoſtolicæ traditiones: ſed multe ex Mon-
 tani paracleto proſectæ ſunt. Et tamen ex Patribus
 etiam quidā, omnes Tertulliani traditiones pro A-
 poſtolicis uenditāt. Sed inquis: Montanus damnatus
 fuit hæreſeos. Ergo Eccleſia ipſius inſtituta nō reti-
 nuit. Videamus igitur, quæ fuerint Montaniſtarū di-
 ſciplinæ. inde enim cōiungere poterim⁹, an quæ Ziza-
 nia inde irrepſerint in cōſuetudines Eccleſiaſticas.

Apollonius apud Euſebii lib. 5. cap. 18. de Mon-
 ano dicit: Hic eſt ὁ διολύψας λύσας γάμων,
 qui docuit deſtructiones nuptiarum. ita enim Ter-
 tullianus loquitur de caſtitate. Num uerò Montaniſta

stæ distraxerunt matrimonia iam cōtracta? Nequaquam: sed quid sit Montanica λύσις γάμων, hoc est solutio nuptiarū, ex Tertulliano colligitur: qui docet, paracletum abstulisse secundas, tertias, &c. nuptias, & statuisse monogamiam. Præcipue uerò urget hoc Tertullianus in sacerdotibus, inde quod Paulus dicit: Episcopus sit unius uxoris uir. Et quia uera Ecclesia Paulum non ita intelligebat, inquit: Quot enim & digami præsent apud uos in Ecclesijs, non erubescunt cum hæc illis leguntur. Habes ergo quid sit Montanica destructio nuptiarum. Iam uerò apud multos ueterum, contra secundas nuptias, ut quas benedici noluerint, planè similia leguntur. Epiphanius certè exprofeßo disputat de necessitate monogamie sacerdotum: quem sequuntur & alij. Vnde uerò hæc originem habent? Non ex Scriptura, sed ex traditionibus. Ex quibus autem traditionibus? Num Apostolicis? Ita quidem Pontificij contendunt: sed collatio Tertulliani ostendit, esse reliquias constitutionum Montani.

Pertinet & hoc ad Montanicas destructiones nuptiarum, quòd Tertullianus in libro de exhortatione ad Castitatem disputat, matrimonium esse ex indulgentia, uoluntatem uerò Dei, esse sanctificationem, iuxta dictum: Estote sancti, sicut ego sanctus sum. Sanctificationis uerò has numerat species. I. uirginitatem ex natiuitate. II. uirginitatem ex lauacro: quæ aut in matrimonio purificat ex com-

paſto, aut in uiduitate perſeuerat ex arbitrio. III. gradus eſt, cū poſt matrimoniū unum interceptum, exinde ſexui renūciatur. Diſputat etiam de eo quod matrimoniū permittitur. Quod uerò permittitur, non ex mera & tota uoluntate, ſed quaſi de inuita uenit uolūtate, illud etiam, Melius eſt nubere quàm iuri; contendit pertinere ad eos, qui ſunt nupti uel uidui, & idem eſſe ac ſi diceretur: Melius eſt uno oculo carere, quàm duobus. Non ergo bonum eſt nubere, ſed genus inferioris. Et diſputat, illud eſſe conſilium Pauli, ut hominis: non autem Dei præceptū. Obijcit etiam ſibi: Ergo, inquis, iam & primas nuptias deſtruis. Reſpondet autem: Nec immerito, quoniam & ipſæ ex eo conſtant quod eſt ſtuprum. Et propter illam ſtupri affinitatem, optimum eſt mulierem non tangere. Ibidem etiam diſputans contra primum & ſecundum matrimonium, allegat hæc dicta: Sancti eſtote, quoniam ego ſanctus. Cum ſancto ſanctus eris. Secundum carnem ſapere, mors eſt: ſed ſecundum ſpiritum, uita eſt.

Hæc ideo adſcripſi, ut lector obſeruet, eandē planè ſententiā, & eadē omnino uerba extare in Pontificiorū diſputationibus de cœlibatu. Quod ſi itaq; cōtendunt eſſe traditiones, concedimus hoc: ſed oſtēdim⁹, nō Apoſtolicas, ſed Mōtanicas eſſe tradiitiōes.

Alterum eſt quod Apollonius Montano tribuit. Hic eſt, ὁ ρυſίας νομοθετῶντες, qui leges ieiuniorū præſcripſit. Num uerò error Montani fuit, quod docuit

docuit esse ieiunandū? Nequaquā. Augustinus enim rectē dicit: Ego in Euāgelicis & Apostolicis literis uideo præceptū, esse ieiuniū. Sed de tēpore, specie, seu modo ieiunij, Mōtanus fecit cōstitutiones: easq; nō ordinis tantū gratia, sed opinione necessitatis et cultus. Hanc enim esse uim & significationē uerbi *νομοθετεῖν*, manifestē colligitur ex Socrate lib. 5. cap. 22. quādo scilicet nō relinquitur cuiusq; sententia & uoluntati liberū, sed fertur lex necessitatis, additis cōminationibus peccati & poenarū, si non hoc modo obseruetur. Nōne uerō in toto Papatu talis ieiuniorū legislatio est? Et ex Epiphanio quidem proferunt esse traditionem Apostolicam: sed Socrates (sicut suprà ostendimus) hoc disertē negat. Quādo uerō inquirimus primā illarū legū originē, inuenimus zizania illa, paulatim ex Montani seminarijs in Ecclesiasticas cōsuetudines irrepsisse.

Et ut tota hæc res eò sit manifestior, adscribā locū ex libro Tertulliani, de ieiunio: ubi narrat, Mōtanistas à Catholicis propter has causas reprehensas: Arguūt, inquit, nos, q̄ ieiunia propria custodiamus, quòd stationes plerunq; in uesperā producamus, q̄ etiā xerophagias obseruemus, lauacri quoq; abstinentiam. Nouitatem igitur obiectant, de cuius illicito præscribant. Et ueræ Ecclesiæ sententiam, contra Montanistas ita recitat: Statos dies ieiuniorū, in legalibus et propheticis uetustatibus iam abolitos: itaq; deceterò indifferēter ieiunandū ex arbitrio,

non ex imperio nouæ disciplinæ, pro temporibus
 & causis uniuscuiusque: sic & Apostolos obser-
 uasse, nullum aliud imponentes iugum certorum
 & in commune obeundorum ieiuniorum. Proinde
 nec stationum, quæ & ipsæ suos quidem dies habe-
 ant quartæ feriæ & sextæ: passiue tamen currant,
 neq; sub lege præcepti. Xerophagias uerò nouum
 affectati officij nomen, & proximum ethnica su-
 perstitioni: cum fides libera in Christo, ne Iudaica
 quidem legi abstinentiam quorundam ciborum de-
 beat, semel in totum macellum admissa ab Aposto-
 lo detestatore eorum, qui sicut nubere prohibeant,
 ita iubeant cibis abstinere à Deo conditis: & ideo
 nos (Montanistas) iam tunc prænotatos in no-
 uissimis temporibus, abscedentes à fide, inten-
 dentes, spiritibus mundi seductoribus, doctrinis
 mendaciloquiorum. Sic & cum Galatis nos
 percuti aiunt obseruatores, dierum, mensium &
 annorum. Iaculantur interea, Isaiam pronunciaisse,
 Dominum elegisse non abstinentiam cibi, sed opera
 iusticiæ: & ipsum Dominum in Euangelio ad omnem
 circa uictus scrupulositatem, cõpendio respondisse,
 non his coinquinari hominem quæ in os inse-
 rantur: cum & ipse manducaret & biberet, usque
 in notatione: Ecce homo uorator, et potator. Sic et
 Apostolũ docere, quòd esca nos Deo nõ cõmendet.
 Et addũt: In duobus præceptis caritatis, tota lex pẽ-
 det, & propheta: non in pulmonũ & intestinorum
 meorum

meorum inanite, &c. Ita Tertullianus describit, quid in Montanistarum ieiunijs Ecclesia tunc reprehenderit, & quibus argumentis cōtra ipsorum hypocrisin certarit. Quem locum ideo annotaui: quia et apud Patres quosdam, præcipuè uerò apud Pontificios, illa nunc ornantur titulo Apostolicarum traditionum. Lector autem ex hac Tertulliani narratione manifestissimè agnoscit, esse Montanicas institutiones, quæ principio ab Ecclesia uera grauitè fuerunt reprehensæ & refutatæ: sed postea blandiè hypocrisi, sensim cœperunt in ipsam Ecclesiam irrepere. Postea uerò accessit titulus Apostolicarum traditionum, sed falsò: sicut hæc Tertulliani descriptio ostendit. Hunc igitur locum lector diligenter obseruet: multa enim inde diiudicare poterit.

Tertullianus in libro de Pœnitentia à Montano habet, quòd unicam tantum pœnitentiam post baptismum concedit. Sed hoc dogma Clemens Alexandrinus titulo Apostolicæ traditionis ornat.

Tertullianus de resurrectione carnis, ceremonias circa baptismum recitat, unctionem, signationem crucis, & manus impositionem. Nec tantum decorum & significationes, sed spiritualem efficaciam ipsis tribuit. inquit enim: Caro ungitur, ut anima consecretur: caro signatur, ut anima muniatur: caro manus impositione adumbratur, ut & anima spiritu illuminetur. Et hæc esse Mōtanica, uel inde
C 5 colligitur,

colligitur, quod in illo ipso loco addit etiam *ἡγο-
φαιάς*, sordes corporis, & monogamiam: quæ
Montanica esse, certum est. Sed ubi extat manda-
tum & promissio de illis signis, & spiritali ipso-
rū efficacia? Tertulliani responsio est, in libro Co-
rona militis: Paracletū ideo post Apostolos mis-
sum esse, ut disciplinā ordinaret, & ad perfectum
perduceret. Cyprianus, Tertulliani nimium studio
sus, ex Montani officina hausit, q̄ anabaptismū su-
um stabilire conatur ex huiusmodi obseruationib.
Oportet, inquit lib. 1. Epist. 2. mundari & sanctifi-
cari aquā prius à sacerdote, ut possit baptismo suo
peccata hominis qui baptisatur, abluere, Quomo-
do autem aquam mundare & sanctificare potest,
qui ipse immundus est? Vngi quoq; necesse est eum
q̄ baptisatus est: ut accepto chrismate, esse unctus
Dei, & habere in se gratiam Christi possit.

Et Cornelius apud Euseb. lib. 6. cap. 33. narrat, No-
uatū in morbo in lecto baptisatum. Et addit: Si ta-
men accepisse dicendus est. Neq; enim reliqua con-
sequutus est, quorū oportet participem fieri secun-
dum Ecclesiæ Canonē: neq; obsignatus est ab Epi-
scopo. Cumq; hæc cōsecutus nō sit, quomodo Spiri-
tum sanctū potuit consequi? Hæc sententia nimium
Montanizans, postea correctā est: sicut manifestē
disputat Hieron. cōtra Luciferianos, in uero bap-
tismate tribui Spiritū sanctū, etiamsi nō accedat im-
positio manus per Episcopū, Et Lōgobardus li. 4.
dist.

dist. 3. dicit: In duob. cōsistit sacramētum baptis-
mi: scilicet uerbo, & elemēto. Ergo etsi alia desint, quæ
ad decorē sacramenti instituta sunt: nō ideo minus
est uerū sacramētū & sanctū, si uerbum sit ibi, et
elementū, &c. Et tamē de reliquijs illarū obserua-
tionum, tāta cōtentione Pōtificij nunc pugnat, sub
titulo & prætectu traditionum Apostolicarum:
quarum tamen qualis sit origo, ex Tertulliano &
Cypriano æstimari potest. Apud Irenæū enim, ta-
lium traditionum nulla planē fit mentio: sed de se-
ctatoribus Marci hæretici dicit, quòd ungant Ini-
tios suos succo balsami: sicut Heracleonita un-
gunt suos morientes, & sic redimunt illos.

Innocentius, extra de sacra unctiōe, fatetur Pō-
tificates apud Græcos, quando cōsecrantur, nō solere
inungi. Monet igitur, ut morem quem Romana ec-
clesia seruat, imitentur. Et cum multa de omnibus
generibus unctiōum disputasset, tandem conclu-
dit: Non Iudaizat Ecclesia, cum unctiōis celebrat
sacramentum, sicut antiqui mentiuntur. Audis, an-
tiquos reprehendisse unctiōes Iudaifantes.

A Mōtanistis habuit Cyprianus, quòd docet ab-
solutionem non ualere, nisi persolutis satisfactio-
nibus canonicis: ut in sermone de Eleemosyna di-
sputat, peccata quæ ante baptismum committun-
tur, Christi sanguine & sanctificatione dimitti:
quæ uerò postea committuntur, nostrorū operum
sacrificijs purganda esse. Sed cum apud posteros,
cum

cumulatis canonibus poenitentialibus, dogma illud pugnans cum Scriptura subsistere non posset: relaxati per indulgentiam primum fuerunt canones poenitenciales, postea planè interciderūt. Et tamen de satisfactionibus iam nobis pugnandū est. Cumq; nulla amplius opus esset relaxatione canonum poenitentialium, inuecta fuit nundinatio indulgentiarum Pontificiorū. Et hæc omnia, si dis placet, iam quasi Apostolicæ traditiones uenditantur. Sed res omnis ex uera origine rectissimè dijudicatur.

Non igitur terrere nos debet titulus traditionū Apostolicarum, quando nullo Scripturæ testimonio probari possunt. quæ enim zizania, & unde irrepserint in Ecclesiam, sub titulo & prætextu traditionum, exemplis quibusdam monstratū est: præcipuè uerò traditiones quæ apud Tertullianum extant, quæ ex Scriptura probari non possunt, propter Montanismum suspectæ esse debent.

Quintò est & hoc diligenter considerandum, quòd Pontificij tot ac tales habent traditiones pro quibus dimicant: quarū testimonia ne ex ueterum quidem probatis scriptis ulla possunt proferre, sed cogūtur uel comminisci, uel usurpare apocrypha, adulterina & supposititia scripta, sub confictis ueterum titulis. Et hæc observatio rectè considerata, ostendet quantum sit fidei tribuendū plerisq; Pontificijs traditionibus. Andradius Ignatij uerba quæ extant apud Eusebium, manifesta falsatione deprauat:

uat:

ual: quasi Ignatius senserit, præter Scripturam ali-
as etiam Apostolorum traditiones ad perficiendam
Christianam religionem ualde esse necessarias: cum
Eusebius lib. 3. cap. 35. hoc tantum dicat, quod Igna-
tius per Asiam proficiscens Romam ad martyrium
cohortatus sit Ecclesias, ut cauere hæreses, reces-
tunc exortas, & adhererent Apostolicæ traditio-
ni. Et addit, ἡν ὑπὲρ ἀσφαλείας καὶ ὑγιεινῶς,
ἡ δὲ μαρτυρομένης διατυπώσεως ἀναγκαῖος
οὐκ ἔστι. hoc est: Cum iam ad martyrium duce-
retur, necessarium iudicauit, Apostolicam tradi-
tionem cautionis gratia, etiam scripto exarandam
seu exprimendam esse. Audis, cum sub titulo tra-
ditionum non scriptarum multa peregrina & fal-
sa obtruderentur Ecclesijs, Ignatium iudicasse ne-
cessariam esse scriptam demonstrationem, quæ tra-
ditiones ueræ essent Apostolicæ.

Hieronymus dicit, etiā Egesippum scripto com-
plexum traditiones Apostolicas. Quæ scripta de
traditionibus Apostolorum, Deus intercidere non
fuiſſet passus, si tam fuissent ad Ecclesiæ salutē ne-
cessaria, sicut ipsa Scriptura canonica: quam ual-
de mirabiliter Deus inter tot atrocissimas persecu-
tiones, hæreses & corruptelas, integram conserua-
uit. Verisimile autem est, scripta illa Ignatii & He-
gesippi, si extiterunt, neglecta, & tandem suppres-
sa fuisse à magistris ceremoniarum: qui uiderunt,
traditiones Pontificias inde non stabiliri, sed magis
tradu-

414 EXAMEN DECRETORVM

traduci, utpote Apostolicis non similes, sed contrarias. Aliud igitur artificium excogitatum fuit: ut scilicet sub ueterum titulis, scripta suppositicia uel fingerentur, uel conficta usurparētur: uel si quas extabant, transformarentur ad statum regni Pontificij stabiliendum. Et huius artificij quædam tantum exempla annotabo.

Extāt in Tomis Conciliorum epistolæ, & multa prolixa scripta primorum, & uetustissimorum Pōtificū, quorū et eruditio & pietas celebris fuit. In illa scripta, totū statū regni Pōtificij, qualis nūc est, insarserunt tam impudenter, ut fraus manifestē appareat, quod sint conficta & supposititia. Erasmi iudicium de epistolis illis notum est. Extant & aliorum iudicia, qui & ex Phrasi & ex circumstantijs temporum, & ex rebus ipsis adulterationem demonstrant. Adscribam igitur tantum Nicolai Cusani iudiciū: quod ut à Cardinale p̄fectū, repudiare non poterunt. Inquit igitur lib. 3. de Cōcordantia Catholica, ca. 2. Sūt, meo iudicio, illa de Constantino apocrypha, sicut etiā fortassis quædā alia, longa & magna scripta, sanctis Clementi & Anacleto papæ attributa. Si quis illas Scripturas diligenter perlegeret, & eorum tēpora ad eorū scripturas applicaret: ac deinde opusculis omnīū Patrum, q̄ usq; ad Augustinū, Hieron. & Ambrosiū fuerūt: ac etiā de gestis Conciliorū, ubi authentica scripta allegātur, usum et memoriā haberet: hoc inueniret,

quia

quia nec in illis omnibus scripturis, de illis præfatis epistolis mentio habetur: & etiam ipse epistola applicatæ ad tēpus eorum sanctorū, seipsas produunt, etc. Hæc Cusanus Cardinalis. Et tamen ex illis commenticijs epistolis, præcipuas traditiones, quas nullo Scripturæ testimonio probare possunt, defendere & stabilire conantur Pontificij.

Clementis Romani scripta, præter epistolam ad Corinthios, iā Eusebij tēpore adulterata fuisse, notum est. Et postea dist. 15. cap. Sancta Romana, inter apocrypha relata sunt. Iam uerò multa sub Clementis nomine edita extāt, & quotidie noua extruduntur, quæ corruptelis, abusib. & superstitionib. Pontificijs pallium Apostolicarum traditionū obducere conātur. Inde. n. Andradius aquā & salē benedictū probare cōtēdit, esse Apostolicæ institutionis.

Legendæ sanctorū, propter nimis palpabile impudentiā, iam & doctis et uulgo sordere cœperūt. Fingitur itaq; nuper inuentū esse ualde uetustū scriptum, de uitis Apostolorū: cuius authorem fecerūt Abdiā Babylonicū. quidā disputant, esse Iulij Africani: quod tamen in tota antiquitate, nullum uerum habet testimonium. Ibi Thomas post mortem apparet, & concionatur: ibi Matthæus 200. uirgines consecrat, & uelamē eis imponit: & quidem ideo interficitur, quòd doceret uirginē Christo consecratam, non licere regi nubere. Docet etiā, ibi meritis eundum esse ad cœlum. Matthæus
etiam

416 EXAMEN DECRETORVM

etiam ibi instituit ieiunium quadragesimale, & certorum temporum: interdicit etiam certis diebus esum carniū. Ibi Andreas inquit: Et pro mortuis obtinemus pietatem tuam Domine. Docetur etiam ibi, Andream post mortem inuocādum, ut misereatur meretricis cuiusdā. Ibi Thomas matronas quasdam ad Christum conuersas hortatur, ut deserta cōiugali consuetudine, perpetuam castitatem uoueāt. Ibi etiam traditur, Christum quosdam, qui nuptias celebrabant, per apparitionem à consuetudine coniugali reuocasse ad cœlibatum. Ibi Ioannes probat factum Crusianæ, quòd citra uiri cōsensum, uotum cœlibatus emiseric. Ibi Ephesini ædificāt basilicam in nomine Ioannis, quam ei adhuc uiuo dedicant: cum Augustinus dicat: Nos templa non extruimus sanctis, &c. Et talia impudentissima mendacia, titulo traditionum Apostolicarum conficta, uolunt nos pari pietatis affectu & reuerentia suscipere & uenerari, sicut ipsam Scripturam sanctam.

Martialem dicunt fuisse unum ex 70 discipulis: eius iam epistolæ aliquot feruntur, ignotæ Eusebio, Hieronymo, Gennadio, &c. In quibus multa non incommode dicta sunt. Miscentur tamē quædam titulo traditionum, quæ se produnt quòd non sint Apostolica. ut quod dicit, cum altaria demonū destruerentur, aram ignoti Dei reseruata, & dedicatam in nomine Dei & Stephani. Item quòd dicit, per signū crucis baptisma sanctificari. Dicitur
ibi:

ibi: Valeriā licet esset sponsa regis, tamē per prædicationem Martialis adductam, ut uoueret uirginitatem mentis & corporis, & ideo decollatam. Dicitur etiam ibi princeps Tolosanus, propter prædicationem Martialis, copulam carnalium nuptiarū deuittasse. Dicit etiam ibi Martialis, necessariū esse aliquid aliud scribi, quā quod scriptum est in sacris literis: cum apud Eusebium lib. 5. cap. 16. & apud Nicephorum lib. 4. cap. 23. Apollinarius scribens contra Montanum, asserentem multa præter uetus & nouum Testamentum, ad religionem necessaria esse, modestissimē dicat: Non scripsi hactenus, non quòd ueritati testimonium dare nequi uerim: sed quòd timui, ne quibusdam ad Euangelij ac noui Testamenti libros aliquid scriptione mea superaddere uiderer: quibus nec adijci quicquam, nec adimi potest ab eo qui uitam secundum Euangelium instituere cupit. Obseruet lector hoc ueteris Ecclesiæ testimonium, de libris noui Testamenti.

Hæc exempli tantum gratia recitauī: ut lector consideret, qua fide Pontificij tractent locum communem de traditionibus: quib. tamen generale annectunt decretum, ut pari reuerentia & pietatis affectu suscipiamus & ueneremur somnia & mendacia, sicut ipsam Scripturam diuinitus inspiratam. Ignatij epistolas extitisse, non tantum Eusebij, uerum etiam Hieronymi adhuc tempore certū
D est: se-

est: feruntur nunc Latine, sunt editæ etiam Græcæ: & multas habent non contemnendas sententias, præsertim sicut Græcæ leguntur. Admixta uero sunt & alia, non pauca, quæ profectò non refertur grauitatem Apostolicam. Adulteratas enim esse illas epistolas, uel inde colligitur. Theodoretus ex epistola ad Smyrnenses, citat Ignatij sententiam contra hæreticos quosdam: Eucharistiam & oblationes non admittunt, quòd non confiteantur Eucharistiam carnem esse Saluatoris nostri Iesu Christi, quæ pro peccatis nostris passa est, quam pater sua benignitate suscitauit. Et illam sententiam Vuilhelmus Vuideford, anno 1396. adhuc legit in epistola illa Ignatij. Sed nunc nec in Græca nec in Latina Ignatij epistola ad Smyrnenses, nec in alijs legitur.

Hieronymus 3. dialog. contra Pelagianos, dicit: Ignatius, uir Apostolicus & martyr, scribit audacter: Elegit Dominus Apostolos, qui super omnes homines peccatores erant. Sed illam sententiã, Ignatij epistolæ quæ nunc extant, non habent.

Et qui Græcas illas epistolas edidit, annotat, multas sententias & alijs pluribus uerbis ex Ignatio à ueteribus citari, quam nunc extent & ferantur.

De epistolis igitur illis Ignatij, quæ nunc eius titulo feruntur, meritò dubitamus: tuansformatæ enim uidentur in multis locis ad stabilendum statum regni Pontificij. Et diuinitus iudico

dico esse factum, quòd adulterina quædam assumen-
ta suo se iudicio prodant. Nam in Epistola s. ad
Philippenses, ita hodie legimus: Quicumque Do-
minicam aut sabbatum ieiunauerit, ipse est Chri-
sti intersector. Quicumq; cum Iudæis Pascha ege-
rit, conparticipabit eis, qui Dominum & Aposto-
los eius occiderunt. Sed hæc esse supposititia, non
est dubium. Omnino enim contrarium de Aposto-
lis dicunt Augustinus ad Casulanum, & Socrates
libro quinto.

Quid igitur de illis quæ Scripturæ testimonia
non habent, & ex illis Ignatij epistolis, tanquã tra-
ditiones Apostolorum citantur, sentiendum sit, non
est obscurum.

Hieronymus Ignatij epistolis, cum adhuc inte-
græ & genuinæ essent, non tribuit authoritatem
canonicam. Nam libro tertio contra Pelagianos,
cum ex Ignatio, & ex Euangelio secundum Hebræ-
os quædam citasset, inquit: Quibus testimonijs si
non uteris ad authoritatem, utere saltem ad anti-
quitatem, quid uiri Ecclesiastici senserint, &c.
Quid ergo nunc, quales hodie sunt adulterata, illis
tribuendum erit, præsertim quando ea quæ nullo
Scripturæ testimonio probari possunt, inde stabili-
re conantur Pontificij? Ita omnium ferme Patrum
scriptis, suppositicia quædam sub ipsorum nomini-
bus admixta sunt. Et ex illis omnium libentissimè
Pontificij testimonia citant.

D 2. Et quis

Et quis erit sanæ mentis, cui non meritò suspectum habeatur totum negociū de traditionibus nō scriptis, sicut à concilio Tridentino proponitur? Cum uideat Pontificios, suas illas traditiones non posse aliter retinere & stabilire, nisi falsa & supposititia scripta, uel ipsi fingant, uel ab alijs conficta proferant, & genuina ueterū scripta, uel adulterent, uel adulteratis utantur: sicut exemplis quibusdam ostendimus.

Postremo, multa monebit lectorem & hæc obseruatio, quòd Pōtificij non uerētur multa ad Apostolorum traditiones referre: quæ ab alijs authoribus multo posterioribus instituta & profecta esse, ex ipsis Pontificiorum scriptoribus ostēdi potest. Eum igitur sunt, quos sub titulo Apostolicarū traditionum, uendunt rudioribus.

Extra de celebratione Missarum, cap. Cum Martha. Archiepiscopus quidam Lugdunensis, miratur quòd aliquis in Canone Missæ tentauerit asseuerare, Christum plus dixisse quàm aliquis Euangelistarum asseueret: nempe, Hic est calix noui et æterni Testamenti, mysterium fidei, &c. Huic respondēdet Innocentius: Multa ab Euāgelistis omissa, quæ Apostoli postea uel uerbo suppleuerūt, uel facto expresserunt. Sed scriptores Pontificij annotarunt, à quib. Romanis Pontificibus uerba illa sint adiecta. Glossa igitur nihil dissimulans, aperte fatetur: Multa seruat Ecclesia, quæ ab Apostolis
non

CONCILII TRIDENTINI. 42

non sunt tradita: tamen cum sint longa consuetudine approbata, non sunt minoris authoritatis.

Totum canonem Missæ, cum reliqua theatri-
ca pompa, esse ex Apostolica traditione, si quis uel
dubitare se ostenderit, anathemate percellitur.
Sed ex Pontificijs Scriptoribus ostendi potest,
ultra sexcentos annos Romanos Pontifices ad-
dendo laborasse, donec ex uarijs sutelis consar-
cinatum idolum Missæ Pontificiæ absolueretur.
Et quidem in historijs, de singulis Missæ & ca-
nonis particulis ostenditur, quos authores, &
quibus temporibus habuerint. Nunc uerò si dis-
placet, tanquam articulum fidei credere debemus
illa omnia ab ipsis Apostolis instituta & tradita
fuisse: cum ipsa Platina affirmet, Apostolos sola
oratione Dominica ad uerba institutionis usos, in
celebratione Eucharistiæ. Et Gregorius asseuerat,
canonem paulò ante sua tempora, à scholastico
quodam compositum esse. Quomodo igitur ab
Apostolis traditum esse potest, quod per 600 an-
nos, tam uarios originis suæ authores, siue maui-
sutores habuit?

Alexander aquam uino esse admiscendam, in
celebratione eucharistiæ statuit. idem aquam &
salem benedictum instituit.

Telephorus ieiunium quadragesimale instituit.

Hyginus chrisma instituit, & dedicationē tem-
plorum: quod Polydorus Pio tribuit, qui primum

pere & uenerari, sicut ipsum uerbum Dei in sacris literis comprehensum.

Vt igitur locū hunc de traditionibus concludam: ostendimus nos nō simpliciter omnes traditiones rejicere, quæ hoc titulo & nomine apud ueteres celebrantur. Quæ enim aut in Scriptura continentur, aut Scripturæ consentaneæ sunt, illas nos improbamus. Sed de illis potissimum traditionibus quæstio est, quæ (sicut Andradius inquit) nullo Scripturæ testimonio probari possunt. In illis non sufficit simplex asseueratio, quod sit Apostolica traditio: ostendimus enim multiplices in hoc genere cū bonorum quorundam lapsus, tum malorum imposturas. Nec sufficit, si ex Patribus aliquis dicat esse traditionem ab Apostolis profectam. Nam & illos hoc titulo & prætextu sæpe falsos fuisse, aliquot exemplis ostendimus. Optimum igitur & tutissimum est consilium, sicut Irenæus dicit, quæ Polycarpus ex traditione commemorauerat, fuisse omnia sanctis Scripturis consentanea. Et sicut Socrates inquit: Cum uariæ iactarentur Apostolorum traditiones, quia non poterat ostendi ἑγγραφοῦς ἀπὸ Μαξίς, demonstratio ex Scripto: ideo iudicatum fuisse, Apostolos nihil de talibus rebus statuisse. Maneat igitur quod Hieronymus dicit, ut gladius uerbi Dei percutiat omnia, quæ sine authoritate & testimonijs Scripturarum

424 EXAMEN DECRETORVM

tanquam traditione Apostolica proponuntur.

Et quia ostendimus, ueteres quando de traditionibus sine scripto loquuntur, non proprie de dogmatibus quibusdam fidei, sine Scripturae testimonio credendis loqui: sed praecipue de ritibus quibusdam, siue observationibus quae non habent expressum in Scriptura mandatum: quaeret forsán Andradius, an simpliciter oēs tales ritus impr obemus & damnemus? Et licet nostri instituti non sit disputationē de adiaphoris nunc explicare: breuiter tamen respondeo, Ritus qui Scripturae sunt consentanei, recte retineri: qui uerò cum Scriptura pugnant, iusto iudicio, & nulla temeritate reijci & aboleri. Quòd si de adiaphoris ritibus, qui cum Scriptura nō pugnant, quaestio est: simplex & plana est responsio: Si non proponatur cum opinione necessitatis, cultus & meriti, sed tantum ut ordini, decoro & aedificationi seruiant, & cum Christiana libertate non pugnent, posse de illis statui, prout Ecclesiae aedificationi uidebitur conuenire. fides enim nō est alligata ad certos ritus, extra uerbum Dei institutos, sed est libera: in qua tamen libertate, ratio habenda est scandali, & eorum qui in fide sunt infirmi. Sed his omnibus, quatuor uis aequis, & Scripturae consentaneis conditionibus, aduersarij non sunt contenti: sed quando amplius nihil possunt, tuentur se patrocínio antiquitatis, et longae consuetudinis. Respondemus igitur ex ipsorū iure, dist. 8.

Con-

Consuetudo sine ueritate, uetustas erroris est. Nemo consuetudinē rationi & ueritati opponat: quia consuetudinem ratio & ueritas semper excludit.

Augustinus in quæstionibus ueteris & noui Testamenti dicit: Si ad solam longam consuetudinem, uel ad antiquitatem respiciendum est: possunt & homicidæ, & adulteri, & similes flagitia sua ita defendere, quia antiqua sunt.

Hanc disputationem de Scriptura, & de traditionibus, prolixius aliquanto quàm instituta examinis ratio ferat, tractaui. Video enim Pontificios in illa disputatione quasi arcem totius suæ causæ collocare; & ea rectè explicata, facilius iam progressus erit in reliquis: in quibus quoad eius fieri poterit, breuitati studebo. Integræ enim & iustæ explicationes, in alijs nostrorū scriptis extant: quas non est animus retexere. Reliqua igitur Tridentinæ synodi decreta ita examinabimus, ut declarationem, quomodo pleraque in decretis illis intelligenda sint, aduersarij mei Andradij explicationes nobis subministrant.

D ; DE

• 426 EXAMEN DECRETORVM
DE PECCATO ORIGINALI:

Primum Decretum quintæ Sessio-
nis Tridentini concilij, 17. men-
sis Iunij, 1546. celebratæ.

VT fides nostra Catholica, sine qua
impossibile est placere Deo, pur-
gatis erroribus, in sua sinceritate inte-
gra & illibata permaneat: & ne popu-
lus Christianus, omni uento doctrinæ
circumferatur: cum serpens ille anti-
quus, humani generis perpetuus hostis,
inter plurima mala, quibus Ecclesia
Dei his nostris tēporibus perturbatur,
etiam de peccato originali, eiusq; reme-
dio, non solum uetera, sed etiam noua
dissidia excitauerit: sacrosancta œcu-
menica & generalis Tridentina Syno-
dus, in Spiritu sancto legitimè congre-
gata, præsidentibus in ea eisdem tribus
Apostolicæ sedis legatis, iam ad reuo-
candos errātes, & nutantes confirman-
dos

dos accedere uolēs, sacrarū Scripturarum, & sanctorum Patrum, ac probatissimorū cōciliorū testimonia, et ipsius Ecclesie iudicium et consensum sequuta, hac de ipso peccato originali statuit, fatetur ac declarat.

Si quis Adā primum hominē non cōfiteatur, cū mandatū Dei in paradiso fuisset transgressus, statim sanctitatē et iusticiā in qua positus erat, amisisse, incurrisseq; per offensam prauaricationis huiusmodi, iram & indignationē Dei, atq; adeò mortē quam antea illi comminatus fuerat Deus, & cū morte captiuitatem, sub eius potestate qui mortis deinde habuit imperium, hoc est diaboli: totumq; Adam, per illam prauaricationis offensam, secundum corpus & animam, in deterius commutatum fuisse, anathema sit.

Si

Si quis *Ada* prauaricationē sibi soli, & nō eius propagini asserit nocuisse: acceptā à Deo sanctitatē & iusticiam quā perdidit, sibi soli, & non nobis eum perdidisse: aut inquinatū illum per inobedientia peccatū, mortē & pœnas corporis tantum in omne genus humanū transfudisse, non autē & peccatū, quod mors est anima, anathema sit: cum contradicat Apostolo dicenti, Per unum hominem peccatum intrauit in mundum, & per peccatum mors: & ita omnes homines mors pertransiit, in quo omnes peccauerunt.

Si quis hoc *Ada* peccatū, quod Origine unū est, & propagatione, non imitatione trās fūsum, omnibus inest unicuique proprium, uel per humana natura uires, uel per aliud remediū asserit tolli, quàm per meritum unius mediatoris

toris Christi Iesu Domini nostri, qui nos Deo reconciliauit in sanguine suo, factus nobis iusticia, sanctificatio, & redemptio: aut negat ipsum Iesu Christi meritum, per Baptismi sacramentū in forma Ecclesiae ritū collatum, tam adultis quā paruulis applicari, anathema sit: quia non est aliud nomē sub cōelo datū hominibus, in quo oporteat nos saluos fieri. Unde uox illa: Ecce agnus Dei, ecce qui tollit peccata mūdi. Et illa: Quicumq; baptisati estis, Christum induistis.

Si quis paruulos recētes ab uteris matris baptisandos negat, etiamsi fuerint à baptisatis parētibus orti: aut dicit in remissionē quidē peccatorū eos baptizari, sed nihil ex Adā trahere originalis peccati, quod regenerationis lauacro necesse sit expiari, ad uitā aeternā consequendam: unde sit consequens, ut in eis
forma

forma baptismatis in remissionem peccatorum non uera, sed falsa intelligatur, anathema sit. quoniam non aliter intelligendum est id quod dixit Apostolus: Per unum hominē peccatum intrauit in mundum, & per peccatum mors: et ita in homines omnes mors pertransiit, in quo omnes peccauerunt: nisi quemadmodum Ecclesia catholica ubiq³ diffusa semper intellexit. Propter hanc enim regulam fidei, ex traditione Apostolorum, etiam paruuli qui nihil peccatorum in semetipsis adhuc committere potuerunt, ideo in remissionem peccatorum ueraciter baptizantur, ut in eis regeneratione mundetur, quod generatione contraxerunt. Nisi enim quis renatus fuerit ex aqua & Spiritu sancto, non potest introire in regnum Dei.

Exa.

Examen.

Pleraq; huius Decreti uerba, ex prioris antiqui-
tatis scriptis transumpta, & Scripturae cōsentanea
sunt. Nec sanè propter nostras ecclesias opus erat
hoc decreto: certamina enim quæ de peccato origi-
nali ab Anabaptistis et alijs phanaticis nostro tem-
pore mota fuerunt, summa diligētia à nostris expli-
cata & refutata sunt. Sicut igitur ea quæ mediocri-
ter, commodè & rectè dicta sunt, simpliciter acci-
pere, nec Sophisticis cauillationib. exagitare decet:
ita nihil sanè scrupulosius, in hoc decretū de pecca-
to originali inquirerem: sed Andradius, cui secre-
tiora cōciliij Tridētini mysteria nota & perspecta
sunt, ex illis aliquid prodit, quod ego sanè pro mea
simplicitate in isto decreto nō potuissē obserua-
re: cuius tamē obseruatio, multa nos docebit de arti-
ficijs Tridētinae synodi. Dicit enim: Cū Theologi la-
borēt, ut explicēt, quō trāsgressio Adæ in nobis pec-
cati rationē habeat, peccatoresq; nos efficere potue-
rit: cōciliū Tridētīnū cū definiret, peccatū originis
uerè esse peccatū unicuiq; propriū, illius tamē pro-
priā rationē cōsultò silētio inuoluisse, & ita liberū
cuiquā reliquisse opinari. Et postea dicit: Cū igitur
quæ sit peccati originis ratio atq; definitio, nō in-
ter hæreticos modo, sed inter Catholicos etiam in
questione uersetur, & ancipiti cōtētione in cōtra-
rias sentētias omnes distrahātur: conciliū Tridenti-
vū, sicut et alia quædā cōcilia, cū definierint omnes
trahere

trahere originis peccatū ex Adamo, quīdnam illud peccatū sit, cōsultō prāterierūt, et missum fecerūt. Opinādi igitur nobis libertatē reliquerūt. Hec Andradius. Ne uerō lector existimet, Andradium uelle hoc de peccato originis dicere, quod Dauid inquit: Delicta quis intelligit? ab occultis meis munda me, seu quod Ieremias dicit, prauum hominis cor, & inscrutabile esse: explicandum est quid illud sit quod ait concilium Tridentium, cōsultō inuoluisse silentio.

PONTIFICIORVM SENTENTIA de peccato originis.

Scholastici scriptores quidam disputant, peccatum originale tantum esse nudam priuationem, & non positiuam aliquam prauitatem herentem in natura humana. amissa enim iusticia originali, naturalia tamen in homine mansisse integra. Alij disputant, fomitem peccati, tanquam morbidam qualitatem herere tantum in carne, quae inclinet appetitum sensitium: & mediante eo, etiam uoluntatem inclinet ad inferiora. Quidam fomitem ponunt in appetitu sensitiuo, & sentiunt superiorem portionē rationis ab omni deprauatione immunē, liberam & integram esse, nisi quod aliunde paululum inclinari possit ad inferiora. Et multi disputāt, fomitem illum non esse de ratione peccati originalis. Sunt qui opinantur, peccatum originale nec priuationem, nec positiuam aliquam prauitatem

tatem esse in homine: sed tantum reatum, propter lapsum Adæ sine prauitate aliqua hærente in nobis. Querimus iam quid Tridentinū conciliū de illis opinionibus statuerit. Ego sanè iudicarem prophanas illas opiniones, in uerbis Decreti improbari. Sed Andradius interpres Concilij, dicit decretum illud eo artificio compositum, ut nec illæ, nec similes opiniones Pontificiorum theologorum, de peccato originali damnarentur, sed liberæ relinquerentur. Et hoc Lector bene obseruet.

Veniamus nunc ad nostri quædam temporis certamina. Albertus Pighius post colloquium Vuormaciense, anno 1542. edidit satis prolixum scriptum de peccato originis, in quo in summa, sententiam suam ita explicat: Tria de peccato originis in Ecclesia definita esse: 1. quod sit. 2. unde sit, ex propagatione scilicet ab Adam. 3. qui sint eius in nobis effectus. Quid uerò sit peccatum originis, et in quo consistat eius propria ratio, Ecclesiastica definitione certum non esse. Atque ideo acerbè damnat Augustanam confessionem, quòd uoluerit tradere definitionem peccati originalis. Et ordine conatur ostendere, omnes omnium sententias de definitione peccati originalis, certò et euidenter falsas esse. Augustini enim sententiam, quòd peccatū originale sit concupiscētia, certò esse falsam, ita probat: peccatū enim esse nō

E

potest;

potest sine lege, cuius sit transgressio. Sed paruuli quia rationis usu destituti sunt, lege obligari non possunt. Item: Illud quod prorsus uitare inō possumus, quod necessario et ineuitabiliter nobis inest, nec à nobis, sed ab alio nobis inest, lege interdici non potest. Concludit igitur, concupiscentiam originalem, nec in paruulo, nec in adulto, nec ante nec post baptismum, propriè & uerè esse peccatum: quia resultet ex compositione & temperatura partium corporis humani. Deinde conatur etiam probare, carentiam iusticiæ originalis debite inesse, non habere rationem peccati, siue in paruulis, siue adultis. Quia inquit, nulla lex Dei proferri potest, per quam obligentur omnes habere originalem illam iusticiam, quæ Adæ data fuit. Et ut maximè esset talis aliqua lex, peccatum deputandum esset illi tantum, qui propria sua culpa iusticiam illam originalem perdidit.

Sua uerò tandem Pighius sententiam ita explicat, quòd nec carentia iusticiæ originalis, nec concupiscentia habeat rationem peccati, siue in paruulis, siue adultis, siue ante, siue post baptismum. has enim affectiones non esse uitia, sed naturæ conditiones in nobis. Peccatum igitur originis non esse defectum, non uitium aliquod, nō deprauationē aliquam, non habitū corruptū, non qualitatem uitiosam hærentem in nostra substantia, ut quæ sit sine omni uitio & deprauatione: sed hoc tantum esse pecca-

peccatum originis, quod actualis transgressio Adæ reatum, tantum et poena transmissa & propagata sit ad posteros, sine uitio aliquo & prauitate hærente in ipsorum substantia: & reatum hūc esse, quod propter Adæ peccatum extorres facti sumus regni cœlorum, subiecti regno mortis, & æternæ damnationi obnoxij, & omnibus humanæ naturæ miserijs inuoluti. Sicut ex seruis, qui proprio uitio libertatē amiserunt, nascuntur serui: non suo, sed parentum uitio. Et sicut filius scorti, sustinet infamiam matris, sine proprio aliquo, in se hærente uitio. Hanc Pighij sententiam & probat & defendit Ambrosius Catharinus episcopus. Videt enim, hoc modo totam doctrinam Pontificiam de concupiscencia quæ post baptismum reliqua manet, de libero arbitrio, de iusticia, merito & perfectione bonorum operum, &c. posse facillimè defendi & stabiliri, Et ego quidem, cum primum legerem decretum Tridentini concilij de peccato originali, arbitrabar in eo hanc prophanam, & Scripturæ expressò repugnantem Pighij & Catharini sententiam, dissimulatis honoris gratia authorum nominibus, improbari & damnari. Ita enim uerba decreti intelligi posse, manifestum est.

Sed Andradius, concilij intimus, prodit nobis, quæ fuerint deliberationes cum decretū illud conderetur: consultò scilicet ita inuolutum fuisse,

ut nihil uel in Scholasticis, uel in alijs Pontificijs scriptorib. quantūuis prophanū et falsum, improbaretur uel damnaretur: sed ut liberrima relinqueretur licentia, quiduis opinandi de peccato originis, in hac quæstione quid sit, & quaratione in nobis sit peccatum: modò quis credat, 1. quod sit, 2. unde propagetur, 3. qui sint eius effectus. Sed inquis: Decretum concilij non ita expresse loquitur. Hoc & ego dico: sed quàm insidiosè multa sint in decretis illis posita, uel unicum hoc exemplum satis ostendere potest. Et gratia debetur Andræ, quòd hæc ex intimis concilij consultationibus, tam liberè prodit & euulgat, quod uix quisquam nostrū sufficari ausus fuisset.

Ad perpetuam igitur rei memoriam, notum sit toti orbi Christiano, prophanam Pighij sententiā (ne quid dicam durius) in decreto Tridentino non esse uel improbatam uel damnatam, sed relictam esse cum alijs prophanis Scholasticorum de peccato originali disputationibus, sub opinandi libertate. Non igitur propositum fuit Tridentinis patribus, aliquos in suis scriptoribus uel crassissimos nēuos, ad normam Scripturæ emendare: sed quæsitum fuit tale artificium, ut ea quæ apertè defendere non audent, silentio ita inuoluant, ut opiniones relinquamur libere. Nec conqueri poterunt Tridentini patres, nos per calumniam, inuidie conciliandæ gratia hoc de ipsis fingere. per Andræ
dium

dum enim, qui fuit conscius secretorū concilij, hæc mysteria in uulgus emanarunt. Et iam nō poenitet me Andradio dedisse causam scribendi: aliàs enim hanc fraudem, sub insidiosis uerborum inuolucris, in decreto Tridentino nemo nostrū facile deprehendisset. Et tamen ualde multiū refert, Ecclesiam scire, quæ agitata fuerint disputationes, quæ habita deliberationes in concilio Tridentino, de huiusmodi opinionibus.

Et Andradius ipse, libertate illa à concilio indulta, hoc loco liberè utitur. Mentem enim suam de peccato originis aperturus, ita præfatur: Non quidem magnū scelus suscepisse uideri debet, qui in re libera liberè etiam opinetur. Breuiter autem recitabo Andradij sententiam, ut lector agnoscat fructus Tridentini concilij, & uideat qualem doctrinæ emendationem decretis suis quæsierint. Inclinare igitur disputatione sua uidetur ad Scholasticorum sententiam: qui sentiunt, humanam naturam in ipsa integritate ita conditam fuisse, ut quia propter compositionem ex diuersis partibus, inter se minimè consensientibus constat, consequerentur eam incitamenta, & quasi prurigines, hoc est tales pulsus & concitationes, ut caro cum sibi grata & iucunda concupiscit, contra spiritum repugnet, & à præscriptione rationis sit auersa. Illis uerò puris seu meris naturalibus, superadditam fuisse iusticiam originale, tanquam donum super

438 EXAMEN DECRETORVM

naturale: quæ carnis lasciuia et petulantiam
 comprimeret, omnes sceleratos animi motus cohi-
 beret, et omnes cum animi tum corporis partes
 in officio contineret. Iam uero quia originali
 iusticia spoliati sumus, carnem quasi equum si-
 ne freno, ferocibus cupiditatibus rapi. Atque ita
 concupisceniam, non quidem per se esse pecca-
 tum: sed quia non amplius iusticia originali co-
 hibeatur et comprimatur, inde fieri peccatum:
 ut ita peccato originali, amotio et priuatio iusti-
 ciæ originalis, propriè habeat peccati rationem,
 imò ipsa sit peccati originalis forma: ex qua ipsi
 etiam concupisceniam insit ratio peccati. Quan-
 do igitur in regeneratione datur spiritus renoua-
 tionis, ut spiritus repugnet carni, tunc concupiscen-
 tiam ipsam per se non esse amplius peccatum: ut
 quæ sit ipsius naturæ conditio, modò cohibeatur
 et comprimatur. Quia uero peccatum nõ potest
 esse sine legis transgressione, querit Andradius,
 cum qua lege pugnet iusticiæ originalis amissio?
 Et respondet, nullam hac de re legem à Deo ex-
 plicatè latam fuisse: sed pugnare illam priuatio-
 nem cum generali legis naturæ sententia, qua
 quisque obligatur, ut naturæ incolumitatem et
 conseruationem curet. Iam uero quia commendit
 Andradius, peccatum esse tantum actionem con-
 tra legem Dei, quæ committitur à sciēte et uo-
 lente, difficilis oritur quæstio: cum originalis
 iusticia,

iusticia, solius Adæ culpa à sciencia & uolencia amissa est, quomodo illa carencia in nobis possit rationem peccati habere? Vtitur autem subtili illa responsione, quæ Augustini est: sicut omnium hominum natura, ita etiam omnium uoluntates originaliter fuisse in Adamo. atq; hoc modo etiam originale peccatum habere rationem uoluntarij in nobis. Sed quia hoc modo minima ratio uoluntarij, in peccato originali reperitur (neq; enim nostra personæ propria uoluntate, sed aliena, Adæ scilicet seu communis originis, cōmissum est) ideo dicit, peccatum originis à Pontificijs theologis rectè censerī, minimum esse omnium peccatorum. Quando uerò Patres illud maximum uocant, hoc ita intelligendum esse, quòd latius cæteris diffundatur, & per omnes homines peruat. Est igitur Andræ sementia, concupiscentiam qualis est in hac naturæ corruptione, fuisse etiam in integra natura: sed ita, ut cohiberetur & comprimeretur à iusticia originali: ideo per se non esse peccatum, si tantum frenetur: id quod fit in reuatis. Amissionem uerò iusticiæ originalis in Adamo pugnare non cum lege aliqua Dei, sed sed cum generali illa tantum legis naturæ sententia, qua naturæ conseruatio unicuique demandatur. In nobis uerò carenciam illam iusticiæ originalis, tantum habere de ratione peccati, quantum habeat de uoluntario. Sed quia minimā

44. EXAMEN DECRETORVM
habet rationem uoluntarij, ideo peccatum origi-
nis minimum esse omnium peccatorum.

Hanc Andradij speculationem de peccato ori-
ginis, ideo recensui: ut lector obseruet, qualis do-
ctrinae emendatio speranda sit ex Tridentino con-
cilio. Cum enim summa doctrinae consistat in agni-
tione nostrae deprauationis, & reparationis per
Christum: agnoscit lector, quàm foedè & scelera-
tè, tota doctrina coelestis diuinitus nobis patefa-
cta, ab ipsis fundamentis extenuetur, obscuretur
& deprauetur philosophicis illis speculationibus
de peccato originis. Quam uero enim peccatū ex-
tenuatur, tantum de beneficio Christi detrahitur.
Et patres quidem Concilij, turpitudinem illius do-
gmatis ita nudatam proponere, in tanta ueritatis
luce aliquantum puduit, & tamen noluerint im-
probare: ideo generalibus uerborum inuolucris
decretum illud inuoluerunt. Andradius uerò aduo-
catus & interpret Concilij, disertè, & quidem
multis uerbis explicat, quae sub illis inuolucris la-
teant mysteria. Iuxta Andradij igitur interpreta-
tionem, non peccabit contra memem concilij, si
quis sententiam magis adhuc prophanam de defi-
nitione peccati originalis comminiscatur. posito
enim hoc axioma, peccatum originale in nobis
non plus habere de natura peccati, quàm habeat
de ratione uoluntarij: mox attexet Franciscus de
Mayro: Sed peccatū originale in particulari so-
lummodo

lummodo fuit uoluntarium, uoluntate scilicet Adæ: sed in uniuersali, hoc est in nobis, omnino est inuoluntarium. Ergo omnino nullam habebit rationem peccati. Sed non opus est ex alijs scriptoribus accersere consequentias. Ipse enim Andradius quid in cōcilio Tridentino de peccato originis didicerit, non obscure explicat. Damnat enim cum Colonienfibus Monhemium, qui dixerat, propensionē ad peccandum, & ἀταξίαρ cupiditatum, quas simul cum natura induimus, esse peccatum originale: & tantū esse naturæ corruptionem, originis peccato contractam, ut nihil à tali possit natura edi aut effici, non peruersum & contaminatum. Hanc sententiam Andradius damnat, suam uerò hāc ponit: Et si humanam naturam perquam deprauatam esse, negare non possumus: hæc tamē deprauatio non tantopere est amplificanda, ut nihil in illa pium, nihil bonum, nihil non contaminatum agnoscamus. Mens igitur concilij Tridentini, ubi Andradius hæc Patrum hortatu & inspiratione scripsit, illa erit: In natura humana deprauata, sine renouatione spiritus, restare adhuc aliquod bonum, non in externa tantum disciplina, uerumetiam quo ad res spirituales. Addit enim, restare aliquid pium, & aliquid non contaminatum. Et uera pietas certè ad res diuinas seu spirituales pertinet: cuius seminaria quedā in hac corrupta natura, ante renouationem spiritus reliqua esse.

Andradius affirmat.

Scholastici quidem scriptores, olim talia liberè disputarunt: sed nunc in tanta luce ueritatis, profectò putàram neminem tam perfrictæ frontis esse, quem non puderet illorum quæ usqueadè prophana sunt. Et uideo concilium Trideninum aliquo saltem pudore retractum fuisse, quod suo illo decreto ita loquitur, ut dextrè intelligi posset. Sed quæ fuerit mens illorum, quam inuoluere potius quàm disertè explicare maluerunt, Andradius nihil dissimilans, eam post concilium, in totius orbis theatro, sonora uoce prædicat: ut ita in hoc decreto, Patres concilij aliud sedentes & foris publicârint, aliud stantes & domi consusurrârint de peccato originis. Sed Andradius, imprudens forsân, secreta illa eliminat. Ut ut autem sit, utile est Ecclesiam scire, ex illorum qui concilio interfuerunt interpretatione, qua fraude & quibus insidijs usi sint architecti huius decreti de peccato originis.

Ne uerò ad calumniam Manicheismi, quæ etiâ Augustinum prægrauârunt Pelagiani, Andradius se proripiat: disertè dicimus, licet natura non tantum in aliqua parte, sed in omnibus partibus & uiribus sit deprauata: tamen discernendum esse inter naturam ipsam, quæ per se bona & à Deo est, & inter uitium quo natura per peccatum adeo deprauatum est. Sicut August. inquit de natu

ra & gratia. ca. 3. Omnia bona quæ natura habet in formatione, uita, sensibus, mente, &c. à summo Deo creatore suo habet: uitium uerò quod ista naturalia bona contenebrat & infirmat, ex originali peccato contractum est.

Sed fermè oblitus eram eius questionis, quæ ad nos propriè pertinet: cum scilicet omnes qualescunq; disputationes de peccati originalis definitione, in Tridentino concilio sub libera opinandi licentia relictæ sint, quid ibi factum fuerit doctrinæ Augustinæ confessionis, quæ ex Scripturæ testimonijs constituit descriptionem peccati originalis? Num igitur probant eam Pontificij? Nequaquã. num liberam eam permittūt? Nihil minus: sed expressè eam damnāt. Hoc uerò mirabile est, cum reliquas omnes opiniones qualescæcunq; sum, liberrimas relinquant. Sed discat ab hoc exemplo lector, sicut poeta dixit: Romæ omnia cum liceāt, non licet esse pium: ita in concilio Tridentino, omnes, qualescunq; opiniones liberas relinqui: solam uerò illam sententiã, quæ ex Scripturæ testimonijs extructa est, non tantum non relinqui liberã, sed horrendis clamoribus damnari.

SCRIPTURÆ SENTENTIA DE peccato originis.

Non est autē nostri instituti, iustā aut integrā adornare refutationem. fundamenta enim ueræ de peccato originis sententiæ, in multis & prolixis scriptis

444 EXAMEN DECRETORVM
scriptis sunt à nostris ex uerbo Dei monstrata &
explicata. Omnino uerò non ex rationis specula-
tionibus, nec ex philosophicis ratiocinationibus,
sed ex doctrina diuinitus patefacta descendum &
statuendum est de corruptione seu deprauatione
naturæ, quæ per peccatū unius hominis intrauit
in mundum, & omnes homines peruasit. Moses
Psalm. 90. uocat אֲבֻלָּהָב absconditum nostrum,
quod Deus ponat in illuminationem uultus sui.
Ideo enim institutum est ministerium uerbi, ut eius
uoce ostendatur & arguatur illud præcipue pec-
catum, quod à conspectu & agnitione carnis, ra-
tionis & mundi procul remotum & absconditū
est. Aduersarius autem meus Andradius, explica-
turus mentem suam, quid censeat esse peccatum
originis, quasi in schola Aristotelis aut Galeni,
rationem philosophicæ methodi, splendide sanè
persequitur. Non autem uel semel unico saltē Scri-
pturæ testimonio, ea quæ de peccato originali di-
sputat, confirmare & probare conatur. Tantam
scilicet opinandi libertatem, concilium Triden-
tinum permisit: ut cum turpe habeatur, iuris-
consultum sine lege loqui, factum iam sit ualde (si
dis placet) religiosum, Theologum sine Scriptu-
ræ testimonijs disputare. Reuocanda igitur est to-
ta hæc disputatio ad Scripturæ metas & cancel-
los. Et omnino falsum est, naturam humanam in
prima creatione cum esset integra, ita conditam
fuisse,

fuisse, ut in membris uoluntate, corde, & reliquis uiribus, esset talis & τὰ φύσιν & rebellio, qualis iam etiam in renatis adhuc reliqua esse cernitur. Falsum est & hoc, nullam esse à Deo legem latam cui repugnet, qua arguatur & damnetur defectus iusticie originalis, & quæ in eius locum successit concupiscentia. Creatus enim fuit homo ad imaginem Dei, quæ fuit conformitas cum norma iusticie in Deo, quæ in lege diuina patefacta est: ut scilicet in tota mente, toto corde, tota uoluntate, in omnibus membris corporis, & potentijs animæ, essent uires integerrimæ & perfectissimæ, ad agnitionem & dilectionem Dei, & postea proximi, iuxta uocem legis diuinæ: Diliges Dominum Deum tuum ex toto corde, tota anima, tota mente, & omnibus uiribus: & proximum sicut teipsum. Et quidem sine aliqua & τὰ φύσιν corruptionis & rebellionis, scilicet sine tenebris in mente, auersione in uoluntate, contumacia in corde, & deprauatione in reliquis uiribus, purissima & sanctissima fuit in prima creatione natura humana, iuxta ultimum præceptum: Non concupisces. sicut illud Paulus interpretatur Romanor. 7. Et quòd hæc fuerit imago Dei in homine, ipsa restitutio imaginis, quæ in hac uita per Spiritum sanctum inchoatur, et in uita æterna absoluetur, satis ostendit Romanor. 12. Ephes. 4. Coloss. 3. & c. Illam uerò imaginem seu conformitatem ad normam iusticie

446 EXAMEN DECRETORVM

iusticiæ in Deo, lex diuina ab omnibus hominib. in primo & ultimo præcepto requirit. Et ubi illā nō inuenit, arguit hominem de peccato: quod damnat æterna morte, nisi facta fuerit remissio ppter Christum mediatorē. Iam uerò nō tamū Sacrae literæ docent, sed & experientia ostendit, innatis ex uirili semine esse amissionē diuinæ lucis in mente, et in eius locū successisse horribiles tenebras. In uoluntate esse auersionē à Deo, & inimicitias aduersantes Deo: in corde contumaciā affectuū, & in omnibus uiribus horrendam *ἀταξία* & deprauationē, quod attinet ad res diuinas seu spirituales. De externa enim disciplina rationis in homine non renato, postea suo loco quædam dicemus. Et hæc naturæ deprauatio, non est iuxta rationis nostræ iudiciū extenuāda aut fucāda: sed quid sit, qualis et quanta sit, iuxta Spiritus S. sententiā quā in uerbo patefecit, dijudicanda est.

Et quia ualde multum refert malum illud in intimis naturæ latebris, & occultissimis cordis recessibus absconditum, rectè & uerè agnoscere (neq. enim intelligi potest magnitudo gratiæ Christi, nisi cognitis nostris morbis) ideo Scriptura in ualde multis testimonijs, & quidem uarijs modis, proponit nobis considerandum tristissimam illam naturæ nostræ corruptionem. Ex illis quædā annotabimus: ut manifestum fiat, non esse uel incertū uel liberū, quid de peccato originis, sentien-
dum

dum sit: sicut illam sibi licentiā Pontificij sumunt.

1. enim Scriptura describit, qualis fuerit humana natura excellentia, perfectio & integritas, ante lapsum: ut ita ex antithesi ostendat, quomodo illa bona sint partim amissa, partim concenebrata & deprauata: Genesis 1. Creauit Deus hominem ad imaginem & similitudinem suam. Eccles. 7. Solummodo hoc inueni, quod fecerit Deus hominem rectum, & ipse se infinitis miscuerit adinventionibus. Sed post lapsum Genes. 5. Adam genuit filios, secundum suam imaginem et similitudinem. Quæ uerò fuerit imago Dei in homine, ex restitutione eius quæ in renouatione inchoatur, aliquo modo intelligi potest. Et tota hæc descriptio de imagine Dei, & amissione eius, delineata est in Decalogo, si ad nostram naturam conferatur. Ideo Paulus Ro. 3. dicit: Omnes peccauerunt, & destituuntur gloria Dei. renouatio enim uocatur gloria. 2. Cor. 3. 2. Describit, quid & qualis per se sit corrupta nostra natura, ante reparationem & renouationem. Ita Romanor. 5. dicit, per unius obedienciā peccatores constitutos multos. Et quomodo hoc intelligi uelit, ibidem explicat. Vocat enim impios et inimicos Dei, priusquā illi per filiū recōciliemur. Eph. 2. Opponit illa duo, quod credentes facti sint per gratiā, & quid fuerint natura. Nominat quod peccata actualia: ambulare sc. in peccatis secundū principem potestatis aeris, cōuersari in desiderijs carnis, facere

448 EXAMEN DECRETORVM

cere uoluntates cogitationum: sed addit, Non consuetudine, non imitatione accersita hæc mala.

Sed natura, inquit, eramus filij iræ: habentes scilicet desideria carnis, uoluntates carnis & cogitationum. Et nos, inquit, qui ex circumcisis parentibus nati sumus, eramus natura filij iræ, sicut & ceteri: ex Gemibus scilicet nati. Distinguit autem Scriptura hæc duo: facere peccatum, 1. Ioā. 2. seu ambulare in peccatis, Ephes. 2 & habere peccatum, 1. Ioan. 1. quod uocatur inhabitās peccatū, Rom. 7. adiacens peccatum, Rom. 7. ἀμείγτῃ καὶ ὑπὸ τῇ σαρκὶ, peccatum undiq; circumstans, & occupans omnes uires in homine, Heb. 12. ignorantia existens in illis, Eph. 4.

3. Quando describitur reparatio & restitutio hominis, per spiritum renouationis, simul ostenditur antithesis deprauationis. Rom. 12. Eph. 4. Col. 3. &c. Inchoatur autem restitutio & reparatio in omnibus partibus & uiribus hominis in hac uita: quæ ita crescere debet, ut tandem aboleatur corpus peccati. Rom. 7. Ex antithesi igitur considerare tur, qualis sit deprauatio, quæ per peccatum Adæ ingressa est naturam humanam, & occupauit omnes eius partes.

4. Quæ, qualis et quanta sit naturæ humanæ per peccatū deprauatio, Scriptura ostendit, quādo describit, qualis sint originalis illius morbi reliquæ, etiam in renatis in hac uita, Rom. 7. Video etiam

aliam legem in membris meis, repugnantē legi mentis meae, & captiuantem me sub lege peccati, quae est in membris meis. Item: Lex est spiritualis, ego autem Carnalis, uenditus sub peccatum. nō enim quod uolo, hoc ago: sed quod odi, hoc facio. Etiam quando uelle adiacet mihi, perficere tamen bonum non inuenio. Gal. 5. Qui Christi sunt, carnem crucifixerunt cum morbis & concupiscentijs. Coloss. 3. renatis concionatur: Mortificate membra uestra quae supra terram sunt, &c.

5. Scriptura ostendens, quā horribilis sit in homine deprauatio, quando uel deseritur à spiritu Dei, uel est sine spiritu, ponit ipsissimam descriptionem peccati originalis. Ita Gen. 6. cum Deus dixisset, Non permanebit spiritus meus in homine: mox sequitur, Multa erat malicia hominum in terra, & omne figmentum cogitationum cordis, tantum erat malum. Et ne existimentur mala illa actionibus aut consuetudine accersita, dicit à pueritia malum esse figmentum cordis humani: hoc est natura, sicut Paulus loquitur Eph. 2. Et quidē tunc etiā pronunciat hoc Deus de corde humano, quādo sublatis per diluuium impijs, Noe tantum cum suis in terra uiuebat. Gen. 8. Ita Rom. 3. describēs hominem qualis extra Christum, & sine spiritu, ducit descriptionem per singulas partes hominis: Omnes declinauerunt, non est qui faciat bonum: guttur est sepulchrum, linguis dolo se agunt, sub labijs est uenenum, os maledictio-

450 EXAMEN DECRETORVM

ne plenum, pedes ueloces ad effundendum sanguinem, &c. Ita in lapsis posteriora sunt peiora prioribus. Luc. 11. 2. Pet. 2.

6. Malum illud Scriptura & priuatiuè & positiuè describit. 1. Cor. 1. Animalis homo non percipit ea quæ sunt spiritus: stulticia enim sunt ei. Rom. 7. Perficere bonum non inuenio. Rom. 8. Legi Dei non subijcitur: neq; enim potest. Sapientia carnis inimicitia est aduersus Deum. Rom. 7. Lex in membris, repugnat legi mentis, captiuans renatos sub lege peccati. Eph. 2. uocat concupiscentias carnis, uoluntates cogitationũ. Gen. 6. Figmentũ cordis malũ.

7. In illa descriptione mali originalis, Scriptura adiungit etiam tyrānidem diaboli. Eph. 2. Sathan efficaciam suam habet in filijs diffidentie.

8. Obseruetur etiam, quomodo Scriptura monstret subiectum prauitatis originalis. ponit enim illam in mente. Eph. 5. Eratis quondam tenebræ, tunc autem lux in Domino. Eph. 4. Tenebris obscuratum habentes intellectum, propter ignorantiam existentem in ipsis. 2. Cor. 4. Non sumus idonei, ex nobis ipsis cogitare aliquid Deut. 29. Vidistis signa, & nõ dedit nobis Dominus cor ad intelligendũ. Rom. 1. Vani facti sunt in cogitationibus suis. 1. Cor. 2. Animalis homo non percipit quæ sunt spiritus. Collocat etiam prauitatem illam in uoluntate & corde. Genes. 6 & 8. Figmentum cordis malum. Marci 7. Ex corde hominum procedunt male cogitationes,

adulter-

CONCILII TRIDENTINI. 431

adulteria, furta, iniuria, nequitia, dolus, inuidia, blasphemia, superbia, stulticia: omnia hæc mala ab intus procedunt. Ephes. 2. Facientes uoluntates carnis & cogitationum. Et deniq; in toto homine, qualis est ex prima natiuitate, in omnibus eius membris & partibus, ponitur sedes originalis prauitatis. Vetus enim homo, Rom. 6. & Gal. 5. cum morbis & concupiscentijs iubetur crucifigi. Rom. 8. Sapientia est inimicitia aduersus Deum. Roman. 7. In carne mea non habitat bonum. Lex peccati in membris meis. Roman. 6. Vt destruatur corpus peccati. Ps. 51. Dauid in ipsa massa seminis, quando primum concipitur, agnoscit peccatū & iniquitatē. Eph. 2. Concupiscentia carnis, uoluntas cogitationum. Ro. 3. nominantur os, labia, guttur, pedes, oculi, &c. Et ab ipsa anima, 1. Cor. 2. nominatur animalis homo, *ψυχικός*, qui non percipit quæ sunt spiritus.

Nec uerò timendum est, si has Scripturæ sententias sequamur, ne deprauationem naturæ nimium exaggeremus: quæ Colonienſium & Andradij sollicitudo est. non enim satis agnosci & deplorari potest illa prauitas, hærens in nobis. Sed manet quod Psalmus dicit: Delicta quis intelligit? ab occultis meis munda me: Et quod Ieremias pronunciat: Præuum est cor super omnia, & inscrutabile, quis cognoscet illud? Nec propterea cum Manichæis nos coniungimus, quorum blasphemias damnamus & execramur: sed Scripturam sequimur.

Has descriptiones ex ipsis Scripturæ uerbis, nudè & breuiter tantum recitauì: ut Andradiò ostenderem, falsum esse quod ipse cum multis alijs Pontificijs & sentit, & docet: Scripturam tantum tradere, quòd sit aliquod peccatum originale: non autem explicare quid, quale, & quantum sit. Et lectorem quæso, ut instituat collationem, qualia sint uerborum fulmina, quando Scriptura de peccato originali loquitur: & quàm leuiter, quàm frigide Pontificij philosophentur de puris naturalibus. Patres certè uocant uitium contagia, inquinamenta naturæ, ingenita scelera, &c. quorum sententias Augustinus annotauit lib. 1. contra Iulianum. Quòd enim Andradius prætendit, cõcilium Tridentinum quia non definiuit quid sit peccatum originis, reliquisse libertatem cuius quiduis opinandi, quid uelit esse peccatum originale: nos opponimus uocem ipsius Spiritus sancti, ostendentis in Scriptura multis testimonijs & uarijs modis, quæ, qualis & quanta sit originalis humanæ naturæ deprauatio. Et quando os Domini loquitur, omnis caro debet silere, cœlum & terra auscultare. Andradius uerò mauult cum concilio Tridentino opinari, quàm cū Scriptura credere.

A R G V M E N T A A D

uersarij.

Et quidem in hoc potissimum loco, uoluit ingenij acumen, & dicendi facultatis ostentare, patrocinaturus

cinaturus Iesuitarum definitioni, quod nihil habeat rationem peccati, nisi fiat à sciente & uolente. Et Augustini quidem disputationes de uoluntario, mihi antea non erant ignotæ, dum ea quæ contra Manichæos dixerat, subtili & procul petita ratione ita uult defendere, ne pugnent cum doctrina de peccato originali. Sed manifestissimum est, ualde esse coactum, & procul petitum: definitionem illam (quicquid sit à sciente & uolente) conuenire etiam peccato originali, & quidem in infantibus: propterea quia sicut omnium hominum natura, ita etiam omnium uoluntas originaliter fuerit in Adamo: certè actualis peccati esse illam definitionem, meridiana luce clarius est, et ipsi Scholastici scriptores fatentur. Et in quascunq; se formas uertat Andradius, prudenti lectori nunquam persuadebit, definitionem illam propriè & commodè conuenire peccato originali. Quantum uerò incommodi habeat, ludere defendendis incommodioribus dictis, uel hæc Andradij disputatio ostendit. Dum enim splendide declamitat de uoluntario, eò tandem prouehitur, ut pronunciet, peccatum originis quia in nobis minimum habeat de uoluntario, ideo etiam minimum esse omnium peccatorum. Sententiarij uerò quidam disputant, originale peccatum in nobis, præsertim in infantibus, propriè nullam habere rationem uoluntarij. Iuxta Andradij igitur definitionem, nullam pror-

sus habebit rationem peccati. Quanto simplicius
 & certius est, cum Scriptura & sentire & loqui,
 peccatum esse αἰσχύνη? Quia enim regula & nor-
 ma iusticie, est uoluntas Dei, quæ in lege diuina
 nobis patefacta est. Sicut igitur iustum est, quic-
 quid huic normæ seu regulæ iusticie conforme est:
 ita peccatum est αἰσχύνη: hoc est, quod legi diui-
 ne non est conforme, sed ei repugnat: siue sit de-
 fectus, siue deprauatio in natura rationali, siue in-
 clinatio, siue ratio, repugnans legi Dei. Dauid
 certè non subtiliter querit rationem uoluntarij,
 in peccato originali, dum inquit: In iniquitatibus
 editus sum, & in peccatis calefecit me mater mea.
 Verbum enim מִן־בֶּטֶן Genesis 30. de ipsa conce-
 ptione usurpatur, sicut LXX. proprie reddide-
 runt, ἐκ τῆς μήτρας. Cum igitur massa embryonis, in
 primo ardore conceptionis, primum inciperet ute-
 ri calore foueri, iam erat peccato contaminata: quæ
 contaminatio, iuxta Dauidis confessionem, habe-
 bat ueram rationem peccati, cum nondum forma-
 ta essent uel mentis, uel uoluntatis, uel cordis or-
 gana. Non autem ignoro, quàm multa hic possint
 disputari, de uoluntario, de origine animæ, &
 coniunctione eius cum corpore: sed nos cum Am-
 brosio, non Dialecticorum argutijs, sed piscato-
 rum simplicitati credimus.

Et Augustinus de illis disputationib. rectè inquit,
 de peccatorum meritis lib. 3. cap. 4. Ego autem etsi
 refellere

CONCILII TRIDENTINI. 455

refellere istorum argumentationem non ualeam; uideo tamen inhaerendum esse ijs quæ in Scripturis sunt apertissimæ. Quando Paulus Rom. 7. de peccato inhabitante conqueritur: Non quod uolo, hoc ago: sed quod odi, hoc facio. Et Gal. 5. Spiritus concupiscit aduersus carnem, ut non quæ uultis, ea & faciatis. certè Augustinus ipse agnoscit lib. 1. Retract. cap. 13. ibi locum non habere politicam illam sententiam, nihil esse peccatum, nisi fiat à sciente & uolente. Quia igitur improprietas in hac sententia per se manifesta est, nihil amplius ad prolixam Andradij declarationem de Iesuitica peccati definitione respondere, quam quod August. contra Iulianum li. 3. cap. 5. inquit: Frustra putas ideo in paruulis nullum esse delictum, quia sine uoluntate, quæ in eis nulla est, esse non potest. Hæc enim rectè dicuntur de proprio cuiusque peccato, non de originalis peccati contagio: quod tamē et ipsum, à primi hominis mala uoluntate sumpsit exordium, &c. Contendit etiam Andradius, naturæ corruptionem non tantopere esse amplificandam, ut nihil in ea primum, nihil bonum, nihil non contaminatum agnoscamus. Atqui Iob inquit capite decimoquarto: Quis dabit à sordibus mundum, quod ex contaminato est? Romanorum 7. Paulus de se iam renato inquit: Quod in me, hoc est, in carne mea, non habitat bonum. Et Genesis sexto de natura humana à spiritu Dei deserta, inquit Deus: Omne figmentum cogitationum cordis eorum, tantum

malum est omni tempore. Et ne ad solos impios qui ante diluuium fuerunt, hæc sententia restringatur, repetitur capite octauo, cum solus Noe iustus cum suis in terra uiueret: & ad totum genus humanum accommodat, figmentum cordis malum esse à pueritia: ne scilicet de actuali tantum malicia intelligatur. Nam & de infante, & de puero usurpatur uocabulum רַעַי Iud. 13. Esa. 7. Exod. 2. Et in hanc sententiam Dauid uocat delicta iuuentutis.

Hanc sententiam in uulgata editione multipliciter esse deprauatam, manifestum est. Pro eo enim quòd Deus dicit, Figmentum cogitationum cordis: corruptè legimus in Latina editione, Sensus & cogitatio cordis: ut scilicet de sensualitate disputari, & superiores uires rationis à corruptione eximi possent, ubi Deus dicit, Solummodo est malum. Hoc deprauatum est: cognatio intenta seu prona est ad malum. Andradius Hebraicè doctus, agnoscit uersionem illam non respondere uerbis Hebraicis: ne tamen incurras anathema Tridentine synodi, non uersionem ex fontibus corrigere, sed ad deprauatam uersionem ipsos fontes intorquere conatur, Particulam רַעַי interpretatur, uerè malum est figmentum cordis humani: cum & ipsa radix, & exempla ostendant, esse particulam exclusiuam. Et sicut Pelagius olim illud Ephesios secundo, Eramus natura filij iræ: ita interpretatus est, φύσις, hoc est omnino

Et uerè: ne peccatum originale concedere cogere
 tur. Ita Andradius ¶ reddit (uerè) ne scilicet pre
 matur mole illius sententiæ: Omne figmentum cor
 dis humani solummodo malū est, & quidem omni
 tempore, ita ut à pueritia malum sit. Magna enim
 non tam pōdera quā fulmina sunt, in singulis uer
 bis: contra extenuatores prauitatis, quæ originali
 ter hæret in hac corrupta natura. Andradius uerò
 ut illa eludat, contendit uocabulum ¶ figmētum
 significare solum propensionem seu concupiscen
 tiam ad peccandum: quæ mala dicatur non per se,
 sed ideo tantum, quia ad malum propendeat & in
 clinet. Sed ¶ significat, uel intus animo aliquid
 cōcipere, formare, et quasi effigiare: uel foris iuxta
 cōceptam ideā aliquid fingere seu formare. Et Scri
 ptura aliquoties uocat figmentū cogitationum. Ge
 nes. 6. & 1. Paralip. 28. Cogitationes uerò præcede
 re cupiditates, notum est. Significat igitur, quando
 mens primū concipit & format cogitationes,
 ipsos primos motus conatus seu impetus cordis,
 quando homo est sine Spiritu sancto, iam esse res
 malas, hoc est contaminatas & auersas à Deo. Non
 enim dicit quod Andradius fingit, propendere ad
 malum: sed, esse malum. Nec de cupiditatibus tan
 tum loquitur. uocat enim figmētum cogitationum.
 Et consideretur emphasis uerborum, in dicto, quod
 extat Deut. 31. ubi de futura populi defectione De
 us loquitur, & inquit: Novi figmentum eius, quod

438 EXAMEN DECRETORVM

quid ipse faciat hodie, priusquam introducam eum
in terram. Et. 1. Paral. 28. Numerantur ordine cor,
figmentum, & cogitationes. Ex cogitationibus ue-
rò postea sequi cupiditates et desideria, notum est.
Deus autem ipsum cogitationum figmentum, dicit
tantummodo esse malum. Porro quid **¶** signifi-
cat etiam singulari studio, & animi cōtentione. ali-
quid formare, potest & hic esse sensus: Quæ ani-
mus humanus qualis est in hac naturæ deprauatio-
ne, sine Spiritu sancto, etiā maximo studio et singu-
lari sapientia, cogitationibus concipit & format,
esse tantummodo mala omni tempore: ut idem sit
Mosi, figmentum cogitationum cordis, quod Pau-
lo est φρόνημα carnis. Nam cogitatio quæ delibe-
ratione confirmata est, uocatur **¶** Esa. 26. Illa
igitur Mosis sententia non extenuat (sicut Andra-
dius cum Iesuitis fingit) sed tristissima exaggera-
tione amplificat originalem humani cordis deprau-
ationem. Quod enim Andradius dicit, non cor
ipsum, sed figmentum cordis accusari: ineptū est.
Sicut enim ex bono thesauro cordis, proferuntur
bona: ita mala, ex cordis thesauro malo proferun-
tur. Ex abundantia enim cordis, os loquitur:

inquit Christus Luc. 6. Et Iere-
mias uocat cor homi-
nis prauum.

DE RE.

CONCILII TRIDENTINI. 459
DE RELIQUIIS PECCATI ORIGI-
nalis post baptismum: siue de concupiscen-
tia, quæ in baptisatis siue renatis in
hac uita adhuc reliqua est.

DECRETVM QVINTAE SESSIO-
nis Tridentinæ Synodi.

SI quis per Iesu Christi Domini no-
stri gratiam, quem baptismo cō-
fertur, reatum originalis peccati remit-
ti negat, aut etiam asserit non tolli to-
tum id quod ueram & propriā ratio-
nem peccati habet: sed illud dicit tātū
radi, aut non imputari: anathema sit.
In renatis autem nihil odit Deus: quia
nihil est damnationis ijs qui uerè cōse-
pulti sunt cum Christo, per baptisma in
mortem: quia non secundū carnē am-
bulant, sed ueterem hominem exuētes,
& nouū induuētes, qui secundū Deū
creatus est, innocētes, immaculati, pu-
ri, innoxij, ac Deo dilecti effecti sunt:
hære-

heredes quidem Dei, cohæredes autem Christi, ita ut nihil prorsus eos ab ingressu cœli remoratur. Manere autem in baptisatis concupiscentiam uel fomitem, hæc sancta Synodus fatetur, ac sentit : quæ quidē cum ad agonem relictæ sit, nocere non consentientibus, & uiriliter per Iesu Christi gratiam repugnātibus non ualet : quinimo, qui legitime certauerint, coronabuntur. Hanc concupiscētiam, quam aliquando Apostolus peccatum appellat, Sanctam Synodus declarat, Ecclesiam catholicam nunquam intellexisse peccatum appellari, quòd uerè & propriè in renatis peccatum sit: sed quia ex peccato est, & ad peccatum inclinat. Si quis autem contrarium senserit, anathema sit.

Examen.

Examen.

Hæc controuersia una est ex præcipuis, quæ magna contentione ab aduersarijs disputatur. Inde enim pendet meritum, perfectio, iusticia, & supererogatio bonorum operum coram iudicio Dei. Ideo non contenti argumētationibus, ludunt uarijs æquiocationibus in uocabulo peccati. Miscet etiam calumnias, quasi nos doceamus, peccatum originale eodem planè modo, & eadem omnino ratione esse & manere post baptismum in renatis, sicut ante baptismum in non renatis est: & idem esse peccatū, siue renatus repugnet, siue obediatur desiderijs concupiscentiæ.

Andradius clamat, nos blasphemare gratiam Dei, meritum Christi, baptismum & fidem: quasi tam infirma illa sint, ut non possint subito uno momento in baptisatis totum peccatum originale tollere, & extirpare ex natura humana. Sed, remotis caillationibus & calumnijs, res ipsa in hac questione ex Scriptura manifestissima est. De rebus ipsis igitur primum, quæ certa & manifesta sunt, ex Scriptura constituemus.

STATVS CONTROVERSIAE,
& fundamenta.

Ostendimus autem suprà, peccatum originale in non renatis, esse defectum & concupiscentiam, & annexum habere reatum iræ Dei & mortis æternæ. Num uerò docemus, illud post baptismum in
non

non renatis? Nequaquam. didicimus enim ex Scriptura, in baptismo, per mortem & resurrectionē Christi, fieri remissionem omnium peccatorum. Et illam non esse superficialiā, non dimidiatam aut partialē, sed plenā & perfectā: ita ut nulla cōdemnatio sit his, qui in Christo Iesu sunt. Distimū & hoc ex Scriptura, baptismum esse lauacrū regenerationis & renouationis per Spiritum S. Tit. 3. loco igitur defectus originalis, Spiritus S. in renatis operatur noua dona, spirituales facultates et motus. Incipit etiā naturā sanare, mortificare & crucifigere ueterem hominem cum morbis, concupiscentijs & actionibus carnis. Rom. 6 & 8. Gal. 5. expoliare et destruere corpus peccati, Col. 2. Rom. 6. exuere ueterē hominem, Col. 3. Expurgare uetus fermentum, 1. Cor. 5. &c. Hæc credimus, docemus & confitemur. Hic igitur nondum est status controuersię, inter nos et aduersarios. Sed prima questio est: Cum in baptismo fiat remissio omniū peccatorum, plena & perfectā: an etiam renouatio quę inchoatur in baptismo, ita sit in hac uita perfecta & absoluta, ut in baptisatis seu renatis, in hac uita post baptismum, nihil planē reliquū sit de malo seu morbo originali. Clamitat autē Scriptura, experiētia docet, & omniū piorū in hac uita relictissimę querelę testantur, multum uetustatis adhuc herere in carne renatorum. Rom. 7. Quod uolo bonū, non facio, perficere non inuenio, &c.

Et Scri

Et scriptura ubique uult renatos orare & studere, ut dona renouationis crescant & augeantur. Quod uerò opus habet ut crescat & augeantur, nondum est perfectum & absolutum.

Augustinus de peccatorum meritis & remissione libro 2. capite 7. diligenter expendit uerba Pauli 2. Corinth. 4. inquit enim: Nō ex qua hora quisque baptisatur, omnis uetus infirmitas eius assumitur: uel renouatio incipit à remissione omnium puerorum. Nam in baptismo, quamuis tota & plena fiat remissio peccatorum: tamen si continuo tota & plena etiam hominis in aeternam nouitatem fieret mutatio, non dico & in corpore, sed si in ipso animo qui est homo interior, perfecta in baptismo nouitas fieret, non diceret Apostolus: Et si exterior homo noster corrumpitur, sed interior renouatur de die in diem.

Profecto enim qui de die in diem adhuc renouatur, nondum totus est renouatus. Et in quantum nondum est renouatus, in tantum adhuc in uetustate est, &c. Et nō est opus coacervatione multorum testimoniorum. omnium enim confessione (sicut explicat Lögobardus lib. 2. distinct. 32.) constat, reliquas concupiscentie originalis, quæ in baptismo cœpit crucifigi, mortificari, expoliari & expugnari, etiam post baptismum in renatis in hac uita superesse & herere. Roman. 6 & 7. Galat. 5. Coloss. 3. &c.

Certum

Certum igitur est, cum remissio peccatorum, quæ in baptismo fit, plena & perfecta sit: renouationem tamen quæ ibi inchoatur, non esse in hac uita perfectam & absolutam. hoc est, malum originale licet per baptismum remissum sit, non tamen subito totum tolli, & penitus extirpari ex carne renatorum: sed eius reliquias quasdam, defectus scilicet & concupiscentiam superesse, & hærere in carne renatorum in hac uita.

Et de illis peccati originalis reliquijs, hoc est de reliquis defectibus, & de reliqua concupiscentia quæ post baptismum etiam in carne renatorum in hac uita hærant, altera est & potissima questio. Et ne peregrinis disputationib. à statu abducamur, non est questio, an reliquie illæ peccati originalis renatos, qui per baptismum Christo insiti, fide in ipso sunt & manent, Deo exosos faciant & damnent? nihil enim damnationis est illis, Rom. 8. neque hoc propriè hoc loco disputatur, quando reliquie illæ peccati originalis in mortali corpore ita regnant, ut desiderijs concupiscentiæ non repugnemus, sed obediamus, Rom. 6. tunc enim peccatum consummatum parit mortem. Iacobi 1. & Rom. 8. Si secundum carnem uixeritis, moriemini. Sed hoc queritur: quid concupiscentia illa quæ in renatis post baptismum in hac uita adhuc reliqua est, quando ipsi non obeditur: quid inquã sit per se, in se, ex se, & sua natura, sicut Iesuitæ loquuntur: Cre
dentes

dentes sanè, qui in Christo Iesu sunt & manent, nō
 facit Deo exosos, nec damnat ipsos. Sed quero, an
 inde hoc fiat, quòd reliqua illa concupiscentia in
 renatis sit res bona, pura, mūda, sancta, placēs Deo,
 & legi diuine conformis? Non arbitror autē uel
 Andradium, uel Iesuitas hoc audere affirmare. Pau-
 lus enim Rom. 7. sonora uoce, multis uerbis, & in
 ista disputatione reclamat. Et pulchra extat disputa-
 tio apud Augustinum lib. 6. contra Iulianū, cap. 6.
 cum enim dixisset concupiscentiam, reatu suo iam
 soluto, manere tamen in baptisatis: Iulianus hoc ita
 accipiebat, quasi ipsa cōcupiscentia per baptismū
 reatu liberetur & absoluator, ita ut post baptismū
 in renatis sit bona et sancta. Augustinus uerò respō-
 det: si hoc sentire, pfectò nō dicere eam malā esse,
 sed fuisse. Talia quippe dicis, qualia dicenda sunt in
 eos, qui per baptismū sanctificatā & fidelē factam
 concupiscentiā carnis affirmant in eis, in quib. re-
 generatis manet tamē: quasi accesserit bonū sancti-
 ficationis, ut iam in renatis sit concupiscentia san-
 cta Dei filia. Nos autem malam eam dicimus, &
 manere tamen in baptisatis. Sed tamen reatus eius,
 inquit Iulianus, iam solutus est. Respondet Augu-
 stin. Non reatus eius quo ipsa erat rea (neq; enim
 aliqua persona est) sed quo hominem reum origina-
 liter faciebat, remissus atq; uacuatus est: ut quando
 audis in aliquo homicidij reatū solutū, non ipsum
 homicidium, sed hominē à reatu existimas absolu-

tum. Valde illustris est hæc sententia, Baptismū sci-
licet non efficere, ut concupiscentia originalis, quæ
ante baptismum erat res mala, per remissionem
in baptismo sanctificetur: ut in renatis in quibus
manet, non sit amplius res mala, sed fiat & sit res
bona, sancta, munda & placens Deo. Reatum
enim dicit tolli, non ab ipsa concupiscentia, quasi
absoluatur, ut amplius non sit res mala: sed ab
homine baptisato, ut illum damnare & reum fa-
cere non posset, licet reliqua sit in ipso. Manet igitur
quod Paulus de concupiscentia in se renato ha-
bitante dicit, Rom. 7. Quod in me, hoc est in carne
mea habitat, non est bonum.

Pergamus autem in inquisitione. Quia igitur
reliqua concupiscentia in renatis, non est res bo-
na & sancta: quero an sit res adiaphora seu in-
differens? Et respondet Paulus Roman. 7. Volenti
mihi facere bonū, adiacet malum. Augustinus etiā
lib. 6. contra Iulianum cap. 6. inquit: Non dicimus
tantum malam fuisse concupiscentiā, ante bap-
tismum scilicet: sed & eam dicimus malam esse, quæ
in baptisatis manet. Certum igitur est, concupiscen-
tiam quæ in renatis post baptismum reliqua est,
non esse rem bonam, nec indifferentem: sed malam.
Quia uerò quedam sunt mala poenæ, quedam ma-
la culpæ: Paulus multis explicat, quale malum sit
concupiscentia, quæ in renatis reliqua est. Rom. 7.
Consentio quidem legi Dei, quoniam bona est: non
tamen

tamen quod uolo bonum, hoc ago: sed quod odi malum, illud facio. Nunc autem non ego operor illud, sed quod habitat in me peccatum. Videō aliam legem in membris meis, repugnantem legi mentis meae, & captiuantē me sub lege peccati, quæ est in membris meis. Item: Carne seruius legi peccati. Ita Rom. 8. & Galat. 5. Col. 3. Ephes. 4. iubet Paulus malum illud crucifigi, mortificari, destrui, exui. Et Rom. 7. extat tristis querela Pauli: Miser ego homo, quis me liberabit de corpore mortis huius?

Cum igitur reliqua concupiscentia in renatis sit tale malum, quod repugnat legi Dei, propter quod Paulus iam renatus conqueritur se miserum esse, & corpus suum ideo esse corpus mortis: quomodo inquam illud tale malum, renatos nō facit Deo exosos? quomodo nō damnat ipsos? Respondet Paulus: Gratias ago Deo, per Iesum Christū Dominū nostrū. Lex. n. spiritus uitæ in Christo Iesu, liberauit me à lege peccati & mortis. Sed quomodo liberauit me à lege peccati? Num ita, ut nulla lex peccati reliqua sit in renatis? certè cap. 7. conqueritur legē peccati esse in mēbris suis: & quidē carne se illi legi peccati seruire. Quō igitur liberati sunt renati à lege peccati, si illa adhuc reliqua est in mēbris ipsorū? Respondet: Nihil ergo nūc damnationis est ijs q in Christo Iesu sunt: q nō secūdū carnē ambulāt, sed actiones carnis spiritu mortificāt. Vtrūq; n. cōplectitur, & remissionē q pfecta est, et

mortificationē quæ inchoata est, & quotidie crescere debet.

Originalis igitur concupiscentia in baptismo remittitur, debilitatur & minuitur: non ita ut repente absumatur, et prorsus extinguatur, ut nō sit: quamdiu enim renati hic uiuūt, necesse est legē peccati esse in membris ipsorū: hæc. n. omnia sunt Augustini uerba. Illa uerō reliqua concupiscētia non impedit, quo minus renati Deo placeant, et sint hæredes uitæ æternæ. Sed illud nō ideo fit, quasi cōcupiscentia ista in renatis per baptismū facta sit uel sancta, uel indifferens. est enim iuxta Pauli cōfessionem malū: & quidē tale malū, quod repugnat legi mentis, quā Spiritus sanctus scripsit in corda renatorum. Sed hæc est gratia Dei, quod tale malū habitans in carne renatorū ipsis propter Christū non imputatur ad condemnationē. Beati enim, quorum tecta sunt peccata. Rom. 4. Psal. 32. Nō igitur fingere debēt renati, reliquā in mēbris suis concupiscentiam talē esse, quæ per se, etiāsi remoto gratiæ & remissionis umbraculo Deus in iudiciū cum illa intrare uellet, nō possit hominē exosum Deo facere & damnare: sed agnoscant quale sit malū, & gratias agant Deo, qui propter filiū mediatorem, malum illud non imputat ad damnationē. De concupiscentia enim quæ in renatis reliqua est, ita Augustinus inquit contra Iulianum lib. 6. cap. 5. Tale porro ac tantū malū, tātū quia inest, quomodo nō teneret in mor-

in morte, & pertraheret in ultimam mortem: nisi eius uinculum, in illa quæ fit in baptismo, remissione peccatorum omnium solueretur?

Hæc profectò tam sunt ex Scriptura euidentia, ut si quis ea uel negare, uel in dubium reuocare ausit, non uideo quid in Scriptura credere uel possit, uel uelit. Et ideo rem ipsam ex Scripturæ testimonijs simpliciter proposui, non admixta disputatione de appellatione peccati: ut remotis cauillationibus de uocabulis, res ipsa euidentius cōvinceret aduersarios.

CONCILIVM TRIDENTINVM de Concupiscentia.

Constitutis autem & confirmatis causæ fundamentis, accedamus iam ad examē Tridentini decreti. Quia. n. utrinq; cōfitemur, manere in baptisatis concupiscentiā: sunt qui existimant, hanc controuersiam tantū esse λογωμαχίαν: An scilicet reliqua in renatis concupiscentia appellanda sit peccatum, an uerò natum pœna & causa peccati. Sed de rebus ipsis, & quidem grauissimis, controuersiam esse, ut cætera omittam, uel ipsum decretum Tridentinum ostendit. Obseruet autem lector, quo artificio uerba sint posita in isto decreto. Non enim simpliciter dicunt, renatos Deo placere: sed aiunt, in renatis nihil odit Deus. Fatentur autem concupiscentiam manere in baptisatis. Sentiūt ergo, Deū cōcupiscentiā quæ in renatis reliqua est, nō odisse.

Queritur aut, an uenerandi isti Patres ita hoc intelligi uelint, quod reliquum illud malum concupiscentie, renatis propter Christum cui per baptismum insiti sunt, non imputetur? Sed decretum inquit: Si quis asserit in baptismo non tolli totum id quod ueram et propriam peccati rationem habet: sed tantum dicit illud non imputari, anathema sit. Concupiscentia igitur quae in baptisatis manet, erit res per se non displicens Deo, aut quam Deus possit odisse. Si enim in renatis nihil odit Deus: omnia ergo in renatis Deo placebunt. Manet autem in renatis concupiscentia: illa ergo Deo Placebit, aut certe non displicebit: et ne quidem si imputetur, erit aliquid per se dignum odio Dei, et damnatione. Quod enim Paulus dicit Rom. 8. Nihil damnationis, &c. hoc Tridentini non uolunt, idque sub interminatione anathematis, ita intelligi, quod reliqua concupiscentia propter Christum non imputetur: sed quod in se, et sua (ut ita dicam) natura, non sit digna damnatione. Totum enim id quod ueram et propriam peccati rationem habet, censent in baptismo sublatum. Item dicunt renatos Deo dilectos effectos esse. Et rationem assignant: quia innocentes, immaculati, puri et innoxij effecti sunt. Et ne quis arbitretur ipsos ita hoc intelligere, quod reliqua concupiscentia propter Christum non imputetur. Hanc sententiam anathemate damnant. Et ita se explicat, renatos ideo esse immaculatos, puros et innoxios,

innoxios, quia tantum id quod ueram et propriam peccati rationē habet, in baptismo sublatum sit. Lector audit me nihil exaggerare, sed ea tantū annotare, quæ ex uerbis Decreti manifesta sunt, & sponte sequuntur. Conferantur autē hæc ad tristissimam querelam, qua Paulus iam renatus, Rom. 7. malum concupiscentiæ in se habitans describit, accusat & deplorat: & non opus erit alia refutatione. Disputant autem hæc Pontificij tanta contentione, ut præcipua fulcra regni Pontificij stabiliāt: renatos scilicet in hac uita posse legi Dei perfectā obediētiā satisfacere: item bona opera renatorum, posse pro peccatis satisfacere, opponi iræ Dei, consistere in iudicio Dei, et mereri uitam æternā, &c.

Non ergo ociosa de uerbis est contentio in hac questione: sed de rebus grauissimis est controuersia, de quibus necessario in Ecclesia admirandum est. 1. Vt misérias nostras, quamdiu sub corruptibilis huius carnis onere gemimus, rectius agnoscamus, propius aspiciamus, & ueris gemitibus cum Paulo deplemamus: ne in Pharisaicam delapsi superbiam, de mundo & immaculato corde, falso nobis blandiamur. 2. Vt filio Dei mediatori, sua tribuatur & relinquatur gloriā. Neq. n. post baptismū desinit esse reconciliator noster, iusticia nostra, et pax nostra: sed semp̄ dū in hac carne uiuimus, ut uerū propiciatoriū, obediētiā sua tegit & obūbrat corpus mortis, & carnē in qua nihil habitat boni:

472 EXAMEN DECRETORVM

ut malum illud inhabitans, propter ipsum non imputetur ad damnationem. 3. Ut articulo iustificationis, sine corruptelis sua cōstet puritas. In hac enim uita credentes post reconciliationem placēt Deo, & accepti sunt ad uitam eternam: non propter mundiciem propriam, cui nihil amplius mali adhæreat: sed humili confessione agnoscunt & deplorant, in carne sua nō habitare bonū. Vera autē fide agūt gratias Deo, per Dominū nostrum Iesum Christū: propter quē quia peccata nō imputantur, nihil damnationis est credentibus: sed beati sunt, quoniā tecta sunt peccata. Fides. n. remissionē peccatorū, non semel tantū in baptismo, tanquā qualitatē aliquā infusam accipit, ita ut postea nihil de ea cogitet: sed per malum quod in carne adhuc reliquū est, quotidie admonētur renati, ut studeāt in Christo manere, ut propter illū non imputetur malum in carne habitans: quod si extra Christum fuerimus, dānare posset. 4. Necesse est hanc doctrinam de inhabitante peccato, puram retineri: ne operibus nostris Pharisaicam opinionem iusticiæ, pfectionis & meriti, assumamus: sed ut recte intelligere possimus, quare Christus dicat: Cum omnia feceritis, dicite: Serui inutiles sumus. & quare Paulus dicat: Nihil mihi conscius sum, sed in hoc nondum sum iustificatus. Propter inhabitans enim peccatum renatorum, opera in hac uita perfecta, nec omni ex parte munda sunt.

Hæc

Hæc recitauit, ut cogitetur non leue esse hoc certamen, sed necessariò de hoc articulo esse contra aduersarios dimicandum.

DE VOCABVLO PECCATI.

Erit autem res adhuc plenior, si sophismata de æquiuocatione appellationis peccati remoueantur. Quia enim Augustinus alicubi disputat, concupiscentiam quæ in renatis reliqua est, non esse peccatum: aduersarij illis Augustini sententijs seriò triùphant, & corruptelis suis inde fucum faciunt corâ imperitioribus. Sed explicatio plana est, si adhibeatur declaratio æquiuocationis uocabuli. Augustinus enim quando negat concupiscentiam in renatis esse peccatum, disertè se explicat, in qua significatione accipiat uocabulum peccati. Ita enim inquit ad Bonifacium lib. 1. cap. 13. Peccata sunt, quæ secundum carnis concupiscentiam uel ignorantiam illicitè fiunt, dicuntur seu cogitantur: quæ transacta reos teneant, si non remittantur. Ad Valerium lib. 1. cap. 24. inquit: Hoc enim est non habere peccatū, reum non esse peccati. Contra Iulianum lib. 6. cap. 5. Tu qui putas, quòd si malum esset concupiscentia, careret ea qui baptisatur, multū erras. Omni enim peccato caret, non omni malo, quod planius ita dicitur: Omni reatu omnium malorum caret, non omnibus malis, non enim caret malo ignorantiae: quod tantum est malum, per quod homo non percipit ea quæ sunt Spiritus Dei, &c. Et lib. 2. cōtra Iu-

lianū inquit: Cōcupiscentia, quæ scilicet post baptis-
mū in renatis reliqua est, non eodē iam modo ap-
pellatur peccatū (sicut scilicet ante baptismū) quo
reum facit. Manifestū est ergo, Augustinū intellige-
re peccatum, quando concupiscentiys carnis spiritu
nō repugnatur, sed obeditur: quod peccatū illis qui
renati fuerant, attrahit reatum iræ Dei & mortis
eternæ, nisi rursus cōuertantur. Et in hac significa-
tione Iacobus etiam loquitur cap. 1. Concupiscentia
cū cōceperit, parit peccatū: peccatū uerō cū cōsum-
matū fuerit, generat mortē. Et idē est quod Paulus
Rom. 6. uocat peccatū regnans. et Ro. 8. peccatū si-
ue mortale, siue damnās, cum inquit: Si secundū car-
nē uixeritis, moriemini. Et in hac significatione nō
tantū cōcedimus: sed quādo explicamus discrimen
peccati mortalis & uenialis, fideliter & diligenter
monemus, cōcupiscentiā quæ in renatis reliqua est,
quādo ei ita resistitur, ut actiones eius spiritu mor-
tificentur, nō esse peccatū mortale siue regnās, aut
uastans conscientiā. Docemus etiā, non esse pecca-
tum damnans credentes: hoc est, propter quod dam-
nentur ij qui in Christo Iesu sunt. Quod igitur ad
rem ipsam attinet, planē idem sentimus & doce-
mus, quod Augustinus tradit. Et si hoc tantum con-
tenderent aduersarij, reliquias concupiscentiæ in
renatis, quando per spiritum ipsis resistitur, non
esse peccatum regnans, mortale, aut damnans eos
qui in Christo Iesu sunt: nulla esset hac de re inter

nos controuersia. Omnino enim docendi sunt homines, quale sit discrimen, quando renati actiones carnis per Spiritum mortificant, & in Christo manent: & quando concupiscentiam ita regnare permittunt, ut ei obediant, & eam perficiant. Quod discrimen diligenter in nostris Ecclesijs traditur. Et Augustinus tota illa sua disputatione hoc tantum agit, ut discrimen illud ostendat. Pontificij uero hoc non potissimum quærunt, sed simpliciter contendunt, nihil in renatis esse quod Deus possit odisse, sed omnia in renatis esse pura, immaculata & innoxia.

Paulus uerò in illo ipso loco, Romanorum sexto & septimo, ubi exproressò tractat doctrinam de discrimine peccati regnantis & non regnantis, mortalis & uenialis, tribuit concupiscentiæ quæ in renatis reliqua est, etiam quando non regnat, appellationem peccati: idq; non semel, ut obiter ei appellatio illa excidisse uideri possit: sed appellationem illam aliquoties inculcat, & repetit. Nam Romanorum sexto, ut minimum quinquies uocatur peccatum. Romanorum septimo, ad minimum sexies uocatur peccatum. Roman. 8. ter uocatur peccatum. Heb. 12. uocatur circumstans peccatum. Psal. 32. uocatur peccatum Sanctorum. Sed excipiunt Pontificij uocabulum peccati non uerè & propriè, sed figuratè & abusiue in illis locis intelligendū esse. Alphonsus Phil. 4. dicit, concupiscen-

cupiscentiam in renatis uocari peccatū, sicut Christus. 2. Cor. 5. uocatur peccatum. Concilium Tridentinum contendit, per metonymiam uocari peccatū: & quia ex peccato est, et quia ad peccatū inclinatur. Verū nullus melior & certior potest interpres esse uerborum Pauli, quā ipse Paulus: & quidem in illo ipso loco. Non enim nudam tantum appellationem peccati tribuit reliquijs cōcupiscentiæ: sed multipliciter describit, quid uelit intelligi uocabulo peccati. Nam primo dicit: In carne mea non habitat bonum. secundo, uolenti mihi facere bonum, adiecit malum. tertio, malum illud describit priuatiuē: Non quod uolo bonum, hoc facio, perficere nō inuenio. quarto, positiuam eius prauitatem describit: Quod odi malum, hoc facio. Video autem legem in membris meis, repugnantem legi mentis meæ: hoc est, legi diuinæ quam Spiritus sanctus scribit in corda re-
natorum, captiuat me sub lege peccati quæ est in membris meis. Ego ipse qui mente serui legi Dei, carni serui legi peccati. 5. Dicit cōcupiscentiā pugnare cum illo præcepto, Non concupisces. Et facit discrimen inter concupiscere, & cōcupiscentiæ obedire. 6. dicit tale esse malū quod sit crucifigendū, mortificandū, expoliendum, exuendum, destruendū. 7. Propter hoc peccatū Paulus renatus exclamat: Miser ego homo, quis me liberabit de corpore mortis huius? Explicatē, certē, distinctē & disertē Paulus loquitur, uocat concupiscentiam peccatum,

catum: sed nō regnans peccatum, quo desideria carnis perficiantur. dicit enim: Mente seruiō legi Dei, non quod uolo, sed quod odi, facio. Nec intelligit peccatum damnans. Nihil enim damnationis est ijs qui in Christo Iesu sunt. Num uerò, sicut Alphonsus fingit, concupiscentiam ut rem per se bonam, puram et sanctam, abusiue uocat peccatum, sicut Christus uocatur peccatum? Nihil certē minus Tridentini dicunt, uocari peccatum, uel quia est poena, uel quia est causa peccati. Et hæc quidem ratio quod sit poena peccati, tractatur Ro. 5. quod sit causa peccati, explicatur Ro. 6. Peccatū operatura in me est omnē concupiscentiā. Ro. 7. Nō ego hoc operor, sed inhabitans in me peccatum. Sed inquis: Si hæc quia uera sunt, conceditis concupiscentiam in renatis & pœnam esse peccati, & causam peccati: quid igitur cōtendimus? Respondeo. Hoc est *ἡ γενέσις τοῦ ἁμαρτανίου*, quod Pontificij contendunt, reliquias concupiscentiæ in renatis, à Paulo uocari peccatum: non quod per se sit peccatum, sed tantum hac sola ratione, quod sit uel pœna, uel causa peccati. Longobard. lib. 2. dist. 32. dicit, concupiscentiam ante baptismum esse & pœnam & culpam: post baptismum uerò, tantum esse pœnalitatem. Sed Paulus disputat, concupiscentiam quæ in renatis reliqua est, non tantum esse pœnam, nec tantum causam peccati: uerumetiam hanc habere rationem peccati, quod non sit bonum, sed malum: & tale malum, quod priuatiue & positiue repugnet

repugnet legi Dei, quā Spiritus sanctus inscribit in corda credentium. Et Paulus agnoscit, malum illud per se dignum esse morte aeterna, nisi propter Christum tegeretur & nō imputaretur. Inquit enim: Miser ego homo, quis me liberabit de corpore mortis huius? Gratias ago Deo meo per Dominum nostrū Iesum Christum. Nulla ergo nunc damnatio est in ijs, &c. Manifestum igitur est, Paulum cōcupiscentiam quæ post baptismum in renatis reliqua est, uocare peccatum: non tantum quod sit & poena & causa peccati: sed potissimum ideo, quod sit malum pugnans cum lege Dei: quod tantum quia inest, in eternam mortem pertraheret (sicut Augustinus) nisi propter Christum non imputaretur.

Restat iam quæstio: An propter hanc rationem, concupiscentia reliqua propriè & uerè possit peccatum appellari. Vulgus & politici intelligunt hoc propriè esse peccatū, uel quādo accedente consensu cōcupiscentia perficitur, uel quādo peccatū peccatores reatu obstrictos tenet. Et iuxta hūc modū, negat Augustinus cōcupiscentiā cui renati per spiritū resistūt, uerè esse peccatū. Paulus uerò de hoc politico iudicio inquit Ro. 7. Concupiscentiā nō agnouissem esse peccatū, nisi lex diceret, Non concupisces. Cumq; iuxta Augustinū, discriminē sit inter concupiscere, & post concupiscentias ire: alterū Paulus antea aliquo modo intellexit esse peccatum: sed prius illud, concupiscere scilicet, propriè & uerè esse

esse peccatum, dicit se non cognouisse nisi ex lege Dei. Paulus igitur ex lege et secundū legē Dei pronūciat concupiscentiā esse peccatum. Augustinus uerò, eo modo sicut uulgi peccatū intelligit, negat uerē esse peccatū. Quæro iam, uter propriē loquatur. Augustinū ne ex uulgi usurpatione, an uerò Paulus ex legis diuinæ sententiā: Ego arbitror, quid uerē & propriē sit peccatum, ex Paulo pronūciante secundū legis diuinæ sententiā, sumendum & discendū esse: quicquid sit de uulgari usurpatione uocabuli peccati, quam Augustinus sequitur. Sed ut antea dixi, de rebus ipsis prius constituendū est cū Pontificijs: ne ex æquiuocatione uocabuli peccati, quærant *ἡγοροῦνται*: An scilicet cōcupiscentia quæ in renatis reliqua est, sit uel bonum, uel indifferēs, uel malū: et tale malū quod pugnat cū lege Dei, quodq; reum faceret hominē æternæ damnationis, nisi propter Christū non imputaretur. Constitutis autem rebus, postea de uocabulis seu appellationibus facilis est ratio. Non enim res uocabulis, sed uocabula rebus seruiunt, & accommodanda sunt. Hæc sunt Scripturæ fundamenta in hac quæstione.

VETERVM SENTENTIA
de concupiscentia.

Tridentinū uerò decretū asseuerat, Ecclesiā catholicā nūquā ita intellexisse, quod cōcupiscētia in renatis, uerē et ppriē peccatū sit. Dicēdū igitur aliqd
est

est, quid uetustissimi Patres, de concupiscentia quæ in renatis reliqua est, senserint. Et ne longius eamus, ex illis ueterum testimonijs, quæ Augustinus lib. 2. contra Iulianum collegit, quia ualde illustria sunt, ostendemus quæ fuerit ueteris Ecclesiæ sententia. Ex Ambrosio Augustinus uocat uitia nostra, quæ legi mentis ex lege peccati resistunt: illorū reatus quidem in baptismo perijt, infirmitas uerò man sit. Item Ambrosius uocat iniquitatem, non illam quæ deletur in baptismo, illorumq; peccatorū quæ fecimus fuit: quæ cuncta remissa sunt, atq; omnino iam non sunt. Istam uerò legem peccati, cuius manentis reatus in sacro fonte remissus est, Ambrosius propterea uocauit iniquitatem: quia iniquum est ut caro concupiscat aduersus spiritū, quamuis adsit in nostra renouatione iusticia. Hæc Augustinus ex Ambrosio. Ibidem Ambrosius dicit, quandam deletionem esse diuino mandato aduersam, & de illa Paulum loqui, cum inquit: Video aliam legem in membris meis, repugnantem legi mentis meæ. Ambrosius igitur nostram sententiam, ipsissimis uerbis reddit & exprimit.

Hilarius uocat corpora nostra, omnium uitiorum materiam. Mala quæ in nobis sunt, maliciam per conditionē originis. Et ubi expresse de renatis qui concupiscentiæ repugnant, Hilarius loquitur, inquit: Memores illa ipsa corpora nostra, omnium uitiorum esse materiam: per quæ polluti et sordidi,

nihil

nihil in nobis mundum, nihil innocens obtinemus. Et Cyprianus apud August. malis motibus de origine ueniens fortiter resistens, inquit: Ne quisquam sibi de puro atq; immaculato pectore blandiatur, ut innocentia sua fretus, medicinam non putet adhibendam esse uulneribus, cum scriptum sit: Quis gloriabitur, castum se habere cor? Aut quis gloriabitur, mundum se esse à peccatis? Si autem nemo sine peccatis esse potest, quisquis se inculpatum esse dixerit, aut superbus aut stultus est, &c. Obsecro autem lectorem, ut hæc Hilarij & Cypriani uerba conferat ad decretum Tridentinum: quod affirmat, in baptismo ita tolli quicquid habet ueram & propriam rationem peccati, ut renati efficiantur innocentes, immaculati, puri, innoxij. Patres certè planè contrarium dicunt: & tamen uerentur Tridentini, de consensu catholice Ecclesie gloriari.

Augustinus etiam hanc Hilarij sententiam citat: nos in hoc terreni, & morticini corpus habitaculo, mundos esse non posse, nisi per ablutionem cœlestis misericordie emundationem consequamur, post demutationem resurrectionis, terreni corporis nostri effecta gloriosiore natura. Item, ipsis Apostolis, uerbolice iam fidei emundatis atque sanctificatis, non deesse tamen maliciam per conditionem communis nobis originis, Dominus docuit, dicens: Si uos cum mali sitis, &c.

Hæc ueterum testimonia quæ Augustinus collegit, ualde illustria sunt. Hieronym. in 7. capite Matth. dicit $\alpha\pi\omicron\tau\alpha\theta\eta\alpha$ esse primos motus, quando ab initio mouent & irritant: $\omega\acute{\alpha}\delta\omicron\varsigma$ uerò esse, postquam ad illos uoluntatis consensus accesserit. Et de primis motibus dicit: Quamuis habeant culpam, tamen non teneri crimine.

Ipsè Augustinus reliquam concupiscentiam uocat malam: & quomodo hoc intelligi uelit, declarat per anithesin: nō dicit esse bonam, nō sanctā, sed malam, contra Iulianum lib. 6. cap. 6. Et lib. 5. cap. 4. inquit: Discerne mala quæ per patientiā sustinemus, ab eis malis quæ per continentiam refrenamus. hoc est: affirmat concupiscentiā nō tantum esse malū pœnæ, sed & malū culpæ. Cap. 5. uocat uitiiū, contra quod uirtute pugnandū est. Est igitur uitiiū tale, quod uirtuti opponitur. lib. 2. contra Iulianū: Lex peccati repugnans, legi mentis, quæ in tanci quoq; Apostoli membris erat, remittitur in baptismo, nō finitur. De peccatorū meritis et remissione lib. 1. cap. 3. Per baptismū Christi hoc agitur, ut caro peccati euacuetur. Non aut sic euacuetur, ut in carne concupiscentia innata nō sit: sed ne obsit mortuo, quæ inerat uiuo. Nam nec gradibus hoc præstatur in baptismo, nisi fortè miraculo ineffabili: ut lex peccati repugnans legi mentis, penitus extinguatur, et nō sit. Tractatu in Ioan. 41. August. uocat reliquā concupiscentiā, languorem oblectan-

obluctantē salutī nostræ. Alibi uocat infirmitatem succumbentem legi Dei. Præcipuè uerò obseruanda est August. sententia, quæ extat contra Iulianū lib. 5. cap. 3. Quia enim August. antea disputauerat, cōcupiscenciā in renatis nō esse uerè peccatū, sed poenā peccati: Iulianus hoc arripuit, & dixit: Non ergo uituperāda, sed potius laudanda est illa inobediencia carnis, si poena peccati est. Attende aut, quomodo August. illā Iuliani obiectionē quā ex illius uerbis extruxerat, soluit. Dicit quædam simul esse & peccata, & pœnas peccatorū. Et declarat illud hoc exemplo: Sicut cæcitas cordis, & peccatum est quo in Deū creditur: & poena peccati, quā cor superbū digna animaduersione punitur: & causa peccati, cum mali aliquid cæci cordis errore cōmittitur. Et eōdem dicit etiam rationem esse cōcupiscenciæ carnis. Expendamus autem Augustini uerba: & disertè ostendet, se non loqui de concupiscencia ante baptismum in non renatis: nec de concupiscencia in renatis, quando regnat ut desiderijs eius obediatur. Inquit enim: Concupiscencia carnis, aduersus quam bonus cōcupiscit spiritus. Quid uerò illa est? Poena, inquit, est peccati: quia reddita est meritis inobediētis. Est et causa peccati, defectione cōsentiētis, uel cōtagione nascētis. Et hæc Tridemini etiā decretū cōsentit. Nunquid uerò tamū est et poena et causa peccati, sicut Tridemini cōtendūt. Sicut etiā

Longobardus dicit, ante Baptismum esse & peccatum, & poenam peccati: sed post baptismū, in renatis tantum esse poenalitatem. Sed Augustinus disertè ponit, concupiscenciā carnis aduersus quam bonus concupiscit Spiritus, non tantum esse poenam & causam peccati: sed præterea adiungit tertium, esse scilicet etiam peccatum: sicut multa simul sunt & peccata, & poenæ peccatorum. Declarat etiam quam habeat rationem peccati: quia, inquit, inest illi in obedientia contra dominatum mentis. Hæc manifestissima est retractatio, seu explicatio eius, quod antè incommodius dixerat, reliquam concupiscenciam non esse peccatum, sed poenam & causam peccati. Cum enim Iulianus ex illis Augustini dictis obiectionem formaret, concupiscenciam non uituperandam, sed potius laudandam, si non sit peccatum, sed poena peccati: ibi Augustinus agnoscit & fatetur non satis esse, quod tamen antea sepe dixerat, concupiscenciam in renatis tantum esse poenam & causam peccati: sed addit tertium, esse scilicet etiam peccatum. Et rationem addit: Quia scilicet inest ei obedientia contra dominatum mentis: in qua scilicet bonus spiritus concupiscit aduersus carnem. Consideret igitur lector, quo candore Pontificij Augustini sententias, contra apertissimam ipsius declarationem eò trahant, quasi concupiscencia in renatis non sit peccatum, sed tantum sit uel poena, uel causa peccati.

cati. Operaprecium autem est lectorem commo-
nefacere, quàm sycophamicè conentur clarissi-
mam hanc Augustini explicationem eludere. Et
aliquot deprauationes recitabo, ut lectori eo com-
mendatior sit hæc Augustini sententia. Eccius in
colloquio Vuormaciensi, primò dixit Augustinũ
ibi loqui de concupiscentia in non renatis. Cum ue-
rò hoc manifeste refutaretur (Augustinus enim no-
minat concupiscentiam, aduersus quam bonus cõ-
cupiscit Spiritus) ibi Eccius dixit, non esse figen-
dum pedem in eo loco, ubi Augustinus contra ad-
uersarium pugnet. Colonenses contra librum re-
formationis, his uerbis conantur elabi: Fatetur
quidem Augustinus, concupiscentiæ in renatis in-
esse inobediẽtiam contra dominatum mentis: sed
non dicit, aiunt, talem inobediẽtiam in baptisa-
tis, prædominante in eis mente, esse peccatum. At-
qui Augustinus clarè dicit, concupiscentiam in re-
natis hanc ipsam habere rationem peccati, quia
inest ei inobediẽtia contra dominatum mentis.
Andradius meus tale fingit glossema, Augustinum
concupiscentiam tunc uocare peccatum, quando
mens cupiditatum procellis agitata, diuina le-
gem conculcat. Sed hoc manifestè falsum est. Au-
gustinus enim dicit, se loqui de illa cõcupiscentia,
aduersus quam bonus concupiscit spiritus. Et ma-
nifestè distinguit defectiõnem cõsentientis, ab in-
obe diẽtia quæ per se inest concupiscentiæ. Au-

gustini igitur sententia est, cōcupiscēciam in renatis etiam quando non adest defectio consentientis, sed quando bonus spiritus aduersus eam concupiscit, tamen esse peccatum: quia insit ei in obedientia contra dominatū mentis. Superbū sanē oportet esse ingeniū Andradij, qui quasi pro imperio cōtra manifestissima Augustini uerba, suas nobis obtrudit deprauationes: sed talibus, ut uideo, interpretationib. assuevit in concilio Tridentino.

Nos uerò illam Augustini sententiam ideo probamus, quia sumpta est ex Paulo Romanor. 7. ubi concupiscēciam uocat peccatum: et addit rationem, quia repugnet legi mentis. Etiam dignum est obseruatione, quòd ipsa euidentia disputationis Paulinae, coegit Augustinum sepe aliter de reliqua concupiscēcia loqui, quàm aliàs uulgarimore solet disputare: ut tractatu 4. in Iohannem recitat uarias significationes uocabuli peccati.

Christus enim uocatur peccatum: infantes ante baptismum habent peccatum: non renati habent peccatum, de quo scriptum est: Qui facit peccatū, seruus est peccati. Renati uerò, inquit, liberati sunt à peccato. Num: ita, ut sine omni omnino sint macula peccati? An: quomodo loquatur. Liberati, inquit, sunt à peccato, quia carent criminib. et querela. Sed illa, inquit, est inchoata, non perfecta libertas: nondum est tota, nondum pura libertas: quia, uideo aliam legem in membris, etc. Itē: Quicquid,

quid peccatū est à nobis antea, deletū est in baptis-
mo. Sed nunquid quia deleta est tota iniquitas, nul-
la remansit infirmitas? Certè si non remansisset, si-
ne peccato hic uiueremus. Si ergo carne seruis le-
gi peccati, fac quod ait Apostolus: Non regnet pec-
catū in mortali corpore nostro. Non ait, Non sit:
sed, Non regnet. Quādiu uiuis, peccatū necesse est
esse in membris tuis, saltem illi regnū auferatur:
non fiat quod iubet. Et ibidem tractans de discrimi-
ne peccati regnantis & non regnantis, inquit: Nō
ergo Deus quædam peccata damnat, quædam iu-
stificat & laudat. Nulla laudat, sed odit omnia: si-
cut medicus odit ægritudinem, et id agit curādo, ut
ægritudo pellatur. Sic Deus gratia sua hoc agit in
nobis, ut peccatū consumatur. Sed quomodo con-
sumitur? Minuitur in uita proficientiū, in uita cō-
sumetur perfectōrū. Audis, per gratiā baptismi mi-
nui quidem peccatū, non autem consumi in hac ui-
ta. Et hanc postremam Augustini sententiam ideo
ascripsi, ut lector cum eo conferat quod Tridenti-
num concilium dicit: In renatis nihil odit Deus.
August. uerò dicit, Deum odisse peccatū, etiā in re-
natis: sed in nō renatis ita odit peccatū, ut propte-
rea personā odio habeat & damnet. In renatis ue-
rò ita odit peccatū, sicut medicus propter ægritudi-
nem ægrotū cuius curationē suscepit, nō odit: sed
personā quidem ægroti diligit, morbum uerò odit:
et ita odit, q. studet illum pellere ab ægroto.

488 EXAMEN DECRETORVM
ARGVMENTA PONTIFI-
CIORVM.

Sed uera sententia ex Scripturæ fundamentis iam confirmata, qui etiam antiquitatis consensus accedit, superest ut de argumentis Pontificiorum, quædam dicamus. Et Tridentinum decretum hoc potissimum utitur argumento: Baptisati, Deo dilecti effecti sunt. Ergo in renatis nihil odit Deus: sed sunt innocentes, immaculati, puri, innoxij. Et per consequens, concupiscentia quæ in renatis manet, non habet rationem peccati. Sed plana est responsio, si consideretur quod Scriptura tradit, Deum renatos diligere: non ideo quod natura ipsorum omni ex parte perfecte sit pura, immaculata & innoxia: sed propter filium mediatorem, quem in baptismo induimus. Quid enim de immundicie, quæ etiam in renatis hæret, post Paulum, Cyprianus & Hilarius sentiunt, supra ipsorum uerbis ostensum est. Tridentini uero ueteratorie hoc inuertunt: Quia renatos Deus diligit: ergo nihil est in ipsis quod possit odisse, etiam si in iudicium uellet cum ipsis intrare: sed omnia in renatis sunt pura & immaculata. Scriptura uero fortiter hoc negat. tradit enim, multa hæere in renatis, quæ Deus posset odisse & damnare. Rom. 7. Sed causam dilectionis Dei erga nos, collocat extra nos in Christo Iesu. Rom. 8. Nemo separabit nos à charitate Dei, quæ est in Christo Iesu Domino nostro. Ut ita

ita maneat quod Daniel inquit: Tibi Domine iusticia, nobis autem confusio faciei nostræ. Ita quod Rom. 8. Paulus dicit: Nihil est damnationis ijs qui in Christo Iesu sunt: Tridentini ita accipiūt, quasi Paulus doceat, in renatis nihil esse damnabile, uel dignum damnatione, etiamsi Deus in iudicium nobiscum intraret. Sed Paulus Rom. 7. tristi querela materiā mortis in sua carne, multis uerbis describit. Quod uerò non damnatur, adscribit non suæ puritati, sed inquit: Gratias ago Deo per Iesum Christum. Et addit: Nulla ergo nunc condemnatio est in ijs qui in Christo Iesu sunt: hoc est, licet in carne renatorum nil habitet boni, sed sit corpus mortis: quia tamen in Christo Iesu sunt, propter ipsum non damnantur. Allegant & hoc Tridentini, quod Paulus dicit Rom. 6. Consepulti sumus cū Christo per baptismum in mortem. Sed nunquid ita quod malum originale subito et penitus in carne renatorum extinctum est in baptismo? Certè Paulus post baptismum renatis præscribit, ut crucifigant et mortificent ueterem hominem. Mortui igitur sumus peccato in baptismo: quia reatus peccati solutus est, mortificatio uerò inchoata est. Et tamen Tridentini, mortem peccati ita interpretantur, quasi totum malum originale simpliciter & penitus sit mortuum & sepultum, ita ut nihil amplius restet in renatis, in hac uita mortificandum. Et quā reuerenter Scriptura tractetur in

490 EXAMEN DECRETORVM

Tridentino cōcilio, hoc etiā exemplū ostēdit. Scriptura tradit, in baptismo ueterē hominem exui, et indui nouū: sed quantum ad nouitatem attinet, renatos hortatur, ut per totam hanc uitam deponāt seu exuant ueterem, & induant nouū. Eph. 4. Coloss. 3. Quod sanē nō diceret, si in baptisatis in hac uita, uel nouitas esset perfectā, uel nihil reliquum esset uetustatis: tūc enim natura prorsus esset pura & immaculata. Tridentini uerō Patres hoc ita deprauant, quasi illud exuere & induere, in baptismo subito penitus absolutum & perfectū esset. Ita enim habet ipsorum decretum: Baptisati ueterem hominem exuentes, & induentes nouum, immaculati, puri, & innoxij sunt. Præmittunt autem solennem protestationem, se nolle illud intelligi de imputatione: ergo de inherente puritate. Et quidem cum fateri cogantur, renatos adhuc esse in actu exuendi ueterem, & induendi nouum: pronunciant tamen, ipsos iam esse puros & immaculatos: idq; non imputatiuē. Quanto rectius Augustinus, de peccatorum meritis & remissione libro secundo, capite octauo inquit: Si in homine interiore perfectā in baptismo nouitas fieret, nō diceret Apostolus: Et si exterior noster homo corrumpitur: sed, Interior renouatur de die in diem. Profecto enim qui de die in diem adhuc renouatur, nondum totus est renouatus. Et in quantum nondum est renouatus, in tantum adhuc in

huc in uetustate est, &c. Baptizatos nihil sanè re-
moratur ab ingressu cœli, sicut decretum in-
quit. Sed hoc ideo, quia Christo insiti sunt, qui
est iusticia nostra. Tridentini uerò hoc ita intel-
ligunt, ut si remoto gratiæ umbraculo, Deus post
baptismum nobiscum in iudicium intret: nihil ta-
men reperire posset, quod nos ab ingressu cœli
remorari posset. Tot igitur sunt Scripturæ depra-
uationes, quot uerba in hoc decreto. Illud uerò
demum formidabile est argumētum, quod dicūt:
Concupiscentia ijs qui uiriliter per Christi gra-
tiam repugnant, nocere non ualet: imò qui legi-
timè certauerit, coronabitur. Ergo concupiscen-
tia reliqua non habet ueram & propriam ratio-
nem peccati. Sed nec diabolus nocere potest salu-
ti eorum, qui fide ipsi resistunt. 1. Pet. 5. Et qui legi-
timè contra diabolum certauerit, coronabitur. Re-
spondebo igitur Augustini uerbis, qui lib. 5. cap. 3.
contra Iulianum inquit: Eodem modo posses etiā
malos angelos à culpa absolvere. Valde enim di-
sertus es, & idoneus dicere panegyricum sathanae,
& angelis eius. Neq; etiam ideo bona erit concu-
piscencia, quia per Spiritum mortificatur & supe-
ratur: sicut rectè dicit Augustinus contra Iulianū
lib. 6. cap. 8. Neq; enim nulla iniquitas, cum in
uno homine uel superiora inferiorib; turpiter ser-
uiunt, uel inferiora superioribus turpiter reluctan-
tur, etiamsi uincere non sinantur.

Et hæc quidem argumenta, Tridentini Patres scripto complexi sunt in suo decreto. Præter hæc uerò, sine dubio priuatim alia etiã inter ipsos agitata fuerunt: quorũ nobis Andradij liberalitas copiam facit. Sumit autem hoc quod in confesso est, peccato inesse duo: reatum, quo persona obstringit: et turpitudinem, maculam, iniquitatem, seu maliciam quæ in ipso hæret peccato, ut per se sit ali-
 quid displicens Deo. Quando igitur Tridentini dicunt, reliquas concupiscentiæ in renatis non habere ueram & propriam rationem peccati, Andradius dicit hunc esse sensum: Non tantum reatum tolli, sed manente concupiscentia, ex ipsa tolli maculam, turpitudinem, iniquitatem seu maliciam, ita ut in renatis Deus illam non possit odisse. Hoc lector bene notet. Præstruxerat autem Andradius antea, concupiscentiam per se, etiam ante baptismum, propriè non habere rationem peccati, nisi abesset iusticia originalis qua cohiberetur. Cum igitur in baptismo reddatur iusticia reprimens concupiscentiam, ideo illam per se non esse peccatum. Hoc autem non statim proponit, sed prius colores aliquos quærit ex Scriptura. Rhetoricè igitur & prolixè declamitat Andradius: An gratiæ Dei, meriti Christi, & efficacæ Sacramentorum tanta sit imbecillitas, ut non possit in baptismo subito & penitus tollere quicquid habet peccati rationem? Num igitur, inquit, tantæ sunt peccati uires, ut nec gratiæ

gratiæ Dei, nec meriti Christi, nec baptismi uel alicuius uirtute superari possint in baptismo? Plus ne ergo Adæ malicia obfuit, quàm Christi meritum renatis posuit? &c. Breuiter autem & simpliciter respondeo: A possibili ad inesse, non esse firmam argumentationem. Posset sine dubio gratia Dei, propter meritum Christi, per efficaciam baptismi, subito tollere ex baptisato, totum originale malum, ipsum etiam fomitem concupiscentiæ, & mortem corporis: quæ tamen Pontificij concedunt manere in renatis. Quid si hoc loco ab Andræ radio mutuarer exclamationes? Tam à ne igitur imbecillitas est sanguinis Christi, quod mala illa subito & penitus non potest tollere in baptismo? Quid si exclamem, blasphemum esse Andræ radio in uirtutem & efficaciam mortis & sanguinis Christi: qui concedit mala illa, fomitem scilicet mortem corporis, &c. per baptismum nec subito nec penitus in hac uita tolli? Quicquid responderit, agnoscar oportet, incisum esse neruum illorum argumentorum de possibilitate, quæ grandiloquentia sua speciosè exornauit. Simplex enim & uera regula est: Quid gratia Dei, meritum Christi, & efficacia baptismi, in renatis operetur, quomodo, & quo ordine, statuum dum esse ex uerbo Dei, non ex argumentationibus à possibili. Tradit autem uerbum Dei, sicut supra testimonijs Scripturæ probatum est, gratiam Dei in baptismo dare plenam & perfectam indulgentiam

tiam omnium peccatorum: mortificationem uero
 & renouationem in hac uita inchoari, & quoti-
 die augeri in renatis: sed absolutionem & perfe-
 ctionem in altera demum uita fore. Nullum au-
 tem est dubium, gratiam Dei subito, & uno mo-
 mento hoc perficere & absolvere posse. Sed Scri-
 ptura testatur, Deum certo consilio hoc non face-
 re in hac uita. neq; tamen hoc quicquam derogat
 efficacie gratie Dei, & meriti Christi. Virtus e-
 nim Dei, in infirmitate perficitur. Et etiamsi nul-
 la nobis constaret ratio, cur Deus inchoatum re-
 uocationis beneficium, in hac uita non uelit su-
 bito perfectum & consummatum reddere: sed
 in magna infirmitate conseruare, augere, & tan-
 dem ad perfectionem deducere, quæ in altera ui-
 ta futura est: sufficere tamen nobis deberet, quod
 Scriptura testatur, Deum hoc modo & ordine
 in renatis operari. Et tamen certum est, posse i-
 psum uno momento hoc absolvere. Quod ue-
 rò illud non facit, bona eius est uoluntas: cuius
 certas ipsum habere rationes, non est dubium.
 Rhetoricationes igitur Andræ de possibilitate,
 opposita hac simplici responsione, per se conce-
 dunt & euanescent.

Addam illustrem Augustini locum, qui contra
 Julian. lib. 4. cap. 3. planè eandem tradit solutio-
 tionem: Quasi, inquit, nos negemus, adiutorium
 Dei tantum ualere, ut hodie nullas concupiscen-
 tias ma-

tias malas habere possimus, contra quas uel in-
 uictissime dimicemus. Et tamen non fieri, nec
 tu negas: cur autem non fiat, quis cognouit sen-
 sum Domini? Non tamen parum scio, cum scio,
 quaecunque illa causa sit, quod nec iusti Dei sit
 iniquitas, nec omnipotens infirmitas. Est
 igitur aliquid in eius abdito altoq; consilio, cur
 quamdiu uiuimus in hac carne mortali, est in no-
 bis conera quod mens dimicet nostra. est etiam
 propter quod dicamus: Dimitte nobis debita no-
 stra. Et paulo infra: Ideo factum est in loco in-
 firmitatis huius, ne superbe uiueremus, & sub
 quotidiana peccatorum remissione uiuamus. Sed
 siue ista causa sit, siue alia quæ multo amplius
 me latet: tamen quod dubitare non possum, quan-
 tumlibet proficiamus sub hoc onere corruptibi-
 lis corporis, si dixerimus, quia peccatum non ha-
 bemus, nos ipsos decipimus, &c. Propter quod
 & sancta Ecclesia, etiam in talibus suis mem-
 bris, ubi maculam criminis & rugam non ha-
 bet falsitatis, licet contradicente superbia ue-
 stra, non desinit Deo dicere: Dimitte nobis de-
 bita nostra.

Sed Scripturæ etiā testimonijs pugnat Andra-
 dius: quib. quō utatur, uidebimus. 1. Cor. 6. Et hæc
 quidē fuistis, sed abluti estis, sed sanctificati estis.
 Ergo nihil restat in renatis contaminatum. Re-
 spondeo: Quod attinet ad remissionē peccatorū,
 & ad

496 EXAMEN DECRETORVM

Et ad imputationem iusticiæ, baptisati quia Christi-
 stum qui est iusticia nostra, induerunt, habent in
 ipso mundiciem perfectissimam. Mundicies uero
 renouationis seu sanctificationis, tantum inchoa-
 ta est: quæ quotidie crescere debent, donec perfi-
 ciatur, quod in altera uita futurum est. Et hæc est
 ipsius Pauli explicatio. Ita enim eos, quos 1. Cor. 6.
 dicit ablutos et sanctificatos, postea. 2. Cor. 7. al-
 loquitur: Mundemus nos ab omni inquinamento
 carnis, et spiritus perficientes sanctificationem.
 Ita igitur abluti et mundati sunt baptisati, ut opus
 sit ipsis hac exhortatione: Mundemus nos ab om-
 ni inquinamento. Sed inquis: Fortè intelligit Pau-
 lus inquinamenta sordium, quas post baptismum
 peccatis actualibus, communicatione cum idolis,
 contraxeram? Non nego et hoc Paulum compre-
 hendere: sed in ipsis etiam renatis hæere quod
 quotidie expurgandum sit, Paulus ostendit 1. Cor.
 5. ubi renatos dicit esse azymos, et tamen debere
 expurgare uetus fermentum. Nec intelligi hos po-
 terit reliquos Corinthios esse, sine omni uetustate,
 tantum ut incestuosum expurgent. Nam Eph. 4.
 Col. 3. ipsos renatos alloquitur, cum iubet deponere
 et exuere ueterem hominem. In ipsis igitur re-
 natis reliqua est uetustas, quotidie expurganda.
 Ita Iob. 15. de palmitate iam ferente fructum, Chri-
 stus inquit: Pater meus purgat ipsum, ut plus fru-
 ctus afferat. Et epistola Iudæ, uocat tunicam à car-

ne in

ne inquinatā. Quod autē mundū & purum est, non potest alterū maculare. Sunt igitur baptisati, mūdati: & tamē quotidie opus habēt purgatione. Vos, dicit Christus Apostolis, mūdi iam estis propter sermonē meum: & tamē pater meus quotidie purgat uos. Ita sanctificati sunt in baptismo. Sed Paulus hortatur, ut perficiant sanctificationē. Inchoata igitur, non perfecta est in hac uita sanctificatio. Et planē eodem modo Augustinus dictum illud Pauli explicat, cōtra Iulianum lib. 6. cap. 5. quod Paulus ait: Et hæc quidem fuistis, sed abluti estis, sed sanctificati estis. Mutatos eos dixit in melius: non ut concupiscentia carerent, quod in hac uita fieri non potest: sed ut ei non obedirent, quod in bona uita fieri potest: utq; ab eo quo erant uinculo eius obnoxij, liberatos se esse agnoscerent.

Ita quod Heb. 1. scriptum est: Purgatione peccatorum per seipsum facta, consedit in excelsis. Ibi Andradius urget (præteritum) quod facta iam sit purgatio peccatorum. Sed si hoc modo libeat aoristum urgere, dicemus peccata nostra priusquam baptisaremur, imò priusquam nasceremur, purgata fuisse. Dicit enim hoc factum, priusquam in cœlos Christus ascenderet. Et de sacrificio quidem Christi, quo pro omnibus peccatis in cruce satisfecit, hoc uerum est. Sed nostra quæstio est, quomodo & quando in uobis fiat peccatorum purgatio? Dicimus autem eam fieri, primò remissione,

solutione renatus, seu non imputatione. Deinde
 mortificatione & renouatione. Quæ in hac uita
 inchoatur, crescit & augetur, absoluta autem erit
 in altera demum uita. Ita prima Ioan. primo: Si in
 luce ambulamur, communionem habemus cum
 Deo: & sanguis filij eius, emundat nos ab omni
 peccato. Et addit Ioannes: Si dixerimus nos pec-
 catum non habere, nos ipsos seducimus. quòd si
 confitemur peccata nostra, fidelis est & iustus,
 ut dimittat nobis peccata, & emundet nos ab om-
 ni iniquitate. Complectere iam integram Ioannis
 sententiam: Nemo potest communionem habere
 cum Deo, nisi prius habeat purgationem pecca-
 torum. Sed etiam quando iam habent communio-
 nem cum Deo, & ambulant in luce, tamen adhuc
 emundantur à peccato. Et ita emundati, quotidie
 confitemur peccata, ut mundet nos ab omni ini-
 quitate. continua ergo est emundatio peccati. Ita
 Hilarius apud Augustinum libro secundo, contra
 Iulianum dicit, nos in hoc terreni & morticini cor-
 poris habitaculo, mundos esse non posse: nisi per
 ablutionem cœlestis misericordiæ, emundationem
 consequamur: post demutationem resurrectio-
 nis, terreni corporis nostri effecta gloriosiore
 natura. Quibus uerbis Augustinus addit hanc
 explicationem: Vides quod Hilarius nec in hac
 uita mundationem nostram neget, & tamen hu-
 manam perfectionem speret: id est, perfectioris
 munda-

mundationis in ultima resurrectione natura in
 Ibidem etiam Hilarius explicat, quomodo in re-
 natis per totam uitam fiat purgatio peccati, col-
 luctantium aduersus nos passionum concertatio-
 ne: conuertente scilicet diuina misericordia ma-
 liciam diaboli ad purgationem nostram. Cum
 enim per infirmitatem animi surrepentia incen-
 tiua reprimuntur, emundamur à peccato per hu-
 ius uictoriæ gloriam. Et tandem concludit: Con-
 scij igitur illa ipsa corpora nostra, omnium ui-
 tiorum esse materiem: per quæ polluti & sor-
 didi, nihil in nobis mundum, nihil innocens ob-
 tinemus: gaudeamus nobis esse hostem, in cu-
 ius concertatione bello quodam dimicemus, &c.
 Augustinus etiam de perfectione iusticiæ, mun-
 diciem renatorum in hac uita ita describit: In-
 gredi sine macula, non absurdè etiam ille di-
 citur, non qui iam perfectus est: sed qui ad i-
 psam perfectionem irreprehensibiliter currit, ca-
 rens criminibus damnabilibus, atque ipsa pecca-
 ta uenialia non negligens mundare elemosynis.
 Ingressum quippe hoc iter nostrum, quo tendimus
 ad perfectionem, munda mundat oratio, ubi ueraci-
 ter dicitur: Dimitte nobis, sicut & nos dimittimus.
 Ut dum reprehèditur quod non imputatur, sine ma-
 cula noster ad perfectionem habeatur cursus: in
 qua perfectione cū ad eam peruenerimus, iam non

fit omnino, quod ignoscendo mundetur. Has ueterum sententias ideo ascripsi, ut lector uideat, non nostras esse explicationes, quòd renati mundi sint in hac uita, imputatione & inchoatione. Andradius uerò hoc urget, non tantum baptisatum mundari, sed ipsa peccata purgari in baptismo. Et quia in peccato duo insunt, peccati turpitudine, & reatus: sentit Andradius, non tantum reatum, uerumetiam turpitudinem ex concupiscentia, quæ in renatis manet, in baptismo tolli. Erit igitur id quod Iuliano Augustinus tribuit, concupiscentia ita per baptismum sanctificata, ut iam sit bona, iusta, & sancta Dei filia. Sic perge Andradi.

Aude aliquid breuibus Gyris et carcere dignum,
Si uis esse aliquid. —

Ad Titum tertio: Saluos nos fecit per lauacrum regenerationis & renouationis Spiritus sancti, quem effudit in nos abundè. Nihil igitur restat peccati, in illis in quos Spiritus sanctus abundè effunditur. Respondeo: Paulus non dicit, Spiritum sanctum renouationem in illo momento, quando homo baptisatur, perficere & absoluerè: sed effunditur in baptismo super renatos, ut interior homo de die in diem renouetur. secunda Corinthiorum quarto. Et in quantum non est renouatus, in tantum adhuc in uetustate est, inquit Augustinus. Baptismi igitur efficacia, per totam uitam

tam renatorum se extendit, & morte demum absoluitur: donec mortale hoc induat immortale, & corruptibile induat incorruptionem. 1. Cor. 15.

2. Corinth. 6. Quæ societas luci ad tenebras? quæ participatio iusticiæ cum iniquitate? Ergo in baptisatis nihil reliquum est peccati. Respondeo: Paulus hoc agit, peccatum mortale non stare cum iusticia fidei, sicut uulgò loquimur. Sed Andradius ita intelligit, quasi non posset in uno homine simul esse uetustas & nouitas, caro & spiritus, lex mentis & lex peccati. Expostulet igitur cum Paulo, qui hoc disertè affirmare, & crebris repetitionibus inculcare non ueretur.

Ephesios 5. Sanctificauit Ecclesiam, mundans eam lauacro aquæ in uerbo, ut exhiberet ipsam sibi gloriosam, non habentem maculam aut rugam. Hanc Pauli sententiam Pontificij semper ita citant, quasi Paulus scripserit: Christus mundauit Ecclesiam: & sistit eam, in hac scilicet uita, statim post baptismum, sine macula & ruga. cum Paulus dicat: Mundauit Ecclesiam, ut sistat eam sine macula & ruga. Sed quando? tunc, inquit, quando futura est gloriosa. Coniunguntur enim gloriosa, sine macula & ruga. Tunc autem futura est gloriosa, sicut inquit Paulus ad Colossenses tertio. Cum Christus apparuerit uita uestra, tunc & uos cum ipso apparebitis in gloria. Et Romanorum quinto: Gloriamur spe gloriæ Dei.

302 EXAMEN DECRETORVM

Christus ergo nunc Ecclesiam mundat lauacro aque, in uerbo abluens peccata præterita, & pel-
 lens ab ea dominationem malorum angelorum.
 Deinde perficiens eius sanitates, facit eam occur-
 rere in illam gloriosam sine macula & ruga. Hæc
 est Augustini explicatio, de perfectione iusticiæ.
 Et contra Iulianum libro secundo, citat hanc Hi-
 larii sententiam: Ipsis, inquit, Apostolis, uerbo
 licet iam fidei emundatis atque sanctificatis, non
 deesse tamen maliciam per conditionem commu-
 nis nobis originis, docuit dicens: Si uos cum sitis
 mali, nostis bona data dare filiis uestris. Operæpre-
 cum uerò est considerare, quòd Pelagiani illam
 Pauli sententiam, Ephesios quinto, planè eodem mo-
 do, sicut nunc Pontificij, opposuerunt Augusti-
 no. Ita enim inquit de bono perseuerantiæ libro se-
 cundo, capite quinto: Etiam hoc Pelagiani audent
 dicere, hominem iustum in hac uita nullum habe-
 re omnino peccatum: & in talibus hominibus
 esse iam in præsentì tempore, Ecclesiam non ha-
 bentem maculam neque rugam: tanquam spon-
 sa Christi non sit, quæ per uniuersam terram quòd
 ab eo didicit, dicit: Dimitte nobis debita nostra.
 Et ad Bonifacium libro quarto, capite septimo:
 Dicunt Pelagiani, baptismo perfectè homines
 innouari: atque ad hoc Apostoli adhibent testi-
 monium, ad Ephesios quinto. Sed si dixerint se non
 habere peccatum, respondet eis Iohannes, quòd
 seipsos

seipsos decipiant, & ueritas in eis non sit. Si autem confiteantur peccata sua, cum se uelint esse Christi corporis membra: quomodo erit illud corpus, id est, Ecclesia in isto adhuc tempore perfecta, sicut ipsi sapiunt, sine macula & ruga: cuius membra non mendaciter consententur se habere peccata? Quapropter & in baptisinate cuncta dimittuntur peccata: & per ipsum lauacrum aquæ, in uerbo exhibetur Christo Ecclesia sine macula & ruga. Quia nisi esset baptisata, infructuose diceret: Dimitte nobis debita nostra: donec perducatur ad gloriam, ubi ei perfectius nulla insit macula & ruga.

Heb. 9. Christus semel oblatus est, ad multorum exhaurienda peccata. Sed quorum uel tenues reliquie manent, exhausta dici nullo modo possunt. Renati igitur nullas uel tenues peccati reliquias habent. Ita Andradius. Primò autem consideret lector, quomodo Andradius abutatur uerbo exhauriendi, quod in uulgata editione extat: cum textus habeat uerbum ἀνένεγκαν, quod significat uel offerre, uel portare. 1. Pet. 2. Qui peccata nostra ipse pertulit in corpore suo super lignum. Et textus Hebr. 9. opponit duo illa: Semel oblatus est, ut multorum peccata tolleretur: in secundo uero aduētū, apparebit sine peccato. Plena igitur abolitio peccati tunc demum futura est.

Et si quæ aliæ similes sententiæ ex Scriptu-

ra opponūtur, generalis explicatio & solutio consistit in tribus hisce capitibus. Primò, sicut Paulus inquit Romanorum octauo, Liberati sumus à lege peccati & mortis: quia licet in nostra carne habitet peccatum, carne seruiamus legi peccati: nihil tamen damnationis est in ijs, qui in Christo Iesu sunt. Secundò, Mortui sumus peccato. Romanorum sexto, Et uetus noster homo cum Christo crucifixus est, ut destruaturs corpus peccati, ut non amplius seruiamus peccato. Tertio, Cum mortale hoc induerit immortalitatem, tunc fiet sermo qui scriptus est: Vbi est mors stimulus tuus? Stimulus autem mortis, est peccatum. prima Corinthiorum decimoquinto. Ita generalis est Augustini responsio, contra Iulianum libro sexto, capite quinto: Ad illam quoque perfectionem quæ speratur, eodẽ baptisinate quod hic accipitur, peruenitur. Et libro 2. sanat uitiatum, à reatu statim, ab infirmitate paulatim. Et tractat. 41. in Ioannem: Post regenerationem baptismi, inquit, precemur medicum, saucij portemur in stabulum curandi. Et illustris est Augustini sententia, quæ omnibus obiectionibus opponi potest, lib. 2. de meritis peccatorum, cap. uigesimosextimo: Tractans enim quæstionem, quomodo peccatum quod parenti remissum est, filio nisi renascatur, obsit, respondet: Quia renouati parentes, non ex primitijs nouitatis, sed ex reliquijs uetustatis, carnaliter generant.

Et

Et addit: Illud præcipue propter quæstiones, quæ hac de re motæ sunt, uel moueri adhuc possunt, attendere & meminisse debemus: tantummodo peccatorum omnium plenam perfectamq; remissionem baptismo fieri, hominis uero ipsius qualitatem non totam continuo commutari, sed spirituales primitias in bene proficientibus, de die in diem, nouitate crescente, commutare in se quod carnaliter uetus est: donec totum ita renouetur, ut animæ etiam infirmitas corporis, ad firmitatem spiritalem incorruptionemq; perueniat. Ita Augustinus. Andradius uero contendit, non tantum reatum solui, uerum etiam quicquid in concupiscentia habet rationem peccati, aboleri. Parentes igitur renouati, transmittent ad filios talem concupiscentiam, ex qua quicquid peccati rationem habet, extirpatum est. Conciliet Andradius, quæ est grandiloquentia, hanc suam sententiam cum Augustino.

Si uero baptisatus statim moriatur, dicimus cum Augustino lib. 2. de peccatorum meritis, cap. 28. Si continuo consequatur ab hac uita migratio: non erit omnino quod obnoxium hominem teneat, solutis omnibus quæ tenebant.

Hæc de sententijs, quæ ex Scriptura opponi solent, dicta sint. Quod enim Andradius ex Hieronymo citat, in baptismo ueterem Adamum prorsus interijisse: item baptismum ex toto nouum hominem facere, nihilq; ueteris relinqui: ostendit, quales sint

tortores Patrū Pontificij. Cum enim Paulus ubiq;
clamitet, ueterem hominē, licet cum Christo in ba-
ptismo crucifixum, manere tamen in renatis, ita ut
in hac uita semper sit mortificādus, deponēdus &
exuendus. Rom. 8. Gal. 5. Eph. 4. Col. 3. Andradius
Hieronymū honorifica afficit contumelia: quasi
contra Paulum sentiat, ueterem hominē in baptis-
mo prorsus interiisse, ita ut prorsus nihil uetusta-
tis relinquatur in renatis in hac uita. Et hactenus
Andradius prætectu qualicunq; ex Scriptura reli-
quias cōcupiscētiæ circūuestitas in theatro circum-
duxit, ut specie aliqua spectatorum oculos falleret.
Audiamus iā porro, quō in Cōcilij penetralibus, de
cōcupiscētiā quæ in renatis est reliqua, didicerit
philosophari. Multis astruit politicū illud axioma:
Nihil habere rationē peccati, nisi sit uolūtariū. Sed
Rom. 7. Paul. inquit: Non quod uolo, se quod odi, fa-
cio. Gal. 5. ait: Ut nō quæcunq; uultis, eadē & facia-
tis. Ergo cōcupiscentia in renatis, quādo nō accedit
consensus, nullam prorsus habet rationem peccati.
Quia uerō obijcitur, cōcupiscentiā etiā in renatis
esse ἀνομίαν, propterea quia dissidet à norma le-
gis, & cum illa pugnet: & quia lex est norma iusti-
ciæ in Deo: quicquid igitur ab illa norma dissidet, et
cū ea pugnat, habet rationē peccati. Argumentum
huius mole, premi se omnes Pontificij sentiūt, ideo
uarias quærent rimas ut elabantur. Coloniēses con-
tra librum reformationis intelligunt, si concedatur

conclu-

concupiscentiā esse ἀνομίαν, continuo sequi, quod
 habet in se ueram rationem peccati. Tergiuersan-
 tur itaq; legem nō accusare & arguere ipsam con-
 cupiscentiam: sed hoc tantum, si perficiatur concu-
 piscencia. Pighius uult hoc esse absurdū, si dicatur
 concupiscentiam ante baptismū in non renatis ha-
 bere ueram rationem peccati, propterea quia à le-
 ge Dei dissidet, & cum ea pugnat: illam uerò post
 baptismum in renatis, licet repugnet legi mētis, ab
 omni culpa peccati, & iniquitatis ratione, ita ab-
 soluere, non tantum ut personam baptisatā non fa-
 ciat reā, sed ut ipsa concupiscentia amplius non ha-
 beat ullam rationē peccati. Hoc Pighius existimat
 ualde absurdū esse. Ipse igitur contēdit cōcupiscen-
 tiam etiā ante baptismū, non esse ullam ἀνομίαν,
 sed conditionem naturæ bonam, sanctam & ius-
 tam. Andradius uerò cum Iesuitis concedit con-
 cupiscentiam in renatis esse ἀνομίαν, hoc est, dis-
 sidere à lege Dei, & cum ea pugnare: & tamen for-
 tissimè contendit, nullam prorsus habere rationem
 peccati. Sed quo, inquis, artificio potest contra eui-
 dentissima principia disputare? Audi quæso perfri-
 cat frontem, & superba uoce detonat: non omnē
 ἀνομίαν esse peccatum, sed ἀνομίαν esse genus
 peccati, sicut animal hominis. Sicut erga quoddā a-
 nimal est rationale, quoddā irrationale: ita forsā
 quædā ἀνομία erit mala, quædam bona: quædam
 iusta, quædam iniusta: quædam iniqua, quædam
 sancta;

sancta: quædam displicens Deo, quædam placens: quædam erit peccatum, quædā bonum opus, uel saltem indifferens. Sed cum diuina uolūtas sit certa et immota norma & uirtutis & uitij, quæ norma in lege patefacta est, unde Paulus dicit: Per legē agnitio peccati. item: Peccatum nō agnouissem, nisi lex diceret: Non cōcupisces. quomodo quæso. Andradius firmissimum illud axioma potest infringere? Respondeo. Eludit tantum, puerili & frigidissimo hoc sophismate: Diaboli & homines scelerati repugnant legi Dei: & tamen diabolus non est peccatum, & impius homo non appellatur peccatum, sed peccator. Ergo non omne quod legi Dei repugnat, est peccatum. De re grauißima agitur, quomodo scilicet lex Dei doceat agnitionem peccati, quæ rationi ignota est. Andradius uerò quasi cum pueris de talis luderet, obiecto sophismate, ridet, non soluit argumentum. Peccator & peccatū sunt coniugata, et peccator sanē non est ipsum peccatū. Hoc tamen certissimum est, sine peccato nullū esse peccatorem: sed peccatorē & esse & dici, ratione peccati, seu propter peccatum. Ita homo impius repugnat legi Dei: sed quomodo? an ratione substantiæ, an uerò ratione peccati, quo uitiata est substantia? Certum est autem, nullam substantiam posse legi Dei repugnare, nisi per peccatū, uel ratione peccati. Vsq̃ue adeo certum, firmū & fixum est, quicquid à norma iusticiæ in Deo quæ in lege patefacta est,

ita est, dissidet, & cum ea pugnat, habere rationem peccati.

In Græcis uocibus planè nullus est locus Iesuitarum sophismati. Si enim dicā: Impij homines sunt ἀνομοί, sed non sunt ipsa ἀνομία: ergo nō omnis ἀνομία est peccatum. Quàm ridiculum sit argumentum, omnes intelligunt. Quando uerò Ioannes dicit: Peccatū est ἀνομία: Latine non potest commodius reddi, quàm si dicamus: Peccatū est, quod a lege Dei dissidet, siue, quod legi Dei repugnat.

Ex illis Latinis uocibus, sumit Andradius post Iesuitas, occasionem cauillandi, cum non ignoret, cauillum illud in Græcis uocibus prorsus nullum habere locum, sicut ex hoc exemplo intelligi potest. 1. Ioan. 5. scriptum est: πᾶσα ἀδικία, hoc est, omne quod iusticiæ repugnat, est peccatum. Iam ex Iesuitarum logica possem tale argumentum texere: Diabolus & impij pugnant cum iusticia, & tamē non sunt ipsum peccatum: ergo falsum est quod Ioannes dicit, πᾶσα ἀδικία, hoc est omne quod cum iusticia pugnat, esse peccatum. Sed quis talem sophisticam cauillandi libidinem non detestetur, in re præsertim tam seria? Eadē certè ratione peccatum uocatur ἀδικία, sicut ἀνομία: quia lex est regula iusticiæ. Sicut igitur omnis ἀδικία est peccatum, ita & omnis ἀνομία est peccatum.

Sed lectorem oro, ut hoc attētè consideret, quòd
Andradius

310. EXAMEN DECRETORVM

Andradius Tridenti in ipso concilio, cū tragicis uō ciferationib. diu multumq; cōtendisset, nō omnem ἀνομίαν, hoc est, nō omne quod à lege diuina disidet, & cū ea pugnet, peccatū esse: postea in 5. libro Iesuitarū, axioma fortiter defendēs, pñūciat: Quis quid à Prælatorū Ecclesiæ, ac maximè à Romani Pōtificis iussis disidet, et cū illis pugnat, inmane esse peccatū: & maiori scelere inuolui illū qui Pontificias, quàm qui diuinas leges persfregerit: si præsertim Prælatorum despiciētia, & legum Pontificiarū contēptione feratur. hæc. n. sunt Andradij uerba. Et quidē tam strictē hoc urget, ut ideo cum Iesuitis pronunciare non uereatur, illos esse uelut ethnicos & publicanos habēdos, qui filij Dei præscriptum, & ueteris Ecclesiæ consuetudinē sequentes, Romani Pontificis & Prælatorum eius præscriptione, ab utraq; Christi Eucharistiæ, specie sumēda nō retardātur. Huc scilicet tēdit operosa illa disputatio, nō omnē ἀνομίαν esse peccatū, ut hominū mādāta diuinis præferantur. Et quidem Tridenti in ipso concilio Andradius illa disputat.

Profectō necesse est, Andradiū habere nos Germanos non aliter, quàm bestias, & pecora campi: quib. manifestissimum & firmissimū hoc axioma, per tā puerile sophisma arbitratur se ridendo posse extorquere. Sed stat contra omnes portas inferorum, inuictum axioma: Quicquid in natura rationali disidet à norma legis, & cum ea pugnat: sine sit defe-

sit defectus, siue ἀταξία, siue inclinatio, siue actio
 siue omisio: est peccatum. Non enim per Philoso-
 phiam, quæ de uoluntarijs tantum actionibus loqui-
 tur, agnitio peccati, sed per legē. Lex uerò accusat
 & arguit, nō tātum cōsentire cōcupiscētiæ, uel ire
 post concupiscentias, sed ipsum etiā concupiscere.
 Et hoc peccatū Paulus dicit se nō potuisse cogno-
 scere, nisi per legē quæ dicit: Non concupisces. Hæc
 firmissima fundamēta, Andradius labijs suis magni
 loquis cōspurare quidē conatur, sed infringere nō
 potest: nisi forsā aliam uoluerit fingere normam
 iusticiæ & peccati in Ecclesia, quā quæ est in
 mente diuina, quæ in lege ipsius nobis patefa-
 cta est. Et sanē disputans de loco Iacobi: Qui in
 uno delinquit, reus est omnium: non obscure si-
 gnificat, charitatem qualis & quanta in renatis
 in hac uita est, esse normam iusticiæ: & quicquid
 mensuræ huius charitatis non aduersatur, licet ad
 legē Dei nō cōgruat, nō esse peccatū. Et talia cēset
 esse peccata uenialia, & ipsam concupiscentiā. Et
 alibi magis probet quod Scholastici dicūt, peccatū
 esse contra naturā hominis qualis nunc est, quā
 esse ἀνομία. Sed qd multis disputo? colligere hinc
 promptum est, Pontificios non curare magnopere
 ἀνομία contra legem diuinā, modò non repugne-
 tur ijs quæ pontifex in scrinio pectoris sui gerit.
 Vtile autē est, lectores scire, ex traditionib. cōcilij
 Tridentini non scriptis, esse hanc unā, non omnem

ἀνομιὰν esse peccatum. Et quid est, si hoc non est legem Dei concūcare? pleno scilicet ore fateri, ali quid esse ἀνομιὰν; & tamen ridere illos, qui propterea coram Deo se humiliant, & petunt peccatū illud non imputari? Sed lector ipse prophana hanc Andradij philosophationem de peccato cōsideret. Eiusdem generis est, quod Andradius in hac disputatione affirmat, tegere peccata, occultare, non imputare, remittere. Rom. 4. Psal. 32. nihil aliud significare, q̄ omnes peccati fibras penitus extirpare, ita ut ne uestigiū qdē ullū reliquū sit. Noua planē est hæc Tridentina grēmatica. Ineptissimus igitur est Paulus, qui tā muliebriter quiritatur, Rom. 7. Si remissio peccati ipsas fibras peccati, ita extirpat, ut ne uestigiū quidē eius reliquū fiat. Manifestissime certē dicit Paulus, post remissionem, peccatum adhuc in carne sua habitare. Quāta igitur huius rhetoris impudentia est, fingere nouam planē Grammaticam, quod tegere, non imputare, remittere, sit malum ipsum penitus extirpare. Propiciatorium tegens tabulas legis, figura fuit quomodo tegantur peccata. Num uerò illud operimentum arce, erat extirpatio tabularum legis. Psal. 32. & uerbū נִסָּךְ quod etiam usurpatur Prouerb. 12. Homo astutus tegit sententiam: hoc est iuxta Andradium, extirpat. Ezech. 18. Nudum operiet uestimento. Ionæ 3. Operirent se saccis. Accōmodet huc quæso lector nouam Andradij grammaticam, & mirabilis erit meta-

metamorphosis. Ezechiel. 13. uerbum illud usurpatur de pseudoprophetis, fouentibus peccata uano prætectu. Nūquid ibi, bone Andradi, significat peccatum extirpare? Sed Andradius inquit: In Psalmo mox sequitur, In cuius spiritu nō est dolus. Maximus autē esset dolus, fingere peccata esse remissa, quæ in carne adhuc hæreāt? Nihil autem aliud respōdebo, quàm quod Augustinus dicit lib. 2. Contra Iulianū, de hac Dauidis sententia: Confitetur etiā peccata iustorū, magis asserēs eos in Dei misericordia sp̄e ponere, quàm de iusticia sua fidere. Et ideo nō est in ore eius dolus: imò in ore illorū omniū, quib. huius ueracis humilitatis, uel humilis ueritatis perhibet testimoniū. Opponat hæc lector. Augustin. dicit, cōfiteri etiā iustorum peccata, est quod Dauid inquit, In spiritu eius nō est dolus: Andradius uerò inquit, In illius spiritu nō est dolus, qui nullum in se peccati uestigiū agnoscit. Et huc accōmodat quod Psal. 51. petit, deleri iniquitatem. Verbū. n. חַטֹּאתֵי significat talē deletionē, sicut cū patinā quis inuertit & abstergit. 4. Reg. 21. Sed titulus Psalmi testatur, q̄ loquatur de peccato actuali: quod iuxta Augustinū, actu transit, & reatu manet, quē hoc modo deleri Propheta petit. Sed illo reatu ita deletō, inde quod porrō petat Dauid: Multiplicetur ablutio mea, amplius iterū atq; iterū laua me ab iniquitate mea. Sed quid opus est cōtinuò repetita mūdatione, si iā deleta est iniquitas adulterij? sicut uer

514 EXAMEN DECRETORVM

bum חַטָּא significat. Id uerò David ipse ostēdit, cū inquit: Ecce in iniquitatibus conceptus sum, &c. Et hoc dicit 50. ferme annis post acceptā circumcisiōnē. Hoc igitur est peccatū illud, quod Psal. 52. petit legi: pro quo omnē sanctū orare neesse sit.

Sed non dubito, piū lectorē iam dudū pertæsum Andradianæ impudētiæ, quæ digna propediem erit galero Cardinalitio. Vnū igitur tantū adhuc addā, uere magistrale Andradij artificiū. Sententiā Ioannis: Si dixerimus nos peccatū nō habere, &c. ita cōspurcat, ut contendat intelligendū esse, de actualib. solum peccatis, & de adultis hominib. qui propria se actione possunt cōmaculare: quādo scilicet flamma cōcupiscētiæ, subitū aliquē uolūtatis assensum secū rapiunt. Et lectorē oro, ut attentē consideret, quorsum disputationes Pōtificiorum, de reliqua inrenatis cōcupiscentia tendāt. August. li. 2. de peccatorum meritis, disputat, excepto uno homine Iesu Christo, neminem uel fuisse uel esse in hac uita sine peccato. Et alibi dicit: Si oēs sancti et sanctæ in unū congregētur & rogētur, omniū unā fore uocē: Si dixerimus nos peccatū nō habere, &c. Sed Andradius nup in Tridētino cōcilio didicit, 1. infantes baptisatos, & qui ad adultā etatē nondū peruenerūt, non cōprehendi illa sententia. 2. Quādo homo est sine peccatis actualibus, sicut est in somno: tunc iuxta Andradiū, non cōprehenditur in illo dicto Ioannis. 3. Quādo cōcupiscētia quiescit, aut etiam quando

quando mouetur: si nō rapiat secum uoluntatis ali-
 quem assensum, tunc adultus non habet peccatū. Sit
 igitur & hæc una ex traditionib. Tridentini cōci-
 lij nō scriptis: Inter renatos in hac uita ualde mul-
 tos esse, q̄ cōtra Ioānis testimoniū uerē dicere pos-
 sent, se peccatū nō habere: quia multi sunt baptisa-
 ti, qui ad ætatē adultā nōdū p̄uenerūt. Et Andradius
 Tridenti in Concilio dicit, Ioānis sententiā de adul-
 tis tantū intelligendā: ipsos etiā adultos renatos, in
 hac uita ualde sæpe esse sine peccato. nam quando
 dormiunt, nō maculāt se actuali aliquo peccato. Et
 quando concupiscentia quiescit, aut quando ita ipsi
 resistitur, ut nullum uoluntatis assensum secum ra-
 p̄iat, tunc iuxta Pōtificios nō est peccatum. Renati
 igitur adulti, in maiori uitæ huius parte, poterunt
 cōtra Ioānis testimonium dicere, se peccatum non
 habere. Corrigenda igitur erit Ioānis sententia, ut
 tantum de quibusdā renatis in hac uita, & nō sem-
 per, sed aliquando tantū uerū sit: Si dixerimus quia
 peccatum nō habemus, ueritas in nobis non est. Si
 cum truncis & stipitibus qui nihil intelligunt, An-
 dradius negociū haberet, non posset maiori libidi-
 ne, quæcunq; ipsi libent, sine probatione dictitare.
 Nam ne mentionem quidem dignatur facere, quod
 Paulus Rom. 7. tam tristi querela peccatum inha-
 bitans deplorat: quod ideo uocat peccatum inha-
 bitans, ut rectē intelligi possit quod Ioānes dicit: Si
 dixerimus nos peccatum non habere, &c.

Imò ex illa sua sententia Andradius affirmat, renatos nec omnes, nec in hac uita semper opus habere illa precatione: Dimitte nobis debita, etc. quia nec ipsa concupiscētia, nec motus eius, si non accedat consensio, sint peccata uel debita. Atqui Christus ideo uocat debita: quia quæ lex flagitat, nec habere nec præstare possumus in hac uita; ea perfectione sicut lex postulat. Illa igitur, quæ etiā in inchoata nouitate, legi flagitanti adhuc debemus, rectè petimus dimitti: sicut Dauid facit Psal. 51. Non ignoro Augustinū aliquādo dicere, propter cōcupiscētiā reliquā, renatos non dicere, Dimitte, &c. sed propter actualia peccata. Sed idem Augustin. epist. 29. inquit: Quamdiu charitas augeri potest, profectò illud quod minus est q̄ debet, ex uitio est. ex quo uitio non est iustus in terra qui faciat bonū, & nō peccet. propter quod uitiiū si dixerimus quòd peccatū non habemus, &c. (aduerte hoc Andradi) propter quod etiam quātumlibet profecerimus, necessariū est nobis dicere, Dimitte nobis debita nostra: cū iā omnia dicta, facta, cogitata dimissa sunt. Idē de uerbis Apostoli, Ser. 2. Sed sufficit, inquis mihi, q̄ in baptismo accepi remissionem omniū peccatorū. Nunquid quia deleta est iniquitas, finita est infirmitas? Adhuc carnē fragilem portas: adhuc corpus quod corrūpitur, aggrauat animā: adhuc utiq; dicis, donec sanctur lāguores tui. Dimitte nobis debita nostra. Hæ sentētiæ quia cū Scriptura cōgruūt, essent

essent producenda. Sed hoc est artificium Pontificiorum, ut ex Patribus sententiam aliquam arripiant, quā contra Scripturā torquere possint: etiā cū non ignorent, Patres alibi rectius sentire & loqui.

Sed satis sit de hoc loco, in quo Andradij nimis insolens impudētia, longius quam cōstituerā, me puenxit: Lectorē autē oro, ut secū reputet, quid in relijs fidei articulis existimet sibi à cōcilio Tridēmo expectandū: in cuius penetralibus, de peccato tam frigide, tam leuiter & prophanē philosophatur, ut totam religionē ridere non obscure uideatur: id quod ex sequētibus magis adhuc manifestum euadet.

AN BEATA MARIA VIRGO SINE
peccato originali concepta sit.

APPENDIX DECRETI V. SESSIONIS
Tridentini Concilij.

DEclarat tamē hac ipsa sancta Synodus, nō esse suae intētionis, comprehendere in hoc decreto, ubi de peccato originali agitur, beatā et immaculatā uirginē Mariā Dei genetricem: sed obseruandas esse cōstitutiones felcis recollectionis Sixti Papæ IIII. sub pœnis in ijs cōstitutionib. contētis, quas innouat.

Examen.

Scriptura ubi de peccato Originali loquitur, unicum tantum hominē Iesum Christum, qui à Spi-
ritu sancto cōceptus, peccatū nō nouit, excipit. Ta-
les enim decebat nos Pōtifex sanctus, innocens, im-
maculatus, segregatus à peccatoribus: quæ Græcō
significantius dicuntur: ἄκακος, ἀμιάνης, ἀχω-
ρισμένος ἀπὸ τῶν ἁμαρτωλῶν. Heb. 7. De re-
liquis uerò hominibus omnibus, qui ex commixtio-
ne uiri & fœminæ nascuntur, sine exceptione uni-
uersalem profert sententiam, Rom. 5. per unū ho-
minem peccatum intrauit in hunc mundum, et per
peccatū mors: & ita in omnes homines mors per-
transijt, in quo omnes peccauerūt. 1. cor. 15. Sicut in
Adam oēs moriūtur, ita in Christo omnes uiuifica-
buntur. Ephes. 2. Erasmus & nos naturā filij iræ,
sicut & ceteri. Eodem etiam modo uetus Ecclesia
& sensit, & docuit. August. quidem de natura &
gratia cap. 36. dicit: De sancta uirgine Maria, pro-
pter honorem Domini, nullā prorsus cum de pec-
catis agitur, habere uolo quæstionem. Inde enim
scimus, quòd ei plus gratiæ collatum fuerit ad uin-
cendum omni ex parte peccatum, quæ concipere
ac parere meruit, quem constat nullū habuisse pec-
catum, &c. Et hoc quidem eò trahunt, quasi sen-
tiant, Mariam non comprehendī in sententijs Scri-
pturæ, quæ de peccato originali loquūtur. Sed quia
disertè dicit, Mariæ gratiam collatam ad uincen-
dum

dum peccatum: manifestissimum est, quòd non sen-
 tiant Mariam sine peccato conceptam fuisse: aliàs
 enim non opus fuisset conferri ipsi gratiam, ad uin-
 cendum peccatum. Ideo etiam ubiq; de peccato ori-
 ginali generaliter loquitur, & tantum Christũ ex-
 cipit. De fide ad Petrum cap. 23. Firmissime tene, &
 nullatenus dubites, omnem hominem, qui per cõcu-
 bitum uiri & mulieris cõcipitur, cũ peccato origi-
 nali nasci, impietati subditum, mortiq; subiectum:
 & ob hoc naturã filiũ iræ nasci. De nuptijs & con-
 cupiscentia: Ideo Christus non de concubitu nasci
 uoluit, ut hinc etiã doceret, omnẽ q de cõcubitu na-
 scitur, carnẽ esse peccati: quandoquidẽ sola quæ nõ
 inde nata est, nõ fuit caro peccati. Ambrosius in Lu-
 cã: Solus. r. per omnia ex natis de foemina, spiritus
 Dominus Iesus: qui terrenæ cõtagia corruptelæ, im-
 maculati partus nouitate nõ sensit. Idẽ in Isaiã: O-
 mnis homo mēdax, et nemo sine peccato, nisi unus
 Deus. Seruatũ est ergo, ut ex uiro et muliere, i. per
 illam corporũ cõmixturem, nemo uideatur esse ex-
 pers delicti. Qui autem expers delicti, expers est
 etiam huius conceptionis. Et quidem Augustinus
 dicit, eum qui contrarium sentiat, repugnare Scri-
 pturæ. De perfectione iusticiæ: Quisquis esse uel
 fuisse in hac uita aliquem hominem, uel aliquos
 homines putat excepto uno mediatore Dei & ho-
 minũ, quib. necessaria non fuisset remissio peccato-
 rum: contrarius est diuinæ Scripturæ, ubi Aposto-

Ius ait: Per unum hominem peccatum intrauit in mundum, & per peccatū mors: & ita in omnes homines ptransijt, in quo oēs peccauerūt. Et cōtra Iulianū li. 5. ca. 9. pñūciat esse hāresin. ubi. n. dixisset, Si absq; dubio caro Christi nō est caro peccati, sed similis carni peccati: quid restat ut intelligamus, nisi ea excepta, omnē reliquā humanā carnē esse peccati? Et paulò pōst subiicit: Quisquis hoc negat, de testandus hāreticus inuenitur. Et ibi manifestē affirmat, Mariam in concupiscentia originali conceptam. inquit enim: Hinc apparet, illam concupiscentiam per quam Christus concipi uoluit, fecisse in genere humano propaginem mali. Quia Mariæ corpus, quamuis inde uenerit: tamen eam non traiecit in corpus, quod non inde concepit.

Bernhardus etiam dicit: Excepto homine Christo, uniuersos respicit, quod unus humiliter confiteatur: In iniquitatibus conceptus sum, & in peccatis concepit me mater mea.

Hæc fuit ueteris ueræ et purioris Ecclesiæ sententia, ex Scripturæ clarissimis testimonijs extructa. Et quidem Longobardus etiam lib. 3. distinct. 3. inquit: Sanè dici potest & credi, iuxta sanctorum attestaciones conuenientiam, ipsam uerbi carnem prius peccato fuisse obnoxiam, sicut reliqua uirginis caro: sed spiritus sancti operatione mundatam, ita ut ab omni contagione immunis, ueniretur uerbo. Fuit igitur Longobardi adhuc tempore ignota

ignota opinio, Mariam sine peccato originali conceptam. Sed consideret lector, quādo primum absq; uerbo, specie aliqua bonæ intentionis à Scripturæ testimonijs paululum disceditur, quid tandem consequatur. Longobardus enim arrepta occasione ex Augustini uerbis, incipit sine uerbo Dei disputare: fieri potuisse, cum Maria ex Spiritu sancto conciperet Christum, quòd & ipsa simul tota ab omni peccato, etiam ab ipso fomite mundata, & penitus liberata fuerit. Sed qui Longobardum secuti sunt, non contenti fuerunt illa opinione: sed longius progressi, cœperunt disputare, Mariam cum primum in peccato originali concepta fuisset, postea in utero sanctificatam, sine peccato natam fuisse. Et cum nullo Scripturæ testimonio hoc probari posset apocrypha historia natiuitatis Mariæ, quæ nunc in proteuangelio Iacobi extat, primò tanquam opinio non omnino improbanda proposita, postea uerò tanquam canonica ueritas approbata fuit. Cum que iam in duabus de Maria uirgine quæstionibus, extra Scripturæ limites excessum fuisset, in scholis quidam disputare cœperunt, Mariam Virginem etiam conceptam fuisse sine peccato originali. Cuius opinionis patronus Scotus postea factus est. Nullo uerò uerbi Dei testimonio, hoc ostendere potuerunt: imò ne conati quidem sunt, sed ratiocinabantur à possibili, Christum potuisse matrem suam in ipsa

conceptione, ab omni originalis peccati contagio præseruare: & hoc conuenire dignitati & honori matris Domini. Huic uerò opinioni, quia non tantum sine uerbo Dei, & testimonijs antiquitatis proponebatur, uerum etiam pugnabat cum manifestis Scripturæ testimonijs, multi tunc contradixerint: ut Thomas, Bonauentura, Gregorius de Arminio, &c. Paulatim tamen festum conceptionis Mariæ, in quibusdam locis institui cœpit. Sed erant tamen multi qui contradicerent: sicut testatur etiam glossa de consecratione, Distinct. 3. cap. prouocandum. Et magnis contentionibus res acta fuit, non in scholis tantum, uerum etiam pro concione, coram populo: cum una pars Scripturæ testimonijs, & antiquitatis suffragijs pugnaret: altera uerò pars, ex dignitate & excellentia prærogatiuarum, Mariæ ratiocinaretur, & probationis loco afferret reuelationes, miracula & similia. Tandem uerò anno Domini 1483. Sixtus Pontifex Romanus auctoritatem suam interposuit. Sed quomodo? Num ex Scriptura quæstionem illam dijudicari uoluit? Nequaquam. Sed quia nondum sit à Romana Ecclesia, & Apostolica sede decisum, ideo utramq; opinionem liberam esse, ita ut neutra accusanda aut damnanda sit hæreseos: & tamen quam sententiam ipse magis probet, non obscure indicat. Quia enim Romana Ecclesia tunc celebrabat festum cōceptionis Mariæ, edicit ne quis re-
prehendat

prebendat illam opinionē, propter quā festum institutū erat: quod scilicet Maria sine peccato originali cōcepta esset. Iā enim antea anno Domini 1466. cōstituerat, proposita prolixa indulgentiarū nundinatione, festum de uera conceptione Mariæ uirginis, cū peculiari officio, in quo asseritur sine peccato originali cōcepta, ab omnibus fidelibus celebrandum. Et anno Domini 1439. conciliū Basiliēse, Sessione 36. definit, opinionem illam, quod Maria nunquam subiacerit peccato originali, sed semper immunis fuerit ab omni originali & actuali culpa, ab omnibus catholicis tenendā et amplectendā, nulliq; de cetero liticum esse, in contrariū prædicare uel docere. Hæc recensui, ut rectus intelligatur, quid appendix Tridentini decreti uelit: ubi obiter dicit, de conceptione Mariæ uirginis obseruandas constitutiones Sixti quarti: ut scilicet primò liberum sit extra, præter, aut etiā contra uerbum Dei opinari: an beata Maria uirgo concepta fuerit sine peccato originali. Secundò: ne ex Scriptura reprehendatur opinio illa, asserēs ipsam in cōceptione et animatione, ab omni penitus originalis peccati contagio præseruatam fuisse. Tertiò: ne quis ausit significare, sibi non per omnia probari reuelationes, miracula, & cætera quibus opinio illa præter & contra Scripturā stabilitur. Quartò: ut festum cōceptionis Mariæ, cū indulgētijs Papalibus, respectu illarū causarū ppter quas institutū est, religiosè seruatur.

uetur. Sed hæc quia ualde crassa sunt, Tridentini patres retineri quidem uolunt, sed nudare uerentur. Inuoluunt igitur generalitate quadam: quæ tamen non ita obscura est, quin animaduerti possit. Illam igitur generalitatem lectori paucis euoluam, & explicabo. Sixtus causas cur festum conceptionis Mariæ celebrandum sit, has recitat: Quia Maria est uia misericordiæ, mater gratiæ, pietatis amica, humani generis consolatrix, pro salute fidelium qui delictorum onere grauantur, sedula oratrix, & peruigil ad regem quem genuit intercedit: ideo debitum reputamus, uniuersos fideles celebrare festum de mira eius conceptione: ut exinde fiant eiusdem uirginis meritis, & intercessionem diuinæ gratiæ aptiores. Et ordinamus, ut qui celebrationi interfuerint, eandem indulgentiam & remissionem peccatorum consequantur, quam consequuntur in festo corporis Christi.

Anselmus originem festi de conceptione Mariæ, ita describit: quod Abbati cuidam in periculo naufragij, Mariam miserorum & desperatorum spem deuotè inuocanti, uir quidam à Maria missus apparuerit, qui reuelaret, si periculum illud euadere uellet, ut promitteret se diem conceptionis Mariæ, sexto idus Decembris uelle celebrare, & celebrandum prædicare. Et concludit Anselmus: Nos ergo fratres, si portam salutis uolumus

lunus apprehendere, Dei genetricis conceptionem dignis officijs celebremus, ut ab eius filio digna mercede remuneremur. Alia legenda narrat, Mariam clerico cuidam apparuisse, & dixisse: Si conceptionis meae festa annuatim sexto idus Decembris sollemniter celebraueris, & colenda praedicaueris, mecum in regno unigeniti mei laureatus eris. Et ratio ibi redditur, quare Mariae & Christi, non uero aliorum etiam sanctorum, conceptiones celebrentur. Dignè enim hanc dominationem super ceteros sanctos illa debet habere, per quam omnes sancti sanctificantur & beatificantur. Dicitur enim Christus, Sanctus sanctorum: & haec, Sancta sanctorum. Celebremus igitur dignis officijs eius conceptionem: ut ipsius meritis & precibus, à secularibus curis, & à cunctis uitijs mereamur eripi, & ad gaudia paradisi perducì. Subiunguntur etiam in legenda, uaria miracula: quibus ipsa Maria peculiaribus apparitionibus approbaret illam sententiam, quòd sine omni penitus originali peccato concepta fuerit: & quòd per multa prodigia punierit illos, qui excepto uno homine Iesu Christo, uniuersalem Scripturae definitionem sequantur: In peccatis concepit me mater mea.

Hec omnia, & his similia, complectitur appendix decreti Tridentini, quòd iubet obseruare constitutiones Sixti quarti. Et arbitror, quosdam inter ipsos pudore retractos, noluisse ut nominatim

et expresse talia recenserentur. Quia tamen nihilominus retinenda et stabilienda fuerunt, uisum fuit illa generalitate quadam inuoluere: quam lectori iudicari paucis explicandam esse.

Si quis uerò scire cupit, quæ sit Tridentini concilij de conceptione Mariæ sententia: uideri sane posset, quia mentio sit constitutionum Sixti, quòd disputationem illam relinquat sub libera opinandi licentia: sed uerba diuersum omnino ostendunt. Cum enim dixissent, Adamum transfudisse peccatum in omne genus humanum: mox adiungunt appendicem: Declarat tamen hæc ipsa Synodus, non esse sue intentionis, comprehendere in hoc decreto, ubi de peccato originali agitur, beatam uirginem Mariam. Quibus autem documentis ostendunt, ab expressis generalibus Scripturæ sententijs de peccato originali, Mariam uirginem esse excipiendam? Num sacra Scriptura ita docet? Non docet. Num forsitan fit mentio apud ueteres, huiusmodi alicuius traditionis, quasi ab Apostolis acceptæ? Non fit. Num forsitan uetus Ecclesia ita sensit? Num Patres ita docuerunt? Neque hoc ostendi potest. Sed allegantur reuelationes, finguntur miracula. Suprà autem ostendimus, quomodo Augustinus contra Petilianum ex Scriptura probet: In rebus fidei, post constitutum Scripturæ canonem, nec reuelationibus, nec miraculis, præter aut contra Scripturam credendum esse.

multa

multa enim talia fingi ab hominibus. & si non fingantur, Scripturam tamen præmonere, ne illis contra uerbum credamus. Deuteronomij decimotertio, Matth. 24. 2. Thessal. 2. Nec Scripturam igitur, nec traditiones curant Pontificij, quando uolunt nouos fidei articulos condere: sed solum fundamentum est quod Persius inquit:

Quod uolumus sanctum est.

Vel sicut Canonistæ loquuntur: uoluntas Papæ est ipsi pro lege, in his quæ uult.

Nihil autem hac disputatione detractum uolo dignitati beatæ Mariæ uirginis. Amplector enim summa animi reuerentia, quod ipsa canit: Ex hoc beatam me dicent omnes generationes, quia magna mihi fecit qui potens est. Sentio autem ita rectè beatam prædicari Mariam uirginem, si ea ipsi tribuantur, quæ & Scripturæ consentanea sunt, & inde probari possunt, ut sanctum sit nomen Domini. Nec ulla alia celebratio ipsi grata esse potest.

328 EXAMEN DECRETORVM
DE OPERIBVS INFIDELIVM,
seu non renatorum.

SEXTAE SESSIONIS TRI-
dentini concilij capitulum, de Imbe-
cillitate naturæ & legis, ad
iustificandos ho-
mines.

Primùm declarat sancta Synodus,
ad iustificationis doctrinam pro-
bè & sincerè intelligendam, oportere
ut unusquisque agnoscat & fateatur:
quòd cum omnes homines in præuari-
catione Adæ innocentiam perdidis-
sent, facti, immundi, & (ut Apo-
stolus inquit) naturà filij iræ (quem-
admodum in Decreto de peccato ori-
ginali exposuit) usque adeò serui e-
rant peccati, & sub potestate diaboli
ac mortis, ut non modo gentes per vim
naturæ, seu ne Iudæi quidem, per i-
psam etiam literam legis Moysi, inde
libera-

*liberari aut surgere possent: tametsi in
eis liberū arbitriū minimè extinctū
esset, uiribus licet attenuatum & in-
clinatum.*

CANON I.

Si quis dixerit, hominem suis opē
ribus, quæ uel per humanæ naturæ
uires, uel per legis doctrinam fiant,
absq; diuina per Christū Iesum gra-
tia posse iustificari coram Deo, ana-
thema sit.

CANON VII.

Si quis dixerit, opera omnia quæ
ante iustificationem fiunt, quacūq;
ratione facta sint, uerè esse peccata,
uel odium Dei mereri; aut quanto
uehementius quis nititur se dispone-
re ad gratiā, tanto eum grauius pec-
care; anathema sit.

EXAMEN.

Dixi aliquoties, Andradij scriptionem quam
in Concilio, iussu Patrum instituit, ad hoc prodes-
se, ut decreta Concilij rectius intelligere, & peni-
tius introspicere possimus. Conclusiones enim sal-

L

tem;

tem, seu (ut uocant) nudas decisiones, Decreta nobis proponunt: Andradij uerò beneficio, iam incipimus in singulis fermè decretis, arcana quædam cognoscere: quæ scilicet fuerint in Concilio disputata & deliberata, quo artificio decreta, condita, & quo sensu Patres uoluerint illa accipi. Cuius ualde luculentum exemplum, hic locus nobis præbebit. Neq; enim facîle quis dirimaret, quid sibi uellent duo illa contraria decreta:

1. Omnes homines propter peccatum originale, usque adeò esse seruos peccati, & sub potestate diaboli ac mortis, ut non modò gentes per uim naturæ, sed nec Iudæi quidem, per ipsam etiam literam legis Moysi, inde liberari ac surgere possent.

2. Quòd iubent anathema esse, 'si quis dixerit, opera quæ ante iustificationem sunt, quacunque ratione facta sint, uerè esse peccata. Sed hæc mysteria, Andradij reuelationes nobis pandent. Eius igitur explicationem, remoto grandiloquentiæ ipsius strepitu, simpliciter recitabo.

ANDRADII SENTENTIA, de operibus infidelium.

1. Narrat Canonem 7. conditum propter illos qui naturæ deprauationem ita amplificant, ut discesserint, nihil ab ea, quamdiu iusticiæ expers fuerit,

fuerit, emanare, peccati turpitudine & culpa non contaminatum: nisi prius iusticia fuerit informata, & per spiritum renouata. Sementia igitur illius canonis, iuxta Andradij declarationem, hæc est: ab Impijs in quibus nec persona Deo est reconciliata, nec naturæ renouatio per spiritum inchoata, imò qui iusticiæ de qua Paulus disputat, expertes sunt, multa opera emanare, quæ omni peccati turpitudine & culpa careant. Recito enim Andradij uerba, qui addit: Si quid in huiusmodi operibus desideretur, non tam iusticiæ, quàm diuinæ cognitionis defectui adscribendum esse.

2. Quia non potest negare, Augustinum & Prosperum ex Scripturæ sementia longè aliter quàm Scholasticos doctores, de hac questione disputare: dicit, ab Ecclesia & Concilijs nondum esse definitum, quo genere infidelium opera censenda sint: ideo cuiq; liberum esse opinari. Illam uerò opinandi libertatem, Lector ita intelligat. Scholastici disputant, hominem non renatum, sine fide & Spiritu sancto, ex puris naturalibus posse præcepta Dei implere, quo ad substantiam actus: & infidelem, qui hoc modo facit opera præceptorum, non peccare: hominē etiā existētē in peccato mortali, posse ex puris naturalib. uitare, et cauere quoduis peccatū mortale, ne de nouo illud cōmittat: & infidelē hoc modo, faciēdo qd' in se est, remouēdo

scilicet obirem peccati mortalis, & eliciendo bonum actum ex libero arbitrio, mereri de cōgruo, ut Deus ipsi det gratiā. Quòd si quis quærat, quid Tridentinum concilium de his Scholasticorū opinionibus sentiat, non faciliè hoc in decretisprehendere poterit: & posset sanè aliquis existimare, propter improbandas illas opiniones, posita esse hæc uerba in Decreto: homines usque adeò esse seruos peccati, ut gentes per uim naturæ inde liberari ac surgere non possent. Sed Andradius, iussu Concilij in ipso Concilio scribens, dicit liberum esse in hac disputatione cuiq; opinari. Et quidem inter liberas illas opiniones, recitat etiā hanc: Infidelium uirtutes licet non sint perfectæ, & æternis præmijs dignæ, posse tamen aliquando humanas uires, generalibus tantum auxilijs fultas & sustentatas, omnem peccati turpitudinem uitare.

Augustinus certè de Pelagianis dicit: Sunt quidem ita præsumentes de libero arbitrio, ut ad nō peccandum nec adiuuandos nos diuinitus opinentur, semel ipsi naturæ concessō libero uoluntatis arbitrio. Et semper opponit illam Pauli sententiā, 2. Cor. 13. Oramus Deum ut nihil mali faciatis.

De peccatorum meritis lib. 1. cap. 5. inquit: Repellamus ab auribus & mentibus nostris, eos qui dicunt, accepto semel liberæ uoluntatis arbitrio, nec orare nos debere, ut Deus nos adiuuet ne peccemus. Sed ut uideo, quæ olim fuerunt Pelagiana,

iam in Tridentino concilio facta sunt libera opinio-
nis.

III. Andradius narrat, sapientissimis uiris hanc
sententiam maximè probari: infidelibus non gene-
rali tantum influenza, sed peculiaribus diuini au-
xilij subsidijs opus esse, ut opera faciant, omnis
culpæ uacua. Et quis non hoc ut sanè dictum acci-
peret? sed sicut ipse Andradius se explicat, intelli-
git peculiaria subsidia, non gratiam regeneratio-
nis & renouationis per Spiritum sanctum, sed mo-
tus seu impetus peculiare in non renatis, quos uul-
gò uocamus heroicos: quales fuerunt in excellen-
tibus Ethnicis. Et illis subsidijs affirmat, infideles
qui spiritu regenerationis & renouationis destitu-
ti sunt, posse opera efficere quæ omni turpitudi-
ne careant, omnis culpæ sint uacua, & nulla cul-
pa contaminata. Et ut forsitan infidelis actiones il-
las in Deum quem ignorat, referre non possit: in
maximam tamen Dei gloriam illas cedere, quæ
nulla sunt turpitudine contaminata.

Addit uerò: Etiam si desint peculiaris illa subsi-
dia, non tamen arbitramur, omnes illorum actio-
nes consultò & cum deliberatione susceptas, pec-
cata esse. Et ut aliquando sint peccata, non tamen
ideo hoc esse, quòd ab impio & infideli animo
proficiscantur: sed tantum ideo, quia non referan-
tur ad uerum finem, ut Deo seruiant.

IIII. In libello contra Iesuitas, notauerunt quæ-

334 EXAMEN DECRETORVM
dam Iustini, Clementis & Epiphaniij ualde incom-
modè de hac quæstione dicta, quæ cum Scriptura
manifestissimè pugnant. Vt quòd Iustinus disputat,
Socratem & Heraclitum, quia secundum rectam
rationem uixerint, fuisse Christianos: Clemens di-
cit, philosophiam per se iustificasse Græcos: Epi-
phanus dicit, sine lege Mosaica & Euangelica,
sola lege naturæ, multos fuisse iustificatos & sal-
uatos. In illis dictis Andræus non quærit mitiga-
tionem, quæ sit analogæ fidei: sed sicut sonant, su-
scipit illa defendenda. nihil enim tam absurdum
est, & impium, quod non speret sua se grandilo-
quentia posse defendere. Inuitio autem quasi æstro
percitus debacchatur, inferri cœlitibus bellū, cœ-
lestia iura perfringi, &c. si non quæcunq; & quo-
modocunq; dicta patrum, etiam contra manife-
stissimas Scripturæ sententias amplectantur. Sed
quæso te mi lector, patienter ausculta, quæ porten-
ta Andræo, inter has debacchatiões exciderint.
Videbis enim prophanas & contumeliosas Tham-
meri opiniones, de fide, & de salute Philosophica
sine uerbo Dei, & sine Spiritu sancto, quorū ipsos
hactenus in Germania Pontificios puduit, iam nō
tantum in ipso concilij Tridentini sinu clancu-
lum foueri, sed publicè omnibus amplexandas &
exosculandas proponi.

Et huius quidem generis multa legi disputata,
cū apud ueteres, tum apud recentiores. Sed ue-
rè pos-

rè possum lectori confirmare, apud neminem me legisse quæ tam impudenter sint prophana, tam contumeliosa in uerbum Dei, & tam blasphemæ in incomprehensibilia iudicia Dei, quàm hi Cerberæ sunt Andradij latratus. Cur enim non rem suo nomine appellem? Agnoscat autem hinc lector fucum tantum esse, quòd iactitant Pontificij, se pro Apostolicis traditionibus pugnare. Idem enim ipsis est, quamcunq; quis religionem amplectatur, siue sit philosophica, siue forsitan Turcica: modò ipsis status regni sui saluus maneat. Illis enim qui uerbo Dei prorsus caruerunt, salutem liberaliter promittunt. In hanc autem sententiam scribit Andradius, idq; in ipso concilio Tridentino: Nullum, inquit, dubium est, fidem necessariam esse ad iusticiam & uitam æternam. Iustus enim ex fide uiuit. Illa uerò fides, & uera Dei cognitio ad iusticiam & salutem æternam, non ex sacris tantum literis, diuinisq; oraculis: sed ex rebus etiam ijs quæ sensibus subiiciuntur, haberi potest.

Et ita interpretatur primum caput ad Romanos. Et mox suo more addit exclamationem: Philosophi qui ab inani deorū multitudine abhorruerunt, unicum uerò Deum quem totis uiribus inquisiuerunt, mente complexi, & religiosè uenerati sunt, illi perpetuò placere studentes: illos tu Kemnici, illa fide, Deiq; cognitiõe destitutos dices,

per quam scilicet impius iustificatur, & ex qua iustus uiuit? Summa autem est, quòd probare contendit, non posse Deum uel ab iusticia, uel à crudelitate defendi: si non arbitremur ad salutem satis fuisse illam Dei noticiam, quæ & naturaliter hominum mentibus insita est, & consideratione creaturarum acquiri potuit. Quid autem, quæso, Andradio significat, quod Paulus dicit: Quisquis inuocauerit nomen Domini, saluus erit? Quomodo autem inuocabunt sine fide? fides uerò ex auditu, auditus per uerbum Dei, Romanorum decimo: Ideo certè Deus, ab initio mundi, dato certo uerbo, se & uoluntatem suam generi humano patefecit. Illud enim solum est ordinarium Dei organon, per quod Spiritus sanctus operatur & accendit fidem, quæ ad salutem est necessaria. Sed siste paulisper lector: nondum enim habes totum mysterium iniquitatis, quod in priuatis concilij Tridentini congressibus, de hac disputatione agitatum fuisse, ex Andradio discimus. Semit enim Andradius uim huius obiectionis: Non sufficere ad salutem, generalem & confusam illam noticiam, qualis fuit in Ethnicis: quia cognitio & fides redemptionis per Christum, omnibus seculis ad salutem necessaria fuit.

Sed arrige aures, quomodo Andradius in concilio Tridentino hanc obiectionem soluere didicerit. Ita enim inquit: In ipsa diuina prouidentia, qua
guber-

gubernantur res creatæ, implicatè & absconditè continetur humani generis per Christum redemption. Philosophi igitur qui generalem illam Dei providentiam perspectam habebant, simul sanè intelligebant, nihil Deum prætermisurum, ut homines sempiterna felicitate perfrueremur. Atq; ita non prorsus ignorasse Christum Iesum crucifixum dicendi sunt, etsi rationem quam Deus esset initurus humanæ salutis curandæ, comper tam minimè habuerint. Hæc uerè sunt non humana, sed diabolica ludibria fidei iustificantis, & uerbi diuinitus patefacti. Quàm modestè, et quàm piè Augustinus loquitur, quando incidit in questionem prædestinationis de iudicijs Dei, de correctione & gratia cap. 8.

Si à me quærat, ignorare me respondeo: Nō enim arroganter, sed agnoscens modulum meum, audio dicentem Apostolum: O' homo, tu quis es qui respondeas Deo? & : O' altitudo diuitiarum sapientiæ & scientiæ Dei: quàm inscrutabilia sunt iudicia eius, & imperuestigabiles uiae eius. Quantum igitur nobis iudicia sua manifestare dignatur, gratias agamus: quantum uerò abscondere, non aduersus eius consilium murmuremus, etc.

Lib. 3. Hypognost. cur hoc illi operetur, illi nō operetur, metuentem me & trementem iudicia eius inscrutabilia & incomprehensibilia, nolo interrogare. Quia quod lego, credo: non autem di-

538 EXAMEN DECRETORVM
scutio. Quis enim est homo qui respondeat Deo?
& cetera.

Andradius uerò disputans de philosophis, quibus Deus uerbum suum non patefecit, inquit: Neque enim duritas atque immanitas tetrior ulla esse potest, quam sempiternis cruciatibus mancipare homines, propter illius fidei inopiam quam consequi nulla ratione poteram. Et postea de fide philosophica: Cum aliam agnitionem natura non potuerunt habere, impossibilia in obligationem cadere, serus solum, teter, humanitatiq; hostis quispian poterit existimare. Deum immortalem, quam plena hæc sunt horrendæ blasphemiæ, contra tremenda & incomprehensibilia iudicia Dei? Et hæc in medio concilio Tridemi scripsit Andradius, quæ conuenientius in Turcica barbarie disputarentur. Et quid est, si hoc non est uerbum Dei proculcare, fidem iustificatæm ludificare, & iudicia Dei blasphemare? Quid ergo miramur, Pontificios Scripturæ tam parum tribuere: cum nõ uereamur & fidem & Ecclesiam fingere, quæ prorsus nullum habeat uerbum Dei uel scriptum, uel patefactum? Olim Appelles Marcionita, apud Eusebium libro quinto, capite decimotertio dicebat, Quemq; in eo quod crederet relinquendum esse saluandos enim omnes, modò in crucifixū credant, & in bonis operibus inueniantur. Rhetorius postea apud Philastrium docebat, omnes reli
giones

giones, modò haberent intencionem & conatum colendi Deum, rectè ambulare. Nunc uerò (ô flagitiosam postremi seculi labem) Tridenti in medio concilio Andradius, Philosophis qui nec sacras literas, nec diuina oracula habuerunt, tribuit ueram fidem, iusticiam fidei, salutem æternam. Fabricet ergo nouam Ecclesiam, aliud cœlum, & peculiarem beatitudinem, ubi membra, ciues & comparticipes sint, quicunque ignari fuerunt uerbi Dei, si tamum iuxta rationem uixerunt. Eradatur itaque, & conculcetur sententia Pauli, 1. Corinth. 1. Cum in Dei sapientia, mundus per sapientiam non cognosceret Deum, placuit Deo, per stultam prædicationem saluos facere credentes. Frustra ergo clamat Isaias, ad legem & ad testimonium: Si dixerint uobis iuxta uerbum, hoc non erit eis matutina lux. Nec constabit, quod Christus dicit Iohann. decimo septimo, Sanctifica eos in ueritate: sermo tuus ueritas est. Illam uerò sententiam, quam Andradius in concilio Tridentino publicè profiteri non ueretur, Augustinus disertè refutat & damnat, ut Pelagianam: saluatos scilicet fuisse aliquos, sine agnitione & fide Euangelij, sola lege naturæ. De Natura & gratia capite secundo: De peccato Originali libro 2. capite 26. Ad Bonifacium libro primo, capite 21. Et contra Iulianum libro quarto, capite 3. ita alloquitur Pelagianos:

§40 EXAMEN DECRETORVM

An forte Fabricijs, Regulis, Fabijs, Scipionibus, Camillis, cæterisq; talibus prouisuri estis aliquem locum inter damnationem regnumq; cælorū: ubi non sint in miseria, sed in beatitudine sempiterna, qui Deo non placuerunt, cui sine fide impossibile est placere quam nec in operibus, nec in cordibus habuerunt. Non opinor perditionem uestram, ad istam posse impudentiam prosilire, &c. Sed quid dices bone lector? quòd Augustinus ne hæreticos quidem ausuros arbitratus est, illud liberè iam nō tantum disputatur, sed publicè scribitur et editur, idq; non in Philosophica aliqua palæstra, sed in sacrosancta, si dīs placet, & œcumenica Tridentina synodo. Sleidanus scribit, anno 1552. Franciscanum quendam, Tridenti feruente concilio, pro concione publicè, cum 2. caput ad Romanos explicaret, docuisse, eos qui Christi cognitionem non habuissent, si modò honeste uixissent, salutem esse consecutos. Et ille quidem tunc docere desijt, quasi Patribus dogma illud non probaretur. Sed iam Andradius publico scripto, quod in ipso concilio composuit, sententiam illam probat & defendit. Et ego sanè æquius iam fero, quòd tumida Andradij acerbitate tam contumeliosè proscindar & flageller: cum hoc modo prodamur talia concilij mysteria, ex quibus lectores euidentius, quàm ex scriptis decretis intelligere possunt, quæ opinionones in intimis concilij penetralibus, de religio-

ne agitate fuerint: qualem doctrinæ reformationem quæsiuerint, & quàm insidiosè plurima in decretis suis posuerint & occultârint. Non facile quis animaduertetet, prophanam illam opinionem in decretis istis latere: et ut maximè quis tale quid suspicaretur, multi clamitarent, inuidiæ conciliandæ gratia, decretis hoc affingi. Sed habemus iam aduocatum & interpretem concilij Andradium, explicantem primum capitulum sextæ Sessionis, quomodo homo suis operibus quæ per humanæ naturæ uires fiunt, iustificari non possit. Quod enim ex Clemente notaueram, quosdam philosophia iustificatos: hoc Andradius ita explicat: ipsam quidem philosophiam nunquam habuisse uim ad iustificandum, sed ad iusticiam comparandam fuisse olim Græcis necessariam. Diuinum enim numen, philosophiæ ministerio usum fuisse, ut homines excellentissimæ illi disciplinæ deditos, clarissimis iusticiæ ornamentis illustraret. Intelligit autem non Ethnicam iusticiam, sed Christianâ, quæ ad uitam eternam perducit.

Quid item 7. Canon de eo qui ninitur se disponere ad gratiam, uerbis obscurioribus uelit, Andradius apertè explicat, declarans illud Clementis, quòd Philosophia sit pædagogia ad Christum. hæc enim sunt eius uerba: Philosophiæ meditatio, quia mentem Dei cognitione illustrat, pietate informat, uirtutumq; institutis & amore exornat,
ad Euan-

ad Euangelium quodammodo uiam munit. Animus enim qui ex philosophia (de illa enim Andradius loquitur) uera Dei cognitione, uirtutumq; luminibus, est illustratus, atq; in diuinarum rerum contemplatione satis uersatus, facilius quidem ad reliqua fidei mysteria adduceretur, &c. Et philosophia sanè, si intra suos terminos se contineat, suus, & quidem honestus in uita humana locus tribuendus est: sed nullo modo est commiscenda cum doctrina Ecclesiæ, in ijs quæ sunt spiritus. Paulus enim dicit 1. Cor. 1. Græcis doctrinam Euangelij esse stultitiam. et capite 2. Homo ψυχικός non capit ea quæ sunt spiritus. Stulticia enim sunt illi, & non potest agnoscere. 2. Cor. 10. dicit, omnem intellectum captiuandum esse in obsequium Christi: quia φρόνημα carnis, mimicitia est aduersus Deū. Ro. 8. Et ideo Col. 2. uocat συλᾶγως γίᾳ: quando etiam uera philosophia extra suos terminos, possessionem doctrinæ Ecclesiæ inuadit. Et de ueris philosophis dicit Tertullianus, philosophos esse patriarchas hæreticorū, qui Ecclesiæ puritatem doctrina sua commaculârunt.

SCRIPTURAE SENTENTIAE DE operibus infidelium.

Sed redeamus ad disputationem de operibus infidelium. Desinet autem iam lector mirari, quòd Pontificij renatorū operibus, perfectionem & meritum uitæ æternæ ex condigno tribuant, quodq; de pec-

de peccatis fidelium tam leuiter sentiant. Nam & infidelium opera, docent posse omnis culpæ esse uacua: non solum ut non peccent, sed ut per illa saluentur ethnici. Vt autem doctrina hæc de operibus infidelium rectè explicari possit, accuratè distinguenda sunt ea quæ sunt opera creationis Dei in homine adhuc reliqua, ab illis quæ per peccatum ingressa sunt: sicut monet Augustinus contra Iulianum lib. 4. cap. 3.

Primò igitur quæ sunt opera Dei reliqua in homine, discernenda sunt à per se uitiosis. Augustinus ita dicit: Anima & corpus, & quæcunq; bonæ animæ & corporis naturaliter insita, etiam in peccatoribus, dona Dei sunt: quoniam Deus, non ipsi ista fecerunt. Ita noticia numerorum, noticia legis naturæ, & omnis ueræ noticiæ, in homine sunt per se, & suo ordine res bonæ: artes etiam & leges ueræ, inde extractæ, sunt res bonæ. Ita alij affectus in homine, sunt lege Dei prohibiti: alij lege Dei præcepti.

Secundò, huic distinctioni addendum est quod Augustinus inquit De natura & gratia, capite tertio: Omnia bona quæ natura habet, in formatione, uita, sensibus, mente, &c. à summo Deo creatore et artifice suo habet. Vitiū uerò q̄ ista naturalia bona cōtenebrat et infirmat, ut illuminatiōe et curatiōe opus habeat, ex originali peccato cōtractū est. Naturalia igitur bona, q̄ adhuc in homine
reliqua

§44 EXAMEN DECRETORVM

reliqua sunt, uariè & horribiliter per peccatum uitata, lesa & contaminata sunt. Spoliati enim sumus donis naturæ integræ: & insuper tristis sciatio & prauitas, contaminauit etiam illa quæ per se in natura bona sunt. Et propterea Scriptura non tantum figmentum cordis dicit malum esse, sed Ieremias pronunciat ipsum cor esse prauum.

Vocatur mens carnis, Coloss. 2. Mens polluta, Tit. 1. Vanitas mentis, obsurdatio cordis, obscuratio mentis, Eph. 4. Sapiencia terrena, *ἡ σοφία τοῦ αἰῶνος*, demoniaca, Iacob. 3. Ideo etiam Paulus dicit 1. Corin. 15. Caro & sanguis regnum Dei possidere non possunt. Et propterea uocatur renouatio mentis, Romanor. 12. Imò renouatio totius hominis, Coloss. 3. 2. Corint. 4. &c. Et tamen manet discrimen inter ipsam naturam, & inter uitium quo per peccatum deprauata est natura. Nam quæ per se uitiosa sunt, in renouatione mortificanda & extinguenda sunt. Ipsa uerò natura per gratiam non extinguitur aut aboletur, sed illuminatur, sanatur, purificatur & reparatur.

Tertia quæstio est de ipsis actionibus non renatorum. Et hoc discrimen manifestum est. Quædam actiones sunt genere suo uitiosæ, & lege Dei prohibite. Quædam suo genere non sunt uitiosæ: ut inuentiones & tractationes artium, constitutiones honestarum legum, uirtutes politicæ, ethicæ, æconomicae, &c. Nam etiam non renatos ali-

quo

quo modo posse externā disciplinā præstare, et externa flagitia pugnantiā cum externa disciplina cauere, in loco de Libero arbitrio ostēdemus. De illis igitur actionibus quæ suo genere honestæ & bonæ sunt, est quæstio. Et magnam habent uirtutes illæ, etiam in ethnicis speciem: sicut Aristoteles dicit, nec hesperum, nec luciferum formosiorē esse iusticia. Certum est etiam, Deum uelle coerceri externa disciplina omnes homines, etiam non renatos: & propter disciplinæ conseruationem, Deus Magistratus præfecit generi humano: uult legibus homines regi, uult supplicijs puniri uiolatores disciplinæ. Et quia imperia nec constitui, nec non seruari possunt, sine excellentibus politicis uirtutibus: Deus propter imperia reprimat tyrannidem diaboli, miscens omnia libidinibus & sceleribus: & excitat peculiare heroicos motus & impetus, in quibusdam etiam non renatis, ad excellentes politicas uirtutes. Quomocunq; autem illa actio Dei in non renatis appelletur, non pugno: modò id quod certum & necessarium est, retineatur: ut scilicet distinguatur à gratia iustificationis, regenerationis, renouationis, sanctificationis in credentibus per Spiritum sanctum. Ita Augustinus epist. 130. Polemonis continentia disputat esse donum Dei. Et contra Iulianum lib. 4. cap. 3. inquit: Quanto tolerabilius, illas quas dicis in impijs esse uirtutes, diuino muneri potius, quàm eo-

rum tribueris tantūmodo uolūmati, licet ipsi hoc nesciam. Et de Ciuitate Dei libro 5. disputat Romanos per uiam uirtutis contendisse ad gloriam, honorem & imperium. Et dicit capite 15. Si Deus neq; hanc eis terrenam gloriam excellentissimi imperij concederet, non redderetur merces bonis artibus eorum, id est uirtutibus, quibus ad tantam gloriam peruenire nitebamur. De talibus enim, qui propter hoc boni aliquid facere uidentur, ut glorificentur ab hominibus, etiam Dominus ait: Amen dico uobis, receperunt mercedem suam.

Actiones igitur uirtutum in non renatis, suo genere & per se non sunt uitiosae: hoc est, ipsa materia seu substantia actionum non est mala: aut quibuscunque alijs uerbis hoc exprimitur. Heroicos etiam illos motus excellentium uirtutum in ethnicis, à Deo excitari, Augustinus sentit: quibus etiā utatur ad constitutionem imperiorum, & ad conseruandam seculi creaturam.

Sed iam 4. quæ principalis est quæstio restat. Ex his enim quæ diximus, uidetur consequi, uirtutes illas in non renatis non esse peccata, sed bona opera. Sed facilis est declaratio, ex ijs quæ suprā dicta sunt. Quæ natura adhuc reliqua habet ex prima creatione, in formatione, uita, sensibus, mente, &c. per se sunt bona: sed per peccatum sunt sauciata, uitata & contaminata. Ita Augustinus

Augustinus eruditè respondet, ad bonum opus requiri, non tantum ut aliquid fiat quod suo genere bonum sit: sed præcipuè ut bene fiat. Possunt enim, inquit, aliqua bona fieri non bene facientibus, à quibus sum. Vt bonum est, subuenire periclitanti: sed ille qui hoc facit, si amando gloriam hominum magis quàm Dei facit, non bene bonum facit: quia non bonus facit, quod non bona uoluntate facit. Et ex hoc fundamento, quæstio illa de operibus non renatorum clarissimè explicari potest, si eam ex sententijs uerbi Dei diiudicare uolumus. Duobus enim modis infidelium uirtutes erunt non bona opera, sed peccata coram iudicio Dei.

Primum, ratione finis. Eleganter enim dictum est ab Augustino, Non officijs, sed finibus à uitijs discernendas esse uirtutes: item non actibus, sed finibus pensari officia, Et addit: Cum itaque facit homo aliquid, ubi peccare non uidetur, si non propter hoc facit, propter quod facere debet, peccare conuincitur. Veræ autem uirtutes Deo seruiunt in hominibus, à quo donantur hominibus. Quicquid igitur boni sit ab homine, & non propter hoc sit, propter quod fieri debere, uera sapientia præcipit: & si officio uideatur bonum, ipso non recto fine peccatum est. Probat autem ethnicos uirtutes suas nõ retulisse in Deum, sed uel ad uoluptatē, uel ad auariciā, uel ad ambitionē. Iniu-

stum autem & sacrilegum est, uirtutes debere uitijs, ut sunt uoluptas, auaricia, ambitio, seruire.

Secundò, Infidelium opera non inter uerè bona opera, sed inter peccata recensenda esse, inde probatur. Verè enim bona opera debent seruire Deo, non in uetustate literæ, sed in nouitate spiritus, quando is legem scribit in corda credentium. Opera igitur quæ uetus homo qui spiritu sanctificationis non est renouatus, facit, non sunt uerè bona opera. Neq; enim fructus bonus est, qui de caritatis radice nõ surgit: sicut copiosè illud disputat Augustinus in libro de Spiritu et litera. Vbi concedit quidē, gentes naturaliter aliqua legis uel facere, uel sapere: sed inter uerè bona opera numeranda esse, cōstanter negat. Cōditiones enim boni operis, à Paulo describuntur: caritas ex corde puro, consciencia bona, & fide non ficta. 1. Tim. 1. Caritas autem est fructus spiritus, Gal. 5. Fide purificantur corda. Act. 15. Sanguis Christi emundat conscienciam. Heb. 9. Item Ephes. 4. Dei factura sumus, creati in Christo Iesu, ad bona opera quæ præparauit, ut in illis ambulemus: 1. Pet. 2. Offerentes hostias spirituales, acceptabiles Deo, per Iesum Christum: Rom. 12. Reformemini renouatione mentis, ut probetis, quæ sit uoluntas Dei bona, beneplacens & perfecta. Hæ uerò conditiones cum in non renatis non sint, uirtutes illorum nullo modo possunt inter bona opera numerari. Augustinus

stinus uerò longius adhuc progreditur, & comen-
dit, impiorum uirtutes non tantum non esse uerè
bona opera, sed probat numerandas esse inter pec-
cata: idq; ex his fundamentis: Mala arbor non po-
test facere nisi fructus malos: id est, sola peccata.
Hæc sunt Augustini uerba. Item: Omne quod non
est ex fide, peccatum est. Quam sententiam osten-
dit Augustinus, non de cibis tantum loqui, sed esse
generalem. Item: Sine fide impossibile est Deo pla-
cere. Matth. 12. Aut facite arborem bonam, & fru-
ctus bonos: aut facite arborem malam, & fructus
eius malum. Priusquam autem inseramur Chri-
sto, sumus oleastri, hoc est malæ arbores. Rom. 11.
Et in prophetis Deus ubiq; etiam speciosissima o-
pera reiecit, quæ fiunt à persona non reconcilia-
ta, ex corde impio, quod est sine timore Dei, sine
fide & dilectione Dei. Isaia 1. Incensum, abomina-
tio est mihi: sollemnitates uestras odiuit anima mea.
Cap. 66. Qui immolat bouem, quasi qui interfici-
at uirum. Prouerb. 15. Sacrificium impiorum, a-
bominatio. Et hæc dicuntur de operibus sacrifi-
ciorum à Deo institutis, quando uel sine non re-
cto, uel ex corde impio fiebant. Omnium autem
non renatorum corda, sine Spiritu sancto, sunt si-
ne timore Dei, sine fiducia erga Deum, & sine di-
lectione Dei. Igitur sunt impia. Origenes explicās
illam Pauli sententiam: Quicquid non est ex fide,
peccatum est: dicit hæreticorum opera uerti in

350 EXAMEN DECRETORVM

peccata, eo quòd illorum fides non sit uera. Et citat illud Psalmi: Fiat oratio eius in peccatum. Huc pertinet etiam quod Paulus inquit Tit. 1. Omnia munda mundis: coinquinatis autem et infidelibus nihil est mundum, sed coinquinata est ipsorum mens & conscientia. Et Ioan. 16. Spiritus sanctus arguet mundum de peccato, quòd non credunt in me. Hæ Scripturæ sententiæ nec obscuræ, nec ambiguae sunt: quæ ostendunt, infidelium opera, quantumuis speciosa, coram iudicio Dei peccata, censer: non tantum propter aberrationem in causa finali, sed potissimum propter causam efficientem & formalem. Quòd uerò clarissimas illas Scripturæ sententias, in iudicando non libenter sequimur, inde fit: quia cum pharisaico rationis nostræ iudicio non consentiunt. Et sicut Augustinus inquit, epistol. 99. Quadam indole animi delectant illæ ethnicorum uirtutes, ut non libenter illas damnemus. Sed profectò quid coram iudicio Dei sit peccatum, nō aliunde, nisi ex ipsius uerbo discendum est. Nec leue est flagitium, docere, infidelium opera esse omnis culpæ uacua, aut nulla culpa contaminata. Quod enim nulla culpa contaminatum est, non potest non Deo placere. Et Augustinus Iuliano inquit: Introducis hominū genus, quod placere Deo possit, sine fide Christi, lege naturæ. Hoc est unde uos maxime Christiana detestatur Ecclesia. Hæc Augustini uerba lector diligenter

CONCILIÏ TRIDENTINI. 531

diligenter expendat. agnoscat enim inde, quàm sit detestabilis illa opinio, quàm Andradius in ipso Concilio defendere non ueretur.

ARGVMENTA ADVERSARIA.

Ex his fundamentis & res ipsa intelligi, & obiectiones rectè explicari possunt. Actiones per se & suo genere non sunt uitiosæ aut malæ. Quomodo igitur fiunt peccata? Respondeo. Sicut cordis substantia, quatenus est Dei creatura, bona est: sed propter uitium peccati, prauū uocatur, I. r. m. 17. ita actiones quæ suo genere non sunt uitiosæ, in impijs polluantur & contaminantur, quia sūt à persona nec reconciliata, nec renouata, sed uitiosa & reæ. Et Deus iudicat non iuxta externū opus, sed cor respicit. Officia etiā nō actib. sed finibus pensantur. Hæc doctrina retinenda est, ut cognoscamus, quanta sit humane naturæ per peccatū deprauatio: quæ opera etiam per se bona contaminat, & in peccatum uertit in non renatis. Ita August. obijcit Iulianus: Si genilis nudū operuerit: nunquid, quia non est ex fide peccatū est. Respondet August. Prorsus in quantū nō est ex fide, peccatum est: non quia factum per seipsum, quod est nudum operire, peccatum est: sed de tali opere non in Domino gloriari, solus impius negat esse peccatum. Item: Quod si ipsa misericordia p seipsam naturali compassione op^o est bonū, etiam isto bono malè utitur, qui in fide inter utitur:

Et hoc bonum malè facit, qui infideliter facit: qui autem malè facit, aliquid profectò peccat. Ipsorum igitur sunt peccata, quibus et bona malè faciunt: quia ea non fidei, sed infidei, hoc est stulta et noxia faciunt uoluntate: qualis uoluntas, nullo Christiano dubitante, arbor est mala: quæ facere non potest nisi fructus malos, id est sola peccata. Omne enim, uelis nolis, quod non est ex fide, peccatum est. Hæc Augustinus.

Altera obiectio est: Si excellentes uirtutes in Ethnicis, sunt peculiaria dona et opera Dei: ergo non sunt peccata.

Respondet Augustinus: Quatenus sunt bona, à Deo sunt, qui etiam impiorum malis bene utitur: à quo etiam per malos fit bonum. Fiunt autem in infidelibus peccata: quia ea quæ sunt insignia dona Dei, pollunt et contaminant, et illis abutuntur.

Tertia obiectio est Erasmi: Num igitur, inquit, quando Socrates mores honesta disciplina gubernat, idem est coram Deo, ac si uel sororem stuprasset, uel matrem ueneno sustulisset? Respondeo: Certissimum est, non omnia peccata, etiam in non renatis, esse paria. Tolerabilius enim erit Sodomæ in die iudicii, quàm Corazin: Matth. 11. Sed inde non sequitur, opera moralia non renatorum esse bona, uel non peccata. Nam sicut Augustinus dicit: Qui boni non sunt, possunt esse alij minus, alij magis

magis mali. Item: Ad hoc eos in die iudicij cogitationes defendent, ut tolerabilius puniantur: quia naturaliter quæ legis sunt, utcunq; fecerunt. Minus enim Fabricius quàm Catilina punietur: non quia iste bonus, sed quia ille magis malus: & minus impius quàm Catilina Fabricius, non ueras uirtutes habendo, sed à ueris uirtutibus non plurimū deuiando. Hæc Augustini sententia de operibus non renatorum, manifestissima est, ex certis & firmis Scripturæ testimonijs extructa: quam alibi etiam sæpe repetit, ut de Ciuitate Dei lib. 5. per aliquot capita. lib. 19. cap. 25. in Psalmum 31. Et lib. 3. ad Bonifacium, cap. 5. Catholica fides iustos ab iniustis, non operum, sed ipsa fidei lege discernit: siue qua quæ uidemur bona opera, in peccata uertuntur. Et epistola 99. inquit: Virtutes gentilium quadam indole animi ita delectant, ut eos in quibus hæc fuerunt, uellemus præcipuè ab inferni cruciatibus liberari: nisi aliter se haberet sensus humanus, aliter iusticia creatoris.

Ambrosius de Vocatione gentium lib. 1. cap. 3. Sine cultu ueri Dei, etiam quod uirtus uidetur esse, peccatum est: nec placere ullus Deo sine Deo potest. Prosper de Vita contemplatiua lib. 3. cap. 1. Apostolus non dixit: Omne quod non est ex fide, nihil est: sed dicendo, Peccatum est, declarauit quòd si non fuerunt ex fide, non sunt aliqua bona credenda, sed uitia: quæ non iuuant suos opera-

554. EXAMEN DECRETORVM

rios: sed condemnant, inflatosq; precipitant, atq;
à finibus aeternae salutis eliminant.

Anselmus in 14. cap. Rom. Omnis uita infidelium, peccatum est: et nihil bonum sine summo bono. Hanc sententiam à Longobardo citatā Scholastici scriptores dicunt nimis duram esse. Postulator quidam dicit esse crudelem.

Et hæc cum ita se habeant, cogitet lector, quo nomine appellandum sit, quod concilium Tridentinum non ueretur ita statuere canone 7. Si quis dixerit, omnia opera ante iustificationē, facta, peccata esse, anathema sit. Anathema igitur dicunt Augustino, Ambrosio, Prospero, Anselmo: imò ipsi Scripturæ, quæ affirmat, quicquid non est ex fide peccatū esse. Andradius Augustini sententiā ita deprauat, quasi sentiat, illa solā infidelium opera peccata esse, quæ sine heroicis motib. diuinitus excitatis fiunt. Sed hoc impudens est mendaciū. Totā enim Augustini disputatio, in singulis ferme uersibus diuersum clamat. Frustra uerò hoc quis miretur, cum Andradius philosophis uerā fidē, Paulinā iusticiā, et uitā aeternā tribuere nō uereatur. Pretus enim sua grandiloquentia transfert in se illud Psalmi: Linguā nostrā magnificabimus, labia nostra nobiscum sune: quis noster Dominus est? Cur ego adiungo alterū uersum qui in eodem Psalmo extat: Disperdat Dominus omnia labia dolosa, et linguam magniloquam: Amen, Amen.

Et ne

CONCILIUM TRIDENTINUM 333

Et ne quis in hac disputatione, illud Pauli cogitet: Quid ad nos, de ijs qui foris sunt, iudicare? Certè animaduertit lector, agi in hac disputatione de puritate uel deprauatione doctrinae, de peccato, de fide, de iustificatione, de renouatione per Spiritum sanctum, de bonis operibus, &c. Et breuiter, MERITUM CONGRVI ^{est} Helena illa, de qua canon iste Tridentini concilij, contra Scripturæ & antiquitatis sententiam dimicat.

DE LIBERO ARBITRIO.

Ex Decretis Sextæ sessionis Tridentini concilij.

CAPVT II.

De dispensatione, & mysterio aduentus Christi.

Quo factum est, ut cœlestis pater, pater misericordiarum, & Deus totius consolationis, Christum Iesum filium suum & ante legem, & legis tempore multis sanctis patrib. declarata-

356 EXAMEN DECRETORVM
claratum ac promissum, cum uenit
beata illa plenitudo temporis, ad homi-
nes miserit: ut & Iudaeos qui sub lege e-
rant, redimeret: & Gentes, quæ non se-
ctabantur iusticiam, iusticiam appre-
henderent: atq; oēs adoptionē in filio-
rum reciperent. Hunc proposuit Deus
propiciatorem per fidem, in sanguine
ipsius, pro peccatis nostris: non solum
autem pro nostris, sed etiam pro totius
mundi.

Caput VI. Modus præpa- rationis.

Disponuntur autem ad ipsam iusti-
ciam, dum excitati diuina gratia, &
adiuti, fidem ex auditu concipientes,
liberè mouentur in Deum: credentes
uera esse quæ diuinitus reuelata &
promissa sunt, atq; illud in primis, à
Deo iustificari impium, per gratiam
eius,

eius, per redemptionem quæ est in Christo Iesu: & tamen peccatores se esse intelligentes, à diuinæ iusticiæ timore, quo utiliter concutiuntur, ad considerandam Dei misericordiam se conuertendo, in spem eriguntur: fidentes, Deum sibi propter Christum propitium fore: illumq; tanquam omnis iusticiæ fontem, diligere incipiunt: ac propterea mouentur aduersus peccata, per odium aliquod & detestationem, hoc est per eam pœnitentiam, quam ante baptismum agi oportet. Deniq; proponunt suscipere baptismum, inchoare nouam uitam, et seruare diuina mandata. De hac dispositione scriptum est: *Accedentem ad Deum, oportet credere quia est, & quod inquirentibus se remunerator sit. & Confide fili, remittuntur tibi peccata tua. & Timor Domi-*

259 EXAMEN DECRETORVM
Domini expellit peccatum. &: Pœni-
tentiam agite, & baptisetur unusquis-
que uestrum in nomine Iesu Christi, in
remissionem peccatorum uestrorum, &
accipietis donum Spiritus sancti. &:
Euntes ergo, docete omnes gentes, ba-
ptisantes eos in nomine patris & filij
& Spiritus sancti, docentes eos serua-
re omnia quaecunque mandavi uobis.
denique: Preparate corda uestra Do-
mino.

CANON II.

Si quis dixerit, ad hoc solum diui-
nam gratiam per Christum Iesum
dari, ut facilius homo iuste uiuere,
ac uitam æternam promereri possit:
quasi per liberum arbitrium sine gra-
tia, utrumq; sed ægrè tamen & diffi-
culter possit, anathema sit.

CANON III.

Si quis dixerit, sine præueniente
Spiritus sancti inspiratione, atq; eius
adiuto.

• CONCILII TRIDENTINI. 339
adiutorio hominē credere, sperare,
diligere, aut pœnitere posse sicut o-
portet, ut ei iustificationis gratia cō-
feratur, anathema sit.

CANON IIII.

Si quis dixerit, liberū hominis ar-
bitriū à Deo motū & excitatū, nihil
cooperari assentiendo Deo excitā-
ti atq; uocanti, quo ad obtinendā iu-
stificationis gratiā se disponat ac pre-
paret: nec possedissentire, si uelit, sed
uelut inanime quoddam nihil omni-
no ager e, mereq; passiuē se habere,
anathema sit.

CANON V.

Si quis liberum hominis arbitriū,
post Adæ peccatum, amissum & ex-
tinctum esse dixerit, aut rem esse de
solo titulo: imò titulū sine re, figmen-
tum deniq; à sathana inuectū in Ec-
clesiam, anathema sit.

CANON VI.

Si quis dixerit, non esse in po-
testate hominis uias suas malas fa-
cere, sed mala opera ita ut bo-
na Deum operari: non permis-
sue

560. EXAMEN DECRETORVM
siuè solum, sed etiam propriè & per
se, adeò ut sit eius proprium opus,
non minus proditio Iudæ, quàm uo
catio Pauli, anathema sit.

EXAMEN.

Omnino multum refert, ut doctrina de libero
arbitrio, in Ecclesia contra omnes corruptelas
extet, rectè, propriè & perspicuè, ex ueris Scri
pturæ fundamentis exposita. Neq; enim rectè in
telligi, aut piè usurpari poterit quod Scriptura
tradit de tota hominis cōuersione, de pœnitentia,
de fide, de noua obedientia, de spiritu gratiæ &
precum, de corruptione humanæ naturæ per pec
catum, & de beneficijs filij Dei per Spiritum san
ctum: quomodo dona Dei accipiantur, quomodo
conseruentur, uel amittantur, quomodo crescant
uel deficiant, &c. nisi pro puritate doctrinæ hu
ius loci, sicut extat in fontibus Prophetis & Apo
stolicis, contra quasq; corruptelas, in Ecclesia
dimicemus. Et sicut proposito fine, necessaria est
deliberatio de ijs quæ ad finem perducunt: an, quo
modo, unde, & quibus auxilijs ea effici possint, ut
finem monstratum assequamur: ita quia Scriptu
ra monstrat doctrinam de reuincatione cum
Deo, de remissione peccatorum, de salute & uita
eterna, de pœnitentia, fide, oratione, noua obe
dientia,

dientia, &c. omnino necessarium est scire, an & quomodo illa possint præstari et effici. Et historia omnium temporum ostendit, tristissimam ruinam in præcipuis doctrinæ coelestis articulis secutam in Ecclesia, quando in hoc loco admissa est *εργασία διασκαλίσχ*, à forma sanorum uerborum Scripturæ discessum fuit. Rectè uerò explicatus hic locus, hominem in seriam agnitionem sui, & ad ueram humilitatem deducit: ut agnitis morbis & infirmitatibus, intelligat quare, quomodo & quantopere opus sibi semper sit medico filio Dei.

Et propter has causas inimicus ille, superseminans zizania, huic loco præ cæteris infestus est: unde etiam uarijs artificijs & sophismatis, omnibus temporibus illum deprauare tentauit. Ipsa sanè doctrina, perspicuè, uerbis non ambigujs in Scriptura tradita est: sed misera natura, stulta sui admiratione fascinata, non facile patitur se ita deiici, ut in rebus & actionibus spiritualibus, omnia gratiæ Dei accepta ferantur. Rectè uerò Augustinus inquit, de Natura & gratia cap. 53. Quid tantum de naturæ possibilitate præsumitur? uulnerata, sauciata, uexata, perdita est. Vera confessione, non falsa defensione opus habet.

VARIAE COGNATAE QVAESTIONES de Libero arbitrio.

Et quidem decreta Tridentina, meris æquiuocationibus in uocabulo liberi arbitrij ludūt: ut lecto-

rem perturbent, res ipsas inuoluant & obruant. Quando enim sine ordine & distinctione miscentur disputationes, de ipsa substantia uoluntatis, de qualicunque eius libertate in externis, de uitiosis actionibus, et de renouata uoluntatis libertate: quomodo controuersia tam grauis recte explicari potest? Illa igitur æquiuationum sophismata, prius remouenda sunt, ut ad uerum controuersie huius statum, sine ambiguitate peruenire possimus: ita enim postea facilis & perspicua erit explicatio. Et primò non est in hoc loco disputatio, de potètia animæ uegetatiua, sensitiua, & locomotiua: sed de parte cognoscente, & appetente: hoc est, de mente seu intellectu, & de uoluntate hominis. Secundò, Si liberū arbitrium, sicut Gabriel disputat, accipitur pro ipsa substātia uoluntatis, cōnotata etiā essentia mentis seu intellectus: sanè euidentissimū est, ipsam substantiā mentis et uoluntatis, per peccatū originale licet miserè deprauatā, uitiatā & inquinatam, non tamen prorsus amissam, extinctam & abolitā esse. In hac igitur significatione negare hominem habere liberū arbitrium, idem est ac si quis disputare uellet, hominē esse animal inanime, brutum & irrationale: quod uerè esset cū ratione insanire. Tertiò, Liberum arbitriū propriè significat δύναμις, potentiā, uim & facultatē mentis & uolūtatis, qua discernitur ab ijs quæ sine mētis cogitatione seu deliberatione, sine uolūtatis aliqua electio-

electione & expetitione, uel naturaliter agunt, uel uiolenter impelluntur. Et in hac etiā liberi arbitrij significatione, non difficilis est explicatio. Peccatū enim originale, substantiā humanæ mentis & uoluntatis nō ita deprauauit, ut in homine nō renato mens & uoluntas, nullos prorsus habeāt motus uel actiones. Nec talis est deprauatio, quod mēs & uoluntas nō renata, sine cogitatione, deliberatione, iudicio, electione, expetitione seu auersione moueantur & agāt, sicut ea quæ uel naturaliter agunt, uel uiolenter impelluntur. Hæc enim proprietas ex prima creatione aliquo modo adhuc reliqua est: quod in ijs quæ mēte & uolūtate agūtur, homo iudicat, discernit, eligit, expetit, auersatur, reijcit, et actionem aliquā externis mēbris uel imperat, uel prohibet, uel suspendit. In hanc sententiā multa disputat Ambrosius, siue is Prossper est, de uocatione gentium lib. 1. cap. 3. ubi dicit: Iudiciū uoluntatis deprauatum, non ablatum est. Item: Homo à diabolo, non uoluntate spoliatus est, sed uoluntatis sanitate priuatus est. Et nihil aliud uult Bernhardi disputatio de libertate à necessitate, hoc est à coactione.

Iustinus Apologia 2. ponit hanc distinctionem: Quædā mouentur sine iudicio, sicut lapis mouetur deorsum: quædam mouentur iudicio, sed nō libero: ut ouis uidēs lupū, iudicat eum fugiendū, ex naturali instinctu, nō ex deliberatione: nec potest eligere an uelit nō fugere. Homo uerò per potentiā intelli-

gentem, iudicat aliquid fugiendum uel prosequendum. Et quia ex collatione quadam rationis eligit actiones, nō ut ouis: ideo liberi dicitur arbitrij. Sed hæc prudēter sunt discernenda, in quibus obiectis, rebus seu actionibus, mens & uoluntas facultates illas ex se, aut natura sua habeant, & quatenus illas habeant. Quartum igitur est, quod in ijs rebus quæ in hac naturæ corruptione sensib. & rationi adhuc subiectæ sunt, mens aliquo modo potest cogitare, instituere deliberationē, iudicare, discernere probare, uel improbare. Voluntas aliquo modo potest ea quæ à sensu uel ratiōe mōstrata sunt, uelle aut nō uelle, eligere aut non eligere, expetere uel auersari, certas actiones imperare uel prohibere externis membris, actionē uel suspēdere, uel mutare. Et hoc est quod uulgò dicimus, Homines non renatos posse aliquo modo externam disciplinam præstare: Hoc est, externa honesta opera cum lege Dei congruentia facere, & uitare contraria scelera.

In hisce autem obiectis, tales facultates aliquo modo adhuc reliquas esse in hac deprauata natura, testantur multa præclara exempla Ethnicorū. Testatur hoc tota gubernatio politica, & experientia in singulis hoc euidenter ostendit. Et ex ipsa Scriptura idem probatur Romanorum secundo, Gentes quæ non habent legem, naturā ea quæ legis sunt faciunt.

Rom. 10. Qui Dei iusticiam ignorant, suum con-
nantur

nantur stabilire. Philip. 3. Paulus ante conuersionem dicit, se secundum iusticiam quæ in lege est, conuersatum fuisse sine querela.

Huic uerò libertati, multa uaria & magna obijciuntur impedimenta. Dona enim illa naturalia, quæ reliqua sunt in natura corrupta, sauciata, & uarijs modis, etiam quo ad externam disciplinam, deprauata sunt.

Aristoteles 7. Ethicorum, cap. 3. disputat, quid fiat, quod homines sæpe faciant ea quæ sciunt esse uitiosa. Vt illam generalem noticiam mens non negat, Non occides: sed per ~~u~~erbos, hoc est, per contumaciam affectuum, eripitur menti particularis noticia: ut inimicum, in tali casu, hac occasione occidere. Ibi mens quærit excusationem & prætextus. Affectus igitur sæpe ruunt contra iudicium rationis, & rapiunt in suas partes etiã ipsam uoluntatem, licet reclamante primùm iudicio mentis: tandem uerò etiam ipsa mens ad affectus aliquo modo se inflectit, querens excusationes & prætextus.

Ad hoc impedimentum accedit tyrannis diaboli, qui efficax est in impijs, accendens & augens flammam cupiditatum, obiectis uarijs laqueis quibus homines implicat, ut tandem sequatur mens reprobam, Rom. 1. Et fiant ἀπειθήνορες, Eph. 4. In tantis etiam uitæ huius confusionibus, moles ipsa negotiorum et periculorum, turbat & impe-

dit gubernationē disciplinæ. Hæc necessariò addenda sunt, quando de facultatibus mentis, & uoluntatis, quæ ex prima creatione in hac etiā corruptione reliquæ sunt, disputatur.

Quòd si hoc modo, hoc sensu, & in hac significatione dicatur, hominem esse agens liberum, seu liberè agere, habere aliquam libertatem, siue liberum arbitrium: cum res sunt ueræ, de uocabulis nō ferendæ sunt λογισμαίαι. Sed tamē necessarium est, ad remouendas æquiuationes, ut addatur declaratio: quæ libertas, quibus in rebus, & quomodo sit intelligenda: quòd scilicet in externis, aliquam, qualemcunq; habeat libertatem homo non renatus, qua externam disciplinam aliquo modo præstare potest.

Quintò, De malis seu uitiosis actionibus, Augustinus rectè sentit & loquitur, De peccatorum meritis libro secundo, cap. 5. Ad peccandū nō adiuuamur à Deo: sed quod à Deo nos auertimus, nostrū est: & hæc est uoluntas mala. cap. 18. Et cōtra duas epistolas Pelagianorū, lib. 1. cap. 2. recitat Iuliani obiectionem: Ergo ne primi hominis peccato liberum arbitrium periit, ut omnes in peccatum carnis suæ necessitate cogantur? Respondet autem: Quis nostrū dicat, quòd primi hominis peccato perierit liberū arbitriū de genere humano. Libertas quidem periit per peccatum: sed illa quæ in paradiso fuit, habendi plenam cum immortalitate iusticiam.

sticiam. Liberum arbitriū uerò usq; adeò in peccatore non perijt, ut per illud peccent, maxime omnes qui cum delectatione peccant: & amore peccati, hoc eis placet, quod libet. Vnde et Apostolus: Cū essetis serui peccati, liberi fuistis iusticiæ. Ecce ostēditur etiā peccato minimè potuisse, nisi alia libertate seruire. Et cap. 3. Non itaq; sicut dicunt nos dicere, omnes in peccatum, ueluti inuiti carnis suæ necessitate coguntur. Sed si iam in ea ætate sunt, ut propriæ mentis utātur arbitrio, & in peccato suā uoluntate retinētur, & à peccato in peccatum suā uoluntate præcipitantur. Neque enim aliud agit in eis qui suadet & decipit, nisi ut peccatum uoluntate committant: uel ignorantia ueritatis, uel delectatione iniquitatis, uel utroq; malo, & cæcitatē & infirmitatis. Sed hæc uolūtas, quæ libera est in malis, quia delectatur malis: ideo libera in bonis non est, quia liberata non est.

Item in malo liberum habet arbitrium, cui delectationem maliciæ, uel occultus, uel manifestus deceptor inseruit, uel sibi ipse persuasit. De Ecclesiasticis capite uigesimoprimo: Vt labamur, potestatis nostræ est, & ignauia.

Verè autē misera est libertas, delectari peccatis. Et licet posse peccare, nō sit sine libero arbitrio: nihil enim carēs libero arbitrio, potest peccare: Anselmus tamē dicit, nec libertatē, nec partē esse libertatis, peccādi potestatē. Et Augustinus in Euchi-

ridio, cap. 30. Qualis quæso potest serui addicti esse libertas, nisi quando eum peccare delectat: Liberaliter enim seruit, qui sui Domini uoluntatem libenter facit: ac per hoc ad peccatum liber est, qui peccati seruus est. Et ad Bonifacium libro tertio, capite 8. Liberum arbitrium captiuatum, non nisi ad peccatum ualet. De uerbis Apostoli sermone. 13. Agis quidem Deo non adiuuante, libera uoluntate: sed male. Ad hoc idonea est uoluntas tua que uocatur libera, & male agēdo fit damnable ancilla. Cum dico tibi, Sine adiutorio Dei, nihil agis: nihil boni dico. Nam ad male agendum, habes sine adiutorio Dei, liberam uoluntatē: quam illa nō est libera: à quo quis enim deuictus est, huic & seruus addictus est: & omnis qui facit peccatum, seruus est peccati.

Et de Ciuitate lib. 14. cap. 11. inquit: Arbitrium uoluntatis tunc est uerè liberum, cum uitij peccatisq; non seruit.

Disputatum igitur est à quibusdam, an arbitrium hominis non renati, propriè possit dici liberum ad peccandū, uel in peccando? 1. Quia sicut iam dictum est, non est uera libertas, posse peccare. 2. Quia captiuitati & tyrānidi diaboli, subiecti sunt non renati. 3. Quia nō æqua inter bonū et malū facultate uersantur. 4. Quia opposita sunt, seruus et liber: sunt aut nō renati, serui peccati, sed de uocabulis, præsertim ἀγὲς & πόις, non est temere

temerè litigandum, quando de rebus ipsis constat
 & conuenit. Omnino tamen neceſſe eſt, quando
 dicitur, homines libero arbitrio peccare: addere
 doctrinam de tyrannide diaboli, & poteſtate tene-
 brarum, cui non renati ſubieſti ſunt. Et illa expli-
 canda eſt, ſicut deſcribitur Ephes. 12. efficax eſt in
 filiis diſſidentie. 2. Timoth. 2. captiui tenentur la-
 queis diaboli, ad ipſius uoluntatem. 2. Cor. 4. exce-
 cat mētes ne, &c. Acto. 5. Implet cor. Ioā. 13. immit-
 tit in cor. 1. Par. 1. commouet cor. Explicandum
 eſt & hoc, Arbitrium hominis non renati in pec-
 cando liberum eſſe: non ita, quaſi homo non rena-
 tus æquam habeat poteſtatem, ſicut ad peccandū,
 ita etiam ad non peccandū. Aliquo modo ſanè po-
 teſt, ſinit externam diſciplinā præſtare, ita etiam
 externa ſcelera cum diſciplina pugnantiā uitare.
 De interiori uerò immundicie & corruptione re-
 ctè dicitur; Mala arbor non poteſt niſi malos fru-
 ctus facere. Item: Quicquid non eſt ex fide, pec-
 catum eſt. Et huc pertinet diſtinctio, quæ apud Da-
 maſcenum & Bernhardum extat, inter neceſſitatē
 coactionis & immutabilitatis: quæ latius explica-
 ri, non eſt huius loci.

Illud uerò utiliter explicari poteſt, quare Au-
 guſtinus diſputet, hominem in malis habere libe-
 rum arbitrium: ne quis ſcilicet (ſicut inquit Augu-
 ſtinus de Gratia & lib. arb. cap. 2.) Deum cauſetur
 in corde ſuo: ſed ſibi quiſq; imputet cum peccat.

Deus enim licet naturam humanam, qualis est in hac corruptione, conseruet, præbens & sustentans uitam & motum: non tamen est causa peccati: hoc est, nec uult, nec efficit, nec adiuuat peccatum in homine: sed causa peccati, est uoluntas in diabolo & hominibus. Tyrannus etiam diaboli in impijs efficax est: non ita ut coactitia necessitate, per extraneum & uiolentum impulsum, sine rationali aliquo metu mentis, uoluntatis & cordis, ad peccandum, quasi obtorto collo rapiantur: sed (sicut Augustinus inquit) hoc agit diaboli tyrannis, ut congenitam delectationem iniquitatis, uel in sensibus, uel in affectibus moueat & excitet: ut ita ab homine, peccatum uoluntate committatur.

Tota igitur hæc disputatio de libero arbitrio in malo, huc referenda est: ne extra mentem, uoluntatem & cor hominis, queratur & ponatur causa & ratio peccati in impijs, in uiolenta quadam coactione extra hominem. Sed retinendum est quod Iacobus inquit: Nemo cum tentatur, dicat se à Deo tentari. unusquisque enim tentatur à concupiscentia sua abstractus & illectus. Deinde concupiscentia cum conceperit, parit peccatum. Illa etiam ualde difficilis & perplexa est disputatio: quòd etiam illa quæ fiunt contra Dei uoluntatem, non tamen præter eius uoluntatem, (sicut Augustinus loquitur) fieri possunt. Si enim
nollet

nollet illa fieri, nullo modo possent fieri. Sed quia Deus non est efficax causa peccati, mouens, impellens, cogens, uel adiuuans homines ad peccata: Augustinus pie & modeste loquitur, talia fieri Deo sinente, permittente, siue deferente. Et tamen addit contra Iulianum libro quinto, capite 3. siue alio quocunque modo, uel explicabili, uel inexplorabili: modo maneat, Deum esse bonum & iustum: hoc est, non esse causam peccati. Quod uerò de illa permissione Dei, quædam disputata sunt, ideo factum esse iudico: non enim ita intelligenda est, quales sunt tyrannorum permissiones, quæ coniunctam habent uoluntatem, uel adiuuantem, uel approbantem scelera. Nec ita intelligenda est, quasi Deus plane non curet, quando homines perpetrant scelera. Nec permissio illa ita est libera & soluta, ut plane non sit subiecta prouidentie Dei. Deus enim licet nec uelit, nec adiuuet, nec efficiat peccatum: determinat tamen metas, quousque & quamdiu sit permissurus, quando & ubi sit repressurus impios. Multas impiorum cogitationes, consilia & conatus impedit, inuertit, reprimit, uel propter Ecclesiam, uel ut ipse sibi exitium accersant.

Sæpe etiam malitia illa quæ ab ipsa hominum uoluntate oritur, & à diabolo inflammatur, Deus utitur. ad irrogandas meritis poenas, illis quos iusto suo iudicio uult uisitare.

Pessima

Pessima etiam impiorum consilia, & perniciosissimi conatus, Deus Ecclesiae & pijs, saepe uertit in bonum: & saepe etiam peccata, sunt poenae peccatorum.

Hæc certè sunt explicanda, quando de permissione Dei disputatur. Et tamen fixum & immotum manet discrimen, quòd in bonis operibus re-natorum, non tantum natura à Deo sustentatur, sed per Spiritum sanctum mens illuminatur, cor re-nouatur: & summa, Deus operatur, ut uelint & faciant Deo grata: siue (quod idem est) Deus uult, approbat, efficit & adiuvat bona opera in renatis. Hæc de peccatis dici nec possunt, nec debent.

Sed hæc peculiarem requirunt tractationem: quam Deo uolente aliàs dabimus. Nunc pauca quædam dicenda fuerunt, & propter sextum Tridentinum canonem: utq; commodius perueniremus ad constitutionem status, in controuersia de libero arbitrio. Non ignoro autem, quid à quibusdam de uoluntate & operatione Dei in actionibus hominum uitiosis disputetur. Sed quæ sit nostrarum Ecclesiarum sententia, 19. articulus confessionis, manifestè ostendit. Nihil igitur ad nos aculei illi pertinet.

Haftenus diximus de questionibus quibusdam, quæ ualde cognatæ sunt illi questionì, quæ principalis & præcipua est in controuersia de libero arbitrio. Illas uerò principio, peculiari explicatione

tione breuiter absoluere & discernere uolui. Video enim Tridentinum conciliū, mixtione & confusione illarum disputationum abuti: ut principalis status huius controuersie transponatur, perturbetur & obruatur: sicut postea ostendemus. Illis igitur separatis & sepositis, simpliciter & perspicue constituemus, quis sit uerus status, de quo principaliter in hoc loco disputatur & queritur. Et ut explicatio eo sit simplicior, planior & breuior: in aliquot capita distribuam ea, quæ ad constituendū statum pertinere uidebuntur.

PRINCIPALIS STATUS CONTROUERSIE DE LIB. ARBIT.

Principalis igitur questio, in controuersia de libero arbitrio, est de motibus & actionibus spiritualibus: siue de rebus diuinis, de operibus quæ ad Deum pertinent: ut cogitemus, uelimus & faciamus aliqua Deo grata, & animæ nostræ salutaria, de iusticia spirituali, de cultibus interioribus: siue alijs quibuscunq; uocabulis hæc explicentur. Spiritualia uerò intelliguntur hoc loco, quæ ad conuersionem hominis, fidem & pietatem pertinent: sicut illa in uerbo Dei, hoc est in lege & Euangelio proponuntur: ut agnitio & detestatio peccati, contritio, timor Dei, fide agnoscere, meditari, assentiri, desiderare, querere, uelle & accipere promissionem Euangelij, orare, consolatione se sustentare, &c. nouam obedientiam, dilectionem,

Etionem, spem, patientiam, & alias uirtutes, iuxta mandata Dei inchoare & præstare: luctari cum securitate, diffidentia, & contumacia: ueteris hominis passionibus & desideria crucifigere, actiones carnis mortificare, nouos motus & actiones, interiores & exteriores, congruentes uerbo Dei, inchoare & præstare: & ut in summa omnia comprehendantur, spiritualia hoc loco intelligimus, ea quæ lex & Euangelium nobis proponunt, in mente, uoluntate, corde & reliquis uiribus, inchoare, præstare, retinere & conseruare: & quidem eo modo, sicut uerbum Dei illa requirit: quantum quidem in huius uitæ infirmitate, per Spiritus sancti gratiam fieri potest. Nam & Pharisaica iusticia in hominibus non renatis, simile quid uel fingit, uel exterius præstat. Ideo expresse dicitur, quæstionem esse: Quomodo ea quæ lex & Euangelium nobis proponunt, rectè, uerè, seriò & breuiter, eo modo, sicut uerbum Dei præscribit, inchoari & præstari possint. Hæc aliquanto simplicius & crassius enumeravi: ut sine ambiguitate certum & manifestum sit, de quibus rebus siue obiectis in hac controuersia de libero arbitrio, principaliter disputetur.

Non enim quæstio est, an per lapsum extincta sit substantia animæ in homine, an in anima prorsus amissa sit potentia intelligens & appetens: nec quæstio est de disciplina rationis, nec de uitiis

tiosis actionibus: de quibus tamen questionibus, necessarie sunt declarationes. Sed principalis questio est, quomodo inchoari & præstari possint spiritualia illa, de quibus iam diximus. Misceri autem in hac disputatione sæpe alias questiones, ad turbandā doctrinæ simplicitatē notum est.

Valla disputat, num sit in hominis arbitrio, mouere pedem, uel dextrum, uel sinistrum. In Dialogis Hieronymi, Pelagianus dicit: Si uoluerō curuare digitum, an semper mihi necessarium erit speciale Dei auxilium?

Apud Augustinum de perfectione iusticiæ, Celestinus obijcit locum Pauli, 1. Corinth. 7. de libertate nubendi, Faciat quod uult. Augustinus uerò respondet: Quasi pro magno habendum sit, uelle nubere: ubi de adiutorio diuinæ misericordiæ operiosius disputatur. Ita multi disputant, hominem non esse truncum, saxum, aut brutum aliquod.

Alij liberum arbitrium hominis inde probant, quia Christus dicit: Volui te congregare, & noluisti. Quæ questiones, suo quidem loco declarandæ sunt: sed à principali statu huius controuersie ne is uel turbetur uel obruatur, separanda sunt.

Secundò. Vt status controuersie adhuc planius, remotis omnib. sophisticis cauillationib. cognoscatur, disertè custodiendū est & hoc: nouos motus in cōuersione non imprimi mēti, uolūtati et cordi,
sicut

sicut cæra imprimitur sigillum, ita ut nulli sequantur noui motus in mente, uoluntate & corde. Gratia enim operatur, non ut conuersio sit brutum aliquid in homine, sine motu & actione aliqua mentis, uoluntatis & cordis: sicut cum asina Bileam loquitur. nec est uiolentum aliquid: sicut cum saxum impellitur & protruditur, quod motum illum nec sentit, nec uult, nec intelligit. nec est enthusiasticum aliquid: sicut arreptitij olim reddebant oracula, quæ nec intelligebant, nec meminerant: uel sicut in obsessis diabolis saepe alligat motus & actiones mentis, uoluntatis, & cordis ipso-
rū: & ipse per eos multa loquitur & agit, ad quæ in obsessis nulla fit applicatio mentis, uoluntatis, uel cordis. Sed quia conuersio est motus quidam, & mutatio in mente, uoluntate, corde, etc. necessarium est, ut in uera conuersione fiant & sint motus reliqui: ut noticia & cogitatio de lege & Euangelio, desiderium, uoluntas & conatus assentiendi: unde oritur lucta cum securitate, diffidentia & contumacia ueteris hominis. Et summa, in conuersione oportet fieri & esse motus aliquos, & actiones, quibus incipiat fieri applicatio quedam mentis intelligendo, uoluntatis assentiendo, desiderando, uolendo, &c. & applicatio cordis serijs affectibus, ad ea quæ in lege & Euangelio nobis pronuntiatur. Vbi enim nulla prorsus fit & est mutatio in mente, uoluntate & corde, ubi nulla noua sequitur no-

tur noticia, cogitatio, nullus assensus, nullum desiderium, nullus conatus, nulla lucta, &c. sed totus homo in uniuersum repugnat, & opponit contrarium actum: & breuiter ubi nullo qualicumq; motu noticiæ, cogitationis, desiderij, affectuum, &c. inchoatur applicatio mētis, uoluntatis & cordis, ad ea quæ in lege & Euangelio proponuntur: ibi certum est, nullum uel fieri, uel esse controuersionem. Aliter enim faber utitur instrumento inanimato: aliter uerò Spiritus sanctus operatur conuersionem in mente, uoluntate & corde. facit enim ut uelimus & possimus intelligere, cogitare, desiderare, assentiri, accipere, operari, &c. Status igitur disputationis non est, antea-les motus & actiones in conuersione fieri & esse debeant: sed hic est status quæstionis, unde homo in mente, uoluntate & corde habeat & accipiat, quòd tales motus & uult & potest inchoare & præstare. Augustinus enim in hac disputatione eleganter cōiungit hæc tria, uelle, posse & facere. Et illam quæstionem mox explicabimus: sed prius alia quædam adhuc declaranda sunt, ne quid explicationem postea uel turbet, uel remoretur.

Tertiò igitur & hoc declarandum est, non esse expectandos Enthusiasticos raptus, extra & præter ministerium uerbi & sacramentorum. Verbum enim Dei prædicatum, lectum, auditum,

O

cogitatum.

cogitatum, est medium seu organon, per quod Spiritus sanctus efficax est, & operatur in mente, uoluntate & corde hominum. Et sicut Deus uult uocem uerbi sui audiri, legi, & cogitari: ita externo ministerio uerbi hominem uti posse, ut audiat, legat, & aliquo modo cogitet, & experientia, & Scripturæ exempla testantur. Licet longè aliter uerbum audiant & meditentur, in quibus iam inchoata est renouatio per Spiritum sanctum. Ioan. 8. Qui ex Deo est, uerbum Dei audit. Ioan. 6. Qui audit à patre, uenit ad me. Luc. 8. Videte quomodo audiatis. Aliter etiam describitur, quando pii meditentur in uerbo Dei. Psalm. 1. & 119. Aliud præterea est auditus uerbi: & ex auditu concipere nouos motus pœnitentiæ, fidei, nouæ obedientiæ, &c. quod proprium est spiritus. Et tamen per illud organon, per uerbum scilicet lectum, auditum, cogitatum, & non aliter, Spiritus sanctus efficax est, & operatur.

Ita Augustinus inquit, de Fide ad Petrum, cap. 32. Firmissime tene, posse quidem hominem, quem nec ignorantia literarum, nec aliqua prohibet imbecillitas, uel aduersitas, uerba legis & Euangelij siue legere, siue ex ore cuiusq; prædicatoris audire, sed diuinis mandatis obedire neminem posse, nisi quem Deus gratia sua præuenerit: ut quod audit corpore, corde etiam percipiat: & accepta diuinitus bona uoluntate atque uirtute, mandata

Dei facere & uelit, & possit, &c. Omnino igitur à uerbo ordiendum est, ut legatur, audiatur, & cogitetur.

Quartò. Obseruanda est etiam in hac controuersia Longobardi distinctio de quatuor statibus liberi arbitrij. 1. Qualis fuerit in natura integra ante lapsum. 2. Quid sit post lapsum, priusquam cœperit sanari & renouari. 3. Quando iam cœpit sanari & renouari, quæ renouatio, per totam uitam crescit & augetur. 4. Quid sit futurum in glorificatione, seu post glorificationem. Ibi enim omnino plena & perfecta erit libertas. Et quidem de primo & de ultimo statu nō est controuersia: sed secundi & tertij diligens est habenda ratio, ne confundantur, sed accuratè distinguantur.

Longè enim aliud est, loqui de uiribus seu facultatibus mentis, uoluntatis & cordis hominis ante conuersionem, priusquam cœperit per Spiritum sanctum sanari & renouari: & aliud est quando iam cœpit sanari & renouari. tunc enim ex donatione & operatione Spiritus sancti, adsunt & sequuntur noui motus in mente, uoluntate & corde. Ipsa etiam sanatio & renouatio, non est talis mutatio, quæ uno momento statim absoluat & perficiatur: sed habet sua initia & certos progressus, quibus in magna infirmitate crescit, augetur &

O 2

confer-

conseruatur: non autem ita, sicut lilia agri crescunt, quæ nec laborant, nec curant: sed in exercitijs pœnitentiæ, fidei & obedientiæ, quærendo, petendo, pulsando, conando, luctando, &c. Initia donorum spiritualium retinentur, crescunt & augentur, sicut Luc. 19. de traditis talentis Dominus mandat, ne in terrâ defodiantur, sed inquit: Negociemini, donec ueniam. Et in hanc sententiam Paulus utitur pulcherrimo uerbo, ἀναζωογονήσῃ: Exuscita donum quod in te est. 2. Timoth. 2. Et quia à uerbo ordiendum est, & ex uerbo, de uoluntate Dei, & de efficacia spiritus statuendum est: non est dubium, quando uerbo lecto, audito & cogitato, homo concipit propositum, desiderium, conatum applicationis, quando luctatur cum securitate, diffidentia & contumacia, &c. has esse ueras effectiões & operationes Spiritus sancti: licet magna infirmitate sæpe ita abscondantur, ut præsentia & efficacia Spiritus, non percipiatur ardenti aliquo sensu. ibi certè non ex sensu, sed ex uerbo iudicandum est.

Breuitè hæc tantum noto: neque enim iustam & integram institui huius controuersię explicationem. Hæc uerò per distributionem aliquando forsan rudiorē & crassiorē præmittere uolui: ut disputationibus siue peregrinis, siue cognatis in suum locum reiectis, & commodà explicatione declaratis, planius ostendi possit, quid

quid propriè & principaliter in hac disputatione de libero arbitrio, in controuersia positum sit. Quàm sophisticis enim equiuocationibus decreta Tridentini concilij statum huius controuersie inuoluant, perturbent & obruant, postea monstrabimus: prius enim reliqua quæ ad explicationem necessaria sunt, paucis absoluemus.

Vt igitur tandem statum huius controuersie simpliciter & planè constituamus, non est quæstio de ipsa substantia mentis, uoluntatis & cordis: neque hæc est quæstio, quòd illæ animæ potentie alium habent modum agendi, quàm quæ uel naturaliter agunt, uel uiolento & bruto motu agitantur & impelluntur, sicut suprà explicauimus: nec etiam de disciplina rationis, nec de uitiosis actionibus, principalis est quæstio (suprà enim hæc declarata sunt:) sed de motibus seu actionibus spiritualibus in contentione, fide, & noua obedientia, sicut in uerbo Dei illa nobis proponuntur, sicut suprà declarauimus, quæstio est.

Et certum est, ordiendum esse à uerbo: quod iuxta mandatum Dei, homo debet, & aliquo modo etiam potest audire, legere & cogitare. Certum est & hoc, conuersionem & renouationem non fieri sine aliquo motu & actione mentis, uoluntatis & cordis, sicut suprà diximus. Sed quæstio est, unde homo habeat & accipiat potentiam,

582 EXAMEN DECRETORVM

uires seu facultates inchoandi, & efficiendi tales motus & actiones. Ex collatione hæc quæstio rectius intelligitur. In ijs quæ sensibus & rationi subiecta sunt, homo in mente & uoluntate habet *φυσικὰς δυνάμεις*: hoc est, facultates in natura, ex prima natiuitate hærentes & insitas: quibus homo potest propositis & admotis obiectis, concipere motus, & elicere actiones, proprietati mentis & uoluntatis congruentes.

Quæstio igitur est, an eodem modo mens & uoluntas, ex prima natiuitate insitam habeant talem potentiam, tales uires & facultates: ut quando homo uerbum Dei legit, audit & cogitat, possit sine Spiritu sancto, ex puris (sicut Scholastici loquuntur) naturalibus, concipere tales motus, & elicere tales actiones in mente, uoluntate & corde, quales ad contritionem, fidem & nouam obedientiam Scriptura requirit.

Et ita quidem olim Pelagius & sensit, & docuit. Sed ab hac sententia Pontificij affirmant se prorsus alienos esse. Et idem etiam Andradius meus prolixè contestatur: sed eius memoriam oportet ualde esse labilem. In principio enim 4. libri, prorsus oblitus est eius, quòd per multas paginas proluxa oratione in fine 3. libri disputarat: Philosophos sine uerbo Dei, & sine Spiritu regenerationis, naturalibus noticijs & uiribus peruenisse ad ueram fidem & iusticiam, qua saluati sint:

sint: adiuncto illo tantum auxilio Dei, de quo Cicerone etiam dicit, nullam excellentem uirtutem in Ethnicis fuisse sine afflatu diuino. Quantum enim hæc absint ab ipsissimo Pelagianismo, uel cæci uident: neque enim heroicis impetus, & tales afflatus, quales philosophi intelligunt, Pelagius exclusit. Illam uerò Andradianam disputationem, ideo memori mente reponemus, ut nouerimus, non serio, sed pro forma tantum (quod dicitur) fieri, quando Pelagianismum damnant Pontificij. Non enim, ut arbitror, audebunt damnare Andradij sententiam, quòd sine uerbo Dei, & sine spiritu regenerationis philosophi habuerint ueram fidem, Paulinam iusticiam, & uitam æternam. In ipso enim Concilio Tridenti Andradius illud scripsit.

Sed audiamus sanè, quam speciosus, & ad fallendum comparatis uerbis, se à Pelagianis separare conentur. Dicunt se nullo modo sentire, quòd liberum arbitrium sufficiat ad inchoandas & efficiendas actiones spirituales: sed gratiæ Dei & diuini auxilij necessitatem tantopere extollunt, ut ne optare quidem & uelle ullum perfectum bonum, sine illo possimus.

Dicunt, naturam humanam peccati contagio ita enervatam & debilitatam, ut ne cogitare quidem quicquam eorum bonorum possit, quæ ad sempiternam felicitatem ducunt, nisi

584 EXAMEN DECRETORVM

diuini spiritus ui atq; uirtute erigatur atq; confirmetur. Hæc sunt Iesuitarum & Andradij uerba.

Tertius etiam canon sextæ sessionis, anathema dicit illis qui sentiunt, sine præueniente Spiritus sancti inspiratione & adiutorio, hominem posse poenitere, credere, diligere, sperare, sicut oportet, &c. Verba sanè sunt speciosa, & satis magnifica, quæ uidentur totum tribuere gratiæ Dei. quod si ita esset, iam nulla inter nos de hoc loco esset controuersia. Sed ipsi contestantur & clamitant, se nullo modo probare sententiam & doctrinam Augustinæ confessionis de libero arbitrio: sed ad damnandam illam, emissos esse crepitus istos anathematum, in Tridētima synodo.

Vides amice lector, quanto studio, quot modis, & quàm insidiosè hæc controuersia inuoluatur, ne uerus eius status animaduertatur. Et fit hoc uerbis tam speciosis, ut controuersiarum imperiti, si non admoneantur, existiment nihil esse periculi.

CONCILII TRIDENTINI SENTENTIA de libero arbit. ex interpretatione Andradij.

Quis igitur iam erit status controuersię, inter nos & Pontificios: aut in quo consistit discrimen nostræ sententię, & Tridentini concilij, de libero arbitrio?

Respon-

Respondeo. Ex Decretis Concilij, posset sanè il-
 lud non obscure colligi. Sed ne clamitent, nos uim
 facere uobis, & per calumniam ea aliter interpre-
 tari, quàm synodus forsan senserit: audiamus sanè
 Andradij interpretationem. quam sicut absq; du-
 bio, in ipso Concilio Tridenti didicit: ita liberè si-
 ne ulla dissimulatione, in scripto suo nobis commu-
 nicat. Ita autem & synodi, & suam sententiā expli-
 cat: Liberum arbitrium, sine inspiratione & auxi-
 lio spiritus, nō posse sanè efficere spirituales actio-
 nes: sed illud non ideo fieri, quasi mens et uoluntas,
 qualis est in homine ex prima natiuitate, ante con-
 uersionem, prorsus non habeat ullam potentiam,
 ullas uires aut facultates, quæ ad inchoandas et effi-
 ciendas spirituales actiones necessariae sunt: sed i-
 deo, quia naturales illæ uires et facultates, licet nec
 deletæ, nec extinctæ, adeò tamen peccatorum la-
 queis implicatæ sint, ut homo nō possit se propria
 uirtute ab illis extricare. Utq; sententia planior
 sit, illustrat eam hac similitudine: Sicut ille qui fer-
 reis soleis deuinctus est, habet quidē insitā & in-
 natam incedendi δύναμις seu potentiam: sed li-
 cet habeat illam, nō tamen potest ea uti, ut in actū
 prodeat, nisi prius uincula rumpantur, quæ mo-
 tum reprimunt & retardant. Ex hac similitudi-
 ne lector sine ambiguitate perspicuè intelligit, quæ
 sit concilij Tridentini sententia, quando dicit, libe-
 rum arbitrium gratiæ Dei excitanti & adiuuanti

liberè assentiri & cooperari. Sentiūt enim in mente & uoluntate hominis nō renati, ex prima natiuitate in hac corruptione, naturaliter adhuc insitas esse uires aliquas, seu facultates qualescunq; ad res diuinas seu spirituales actiones: sed illarū facultatū & uiriū motū & usum, per peccatū reprimi & retardari in nō renatis: gratiā uerò Dei, & efficaciam spiritus, nō simpliciter efficere et operari in ijs qui renascūtur, nouā aliquam δύναμις, uim, facultatem aut potentiam inchoandi & prestandi motus & actiones spirituales, quam ante cōuersionem aut renouationem, ex naturæ uiribus non habuerint, sed tantum uincula rumpere, & laqueis liberari: ut facultas naturalis antea constricta, compressa & impedita, possit iam per gratiā excitata, uires suas in rebus spiritualibus exercere. Illas autē uires naturales, sicubi imbecilliores sunt, sentiunt adiuuari & cōfirmari per gratiā & auxiliū Spiritus sancti. Et ubi non sufficiunt, dicunt nouum habitum infundi, qui respectum meriti asserat.

Declarat enim Andradius suā illā sententiā similitudine egroti, cuius uires morbo fractæ, debilitatæ & attenuatæ sunt: ubi medicus uires quæ adhuc reliquæ sunt, licet sint attenuatæ, confirmat & roborat: & si quæ sunt amissæ, restituit. Alij utuntur similitudine auiculæ, quæ habet & retinet quidem potentiā & facultatem uolandi: sed quādo funiculo alligata est, nō potest usum & motū illius facultatis

tatis quæ naturaliter ipsi insita est, exerere: si quis autē rumpat funiculum, is non inserit auiculæ novam & peculiarem uolandi δύναμις, quā antea non habuerit, sed tantum impedimentum aufert.

Et postea Andradius, ubi disputat, gratiam unā cum uiribus liberi arbitrij, habere rationem causæ efficientis eorū quæ ad conuersionē pertinent, utitur hac similitudine: Si te rogem, cum lignēā materiam conflagrare cernis, quæ sit conflagrationis illius efficiens causa: ignem dicas, necesse est, una cū Deo naturæ autore & patrono, qui igni exurendi uirtutem suppeditat, & ad operandū cum illo conspirat. Cum igitur liberi nostri arbitrij motio, non magis à Dei gratia pendeat, quā à diuina uirtute stipitis exustio: quid est, quòd liberum arbitriū efficientis causæ dignitate & nomine spoliēs? Hæc Andradij similitudinem lector bene consideret.

Est igitur concilij sententia, in natura hominis per peccatum deprauata, priusquā per gratiam & operationē Spiritus sancti reparetur, reliquā adhuc esse δύναμις aliquam, uim, efficaciam, potentiam seu facultatē naturalē, ad motus seu actiones spirituales: sed illā δύναμις per peccatū partim constrictā & alligatā, partim debilitatā et inclinatā, ut per se sola, sine gratia spiritus, nō possit ullū perfectū bonū uel inchoare, uel præstare: gratiā uerò uincula et laqueos rūpere, ut naturalis illa facultas stupefescens antea, sed iā p gratiā excitata, possit

in spiritualibus se exercere: illam uerò ubi per peccatum attenuata & inclinata est, confirmari, roborari & adiuuari auxilio spiritus: ubi uerò nō sufficit, sentiunt infundi nouas qualitates, seu habitus: atq; ita in motibus & actionibus spiritualibus, ex gratia & ex naturalibus liberi arbitrij uiribus, fieri unam causam efficientem: ita ut ad inchoandos & efficiendos motus spirituales, hæc duo simul cōcurrent, gratia scilicet & naturales uires liberi arbitrij, quales sunt ex prima nostra corrupta natiuitate. De donis enim renouationis in uoluntate renata, quòd faciant renatos *συνεγχε*s Dei, alia est quæstio: de qua postea dicemus. Habemus igitur iam ex Andradij interpretatione, quæ sit concilij sententia, in sexto capitulo, & in quarto canone sextæ Sessionis. Et ego communi nomine gratias ago Andradio, quòd reliquis mirabiliter tergiuersantibus, ipse sine ambiguitate & dissimulatione, tam aperte & perspicue ponit & explicat statum controuersie, quæ est inter Pontificios & internos, de libero arbitrio. Statu enim ita posito, plana est explicatio & refutatio: si modò nobis illam indulgentiam largiri dignati fuerint, ut ex Scripturæ testimonijs cōtrouersia hæc dijudicetur & definitur. Vt autem ratio habeatur breuitatis, testimonia in capita quedam distribuam.

CONCILII TRIDENTINI. 389
SCRIPTURAE SENTENTIA DE
Libero arbitrio.

Primò enim quedam Scripturæ testimonia lo-
quuntur priuatiuè (ut sic dicam) quòd scilicet per
lapsum in natura corrupta prorsus amissa sit *di-
uinus*, uis & efficacia, seu facultas, qua inchoan-
da & efficiendæ sunt actiones spirituales, sicut o-
portet. Et distinctè loquuntur Scripturæ testimo-
nia: quedā de mente, quedam de uoluntate seu cor-
de hominis non renati. Vocantur enim non renati,
tenebræ. Eph. 5. Ioan. 1. & 3. Act. 26. uocātur in pec-
catis non tantum ægroti & infirmi, sed mortui.
Eph. 2. Col. 2. Et hæc diserte explicantur de priua-
tione seu carētia efficacie seu facultatis, ad motus
& actiones spirituales. 1. Cor. 2. Animalis homo nō
capit ea quæ sunt spiritus, & non potest intellige-
re, quia spiritualiter dijudicantur. 2. Cor. 3. Non su-
mus idonei cogitare aliquid ex nobis ipsis, tanquā
ex nobis ipsis: sed *in uoluntate* nostra ex Deo est.
1. Cor. 1. Mundus per suam sapientiam Deum non
cognouit. Matth. 11. Nemo nouit patrem, nisi cui
filius uoluerit reuelare. Matth. 16. Caro & sanguis
non reuelauit tibi. Ro. 1. Euauerunt in cogitatio-
nibus suis. 1. Cor. 1. Infatuauit sapientiam huius secu-
li. Rom. 7. Scio quòd in me, hoc est in carne mea,
non habitat bonum. Rom. 8. Sapientia carnis non
subijcitur legi Dei: neq; enim potest. Ioan. 15. Sine
me nihil potestis facere, sicut palmes nisi in uite
fuerit.

fulerit. Atqui nos naturā sumus oleastri. Rom. 11. et
 propterea inferendi uera uiti, extra quam nihil
 possumus. Et Augustinus uerba diligēter expendit.
 Nō enim dixit, Sine me difficulter potestis: nec di-
 xit, Nō potestis perficere aut magni aliquid præsta-
 re: Sed simpliciter dicit, Sine me nihil potestis face-
 re: in actionib. scilicet spiritualibus, de quibus ibi,
 sicut manifestum est, loquitur. 1. Cor. 4. Quid ha-
 bes quod nō accepisti? Et Augustinus de Prædesti-
 natione sanctorū, prolixē cōtra Pelagianos osten-
 dit, hāc sententiā nō loqui de reliquijs donorū natu-
 ralium, quæ in hac corrupta natura, adhuc reliqua
 sunt: sed de ijs quæ donātur in renouatione, per Spī-
 ritū sanctū. Io. 6. Nemo potest uenire ad me, nisi
 pater traxerit illū. Hæc testimonia manifestissimē
 ostendūt, naturā non renatā, in se & ex se prorsus
 nullā habere uim, efficaciam aut facultatē, quā ex se
 conferat, ut gratiæ proprijs uiribus aliquid coope-
 retur, ad inchoandas & efficiendas actiones spiri-
 tuales. Detrahatur enim naturæ nō renatæ cogita-
 re, uelle, posse, & facere, quod ad spirituales actio-
 nes attinet. Secundo, Multa Scripturæ testimonia
 nō tantū de defectu loquūtur, sed ostendūt in locis
 amissarū uiriū successisse, uitiosum habitū, & tri-
 stissimā deprauationē in mente, uolūtate et corde,
 quod ad motus seu actiones spirituales attinet, uo-
 catur enim ante conuersionē seu renouationē, cor
 durum, Ro. 2. lapideū, Ezech. 11 & 36. cernix fer-
 rea,

rea, frons ænea, neruus ferreus, Isa. 48. cor præuū super omnia, Ierem. 17. Sicut æthiops non potest mutare pellem suam, nec pardus maculas suas, Ierē. 23. Lex est spiritualis, ego autem carnalis, uenditus sub peccatū. Malū mihi adiacet. Video aliam legem in membris meis, repugnantem legi mentis meæ, & captiuantem me sub lege peccati. Carne seruius legi peccati, Roman. 7. Sapientia carnis, inimicitia est aduersus Deum, Roman. 8. Figmentum cordis humani tantum est malum ab adolescentia, Genesis 6 & 8. Progenies uiperarum, quomodo potestis bona facere, cum sitis mali? Matt. 12. Spiritualia sunt stulticia homini animali, 1. Cor. 2. Qui facit peccatum, seruus est peccati: Ioan. 8.

Tertiò, Testimonia Scripturæ, quæ describunt liberationem à seruitute peccati, sanationem, illuminationem, reparationem, renouationem mentis & uoluntatis, non tam frigide & persunctorie loquuntur: ut cum quis hominem habentem per se *ἀναμύ* ambulandi, ex compedibus soluit. Sed Ezech. 11 & 36. Auferam cor lapideum, & dabo cor nouū. Io. 1. Tenebræ lucē non apprehenderūt. 2. Cor. 4. Deus qui dixit ex tenebris lucem splendescere, ipse illuxit cordibus nostris, ad illuminationē scientiæ claritatis Dei. Deut. 29. Vos uidistis uniuersa quæ fecit Dominus corā uobis in Aegypto: & nō dedit tibi Dominus cor ad intelligendū, oculos ad uidendū, & aures quæ possent audire usq;

in præsentem diem. Matth. 13. Vobis datū est nosse
 mysteria regni cœlorum: reliqui uidentes non ui-
 dent. 1. Cor. 12. Nemo potest Iesum Dominum dice-
 re, nisi per Spiritum sanctum. Psal. 51. Cor mundū
 crea in me Deus, et spiritū rectum innoua in uisce-
 ribus meis. Matth. 16. Caro & sanguis non reuela-
 uit tibi, sed pater, &c. Io. 1. Dedit eis potestatem fi-
 lios Dei fieri, qui non ex sanguinibus, neq; ex uo-
 luntate uiri aut carnīs, sed ex Deo nati sunt. Io. 6.
 Nemo potest uenire ad me, nisi pater traxerit eū.
 Eph. 4. Ipsius factura sumus, creati in Christo Iesu,
 ad bona opera. Phil. 1. Qui incepit in uobis bonū
 opus, perficiet. Phil. 2. Deus est qui operatur in no-
 bis uelle & perficere, ut aliqua ipsi grata fiant. 2.
 Cor. 3. *ἡ ἀρχὴ τοῦ* nostra ex Deo est, non ex nobis
 ipsis. Iacobi. 1. Omne datum bonū, & donum perfe-
 ctum, est desursum à patre luminum. Luc. 24. Ape-
 ruit ipsis mentē, ut intelligerent Scripturā. Act. 16.
 Deus aperuit cor Lydiæ. Idem probant precatio-
 nes de donis spiritualibus, Psal. 118. Eph. 1. Col. 1.
 Ita de fide Eph. 2. Per fidē, & hoc nō ex uobis: Dei
 donum est, ne quis gloriatur. Hanc sententiā Lon-
 gobardus lib. 2. distinct. 27. dicit à sanctis ita expo-
 ni, quòd fides non sit ex ui naturæ nostræ: quia Dei
 donum purè est. Hæc enim sunt eius uerba.

Ex his & alijs multis Scripturæ testimonijs ma-
 nifestissimum est, gratiam Dei in non renatis, an-
 te conuersionem seu renouationem, non inue-
 nire

nire δύναμις, aliquā uim, aut facultatem aliquā, siue ligatam siue attenuatam, quod ad motus uel actiones spirituales pertinet: sed inuenire. i. ἀδυναμία, priuationem defectus & carentiam.

2. uitiolum habitum, & deprauationem in mente, uoluntate & corde, quod attinet ad inchoandas & efficiendas uerè spirituales actiones.

3. Gratiam in conuersione seu renouatione, nō ita operari, quasi reliqua sit facultas quædam ad spiritualia in corrupta hac natura, ex prima natiuitate insita & inherens: quæ peccati quidem laqueis ita sit constricta et attenuata, ut nisi per gratiam Dei excitetur & confirmetur, non possit in actum prodire. Quando uerò accedat gratia excitans et adiuuans, tunc naturalem illam δύναμις progredi ad efficacem actum, ut possit concipere motus, & elicere actiones spirituales. Ita quidem Pontificij sentiunt & docent. Sed scriptura non ita, sed longè aliter describit beneficium filij Dei, ministerio uerbi per Spiritum sanctum liberantis nos à seruitute peccati, sanantis & renouantis naturam hanc peccato deprauatam. Tradit enim, quòd spiritus sanctus in illis quos uult conuertere, primum incipiat prauitatem illam, quam quo ad motus & actiones spirituales, in mente & uoluntate non renata inuenit, mortificare & auferre: deinde incipiat operari, & donare nouam uim, facultatem & efficaciam in mente, uoluntate &

corde, ad inchoandas & efficiendas actiones spirituales.

Et expendantur pondera uerborum, quibus Scriptura utitur in huiusmodi descriptionibus. Cor est tardum, Luc. 24. uanum, Psalm. 5. Ephes. 4. durum, Rom. 2. lapideum, Ezech. 36. illud cor Deus emollit, 2. Par. 34. aperit, Act. 16. conuertit, Luc. 1. circumcidit, Deut. 30. conuerit, Isa. 57. Psalm. 50. aufert cor lapideum, Ezech. 36. externus homo corrumpitur, 2. Corint. 4. uetus homo crucifigitur, Gal. 5. ut destruat corpus peccati, Romanorum 6. sanat animam, Psalm. 40. excitat a mortuis, Ephes. 5. mortuos peccatis uiuificat, Ephes. 2. dat cor nouum, Ezech. 11. Renouemini spiritu mentis uestræ, Ephes. 4. interior homo renouatur, 2. Corin. 4. Vocatur regeneratio, Tit. 3. renascencia, Iohann. 3. Crea cor mundum, Psalm. 50. Creati in Christo Iesu ad bona opera, Ephes. 2. Nouus homo creatur ad imaginem Dei, Ephes. 4.

Hæc & similia Scripturæ testimonia, si conferantur ad similitudines, quibus Andradius & suam & concilij sententiam explicat, uidebit Lector luce meridiana clarius, controuersiam de libero arbitrio naturali, in rebus ad salutem pertinentibus, in concilio Tridentino non reuocatam ad fontes Propheticos & Apostolicos: sed traditam ibi esse sententiam dissentientem à Scriptura, imo

ra, imò exprofeſſo pugnante cum multis mani-
 feſtiſſimis Scripturæ testimonijs: ſicut ipſa colla-
 tio & inſpectio oſtendit. Sed Andradius, ut ui-
 deo, Tridenti in concilio didicit, de his grauiſſi-
 mis doctrinæ cœleſtis capitibus, magnificè quidē
 declamitare: ſed ita, ut ne ſemel quidem horum &
 ſimilium Scripturæ testimoniorum, quæ tam mul-
 ta & illuſtria ſunt, mentionem faciat. Non igitur
 ocioſum, ſed maximè neceſſarium eſt hoc certa-
 men, ut uera Scripturæ ſententia retineatur
 quæ profeſſo clariffima eſt, ſi cæteris quæſtio-
 nibus uel peregrinis, uel cognatis, dextra expli-
 catione in ſuum locum ſepoſitis, ſtatuſ controuer-
 ſiæ, ſine ambiguitate, ſimpliciter & planè con-
 ſtituatur. Docet enim Scriptura, naturam hu-
 manam, ſicut per peccatum deprauata eſt, ame-
 quam per Spiritum ſanctum renouetur, habere
 quidē in ijs quæ ſenſibus & rationi ſubiecta ſunt,
 in mente et uoluntate aliquas *διόργανες* *ψυχικὰς*,
 naturales uires ſeu facultates, quibus aliquo mo-
 do poteſt concipere motus, & elicere actiones,
 proprietati mentis & uoluntatis cōgruentes, ſicut
 ſuprà dictū eſt: ſed quod attinet ad ſpirituales mo-
 tus ſeu actiones inchoandas & efficiendas, eo mo-
 do ſicut ſuprà dictū eſt, affirmat Scriptura in mē-
 te & uoluntate hominis nō renati naturaliter ex
 prima natiuitate, non eſſe inſitā ullam *διόργανον*,
 uim, efficaciam aut facultatē: ſed quia Adam per pec-

catum dona illa amisit, iam propagari à *δυνάμει* in omnes homines, qui ex immundo semine nascuntur. Deinde huic defectui & *ἀδυναμία*, con-
iunctam iam esse in hac naturæ corruptione, con-
trariam prauitatem & inclinationem: Spiritum
sanctum uerò, naturam corruptam ita sanare &
renouare, quod incipit prauitatem illam morti-
ficare, & loco defectuum efficere in mente & uo-
luntate, nouam *δυνάμιν*, uim, efficaciam aut fa-
cultatem, unde sequantur motus & actiones spi-
rituales: hoc est, operatur uelle, posse, & face-
re. Hæc uerò dona, Spiritus sanctus operatur per
medium seu organon uerbi, si legatur, audiat
& cogitetur: quod homo & debet, & aliquando
potest facere. Nec infundit illas qualitates, sicut li-
quor in dolum infunditur: sed ita, ut sequantur
motus & actiones in mente & uoluntate. Quan-
do igitur Spiritus sanctus per uerbum coepit natu-
ram sanare, accensa aliqua scintilla efficacie &
facultatis spiritualis, licet renouatio non statim sit
perfecta & absoluta, sed in magna infirmitate tan-
tum inchoata: tunc tamen nec mens nec uoluntas
est ociosa, sed aliquos habent nouos motus: quos
etiam debent exercere meditando, orando, co-
nando, luctando, &c. Sed illa spiritualis effica-
cia sibi ituales illi motus, quantumuis tenues, non
oriuntur, non nascuntur uel ex toto, uel ex parte,
ex naturalibus potentijs, quas mens & uoluntas
ex pri-

ex prima natiuitate habent: sed sunt dona, operationes & effectiones Spiritus sancti, in nobis. Et ad primam effectiōem spiritualis efficacīe & facultatis, ad spirituales actiones in nobis, mens & uoluntas ex naturalibus suis uiribus effectiue nihil conferunt. Simpliciter enim retinendæ sunt hæ sententiæ: Non à nobis ipsis, tanquam ex nobis ipsis: sed à Deo est idoneitas nostra. Sine me nihil potestis. Quid habes, quod non accepisti? Quando uerò scintilla aliqua illius efficacīe per spiritum in nobis accensa est, tunc aliquid agit in spiritualibus rebus & mens & uoluntas in homine. Sed quæstio est, unde habeat, quod & uult & potest aliquid agere? Ex spiritu scilicet renouationis, qui operatur uelle & facere, à quo est inuolūtus cogitandi salutaria.

Et ipsa lucta carnis & spiritus, ueteris & noui hominis in renatis, illustre ostendit discrimen actionum, quæ autorem & donatorem habent Spiritum sanctum, & quæ oriuntur seu nascuntur ex naturalibus liberi arbitrij uiribus, quod attinet ad res spirituales.

Omnino igitur in Ecclesia retinenda est uera & utilis Augustini distinctio, inter gratiam operantem & cooperantem. De gratia & libero arbitrio cap. 17. inquit: Quis etsi paruam dare coöperat caritatē, nisi ille qui præparat uoluntatem, & cooperando perficit, quod operando incipit.

Quoniam ipse ut uelimus, operatur incipiens, qui uolentibus cooperatur perficiens. Phil. 1. Ut ergo uelimus, sine nobis operatur: cum autem uolumus, & sic uolumus, ut faciamus, nobiscum cooperatur: tamen sine illo uel operante ut uelimus, uel cooperante cum uolumus, ad bona pietatis opera nihil ualemus. De correptione & gratia cap. 2. Non se itaq; fallant qui dicunt: Ut quid nobis prædicatur & præcipitur, ut declinemus à malo, et faciamus bonum: si hoc nos non agimus, sed id uelle & operari Deus operatur in nobis? sed potius intelligant, si filij Dei sunt, spiritu Dei se agere: ut quod agendum est agant, & cum egerint, illi à quo aguntur, gratias agant. aguntur enim ut agant, non ut ipsi nihil agant. De gratia & libero arbitrio cap. 16. Certum est, nos uelle cum uolumus: sed ille facit ut uelimus, de quo dictum est: Deus est qui operatur in uobis uelle. Certum est, nos facere cum facimus: sed ille facit ut faciamus, præbendo uoluntati uires efficacissimas, qui dixit: Faciā ut faciatis. Quid hoc aliud est, nisi: Auferam à uobis cor lapideum, unde non faciebatis: & dabo carneum, unde faciatis? &c.

De dogmatibus. Ecclesiast. ca. 32. Deus agit in nobis ut uelimus & agamus: nec ociosa in nobis esse patitur, quæ exercenda, non negligenda dedit, ut et nos cooperatores simus gratiæ Dei. ac si quid in nobis ex nostra remissione languescere uiderimus, ad illum sollicitè recurramus, qui sanat omnes languores

guores nostros. De correp. cap. 12. Si in tanta infirmitate uita huius, in qua tamē uirtutē perfici oportebat, renatis relinqueretur uolūtas sua, ut in adiutorio Dei perseuerem si uellēt, nec Deus in eis operaretur ut uellēt: inter tot et tantas tentationes, in firmitate sua uolumus ipsa succūberet. Subueniū est ergo in firmitati uoluntatis humanæ, ut diuina gratia indeclinabiliter & inseparabiliter ageretur: & ideo quamuis infirma, nō tamen deficeret, neq; aduersitate aliqua uinceretur. De bono perseuerantiæ cap. 13. Nos ergo uolumus: sed Deus in nobis operatur uelle. Nos ergo operamur: sed Deus in nobis operatur & operari, pro bona sua uoluntate. Hoc nobis expetit et credere et dicere: hoc est piū, hoc uerū, ut sit humilis et submissa confessio, & detur totum Deo. Cogitantes credimus, cogitantes loquimur, cogitantes agimus quicquid agimus: quod autem attinet ad pietatis uia. & uerū Dei cultū, nō sumus idonei ex nobis ipsis cogitare aliquid, tāquā ex nobis ipsis: sed sufficiētia nostra ex Deo est. Et cap. 6. inquit: Tutiores uiuimus, si totum Deo damus: non autem nos illi ex parte, & nobis ex parte committimus.

Has Augustini sentētiās ideo edscripsi: ut ostendam, nos hanc de libero arbitrio doctrinā, nō ita tradere, ut alatur et cōfirmetur in hominib. desidia, securitas & contumacia. Inculcamus enim illud: Videte ne inuānam gratiam acceperitis.

Sed ideo illā retineri cupimus, ut filio Dei me-
 dico nostro, sua tribuatur gloria. neq; enim intelli-
 gi aut considerari potest magnitudo beneficiorū
 ipsius, nisi miseris nostras folijs ficuū palliatas,
 uerbo autē Dei nudatas, agnoscere discamus. Et
 quando tale aliquod donū habemus, ne de nostris
 uiribus gloriemur: sed illi gratias agamus, qui ope-
 ratur uelle & facere: & si quid deest, ut inuocatio-
 ne ad ipsum confugiamus. Ne etiā securi excutia-
 mus talia dona, quæ scimus Spiritū sanctū in nobis
 operari: sed ut reuerenter illa cōseruemus, et exer-
 ceamus. Et in nostra magna infirmitate, hāc habe-
 mus cōsolationē: quia nō nostræ uires, sed Spiritus
 S. inchoauit in nobis bonū illud opus: perficiet er-
 go. Phil. 1. Ita accendit hæc doctrina in nobis fidē,
 spem, inuocationē, gratiarum actionē, timorē Dei,
 et diligentia in tuendis illis donis diuinis: quæ Au-
 gust. ideo solet quasi per gradus enumerare, ut gra-
 tiā Dei rectius agnoscere et cōsiderare possimus.
 Numerat posse, uelle & facere, cogitare, desidera-
 re, expetere, accipere. Inquit etiā de Ecclesiasticis
 dogmatib. cap. 17. Sancta cogitatio, bonum propo-
 situm, pium consiliū, omnisq; motus bonæ uolun-
 tatis, ex Deo est: quia per illum aliquid boni possu-
 mus, sine quo nihil possumus.

Eodem modo gratiæ uarias tribuit Augustinus
 appellationes, ut rem ipsam illustret, & quasi gra-
 dus conuersionis ostendat. Vocat enim gratiā præ-
 uenien-

CONCILII TRIDENTINI. 601

uenientem, præparantem, liberantem, operantem:
deinde gratiam subsequenter, cooperantem, ad-
iuuantem bonum perferantia, &c.

AVGVSTINI SENTENTIA DE LI-
bero arb. Et quomodo Andradius eam
deprauet.

Hec sunt simplicia, perspicua & uera, ex mani-
festis Scripturæ testimonijs extracta: & nõ est du-
biũ, hanc etiam esse perpetuã Augustini sententiã.
Sed huic luci Andradius conatur nebulas offunde-
re. Augustinus enim scripto peculiari lib eo, copu-
lat gratiam & liberũ arbitriũ. Et dicit: Vbi ad ali-
quid faciendũ uel non faciendũ, in diuinis monitis
opus uoluntatis exigitur, satis liberum demonstra-
tur arbitriũ. item: Ad gratiã Dei necesse est acce-
dere consensum nostrũ: ut bonũ nostrũ non sit ex
necessitate, sed uoluntariũ. Ergo aliquid, quãtulũ-
cunq; sit facultatis ad res spirituales, tribuendum
est libero arbitrio, quod ipsi naturaliter ex prima
natiuitate insitũ sit. Sed remotis æquiocationib.
explicatio non est obscura, quid Augustinus uelit.
Quæ enim Deus in uerbo suo nobis præscribit: ut
agnitionem sui, contritionem, fidem, spem, charita-
tem, pacienciã, inuocationem, obedienciã, &c. ta-
lia sunt, quæ sine motu & actione mentis & uolun-
tatis nec inchoari, nec effici possunt. Sine mente e-
nim & intellectu, nemo aliquid intelligit, cogitat
aut iudicat: sine uolũtate nemo desiderat, expetit,

petit, querit, conatur, luctatur, &c. Multa, inquit Augustinus, homines nolentes agunt: sed credere nisi uolens, nemo potest. Velle autem, proprium est uoluntatis. Hoc igitur extra omnem controuersiam, ipsa rei euidentia manifestum est. Num uero Augustinus inde concludit, mentem & uoluntatem hominis, per se & ex se, hoc posse prestare, quod uerbum Dei præcipit? Nequaquam. Sed ex Scriptura prolixè probat, mentem & uoluntatem hominis non renati, naturaliter ex prima natiuitate non habere uirtutem, efficaciam & facultatem inchoandi & efficiendi spirituales motus & actiones, sicut in uerbo Dei præcipitur. Quia tamen Deus uerbum suum non frustra generi humano patefecit, addit Augustinus, gratiam Dei hoc quod natura non potest, efficere & operari in homine. Operatur autem gratia cōuersionem, non alibi quàm in mente, uoluntate, et corde hominis. Corde enim creditur, Ro. 10. ex animo obeditur, Ro. 6. Mente agnoscitur salus, Eph. 1. Non autem ita operatur in uoluntate hominis, sicut lapides uoluuntur, & inanimata impelluntur: ita ut in spiritualibus, mens & uoluntas renatorum gratia diuina rapiamur, sine motu aliquo mentis & uoluntatis, intelligente & uoluntario.

Scriptura enim disertè affirmat, renatos in rebus spiritualibus agnoscere, scire, credere, assensiri, desiderare, uel conari, luctari, &c. Quæ extra cōtrouers-

trouero.

CONCILII TRIDENTINI. 603

trouersia sunt actiones mentis et uoluntatis. Sed illas actiones, mens & uoluntas ex suis uirib. nec inchoare, nec prestare potest. Propter hanc igitur causam, gratia mentem illuminat, uoluntatem conuertit & mutat, praebeundo nouam efficaciam et nouas facultates: ut ex ignorantibus fiant intelligentes, ex nolentibus fiant uolentes: atque ita in conuersione, mens & uoluntas, id quod ex uiribus naturalibus antea non poterant, incipiant iam ex dono, & per operationem spiritus renouationis, habere motus & actiones spirituales, intelligendo, cogitando, iudicando, desiderando, conando, luctando, uolendo, faciendo, &c. Hanc esse Augustini sententiam, certum est. Ita enim inquit de peccatorum meritis lib. 2. ca. 5. Non solis uotis agendum est, ut non subinfratur ad bene uiuendum etiam nostrae efficaciae uoluntatis: quia non sicut in lapidibus insensatis, aut sicut in ijs quorum natura rationem uoluntatemque non condidit, salutem nostram Deus operatur in nobis. Illud uero capite sequenti explicat: coniungit enim gratiam & liberum arbitrium. Sed mox addit: Ipsum quoque liberum arbitrium ad Dei gratiam, hoc est ad Dei dona pertinere non ambigo: nec tamen ut sit, uerum etiam ut bonum sit, id est ad facienda mandata Domini conuertatur. Videt Lector, Augustinum loqui non de uoluntate non renata, sed quae iam conuersa est, et coepit fieri bona. Et Hypognost 3. inquit: Nemo sic de gratia confidat, tamquam
Deus

604 EXAMEN DECRETORVM

Deus liberi arbitrij eius quod per mortem filij sui reparauit, opera nō requirat: imò uigilet, quærat, petat, pulset, &c. Ita de gratia et libero arbitrio cap. 2. Cum aliquid secundū Deū operatur, nō alienet hoc à propria uoluntate. Ne uerò quis existimet ipsum loqui de proprijs, hoc est de naturalibus uirtutibus uoluntatis, ca. 16. inquit: Certū est nos uelle et facere, cum uolumus et facimus: sed ille operatur uelle et facere, præbendo uoluntati uires efficacissimas, de quo scriptū est: Deus operatur in nobis et uelle et facere. Et de prædestinatione sanctorū cap. 3. fatetur errorē esse, sicubi dixerit, ut prædicato Euāgelio cōsentiamus, nostrū esse propriū, et nobis ex nobis esse. Et postea addit, q̄ dixerat, Nostrū est credere & uelle: ita esse intelligendū, q̄ utrūq; sit Dei qui præparat uoluntatē: et utrūq; etiā sit nostrū, quia non fit nisi uolentibus nobis. Illud uerò ita explicat, ad Bonifacium lib. 1. cap. 19. Christus non dicit, Duxerit: ut illic aliquo modo intelligamus præcedere uoluntatē: sed dicit, Traxerit. Quis autem trahitur, si iam uolebat: & tamen nemo uenit nisi uelit. Trahitur ergo miris modis ut uelit, ab illo qui nouit intus, in ipsis hominum cordibus operari: non ut homines (quod fieri non potest) nolentes credant, sed ut uolentes ex nolentibus fiant. Et in Enchiridio cap. 32. Nolentē præuenit ut uelit, uolentē subsequitur ne frustra uelit. Contra 2. epist. lib. 4. cap. 6. Pelagius dicit, gratiam

tiam adiuuare bonum cuiusq; propositum: non tamen reluctanti studiū uirtutis immittere. Augustinus uerò respondet: Posset bene intelligi, si non ab istis quorum sensus notus est, diceretur. Reluctanti enim, prius aditus diuinæ uocationis, ipsa Dei gratia procuratur: ac deinde in illo iam non reluctante, spiritus uirtutis accenditur. Ita Ambrosius de Vocatione gentium lib. 2. ca. 9. Quòd gratia à multis refutatur, ipsorum est nequitie: quòd autem à multis suscipitur, & gratia est diuinæ, & uoluntatis humane. Nulla enim species cuiusq; uirtutis occurret, quæ uel sine dono diuinæ gratiæ, uel sine consensu nostræ uoluntatis habeatur. Sed audi, quomodo hoc explicet. Ipsa enim gratia, hoc omni genere medendi & auxiliandi agit, ut in eo quem uocat, optimam sibi receptricem & famulam donorum suorum præparet uoluntatem. Et libro primo, capite nono: Licet inest homini nolle bonum, tamen nisi donatum non habet bonum uelle: illud contraxit natura per culpam, hoc recipit natura per gratiam. Et hoc est quod Augustinus inquit: Per gratiam non tollitur humana uoluntas, sed mala mutatur in bonam: & cum bona facta fuerit, adiuuatur. Idem etiam uult Prosperus sententia: Liberum arbitrium naturaliter homini inditum, manet in natura: sed qualitate & conditione mutatum, per mediatorem Christum, qui ipsam uoluntatem, ab eo quod pernerse uole-

bat auertit, & in id quod ei bonum esset, uelle conuertit.

Hæ explicationes manifestissimè ostendunt, quòd Augustinus non tribuat uoluntati efficaciam, aut facultatem aliquam ad actiones spirituales, quam naturaliter ex prima natiuitate habeat: sed tantum illam, quam ex dono & operatione spiritus renouationis accepit.

Pontificij uerò hoc ita inuertunt, quasi gratia tantum moueat & excitet, uoluntas uerò ex se habeat consentiendi facultatem. Sed Augustinum planè diuersum sensisse iam ostendimus. Et utile est, lectorem considerare, quàm mala fide Patrum scripta tractentur à Pontificijs. Augustinus inquit, consentire & dissentire, propriè esse uoluntatis: sicut dicimus intelligere proprium esse mentis, uelle uoluntatis. Illa sententia postea ita deprauata est: consentire in spiritualibus, esse propriæ uoluntatis: hoc est, ex proprijs uiribus. Quantum uerò inter hæc duo intersit: consentire est propriè uoluntatis, & propriæ uoluntatis: manifestum est.

Nulla autem alia habet argumenta Andradius, pro sua sententia, quàm hanc Augustini dissertationem: cui Augustinus talem titulum facit, De gratia & libero arbitrio. Et si intelligeret Andradius, actiones uoluntatis renatæ quas habet & accepit, nō naturaliter in prima natiuitate, sed in re-
genera-

generatione ex dono & operatione Spiritus sancti, sicut Augustinus disputat: nulla esset inter nos controuersia. Certum enim est, Spiritum sanctum in conuersione non abolere, destruere aut extinguere potestas animæ, quæ uulgò ita uocatur: sed sanat & renouat illas, & quidem ita, quòd prauitatem adhaerentem illis mortificat & aufert: ut illis organis renouatis & preparatis, uti possit ad motus & actiones noui hominis.

Nullo modo enim uel probamus uel sequimur Manichæorum deliria, qui sinxerunt quosdam homines esse *ἀδύτεις*: hoc est, naturam in quibusdam per peccatum ita corruptam, ut ne quidem per gratiam & operationem Spiritus sancti conuerti, reformari, & renouari possit. Rectè enim dicit Augustinus, ad articulos falsò sibi impositos, articulo 6. Hoc inter malos homines distat & demones, & hominibus etiam ualde malis, superest si Deus miseretur, reconciliatio: demonibus autè nulla seruata est conuersio. Rectè et hoc cōtra Manichæos dicit, de Ciuit. Dei lib. 14. cap. 11. conuersionē fieri non detracta substantia animæ, uel ulla eius parte sublata: sed ea quæ uitata ac deprauata fuerat, sanata atque correctā. Nam sicut dicit contra Iulianum lib. 4. cap. 3. Gratia Dei per Iesum Christū Dominū nostrū, nō lapidib. aut lignis pecudibusq; præstatur. Carent enim subiectis, mente scilicet et uolūtate: in quib. Deus ordinario modo, per uerbū & sacra-

& sacramenta agere solet, & in quibus necesse
 est fieri conuersionem. Hæc uerò non ita in-
 telligenda sunt, sicut Pelagius contendebat, quasi
 ante gratiam conuersionis seu renouationis, sit in
 natura corrupta, generositas aliqua, *δύναμις*, in-
 clinatio, habilitas, dispositio, facultas, aut quomo-
 docunq; appelletur, ad inchoandas & præstandas
 actiones spirituales. ita enim dici posset, Habes ali-
 quid, quod ex gratia renouationis seu conuersio-
 nis nō accepisti. Quod Augustinus ut Pelagianū
 detestatur. Et de gratia Christi lib. 1. ca. 18. recitat,
 & refutat illa uerba Pelagij: Habemus possibili-
 tatem utriusq; partis à Deo insitā, uelut quandā (ut
 ita dicam) radicem fructiferā atq; sæcundā: quæ
 ex uoluntate hominis diuersa gignat & pariat,
 & quæ possit ad proprii cultoris arbitriū, uel ni-
 tere flore uirtutū, uel semib. horrere uitiorū. Hæc
 Pelagius. August. uerò contra Iulianū lib. 2. de sen-
 tentia Ambrosij dicit: naturā humanā, etiā istam,
 quæ sub peccato nascitur, & cuius ortus in uitio
 est, esse iustificationis capacē: sed per gratiā Dei.
 Et lib. 4. cap. 3. dicit humanam substantiam capa-
 cem esse diuinorum donorū. Non autem, sicut bo-
 num ingenium dicitur capax esse omnium disci-
 plinarum, propter insitam *φύσιν δυνάμιν*: sed
 per gratiam Dei, inquit, quia est natura rationa-
 lis: in qua Deus per uerbū et sacramēta, pro bona
 sua uoluntate, potest operari uelle, ut mala uolun-

tas conuertatur in bonam. Ita Lutherus etiam loquitur Tomo 1. pagina 236. Quando sancti Patres liberum arbitrium defendunt, capacitatem libertatis eius prædicant: quòd scilicet uerti potest ad bonum, per gratiam Dei: & fieri reuera liberum, ad quod creatum est. Et alibi uocat capacitatem passiuam.

Irenæus lib. 5. dicit carnem humanam capacem esse donationis Dei, hoc est uitæ æternæ: quia nutriatur carne & sanguine Christi. Libro quarto, capite uigesimoquarto, dicit hominem esse receptorium bonitatis Dei: et in Deo intentus, semper proficit ad Deum. Neque enim Deus cessat beneficiendo, & locupletando: nec homo cessat beneficium accipere, & ditari à Deo.

Et pulchra est sententia, siue Ambrosij siue Prosperi, de Vocatione gentium libro secundo, capite nono, Ipsa gratia, omni genere medendi atque auxiliandi hoc agit, ut in eo quem uocat, optimam sibi receptricem & famulam donorum suorum præparet uoluntatem. Hæc uerò diligenter distinguenda & explicanda esse, Scriptura suo exemplo monet & ostendit. utitur enim uerbo *ἀλειτουργία*, quando dicit uerbum & gratiam Dei accipi oportere. Actor. 8. Iacobi 1. 2. Corinth. 6. Unde uerò homo illam capacitatem habeat, ponit & negatiue & affirmatiue. Animalis enim homo, ea quæ spiritus sunt, *ὡς ἀνεχεται* prima Corinth. 2.

Q

Deus

Deus uerò est qui operatur & ut uelimus, & ut possimus uerbū & gratiā Dei capere. Aliās manet quod Io. 8. Christus dicit: Verbum meum & $\chi\omega\gamma\eta$: non inuenit aut habet locum in uobis, quo capiat. Hec disertè & accuratè sunt explicanda. Pelagius enim sicut de possibilitate, ita & de capacitate abusus est equiuocatione uocabuli, De gratia & peccato originis cap. 13.

Et Iustinus Apologia prima non satis circumspicte loquitur, ubi sententiam illam, quòd angelorum & hominum genus sit $\delta\epsilon\kappa\tau\iota\kappa\omicron\nu$ uirtutis & uitij, ita explicat: Non enim laude dignū esset, nisi haberet $\delta\acute{\upsilon}\nu\alpha\mu\iota\varsigma$ ἐπ' ἀμφοτέρω τῶν $\pi\epsilon\delta\alpha\iota$. Intelligit capacitatem, potentiam, uim, facultatem aut efficaciam naturalem: qua homo possit, sicut ad malum, ita etiam ad bonum se uertere. Sed quid de hac sententia Augustinus iudicet, notū est.

Et hæc sunt potissima Andradij argumenta: quæ rectè declarata, nihil iuuant illam cuius patrociniū suscepit, sententiam: sicut manifestum est, si omnes illæ disputationes referantur ad statum controuersie quem supra exposuimus. Reliqua uerò, quæ agitari solent argumenta, obiter tantum attingit: quorum plana & expedita est explicatio, si adhibeatur illa quæ uera & necessaria est distinctio: quòd scilicet primò quedam Scripturæ sententiæ loquuntur de libertate nature integræ

integre ante lapsum. Secundo, quedam de ipsa substantia mentis & uoluntatis. Tertiò, quedam loquuntur, de qualicunq; illa libertate, quam in illis rebus quæ sensibus aut rationi subiectæ sunt, uoluntas adhuc habet. Quarto, quedam loquuntur de contingentia in actionibus uitiosis. Quintò, quedam loquuntur de uoluntate, quæ coëpit renouari & liberari. Quãdo enim Deus operatur uelle, tunc uolumus. Et renati habet potestatem ad inchoandas & efficiendas actiones spirituales. Sed illa potestas ex libero arbitrio nulla est, nisi detur desuper per spiritum renouationis: sicut Augustinus contra duas epistolas Pelagianorũ lib. 1. cap. 3. loquitur. Sextò, in multis Scripturæ sententijs, mēti & uoluntati hominis aliquid præscribitur & iubetur: quòd si nõ habeat potestatem obediēdi, uideri posset Deus illudere nostræ calamitati, ac si herus seruo, quem uideat luxatis pedibus ingredi non posse, multa præcipiat, & extrema minuetur, nisi pareat. Aut si quis ad cæcum dicat: Si uolueris uidere, inuenies thesaurum. Sed Augustinus respondet de Gratia & libero arbitrio, capite 16. Magnum aliquid Pelagiani se scire putant, quando dicunt: Non iuberet Deus, quod sciret ab homine, non posse fieri. Quis hoc nesciat? Sed ideo iubet aliqua quæ nõ possumus, ut nouerimus quid ab ipso petere debeamus. Ex lege enim præcipientis & prohibente, non est agnitio uirtutis & potētis nostræ:

nostræ: sed peccati agnitio, hoc est *adluuarius* & deprauationis. Et tamen non frustra iubetur: promittitur enim gratia, quæ operatur ut uelimus & faciamus. Ita Augustinus ibidem inquit: Meminerimus ipsum dicere, Facite uobis cor nouum, & spiritum nouum: qui dicit, Dabo uobis cor nouum, & spiritum nouum dabo uobis. Quomodo ergo quod dicit, Facite uobis: hoc dicit, Dabo uobis? Quare iubet, si ipse daturus est. Quare dat, si homo facturus est? nisi quia dat quod iubet, & adiuuat ut faciat cui iubet. Per gratiam enim fit, ut sit homo bonæ uoluntatis, qui prius fuit uoluntatis male: per hanc etiam fit, ut ipsa bona uoluntas quæ iam esse cœpit, augeatur, &c. Contra 2. epist. Pelag. libro 2. cap. 10. Nihil in Scripturis sanctis homini à Deo uideo iuberi, propter probandum liberum arbitrium, quod non inueniatur uel dari ab eius bonitate, uel posci propter adiutorium gratiæ demonstrandum. 7. Obijcitur, quod in Scriptura multe sunt admonitiones, exhortationes, correptiones, &c. illæ uerò uidentur ociosæ, inutiles, & non necessariae, si non est in homine facultas quædam naturalis, ad actiones spirituales inchoandas & efficiendas. Respondet Augustinus: O homo, in præceptione agnosce quid debeas habere: in correptione agnosce, tuo te uitio non habere: in oratione agnosce, unde accipias quod uis habere. Et uerbum admonēs, exhortans,

hortans, corripuens, est medium seu organon, per quod Spiritus sanctus uoluntatem conuertit, renouat, &c. Correptiones igitur etiam non renatorum, non sunt ociosæ. In renatis uerò principia donorum quæ à Spiritu sancto acceperunt, susciuntur, conseruantur & augentur per admonitiones & correptiones, ne effundantur, sed crescant & augeantur. Hæ explicationes ueræ, simplices & planæ sunt: nec à nobis primū excogitatæ sunt, sed à ueteribus, ab Augustino præsertim traditæ.

QVAM INSIDIOSE POSITA
sint Tridentina Decreta de
Libero arbitrio.

His ita explicatis, lectori paucis iam ostendam, quàm insidiosè canones Concilij ludant meris æquiocationibus. Vnde colligi poterit, quale ibi studium fuerit ueritatis: cum ideo inuehant tenebras æquiocationum, ne ueritas per se manifesta emergere possit. Canone quinto, dicunt anathema illis, qui sentiunt liberum hominis arbitriū, post Adæ peccatum, amissum & extinctum esse: non autem explicant, quid uocabulo liberi arbitrij intelligant. Nam si intelligatur ipsa substantia mentis & uoluntatis, uel libertas in rebus externis, aut in actionibus uitiosis: manifestum est, liberum arbitrium non esse omnino extinctum & amissum. Si autem intelligatur potentia, uis aut

614 EXAMEN DECRETORVM

efficacia ad inchoandas & efficiendas actiones spirituales: aut talis libertas, quæ equam habeat potestatem sicut ad mala, ita & ad bona: iam in præcedentibus ostendimus, quid ex Scripturæ testimonijs rectè respondere possit. Et cū tam uariæ sint æquiuocationes: postulant tamen reuerendi Patres, ut sine distinctione in genere, sub anathematis interminatione confiteamur, hominem post lapsum retinuisse liberum arbitrium: nō autem uel de substantia mentis & uoluntatis, non de libertate discipline in rebus externis, nec de contingentia in actionibus uitiosis potissimū pugnāt. Ita enim quod ad nos attinet, nullam haberent causam fulminandi anathematis: sed de potētia, ui & efficacia naturali ad actiones spirituales, certamen est. Illam uerō quæstionem, expressis uerbis uerentur proponere, cum Scripturæ testimonia nimium sint manifesta. Utuntur itaque artificio æquiuocationis: An liberum arbitrium per peccatum prorsus sit extinctum & amissum. Ita in capitulo secundo, ubi loquuntur de ui naturæ in gentibus, addunt: Tametsi in eis liberum arbitrium minimè extinctum esset, licet uiribus attenuatum & inclinatum. Hæc uerba si de externa rationis disciplina intelligerent, nulla esset inter nos controuersia. Sed hoc uolunt, liberi arbitrij naturalis uires, ad inchoandas & efficiendas actiones spirituales, licet sint attenuatæ & inclinatæ, minimè tamen uel in Gen-
tibus

tibus, uel in Iudæis non renatis extinctas esse.

Nec nouus est, ille æquiuocationum ludus in uocabulo Liberi arbitrij. Luserunt enim illum & olim Pelagiani. Et obseruet Lector, quomodo Augustinus ad illas æquiuocationes respondeat. Ad Bonifacium libro primo, cap. 3. Arbitrium in bono liberum non erit, quod liberatos non liberauerit: sed in malo liberum habet arbitrium. Ibidem: Hæc uoluntas quæ libera est in malis, quia deletur malis: ideo libera in bonis non est, quia liberata non est. De gratia & lib. 1. cap. 15. Semper est in nobis uoluntas libera, sed non semper est bona. Aut enim à iusticia libera est, quando seruit peccato, & tunc est mala: aut à peccato libera est, quando seruit iusticiæ, & tunc est bona: sed per gratiam fit, ut sit homo bonæ uoluntatis, qui prius fuit uoluntatis malæ. De Correptione & gratia cap. 1. Liberum arbitrium, & ad malum & ad bonum faciendum, confitendum est nos habere. Sed in malo faciendo, liber est quisque iusticiæ, & seruus peccati: in bono autem liber esse nullus potest, nisi fuerit liberatus. Ioan. 8.

Et cum Pelagiani argumenta ex uocabulo liberi arbitrij non amissi urgerent, Augustinus opposuit alias appellationes, ex Scriptura sumptas. Ad Bonifaciū lib. 3. cap. 8. Liberū arbitrium captiuatum, non nisi ad peccatū ualet: ad iusticiam uerò nisi diuinitus liberatum, adiutumq; non ualet.

De uerbis Apostoli, sermone undecimo: Ad malè agendum habes sine adiutorio Dei liberam uoluntatem, quanquam illa non est libera: à quo enim quis deuictus est, huic & seruus addictus est.

Contra Iulianum libro secundo, Hic uultis hominem perfici: atque utinam Dei dono, & non libero, seu potius seruo propriæ uoluntatis arbitrio. Epistola 105. ad Vitalem: Liberum arbitrium, ad diligendum Deum, primi peccati granditate perdidimus. In Enchiridio capite tricesimo: Libero arbitrio malè utens homo, & se perdidit, & ipsum. Sicut enim qui se occidit, utiq; uiuendo se occidit: ita cum libero peccaretur arbitrio, uicto-
re peccato amissum est & liberum arbitriū. à quo enim quis deuictus est, huic & seruus addictus est. quæ sententia cū uera sit, qualis quæso potest serui addicti esse libertas, nisi quādo eū peccare delectat?

De uerbis Apostoli, serm. 2. Verum est, magnas liberi arbitrij uires homo cum cōderetur accepit: sed peccando perdidit. Epist. 89. Libertas sine gratia, nihil est nisi contumacia, nō libertas. Verè enim liberi eritis, si filius uos liberauerit.

Vocabula quidem infirmationis, attenuationis & inclinationis, scio extare in concilio Aurasicano: sed ibi in ijs quæ ad salutem pertinent, omnia detrahuntur uigori nature, & tribuuntur gratiæ. Et Canone 13. dicitur: Liberum arbitriū amissum, nisi à quo potuit dari, non potest reddi.

Triden

Tridentinum uerò concilium sub illis uerbis suas occultat insidias, quòd in homine nō renato, reliquæ adhuc sint ad spirituales actiones aliquæ uires, licet ualde attenuatæ & inclinatæ. Consideret igitur lector, quàm insidiosè ludant equiuocatione uocabulorum.

Ita cum dicunt : quia necesse sit hominem assentiri, & recipere gratiam : ideo hominem ipsum, non omnino nihil agere, rectè possumus cū Augustino respondere: Possset bene intelligi, si nō ab istis, quorū sensus notus est, diceretur, Addatur enim, hominē ipsum uelle, et posse assentiri, recipere & agere in conuersione, siue in rebus spiritualibus : non ex suis naturalib. uiribus, siue ex toto, siue lex parte habere : sed accipere ab illo, q̄ operatur uelle & facere. Et nihil erit controuersie. Certum enim est, nec uelle assentiri, recipere, agere, &c. sed Deus operatur uelle & facere. Quid enim habes, quod non accepisti. Quam sententiam de donis naturalibus intelligere, Augustinus ostēdit Pelagianum esse. Cum igitur paucis uerbis has equiuocationes facilem potuissent euoluere : quid existimamus causæ esse, quòd maluerint illis generalitatibus ludere: nisi ut sub illis cothurnis utriq; pedi aptis, antequam sententiariorū fabulam, spectatoribus non animaduertentibus, in theatrū reducere possent?

Illud uerò quòd seriò probare laborant, homi-

Q. 5. nem

nem posse dissentire, & gratiam quando offertur abijcere: nimis proli dolor, uerum est. Neque enim fingimus, gratiam in conuersione ita obtrudi uoluntati, ut uelit nolit cogatur eam habere: sicut cum stigma corpori inuritur: sed hoc dicimus, quod donum & operatio Spiritus sancti sit, ut gratia cum desiderio, delectatione & gaudio recipiatur. Vt autem repudietur, abijciatur & effundatur, carnis nostrae prauitas & malicia est.

Illud etiam non satis explicatè dictum est, liberum arbitrium hominis à Deo motū et excitatum, cooperari assentiendo, Deo excitante & uocante. Omnino enim Augustini distinctio inter gratiam operantem & cooperantem, disertè explicanda est: An scilicet liberum arbitrium, naturalibus suis uiribus cooperetur Deo: ita ut cum Deus operatur in nobis uelle et assentiri, naturalis quaedam uis seu efficacia ueteris hominis cooperetur, ad producendum illud uelle seu assensum illum. Siue quando gratia mouet & excitat uoluntatem, quod tunc ex naturalibus uiribus uoluntatis assensus emergat. Augustinus certè dicit: Vt uelimus, Deus operatur sine nobis, sicut supra explicatum est. Acceptis uerò primitiis donorum spiritaliū, uoluntatem renatam esse *σύνεργον* Dei, illis facultatibus quas à spiritu regenerationis accepit, nullum est dubium.

Obseruanda præterea est insidiosa equiuocatio in

tio in uerbo adiuuandi. Augustinus præclare dicit, de Correptione & gratia cap. 1. Si uos filius liberauerit, uerè liberi eritis. Non ita, ut cum quisque fuerit à peccati damnatione liberatus, iam nō indigeat liberatoris sui auxilio: sed ita potius, ut ab illo audiens, Sine me nihil potestis facere: dicat ei & ipse, Adiutor meus esto.

Item in Enchiridio: Hominis uoluntatem adiuuat præparatam, & præparat adiuuandam. Sed sub illo uerbo adiuuandi, Pelagius uenenū suum insidiosè occultabat. Dicit enim apud Augustinum libro. 1. capite 19. ad Bonifacium: In omni opere bono hominem semper adiuuari à gratia. Et libro 4. cap. 6. gratiam adiuuare uniuscuiusque bonum propositum: Hoc sine scrupulo, inquit Augustinus, acciperetur. Sed Pelagius inde texebat tale argumentum. Qui adiuuatur, ipse unā cum adiuuante aliquid agit & operatur.

Voluntas non renata, adiuuatur à gratia. Ergo ex se aliquid confert, & uiribus suis naturalibus, quas habet ex prima natiuitate, aliquid cooperatur ad conuersionem. Augustinus uerò respondet libro 3. capite 4. ad Bonifacium: Tempore ueteris Testamenti in ijs qui secundum promissionem filij erant, Spiritum sanctum nō solum adiutorem (quod Pelagiani dogmati suo sufficere existimat) uerumetiam largiorem fuisse dicimus uirtutis, quod isti negant. Et libro 2. cap. 9.

Hominis

Hominis bonum propositum adiuuat quidem subsequens gratia: sed nec ipsum esset, nisi præcederet gratia. Adiuuantem igitur gratiam Augustinus tunc primum ponit, quando sine ueteris hominis cooperatione gratia præueniens operata est uelle. tunc enim adiuuat ne frustra uelimus. Hac adhibita cōsideratiōe, inspiciat lector decreta Tridentina: & agnoscat, quā generaliter & insidiosē, sine iusta & necessaria distinctione utantur uerbo adiuuandi. Nec calumniosē uerba torqueamus. Ex Andradio enim interprete concilij didicimus, quā sententia sub illis uerborum inuolucris texerint. Nam & Cassiani manifestē Pelagianas sentētiās quas contra Iesuitas notaueram, quas Prosper iusto scripto grauiter refutauit, quarum etiam quædā in Aurasciano concilio disertē damnatæ sunt, Andradius Tridenti in ipso concilio publice defendit. nempe: Deus cum in nobis ortum bonæ uoluntatis uiderit, quā uel ipse plantauit, uel nostro conatu uiderit emerxisse, confestim illuminat, confortat, &c.

Item: Euidenter apparet etiam per naturæ bonū, quod beneficio creatoris indultum est, nonnunquā bonarum uoluntatum prodire principia. Item: Dubium uidetur, an quia initium bonæ uoluntatis præbuerimus, Deus misereatur nostri: an uerò e contra. Vtrumq; enim recipiendum est, ut in alijs uoluntatem gratia perueniat, in alijs uoluntas gra-

tiam,

tiam, &c. Hæc Cassianus. Vt autem imperitum lectorem Andradius fallat, Paphnutij quasdam sententias, quæ extant in 3. collatione recitat: cum de illis quas ex 13. collatione Prosper refutauit, respondere deberet.

Exagitant etiam illud quod Lutherus dicit, hominem ad regenerationem, renouationem, seu conuersionem habere se merè passiuè. Et sanè hac phrasi offendi posset aliquis, qui nō est assuetus modis loquendi, qui Scholasticis scriptoribus usitati sunt: quasi sensus sit, Spiritum sanctum ita operari conuersionem, ut in uoluntate quæ renouari cœpit, nulli omnino sequantur noui motus: sed planè sit ociosa & iners, & tantum bruta agitatione percellatur & protrudatur. Quod Luthero nunquā in mentem uenit. Theologos uerò qui in Tridentino cōcilio adhibiti fuerūt, quia & enutriti sunt, & consueuerunt in illo genere dicendi quod Scholasticis scriptoribus usitatum est: non est dubium, bene intellexisse quid sit, merè passiuè se habere: sed cauillandi studium non potuerunt dissimulare: præsertim cum suam de naturalibus liberi arbitrij uiribus, quas si non ex toto, saltem ex parte aliqua, ad renouationem seu conuersionem conserrat, hoc modo existimarent non incommode posse hominibus obtrudi. Vsitata autem est apud Scholasticos disputatio: Quod subiectum recipiens formam aliquam, qualitatem, habitum, actionem, &c. quatenus

612 EXAMEN DECRETORVM

quatenus recipit, habeat se passiue. Sunt uero quedam subiecta, que praterquam quod recipiendo se passiue habent, etiam actiuitatem quandam in se habent, quam conferunt, & qua simul cooperantur, ut forma, qualitas, actio seu habitus in subiecto illo producat. Et talia subiecta habent se ad productionem forme, non mere passiue, sed partim passiue, partim actiue. Sunt uero alia quedam subiecta, que ad productionem forme, nullam ex se habent actiuitatem, sed tantum recipiunt formam. Et illa dicuntur se mere passiue habere. Illos modos loquendi Scholasticorum, Lutherus, ut tunc temporis in scholis usitatos & notos, accommodauit ad doctrinam de libero arbitrio.

Cum enim mens & uoluntas sint subiectum, in quo Spiritus sanctus operatur conuersionem seu renouationem: hactenus habet se subiectum illud, iuxta Scholasticorum phrasas, passiue. Iam uero questio est: An mens & uoluntas, qualis est ex prima natiuitate, in hac natura per peccatum corruptione, habeat actiuitatem aliquam: hoc est, *ἀντιπρῶτον*, uim seu efficaciam aliquam quam conferat, & qua simul cum Spiritu sancto coopereatur, ut inchoetur conuersio, sancta cogitatio, bonum propositum, studium, conatus, lucta, &c. In motibus & actionibus spiritualibus, hoc est (ut Scholastici loquuntur) an uoluntas non renata, habeat se ad spirituales conuersionem partim actiue,

diuē, partim passiue? Quia uerò Scriptura tra-
 dit, *ὁὐκ ἐμυ* illam ad spiritualia esse per pecca-
 tum amissam, ita ut nihil possit uoluntas ex se: &
 Augustinus etiam, gratiam qua Deus operatur in
 nobis uelle, non uult uocari cooperantem, sed o-
 perantem. Lutherus igitur usus Scholasticorum
 phrasi, sententiam illam ita explicauit, quòd me-
 re passiue se habeat. Et tamen non docuit, sine co-
 gitatione mentis, & consensu uoluntatis fieri con-
 uersionem: sed hoc uoluit, Deum eos quos con-
 uertit, trahere uoluntatibus eorum, quas ipse in il-
 lis per Spiritum sanctum operatus est, sicut Augu-
 stinus loquitur.

Nihil igitur incommodi habet illa phrasis, si
 rectè intelligatur. Sed constituta de rebus ipsis ue-
 ra sententia, de modis loquendi facilis potest irri-
 ratio: ut scilicet sine ambiguitate, rem ipsam pro-
 priè, commodè & perspicuè explicent.

Ecquid igitur in omnibus hisce decretis, qua
 de libero arbitrio loquuntur, lector aliud depre-
 hendit, quàm ambiguos lusus multiplicium equi-
 uocationum? Sed inquis: Certè non ad luden-
 dum conuocati fuerunt Patres Tridentum, sed
 res seria acta fuit. Ego uerò respondeo, genera-
 litatibus, ambiguitatibus & equiuocationibus
 ueritatem citius amitti & obscurari, quàm uel
 inueniri, uel illustrari. Quid igitur cause esse
 putas, quòd in re seria & graui, hoc artificio
 nti uo-

24. EXAMEN DECRETORVM

uti uoluerunt? nisi hoc, quòd Scholasticorum opi-
niones de libero arbitrio nimium crassas, non ausi
fuerunt denudatas in Theatrum producere, ne pri-
mo aspectu exploderetur: quia tamen omnino reti-
nere illas uoluerunt; inuoluendæ ita fuerunt ambi-
guis generalitatibus & æquiuocationibus, ut quo-
quo modo Ecclesiæ rursus obtruderentur. Aut for-
san ideo hoc factum est, quia (sicut Ruardus Tap-
perus dicit) in concordantia gratiæ & liberi arbi-
trij, esse liberum, ut suo quisque sensu abundet. Er-
go, inquis, & Augustanæ confessioni sua senten-
tia libera permittetur? Nihil uerò minus. Si-
cut enim in loco de Peccato originis diximus: In
Papatu quiduis liberum est opinari: ea uerò
sola sententia damnatur & anathe-
matifatur, quæ ex Scripturæ
testimonijs extru-
cta est.

EX DECRE-

CONCILII TRIDENTINI. 625
EX DECRETO SEXTAE SESSIO-
nis Tridentini Concilij.

De dispensatione & ministerio
aduentus Christi.

Quo factum est, ut cœlestis pater,
pater misericordiarum, et Deus
totius consolationis, Christum Iesum
filium suum, & ante legem, & legis
tempore multis sanctis patribus decla-
ratum ac promissum, cum uenit bea-
ta illa plenitudo temporis, ad homines
miserit : ut & Iudæos qui sub lege e-
rant, redimeret : & gētes quæ nō secta-
bantur iusticiam, iusticiam apprehen-
derent, atq; omnes adoptionē filiorum
reciperent. Hunc proposuit Deus pro-
piciatorem, per fidem in sanguine ipsi-
us, pro peccatis nostris : non solum au-
tem pro nostris, sed etiam pro
totius mundi.

R

Qui

Qui per Christum iustificatur.

Verum etsi ille pro omnibus mortuus est, non omnis tamen mortis eius beneficium recipiunt: sed ij duntaxat, quibus meritum passionis eius communicatur. Nam sicut reuera homines, nisi ex semine Adæ propagati nascerentur, non nascerentur iniusti: cum ea propagatione, per ipsam dum concipiuntur, propriam iniusticiam contrahant: ita nisi in Christo renascerentur, nunquam iustificarentur: cum ea renascentia per meritum passionis eius, gratia qua iusti fiunt, illis attribuatur. Pro hoc beneficio Apostolus gratias nos semper agere hortatur patri: qui dignos nos fecit in partem sortis sanctorum in lumine, & eripuit de potestate tenebrarum, transtulitq; in regnum filij dilectionis sue, in quo

in quo habemus redemptionem & remissionem peccatorum,

Insinuatur descriptio iustificationis impij, & modus eius in statu gratiæ.

Quibus uerbis iustificationis impij descriptio insinuatur, ut sit translatio ab eo statu in quo homo nascitur filius primi Adæ, in statum gratiæ & adoptionis filiorum Dei, per secundum Adam, Iesum Christum saluatorem nostrum. Quæ quidem trāslatio post Euangelium promulgatum, sine lauacro regenerationis, aut eius uoto fieri non potest, sicut scriptum est: Nisi quis renatus fuerit ex aqua & Spiritu sancto, non potest introire in regnum Dei.

R 2

Modus

Modus præparationis.

Disponuntur autem ad ipsam iusticiã, dum excitati diuina gratia, & adiuti, fidẽ ex auditu concipientes libere mouetur in Deum: credentes uera esse quæ diuinitus reuelata & promissa sunt, atq; illud in primis, à Deo iustificari impium per gratiã eius, per redemptionem quæ est in Christo Iesu: & tamen peccatores se esse intelligentes, à diuinæ iusticiæ timore, quo utiliter concutiuntur, ad considerandam Dei misericordiam se conuertendo, in spem eriguntur, fidentes Deũ sibi propter Christum propitium fore: illumq; tanquam omnis iusticiæ fontem, diligere incipiunt: ac propterea mouetur aduersus peccata, per odiũ aliquod & detestationem, hoc est per eam pœnitentiam quam ante baptismum agi oportet:

tet: deniq³ proponunt suscipere baptis-
 mum, inchoare nouam uitam, & ser-
 uare diuina mandata. De hac disposi-
 tione scriptum est: Accedentem ad
 Deū oportet credere quia est, & quod
 inquirentibus se remunerator sit. &:
 Confide fili, remittuntur tibi peccata
 tua, &: Timor Domini expellit pec-
 catū. &: Pœnitentiā agite, & baptise-
 tur unusquisq³ uestrū in nomine Iesu
 Christi, in remissionē peccatorū uestro-
 rum, et accipietis donū Spiritus sancti.
 &: Eūtes ergo, docete oēs gētes, baptisan-
 tes eos in nomine patris & filij & spiri-
 tus sancti, docentes eos seruare omnia
 quaecunq³ mandauī uobis. Deniq³ præ-
 parate corda uestra Domino.

Quid sit iustificatio impij, & quæ
 eius causæ.

Hanc dispositionē seu præparationē

R 3 iusti-

iustificatio ipsa consequitur: quæ non est sola peccatorum remissio, sed & sanctificatio, & renouatio interioris hominis, per uoluntariam susceptionem gratiæ & donorum: unde homo ex iniusto fit iustus, & ex inimico amicus, ut sit heres secundū spem uitæ æternæ. Huius iustificationis causæ sunt: finalis quidē, gloria Dei & Christi, ac uita æterna: efficiens uerò, misericors Deus, qui gratuito abluit et sanctificat, signans & ungens Spiritu promissionis sancto, qui est pignus hereditatis nostræ: meritoria autem, dilectissimus unigenitus suus, Dominus noster Iesus Christus, qui cum essemus inimici, propter nimiam charitatem quæ dilexit nos, sua sanctissima passione in ligno crucis nobis iustificationem meruit, & pro nobis Deo pa-

tri satisfecit: instrumentalis item sacramentū baptismi, quod est sacramentū fidei, sine qua nulli unquā iustificatio contingit: demū unica formalis causa est, iusticia Dei, nō qua ipse iustus est, sed qua nos iustos facit: qua uidelicet ab eo donati, renouamur spiritu mentis nostræ: & non modo reputamur, sed uerè iusti nominamur & sumus, iusticiā in nobis recipientes unusquisque suam, secundum mensuram quam Spiritus sanctus partitur singulis prout uult, & secundū propriam cuiusque dispositionem & cooperationē. Quamquam enim nemo possit esse iustus, nisi cui merita passionis Domini nostri Iesu Christi communicantur: id tamen in hac impij iustificatione fit, dum eiusdem sanctissimæ passionis merito, per Spiritum sanctū charitas Dei diffun-

ditur in cordibus eorum qui iustifican-
tur, atq₃ ipsis inhaeret. Unde in ipsa iu-
stificatione, cum remissione peccatorū,
haec omnia simul infusa accipit homo
per Iesum Christum, cui inseritur per
fidem, spem & charitatem. Nam fi-
des, nisi ad eam spes accedat & chari-
tas, neque unit perfecte cum Christo,
neque corporis eius uiuum membrum
efficit. Qua ratione uerissime dicitur,
fidem sine operibus mortuam & ocio-
sam esse: & in Christo Iesu neq₃ cir-
cumcisionem aliquid ualere, neq₃ prae-
putium, sed fidem qua charitatem o-
peratur. Hanc fidem ante baptismi
sacramentum, ex Apostolorum tra-
ditione catechumeni ab Ecclesia pe-
tunt: dum petunt fidem, uitam ater-
nam praestantem, quam sine spe &
charitate fides praestare non potest.

Unde

Ude & statim uerbum Christi audiunt: Si uis ad uitā ingredi, serua mandata. Itaq³ ueram et Christianam iusticiam accipientes, eam ceu primam stolam, pro illa quam Adam sua inobediētia sibi & nobis perdidit, per Christum Iesum illis donatam, candidam & immaculatam iubentur statim renati conseruare: ut eam perferant ante tribunal Domini nostri Iesu Christi, & habeant uitam eternam.

Quomodo intelligatur, impiū per fidem & gratis iustificari.

Cū uerò Apostolus dicit, iustificari hominē per fidē et gratis: ea uerba in eo sensu intelligenda sunt, quē perpetuus Ecclesiæ catholicæ cōsensus tenuit & expressit: ut scilicet per fidē ideo iustificari dicamur, quia fides est humanæ salutis initium, fundamentum & radix omnis iustificationis: sine qua im-

634 EXAMEN DECRETORVM
possibile est placere Deo, et ad filiorum
eius consortium peruenire: gratis autē
iustificari ideo dicamur, quia nihil eo-
rum quæ iustificationē præcedunt, siue
fides siue opera, ipsam iustificationis
gratiam promeretur. Si enim gratia
est, iam non ex operibus: alioquin (ut
idem Apostolus inquit) gratia non
est gratia.

De acceptæ iustificationis
incremento.

Sic ergo iustificati, & amici Dei
ac domestici facti, euntes de uirtute in
uirtutem renouantur (ut Apostolus
inquit) de die in diem: hoc est, morti-
ficando membra carnis suæ, & exhi-
bendo ea arma iusticiæ in sanctifica-
tionem, per obseruationem manda-
torum Dei & Ecclesiæ. In ipsa iusti-
cia, per Christi gratiam accepta, coo-
perante fide bonis operibus, crescunt,

atq;

atq; magis, iustificatur, sicut scriptum est: Qui iustus est, iustificetur adhuc. Et iterum: Ne uerearis usq; ad mortem iustificari. Et rursus: Videtis, quoniā ex operibus iustificatur homo, & non ex fide tantum. Hoc uerò iusticiæ incrementum petit sancta Ecclesia, cum orat: Da nobis Domine fidei, spei et charitatis augmentum.

CANON IX.

Si quis dixerit, sola fide impiū iustificari, ita ut intelligat, nihil aliud requiri quod ad iustificationis gratiam consequendam cooperetur: & nulla ex parte necesse esse, eum suæ uoluntatis motu præparari atq; disponi, anathema sit.

CANON X.

Si quis dixerit, homines sine Christi iusticia, per quam nobis meruit iustificari, aut per eam ipsam formaliter iustos esse, anathema sit.

CANON

CANON XI.

Si quis dixerit, hominē iustificari uel sola imputatione iusticiæ Christi, uel sola peccatorum remissione, exclusa gratia et charitate, quæ in cordibus eorum per Spiritum sanctum diffundatur, atque illis inhæreat: aut etiam gratiam qua iustificamur, esse tantum fauorem Dei, anathema sit.

CANON XII.

Si quis dixerit, fidem iustificantē nihil aliud esse, quàm fiduciam diuinæ misericordiæ, peccata remittentis propter Christum: uel eam fiduciā solam esse, qua iustificamur, anathema sit.

CANON XXIIII.

Si quis dixerit, iusticiam acceptā non cōseruari, atq; etiam non augeri corā Deo per bona opera: sed opera ipsa fructus solummodo, & signa esse iustificationis adeptæ, non etiā ipsius augēdæ causam, anathema sit.

EXAMEN.

Hic locus est præcipuus in doctrina Christiana. Anxie enim & per terrefactæ mētes, quæ cum peccato

peccato & ira Dei luctantur, unicum hunc portū
querunt, quomodo Deum possint habere placatū
& propitium. Et fides in tentatione de unica hac
consolatione sollicitè circumspicit, quid debeat ap
prehendere, quo niti: ne iusto Dei iudicio ob pecca
ta damnetur, sed ut ira Dei placata, miser pecca
tor in gratiam recipiatur, & acceptetur ad uitam.
finis enim fidei, est uita æterna. 1. Pet. 1. Ibi uerò uni
cus locus iustificationis rectè explicatus, & ita in
tellectus, sicut in doctrina Euāgēlij patefactus est,
affert necessariam et uberrimam consolationem
pijs conscientijs, illustrat & amplificat gloriam fi
lij Dei, redemptoris & mediatoris nostri. Contra
uerò si locus hic peregrinis opinionibus adultere
tur, obscurat gloriam & beneficia Christi, & eri
pit afflictis conscientijs necessarias consolationes,
quæ in Christo nobis propositæ sunt. Nondum au
tem planè intermortua est memoria, qualis fuerit
sub Papatu carnificina conscientiarū, luctantium
in tentatione cum peccato & ira Dei, & anxie
querentium firmam & certam aliquam consola
tionem: dum præterito Christo, qui unus ad omnē
iusticiam nobis sufficit, iam ad sanctitatē operum
debitorum, iam ad proprias satisfactiones operum
indebitorum, iam ad supererogationes, mox ad su
perflua merita ordinum, ad uarias fraternitates, ad
patrocinia sanctorum, ad peregrinationes, ad nun
dationes indulgentiarum, & quò non miseras
con-

638 EXAMEN DECRETORVM

conscientiis abduxerunt & circumegerūt. Et tandem peractis illis omnibus, in tristissima dubitatione illas reliquerunt, proposita (si dīs placet) consolatione ignis purgatorij. Pighius etiam, quantumvis nobis iniquus & acerbus, tamen de articulo iustificationis inquit: Dissimulare non possumus, à nostris hāc uel primā doctrinæ Christianæ partē, obscuratā quā illustratam magis, à Scholasticis spinosis plerisq; quæstionibus et definitionibus. Et tales extant multorū querelæ inter ipsos Pontificios etiā. Iam uerò in concilio Tridentino, grauissima hæc quæstio in deliberationem deducta fuit, & quidē sicut ipsi narrant, per 7. menses agitata. Et quis nō speraret, cum doctrina hæc ex multis manifestissimis Scripturæ testimonijs, hoc tempore clarissimē sit illustrata, fore ut desertis philosophis Scholasticorū lacunis, ad fontes Propheticos & Apostolicos, si non omnino, propius saltē accederēt, præsertim cum per tot menses res fuerit deliberata. Sed eum tandē exitum habuit longa illa deliberatio. Crebri illi congressus, & multæ illæ disputationes in concilio, de articulo iustificationis, q̄ profunda anathematū liberalitate, damnata est ea quæ est omniū prophetarū & Apostolorū sententia, quòd homo iustificetur, hoc est in gratiam recipiatur & acceptetur ad uitam æternam, sola imputatione iusticiæ Christi, uel sola remissione peccatorum, fide apprehendente misericordiam

Dei.

Dei, peccata remittentis propter Christum.

Tota uerò lerna & colluuius Scholasticorū opionū de inherētibz nouis iusticiæ qualitātibus, propter quas homo reddatur & sit Deo gratus, et ad uitam eternā acceptus per bona sua opera, ex nouis illis qualitātibus prodeuntia, Ecclesiæ rursus obtruditur, quasi doctrina ab ipso filio Dei, sole iusticiæ tradita: et quidē addita districta inhibitione, ne deinceps audeat quisquā aliter credere, prædicare aut docere. Infelicē ergo Ecclesiam, cui per Tridētinū cōciliū nō licebit credere, prædicare uel docere illā beatitudinem hominis, testimonio Moysis, Dauidis, et omnīū prophetarū cōfirmatā: cui Deus imputat iusticiā sine operibus, iuxta dictū: Beati quorū remissæ sunt iniquitates. Rom. 4. Sed dicat quis: Si propositū Patrū cōciliij hoc fuit, ut tantum repeterēt cōdemnationes doctrinæ nostrarū Ecclesiarū, et significarēt se nullā ex uerbo Dei reformationem doctrinæ suæ, qualis ea cūq; est, admittere aut uelle aut posse: potuissent rē breuib. expedire, nec opus fuisset per tot mēses cōtinuatis deliberationib. Et aliq. qdē suspiciātur, hoc pro forma (qd' dicitur) factū esse, ut species aliqua præcēdi posset nō ex præcōceptis opinioib. sed habitadiuturna, graui & matura deliberatiōe, ex Scripturæ fundamētis, cōdita esse illa de iustificatiōe decreta. Ego uerò ex ipsis decretis, præcipuē uerò ex Andradio meo colligo, causis tā sollicitæ et diuturnæ deliberationis p

tot menses, duas præcipuè fuisse. 1. Quia testimoniorum Scripturæ, quæ tradunt, nos non propter nostras qualitates & uirtutes, sed gratuita imputatione iusticiæ, obedientiæ & meriti Christi, coram iudicio Dei iustificare: hoc est, à peccatis absolui & acceptari ad uitam æternam. Lux tanta est quæ paruulos illuminat, pios confirmat, & aduersariorum etiam oculos uel inuitos, sua claritate perstringit: quærenda fuerunt artificia, quibus lux illa, obiecta aliqua nebula & caligine, posset obscurari, ne tanta claritate in oculos hominum incurreret. Et quia specie aliqua illud fieri debebat: non unius itaq; mensis deliberatione, negotium hoc confici potuit. 2. Scholastici nimium crasse philosophantur, de homine faciente quod in se est, de merito cōgrui, de gratia gratum faciente, de merito condigni. Et de iustificatione sine Scriptura non aliter disputāt, ac si in Aristotelis schola, de physicis motibus philosopharentur. Quia uerò sententiam illam Scholasticorum, concilium retinere uoluit (uidit autem homines lectione Scripturæ, uel inuito toto Antichristi regno, tantū iam profecisse, quòd à prophanis illis disputationibus et uocibus abhorrent, & ad Scripturā omnia reuocari uolunt) magni igitur laboris, & diuturnæ deliberationis res fuit, excogitare, quomodo philosophica de iustificatione opinio, Scripturarū uocibus quibusdam ita posset circumuestiri, ne à quouis statim agnosceretur,

sceretur, sed aliquo modo posset huius temporis lucem ferre.

Hæc principaliter acta fuisse, in illa tot mensium tractatione, & decreta ipsa, præcipue uerò Andradij explicationes luculenter testificantur, sicut ostendemus.

VERVS STATUS LOCI DE Iustificatione.

Prius autem de sophistica illa dicendū est, quæ uerū disputationis *νεγώμῳ* astute occultant, & odiose sententiam nostram prægrauant. Certū est, utrumq; esse beneficiū filij Dei Mediatoris, & remissionē peccatorū, & renouationē, in qua Spiritus sanctus in credentibus accendit nouas uirtutes. Christus enim sua passione meruit nobis non tantum remissionē peccatorum, uerumetiam hoc, quòd propter ipsius meritum datur nobis Spiritus sanctus, ut renouemur spiritu mētis nostræ. Hæc beneficia filij Dei, dicimus quidem esse coniuncta, ita ut quando reconciliamur, simul etiam detur Spiritus renouationis. Sed propterea non confundimus illa, sed distinguimus: ita ut cuiq; suum locum, ordinem, & suam proprietatem tribuamus, sicut ex Scriptura didicimus: ut scilicet reconciliatio seu remissio peccatorum præcedat, & postea sequatur inchoatio dilectionis seu nouæ obedientiæ. Præcipue uerò, ut fides statuatur se habere placatū Deū, & remissionem peccatorum: non propter sequen-

S

tem

tem & inchoatam nouitatem, sed propter mediatorem filium Dei.

Inde uerò Pontificij texunt calumniam, quasi beneficia filij Dei diuellamus & mutilemus. Omnia enim decreta Tridentina, de iustificatione, ita condita sunt, ut obliquè nos insimulent, quasi doceamus, credentes tantum habere remissionem peccatorum, non uerò etiam renouari per Spiritum sanctum. item Christum meruisse nobis tantum reconciliationem, & non simul etiam renouationem: quasi renouationē, charitatem, seu nouam obedientiā ita excludamus, ut nec adsit, nec sequatur in recōciliatis: quasi in renatis unica tantum uirtus fidei adesse debeat, reliquarum præsētia aut consequentia simpliciter exclusa. Sed tantum impudentes & sicophanticae sunt calumniae: quibus strepitum excitant, ne homines imperiti animaduertant, qua de re controuertatur. Sæpius enim à nostris repetitum est, planè & clarè nos docere, oportere in renatis existere noticiam articulorum fidei, contritionem, bonum propositum: ac inchoari dilectionē, & debere sequi bona opera. Expresse etiam damnamus Simonis Magi blasphemiam, qui finxit hominibus gratis fide saluatis liberum esse, ut agant quæcunq; uelint. Salutē enim contumeliosè definiebat, esse liberationem ab illa seruitute, qua homines ad bonas actiones ex mandato Dei obligantur, nec permittuntur agere
que

que uelint. Hi sunt acerbis, & uerè diabolici sarcasmi, quibus Apostolorum doctrinam de gratuita iusticia fidei, et de libertate Christiana, sathan ludificare uoluit, & eam inuisam reddere bonis mentibus. Serio etiam abhorremus à Basilidis blasphemiam, qui finxit ita nos sola gratia fide saluari, ut omnes qualescunque actiones, & quidem uniuersa libido indifferenter usurpari possit.

Improbamus etiam Gnosticos, qui dixerunt se saluari ex sola cognitione, & propter fidei excellentiam adeò spirituales fieri, ut non possint gratia excidere, quicquid etià perpetrèt. Improbamus & illud quod Augustinus hæresi 54. dicit, Aetiū et Eunomiū usq; adeò fuisse bonis moribus inimicos, ut asseuerarint, quòd nihil cuiquā obesset quorūlibet perpetratio et perseuerantia peccatorum, si modò huius quæ ab ipso docebatur, fidei particeps esset.

Hæc repetere hoc loco uolui, ut boni uiri ubicunq; sunt, intelligant, iniuste nostras Ecclesias hæc calūnijs deformari, quasi alterū beneficiū filij Dei, renouationē scilicet spiritus abijciamus: et doctrinā de poenitentia, de caritate, de noua obedientia & bonis operib. simpliciter excludamus à nostris Ecclesijs. Necessariū etiā fuit, hæc explicationē præmittere, ut uerum huius cōtrouersie *αγιώμενον*, qd' insidiosè et magno studio à Tridētinis occultatur, planè & clarè cōstitui posset. Nequaquā. n. hic est stat: an credētes, postquā remissionē peccatorum

fide propter Christum acceperunt, etiam renouentur spiritu mentis suæ. nec quæstio est, an renouatio etiam pertineat ad beneficia Christi. neque hæc est controuersia, an oporteat existere in homine pœnitentiam, contritionem, bonum propositum, ac inchoari dilectionem, et sequi bona opera. hæc enim omnia planè & clarè confitemur, docemus, & sedulò urgemus in nostris Ecclesijs. Et hæc cum ita se habeant, lector ipse secum reputet quale sit artificium, in hac tam graui controuersia, sophisticis cauillationibus ludere, & statum controuersie occultare.

Sed dicat quis: Si hæc ita se habent, quid igitur est, de quo tam acriter, ad totius ferme orbis tumultum, de articulo Iustificationis contenditis? Certè sicut uos renouationē non negatis, nec charitatem simpliciter abijcitis: ita Pontificij remissionem peccatorum non negant, sed confitentur. Et si de rebus ipsis consensio est, erunt igitur tantum λογωμαχίας: hoc est, uerbales cōtentiones, seu bellū grammaticale. Pontificij enim uerbum iustificare, intelligunt iuxta morem Latine compositionis, pro iustum facere, donato uel infuso habitu iusticiæ inhererentis, unde prodeant opera iusticiæ. Lutherani uerò Hebraica phrasi uerbum iustificare accipiunt: ideo iustificationem definiunt absolutione à peccatis, seu remissione peccatorum, imputatione iusticiæ Christi, adoptione & hereditate uite æternæ:

eternæ: idq; tantum propter Christum, fide apprehensum. Et tamen simul docent sequi renouationē, inchoandam esse dilectionem, & bona opera. Non ergo de rebus ipsis, sed tantum de uocabulo iustificationis certamen erit: quod inde oritur, quia alius aliter uerbum illud intelligit, & interpretatur. Et certē in Ecclesia non decet, quando res ipsæ saluæ sunt, de uocabulis mouere turbas. Paulus enim 1. Timoth. 6. grauiter dicit, morbum Ecclesiæ perniciosum esse, quando quis languet circa quæstiones & logomachias: ex quibus oriuntur inuidiæ, contentiones, blasphemie, cōcertationes hominū mente corruptorum, qui ueritate priuati sunt.

Hanc obiectionem ideo recensui, ut eo commodius et planius explicari & mōstrari posset, quod sit *κρίσις*, seu quis sit uerus status huius controuersie, de articulo iustificationis.

Est autē nostra simplex hæc, & aperta responsio: Nequaquam tales sumus turbatores, qui ueræ, solidæ, & salutaris concordie ita simus iniqui, & adeo cupidi cōtentionum: ut etiamsi de rebus ipsis constituta esset uera, pia & salutaris consensus, quæsituri tamen essemus materiam rixarum, ex uerborum pugnis.

Patribus enim, licet plerumq; uerbum iustificationis accipiant pro renouatione, qua efficiuntur in nobis per Spiritum opera iusticie, non mouemus litem: ubi iuxta Scripturam rectē & cōmodē tra-

dunt doctrinam, quomodo & quare persona Deo reconcilietur, accipiat remissionē peccatorum, & adoptionē, & acceptetur ad uitā aeternā. Sæpe etiā à nostris monstratū est discriminē illud significatio-
num, quomodo iuxta analogiā fidei, et perpetuam Scripturæ sententiam rectē, piē & dextrē intelligi & admitti possit illa etiam significatio, si cum Patribus accipiat iuxta morem Latine cōpositio-
nis. Sed nihilo placatiores facti sunt Pontificij. Nō enim de uocabulis tantū, sed præcipuē de reb. ipsis dissensio & certamē est, in articulo iustificationis.

Hec enim est principalis quæstio, hic status, hoc *ἡ ἀπορία*: quid scilicet id sit, propter quod Deus hominem peccatorem in gratiam recipiat, quid iudicio Dei opponi debeat & possit, ne iuxta rigidam legis sententiam dampnemur: quid fides apprehendere et adferre, quo niti debeat, quādo uult cum Deo agere, ut accipiat remissionem peccatorum: quid interueniat, propter quod Deus peccatori, qui commeritus est iram & æternam damnationem, reddatur placatus & propitius: quid conscientia statuere debeat illud esse, propter quod donetur nobis adoptio: in quo tutò collocari possit fiducia, ut acceptemur ad uitam æternam, &c. An illud sit satisfactio, obediētia & meritum filij Dei mediatoris: an uerò inchoata in nobis nouitas, dilectio, & reliquæ uirtutes in nobis. Hic est status ille controuersie, qui tam studiosē & insidiosē in decretis

decretis Tridentinis occultatur : quem pluribus uerbis ideo simplicius aliquando explicare uolui, ut uideat lector, non λογωμαχίαν esse, sed rem longè grauissimam, & conscientijs unice necessariam, quæ in hoc loco in controuersia posita est. Et quando ad hunc scopū omnes disputationes in hoc loco referuntur, tunc omnia sunt planiora.

DE VOCABVLO IUSTIFICATIONIS.

He uerò quæstiones adeò connexæ, imò quasi inuolutæ sunt uerbo iustificandi, ut cuicunque rei tribuatur iustificatio fidei, siue quod iustificet nos : statim sponte sequatur, illam rem esse, propter quam à Deo in gratiam recipiamur : & illam rem fidem debere iudicio Dei opponere, ne persona damnetur : propter illam rem Deum reddi nobis placatum, donare adoptionem, & acceptare nos ad uitam æternam. Hoc usque adeò certum & manifestum est, ut Tridentini etiam dicant : iustificationem esse translationē ab eo statu in quo homo nascitur filius iræ, in statum gratiæ & adoptionis. Et descriptionem iustificationis impij insinuari in illa sentētia Pauli Colossensium primo : Eripuit nos de potestate tenebrarum, transtulitq; in regnum filij dilectionis suæ, in quo habemus redemptionem & remissionē peccatorum. Videt lector, ipsos ad ueram significationem uerbi iustificare, nō obscure alludere : sed mox postea, ubi ad

rem ipsam uentum est, ut explicetur quid sit iustificatio peccatoris : ibi iustificare ipsis aliud nihil significat, quàm homini per spiritum renouationis infundi habitum, uel qualitatem iusticiæ inherentem. Et nouitatem quidem in credentibus per Spiritum sanctum inchoari, nos etiam docemus : sed dicimus illa nouitate nos non iustificari corā Deo: hoc est, nouitatē nostrā nō esse illud propter quod recipiamur in gratiam, & accipiamus remissionē peccatorū: nec esse illud quo fides niti debeat, quando agit cū Deo, ut adoptemur in filios, & acceptemur ad uitā æternā. Ex ualde multiplicibus igitur fraudibus consuta sunt Tridentina decreta de iustificatione, sicut hactenus ostendimus.

Manifestum est autem ex ijs quæ iam diximus, ueram Scripturæ sententiam de iustificatione non posse commodius explicari, intelligi & cōseruari, nec cōtrarias corruptelas rectius et illustrius posse refutari, quàm ex propria et genuina significatione uerbi iustificare. Neq; ignorant hoc Pontificij: sicubi enim mentionē faciūt Hebraicæ proprietatis, ualde leui brāchio hoc attingunt. Ipsorum enim instituto accommodatius est, si abutantur similitudine analogiæ Latine cōpositionis: ut sicut sanctificare dicitur, ita etiam iustificare intelligatur. Ita enim ad inherentes qualitates statim dilabi possunt, ut in illis iustificatio nostra constituatur.

Pauca igitur quedam annotabimus, quæ sit in
hoc

hōc articulo propria & genuina significatio uerbi iustificare: idq; ita fiet, ut simul ostendatur, Scripturam iustificationem coram Deo ad remissionem peccatorum & uitam æternā, adimere nostris uirtutibus nouitatibus & operibus, & transferre in satisfactionem, obedientiam & meritum filij Dei Mediatoris. Deinde ostendemus, Tridentinum concilium damnare illam sententiā, quæ est ipsissima & perpetua omnium Prophetarum & Apostolorum doctrina: & in eius locum substituere planè alienam, & cum Scriptura pugnantem sententiam.

Simpliciter autem contendunt Pontificij, uerbum iustificare, propriè significare talem motum seu mutationem ab iniusticia ad iusticiam, sicut quando in physicis motibus una qualitas expellitur, & alia introducitur. Talem enim uolunt esse rationem compositionis, qualis est in uerbo sanctificare, uiuificare, calefacere, frigefacere, &c. Et Patres quidem uerbum iustificare, in hac significatione sepe usurpare non ignoro: sed de proprietate linguarum quæstio est. In Latina igitur lingua, apud probatos authores, non scio extare exemplū, quod iustificare significet uel imbuere aliquē habitu iusticiæ, uel infundere qualitatem iusticiæ.

Proposui hoc antea Iesuitis, ut quia analogia Latine compositionis nituntur, exemplū aliquod ex illis autoribus, ex quibus usus Latine lingue pro-

batur, proferrent. Sed aduocatus, ipsorum Andradus, cum anxie omnia conquiesierit, nihil tale proferre potest.

In Græca cōmuni lingua, δίκαιοϋν duas habet significationes. Primò significat iustum aliquid censere seu pronunciare. Ita Plutarchus in Agesilao: Denūciato bello coegit omnes stare illis, οἷς ὁ πῆρσος ἐδίκαιωσε. Et in Bruto: Cum Mimi captiui qui cadi Casij insultarant, in iudicio accusati essent: Messala Coruinus ἐδίκαιε uirgis caesos nudos, esse mittendos ad castra hostium. Commentator Sophoclis in Oedipo Coloneo, δίκαιον dicit usurpari ἀντὶ τοῦ δίκαιου κρίνειν. Suidas exponit δίκαιον νομίζειν. Et citat Lysiam, qui δικαιώσας uocat τὰς δικαιογίας. Secunda significatio ualde usitata est. τὸ δίκαιον, ἀντὶ τοῦ πολάζειν, supplicio afficere, non priuata poena, sed præcipue cū causa iudicata, iudicialiter (ut ita dicam) aliquis punitur: ideo Suidas δικαιόμενον exponit, per δίκης τυγχάνοντα. Et Thucydidem citat, usurpātem δικαιώσας ἀντὶ τῶν πολάσεων. Sed huius significationis ubiq; obuia sunt apud Græcos authores exempla.

Apud authores igitur Græcæ linguae, uerbum iustificari non usurpatur in illa significatione, de qua sola Pontificij dimicant. Restat ergo usus huius uerbi in lingua sacra. Et forensis (sicul uul-

gò loquimur) eius significatio usq; adeò manifesta est, quòd Andradius eam negare non audet. Anxiè autem conquirir exempla, probaturus, quòd in multis Scripturæ locis, uerbum iustificare significet nō absoluerè à peccatis, sed mentē qualitate iusticiæ inhaerentis exornare. Et hoc ariete arbitratu se expugnaturū totā doctrinā de imputatiua iusticia. Videndū igitur est, quib. exēplis, quā certò & firmiter hoc probet. In prima aut acie collocat testimoniū ex Syracide cap. 1. Religio, seu pietas iustificat cor. Et in uulgata sanè uersione ita legitur. Sed Syracides in sua lingua ibi hoc non habet. Animaduertit aut lector, illud de qua antea diximus, quare Tridentina synodus decreuerit uulgatā editionem per omnia habendam esse pro authentica. Quod enim Syracides non scripsit, sed aliunde in contextū irrepfit, illud Andradius pro authentico citat ad euertendā iusticiā fidei. Præterit aut quod Syracides ipse in primo illo cap. scripsit: *ὁ υἱὸς τοῦ θυμοῦ καὶ ὁ θυμὸς*, iracundia iniusta non poterit iustificari, hoc est, à culpa absolui.

Mirum uerò est, quòd non etiam adduxerit id quod in uulgata uersione Psalmi 72. legimus: Frustra ergo iustificari cor meum. In Hebræo enim planè aliud uerbum est.

Plus uerò coloris habet quod ex 18. ca. citat: Nō uerearis usq; ad mortem iustificari. Quod Tridentinū cōciliū ita interpretatur, sanctificationē reprobationis

nationem debere crescere, & augeri usq; ad mortem. Quæ sententia, in doctrina renouationis quidem uera est: sed consideret lector, an Syracides in illo loco, uocabulo iustificationis hoc intelligi uelit. Illud enim est de quo disputamus. Ostendit autem contextus, hoc agi: conuersionem, ut inueniamus propitiationem non differendam esse usq; ad languorem seu morbum: sed orandum esse εὐ-
 πείδως. hæc enim sunt uerba textus. Illam uerò sententiam mox alijs uerbis repetit: μὴ μένῃς. hoc est: iustificari non differas usq; ad mortem. Quod antea dixerat, inuenire propitiationē: iam uocat iustificari: & illud docet, non esse differendum usque ad mortem. Iudicet etiam lector, an ex illo loco, sententia Pontificiorum de iustificatione stabiliri, & nostra eueri possit? Qualem uerò putas esse fidem, quæ huiusmodi fundamentis, contra clarissima Scripturæ testimonia nititur. Nihil profectò aliud quàm effugia sunt, ne ueritati locum dare cogantur.

Ex Apocalypsi etiam, pro confirmatione sue sententiæ citat: Qui iustus est, iustificetur adhuc: & qui sanctus est, sanctificetur adhuc. Sed facilis est responsio. Andradius enim dimicat pro illa sententia, quæ iustificationem & sanctificationem contendit idem esse: & hanc sententiam uult probare ex illo dicto Ioannis. Sed ibi Ioannes, sicut & Paulus 1. Cor. 6. disertè distinguit iustificationē
 & san-

et sanctificationē. Videt igitur lector, quales sine Andradij probationes. Nec obstat, quod iustificati iubentur adhuc iustificari : cum remissio peccatorum non sit mutila. Habitat enim peccatū in carne iustificationum, quod sepe captiuat ipsos, ut in multis offendant. Sicut igitur illi quibus remissa sunt peccata, quotidie petunt, Dimitte nobis debita nostra : eodem etiam modo, qui iustus est, iustificetur adhuc. perpetuò enim in hac uita est illa Apostolica legatio, 2. Cor. 5. Recõciliemini Deo.

Hiscē igitur testimonijs, Andradius significationem uerbi iustificare, quam ut aduocatus Concilij Tridentini, contra nostrarum Ecclesiarū doctrinam defendendam suscepit, nequaquam probauit : sicut quiuis lector iudicare potest. quod enim Isaie sententiā, In scientia sua iustificabit multos, eò torquet, magna impudentia est. Ibi enim mox additur explicatio, quomodo intelligenda sit illa iustificatio : quia, inquit, iniquitates eorū ipse portabit. sicut Luc. 1. Zacharias canit : Ad dandā scientiā salutis, quæ est in remissione peccatorū.

Firma igitur adhuc stant illa, quæ contra Iesuitas re propria et genuina significatione uerbi iustificare, in articulo iustificationis diximus. Repeto autem id quod suprā dictum est, statum disputationis nō esse, an renouatio pertineat ad beneficia Christi: an hōmo, quando reconciliatur cum Deo, simul etiam per Spiritum sanctum renouetur : an

noua

664 EXAMEN DECRETORVM

noua obedientia sequi debeat. Hæc enim plane & perspicue docemus. Sed hæc est quæstio: Quomodo & quare iustificemur, ut à Deo in gratiam recipiamur, & acceptemur ad uitam æternam. Hæc toties sunt repetenda, ne hanc dissertationem de significatione uerbi iustificare calumnientur, quasi ipsam renouationem suo loco & ordine negemus.

Et ut maxime ostenderetur (quod tamen certo & euidenter non facile probabitur) uerbum iustificare in quibusdam Scripturæ locis habere illam de qua Pontificij dimicant, significationem: de summa tamen rei de qua agimus, nondum conclamatum esset.

Non enim proprie est quæstio, quid uerbum iustificare in alijs Scripturæ locis significet: sed hoc queritur, quam significationem uerbum iustificare habeat in illis Scripturæ locis, in quibus doctrina iustificationis, tanquam in sua sede traditur & tractatur. Reliqua uero exempla, tantum declarationis gratia adhibentur.

Manifestissima autem est antithesis, Ro. 8. quæ propriam & genuinam significationem uerbi iustificare, in hoc articulo ostēdit: quæ scilicet cum forensi significatione omnino conuenit, quod coram iudicio Dei, propter Christum absoluiamur à reatu peccati & dānationis, pronunciemur iusti, & acceptemur ad uitā æternū. Ita. n. habet uerba:

Quis

CONCILII TRIDENTINI. 655

Quis accusabit aduersus electos Dei? Deus est qui iustificat, quis est qui condemnet? &c. Ita Rom. 9. iustificatio & cōdemnatio aliquoties opponuntur. Et Roman. 3. totus, ut ita dicam, processus uocabulis iudicialibus describitur. Lex accusat omnes esse sub peccato. Omne os obstruitur. Et totus mundus reus, ὁ πᾶς κόσμος sistitur Deo: quia ex operibus legis non iustificatur omnis caro. Iustificamur autem gratis, ipsius gratia, per redemptionem, &c. 1. Cor. 4. Nolo iudicare ab humana die: sed qui me iudicat, Dominus est. Ideo licet nihil mihi conscius sim, tamen in hoc non sum iustificatus. Ita 1. Ioan. 2. fit mentio aduocati, sicut Rom. 8. intercessoris. Psal. 143. Ne intres in iudicium, quoniā in conspectu tuo, non iustificabitur omnis uiuens. Luc. 18. Publicanus quasi corā Dei tribunali stans, orat: Deus, propitius esto mihi peccatori. Hanc Publicani orationem cum Christus uellet significare exauditam esse, inquit: Descendit iustificatus: hoc est, Deus propitiatus fuit peccatis ipsius. Actorum decimotertio: Per Christum uobis remissio annuntiatur peccatorum, & ab omnibus (peccatis) à quibus non potuistis in lege iustificari: in hoc omnis qui credit iustificatur. Hæc testimonia nulla sophistica possunt eludi, ut ad infusionem inherētis iusticie referantur: sed manifestè ostendunt, iudicialem esse significationem uerbi iustificare.

in hoc

in hoc articulo : quòd scilicet peccator , lege Dei accusatus, conuictus, & sententiæ æternæ dānationis subiectus, fide cōfugientes ad thronum gratiæ, propter Christum absoluat, iustus reputetur & pronuncietur, in gratiam recipiatur, & ad uitam æternam acceptetur. Et Ioannes licet non usurpet uerbum iustificare, tamen doctrinam ipsam uerbis iudicialibus describit : Qui credit, non iudicatur, non uenit in iudicium. Misit filium in mundum, non ut iudicet mundum. Et 1. Ioan. 3. Translati sumus à morte ad uitam. Actor. 3. Petrus dicit peccata deleri. Illud uerò Paulus explicat, cum inquit Coloss. 2. chirographum quod contra nos erat, deletum esse.

Et dignum est consideratione , quàm sollicitè Apostoli cauerint, ne Hebraismus uerbi iustificare, in alijs linguis minus notus, doctrinam uel turbaret, uel obscuraret. Alijs enim clarioribus, & quidem uarijs uocabulis illud explicarunt. Ne enim intelligatur de infusione qualitatum iusticiæ, Rom. 4. exponitur, per imputare iusticiam sine operibus : uel, fidem imputare ad iusticiam. Exponitur etiam ibi per uocabulū beatitudinis : & per illud Psalmi, tegere iniquitates, & non imputare peccatum. Rom. 5. exponitur per equipollentiā uerbi recōciliari, quod Augustinus etiam animaduertit. Actor. 13. equipollet remissioni peccatorū. Matthæi 1. Saluum faciet populū à peccatis. Illud

Actor. 13.

*Act. 13. per uerbum iustificare exponitur: ita quod Gal. 2. Paulus dicit: Nos in Christum credidimus, ut iustificemur. Illud Act. 15. Petrus ita effert: Per gratiam Christi credimus nos saluari, sicut & illi. Et quod Ephes. 2. dicitur: Gratia saluati estis: illud Rom. 3. est gratia iustificari. Ioannes uocat, Nō iudicari, non uenire in iudicium. Rom. 5. constitui iustum, est periphrasis uerbi iustificare. Nam *ναθησάμενοι ἐς κρίσιν*, Græcis est uerbum iudiciale. Ista iudicialia etiam sunt, soluere & ligare peccata. Græci interpretes Iob. 13 & 32. reddiderunt *ἀναίσχυντος* & *ἀπαρσέναι*. *cd. 27. 40. ἀναισχύον ἀποφύσαι*. Sicut cap. 32. *ἐβέντο αὐτὸν τὸν ἀσεβῆ*. Quod cap. 9. dixerant *ἀσεβεῖν*, pro condemnare, impium pronunciare.*

Et Patres quidem, licet plerumq; sequamur analogiam Latine compositionis, in uerbo iustificare: sæpe tamen euidencia Pauline disputationis, coguntur agnoscere propriam & genuinam hanc significationem, quam monstrauiamus. Ita Augustinus, quia uidet Rom. 5. iustificari, exponi per reconciliari: agnoscit & probat nostram interpretationem. Et in Psal. 32. Si iustificatur impius, ex impio fit iustus. Sed quomodo? Nihil boni fecisti, & datur tibi remissio peccatorum, &c. Contra Iulianum lib. 2. citat sententiam Ambrosij: Eum iustificari à peccato, cui per baptismum peccata remittuntur omnia. Hilarius in 9. caput Matthæi: Mo-

T uet scri.

uet scribas, ab homine remissum peccatum, quod lex laxare non poterat, fides enim sola iustificat. Cyrillus in 6. caput Ioannis: Gratia iustificat, man data uerò legis condemnant magis. Oecumenius recitans ueterum explicationes in 3. caput ad Romanos, dicit: Iusticia Dei est iustificatio ex Deo, absolutio ac liberatio à peccatis, à quibus lex ipsa absolvere non potuit. Item: Quomodo fit iustificatio? per remissionem peccatorum, quam in Christo Iesu consequimur. Sed non querimus nunc principaliter, quomodo patres usurpent uerbum iustificandi: sed nostra quæstio est, in qua significatione Spiritus sanctus utatur uerbo iustificandi, in illis Scripturæ locis, in quibus tractat et tradit doctrinam iustificationis: sicut illud manifestissimè iam monstrauiamus.

Et hæc significatio congruit ad reliqua Scripturæ loca, ubi uerbum iustificare usurpatur de actionibus iudicialibus, & opponitur uerbo condemnare. Genes. 44. Quid respondebimus, quid loquemur, quo iustificabimur? 2. Reg. 15. dicit Absolon: Qui habet iudicium, ueniat ut iustificem eum.

Esa. 41. Iudicemur simul, dent testes suos: narra si quid habes, ut iustificeris. Ps 11. 51. Vt iustificeris, & uincas cum iudicaris. Deut. 25. Iustificate iustum, condempnate impium. 3. Reg. 8. Condemnes impium, dando uiam eius in caput suum: & iustifices

fices iustum, dando illi secundum iusticiam eius. Prouerb. 17. Qui iustificat impium, et condemnat iustum, bonunatio est. Isa. 5. Væ qui iustificatis impium, & iusticiam iusti aufertis ab eo. Matth. 12. ex uerbis tuis iustificaberis uel condemnaberis. Hæc exempla & congruum ad illam significationem quæ propria est loci iustificationis, & doctrinam ipsam illustrant.

Diligenter autem considerandum est, quare Spiritus sanctus doctrinam iustificationis, uerbo iudiciali proponere uoluërit. Homines enim prophani, securi & Epicurei, existimant leue & perfunctoriũ quid esse iustificationẽ peccatoris, ideo de peccato non admodum sunt solliciti, reconciliationẽ cum Deo nõ seriõ expetũt, nec diligentiã aliã qua retinere student. Proprietas uerõ uerbi iustificare, ostendit quã grauis & seria actio coram iudicio Dei sit iustificatio peccatoris. Mens item humana, pharisaica persuasione inflata, quando priuatis suis cogitationibus de iusticia indulget, faciliẽ potest concipere persuasioneẽ & fiduciaẽ iusticiæ propriæ quamamcunq;. Sed quando sub imaginẽ examinis & tribunalis iudicij diuini, per processum (ut sic dicam) iudicialeẽ, doctrina iustificationis proponitur: concidunt, euanescent, & prosternuntur pharisaicæ illæ persuasiones. Itã genuina proprietas uerbi iustificare, puritatem doctrinæ iustificationis,

Et à Pharisaico fermento, Et ab Epicureis opinio-
nibus conseruat Et defendit. Et tota doctrina iusti-
ficationis, non potest simplicius, rectius et commo-
dius intelligi, Et ad serium usum in exercitijs pœ-
nitentia Et fidei accommodari, quàm ex uera ob-
seruatione iudicialis significationis uerbi iustifi-
care: sicut multorum Patrum exempla ostendūt,
qui de operibus Et meritis magnificè sepe concio-
namur, in meditationibus uerò quando hanc ima-
ginem iudicij diuini, Et processum illum iudicia-
lem, sicut diximus sibi proponunt, tunc dulcissi-
mis sententijs doctrinam huius articuli explicāt.
Et in hoc genere Bernhardus præ ceteris felicior
est, quia nō in ociosis speculationibus, sed in serijs
exercitijs, proposita imagine iudicij diuini, Et si-
stens se quasi ad tribunal Dei, doctrinam et testi-
monia Pauli de iustificatione expendit.

Suprà etiam ostendimus, quantum referat, ge-
nuinam significationem uocabuli iustificare, in
hoc articulo retinere in Ecclesia: rem ipsam enim
ita in se comprehendit, ut quicquid sit cui tribua-
tur, quod nos iustificet, statim consequatur, quòd
propter illud recipiamur à Deo in gratiam, et ac-
ceptemur ad uitam æternam.

Monstrata autem ex manifestis Scripturæ te-
stimonijs uerè propria Et genuina significatione
uerbi iustificare, ipsa doctrina iustificationis pla-
na Et manifesta erit, si modò eam ex diuinis ora-
culis

culis, & non ex philosophicis rationis cogitationibus petere & diiudicare nobis concedatur.

Imitabimur autem methodum Scripturæ, quæ de iustificatione & negatiuè & affirmatiuè loquitur: hoc est, considerandum est quibus rebus adimat & cui tribuat iustificationem peccatoris coram Deo, ad uitam æternam.

QVIBVS REBVS ADIMAT SCRIPTURA iustificationem hominis ad uitam æternam.

Et peccatis quidem neminem coram Deo iustificari: hoc est, propter scelera neminem Deo gratum esse, & acceptari ad uitam æternam, extra controuersiam est. Pugnat enim cum perpetua & immutabili uoluntate Dei, quæ in lege patefacta est, & ipse Deus pronunciat esse abominationem, hoc modo iustificare impium, Pro. 17. Isai. 5. & Exod. 23. Insonem non occidas, quia non iustifico impium.

De qualitatibus igitur, habitibus, actionibus & operibus humanis, quibus appellatio iusticiæ tribuitur, quæstio est, an in illis consistat iustificatio nostri coram Deo ad uitam æternam. Et ratio quidem, quia aliam iusticiam ignorat planè ita statuit. Sed nos audiamus uocem Dei nostri, pronunciamis in Scriptura iudicium suum de hac quæstione. Et obseruetur, quomodo Scriptura totum

hoc negocium uocabulis iudicialibus describat.

Alia est autem politica iusticia, qua coram hominibus, uel inter homines iusti sumus, & acquirimus præmia politica: quando scilicet actiones nostræ respondent legibus, quibus constat iusticia inter homines. Sed de illa hoc loco non disputatur nisi quod Scriptura ridet illos, qui (ut pharisæi) in iustificatione coram Deo, homines deligunt iudices, apud quos aucupantur famam & laudem iusticiæ. Matth. 6. Lu. 16. Vos estis qui iustificatis uos coram hominibus. Sed hoc modo per ambitionem gloria huius seculi, non autem gloria apud Deum acquiritur: sicut Christus inquit Matthæi 6. Receperunt mercedem suam. Et Lucæ 16. Quod altum est coram hominibus, abominatio est apud Deum. Sed in negotio de gratia Dei, salute & uita æterna, oportet Deum ipsum esse iudicem: & apud ipsum agendum esse negociū, quando ita uolumus iustificari ut Deo placeamus, & ipsi accepti simus ad uitam æternam: ipsa etiam ratio intelligit. ideo enim propriam iusticiam adducit coram Deo. Et Ro. 10. Paulus utitur uerbo ualde significanti: Querunt propriā iusticiā & ἵσταναι, hoc est stabilire, erigere, & opponere coram iudicio Dei. sicut Luc. 18. pharisæus uarijs modis iusticiam suā comendit corā Deo probare, fidens illis suis operibus, & querens illis iustificari: hoc est, apud Deum haberi illo loco, ita tractari & remunerari,

nerari, sicut Deus illis promisit quos iustos agnoscit, pronunciat & acceptat. Ita omnino seruatur forensis significatio uerbi iustificari, iuxta exemplum Isa. 43. Narra si quid habes: da testes, ut iustificeris. Gen. 44. Quid respondebimus, quid loquemur, quo nos iustificabimus? Et 3. Regum octauo, Iustifices iustum, dando illi secundum iusticiam eius.

Hoc ergo modo afferens propriam iusticiam, agit corā Deo, ut iustificetur. Sed audiamus, quā sententiam Deus iustus iudex pronunciet. Et ut res planior sit, paucis retexemus distributionem illam quæ apud Paulum extat.

I. De uarijs cultibus, quos Gentes contra uerbū Dei, ex cæcorationis iudicio instituerunt, hoc fine, ut Deum propitium & placatū haberem: quia pugnant cum uerbo Dei, Scriptura pronunciat q̄ sint abominatio corā Deo. Deute. 12 & 17. Ita & Pau. Ro. 1. pronūciat Gentes huiusmodi cultib. magis irā Dei prouocasse. Et Eph. 2. Eratis sine Deo in hoc mundo, promissionis spem non habentes.

II. De operibus electicijs quæ homines propria intentione qualicunq; sine uerbo & mandato Dei suscipiunt ad hunc finem ut iustificentur, hoc est, Dei gratiam & salutem æternam acquirant, Deus pronunciat Isa. 29. Matt. 15. Frustra colunt me mandatis & doctrinis hominum. Et Isa. 1. Quis requisiiuit hæc de manibus uestris?

664 EXAMEN DECRETORVM

III. De externa disciplina rationis, iuxta legem naturæ in non renatis, Paulus disputat ad Romanos, & cap. 3. pronunciat, gentes per disciplinam rationis non iustificari coram Deo, sed esse sub peccato, sunt enim sine fide Christi, & sine Spiritu sancto, corda sunt impia & immunda, ipsa etiam lex naturæ per peccatū obscurata est, ita ut uix particulam aliquam legis, de quibusdam secundæ tabule officijs teneant, & illi ipsi noticiæ legis naturalis, quæ adhuc reliqua est, disciplina ethnicorum non omni ex parte est conformis. Et in summa, Mala arbor non potest bonos fructus facere. Et, Sine fide impossibile est placere Deo, immò quicquid non est ex fide, peccatum est. Gentes igitur per disciplinam rationis non potuerunt coram Deo iustificari.

IIII. De pharisaica iusticia, questio aliquantō propius ad nostrum propositum accedit, quando scilicet illi, qui legem Dei scriptam habent, conantur & student, sine fide Christi, & sine Spiritu sancto, naturalibus liberi arbitrij uiribus, opera legis facere, hoc fine, ut Deo placeant, gratiam eius consequantur & acceptentur ad uitam æternam, hoc est, ut iustificentur. ibi enim magis speciosum mens humana habet prætextū, propriam iusticiam coram iudicio Dei statuendi. Deus enim ipse legem promulgauit, & factoribus promisit, benedictionem & uitam non tantum ut politicum præmium,

præmium, sed sicut Luca 10. scribe interroganti,
Quid faciendo uitam æternam hereditabo, Chri-
stus propositis mandatis legis, respōdet: Hoc fac,
et uiues.

Quando igitur homo non renatus conatum,
 studium, imò zelum, quantum in se est, erga man-
 data Dei, ad iudicium ipsius adfert, confidens et
 petens propterea iustificari, quam quæso semen-
 tiam Deus iustus iudex pronunciat? Christus cer-
 tē pronunciat Matth. 5. Nisi abundauerit iusticia
 uestra, plusquam scribarum et phariseorum, nō
 intrabitis in regnum cœlorum. Et Paulus inquit
 Rom. 3. Ex operibus legis non iustificabitur om-
 nis caro, Gal. 3. Quicunq; ex operibus legis sunt,
 sub maledicto sunt. Num igitur lex non habet pro-
 missiones uitæ æternæ? Certē Christus manifestē
 hoc affirmat, Luc. 10. Matt. 19. Num uerò Deus fal-
 lit et ludificat homines promissionibus legalibus?
 Absit. Est enim Deus qui mentiri nescit. Tit. 1. Et
 manet quod Paulus dicit, Rom. 3. Deus est uerax,
 omnis autem homo mendax. Cur igitur homo non
 renatus ex operibus legis non iustificatur? Respon-
 det Paulus, quia per legem agnitio peccati: hoc est
 lex causatur, tali obediencia, quam non renati na-
 turalibus uiribus præstare possunt, sibi nequa-
 quam satisfieri, sed tales factores accusat peccati
 coram iudicio Dei, quod cum quædam legis ope-
 ra faciant, illa tamen et imperfectē et corruptē

faciant: & præterea in plurimis, & in grauioribus sint præuaricatores legis: lex autem habet quidem promissionem uitæ, sed sub conditione: non qualiscunque impletionis, sed perfectæ & integre, ex toto corde, tota anima, ita ut caro nihil contra concupiscat. Et de huiusmodi factoribus Paulus inquit Romanorum secundo, Non auditores, sed factores legis iustificabuntur coram Deo. Item: Qui fecerit hæc, uiuet in eis. Quando uerò quis aliqua legis opera facit, & quomocunq; facit, in cæteris præuaricator legis existens: illum lex non pronunciat iustum coram Deo ad uitam æternam, sed pronunciat reum & maledictum. Quia qui non in omnibus quæ in libro legis scripta sunt, permanserit, maledictus esto. Et quicumq; totam legem seruauerit, offendat autem in uno, reus factus est omnium. Quòd si nō moecheris, occidas autem: factus es transgressor legis. Quia igitur Lex est spiritualis, & non renati, sine Spiritu sancto, toti sum carnales: uetustate ergo literæ legi non satis fit. Ex operibus igitur legis non renati, non iustificantur: sed fiunt rei, & sunt sub maledicto. Rom. 3. Gal. 3. quia etiam faciendo non faciunt legem, eo modo & tali perfectione, sicut lex flagitat. Et de his quidem capitibus, non est potissimum controuersia inter nos & Pontificios in articulo iustificationis. Nam in primo Canone dicit Tridentinum concilium: Si quis dixerit,

dixerit, hominem suis operibus, quæ uel per humanæ naturæ uires, uel per legis doctrinam fiunt, absq; diuina per Christum gratia posse iustificari, anathema sit. Breuiter autem illam Paulinam distributionem repetere uolui ideo, quia negotium siue actus ueræ iustificationis, ex illa antitbesi rectius intelligitur: & ut obseruetur, quomodo Paulus per sufficientem enumerationem ostendat, planè nihil esse in homine, siue Ethnico, siue Iudæo, siue renato siue nõ renato, quò possit coram Deo iustificari: ut ita gloria iustificationis, in solidum tribuatur soli Christo mediatori, per fidem apprehenso. Volui etiam Andræ ostendere, quàm flagitiosum, & non tolerandum in Ecclesia Dei sit illud dogma, quo asserit, philosophos ethica sua iusticia coram Deo ad uitam æternam iustificatos fuisse. Illud enim exproressio pugnat cum ipsis fundamentis Scripturæ.

Ex illa igitur distributione siue enumeratione, facilius iam ad ipsum disputationis statum perueniemus. De renatorum enim bonis operibus, siue noua obedientia, potissima nunc est inter Pontificios & nos controuersia: an scilicet renati, illa nouitate quam Spiritus sanctus in ipsis operatur, & bonis operibus, quæ ex illa renouatione scaturiunt, iustificentur. hoc est: An nouitas, uirtutes seu bona opera renatorum sint res illa qua in iudicio Dei consistere possint,

possint, ne damnentur propter quam Deum habeam placatum, & propitium in quam respicere, qua nuti, cui fidere debeant, quando agitur de ardua illa questione, ut simus filij Dei, & acceptemur ad uitam æternam. Et sanè, si humana consulenda essent iudicia, nouitati renatorum omnium calculis tribueretur gloria iusticiæ coram Deo, ad uitam æternam. Non enim est opus seu effectio humanarum uirium, sed est donum & operatio Spiritus sancti, unde bona opera uocantur fructus Spiritus. Eph. 5. Et est beneficium filij Dei Mediatoris, propter cuius meritum credentes renouantur Spiritu mentis suæ, ut per Spiritum sanctum inchoetur in ipsis conformitas cum lege Dei, secundum interiorem hominem Rom. 7. Et illa nouitas uocatur iusticia Rom. 6. 1. Ioann. 3. De renatorum etiam bonis operibus dicit Scriptura. 1. Timoth. 5. Hec acceptum est coram Deo, 1. Ioann. 3. Ea quæ placita sunt coram ipso, facimus. Hæc profectio ualde magna & præclara sunt, quæ Scriptura tribuit nouæ renatorum obedientiæ. Et nos sanè nouæ obedientiæ suam laudem suo loco non detrahimus, sicut postea dicemus de bonis operibus. Sed iam uersamur in questione de iustificatio-
ne hominis coram Deo ad uitam æternam, de qua questione Paulus dicit 1. Cor. 4. Mihi pro minimo est, ut ab humano die iudicer: sed neq; me ipsum iudico, sed qui me iudicat Dominus est. Eius igitur
ut iu-

ut iudicis ſementia inquirenda eſt: in Scriptura enim illam nobis patefecit.

Et Pontificij quidem contendunt, excluſiuam Pauli, quando dicit (Sine operibus legis) intelligendam eſſe tantum uel de operibus ceremonialibus, uel de operibus nō renatorū. Sed clariſſima ſunt in Scriptura testimonia, laudem & gloriam iuſtificationis coram Deo ad uitam æternam adimi & detrabi, non tantum ceremonijs Moſaicis & operibus non renatorum: uerumetiam renatorū nouitati nouæ obedienciæ ſeu bonis operibus.

Maximè autem illuſtre eſt testimonium, quod extat Rom. 4. ubi Paulus propoſiturus exemplar iuſtificationis uniuerſale in Abrahamo, quē ideo uocat patrem fidei, & in circumciſione & in præputio. ſumit Abrahamum, non in prima conuerſione cum primū ex Chaldaica idololatria uocaretur Gen. 11. Joſue 24. Ita enim excluſiua (Sine operibus) poſſet reſtringi ad illa opera, quæ ante conuerſionem non renatus in idololatria feciſſet. Sed cum à prima uocatione de fide obediſſet per aliquot annos à capite 11. Geneſis ad 15. caput, tunc certè fuit renouatus ſpiritu mentis ſuæ, & ornatus multis præſantiſſimis operibus & fructibus Spiritus Heb. 11. In illo quaſi medio curriculo bonorum operum Abrahamæ, ponunt Moſes in ueteri, & Paulus in nouo Teſtamēto, quæſtionē. Quæ tunc fuerit iuſtification Abrahamæ coram Deo, ad heredi-

hereditatem uitæ æternæ? Et ad illum Abrahamum iam renatum, spirituali nouitate & multis bonis operibus ornatum, Paulus accommodat has sententias: Non operanti, credenti autem in eum qui iustificat impium, fides eius imputatur ad iusticiam. Ad illum Abrahamum accommodat etiam hanc sententiam: David dicit beatitudinem esse eius hominis, cui Deus imputat iusticiam sine operibus. Certè autem illo tempore Abrahamum iam renatum non fuisse sine bonis operibus, sed multa uerè bona per fidem operatum fuisse, testatur epistola ad Hebræos cap. 11. Et tamen Spiritus sanctus per Paulum Abrahamæ renouati operationi & operibus, manifestè adimit & detrahit laudem & gloriam iustificationis coram Deo, ad uitam æternam. Et in illo loco hoc facit, ubi Abrahamum proponit non tanquam singularem personam, sed ut patrem fidei, & uniuersale exemplar ueræ iustificationis. scriptum est enim non tantum propter Abrahamum, sed & propter nos quibus imputabitur. Rom 4. Et addit: Si ex operibus Abraham iustificatus est, potest sanè apud homines gloriam habere: sed non apud Deum. Hoc testimonium usque adeò perspicuum, illustre & firmum est, quòd etiam Andræus meus confitetur, inter ipsos Pontificios aliquos egregiæ eruditionis uiros, in hac salebra herere, nec se posse explicare: & quidem ipse etiam nihil quod ad

rē faciat, ad hoc testimoniū respōdere potest. Nec
sanē uideo, quid conratam manifestā lucē ulla
sophistica possit: nisi forsā tale quid proferatur,
quod sicut August. contra Petilianū inquit, Malā
causam uel moras faciēdo, paulisper sustinet. Ma
gis igitur iam amo, et pluris facio hoc testimoniū:
quod uideo, ne specie quidē aliqua à Pōtificijs elu
di posse. Et hoc est Mosi & Patriarcharū testi
moniū: cui Paulus monstrat adiungendū esse Da
uidistestimonium, loco & nomine omnīū prophe
tarum: sicut cap. 3. dicit, iusticiam fidei habere tes
timonium legis & prophetarū. Dauid igitur Ps.
143. cum dixisset, Exaudi me in tua iusticia: mox
addit, Ne intres in iudiciū, &c. Nū quid autē time
Dauid, ne tyrannica crudelitate præter ius & æ
quū, in iudicio Dei secum agatur? Nihil minus. Iu
diciū enim Dei est secundum ueritatem. Rom. 2.
Dicitur autē Deus intrare in iudiciū, quando ho
minum naturam, uitam, actiones & opera: exigie
& examinat ad normam iusticiæ suæ, quæ in leg
patefacta est, redditurus unicuiq; secundū iusticiā
ipsius. Quare autē hoc iudiciū Dei, Dauid tantope
re deprecatur? Forsan tunc hoc dixit, quādo nulla
habuit bona opera: uel cum lapsus in crimen adul
terij & homicidij, Deum atrociter offenderat? Et
tunc quidem demissē orauit: Miserere mei Deus.

Sed hoc loco inquit: Ne intres in iudiciū cū ser
uo tuo. Quid autem sit seruus Dei, ipse explicat
Psalmō

Psalmo 18. *Seruus tuus custodit mandata tua. Et*
 118. *Seruus tuus dilexit mandatum tuum. Item, In-*
clinaui cor meum ad faciendas iustificationes tu-
as. Quere seruum tuum, quia mandata tua non
sum oblitus. Tunc igitur cum esset seruus Dei, hoc
est, uir iuxta cor Dei, Act. 13. non uult iuxta inhe-
rentis nouitatis iusticiā iudicari quia inquit, Nō
iustificabitur in conspectu tuo: omnis uiuens. Et
 Paulus Rom. 4. dicit, *Dauidem pronunciare bea-*
titudinem esse eius hominis cui Deus imputat iu-
sticiam sine operibus. Dauid igitur tunc cum esset
seruus Dei, hoc est, per Spiritum sanctum rena-
tus, sibi & operibus suis detrahit iustificationem,
quæ coram Deo est, ad uitam æternam. Nec de
sua tantum persona loquitur, sed inquit: Non iusti-
ficabitur in conspectu tuo omnis uiuens. Et ne de
non renatis illud tantum intelligatur, Psalmo 32,
nominat omnem sanctum, cuius beatitudo sit, ut
ipsi imputetur iusticia, sine operibus. Manifestissi-
imum igitur est, quod omnium sanctorum operi-
bus in hac uita adimatur & detrahatur locus &
gloria iustificationis coram Deo ad uitam æter-
nam. Et in hanc sententiam patriarchæ, Moses et
prophetæ consensunt; hoc est, totius ueteris Te-
stamenti testimonio comprobatur iusticia fidei si-
ne operibus, etiam illorum qui iam renati sunt. A-
lia quidem, & plura testimonia ex libris prophe-
tis adduci possent: sed sequimur Paulum, qui hoc
 modo

modo inquit, & ostendit testimonia & consensum patriarcharum, Moſis & prophetarũ, Rom. 4. Et ad noſtrum inſtitutum genaralia capita probationum ſufficiunt.

Veniamus igitur ad nouum Teſtamentum: nec ſingula teſtimonia recenſebimus, ſed exẽpla Pauli, Roman. 4. Inquiremus cõſenſum Chriſti, Apoſtolorum, & Eccleſiarum Apoſtolicarum.

Et Chriſtus quidem, totam hanc doctrinã complectitur, quando inquit: Qui credit in me, non iudicatur: Ioan. 3. Item, Nõ ueniet in iudicium: Ioã. 5. Quod uerò eſt illud iudicium? Sine dubio ubi iuxta normam diuinæ iuſticiæ, quæ in lege patefacta eſt, hominum uita & opera examinãtur: & pro ut deprehenduntur uel reſpondere huic normæ, uel non reſpondere, homo pronunciatuſ uel iuſtus, uel peccator & iniuſtus. Vide autem, cum nullum ſit dubium, renouationem eſſe beneficium filij Dei mediatoris: non tamen pronunciat, quòd credentes ſua illa nouitate in iudicio Dei poſſint conſiſtere, ut propter illam iuſti pronuncientur, & acceptentur ad uitam æternam: ſed ad alterum ſuum beneficium hoc refert, ut qui credit, inquit, in me, nõ pereat, ſed habeat uitam æternã. Quomodo uerò, & quare? Num ita, & ideo, quòd accepta nouitate, poſſint per illam & propter illam in iudicio Dei conſiſtere? Hoc certè non dicit: ſed, qui credit, propter Chriſtum non uenit in iudiciũ:

Et hoc modo non perit, sed habet uitam æternam. Iustificatio igitur credentium ad salutem et uitam æternam illa est, quod non iudicantur iuxta opera sua: sed quod propter Christum absoluuntur à sententia damnationis, et acceptantur ad uitam æternam. Ita Apostolis sanctificatis et renouatis dicit: Cum omnia feceritis, dicite: Serui inutiles sumus. Nec tantum de operibus quæ ante uocationem fecerant, uult ipsos ita dicere, nec tantum cum in principio ualde infirmi adhuc erant: sed cum, inquit, ita per Spiritum sanctum profeceritis, ut omnia feceritis, tamen dicite: Serui inutiles sumus. De seruis uerò inutilibus, quando Deus in iudicium cum ipsis intrat, ut iuxta opera sua iudicentur, pronuntiatur illa sententia quæ extat Matthæi uigesimo quinto: Inutilem seruum eijcite in tenebras exteriores: illic erit fletus et stridor dentium. In utroque enim loco Matthæi 25. et Lucæ 17. idem uocabulum ponitur ἀχρεὸς ἄδελος.

Paulus Apostolus de operibus suis in Phariseismo ante conuersionem factis, inquit Philip. 3. Si quis alius in carne uidetur confidere, ego magis: qui secundum iusticiam quæ in lege est, conuersatus fui sine querela. Sed quæ mihi fuerant lucra, hæc arbitratus sum propter Christum detrimenta. Sed de operibus suis post renouationem factis, cum plura cæteris laborasset: quid de illis, inquam,

quam, dicit, quod attinet ad articulum iustificationis? Lector inspiciat locum Phil. 3. et inueniet Paulum non tantum uti præterito tempore ἡγῆμαι, de operibus præcedentibus conuersionem: sed per particulam, ἀλλὰ μὲν ὅν, ulterius progredi, & uti etiam præsentis tempore ἡγῶμαι: ut ostendat, quod operibus suis, etiam post renouationem factis, non tribuat iustificationem coram Deo ad uitam æternam. Imò si fiducia iusticiæ coram Deo, ad uitam æternam illis operibus assuetur: pronunciat illa esse stercora & detrimenta. Et simul ostendit, quæ tunc temporis cum epistolam illam ex uinculis scriberet, iusticia sua fuerit coram Deo, ad uitam æternam: imò quæ futura sit sua iusticia, quando occursurus est ad resurrectionem mortuorum: Veruntamen, inquit, existimo omnia detrimentum esse propter eminentem scientiam Iesu Christi Domini mei, propter quem omnia detrimentum fieri, & arbitror ut stercora, ut Christum lucrifaciam, & ut inueniar in illo, non habens meam iusticiam, quæ ex lege est: sed illam quæ per fidem est Christi, quæ ex Deo est. Iusticia in fide ad cognoscendum illum, & uirtutem, resurrectionem eius, & communionem passionum eius, configuratus est morti eius, si quomodo occurrā ad resurrectionem mortuorum. Alius locus adhuc clarior est, 1. Cor. 4. Nihil mihi conscius sum, sed non in hoc iustificatus sum.

Verba sunt ualde significantia. Quòd enim inquit: Nihil mihi conscius sum. Illud est, quod Actor. 23 dicit: Ego omni conscientia bona conuersatus sum ante Deum, usq; in hodiernum diem. Et Actorum 24. Studeo sine offendiculo conscientiam habere ad Deum, & ad homines semper. Et hoc est iusticia bonæ conscientiae, de qua inquit 1. Cor. 15. Plus illis omnibus laboraui: non ego aut, sed gratia Dei mecum. Gratia enim Dei sum id quod sum. Sed audi quid Paulus renatus de illa sua iusticia bonæ conscientiae quam gratiae seu dono & operationi Dei tribuit, pronunciet: Nihil, inquit, mihi conscius sum, sed non in hoc iustificatus sum. Iustificationem igitur coram Deo ad uitam æternam, Paulus disertè detrahit suis operibus, in quibus post renouationem, bona conscientia coram Deo & hominibus conuersatus fuit. Hoc Apostoli testimonium, manifestissimum est.

Adiungamus testimonium de Ecclesijs Apostolicis ex Epistola ad Galatas. Ibi enim sumpta occasione ex disputatione de operibus legis ceremonialibus, tractat in genere questionem de tota lege, & operibus eius: id quod manifestissimum est ex tota illa epistola. Multis autem argumentis, & uehementibus uerbis adimit & detrahit operibus legis, iustificationem coram Deo ad uitam æternam. Sed questio est, an tantū de operibus non renatorum,

natorum, quæ ante fidem & conuersionem fiunt, loquatur? Soluitur autem illa quæstio ex ratione chronologiæ. Priusquam enim illam epistolā Paulus scriberet, aliquot iam annis antè Galatæ fuerant conuersi. Theodoretus supputat 6. annos: sed ad nostrum propositum nihil refert, quicquid sit de præcisa annorum supputatione. Erant igitur Galatæ renati. nam Spiritum sanctum ipsis suppeditatum fuisse, Paulus testatur cap. 3.

De Galatarum igitur operibus, qui iam per spiritū renati erant, Paulus disputat. Et ex collatione hoc intelligi poterit. Iudæi, Roman. 10. de propria iusticia, excluso Christo disputabant: Galatæ uerò non simpliciter abiecerant Christum, nec excludabant fidem in Christum, sed bona credentium opera, fidei uolebant adiungi in articulo iustificationis coram Deo ad uitam æternam. Et de operibus quidem ceremonialibus erat disputatio: non autem de solis illis, sed de tota lege & operibus eius: id quod manifestum est. Nec disputabant Galatæ, de operibus suis quæ non renati ante fidē seu conuersionem suam fecerant, an illa iustificarēt: sed de iustificatione operum suorū, quæ post conuersionem & post acceptum Spiritum sanctum fecerant, disputatio erat.

Statu quæstionis ita sicut est, posito, uideat iam lector in tota illa epistola, quibus uerbis & argumentis Paulus operibus renatorum adimat & de-

trahat iustificationem coram Deo ad uitam eternam. Non enim simpliciter dicit, hominem ex operibus legis non iustificari, sed rem uehementer exaggerat. dicit enim, eos hac opinione transferri ab Euangelio, & à gratia Dei: Non abijcio, inquit, gratiam Dei. Si enim per legem iusticia: frustra ergo Christus mortuus est: euacuati estis à Christo, qui in lege iustificamini, gratia excidistis, &c.

Plura possent adduci testimonia: sed breuitatis studio, generalia tantum capita notauimus. Vocem igitur coelestem adimere, & detrahere iustificationem coram Deo ad uitam eternam, ipsis etiam renatorum bonis operibus, primum ex ueteri Testamento ostendimus, testimonio Patriarcharum, Mosi & Prophetarum: deinde ex nouo Testamento idem ostendimus, testimonio Christi, Apostolorum, & Ecclesiarum Apostolicarum. Et nihil sane ad *πλῆθος λόγων* ulterius requiri uel potest, uel debet. Non autem nuda tantum propositio in Scriptura obseruanda est: sed consideranda praeterea sunt rationes, quare etiam renatorum operibus detrahatur iustificatio. Ita enim tota res planior erit. Est autem una ratio Pauli, quod iustificatio ex operibus pertinet ad legem factorum seu operum, Rom. 3. 10. & Gal. 3. Lex uero non pronunciat hominem coram Deo iustum ad uitam eternam, propter particularem aliquam, aut qualemcunque obedientiam

dientiam & conformitatem: sed requirit, ut totus homo, secundum omnes sui partes, & secundum omnes singularum partium actiones, norme iusticiæ in Deo, quæ in lege patefacta est, respondeat: & quidem exacte respondeat, ea puritate, perfectione & integritate, sicut lex præscribit & flagitat. Et si totam legem quis seruauerit, offendat autem in uno, pronunciatur reus esse, omnium. Et Andradius quidem hoc testimonium ueteratoricè conatur eludere, interpretans (unum illud) de caritate: ut sensus sit, si opera legis fiant sine charitate, non iustificare. Sed Iacobus disertâ interpretatione explicat, quid per unum illud intelligi uelit. Inquit enim: Si non mœcheris, occidas autem, factus es transgressor legis. qui enim dixit, Non mœchaberis: dixit etiam, Non occides.

Qui igitur operibus uult iustificari, si non in omnibus quæ in libro legis scripta sunt, permanserit ut faciat ea: illum lex non pronunciat iustum, sed reum & maledictum. Galat. 3. Iacobi 3. Iam uerò renatorum obedientia in hac uita, est quidem inchoata conformitas cum lege Dei, sed quæ propter carnem adhuc imperfecta & immunda est: sicut Paulus renatus conqueritur Romanor. 7. Velle adiacet mihi, perficere autem bonum non inuenio. Volenti mihi facere bonum, adiacet malum.

Video aliam legem in membris meis repugnantem legi mentis meæ, & captiuantem me sub lege peccati, quæ est in membris meis. Mente seruius legi Dei, carne autem seruius legi peccati. Tali uerò obedientia, legi non satisficit. Est enim lex spiritalis: hoc est, requirens spirituales conformitatem seu obedientiam, cui nihil ex uitiosa & corrupta carne adhærescat. Ego uerò, inquit Paulus, renatus carnalis sum, uenditus sum sub peccatum, &c. Si igitur Deus cum renatis intret in iudicium, iudicaturus ipsos secundum opera ipsorum, non iustificabuntur in conspectu ipsius.

Vbi enim lex peccatum potest ostendere, ibi non iustificat, sed reum facit, maledicit & condemnat, iuxta dictum: Qui non in omnibus permanserit, maledictus esto.

Vniuersalis autem est sententia 1. Ioan. 1. Si dixerimus, quod peccatum non habeamus, ipsi nos seducimus, & ueritas in nobis non est. Et omnibus iustis in hac uita, præscripta est quotidiana illa precatio: Dimitte nobis debita nostra. Non est iustus in terra, qui faciat bonum, & non peccet. Si iniquitates obseruaueris Domine, quis sustinebit? Delicta enim quis intelligit? Ideo Paulus dicit: Nihil mihi conscius sum, sed in hoc non sum iustificatus. non enim ab humano die iudicor, nec me ipsum iudico: sed qui me iudicat, Dominus est, qui illuminat abscondita tenebrarum, & manifestat

infectat consilia cordium. Vtitur autē uerbo ἀνα-
 ξίγειν, quod forense est, quando uel quæstiones
 habentur de reis, uel causæ in iudicio disquiruntur,
 examinantur & discutiuntur, ut iusticia ritē admi-
 nistretur. Ita enim usurpatur Luc. 23. Act. 12. 24 &
 28. Et quia talem disquisitionem opera Pauli etiā
 renati, in iudicio Dei sustinere non possunt: ideo
 Paulus pronunciat, se in illis non esse iustificatum.
 Hæc ratio manifesta & firma est: quæ etiam Pig-
 bium mouit, ut licet aliàs doctrinam nostrarū Ec-
 clesiarum acerbissimè infectetur, tamen ingenuè
 agnoscat & fateatur, ne renatorum quidem inhæ-
 rentem iusticiam posse in iudicio Dei cōsistere, ut
 propter illam iustificentur ad uitam æternam.

Secunda ratio Pauli, sumitur ex distinctione iu-
 sticiæ legis, & iusticiæ fidei: Rom. 10. Gal. 3. Legis
 enim iusticia est: Qui fecerit ea quæ in lege scripta
 sunt: fidei uerò iusticia est, credendo sibi applicare,
 quod Christus pro nobis fecit. Opera igitur quibus
 renati faciunt ea quæ in lege scripta sunt, siue ante
 siue post renouationem, pertinent ad iusticiam le-
 gis, licet alia atq; alia ratione. Ante renouationem
 enim lex extorquet ex libero arbitrio, qualemcūq;
 disciplinam: in renouatione uerò, Spiritus sanctus
 scribit legem in corda renatorum, Iere. 31. ut dele-
 ctentur lege Dei, Roman. 7. & ex animo obediant,
 Rom. 6. Et hæc obedientia, est inchoatio illius iu-
 sticiæ, quam lex à nobis flagitat. summa enim le-

gis, est charitas. Hoc modo, & hac ratione dicitur iusticia legis. Omnes autem Pauli disputationes, huc redeunt: Homines in hac uita, iusticia legis nō iustificari corā Deo, ad uitā eternā. Ergo nec renati, charitate sua quæ est summa legis iustificantur.

Et ita distinguuntur iusticia legis, & iusticia fidei: quod Paulus disertè dicit, legem non esse ex fide: Fides enim non hoc respectu iustificat, quia preparat ad assequendam iusticiam, quæ consistat in faciendo, siue in operibus quæ lex præscribit & flagitat. Paulus enim dicit Gal. 2. Nos in Christum credidimus, non ut fide assequeremur iusticiam operum quibus iustificaremur: sed ut iustificemur fide, non ex operibus. Cū enim legi, propterea quia per carnem infirmabatur, impossibile esset nos iustificare: Deus ex gratia fecit translationem nostræ iustificationis à lege, hoc est à nostro facere, ad fidem accipientem id quod Christus pro nobis fecit. Et illa duo disiuncta sunt hac antithesi: Qui fide in Christum iustificantur, lege non iustificantur: & qui faciendis ijs quæ lex flagitat, iustificari uolunt, illi non iustificantur fide in Christum. Ideo Paulus ad Galatas disputat, eos qui beneficio Dei transferentis iustificationem nostram à lege ad fidem in Christum, non uolunt in solidum humili gratitudine uti, sed opera sua quæ secundum præscriptum legis faciunt assuere: eos, inquam, pronunciat euacuatos esse à Christo, & gratia

gratia excidisse. Vel enim lege sola, uel fide in Christum sola, oportet nos iustificari. Hæc ratio ostendit, quàm magni momenti sit hæc disputatio.

Tertia ratio est: ut omnis nostra gloriatio excludatur: ut qui gloriatur, in Domino gloriatur, à quo factus est nobis Christus iusticia, prima Corinthiorum primo. Non autem excluditur gloriatio per legem factorum, Roman. 3. hoc est: quando quis uitam æternam hereditat, ideo quòd ea quæ in lege scripta sunt, fecerit: Luca decimo. Sed per legem fidei excluditur. Hoc est: quia Christus est perfectio legis, ad iusticiam omni credenti, Romanorum decimo. Gloria igitur & laus iustificatio nis nostræ coram Deo, ad uitam æternam, debetur obedientiæ & merito Christi: non tantum cause quæ efficiat, ut in nobis aliquid heret, quo facientes ea quæ in lege factorum scripta sunt, iustificemur: sed quia obedientia Christi imputatur nobis ad iusticiam. Illa uerò gloria non potest sine blasphemia Christo detrahi, & in nostram siue nouitatem siue obedientiam transferri. Et quia obedientia Christi, qua pro nobis legem impleuit, ad iusticiam omni credenti, non est manca, mutila aut imperfecta: contumeliosum igitur est in meritum Christi assuere ipsi nostra opera, ut iustificemur: quasi Christi obedientia non sufficeret nobis ad iustificationem coram Deo, nisi assumpto nostræ iusticie

iusticie perficeretur. Quarta ratio extat. Rom. 4. Ut promissio hereditatis uite eterne, sit firma. Quando enim nititur conditione nostre obedientie, quia illa propter carne imperfecta & immunda est, promissio semper incerta est: ideo ex fide ut secundum gratiam, ut firma sit promissio. Si enim qui ex lege heredes sunt, exinanita est fides, et abolita promissio. Lex enim iram operatur: Rom. 4. ita ut sub maledicto sint, non tantum qui carent operibus legis, uerumetiam qui sunt ex operibus legis: Gal. 3. quia non permanent in omnibus que scripta sunt in libro legis, ut faciant ea.

Hec copiosius aliquanto explicare uolui: in hoc enim potissimum cardine uertitur controuersia inter nos & Pontificios, in articulo iustificationis: An scilicet renati, propter suam nouitatem & opera iustificentur coram Deo, ad uitam eternam. Repeto autem id, quod aliquoties iam dictum est. Agnoscimus renouationem esse ingens beneficium filij Dei mediatoris, per Spiritum sanctum, in nobis. Docemus, debere sequi post reconciliationem nouam obedientiam: & illi tribuimus suo loco, ea que Scriptura ipsi tribuit: sicut postea de bonis operibus dicemus. Sed hanc dignitatem & gloriam didicimus ex Scriptura non tribuendam esse nostre nouitati, & nostris operibus, ut sint iustificatio nostra coram Deo ad uitam eternam. Hec enim dignitas & gloria, solius filij Dei mediatoris

diatoris obedientiae seu iusticiae, per fidem nobis imputata debetur.

Hactenus igitur ostendimus, quomodo Scriptura nobis adimat et detrahat iustificationem coram Deo ad uitam eternam: ita ut instituta distributione seu enumeratione demonstret, nec in natura, nec in uita, nec in qualitatibus, habitibus aut operibus hominum in hac uita, siue sint Iudaei, siue ethnici, siue renati, siue non renati, esse & haerere illud quo in iudicio Dei ita possint consistere, ut propter illud iustificentur ad uitam eternam. Et haec distributio: An in aliqua parte hominis, uel actionibus eius, sit & haereat aliquid quo possit coram Deo iustificari: quasi forma examinis à Paulo ideo instituta fuit, quia Pharisaica persuasio de nostra iusticia inherente, opponenda iudicio Dei, naturaliter haeret in omnium animis. Et ad doctrinam de iustificatione hominis, per solam gratiam seu misericordiam Dei, propter solius Christi mediatoris obedientiam: necesse est ut in solidum adimatur & detrahatur omnibus quae uel sunt, uel haerent in homine: siue Iudaeo, siue ethnico, siue renato, siue non renato.

QUOMODO SCRIPTURA TRADAT hominem coram Deo iustificari ad uitam eternam.

Constituta autem parte negatiua, plana ex uerbo Dei erit sententia affirmatiua: quomodo scilicet

et iustificemur coram Deo, ad uitam eternam.
 Aut que sit illa iusticia, quam asserre debemus co-
 ram Deo, quando cum illo agimus, ut nos absol-
 uat à sententia damnationis, ut sit nobis placatus
 & propitijs, ut simus ipsius filij, & acceptemur
 ad uitam eternam. Iam enim in præcedentibus mon-
 stratum est. Primò, quòd iudicium Dei non inue-
 niat in nobis in hac uita, ne in renatis quidem, ta-
 lem, tam perfectam, & tam puram iusticiam
 inherentem, qua ita possimus coram Deo con-
 sistere, ut propter illam iustificemur ad uitam e-
 ternam. Secundò, Inuenit autem in nobis, etiam
 in sanctis in hac uita, multa & uaria peccata. Psal-
 mo tricesimo secundo, prima Ioannis primo: imò
 ipsum peccatum, habitans in carne, rebellans le-
 gi mentis, & captiuans etiam renatos: sicut Ro-
 manorum septimo Paulus conqueritur. Tertiò,
 Et lex diuina, quæ est norma & regula iusticie in
 Deo, pronunciat reos & maledictos, qui non in o-
 mnibus quæ in lege scripta sunt permanserint, ut
 faciant ea. Quartò, ibi uerò Deus, qui diues est
 in misericordia, propter immensam charitatem,
 qua diligit nos, nolens nos in æterna morte, ad quã
 iusta legis diuinæ sententia damnati eramus, perire,
 gratis per suam gratiam iustificat: hoc est, à senten-
 tia damnationis absoluit, iustos reputat, & rece-
 ptos in gratiam acceptat ad uitam eternam, illos
 qui peccata sua agnoscunt, & confitentur, & fide
 pro-

promissionem misericordiae in Christo mediatore propositam apprehendunt: Romanorum tertio. Sed Pontificij opponunt, gratiam in illa Pauli sententia, significare donum nouitatis seu charitatis, quod à Deo propter Christum, per Spiritum sanctum gratis cōferatur & infundatur credentibus: ut illa siue nouitate, siue charitate, in iudicio Dei possint consistere, & propter illam recipi in gratiam, & acceptari ad uitam aeternam, hoc est iustificari. Et renouationem quidem esse donum Spiritus sancti, propter Christum, & charitatem unā cum reliquis uirtutibus à Spiritu sancto accendi in credentibus, nullū est dubium. Sed questio est de iustificatione. Ostēdimus aut clarissimis & firmissimis Scripturae testimonijs, renatos in hac uita, sua nouitate aut charitate, nō posse corā Deo ad uitam aeternā iustificari. Est igitur manifesta deprauatio sententiae Paulinae, quam Pontificij contra perpetuam eius sententiam ipsi affingunt.

VOCABVLVM GRATIAE.

Et uocabulum gratiae in Scriptura, saepe quidem fauorem, beneuolentiam seu misericordiam: aliquando uerò etiam dona ipsa quae ex beneuolentia conferuntur, significat. Sed questio est, quid uocabulum gratiae propriè significet in illis locis, ubi Paulus disputat, nos gratis per gratiam Dei iustificari. Item: Gratia Dei saluati estis. Et testimonia sunt non obscura
uel

uel ambigua: sed manifesta, certa & firma, quod uocabulum gratiæ in hac disputatione intelligendum sit de gratuita misericordia, bonitate, beneuolentia, seu fauore Dei, complectentis sua gratia, & recipiētis in gratiam indignos, propter filium mediatorem. Paulus enim Roman. 5. manifestè distinguit gratiam, & donum per gratiam: sicut Ioan. 1. Gratia & ueritas distinguuntur. Et utrumq; quidem est beneficiū filij Dei mediatoris. Sed quando Paulus dicit, nos gratia iustificari & saluari: intelligit illam gratiam, quam Scriptura distinguit à dono per gratiam. hoc est, intelligit, non nouitatem nostram, sed misericordiam Dei, seu gratuitam acceptationem: id quod inde manifestū est. Paulus enim in articulo iustificationis, gratiam opponit bonis operibus: non illis tantum quæ ratio sine Spiritu sancto præstat, sed & Abrahæ operibus, quæ sunt dona & fructus spiritus. Rom. 4. Ei qui operatur, merces non imputatur secundū gratiam, sed secundum debitum. Et quod Rom. 3. dicit: Gratia iustificamur sine operibus legis. illud Rom. 4. accommodat ad Abrahæ renati opera: & ita gratiam iustificatē, opponit Abrahæ ex renouatione spiritus operanti. Vniuersalis enim est sententia, Rom. 11. Si per gratiam, iam non ex operibus: alioqui gratia iam non esset gratia. Et quando 2. Tim. 1. Paulus dicit: Saluos nos fecit, non secundum opera nostra, sed secundum propositum suum, &

gratiam

gratiam quæ data est nobis in Christo Iesu ante tempora secularia: ibi certè gratia non potest significare aliquid inherens in nobis. ante tempora enim secularia cum nōdum essemus, imò cum nondum iacta essent fundamenta terræ, data nobis fuit in Christo gratia.

Et Scriptura alijs synonymis seu equipollentibus uocabulis manifestè ostendit, quomodo uelit uocabulum gratiæ in his disputationibus intelligi. Tit. 3. uocat benignitatem & charitatē, qua Deus complectitur miserum & perditum genus humanum. Ibidem: Secundum misericordiam suam, saluos nos fecit: ut gratia ipsius iustificati, hæredes simus uitæ æternæ. Et Ephes. 2. Deus qui diues est in misericordia, propter multam suam dilectionem qua nos dilexit, mortuos nos peccatis conuificauit cū Christo, gratia estis saluati. Ita quod Heb. 2. scriptum est: Gratia Dei gustauit mortem pro omnibus. illud Rom. 5. Paulus ita effert: Commendat charitatem suam erga nos Deus, quòd cum peccatores existeremus, Christus pro nobis mortuus est. Et Heb. 4. Accedamus ad thronum gratiæ, ut accipiamus misericordiam, & inueniamus gratiam ad auxilium opportunū. Hæc adeò sunt manifesta, quòd & Thomas & Richardus de media uilla, fatentur ueteres quosdam gratiam exposuisse pro beneplacito & dilectione Dei gratuita, qua elegit, uocat, iustificat, adoptat. Eph. 1.

690 EXAMEN DECRETORVM
PARTICVLA GRATIS.

Et quidē Paulus propterea addidit particulā *Gratis*, ut propriā & genuinā significationē uocabuli gratiæ, in articulo iustificationis & salutis magis illustraret, & contra omnes corruptelas præmuniret: Iustificati gratis per ipsius gratiā. Significatio aut uocabuli דָּאֵן ita colligitur. Opponitur enim solutioni precij, aut satisfactioni. Gen. 29. Nunquid seruiēs mihi gratis? dic quid mercedis accipies. Exod. 21. Egrediatur gratis absq; pecunia. Num. 11. Pisces gratis comedimus. 2. Reg. 24. Nō offerā holocausta gratis, sine precio acquisita. Significat etiā sine causa, aut sine merito, præter aut cōtra meritū aliquid fieri. ut Ps. 54. Oderūt me gratis. 108. Expugnauerūt me gratis. Prou. 24. Ne gratis sis testis cōtra proximum. 1. Reg. 19. Quare peccabis in sanguine innoxio, interficiens Dauidem gratis. 3. Reg. 2. Aufer sanguines gratis effusos. Ezech. 6. & 14. Non gratis feci malū hoc, inquit Deus. Iere. 15. Dabo thesauros tuos in direptionē gratis: id est, illis de quibus nihil tale meritis. Threnorū 3. Coeperūt me ut auē gratis: hoc est, quib. nō dedi causam. In his exēplis, Græci interpretes semper reddiderūt Hebraicā uocem דָּאֵן per particulā δωρεν: quæ & in nouo Testamento ita usurpatur. 2. Corinth. 11. Gratis euangelizauī. Apoc. 21. Accipiat aquā uitæ gratis. 2. Thess. 3. Non gratis comedi panem, sed in labore. Syrach. 29. Multi fraudantur δωρεν: hoc est cum longē aliud meriti essent.

Hæc exēpla ideo recitauī: illustrāt enim signifi-
cationē particulæ gratis. Hostes enim Dauidis, di-
cūtur ipsum gratis odisse et persequi: propterea q̃
in Dauidē non sit causa uel meritū, cur ipsum ode-
rint et persequātur: quin potius causam in ipso in-
ueniūt, cur non deberēt eū odisse: sed causa odij est
in maleuolētia hostiū. Et apud Ezechielē Deus di-
citur nō gratis punire: hoc est, illos in quibus nullā
causam, uel meritū pœnæ inuenit. Inde intelligi po-
test, quare Paulus Ro. 3. uocabulo gratiæ addat par-
ticulā gratis. Nā Gen. 39. de Ioseph textus dixit: In-
uenit gratiam in oculis Potipharis. additur autem:
Quia erat uir fortunatus, id est: propter egregia do-
na quæ in Iosepho animaduertebat, diligebat et ma-
gnificiebat illū. Neq̃s igitur opinetur, eodē modo
& nos gratia Dei iustificari & saluari, addit Pau-
lus particulam gratis: quæ ostendit 1. causam seu
meritum, ut coram Deo iustificemur ad uitam æ-
ternam, non esse uel hærere in nobis. Secundō,
Deum inuenire in nobis multas causas, cur pos-
set nos damnare. Tertiō, Indignos uerō, &
longē aliud meritos, Deum ex mera bonitate &
misericordia propter filium recipere in gratiam,
& acceptare ad uitam æternam. ut idem sit quod
Psalmus dicit: Non secundum peccata nostra fecit
nobis, neque secundum iniquitates nostras retri-
buit nobis. Et quod Daniel inquit: Non in iusticijs
nostris, sed in misericordia tua. Iustificamur itaq̃

gratis, per Dei gratiā: non quia uel sumus, uel effici-
mur in hac uita perfectē iusti, sine peccato: sed quia
misericordia Dei, peccata quæ in nobis inuenit,
propter Christum remittit & tegit: Rom. 4. Deus
enim erat in Christo mundū sibi reconcilians, non
imputans hominibus peccata. 2. Cor. 5. Et per Chri-
stum annuntiatur nobis remissio peccatorum, ab
omnibus à quibus non potuimus in lege iustificari:
Acto. 13. Hæc enim est scientia salutis, in remissio-
ne peccatorum: Luc. 1. Nam si dixerimus, quoniam
peccatum non habemus, ipsi nos seducimus, & ue-
ritas in nobis non est. Si uerò confiteamur pecca-
ta nostra, fidelis est & iustus, ut remittat nobis pec-
cata nostra. Si enim peccauerimus, aduocatum ha-
bemus apud patrem, Iesum Christum: & ipse est
propiciatio pro peccatis nostris. 1. Ioan. 1. Credenti
igitur in eum qui iustificat impium fides imputa-
tur ad iusticiam, sine operibus. Rom. 4.

QVAE IUSTICIA ILLA, QVAM
in iustificatione, iudicio Dei
opponimus.

Hæc ex Scripturæ testimonijs manifesta, cer-
ta & firma sunt. Sed quæstio est, cuius explicatio
multum lucis affert huic loco: an scilicet, & quo-
modo Deus impium sine iusticia iustificet. Hu-
mana enim sæpe iudicia impium iustificant: uel
per errorē, uel per incuriam, uel per iniquitatem:
quando

quando impietas uel ignoratur, uel non curatur,
uel approbatur.

illa uerò Deo, in iustificatione peccatoris nullo modo tribui uel possunt, uel debent. ipse enim pronunciat esse abominationē, hoc modo impium iustificare. Prouerb. 17. Isa. 5. Nec rectè respondetur hoc loco, si dicatur, Deum quia est agens liberrimum, licet ea faciat quæ ipse pronunciat esse abominationem, tamen iustè agere. illa enim norma iusticiæ quæ in lege est patefacta, est æterna, immota & immutabilis uoluntas Dei. Sed illa requirit, & pro peccatis satisfactionem plenissimam: & ad iusticiam requirit impletionem legis perfectissimam & purissimam. Num uerò Deus iustificans impium gratis per gratiam, sine operibus legis, sibi ipsi repugnat & contrarius est, ut qui uoluntatem suam in lege aliter patefecit? Nequaquam. Ego, enim inquit, Deus sum, & non mutor. Malachie tertio: Et Num. uigesimo tertio: Non est Deus quasi homo, ut mentiatur: nec ut filius hominis, ut mutetur. dixit ergo, & non faciet? locutus est, & non implebit? Ideo Paulus inquit Romanorum tertio, Non destruimus legem, quando docemus fide sine operibus legis iustificari hominem, sed magis stabili-
mus eam. Et Matthæi quinto, Christus inquit: Nolite putare, quòd uenerim soluere legē. Amen quippe dico uobis, donec transeat cælum & terra, iota

unum, aut unus apex non præteribit à lege, donec omnia fiant. Firma igitur & fixa manebit illa legis sententia, pro peccatis requiri satisfactionem: non qualemcunq; sed sufficientem & condignam: & ad iusticiam requiri impletionem, & obedientiam undiq; perfectā & absolutam. Sed nos talem satisfactionē præstare, & talē iusticiā in hac uita habere non possumus. Et tamē facilius est cœlū & terrā trāsire, quā ut unū iota, aut apex unus legis cadat, cui nō debita perfectione satisfiat. Quid igitur? Nō ergo iustificabitur in cōspectu Dei omnis uiuens: sed omnes in æternum damnabuntur.

Prorsus illud ita fieret, quantum ex nobis est. Sed ibi Euangelium patefacit nobis, Deum in arcano suo consilio, ex immensa misericordia, inuenisse talem modum & rationē: ut & iusticiæ Dei in lege patefactæ satisficeret, & homo gratis per gratiam Dei, fide sine operibus legis iustificaretur ad uitam æternam: ut scilicet filius Dei ad liberandum, iustificandum & saluandum genus humanum mitteretur in mundum, & ueniret in carnem. Quomodo uerò mediator ille noster factus est iusticia nostra, liberator & saluator noster? Num soluendo & destruendo sententiam uoluntatis diuinæ, in lege patefactam? Hanc certē opinionem, & persuasionem ipse filius Dei dicit falsam esse, quia impossibile hoc sit. Matthæi quinto, Lucæ decimosexto: Sed ideo factus est sub lege,

non pro se, aut suo nomine: sed ut eos qui sub lege erant, redimeret. Gal. 4. Satisfactionem igitur pro peccatis, perpeſſione pœnarum: & impletionem legis, perfectiſſima obedientia, loco & nomine omnium noſtrũ interceptit. Et ideo noſtram naturam aſſumpſit, ut in illa natura quæ ſub lege erat, fieret ſatisfactio & impletio. Quia uerò debebat talis eſſe ſatisfactio & impletio, quæ & pro peccatis, & ad iuſticiam totius mundi ſatis eſſet & ſufficeret: ideo oportuit perſonam mediatoris ſimul eſſe & Deum & hominem, ut uis & efficacia ſatisfactionis & impletionis eſſet infinita & immenſa, ſufficiens pro toto mundo. Sed inquis: Quid me releuat, quòd aliquis alius legi ſatisfecit, cũ lex me urgeat: Tu diliges, tu non concupiſces. Et Rom. 2. Ira & indignatio, tribulatio et anguſtia ſuper omnẽ animã hominis, operãtis malũ. imò Ezech. 18. Deus hanc ſententiã pronũciat: Anima quæ peccauerit, ipſa morietur. Filius nõ portabit iniquitatẽ patris, et pater nõ portabit iniquitatẽ filij. Iuſticia iuſti ſuper eum erit, et impietas impij erit ſuper eũ. Propter alienã igitur iuſticiã, ille qui ipſe peccator eſt, non iuſtificator. Reſpondeo. Certũ eſt, legem requirere ad iuſticiã ab unoquoq; & in unoquoq; talem ſatisfactionem & cõformitatẽ, qualẽ ipſa requirit. Neq; enim legis doctrina eſt, aliena ſatisfactione et iuſticia nos redimi & iuſtificari: unus etiã homo nõ poteſt ſatisfacere pro

alio, coram Deo: sicut Psalm. 48. inquit: Frater redimendo non redimet uirum, non dabit Deo redemptionem eius: preciosa est enim redemptio anime eorum. Sed Euangelium, hoc mysteriũ absconditum à seculis reuelat & patefacit: cum genus humanum legi nõ posset satisfacere, & lex nullo modo posset solui & destrui, quòd Deus fecerit translationẽ legis, quod ad articulũ iustificationis attinet, in aliam personam: quæ & satisfactione, & obedientia, pro toto genere humano legem impleret. Et quia illa persona, Deus & homo: ideo eius satisfactio, est expiatio pro peccatis totius mundi. 1. Io. 2. & inde Christus est impletio legis, ad salutẽ omni credenti: Rom. 10. Et hunc per ministerium Deus nobis proponit, ut per eius redẽptionẽ, fide in sanguine ipsius, gratis per gratiam Dei iustificemur: Rom. 3. Quia igitur 1. cõsilio totius Trinitatis filius Dei missus est in mundũ, factus ex muliere, factus sub lege, ut eos qui sub lege erant redimeret, ut nos ita adoptionem acciperemus. 2. Quia Christi mediatoris, Dei & hominis satisfactio & obediẽtia talis et tanta est, potest esse expiatio pro peccatis totius mundi, & sufficere ad iusticiam omni credenti. 3. Quia in ministerio Christus à Deo nobis ita proponitur, ut per redẽptionẽ eius fide iustificemur. Quãdo igitur in uera cõtritione fides apprehẽdit & applicat sibi illam satisfactio- nem & obediẽtiã Christi, tunc habet quod possit accusa-

accusationib. legis in iudicio Dei opponere, & ita consistere ut iustificemur. Habent quidem credentes, ex renouatione per spiritum sanctum, etiā inherentem iusticiam: sed quia illa in hac uita tantum inchoata, imperfecta, & propter carnem adhuc immunda est: ideo illa non possumus in iudicio Dei consistere, nec propter illam Deus nos iustificat: hoc est à peccatis absoluit, in gratiam recipit, & ad uitam æternam acceptat: sicut supra ex Scriptura ostēsum est. Christi uerò satisfactio & obedientia, qua pro nobis legem impleuit, est illa iusticia, quæ & sufficiens & digna est, ut in Dei iudicio iusta pronuncietur. Et illa per fidem credentibus imputatur, ita ut per illam, & propter illam in iudicio Dei consistere possint: non aliter, imò multo melius, quam si ipsi perfecta obediētia legi satisfecissent. habent enim per imputationem, iusticiam quæ est Dei et hominis. Propter Christi igitur satisfactionem & obedientiam, fide nobis à Deo imputatam, credentes iustificantur: hoc est, accipiunt remissionem peccatorum, absoluuntur absentia damnationis, recipiuntur in gratiam, adoptantur in filios, & acceptantur ad uitā æternā.

Non igitur docemus, credentes sine iusticia iustificari: qualem iustificationem impij, Deus pronunciat esse abominationem, Prouerb. 17. Isa. 5. sed dicimus necesse esse, ut iustificatione intercedat & interueniat iusticia: & quidem non qualiscūq;

X s iusticia,

iusticia, sed talis quæ in iudicio Dei sufficiens et digna sit, ut iusta pronuncietur ad uitam æternam. Nostra uerò inherens iusticia, quæ in renouatione per Spiritum sanctum inchoatur, propter adhaerentem carnis imperfectionem & immundiciam non est talis. Oportet igitur aliam esse iusticiam, qua interueniente & intercedente iustificemur coram Deo ad uitam æternam. Illa uerò est satisfactio, & obedientia, hoc est iusticia Christi mediatoris: quæ in ministerio uerbi & sacramentorum proponitur, fide apprehenditur, & à Deo imputatur credentibus: ut eam interponere possimus inter iudicium Dei, & nostra peccata: ut sub ea, uelut sub clypeo, à diuina quâ cõmeruimus ira protegatur: ut ea tecti, audacter & secure iam diuino nos sistamus tribunali, & ita iusti pronunciemur ad uitam æternam. Hæc sunt Pighij uerba: qui licet aliàs doctrinæ nostræ acerbissimus est aduersarius, hanc tamen sententiam, ut ueram, piam, & Scripturæ consentaneam, ipsa ueritatis euidētia cogitur agnoscere & confiteri.

Respectu igitur Christi, legi pro nobis satisficientis, est redemptio, meritum & iusticia: sed respectu nostri, est gratia, seu gratuita misericordia: qui in nobis, etiam in renatis, in hac uita iudicium Dei non inuenit talem iusticiam inherentem, quæ sufficiens & digna sit, ut propter illam iustificemur ad uitam æternam: inuenit autem in nobis,

nobis, etiam in renatis quædam, imò multa & uaria peccata, quæ nos non satis intelligimus: propter quæ, si iuxta legis seueritatem uellet in iudicium nobiscum intrare, posset nos damnare. Gratuita igitur gratia est, quòd indigni & immeriti iustificamur. Et Christi quidem obedientia, est meritum propter quod iustificamur. Sed quod Deus filium suum misit in mundum, quòd filius Dei mediator legi pro nobis satisfecit: nulla nostra dignitas. nullum meritum nostrum effecit: sed cum longè aliud mente eramus, ex mera gratia ac misericordia Deus hoc decreuit & præstitit.

Nec etiam dignitate aliqua nostra meremur, ut Christi iusticia nobis imputetur, sed sine operibus gratis, per gratiam Dei credentibus imputetur. Romanor. 4. Ita respectu nostri, sola & mera est gratuita gratia, bonitas, charitas & misericordia Dei, quando iustificamur coram Deo, ad uitam æternam. Hæc explicatio ostendit, totam doctrinam de iustificatione, simplicem & planam esse.

Non autem ipsi cominiscimur hanc sententiam, quòd Christus mediator legem satisfactione pœnarum plenissima, & obedientia perfectissima, pro nobis impleuerit: & quod illa iusticia mediatoris credentibus imputetur, ut ea iustificentur coram Deo, ad uitam æternam. Sed hæc est propria
& per-

Et perpetua Euangelij doctrina, cuius aliquot tantum illustres sententias annotabimus.

Gal. 4. Christus nos redemit de maledicto legis, factus pro nobis maledictum: ut in Gentibus benedictio Abrahæ fieret, in Christo Iesu. Audis Gentes assequi benedictionem, quæ à maledictione liberantur; propter redemptionem Christi, quæ pro nobis factus fuit maledictum.

Gal. 4. Deus misit filiū suum, factū ex muliere, factum sub lege, ut eos qui sub lege erant, redimeret: ut adoptionem filiorum reciperemus. Adoptamur igitur in filios, propter satisfactionē et obedientiam Christi.

2. Cor. 5. Illum qui non nouerat peccatum, pro nobis peccatum fecit, ut efficeremur iusticia Dei in ipso. Quomodo uerò Christus factus est peccatum? Certè imputatiuè. Et ita nos in ipso efficimur iusticia Dei.

Rom. 8. Quod impossibili erat legi, in quo infirmabatur per carnem, Deus misso filio suo in similitudine carnis peccati, de peccato dānauit peccatum, ut iustificatio legis impleretur in nobis. Pulcherrimam sententiā, uersio fecit obscurā: quid scilicet sit, de peccato damnare peccatū. Sed phrasis sumpta est ex Græcis interpretibus, qui sacrificium pro peccato absolute seu τεχνικῶς reddiderunt περὶ ἁμαρτίας. Leuit. 4 et 5. uocāt et ὑπὲρ ἁμαρτίας. et τὸ τῆς ἁμαρτίας. Leuit.

6. Item *περί ὁλοκαυτωμάτων*. Sensus igitur est, quia ad expianda peccata requirebatur sacrificiū pro peccato : sacrificium autem hirci, vituli, capræ, auis, turturum, columbarum, non poterat expiationem illam præstare. Lex enim accusat & damnat, non quadrupedum uel uolatilium, sed hominum naturam quæ peccato deprauata est. Ideo Deus misit filium in similitudine carnis peccati : hoc est, in carne, quæ similis esset fratribus per omnia, excepto peccato : ut *περί ἀμαρτίας*, hoc est tali sacrificio pro peccato, uictima scilicet sui corporis, quod peccato nihil debebat, peccatū dannaret in illa ipsa carne humana, scilicet quā peccatum dānationi subiecerat. Et quia est filius Dei, & à Deo missus, ut fieret uictima pro nobis : inde sacrificium eius, tantam habet uim & efficaciam, sicut Paulus inquit : Vt iustificatio legis in nobis impleretur. Sed quomodo. Num ut per legem iustificaremur? Nequaquam. Paulus enim acriter pugnat, nos per legē nō iustificari. sed ut *δικαιώμα* legis, hoc est iusticia absolutissima, quam lex à nobis flagitat & requirit, impleatur, non à nobis, sed in nobis est : quia Christus qui legē pro nobis impleuit, in nobis : hoc est, per fidem in nobis habitat. Ephes. 3. Impletio uerò legis quæ in nobis inchoatur, suum, sed alium habet locum, sicut Paulus inquit : Qui spiritum Christi non habent, in illis Christus non est. Ideo dicit : Qui non secundum
carnem

702 EXAMEN DECRETORVM

carnem ambulant, sed secundum spiritum. Matth. 20. Filius hominis uenit dare animam, redemptionem pro multis.

1. Timoth. 2. Dedit semetipsum precii redemptionis pro omnibus. Rom. 10. Christus est impletio legis, ad iusticiam omni credenti. Rom. 5. dicit nos iustificari in sanguine Christi. Et illud ita exponit, quod reconciliati sumus Deo per mortem filij sui. Sicut enim per inobedientiam unius hominis peccatores constituti sunt multi: ita per unius obedientiam iusti constituentur multi. Quomodo uero? Respondet Paulus Rom. 4. Quia fides imputatur ad iusticiam. Non quod fides per se sit talis uirtus, sed quia apprehendit, accipit, amplectitur, et possidet Christum, qui est perfectio legis ad iusticiam omni credenti. Illa enim est iusticia quam Deus imputat sine nostris operibus, ijs qui beati redduntur: per redemptionem enim qui est in Christo Iesu, iustificamur. Rom. 3.

Ierem. 23. Hoc est nomen, quo uocabunt eum, Iehoua iusticia nostra. 1. Cor. 1. Factus est nobis a Deo iusticia. 2. Cor. 5. Ut efficeremur iusticia Dei in Christo. Isa. 53. Correctio super eum, ut nos pacem habeamus: et liuore eius sanati sumus. Deus posuit in eo iniquitatem omnium nostrum. hinc scientia sui iustificat multos.

Rom. 4. Scriptum est propter nos, quibus imputabitur credentibus in eum qui suscitauit Iesum: qui
tradi-

traditus est propter peccata, et resurrexit propter iusticiam nostram.

Audis utrumq; & quòd Deus imputat credentibus, & quid illud sit quod imputet: nempe quòd Christus traditus sit propter peccata nostra, & quòd resurrexit propter iusticiam nostram. Rom. 5. Gratia regnat per iusticiam, in uitam æternam, per Christum Iesum. Est autem Christus iusticia nostra. Ierem. 23. 1. Cor. 1. Rom. 10. Sed quomodo per illam, ut alienam possumus iustificari ad uitam æternam? Respondeo, sicut Paulus inquit Gal. 3. Quicumq; in Christum baptisati estis, Christum induistis. Simul ergo eius etiam iusticia induti sumus. Rom. 8. Deus cum filio suo omnia nobis donat. Christus autem habet perfectã legis impletionem pro nobis, seu iusticiam. Illam igitur pater donat credentibus, ut propter eam iustificentur.

Hæc quam breuiter recitavi, est perpetua Scripturæ propheticae & Apostolicae, in ueteri & in nouo Testamento sententia, de iustificatione hominis coram Deo ad uitam æternã: hoc est, quid illud sit, in quo & debeamus, & tutò possimus fiducia collocare, quòd propter illud iustificemur: hoc est, accipiamus remissionem peccatorum, absoluiamur à merita damnationis sententia, recipiamur à Deo in gratiam, adoptemur in filios, & acceptemur ad uitam æternam.

704 EXAMEN DECRETORVM
VETERVM TESTIMONIA DE
iustificatione.

Et in patrum quidem scriptis, quia uerbum iustificare plerunq; in alia significatione usurpant, multæ dissimiles extant sententiæ. Sed quando emphases uerborum in sententijs Scripturæ penitus introspiciunt, & præcipue quando se in tentationibus & meditationibus, quasi ad Dei tribunal sistunt, tunc dulcissimis sententijs nostram hanc, imò Scripturæ doctrinam approbant: nos scilicet reconciliari Deo, accipere remissionē peccatorum, habere Deum placatum et propitium, adoptari in filios, & acceptari ad uitam æternam: non propter nostras uirtutes, aut nostra bona opera, etiam quando renati sumus, sed ex gratuita misericordia Dei, propter satisfactionem, meritum, obediētiam seu iusticiam filij Dei mediatoris, quando promissionem Euangelij, fide apprehendimus.

Basilii in concione de humilitatē: Qui gloriatur, in Domino gloriatur, quòd Christus nobis factus sit à Deo iusticia, sapientia, iustificatio & redemptio. Hæc est perfecta & integra gloriatio in Deo, quando neq; ob iusticiam suam quis se iactat: sed nouit quidē seipsum ueræ iusticiæ indignum esse, sola autem fide in Christum iustificatum. Et ne quis existimet Basilium de non renatis loqui, adducit exemplum Pauli, Philip. 3. qui iusticiam operum suorum, non tantum quam in Phari-

saismo

saismo habuit, sed & illam quam tunc, cum epistola ille scriberet habebat, cōtemnit: ut in qua nolit inueniri, quod attinet ad articulum iustificatio-
nis coram Deo, ad uitam æternam.

Origenes in 3. cap. ad Rom. explicans illā sen-
tentiam: Exclusa est gloriatio, non per legem fa-
ctorum, sed per legem fidei: Allegat exemplū Pau-
li, Gal. 6. Mihi absit gloriari, nisi in cruce Christi.
& inquit: uides Paulum non gloriantem super in-
sticia sua, castitate, sapiētia, neq; super cæteris su-
is uirtutibus & actibus. Quando, uerò? tunc scili-
cet, cum Galatis scriberet.

Hilarius in Psal. 51. Non enim illa ipsa iusticiæ
opera sufficerent ad perfectæ beatitudinis meritū,
nisi misericordia Dei, etiam in hac iustitiæ uolun-
tate, humanarum demutationum & motuum non
reputet uitia. Spes igitur in misericordia Dei, in se-
culum & in seculum seculi.

Basilii in Psal. 114. Manet enim sempiterna
requies illos qui in hac uita legitimè certauerunt:
non ob eorum merita factorum, sed de munificen-
tissimi Dei gratia, in qua sperauerunt.

Augustinus ad Bonifacium lib. 1. cap. 21. Quan-
talibet fuisse uirtutes antiquos, prædices iustos: nō
eos saluos fecit nisi fides mediatoris, qui in remis-
sionem peccatorum sanguinem fudit. Ibidem lib.
3. cap. 5. Pelagiani laudatores sibi esse uidentur san-
ctorū, si nō audeant dicere imperfectæ ipsos fuisse

X uirtutis,

uirtutis, cum hoc confiteatur fas electionis: *Non quia iam acceperim, aut iam perfectus sim. Et paulo post tamen qui se negauerat esse perfectum, inquit: Quotquot perfecti sumus, hoc sapiamus: ut ostenderet, secundum istius uitæ modum esse quandam perfectionem: eiq; perfectioni hoc quoq; deputari, si se quisq; nouerit nõdum esse perfectum. Quid enim excellentius in ueteri populo sacerdotibus sanctis? Et tamen eis præcepit Deus, sacrificium primitus pro suis offerre peccatis. Et quid sanctius in nouo populo Apostolis? Et tamen præcepit eis Dominus in oratione dicere: Dimitte nobis debita nõstra. Omnium igitur piorum, sub hoc onere corruptibilis carnis, & in istius uitæ infirmitate gementiũ, spes una est, quòd aduocatũ habemus apud patrẽ, Iesum Christũ: & ipse est exortio peccatorũ nostrorũ. Contra Cresconiũ li. 3. ca. 89. Ad existimationẽ humanã magna testium, qui me nouerũt, suppetit copia: ad Dei uerò conspectũ sola conscientia, quam contra uestras criminatio- nes cum intrepidam geram, non me tamen sub oculis omnipotentis iustificare audeo: magisq; ab eo effluentem misericordie largitatem, quàm iudicij summam examen expecto, cogitans quod scriptũ est: Cum rex iustus sederit in throno, quis gloriabitur se castum habere cor, aut mundum se esse à peccatis?*

Augustinus epist. 29. ad Hieron. Caritas in alijs maior,

maior, in alijs minor, in alijs nulla est. Plenissima uerò, quæ iam non potest augeri, quandiu hic homo uiuit, in nemine est. Quandiu autem augeri potest, profectò illud quod minus est quàm debet, ex uitio est. Ex quo uitio, non est iustus in terra qui faciat bonum, & non peccet: ex quo uitio non iustificabitur in conspectu Dei, omnis uiuēs: propter quod uitium, si dixerimus, quia peccatū non habemus, ueritas in nobis non est: propter quod etiam, quantumlibet profecerimus, necessariū est nobis dicere: Dimitte nobis debita nostra: cum iam omnia in baptismo dicta, facta, cogitata, dimissa sint.

Ambrosius de Iacob & uita beata, cap. 6. Non gloriabor quia iustus sum, sed quia redemptus: gloriabor, non quia uacuus sum peccatis, sed quia mihi remissa sunt peccata.

Non gloriabor quia profui, neque quia profuit mihi quisquam: sed quia pro me aduocatus apud patrem Christus est, sed quia pro me Christi sanguis effusus est.

Augustinus de uerbis Apostoli, serm. 2. Sed inquis: Sufficit mihi, quòd in baptismo accepi remissionē omniū peccatorum. Nunquid quia deleta est iniquitas, finita est infirmitas? Adhuc utiq; dicis, donec sanentur languores tui, Dimitte nobis debita nostra: qui propitius sit omnibus iniquitatibus tuis. Deniq; post redemptionem ab omni

corruptione, quid restat nisi corona iusticiæ? Ipsa certè restat: sed etiam in ipsa, uel sub ipsa, non sit caput turgidum, ut recipiat coronā. Attende quam nolit corona turgidum caput, qui redemit de corruptione uitam tuam, qui coronat te. Iam hic dicturus eras: Merita mea, fatetur, uirtus mea fecit hoc: debitum redditur, non donatur. Audi potius Psalmum: Nam omnis homo mendax. Audi quid Deus dicat: Qui coronat te in miseratione & misericordia.

Serm. 15. Pro nihilo saluos facies eos. Quid est pro nihilo? Nihil inuenis, unde salues: & multum inuenis, unde damnes.

In Psalm. 31. Qui sunt beati? non in quibus Deus non inuenerit peccatum. Nam in omnibus inuenit. Omnes enim peccauerunt, & egent gloria Dei. Si ergo in omnibus peccata inueniuntur, remanet ut non sint beati, nisi quorum remissa sunt peccata. Hoc ergo Apostolus sic commendauit: Credidit Abraham Deo, & reputatum est illi ad iusticiam.

Item: Si gratia est, gratis datur. Quid est, gratis datur? gratis constat. Nihil boni fecisti, & datur tibi remissio peccatorum. Attenduntur opera tua, & inueniuntur mala: si quid debetur, Deus istis operib. redderet, utiq; dānaret. Non tibi Deus reddit debitā pœnam, sed donat indebitā gratiam.

Hieronymus lib. 1. aduersus Pelagianos: Tunc ergo

ergo iusti sumus, quando nos peccatores fatemur:
 & iusticia nostra non ex proprio merito, sed ex
 Dei consistit misericordia.

Gregorius in Ezechielem homilia 7. Iustus igitur
 aduocatus noster, iustos nos defendet in iudicio:
 quia et nos ipsos cognoscimus, & accusamus
 iniustos. Non ergo in fletibus, nō in actib. nostris:
 sed in aduocati nostri allegatione confidamus.

Bernhardus serm. 5. de uerbis Isaia: Nostra, si
 qua est humilis iusticia, recta forsitan, sed non pura:
 nisi forte meliores nos esse credimus quam
 patres nostros, qui non minus ueraciter quam humiliter
 aiebant: Omnes iusticiae nostrae, tanquam
 pannus menstruatae mulieris: Quomodo enim pura
 iusticia, ubi adhuc non potest culpa deesse?

Idem supra Cantica: serm. 73. Si iniquitates
 obseruauerit etiam electorum, quis sustinebit? Audi
 sanctū & electum quid dicat Deo: Tu remisisti
 iniquitatem peccati mei. Pro hac ad te orabit
 omnis sanctus, in tempore opportuno. Opus
 igitur habent & sancti, pro peccatis orare: ut
 de misericordia salui fiant, propriae iusticiae non
 fidentes. Omnes enim peccauerunt, & egent misericordia
 Dei.

Ambrosius de Iacob & uita beata: Nō operib.
 iustificamur, sed fide: quoniam carnalis infirmitas,
 operib. impedimēto est: sed fidei claritas, factorum
 obūbrat errorē, quae meretur ueniā delictorū.

Augustinus de Ciuitate Dei libro 10. cap. 22. Remissio peccatorum fit per meditatorem Dei & hominum, hominem Christum Iesum: per quem facta peccatorum purgatione, reconciliamur Deo: quorum in hac uita non fit nostra uirtute, sed diuina miseratione purgatio, per indulgentiam illius, non per nostram potentiam: quia ipsa, quantum lacusque uirtus, quæ dicitur nostra, illius est bonitate nobis cõcessa. Multum aut nobis in carne tribuere mus, nisi usque ad eius depositionem sub uenia uireremus. Augustinus in Psalmum 129. Si iniquitates obseruaueris Domine, Domine, inquit, quis sustinebit? Ecce apparuit, de quo profundo clamaret. Clamat enim sub molibus & fluctibus iniquitatum suarum. Circumspexit se, circumspexit uitam suam: uidit illam undique flagitijs & facinoribus coopertam. quacunq; respexit, nihil in se boni inuenit, nihil illi iusticiæ serenum potuit occurrere. Et cum tanta & tam multa peccata undique & cateruas scelerum suorum uideret, tanquam expauescens exclamauit: Si iniquitates obseruaueris Domine, Domine quis sustinebit? Non dixit, Ego non sustinebo: sed, Quis sustinebit? Videt enim prope totam uitam humanam circumlatrari peccatis, accusari omnes conscientias cogitationibus suis: non inueniri cor castum, præsumens de sua iusticia. Quod quia inueniri non potest, præsumat ergo omnium cor de misericordia Domini Dei sui, & dicat Deo: Si iniquitates

quitates obseruaueris Domine, Domine quæ sustinebit? Quæ autem spes est? Quoniam apud te propitiatio est. Et quæ est ista propitiatio, nisi sacrificium? Et quod est sacrificiū, nisi quod pro nobis oblatū est? Sanguis innocēs fusus, deleuit omnia peccata nocentū. Ergo est apud te propitiatio. Nā si nō esset apud te propitiatio, si iudex solum esse uelles, & misericors esse nolles, obseruares oēs iniquitates nostras, et quæreres eas: quis sustineret? quis ante te staret, et diceret: Innocens sum? quis staret in iudicio tuo? Spes ergo una est, quoniā apud te propitiatio est.

Bernhardus super Cantica, sermone 23. O solus uerè beatus, cui non imputauit Dominus peccatū. Nam quis non habuerit peccatum? Nemo. omnes enim peccauerūt, et omnes egent gloria Dei. Quis accusabit tamen electos Dei? sufficit mihi ad omnem iusticiam solum habere propitium, cui soli peccaui. Idem Sermone 61. Ego fidenter quod ex me mihi deest, usurpo mihi ex uisceribus Domini: quoniam misericordia affluunt, nec desunt foramina per quæ effluant. Item: Memorabor iusticiæ solius: ipsa enim est mea: nempe factus es mihi tu iusticia à Deo. Nunquid mihi uerendum est, ne nō una ambobus sufficiat? Non est palliū breue, quod secundum Prophetam non posset operire duos. Iusticia tua, iusticia in æternum. Et te pariter, & me operiet larga & æterna iusticia.

Quam multas dulcissimas huius generis sententias
 Y 4 possem

possem adferre ex meditationibus Augustini, Bern-
hardi, Anselmi, Bonaventuræ, Gersonis, ex con-
templationibus Idiote, quæ ita inscribuntur, &c.
Si instituti nostri ratio illud ferret. Ibi enim, quia
sistunt conscientiam suam ad tribunal Dei, praxim
& usum articuli iustificationis pulcherrimè osten-
dunt: & tã suaves habēt sentētiās, ut legens in inti-
mis præcordijs me illis affici sentiam: nec quicquā
libentius lego in scriptis Patrum, quàm pias ipso-
rum meditationes.

In agone etiā mortis, ipsam uerā medullā articu-
li iustificatiōis & didicerūt, et expresserūt patres.

Posidonius de uita Augustini cap. 27. memora-
bilem narrat historiā. Indicauerat nobis Augusti-
nus, se beate memoriæ Ambrosij in ultimo fine cō-
stituti, audisse sapientissimū & piissimū respōsum,
quod multū laudabat ac prædicabat: Nam cum ille
uenerabilis ultima iaceret ægitudine, & à fideli-
bus lecto eius astantibus, cum lachrymis rogare-
tur, ut sibi à Domino uitæ posceret cōmeatū, eū il-
lis dixisse: Non sic uixi, ut me pudeat inter uos ui-
uere: sed nec mori timeo, quia bonū Dominū habe-
mus. Et in his noster Augustinus senex, elimata ac
librata admirabatur & laudabat uerba. Ideo enim
eum dixisse intelligendū est, Nec mori timeo, quia
bonum Dominum habemus: ne crederetur, præ-
fidens de suis purgatissimis moribus præsumpsisse.
Sed non sic uixi, ut me pudeat inter uos uiuere.

Hoc enim

Hoc enim dixerat ad illud, quod homines de homine nosse poterant. Nā sciens examen æquitatis diuinæ, de bono Domino se dicit magis quam de meritis suis cōfidere: cui etiā in oratiōe quotidiana Dominica dicebat, Dimitte nobis debita nostra, &c.

In uita Bernhardi cap. 12. Cum extremum iam spiritum trahere uideretur, in excessu mentis suæ, ante tribunal Domini sibi uisus est representari. Affuit autē & sathanas exaduerso, improbis eum accusationibus pulsans. Vbi autē ille omnia fuerat persecutus, & uiro Dei pro sua fuit parte dicendū. Nihil territus aut turbatus ait: Fateor, non sum dignus ego, nec proprijs possum meritis regnum obtinere cœlorum. Cæterum duplici iure illud obtinens Dominus meus, hæreditate scilicet patris, & merito passionis: altero ipse contentus, alterum mihi donat: ex cuius dono, iure illud mihi uendicans, non confundor. In hoc uerbo confusus est inimicus, &c.

Extat exhortatio Anselmi ad fratrem moriturū, uerbis dulcissimis scripta. Cum frater aliquis laborare uidetur in extremis, pium est & consultum, eum per prælatum, siue alium sacerdotē, subscriptis interrogationibus & exhortationibus exerceri. Et interrogetur primò.

Frater, letaris quòd in fide morieris? Et respondeat: Etiam Fatearis te non tam bene uixisse, sicut debuisses Fateor. pœnitet Te? Etiam.

714 EXAMEN DECRETORVM

Habes uoluntatem emendandi te, si spaciū uiuendi haberes? Etiam.

Credis quòd propter te mortuus est Dominus Iesus Christus, filius Dei? Etiam.

Credis nō posse saluari, nisi per mortē eius? Etia.

Agis ei de hoc ex corde gratias? Etiam.

Age ergo, dum in te est anima tua, ei semper gratias, & in hac sola morte totam fiduciam tuam constitue. Huic morti te totum committe: hac morte te totum contege, eiq; te totum inuolue. Et si Dominus te uoluerit iudicare, dic: Domine, mortem Domini nostri Iesu Christi obijcio inter me & te, & iudicium tuū: aliter tecum non contendō. Si dixerit, quòd merueris damnationem, dic: mortem Domini nostri Iesu Christi obijcio inter me & mala merita mea: ipsiusq; dignissimæ passionis meritum assero pro merito, quod ego habere debuissē, & heu non habeo.

Dicat iterum: Mortem Domini nostri Iesu Christi pono inter me & iram tuam. Deinde dicat ter: In manus tuas Domine, commendo spiritum meum. Et conuentus sui astantes respondeant: In manus tuas Domine, cōmendamus spiritū eius. Et securus morietur, nec uidebit mortē in æternū.

Idem Anselmus in meditationibus, pulcherrima hypotyposi sistit se ad tribunal iudicij diuini: & ostendit, nec uitam renatorum, nec opera posse opponi iudicio Dei, sed solum Christum mediato-

rem.

rem. Terret me, inquit, uita mea. Namq; diligenter discussa, apparet mihi aut peccatū, aut sterilitas tota uita mea. Et si quis fructus in ea uidetur, sic est aut simulatū, aut imperfectū, aut aliquo modo corruptum: ut possit aut placere, aut displicere Deo. Certē tota aut in peccato est et damnabilis: aut infructuosa, & contēptibilis. Sed quid separo infructuosam à dānabili: utiq; si est infructuosa, est damnalis, Omnis enim arbor quæ non facit fructū bonum, in ignē proijcietur. O ergo lignū aridum & inutile, æternis ignibus dignū. Quid respōdebis in illa die, cū exigitur à te usq; ad ictū oculi, omne tēpus uiuendi tibi impēsū, qualiter à te fuerit expēsū? O angustia. Hinc erūt peccata accusantia, inde terrēs iusticia: subtus patēs horrendū chaos inferni, desuper iratus iudex: intus cōscientia urens, foris mūdus ardens. Vix iustus saluabitur: peccator sic deprehensus, in quā partē se premet? latēre erit impossibile, apparere intolerabile. Vnde mihi cōsiliū? unde salus? Quis est qui dicitur magni consilij angelus? Ipse est Iesus. Idē est iudex, inter cuius manus tremo. Respira ô peccator, ne desperes. Spera in eo quem times. refuge ad eum à quo cōfugisti, Iesu Christe, propter hoc nomen tuum. Fac mihi secundum hoc nomen tuū: respice miserum, inuocantem nomen tuum. Ergo Iesu esto mihi Iesus propter nomen tuum. Si me admiseris intra latissimū sinum misericordiæ tuæ, non erit angustior propter me.

Verum

Verum est, conscientia mea meruit damnationem, & poenitentia mea non sufficit ad satisfactionem: sed certum est, quòd misericordia tua superat omnem offensionem, &c. Sed infinitum esset, singula talia quæ in Patrum scriptis extant, recensere. Hæc pauca uerò ideo annotavi: ut ostenderem, doctrinam nostram de iustificatione, habere testimonia omnium piorum qui omnibus temporibus fuerunt: idq; non in declamatorijs rhetoricationibus, nec in ociosis disputationibus, sed in serijs exercitijs poenitentiae & fidei, quando conscientia in tentationibus cum sua indignitate uel cor à ipso iudicio Dei, uel in agone mortis luctatur. Hoc enim solo modo, rectissime intelligi potest doctrina de iustificatione, sicut in Scriptura traditur.

TRIDENTINI CONCILII SENTENTIA de iustificatione.

Constituta autem ex Scriptura, & comprobata uera sententia de iustificatione hominis coram Deo ad uitam æternam: accedimus iam ad examen decretorum concilij Tridentini, de iustificatione: cuius ratio faciliior & plenior nobis erit, quia & fundamenta doctrinae, & pleraq; ad examen pertinentia, iam in præcedentibus explicata sunt. In cæteris uerò habemus Andradium, cōcilij interpretē.

Et de medio quidem seu organo, quo à Deo nobis offertur, & quo à nobis accipitur promissio iustificationis, postea in loco de fide dicemus.

De preparatione uerò (quam ita uocant) ad iustificationem, & de incremento iustificationis, ad finem huius loci quædam annotabimus. Quæ igitur in decreto ad ipsam iustificationem pertinent, iam annotabimus.

Est autem status disputationis: Quomodo homo coram Deo iustificetur ad uitam æternam. hoc est: quid illud sit quod ad iudiciũ Dei adferre, quod inter iram diuinam & peccata nostra interponere debeamus: ut propter illud à sententia damnationis absoluiamur, in gratiam à Deo recipiamur, adoptemur in filios, et acceptemur ad uitã æternã.

Dupliciter autem respondent Tridentina decreta. 1. Negant iustificationem peccatoris esse solam remissionem peccatorum. Et multa dicunt anathemata: si quis dixerit homines per iusticiã Christi coram Deo iustos esse, uel hominem iustificari sola imputatione iusticiæ Christi, uel sola remissione peccatorum, uel iustificari gratia: hoc est, tantum fauore Dei, aut misericordia Dei, peccata remittentis propter Christum. 2. Affirmant, iustificationem impij coram Deo ad uitam æternam, non esse solam remissionẽ peccatorum, sed & sanctificationẽ interioris hominis. Et unicam causam formalem iustificationis, affirmant esse illam iusticiam à Deo nobis donatam, qua renouamur spiritu mentis nostræ: ut non modo reputemur, sed uerè iusti nominemur & simus: iustitiam in nobis recipientes

piantes, quam dicunt esse charitatem inherentem in nobis, quam merito passionis Christi Spiritus sanctus in nobis operatur.

Hæc Tridentina decreta, si referantur ad ea quæ suprà ex Scriptura demonstrata sunt, luce meridiana clarius erit, illam ipsam sententiam, quæ perpetua est Scripturæ Prophetice & Apostolicæ de iustificatione hominis coram Deo ad uitam æternam, multis & atrocibus anathematismis à concilio Tridentino damnari: quòd scilicet sola diuina misericordia propter meritum, obedientiam seu iusticiam Christi, peccata nobis remittantur, recipiamur in gratiam, adoptemur in filios, & acceptemur ad uitam æternam.

Manifestum erit et hoc, quòd sub multorum anathematum interminatione, iustificationem hominis coram Deo ad uitam æternam, tribui uoluit illi ipsi rei, cui Scriptura manifestissimis sententijs eam adimit et detrahit: nouitati scilicet, charitati, seu bonis operibus renatorum. Et quia suprà multis manifestissimis Scripturæ testimonijs hoc demonstratum est, ad ea lectiorem remitto. si enim tantum collationem & negatiue & affirmatiue instituerit, eius sententia quæ in Scriptura tradita est, & eius quæ in decretis synodi Tridentinæ proponitur: uidebit eas ex diametro inter se pugnare. quod enim Scriptura negat, hoc Tridentinum conciliū affirmat esse nostram iustificationem coram Deo ad uitam æternam:

Et rursus quod Scriptura affirmat, hoc concilium non tantum negat, sed atrociter damnat: ut uerè dicere possimus, tale esse concilium, quale Psal. 2. describitur: Conuenerūt in unum, aduersus Dominū, et aduersus Christū eius. Ipsum uerò artificū, quo architecti horum decretorū rem ipsam specie aliqua ita inuoluerūt, ne ab imperitiis statim deprehenderetur, dignū est obseruatione. Si enim statū questionis ita posuissent: Quid illud sit propter quod Deus nobis placatus & propitiū reddatur, quare adoptio nostra apud Deū nitatur, propter quid corā tribunali Dei cōsistamus et absoluiamur, ut simus hēredes Dei, & acceptemur ad uitam æternam: uiderunt in tanta luce Euangelij, moderata ingenia, & aures multorum piorum in ipso regno Pontificio abhorrere ab illis monachorum uocibus, si proprijs nostris operibus propiciatio, adoptio & hereditas uitæ æternæ tribueretur.

Et cum tamen omnino sententiā istam retineri uellent, primò, æquiuocatio uerbi iustificationis uisa fuit concilio cōmodissima, quæ turpitudinē monasticæ opinionis aliquo modo palliaret: de qua æquiuocatione in principio diximus. Secundò, pro operibus proprijs substituerunt uocabula sanctificationis, renouationis, inherētis iusticiæ, &c. Tertiò, Insidiosè ita formārunt capitula & canones decretorum, quasi nostra doctrina sanctificationem, renouationē, charitatē, & reliqua dona
nouita-

nouitatis, quæ spiritus operatur in renatis, ita excludat, ut nec sequantur, nec adsint in renatis: ita ut propter nostras Ecclesias repetenda fuerint decreta, quæ olim in concilio Mileuitano Pelagianis opposita fuerunt: Christum scilicet meruisse nobis non tantum remissionem peccatorum, uerum etiam hoc quod propter ipsius meritum, per Spiritum sanctum renouamur: & credentes fide propter Christum accipere non tantum remissionem peccatorum, uerum etiam Spiritum sanctum, qui corda sanctificat & renouat. Sed antea diximus, & aliquoties iam repetitum est, hunc non esse statum controuersie. Nullo modo enim hæc negamus, sed clarè & diligenter utrunq; beneficium mediatoris prædicamus, & reconciliationem & renouationem, illo ordine sicut Scriptura tradit.

Sycophanticum igitur artificium est, quòd oblique nostras Ecclesias insimulant, quasi illa ita excludamus, ut nec sequantur, nec adsint: cum status controuersie sit: An propter meritum, obedientiam, seu iusticiam Christi: an uerò propter sequentem & inchoatam nostram nouitatem absoluiamur coram tribunali Dei, habeamus Deum placatum & propitium, adoptemur in filios, & acceptemur ad uitam æternam, sicut in principio huius loci, de insidiosis illis technis, et de uero controuersie huius statu, plura annotauimus. Quia enim uident, etiam idiotas in monachorum & postillatorum crassis scriptis

scriptis et opinionibus animadvertere, q̄ in doctrina de iustificatione, à sentētia Scripturæ procul discedāt: aliud igitur & subtilius artificium Tridentinis patribus querendū fuit, cū uellent in tāta huius tēporis luce, quæ ex lectione Scripturæ hominibus affulsit, quorundā oculos configere & fascinare. Sed huic sophistico artificio semper opponēdum, et uel ad fastidium usq; repetendū est, quæ sit principalis questio in hac controuersia de iustificatione hominis coram Deo ad uitā æternā: sicut illam aliquoties iam exposuimus. Et tamen inter illas ipsas sophisticas insidias, si quis paulò attentius cōsideret, non obscure animaduertet, quò Tridentina illa decreta tendant. In quarto enim capitulo dicunt: In hac de iustificatione disputatione, questionem esse: quomodo homo ab eo statu in quo est filius iræ, transferatur in statum gratiæ & adoptionis filiorum Dei. Et cap. 7. dicunt se agere de illa iustificatione, qua homo ex inimico fit amicus Dei, ita ut sit heres secundum spem uitæ æternæ. Hanc uerò iustificationem definiunt non esse solam imputationem iusticiæ Christi, uel solam peccatorum remissionem: sed & sanctificationem, & renouationem interioris hominis. Et illud mox planius explicant, cum dicunt, charitatem esse iusticiam inherētem. Et hanc esse candidam & immaculatam illam stolam, quam renati perferre debeant ante tribunal Christi, ut habeant ui-

tam eternā. Sine dissimulatione igitur Christo adi-
 munt, & nostræ charitati hoc tribuunt, quòd ea iu-
 stificemur: hoc est, quòd propter illam coram tri-
 bunalì Dei absolvamur, & acceptemur ad ui-
 tam eternam. Sed quid fiet Paulo, qui iustificatio-
 nem nostram tribuit misericordie Dei, & meri-
 to, obedientiæ, passioni, satisfactioni Christi? Au-
 di uerò, quomodo Tridentinū conciliū dulcissimas
 illas Scripturæ sentētias eludat. Dicūt, Christū sua
 sanctissima passione meruisse, nō hoc ut misericor-
 dia Dei propter illā Christi satisfactionē et obedi-
 entiā, nos à sentētia damnationis absoluat, recipiat
 in gratiā, adoptet in filios, & acceptet ad uitā e-
 ternam. Sed hoc dicunt esse totum meritū Christi,
 quòd propter illud misericordia Dei infundat no-
 bis nouam qualitatem iusticiæ inherētis, quæ est
 charitas, ut illa iustificemur: hoc est, ut non pro-
 pter Christi obedientiam, sed propter nostram cha-
 ritatē absolvamur coram iudicio Dei, adoptemur
 in filios, & acceptemur ad uitam eternā: ut ita mi-
 sericordia Dei, tantum sit causa efficiens, & obe-
 dientia Christi tantum sit meritoria causa: ut inde
 nos in nobis ipsis habeamus inherēs aliquid, quod
 possimus opponere iudicio Dei, quo debeamus con-
 fiteri, quòd propter illud, & non propter Christū
 absolvamur, adoptemur in filios, et accipiamus hæ-
 reditatē uitæ eternæ. Quòd uerò Paulus dicit, gra-
 tis nos iustificari: hoc ita interpretantur, quòd non
 propter

propter nostra præcedentia merita, sed propter Christū, gratis nobis donetur & infundatur habitus ille charitatis, propter quā corā tribunali Dei iusti pronunciemur ad uitam aternā. Ut autē lector rectē intelligat unde hæc sumpta sint, conferat locū Bonauenturæ in tertio sententiarū distinct. 19. questione prima, ubi inquit: Vtraq; mors scilicet & resurrectio Christi, delicta nostra tollunt, & utraq; iustificant. Attamen neutri attribui potest propriè causalitas iustificationis, siue remissionis peccatorum. Habet tamen aliquam causæ proprietatem: scilicet per modum meriti interuenientis, quod reducitur ad causam materiale, formalis enim est gratia, hoc est charitas, quam Deus infundit, &c.

Hæc de artificio, quo usi sunt architecti siue λογιστὰς αὐτοὶ decretorū, rectē obseruata, multa monent. Nec opus est addere peculiarem refutationem. Ideo enim in principio fundamenta doctrinæ Prophetica, Euāgelica & Apostolica de iustificatione exposui, ne in refutatione subinde eadem essent repetenda: et ut ex ipsa collatione dijudicari posset, quo loco & genere censenda sint illa, quæ in Tridentino concilio de iustificatione decreta sunt: exprofecto enim, & ex diametro pugnant cū perpetua Scripturæ sententia.

Et hæc quidē in ipso decreto Tridētino ita animaduerti possunt. Quæ uerò præterea mysteria

sunt retrusiora, & quæ agitate fuerint in concilio rationes, ex quibus sententia illa decreti extracta tandem est: Andradij explicationes nobis pendent. Præcipue uerò glossa (quod dicitur) notabilis est, quid & quomodo in Tridentino concilio intellexerint remissionem peccatorum: existimaret enim aliquis, hanc qualemcunque esse liberalitatem aut indulgentiam concilij, quod iustificationem uel ex parte uideatur constituere in gratuita remissione, siue non imputatione peccatorum, propter meritum Christi. Sed audi bene lector, quomodo Andradius mentem & sensum concilij explicet: in hanc scilicet sententiam, & his uerbis: Quia iustus is dici non potest, qui totus est peccatorum maculis inquinatus: ideo Deum infundere homini charitatem, cuius ui & potentia, crimina omnia eluantur, scelera extinguantur, peccata expellantur & intereant, omneq; tetris facinoris uestigium aboleatur. Atq; ideo iustificationem magis in charitate diuinam legem complectente, quam in peccatorum uenia positam esse: imò iustificationem in ipsa sanctificatione collocandam esse. Et charitatem esse, quæ hominē Deo, pergratum perq; acceptum reddat. Hæc uerò Andradius ita explicat, ut manifestè ostendat, decretum concilij esse tantum paraphrasin eius quod Sententiarij disputant: ad remissionem scilicet culpæ, requiri infusionem gratiæ: hoc est, charitatis
per

per quam peccatum expellatur: sicut ad expulsi-
nem tenebrarum, requiritur illuminatio aeris. Fin-
gunt enim Deum non posse placari offensæ, nisi
peccatum ex homine sit expulsum, & eius loco
infusa noua qualitas charitatis, quam Deus respi-
ciat: ut & offensam remittat, et hominem gratum
& acceptum habet ad uitam æternam. Ideo enim
charitatē uocant gratum facientem. Ita Scholastici.

Et in hanc planē sententiā, Andradius ostendit
intelligēda esse Tridētina decreta, de iustificatione.

Diligenter itaq; lector obseruet, id quod ex An-
dradij interpretatione uidet & agnoscit: hoc tan-
tum propositū sibi habuisse cōcilium Tridentinū,
ut Scholasticorū opiniones de iustificatione repe-
teret & cōfirmaret: & summa, ut rata manerent,
& sacrosancta haberētur, quacūq; & quomodo-
cūq; in regno Pōtifício à scriptorib. scholasticis,
monachis, postillatoribus, summistis, &c. de iustifi-
catione disputata sunt: nisi quòd uocabula pauli-
sser mutanda iudicārun, ut speciem aliquā refor-
mationis, uel quasi imperitioribus præberent.

Expendamus autem paululum hanc concilij, de
remissione peccatorum mentem, Andradij intre-
pretatione nobis proditum. Verbis enim concedūt,
ad iustificationem pertinere remissionē peccato-
rum: & diuinam misericordiam, peccata remitte-
re propter Christum. Et nos sanē pro ea simplici-
tate, qua linguæ Spiritus sancti & uocibus Scri-

pturæ assueti sumus, hæc ita intelligimus : quòd fili-
lius Dei mediator, passione ac morte sua nobis pro-
meruerit remissionē peccatorū, ita quòd propter
meritū, satisfactionē & obediētiam Christi, pater
credentibus nō imputet peccata ipsorū: & quòd
(iuxta Anselmi dictū) mortē Domini nostri Iesu
Christi, fide interponere debeamus inter peccata
nostra, & inter iram Dei, quādo petimus & quæ-
rimus ut accipiamus remissionem peccatorum.

Sed concilium Tridentinum, per interpretem
suum Andradium publicè declarat, hanc non esse
suam mentem & sententiam: sed Christū meruisse
tantum nobis infusionem charitatis, ut eius inhe-
rentis nostræ charitatis vi & potētia, peccata ex-
pellantur, extinguantur & aboleantur. Et ita demū
Deū remittere offensam, & fieri placatū & pro-
piciū, quando uidet omne uestigiū peccati in homi-
ne per charitatē extinctū, et prorsus abolitū (utor
enim Andradij uerbis) qui & hoc addit, ob charita-
tem infusam nos iustos dici: quippe quia peccatis,
munere nostræ charitatis deletis, in Dei gratiā re-
conciliemur. Qui igitur uult remissionē peccato-
rum accipere, debet iuxta cōcilij Tridētini senten-
tiam, interponere inter peccata sua & offensam
Dei, non satisfactionē Christi, sed inherētē suam
charitatem: & tunc demum credat Deum remissa
offensione, sibi certò placatum & propiciū esse,
quando charitas peccatum ita expulerit & extin-
xerit,

xerit, ut omne eius uestigium in homine abolitum sit: hæc enim sunt Andradij uerba. Ita iuxta eandem interpretationem, Christus obedientia sua nõ meruit credentibus in ipsum, salutem & uitam æternam: sed hoc tantum meruit, quòd propter ipsum infunditur nobis charitas inherens: ut illa demum sit quæ hominem Deo, non tantum gratum, sed pergratum, (repeto enim Andradij uerba) non tantum acceptum, sed peracceptum reddat ad uitam æternam.

Sed hìc obijcit Osius: Ergone uos Lutherani docetis, peccatum ita remitti, ut maneat in homine sine contritione, detestatione & mortificatione, post reconciliationē, eodē planē modo sicut antè? Respondeo. Nota est doctrina nostra, quòd doceamus, in conuersione debere adesse in homine contritionem, detestationem peccati, bonum propositum, &c. Docemus etiam, renatos debere spiritu actiones carnis mortificare: Rom. 8. Vt caro cū uitijs & cōcupiscētijs, magis magisq; crucifigatur & mortificetur: Gal. 5. ne peccatum regnet. Rom. 6. Sed ex Scriptura didicimus, remissionem peccatorum, ut sit certa & firma, niti nõ nostra cōtritione, detestatione, mortificatione, &c. sed niti satisfactione & merito Christi, ut propter illam peccata nobis remittantur. Et licet in reconciliatis maneat peccatum regnans, seu uastans conscientiam: tamen ex Scripturæ traditione didicimus, Deum

remittere offensam, & esse nobis placatum & propitium: non quòd nullum planè uestigium peccati amplius in nobis inueniat (in carne enim mea, inquit Paulus renatus, habitat peccatum:) sed quia propter Christum peccatum non imputat, sed remittit. Si enim dixerimus, peccatum nos non habere, nos ipsos seducimus: sed si confiteamur, iustus est ut dimittat peccata.

Sed in re manifesta nihil addam amplius. Videt enim pius lector, remissionem peccatorum, adoptionem, ipsam deniq; salutem & uitam æternam adimi & detrahi satisfactioni & obedientie Christi, & transferri in nostras uirtutes: Christo uerò mediatori hoc tantū relinquitur, quòd propter ipsius meritum accipiamus charitatē. Postea uerò fingunt, charitatis uim & potentiā hanc esse, quòd peccata extinguat: ut ita tandem, propter charitatem nostram, quia peccata delet, accipiamus remissionem peccatorum. Addunt & hanc esse charitatis uim & potentiam, quòd reddat nos Deo pergratos & acceptos ad uitā æternā. Verè igitur, & iusto dolore cū Paulo exclamabimus: Euacuati estis à Christo, qui charitate uestra, quæ est summa legis, iustificamini. Gal. 5. Exinanita est fides, et abolita promissio, si hereditas ex lege, cuius summa est charitas. Rom. 4. Et sanè non cōmutarē magno aliquo precio, quòd hoc modo produntur insidiæ & technæ Tridentini cōcilij, quas miris uerborum inuolucris

inuolucris occultârunt. Quādo enim iuxta Andrā
dij interpretationē mens concilij denudata de re-
missione peccatorum, eo sicut iam ostendimus mo-
do proponitur, tunc cuius uolenti tantum uolen-
ti considerare manifestum est, quomodo cum Scri-
ptura ex diametro pugnet, quam contumelio-
sa & blasphema sit in sanctissimum meritum Do-
mini nostri Iesu Christi: cuius thronum, ipso de-
turbato, nostræ uirtutes inuadere iubentur, ut si-
cut nostra propitiatio pro peccato, & preciū ui-
tæ æternæ. Et ex hac Andrādj interpretatione
nunc demum intelligo, quid hoc sibi uelit, cum de-
cretum Tridentinum pronunciet, iustificationem
constare duabus partibus, remissionem peccato-
rum & renouatione: quòd tamen non multo pòst
dicunt, unicam tantam esse causam formalem iusti-
ficationis, nouitatem scilicet, uel charitatem: illa
enim iuxta Andrādj interpretationem, simul est
causa formalis & remissionis peccatorum, & ac-
ceptionis ad uitam æternam.

ARGVMENTA ANDRADII.

Sed postquam sententiam Concilij de iustifica-
tione, & ex ipsis uerbis decreti, et ex Andrādj in-
terpretatione satis perfecimus: Audiamus iam ar-
gumenta, quæ Andrādus Tridenti in Concilio di-
dicit. Est autem primū eius argumentum, ex uer-
bo iustificare: quod contendit idem esse ac infor-
mare, imbuiere, & exornare animum, infusa noua

qualitate inherētis iusticiæ, quæ sit charitas. Sed hoc argumentum suprà clarè refutatum est.

Secundum argumentū est. In conuersione, seu reconciliatione hominis, non tantum adest fides; non sola remissio peccatorum, uel sola imputatio iusticiæ Christi: uerumetiam contritio, renouatio, spes, charitas, &c. Ergo iustificatio non est sola remissio peccatorum, sed & reliquæ uirtutes ad iustificationem pertinebunt. Respondeo. Verum est, neminem conciliari, nisi præcedat contritio: & quando homo reconciliatur, tunc simul etiam renouatur. Sed non sequitur, quæ simul sunt, uel simul fiunt, quòd eandem omnia habeant proprietatem, & idem officium. Homo enim simul habet pedes, oculos, aures: non tamen sequitur, quòd pedibus uideat, & oculis audiat. Ita in iustificatione hæc est quæstio, quid illud sit, per quod & propter quod Deo recōciliemur, adoptemur, & acceptemur ad uitam æternam. Id uerum Scriptura solius Christi merito tribuit. Et inter ipsas etiam partes conuersionis, certus est ordo. Reconciliationem enim oportet præcedere, & postea sequitur charitas cum cæteris uirtutibus, quæ ad effectus iustificationis pertinent. Andradius uerò longam texit seriem. Iustificatio non est sine reconciliatione. Reconciliatio pendet ex Dei erga nos amore. Amoris uerò Dei ratio est, quòd illos quos diligēdos suscepit, ampliſsimis beneficijs exornet:

ornet : ut sunt dona charitatis, & reliquorum uirtutum. Et inde colligit, iustificationem sine inhaerentibus Dei donis esse nullo modo posse. Et per consequens contendit, iustificationem duabus constare partibus : reconciliatione scilicet, & ceteris nouis uirtutibus. Vide autem acumen huius rhetoris, satis profectò obtusum. In iustificatione queritur, propter quod Deus nobis reconcilietur, ut ipsum habeamus placatū & propitium? Est autem reconciliationis huius effectus, quòd donis charitatis, & aliarum uirtutum, Deus renatos exornet.

Ex his effectib. Andradius pro suo acumine facit causam & formā iustificationis. Nos uerò & hos & alios iustificationis effectus non negamus: sed effectus non dicimus esse causas. Nec succenseat nobis Andradius, quòd non sinamus nobis talia, ipsius grandiloquentia persuaderi. Ioannes enim monuit nos, licet utrumq; uerum sit : & quòd Deus nos diligat, & quòd nos uicissim diligamus & Deum, & proximum: tamen hæc distinguenda esse, ut causam & effectum. 1. Ioan. 4. In hoc est charitas, non quòd nos dilexerimus Deum, sed quia ipse prior dilexit nos. Ergo diligamus ipsum, & proximum.

Tertium argumentum est. Ex iusticie ratione, diuinis literis explicata, iustificationis uis atque ratio petenda est. Sed Scriptura tradit, in renatis Spiritum sanctum inchoare obedientiam legis,

legis, siue conformitatem cum lege : quæ iusticiæ uocatur. Ergo illa iusticiæ iustificamur. Respondeo. Maior propositio placet, & sequamur eam: ut scilicet iusticiæ ratio, sicut eam Scriptura explicat, monstret nobis ueram rationem iustificationis.

Sed Scriptura de obediētia legis, siue de iusticia illa, duobus modis loquitur. 1. quòd Christus satisfactione plenissima, & obedientia perfectissima, legem pro nobis impleuerit: & ita factus sit iusticia nostra. 2. quòd Spiritus sanctus in renatis inchoet conformitatem quādam cum lege Dei. Ieremia 31. Rom. 7. & illa conformitas uocatur etiā iusticia. Rom. 6. & 1. et Ioā. 2. quæ nō malè definitur ab Andræ radio, esse habitus animi, inducens ad parendum diuinæ legi atq; uoluntati. Sed quæstio est: utra iusticia, Christine uel nostra sufficiens & digna sit, quam opponere possimus iudicio Dei: ut propter illam, coram tribunali Dei absoluiamur, remissionem peccatorum consequamur, iusti pronunciemur, in gratiam recipiamur, adoptemur in filios, & acceptemur ad hereditatē uitæ æternæ. Ibi uerò Scriptura explicat rationē iusticiæ: quòd scilicet renatorum inherens & inchoata iusticia in hac uita, propter adhaerentem carnem, nec perfecta nec omnino pura sit: atq; ideo seueritatem examinis iudicij diuini sustinere nō possit, & propterea etiam renatos non possit iustificare: Christi uerò iusticiam tradit esse sufficientem & dignam, utpote

utpote plenissimā, perfectissimam et absolutissimā:
 & quidem pro nobis præstitā, ut propter illam &
 per illam, in iudicio Dei possimus consistere, ab-
 solui, in gratiam recipi, adoptari & acceptari ad
 uitam aeternā: sicut suprà multis clarissimis Scri-
 pturæ testimonijs demonstratum est. Hoc modo iu-
 sticiæ ratio, sicut eam scriptura explicat, mōstrat
 ueram rationē iustificationis. Sed Andræus hanc
 Christi mediatoris iusticiam fide nobis imputatā,
 blasphemat esse commenticiam, adumbratā & fi-
 cticiam. Nullum autem aliud habent argumentum,
 nisi quòd opponunt absurditatem ex physica &
 æthica: absurdum scilicet esse (sicut Osius inquit)
 dicere alicuius rei formam esse, quæ ipsi rei nō in-
 sit. Vt si dicam, parietem esse album albedine, quæ
 uesti meæ inhæreat, non parieti: uel Ciceronem
 esse fortem fortitudine, quæ non ipsi, sed Achillis
 animo inhæreat. Quid uerò hæc argumenta aliud
 ostendunt, quàm Pontificios in doctrina iustifica-
 tionis, relictā Euangelij luce, quærere sententiam
 quæ conformis & consentanea sit philosophicis
 opinionibus, aut certè legalibus sentiētijs de iusti-
 cia? Euangelium uerò pronunciat, esse sapientiam
 in mysterio absconditam, quam nemo principum
 huius seculi cognouit, 1. Cor. 2. Ideo cum habea-
 mus sententiæ nostræ in Scripturā, certa & firma
 fundamenta: non est curandum, etiamsi incurrat
 in absurditatem philosophicam.

Quartò.

Quartò. Christus meruit nobis, nō tantū remissionem peccatorum, uel solam imputationem suae iusticiae: sed hoc nobis meruit, ut per Spiritū sanctum renouati, habeamus nouam obedientiā seu iusticiam inherentem. Ergo iustificatio non est sola remissio peccatorum. Respondeo. Fatemur, Christum nobis utrumq; meruisse. Sed cum Scriptura dicimus, illam nostram inherētem iusticiam, licet suum habeat locum, suas commēdationes, sua etiā prēmia: tamen quia in hac uita propter carnem imperfecta & immunda est, non posse in iudicio Dei consistere, ut propter eam à sententia damnationis absoluiamur, adoptemur in filios, & accepiamur ad uitam aeternam. Ideo opus esse nobis alia iusticia, perfecta & absoluta, propter quā & per quam coram Deo iustificemur ad uitam aeternam. Illam uerò Scriptura monstrat in satisfactione & obedientia Christi mediatoris, si fide eam apprehendamus. Quotquot enim receperūt eum, dedit eis potestatem filios Dei fieri, qui credūt in nomine eius. Ioan. 1. Et Gal. 4. Factus sub lege, ut eos qui sub lege erant, redimeret, ut adoptionem filiorum reciperemus.

Quintò. Andradius sentit, suam & concilij sententiam prorsus profligari fulmine disputationis Paulinae de exclusiua (fide, sine operibus legis) in qua ita opponit fidem et opera legis, quòd non tantum operibus legis detrahit, & fidei tribuit iustificationem

cationem coram Deo ad uitam æternam: sed quòd affirmat, si ex lege hæreditas, exinanita est fides, et abolita promissio. Rom. 4. Si ex operibus, iam non ex gratia: alioqui gratia non esset gratia, nec opus esset opus. Rō. 11. Si cū lege iustificamini, euacuati estis à Christo: gratia excidistis, Christus nobis nihil prodest. Gal. 1. Omnino enim talem immediatā facit Paulus antithesin fidei & operum, gratiæ et operum, meriti Christi & nostrorum operum, in articulo iustificationis: cuius extrema nullo modo possint coniungi aut conuenire, sed posito uno, statim excludatur & tollatur alterum. Signanter autem dico, in articulo iustificationis. alias enim extra hunc articulum, optimè cōuenit fidei & bonis operibus. Fides enim per charitatem efficax, generatrix est bonorum operum: & opera placent fide. Quia igitur Andradius sentit, Paulum hoc modo in articulo iustificationis, cōtra nostra opera subminantem, uarias circumspicit rimas ut elabi possit. Stante enim illa immediata Pauli oppositione, inter fidem & opera, legis, cuius summa est charitas, uidet decretum Tridentinum non posse subsistere.

Primum igitur, inquit, intelligi posse tantum opera legis ceremonialis, quòd illa sola excludantur ab articulo iustificationis. Sed quia hoc manifestè falsum est, & quidem ab Augustino & Hieronymo etiam refutatum, non
audet

audet in hac responsione pedem figere. Paulus enim in hac disputatione, ceremonijs leuiticis manifestè adiungit legem moralem : & ita de tota lege, & de totius legis operibus disputat. Tandem igitur ad hanc elusionem Andradius delabitur, Paulum ab articulo iustificationis excludere illa tantum opera, quæ non renati lege imperante, solis liberi arbitrij uiribus, sine fide, sine gratia & auxilio Spiritus sancti præstat.

Opera uerò quæ ex fide oriuntur, & sunt fructus spiritus, adeò fingit ad iustificationem necessaria, ut sine illis fides apprehendens Christum, iustificare nullo modo posset (recito enim Andradij uerba.) Sed Paulina disputatio euidenter conuincit, hoc commentum Pontificiorum uanum, falsum, & contra mentem Pauli esse. Abraham enim, qui est uniuersale exemplar iustificationis, post suam uocationem, Gen. 11. usq; ad 15. ca. multa habuit bona opera, & illa ex fide profecta, Heb. 11. fuerunt fructus spiritus, Ephes. 5. Et tamen Paulus in articulo iustificationis, exclusiuam suam accommodat etiam ad illa Abrahæ opera: Non operanti, sed credenti fides imputatur ad iusticiam. Item ad Abraham iam renatum dicit pertinere illud: beatitudinem esse eius hominis, cui Deus imputat iusticiam sine operibus. item: Si ex lege hereditas, exinanita est fides, & abolita promissio. Hoc testimoniū nulla sophistica eludi potest.

Ita Paulus renatus, cum inquit, Nihil mihi conscius sum: multa habuit bona opera, ex fide profecta: & tamen inquit, In hoc non sum iustificatus. Daniel renouatus inquit: Non in iustificationibus nostris, &c. sicut supra plenius hæc sunt explicata.

Paulus igitur exclusiuam suam, quando dicit hominem fide iustificari sine operibus legis, intelligit non tantum de operibus non renatorum, uerum etiam de illis operibus, quæ renati ex fide per Spiritum sanctum faciunt. Sicut enim inter se opponit facere & credere, operantem & credentem: ita etiam opponit fidem & opera legis, iusticiam legis & iusticiam fidei. Et iusticiam legis definit, quando homo facit ea quæ in lege scripta sunt, ut per ea iustificetur, & in æternum uiuat. Et disciplinam quidem rationis, facientem aliqua legis opera, ex solis liberi arbitrij uiribus, non iustificare, Pontificij etiam concedunt. Dauid uerò renatus ex fide per Spiritum sanctum, inchoat obedientiam aliquam legis, faciens ea quæ in lege scripta sunt. Quæro iam, an Dauid illa sua obedientia, legis illa iusticia, illis operibus iustificetur? Et Paulus Rom. 4. discretè hoc negat & de Abrahamo, & de Dauide, etiam post renouationem. Certum igitur est, Paulum intelligere iusticiam legis, quando homo siue sit non renatus siue renatus, obedientia sua aut o-

a a

peribus

peribus suis: facit ea quæ in lege scripta sunt. Et hac iusticia legis, Paulus pronunciat nullum hominem in hac uita iustificari: quia propter carnem imperfecta & immunda sit etiam in renatis.

Fidei uerò iusticia est; credere Christum mediatorem pro nobis legi satisfecisse, ad iusticiam omni credenti. Roman. 10. Stat igitur Pauli anathesis in genere de omnibus operibus, siue renatorum, siue non renatorum: si non ex operibus, iam non ex gratia: si uerò ex gratia, iam non ex operibus. Sed hæc suprâ pluribus sunt explicata.

Manifesta igitur est deprauatio totius Paulinæ sententiæ, quòd Andradius sine probatione fingit, utramq; iusticiam, & legis & fidei, consistere in nostra obseruatione legis: & differre non officijs, sed modo tantum officiorum: ut scilicet quando præstatur à non renatis tunc sit legis iusticia: fidei uerò iusticia in eo consistat, quòd inducat renatos ad obedientiam & obseruationem eorum quæ in lege scripta sunt: ut iusticia fidei sit ipsa renatorum obedientia erga legem, quando caritas quæ totam legem complectitur, per Spiritum sanctum infunditur credentibus. Sed Paulus in articulo iustificationis, hæc membra oppositionis constituit: Iusticia legis est, quando homo ipse se suis operibus facit ea quæ in lege scripta sunt: fidei uerò iusticia est, quando homo fide apprehendit & possidet Christum, qui sua perfectissima obe-

obedientia legis pro nobis satisfecit, ut esset nostra iusticia. Ier. 23. Ad remouēdas uerò calumnias, hāc addimus declarationē. Omnino uerū est, Spiritū S. scribere legem in corda renatorū, ut ex fide per spiritū incipiāt facere legē: sed ex Paulo addimus, obedientiā illā legis, in nobis inchoatā, nō esse illā iusticiā quā possumus iudicio Dei opponere: ut ppter illā corā tribunali Dei iustificemur ad uitam aeternā. Propter carnē. n. in hac uita legi nō satisfacit. est enim imperfecta et immunda. Verū est et hoc, q̄ fides inducat renatos per Spiritū S. ad inchoandā obedientiā & obseruationē legis moralis. Sed hoc respectu, & propter hāc causam nō iustificat: sed quia apprehendit & possidet Christū, qui propter satisfactionē plenissimā, & obedientiam perfectissimā quā legi pro nobis praestitit, est iusticia nostra: sicut in loco de Fide dicemus.

Sextū argumentū. Paul. Ro. 4. iustificationē à remissione peccatorū usque adeo disiunxit, ut hāc Christi morti, illam uerò resurrectioni eius ascribendā esse existimauerit. Ergo iustificatio nō est sola remissio peccatorū. Respondeo: Paulus quidē Ro. 6. dicit, mortē Christi designare mortificationē peccati in nobis, & resurrectionē eius designare nouam uitam, ut sicut ipse resurrexit à mortuis, ita & nos in nouitate uitae ambulemus. Sed in articulo iustificationis, mortem & resurrectionē Christi, Paulus non ita disiungit, ut nō morti, sed

740 EXAMEN DECRETORVM
resurrectioni tantū iustificationem tribuat. Nam
Ro n. 5. dicit: Iustificati in sanguine ipsius. Rom. 3.
Iustificati per redemptionem quæ est in Christo
per fidem in sanguine ipsius. Rom. 8. Deus qui iu-
stificat: quis est qui condemnet? Christus mortuus
est: imò & resurrexit, & est ad dexteram Dei,
& c. Et Act. 10 & 13. remissio peccatorum tribui-
tur simul et morti, & resurrectioni Christi. 1. Cor.
15. Si Christus non resurrexit, adhuc estis in pecca-
tis uestris.

Non igitur uera est illa Andradij distractio, po-
tius quàm disiunctio. Sed grauissima est doctrina,
quòd Paulus dicit: Christus mortuus est propter
peccata nostra, & resurrexit propter iusticiā no-
stram. Vt enim Christus esset iusticia nostra, opor-
tuit ipsum non tantum sustinere pro nobis pœnas
peccatorum nostrorum, uerumetiam legem tam
perfecta obedientia implere, quæ sufficeret pro iu-
sticia totius mundi. Et tota illa actio mediatoris,
in eo uertitur: an pater illam filij satisfactionem et
obedientiam acceptare uelit pro toto mundo. Il-
lud uerò pater in eo maximè ostēdit, quòd filium,
quem propter peccata populi percusserat, nō de-
reliquit in morte: sed resuscitauit ex mortuis, &
collocauit ad dexteram maiestatis suæ. Et hoc est
quod 1. Cor. 15. Paulus dicit: Si Christus non resur-
rexit, adhuc estis in peccatis uestris. hoc est: Si
mors Christum superasset, & pater ipsius satisfac-
tionem

Etionem pro nobis non acceptasset, sed in morte ipsum reliquisset: tunc nō haberemus propter Christum remissionem peccatorum.

Cum igitur Paulus Roma. 4. explicare uellet, quæ sit illa iusticia, quæ credentibus imputatur sine ipsorum operibus: aut quid fides apprehendere debeat, ut imputetur ad iusticiam, inquit: Credentibus in eum qui suscitauit Iesum à mortuis, qui traditus est propter peccata nostra, & resurrexit propter iusticiam nostrā: illa enim est iusticia nostra. 1. Quòd filius Dei mediator, factus est pro nobis obediens patri usq; ad mortem.

2. Quòd pater illam satisfactionem & obedientiam filij acceptauit pro reconciliatione & propitiatione nostra: id quod resurrectione ostendit. Ideo Paulus in imputatione iusticiæ, cōiungit mortem & resurrectionem Christi. Consideretur & hæc ratio: quia Christus saluator noster est, non tantum merito, uerumetiam efficacia: ut qui tanquam aduocatus noster intercedit, & apparet uultui Dei pro nobis, ut per uitam eius seruemur ab ira. 1. Ioan. 1. Rom. 8. Heb. 7. Roman. 5. Propter hanc etiam causam Paulus morti Christi iungit resurrectionem eius. & non dicit sicut Andradius citat: Mortuus est propter remissionem peccatorū, & resurrexit propter iustificationem. sed: Mortuus est propter peccata nostra, & resurrexit propter iusticiam nostram.

742 EXAMEN DECRETORVM

Septimò. Opere precium est & nouam gram-
maticen ab Andradio discere. Non potest negare,
Paulum in articulo iustificationis, saepe usurpare
uocabulum imputationis. Sed pro suo imperio,
quo Concilij nomine fungitur, dicat nobis, im-
putari iusticiam Christi, nihil significare aliud
quàm propter Christi meritum infundi renatis
caritatem, seu iusticiam inherentem. Et hoc loco,
in mentem mihi uenit, quòd ante aliquot annos in
Osiandrico certamine, non sine risu audiui quen-
dam ita philosophantem, uerbum putare cum cõ-
positis, esse uocabulum hortense. sicut igitur am-
putare, significat per putationem aliquid auferre:
ita imputare iusticiam esse inserere, implamare
& infundere homini nouas qualitates.

Et tunc quidem ineptias illas ridebamus: iam
uerò si dis placet, Tridenti in ipso Concilio hæc
sapientia, & quidem cum supercilio proponitur:
imputare iusticiam, nihil significare aliud, quàm
infundere qualitates iusticiæ. Thraonica pro-
fectò est impudentia, talia dicere, non secus ac
si imperium haberent in beluas: cum à seculo, in
tota rerū natura talē significationem uerbi impu-
tare, nemo uel per sebrim somniârit. alioqui e-
nim, imputare peccatum, esset instillare alicui
iniquitatem. Sed quia seminum Pontificij, se ue-
hementer premi emphasi & proprietate uerbi
imputare: cum illam uera refutatione amoliri
non

non possunt, satis esse iudicant, si quoquo modo eam conculcent & proterant. didicerunt enim ex Fabio, conculcanda esse quæ refutare nõ possunt. Et utile est lectorem aliquot exempla tenere, quo modo uocabulum illud ludificent.

Osius dicit, nouam, & à seculo inauditam esse uocẽ iusticiæ imputatiuæ. Item iusticiã Christi nobis imputari, nec in canonicis nec in orthodoxorũ libris reperiri. Sed canon Tridentinus. ii. hoc negare non audet: sed tantum reprehendit, si quis dixerit hominẽ iustificari sola imputatione iusticiæ Christi. Concedunt igitur iusticiam Christi, credentibus imputari.

Iesuitæ, talem fingunt interpretationem: fides imputatur ad iusticiam. Deus enim fidem inuentam in hominibus, dignam ducit cui conferatur, seu infundatur iusticia inherens, per quam homines iustificemur.

Andrædus magistraliter pronunciat, imputari iusticiam, nihil significare aliud quàm infunditatem iusticiæ. Vera igitur significatio uerbi imputare, diligenter obseruanda est. Esse autem uocabulum relatiuum, nullum est dubium.

In imputatione enim requiritur qui imputat, cui imputatur, quod imputatur, & ad quid imputetur.

Et aliquando ita usurpatur, ut fundamentum imputationis (ut dialecticorum uocabulis utamur) sit aliquid inherens in

744 EXAMEN DECRETORVM
illis quibus fit imputatio. Terminus sit reatus,
seu præmium. Et inter hæc duo, imputatio siue
ad reatum, siue ad præmium, est relatio. Ita 2. Re-
gum 19. dicit Semei : Non imputet mihi rex ini-
quitatem. Romanor. 5. ubi non est lex, peccatum
non imputatur. 2. Tim. 4. Omnes dereliquerunt
me, non imputetur illis. Quæstio iam est : An
eodem modo caritas inhærens renatis, imputetur
ipsis ad iusticiam, ut propterea ipsis adiudicetur
hereditas uitæ æternæ. Et Pontificij quidem
fortiter hoc comendant, sed sine Scriptura. No-
bis uerò, quia res ardua est, firma & solida quæ-
renda sunt fundamenta, quæ Paulus Romanor. 4.
monstrat. Cum enim inquit : Operanti merces im-
putatur, non secundum gratiam, sed secundum de-
bitum : ostendit esse quandam imputationem, quæ
habet & respicit fundamentum in illo cui fit im-
putatio, ut si fiat propter opera. Et hanc imputa-
tionem dicit fieri, non secundum gratiam, sed se-
cundum debitum. Hac uerò imputatione pronun-
ciat Abrahamum non esse iustificatum corâ Deo.
Addit autem : Non operanti, credenti autem in
eum qui iustificat impium, fides eius imputatur ad
iusticiam. Et hanc imputationem dicit fieri non
secundum debitum, sed secundum gratiam. Hac e-
tiam imputatione affirmat Abrahamum fuisse iu-
stificatum.

Ostendit igitur Paulus, se uocabulum imputa-
tionis

tionis, in articulo iustificationis usurpare in hac significatione, quando in eo cui fit imputatio, non habet aut respicit fundamentum cuius dignitate fit: sed fit ex gratuita misericordia Dei sine merito, imò contra quàm meriti sumus. Cum enim dicit hac imputatione iustificari impium: ostendit nobis inesse contrarium fundamentum, cui reatus potius quàm iusticia imputari deberet, si Deus in iudicium nobiscum ingredi uellet. Et postea cum inquit, beatitudinem esse eius hominis cui Deus imputat iusticiam sine operibus: manifestè ostendit, fundamentum huius imputationis non esse in eo cui fit imputatio. dicit enim: Imputatur sine operibus. & Abraham tunc quidem multa habebat bona opera. Sed illam in hærentem nouitatem, Paulus disertè dicit non fuisse fundamentum, sicut dilectici loquimur, cuius ratione & dignitate ipsi imputata fuerit iusticia ad beatitudinem. Dicit enim: Sine operibus imputatur iusticia. Sed ex gratuita misericordia, fit illa imputatio. Si autem operamur imputaretur, iam nõ secundum gratiam, sed secundum debitum fieret.

Et in hac significatione, quando in eo cui fit imputatio, non inest fundamentum imputationis, sed eius contrarium, sepe usurpatur Hebraicum *נחל* & Græcum *λογισμα*. Gen. 31. Extraneæ reputatæ sumus patri nostro. Num. 18. de Leuitis qui non habebant arcam, inquit: Reputabitur uo-

bus sicut frumentum ex area. Psal. 144. Quid est filius hominis, ut reputes eum? Rom. 2. Præputium eius in circumcisionem reputabitur.

Num autem Deus imputat iusticiam credentibus, sine omni aliquo fundamento? Certè ipse hoc dicit esse abominationem. Prouerb. 17. Isa. 3. Et in nobis quidem non est fundamentum illud, imputatur enim iusticia sine operibus. Roman. 4. Et ibi in fine Paulus manifestè ostendit, quod, & ubi sit fundamentum huius imputationis: Imputatur, inquit nobis credentibus in eum qui suscitauit Iesum à mortuis: qui traditus est propter peccata nostra, & resurrexit propter iusticiam nostram. hoc est: Satisfactio & obediencia Christi, est fundamentum illud, cuius respectu, ratione & dignitate, Deus credentibus ex gratia imputat iusticiam.

Et ita habemus totam relationem. Fundamentum, est iusticia Christi. terminus, est persona credens, cui fit imputatio ad iusticiam & beatitudinem. relatio, est misericordia Dei, imputans iusticiam sine operibus. Et ita fides imputatur ad iusticiam, non propter dignitatem uirtutis, sed quia apprehendit in promissione Euangelij meritum Christi, & misericordiam Dei: in quibus consistit & fundamentum, & relatio imputationis iusticiæ ad beatitudinem.

Hæc obseruatio de uocabulo imputationis, ual
de il-

de illustris est: et lector inde intelliget, quare Pontificij tam iniqui sint huic uocabulo, & cur de eius deprauatione tam opere laborent. pulcherri-
mè enim illustrat, & munit totum locum de iusti-
ficatione. Quod enim obijciunt locum ex Psalmo
106. ubi factum Phinees dicitur ipsi imputatū es-
se ad iusticiam, facile explicari potest. Paulus. n.
Rom. 4. duplicem statuit imputationem. Primò,
quando operanti merces imputatur. Et hac impu-
tatione affirmat, personam non iustificari coram
Deo ad uitam eternam. Non enim ex uno aliquo
opere persona potest iustificari: quia qui non in
omnibus permanserit, maledictus est: & qui in u-
no delinquit, etiam si cetera seruauit, reus est om-
nium. Alia uerò est imputatio, qua persona iusti-
ficatur: quando scilicet iusticia gratis fide impu-
tatur sine operibus.

Psal. igitur 106. nō loquitur de iustificatione p-
sonæ. Sed q̄a factū Phinees uideri poterat truculē-
tū, dicitur Deus illud imputasse ad iusticiā: hoc est,
acceptasse pro iusto opere: et quidem ei imputasse
mercedē, quæ etiā ad posteros perueniret in gene-
ratione & generationē. operanti. n. merces impu-
tatur, Ro. 4. Sed illa imputatione, persona nō iusti-
ficatur ad uitā eternā. Beatitudo enim est eius ho-
minis, cui Deus imputat iusticiā sine operibus. Ma-
net igitur gratuita imputatio iusticiæ Christi, quæ
credentes iustificantur ad uitam eternam.

Osakō.

Oſtauo, Tridentinum decretum dicit A-
poſtolicam traditionem eſſe, quòd Catechumenis,
quando petunt fidem uitam æternam præſtātem,
proponitur illud uerbum Chriſti: Si uis ad uitam
ingredi, ſerua mandata. Audi uerò, quomodo An-
dradius hoc probet & cõfirmet. Quicquid à Chri-
ſto eſt traditum, & in Euangelio ſcriptum, perti-
net ad iuſticiam fidei. Sed ſi uis ad uitam ingredi,
ſerua mandata, item: Hoc fac, et uiues, eſt Chriſti
ſementia, & eſt in Euangelio ſcripta. Ergo do-
ctrina Euangelij, & iuſticia fidei eſt quòd homi-
nes & debent & poſſunt uitam æternam ſuis ſibi
operibus promereri. Reſpondeo: Puerilis eſt
ballucinatio, ab ipſo Auguſtino reſutata: Doctri-
nam Legis & Euangelij libris ueteris & noui in-
ſtrumemi ita diſtinguere, ut in alteris nihil niſi le-
gem, in alteris nihil niſi Euangelium contineri exi-
ſtimetur: cum maniſeſtiſſimum ſit, Chriſtum &
Apoſtolos in nouo Teſtamento ſæpe doctrinam le-
gis tractare & explicare: & uiciſſim in Moſe &
Prophetis, in multis locis ipſiſſima doctrina Euan-
gelij deſcribitur. Ita uerba quidem ſunt Chriſti, et
extat in libris Euangelicis: Hoc fac, & uiues. Si uis
ad uitam ingredi, ſerua mandata. ſed Chriſtus ipſe
expreſſis uerbis oſtendit, has ſententias pertine-
re ad doctrinam legis. inquit enim: In lege quid
ſcriptum eſt? quomodo legis? Item: Mandata no-
ſti. Faluſum igitur eſt; quòd Pontificij affirmant
hanc

hanc esse doctrinam Euangelij propriam, aut iusticiam fidei. Paulus enim disputat opposita esse, iustus ex fide uiuet: & Qui fecerit hæc, uiuet in eis. & quidem inde probat, in lege neminem iustificari apud Deum. Gal. 3. Sed tamen inquis: Cum proposita esset quæstio, quomodo quis posset uitam æternam hæreditare: Christus respondet, Si uis ad uitam ingredi, serua mādāta. item: Hoc fac, & uiues.

Respondeo: Interrogabant illi, quid faciendo, aut quibus operibus uitam æternam deberent sibi comparare. Ibi Christus respondet: Si operibus uultis uitam æternam promereri, nulla sanctior aut perfectior est regula bonorum operum, quàm doctrina legis, cui nihil uel addi, uel adimi potest: quæ etiam habet promissionem uitæ, si quis eam perfectæ obedientia eo modo sicut lex præscribit, impleuerit.

Non autem, affirmat, scribas istos hoc posse: imò hoc agit, ut conuincat ipsos, quòd legem perfectè implere non possint. sicut contextus manifestè hoc ostendit: ut intelligant, opus sibi esse alia iusticia quàm operum suorum, si uitam æternam uelint hæreditare. Ideo enim lex cum suis promissionibus primum proponitur: ut quia humanus animus plurimum de sua uirtute sibi blanditur, in ipso conatu experiatur, se legem perfectæ obedientia implere non posse: & ita discat, opus sibi esse

esse alia iusticia ad uitam æternam. Neq; enim locum potest habere doctrina de gratuita iusticia fidei, nisi prius conuictus sit homo, quòd operibus suis ex lege, non possit salutem & uitam æternam consequi. Ita lex est pædagogus ad Christum, ut ipse sit nostra iusticia. Pontificij uerò sceleratè hoc inuertunt. Quod enim Christus phariseis, opinione propriæ iusticiæ inflatis proposuit, ut superbiam eorum retunderet: hoc ipsi catechumenis petentibus, quæ sit fides, qua uitam æternam possint consequi, proponunt: Si uis ad uitam ingredi, serua mandata. Et cum Moses illos qui iustificari uolunt, à lege mittat ad Christum: Pontificij catechumenos, per baptismum Christo adducendos, quando petunt fidem, præstantem uitam æternam, à Christo ablegant ad legem: ut faciendis ijs quæ in lege scripta sunt, iustificentur & uiuant. Et non uerentur hoc tribuere Apostolorum traditioni, cum Paulus expressè contrarium doceat. Et Actorum 2. cum catechumeni querunt: Quid faciemus, uiri fratres? Petrus non dicit: Si uultis ad uitam ingredi, seruate mandata legis. sed: Pœnitentiam, inquit, agite, & baptisetur unusquisque in remissionem peccatorum. Actor. 16. Catechumenus petit fidem, uitam æternā præstātem. inquit enim: Quid me oportet facere, ut saluus fiam? Paulus uerò quid respondet? num dicit: Fac ea quæ

ea quæ in lege scripta sunt, & uiues? Nequaquam. sed: Crede, inquit, in Dominum Iesum, & saluus eris tu & domus tua. Et continuo baptisatus est & ipse, & omnis domus eius.

Hæc sunt ueræ & certæ Apostolorum traditiones, quid catechumenis petentibus salutem & uitam æternam responderint. Sed Tridentini patres opponunt traditionem nõ scriptā, quæ planè contrarium affirmat: ut scilicet catechumenis petentibus fidem, uitam æternam præstantem, proponatur hæc sententia, quam ipse Christus pronunciat legalem esse: Si uis ad uitam ingredi, serua ea quæ in lege scripta sunt. Et ex hoc etiam exemplo Lector intelligit, quid Pontificij quærant titulo traditionum non scriptarum: ut scilicet ab ijs quæ scripta sunt, Ecclesiam abducant: ut non diuersum tantum, sed & contrarium eius quod Scriptura tradit, credatur, sub prætextu traditionum non scriptarum.

Postremò addam & hoc, quomodo Andræus conetur respondere ad illud quod in Iesuitarum censura notaueram: misericordiam Dei in Christo, quam Euangelium celebrat, in qua nostrum omnium salus & uita consistit, esse hanc, quod Deus proposuerit hanc conditionalem propositionem, Qui fecerit ea quæ in lege scripta sunt, uiuet in eis. Dixi, & adhuc dico, flagitiosam esse illam Iesuitarum sententiam, scelera-
tè depræ-

tè deprauantem dulcissimas Euangelij consolationes de misericordia Dei in Christo Iesu, ad salutem nobis propositas: cum Scriptura simpliciter illam Dei misericordiam & nostra opera opponat: Non in iustificationibus nostris, sed in miserationibus tuis multis. Non ex operibus iusticiæ quæ fecimus nos, sed secundum misericordiam suam saluos nos fecit. Sed excipit Andræus, innumerable & inexhausta esse misericordiarum Dei genera: atq; ideo rectè dici posse, pertinere et hoc ad misericordiam Dei, quòd opera nostra, licet imperfecta & sordida, dignatur præmijs, & in hac uita, & post hanc uitam. Ego uerò non nego hoc: imò scio, misericordia Dei plenam esse totam terram. Sed quæstio est, quæ sit in misericordia Dei, quam Euangelium prædicat, in Christo nobis esse propositam, ut in ea uita & salus nostra consistat. Hanc dico à Iesuitis impie definiri, quòd sit illa legis promissio de nostris operibus: Qui fecerit hæc, uiuet in eis.

DE ACCEPTAE IUSTIFICA-
tionis incremento.

CAPVT X.

Sic ergo iustificati, & amici Dei ac domestici facti, euntes de uirtute in uirtutem, renouantur (ut Apostolus inquit) de die in diem: hoc est, mortificando membra carnis suae, & exhibendo ea arma iusticiae in sanctificationem, per observationem mandatorum Dei & Ecclesiae, in ipsa iusticia per Christi gratiam accepta, cooperante fide, bonis operibus crescunt, atq; magis iustificantur, sicut scriptum est: Qui iustus est, iustificetur adhuc. & iterum: Ne uerearis usq; ad mortem iustificari. & rursus: Videtis, quoniam ex operibus iustificatur homo, & non ex fide tantum. Hoc uero iusticiae incrementum petit sancta Ecclesia, cum orat: Da
bb nobis

754 EXAMEN DECRETORVM
*nobis Domine, fidei, spei & charitatis
augmentum.*

CANON XXIII.

Si quis dixerit, iusticiã acceptam
non conseruari, atq; etiam non auge
ri coram Deo per bona opera: sed o-
pera ipsa, fructus solummodo & si-
gna esse iustificationis adeptæ, non
etiam ipsius augendæ causam, ana-
thema sit.

EXAMEN.

Renouationem noui hominis, sicut & mortifi-
cationem ueteris, in hac uita non esse perfectam
& absolutam, sed de die in diem crescere & au-
geri, donec in altera uita perficiatur, quando
corruptibile hoc induerit incorruptionem: ma-
nifesta sunt Scripturæ testimonia. Vtiles e-
tiam & necessariae sunt, exhortationes in Eccle-
sia, ne renati accepta dona spiritus negligant, ex-
tinguant: aut excutiant: sed ueris & serijs exer-
citijs suscitent, inuocato Spiritus sancti auxilio, ut
ipse det augmentum fidei, spei, caritatis, & reli-
quorum donorum spiritualium: qualis enim sit spi-
ritualis negligentiae poena, ostendit parabola de
talentis. Nullum etiam dubium est, fidem esse effi-
cacem per charitatem, & esse genitricem bono-
rum ope-

rum operum: & quidem bona opera, fide propter Christum Deo placere. Et in hanc sententiam locus Iacobi 2. commodè & dextrè potest intelligi & accipi, quòd per bona opera sequentia, Abraham declaratur uerè fuisse per fidem iustificatus: & ostendatur, fidem esse non inanem, & mortuam, sed ueram & uiuam.

De ostensione enim seu declaratione, contra inanem opinionem uanæ fidei & iustificationis, Iacobus manifestè disputat. inquit enim: Si quis dicat se fidem habere, ostendat fidem ex operibus. Et sumit exemplum Abrahamæ, quod ipse angelus de approbatione seu declaratione interpretatur, cum inquit: Nunc cognoui, quòd timeas Dominum. Hoc igitur agit Iacobus, obedientiam & bona opera Abrahamæ declarasse, & præbuisse testimonium, quòd uerè fuerit fide iustificatus. Iustificari enim, Iacobo significat iustum declarari per externa testimonia.

Si de his doctrinæ capitibus in illo Tridentini decreti capitulo ageretur, nulla esset controuersia: res enim ueræ sunt. Sed iterum obseruet lector, insidiosum Synodi artificium. Sumunt doctrinam & testimonia Scripturæ, quomodo renouatio de die in diem crescere, quomodo in hæretica dona spiritus, per orationem in exercitijs augeri debeant: & sub illa specie longè aliud agunt. Titulus. n. est de acceptæ iustificationis incremento: et capitulum dicit,

eos qui semel gratis iustificati sunt, postea magis iustificari per observationem mandatorum Dei & Ecclesie: ita ut postea ex operibus iustificetur homo, & non ex fide tantum. Canon etiam 24. ita loquitur: Si quis dixerit, iusticiam acceptam non conseruari, atq; etiam non augeri coram Deo per bona opera: sed opera ipsa, fructus solummodo & signa esse iustificationis adeptæ, non etiam ipsius augendæ causam, anathema sit.

Planius uerò ex Andradij explicationibus, & ex Iesuitarum censura intelligi potest, quid capitulum illud Concilij, de acceptæ iustificationis incremento sibi uelit: ne quis æquiuocationibus turbetur. Nam & noua renatorum obediencia, ornatur in Scriptura titulo iusticiæ. Rom. 6. Ephes. 4. 2. Cor. 9. Heb. 11. 1. Ioan. 2. Et nouitatem illam posse & debere in hac uita crescere & augeri, nullum est dubium. Tridentini uerò patres, propriè & principaliter hoc non uolunt: sed Pontificiam distinctionem, de prima & secunda iustificatione, uolunt confirmare, & Ecclesie obtrudere. Primā autem iustificationem uocant, quando homo non renatus, primū iusticia inherenti perfunditur, accepto primū habitu, seu infusa qualitate caritatis. Et de illa prima infusione caritatis dicunt, quod eam opera nulla, tanquam debitā mercedem promerentur. Secundam uerò iustificationem uocant, quando infusa caritas exercet suas opera-

tiones, proferens bona opera. Et hanc secundā iustificationem, bonis operibus dicunt comparari posse & debere. Et illa opera sentiunt promereri maiorem iusticiam, quā illa sit quæ gratis propter Christum in prima iustificatione infunditur: imò addunt, illa opera quibus constat secunda ipsorum iustificatio, tandem promereri uitam æternam: quam nostris operibus in caritate factis, tanquā debitum præmium deberi dicunt. Hæc Iesuitæ.

Andræ similiter cōtendit, Pauli disputationes, quòd gratis propter Christum sine operibus iustificemur, intelligendas esse tantum de prima iustificatione, quæ postea nostris operibus augeatur & amplificetur, ut magis simus iusti coram Deo. Et addit Andræ: Egregia iustorum opera, non solum ad iusticiam augendam magnā uim, Christi beneficia habent, sed etiam ad æternam salutem promerendam atq; comparandam. Et disputatio quidem de bonis operibus, postea suū peculiarem habebit locum. Nunc uerò ideo hæc adscripsi, ut planè & perspicuè intelligatur, quid sibi uelit capitulum de acceptæ iustificationis incremento. Licet enim æquiuatione uocabuli iustificationis & iusticiæ, turbare conantur lectore, semper tamen iustificationi annexa est quæstio, quò Deo recōciliemur, ipsum habeam⁹ placatū et propitium, adoptemur in filios, & acceptemur ad

uitam eternam. Cum igitur dicunt, in secunda iustificatione nos magis iustificari per opera nostra, quàm in prima iustificatione, quæ gratis fit, propter Christum, sine nostris operibus: certe semiant, Deum postea nobis magis placatum esse, firmius adoptare, & firmius acceptare ad uitam eternam, propter nostra opera, quàm prius propter redemptionem & meritum Christi.

Et lectorem oro, ut totam hanc rem diligentius secum expendat. Paulus fortissimè dimicat, nos gratis propter Christum, sine dignitate & merito nostrorum operum iustificari: hoc est, Deo reconciliari, & acceptari ad uitam eternam.

Illas sententias non possunt in uniuersum eradere: restringunt igitur ad unicum momentum, quando homo primum ex impio fit iustus: ut in uno tantum, & primo illo momemto primæ conuersionis, gratis propter Christum sine operibus iustificemur: postea uerò per totam uitam in tentationibus, in agone mortis, & tandem ad uitam eternam iustificemur coram Deo, propter nostra opera: & quidem ita, ut maior, auctior & dignior sit altera illa iustificatio quæ fit propter opera nostra, quàm prima, quæ gratis propter Christum fit. Reducunt igitur in Ecclesiam figmentum illud Scholasticorum, quòd Christus primà tantum gratiam nobis præmeruerit:

rit : cuius auxilio concurreme, libero nostro arbitrio ipsi postea nostris bonis operibus promereri possimus, ut Deo magis simus grāti, & accepti ad uitam æternam, propter nostra opera.

Et breuiter meritum condigni, est Helena illa, de qua capitulum Tridentinum de incremento iustificationis pugnat. fingunt enim ideo infundi qualitatem seu habitum caritatis, non ut prima illa gratia habeamus salutem & uitam æternam: sed ut illa gratia adiuti, possimus nostris bonis operibus ipsi nobis promereri uitam æternam.

De merito enim condigni, Gabriel ita loquitur: Anima gratia informata, per actum à uoluntate simul & gratia elicitum, de condigno meretur uitam æternam.

Hæc tam grandia & enormia, comprehensa & abscondita sunt in capitulo illo, de acceptæ iustificationis incremento. Nec sanè facilè quis, nisi gnarus sit theologiæ Scholasticæ, si tantum Scripturæ sententias quæ in illo capitulo allegantur, cōsideret, talia animaduertetet. Sed habemus Andræij explicationes: quibus adhibitis, animaduertemus postea ex uerbis capituli, planè illam ipsam mentem fuisse patrum Tridemicolarum.

Quòd autem hæc opinio aduersa quasi fronte pugnet cum Scripturæ sententia, non est obscurum. Neq; enim de principio tamū cōuersionis loquitur Scriptura, quando tradit, Nos gratia fide

propter Christum, sine operibus iustificari coram Deo ad uitam eternam: ut illa iustificatio u-nius tantum momenti sit. Postea uerò per totam uitam, ut salutem consequamur, per & propter opera nostra iustificemur. Nam Romanorum quarto, Paulus probat, Abrahamum fide gratis propter Christum sine operibus iustificatum non in principio tantum conuersionis: sed tunc etiam cum renouatus per multos annos bonis operibus Deo obediisset, imputatur ipsi iusticia sine operibus, non operanti, sed credenti.

Et cum affirmat Dauidem dicere, hanc esse beatitudinem hominis, cui imputatur iusticia sine operibus: certè non potest de principio tantum cōuersionis intelligi. hanc enim dicit iustificationē esse, ut ipsam tandem beatitudinē consequamur: ut scilicet iusticia nobis imputetur, sine operibus.

Romanorum quinto, extat illustris distributio. Prima de principio: per Christum habuimus accessum fide, in hanc gratiam, ut fide iustificati, pacem habeamus ad Deum. Secunda, de medio: in illa ipsa gratia, fide stamus. Tertia, de fine: illa ipsa gratia, fide gloriamur spe gloriæ Dei, hoc est: sicut fide accessum habuimus in gratiam, ita etiam speramus eadem fide & gratia, nos peruenturos ad glorificationem. Sicut igitur in principio, ita etiam in medio & in fine, fide gratis propter Christum, sine operibus iustifi-

iustificati, pacem habemus apud Deum.

Philippen. 3. Paulus eodem modo per distributionem tradit doctrinam iustificationis, quæ fuerit sua iusticia coram Deo ad uitam æternam: scilicet, primò, cum ex Pharisaismo conuerteretur. secundò, tunc cum ad Philipenses scriberet, tertio, quando occursurus est ad resurrectionem mortuorum.

Num uerò dicit aliam fuisse suam iustificationem in principio conuersionis, & aliam postea cum ex uinculis scriberet, uel quando occursurus est ad resurrectionem mortuorum? Hoc certè non dicit: sed unam & eandem iusticiam fidei, scilicet in principio, medio & fine describit.

Romanorum primo, Habacuc non tamum dicit, iustus ex fide uiuit: sed *ἵσται*, uiuet, una igitur & eadem est iustificatio & in principio conuersionis, & qua tandem peruenimus ad uitam æternam. Reuelatur enim iusticia Dei in Euangelio, non ex fide in nostra opera, sed ex fide in fidem.

Actor. 15. quæstio tractatur, an Gentibus proponenda sit iustificatio fidei, sine operibus legis? Ne uerò ad principium tamum conuersionis hoc restringatur, audi quam probationem Petrus afferat. Dicit, Gentibus siue conuersis, siue conuertendis, ita proponendam doctrinam iustificationis sine operibus legis, sicut nos Apostoli

762 EXAMEN DECRETORVM

credimus, nos gratia Domini Iesu Christi saluari. Certè uerò Apostoli tunc non erant in principio conuersionis, cum Petrus hanc sententiam pronuntiaret: sed ad minimum intercesserant 18 anni. Et tamen non dicit, Sicut nos credidimus: sed, Sicut credimus nos saluari. Et idem accommodat Petrus ad Patres iam defunctos, quòd illa ipsa gratia, sine iugo legis saluati sint. Eandem igitur rationem iustificationis & salutis, Petrus tribuit principio, medio & fini.

Ita Christus dicit: Qui credit in me, habet uitam æternam. Ne uerò de principio tantum conuersionis hoc intelligatur, coniungit hæc duo, Io. 6. Qui credit in eum, habet uitam æternam: et ego resuscitabo eum in nouissimo die. Ita loquitur. Io. 3 & 5. Qui credit in filium, non iudicabitur non uenit in iudicium. Eadem igitur est iustificatio ad uitam æternam & in principio: & postea in resurrectione mortuorum, ne ueniamus in iudicium.

Falsum ergo, & Scripturis aduersum est dogma illud de differentia primæ & secundæ iustificationis. Et conuulsiuissimum est in sanctissimū meritū Christi, asserere secundum iustificationē quæ in nostris operibus consistit, maiorem, auctiorem & digniorem esse apud Deum, quàm primā quæ solo Christi merito nititur: & quidem non primā, sed secundam iustificationem mereri uitam æternam. Quòd uerò incrementum iustificationis tribuunt

buum simul obseruationi mandatorũ Dei, & Ecclesie, in loco de Bonis operibus examinabitur.

DE FIDE.

De necessitate præparationis ad iustificationem, in adultis: & unde sit. CAP. V.

DEclarat præterea, ipsius iustificationis exordium in adultis, à Dei per Christũ Iesum præueniente gratia sumẽdũ esse, hoc est, ab eius uocatione, qua nullis eorũ existentib. meritis uocatur, ut qui per peccata à Deo auersi erant, per eius excitantẽ, atq; adiutantẽ gratiã ad cõuertendũ se ad suã ipsorũ iustificationẽ, eidẽ gratiã liberẽ assentiendo & cooperãdo disponatur, ita ut tangente Deo cor hominis per Spiritus S. illuminationem, neq; homo ipse nihil omnino agat, inspirationem illam recipiens, quippe qui illam & abicere potest, neq; tamen sine gratia Dei mouere se ad iusticiã corã illo libera sua

uolun-

764 EXAMEN DECRETORVM
uoluntate possit, unde in sacris literis
cum dicitur, Conuertimini ad me, &
ego conuertar ad uos, libertatis nostræ
admonemur. cum respondemus, Cōuer
te nos Domine ad te, et conuertemur,
Dei nos gratia præueniri cōfitemur.

MODVS PRAEPARATIO-
NIS. CAP. VI.

Dissonuntur autem ad ipsam iu-
sticiam, dum excitati diuina gra-
tia, & adiuti, fidem ex auditu conci-
pientes, liberè mouentur in Deum, cre-
dentes uera esse, quæ diuinitus reuela-
ta et promissa sunt, atq; illud in primis
à Deo iustificari impiū per gratiā eius,
per redemptionem quæ est in Christo
Iesu, & tamen peccatores se esse intelli-
gentes à diuinæ iusticiæ timore, quo u-
tiliter concutiuntur, ad considerandā
Dei misericordiam se conuertendo in
spem

spem eriguntur, fidentes Deū sibi propter Christū propitiū fore, illumq; tanquā omnis iusticiæ fontem diligere incipiunt, ac propterea mouentur aduersus peccata per odium aliquod & detestationem: hoc est, per eam pœnitentiā, quā ante baptismū agi oportet. Deniq; proponūt, suscipere baptismū, inchoare nouā uitam & seruare diuina mandata. De hac dispositione scriptum est, *Accedentē ad Deum, oportet credere, quia est, & quòd inquirentibus se, remunerator sit. & Confide fili, remittuntur tibi peccata tua. & Timor Domini expellit peccata. & Pœnitentiam agite, et baptisetur unusquisque uestrū in nomine Iesu Christi in remissionem peccatorum uestrorum, et accipietis donum Spiritus sancti. et, Euntes ergo, docete omnes Gentes, baptisan-*

766 EXAMEN DECRETORVM
ptisantes eos in nomine Patris & filij
& Spiritus sancti: docentes eos seruare
omnia quaecunq₃ mandauimus uobis. De-
niq₃, preparate corda uestra Domino:

Qui sit iustificatio impij, & quæ
eius causæ. CAP. VII.

Hanc dispositionem seu prepara-
tionem iustificatio ipsa consequi-
tur, quæ non est sola peccatorum remis-
sio, sed & sanctificatio & renouatio in-
terioris hominis, per uoluntariam susce-
ptionem gratiæ & donorum, unde ho-
mo ex iniusto fit iustus & ex inimico
amicus, ut sit hæres secundum spem ui-
tæ æternæ. Huius iustificationis
causæ sunt. Finalis quidem gloria
Dei & Christi uita æterna. Effi-
ciens uero, Misericors Deus, qui grã-
uitò abluat & sanctificat, signans &
unguens

unguens Spiritu promissionis sancto,
qui est pignus hereditatis nostræ. Me-
ritoria autem dilectissimus unigeni-
tus suus, Dominus noster Iesus Chri-
stus, qui cum essemus inimici, propter
nimiam charitatem, qua dilexit nos,
sua sanctissima passione in ligno cru-
cis nobis iustificationem meruit, &
pro nobis Deo patri satisfecit. In-
strumentalis item Sacramentum ba-
ptismi, quod est sacramentum fi-
dei, sine qua nulli unquam iustifi-
catio contingit: demum unica for-
malis causa est iusticia Dei, non qua
ipse iustus est, sed qua nos iustos fa-
cit, qua uidelicet ab eo donati, reno-
uamur spiritu mentis nostræ, &
non modo reputamur, sed uerè iusti
nominamur et sumus, iusticiam in no-
bis recipientes, quam Spiritus san-
ctus

etus partitur singulis, prout uult, &
 secundum propriam cuiusque dispo-
 sitionem & cooperationem. Quan-
 quam enim nemo possit esse iustus, ni-
 si cui merita passionis Domini no-
 stri Iesu Christi communicantur: id
 tamen in hac impij iustificatione fit,
 dum eiusdem sanctissimæ passionis
 merito per Spiritum sanctum chari-
 tas Dei diffunditur in cordibus eo-
 rum, qui iustificantur, atque ipsis
 inheret: unde in ipsa iustificatione,
 cum remissione peccatorum hæc om-
 nia simul infusa, accipit homo per Ie-
 sum Christum, cui inseritur per fi-
 dem, spem & charitatem. Nam fi-
 des, nisi ad eam spes accedat & cha-
 ritas, neque uenit perfecte cum Chri-
 sto, neque corporis eius uitium mem-
 brum efficit. Qua ratione ueris-
 simè

simè dicitur, fidem sine operibus mortuam & ociosam esse : & in Christo Iesu neque circumcisione aliquid ualere, neque praputium, sed fidem qua charitatem operatur. Hanc fidem ante baptismi sacramentum, ex Apostolorum traditione Catechumeni ab Ecclesia petunt : cum petunt fidem, uitam eternam præstantem, quam sine spe & charitate fides præstare non potest : unde & statim uerbum Christi audiunt : Si uis ad uitam ingredi, serua mandata. Itaque ueram & Christianam iusticiam accipientes, eam ceu primam stolam, pro illa quam Adam sua inobedientia sibi & nobis perdidit, per Christum Iesum illis donatam, candidam & immaculatam iubentur statim renati conseruare : ut eam perfe-

eos qui semel gratis iustificati sunt, postea magis iustificari per observationem mandatorum Dei & Ecclesie: ita ut postea ex operibus iustificetur homo, & non ex fide tantum. Canon etiam 24. ita loquitur: Si quis dixerit, iusticiam acceptam non conservari, atq; etiam non augeri coram Deo per bona opera: sed opera ipsa, fructus solummodo & signa esse iustificationis adeptæ, non etiam ipsius augendæ causam, anathema sit.

Planius uerò ex Andradij explicationibus, & ex Iesuitarum censura intelligi potest, quid capitulum illud Concilij, de acceptæ iustificationis incremento sibi uelit: ne quis æquiocationibus turbetur. Nam & noua renatorum obedientia, ornatur in Scriptura titulo iusticiæ. Rom. 6. Ephes. 4. 2. Cor. 9. Heb. 11. 1. Ioan. 2. Et nouitatem illam posse & debere in hac uita crescere & augeri, nullum est dubium. Tridemini uerò patres, propriè & principaliter hoc non uolunt: sed Pontificiam distinctionem, de prima & secunda iustificatione, uolunt confirmare, & Ecclesie obtrudere. Primam autem iustificationem uocant, quando homo non renatus, primum iusticia inherenti perfunditur, accepto primum habitu, seu infusa qualitate caritatis. Et de illa prima infusione caritatis dicunt, quòd eam opera nulla, tanquam debitam mercedem promerentur. Secundam uerò iustificationem uocant, quando infusa caritas exercet suas opera-

tiones, proferens bona opera. Et hanc secundā iustificationem, bonis operibus dicunt comparari posse & debere. Et illa opera sentiunt promereri maiorem iusticiam, quā illa sit quæ gratis propter Christum in prima iustificatione infunditur: imò addunt, illa opera quibus constat secunda ipsorum iustificatio, tandem promereri uitam æternam: quam nostris operibus in caritate factis, tanquā debitum præmium deberi dicunt. Hæc Iesuitæ.

Andrædus similiter cōtendit, Pauli disputationes, quòd gratis propter Christum sine operibus iustificemur, intelligendas esse tantum de prima iustificatione, quæ postea nostris operibus augeatur & amplificetur, ut magis simus iusti coram Deo. Et addit Andrædus: Egregia iustorum opera, non solum ad iusticiam augendam magnā uim, Christi beneficia habent, sed etiam ad æternam salutem promerendam atq; comparandam. Et disputationis quidem de bonis operibus, postea suū peculiarem habebit locum. Nunc uerò ideo hæc adscripsi, ut planè & perspicuè intelligatur, quid sibi uelit capitulum de acceptæ iustificationis incremento. Licet enim æquiuatione uocabuli iustificationis & iusticiæ, turbare conantur lectores, semper tamen iustificationi annexa est quæstio, quò Deo recōciliemur, ipsum habeam⁹ placatū et propitium, adoptemur in filios, & acceptemur ad

uitam æternam. Cum igitur dicunt, in secunda iustificatione nos magis iustificari per opera nostra, quàm in prima iustificatione, quæ gratis fit, propter Christum, sine nostris operibus: certè semiunt, Deum postea nobis magis placatum esse, firmitus adoptare, & firmitus acceptare ad uitam æternam, propter nostra opera, quàm prius propter redemptionem & meritum Christi.

Et lectorem oro, ut totam hanc rem diligentius secum expendat. Paulus fortissimè dimicat, nos gratis propter Christum, sine dignitate & merito nostrorum operum iustificari: hoc est, Deo reconciliari, & acceptari ad uitam æternam.

Illas sententias non possunt in uniuersum eradere: restringunt igitur ad unicum momentum, quando homo primum ex impio fit iustus: ut in uno tantum, & primo illo momento primæ conuersionis, gratis propter Christum sine operibus iustificemur: postea uerò per totam uitam in tentationibus, in agone mortis, & tandem ad uitam æternam iustificemur coram Deo, propter nostra opera: & quidem ita, ut maior, auctior & dignior sit altera illa iustificatio quæ fit propter opera nostra, quàm prima, quæ gratis propter Christum fit. Reducunt igitur in Ecclesiam figmentum illud Scholasticorum, quòd Christus primà tantum gratiam nobis præmeruerit:

rit : cuius auxilio concurrenre, libero nostro arbitrio ipsi postea nostris bonis operibus promereri possimus, ut Deo magis simus grāti, & accepti ad uitam æternam, propter nostra opera.

Et breuiter meritum condigni, est Helena illa, de qua capitulum Tridentinum de incremento iustificationis pugnat. fingunt enim ideo infundi qualitatem seu habitum caritatis, non ut prima illa gratia habeamus salutem & uitam æternam: sed ut illa gratia adiuti, possimus nostris bonis operibus ipsi nobis promereri uitam æternam.

De merito enim condigni, Gabriel ita loquitur: Anima gratia informata, per actum à uoluntate simul & gratia elicited, de condigno meretur uitam æternam.

Hæc tam grandia & enormia, comprehensa & abscondita sunt in capitulo illo, de acceptæ iustificationis incremento. Nec sanè facile quis, nisi gnarus sit theologiæ Scholasticæ, si tantum Scripturæ sententias quæ in illo capitulo allegantur, cōsideret, talia animaduerneret. Sed habemus Andræij explicationes: quibus adhibitis, animaduertemus postea ex uerbis capituli, planè illam ipsam mentem fuisse patrum Tridentinarum.

Quòd autem hæc opinio aduersa quasi fronte pugnet cum Scripturæ sententia, non est obscurum. Neq; enim de principio tamū cōuersionis loquitur Scriptura, quando tradit, Nos gratia fide

propter Christum, sine operibus iustificari coram Deo ad uitam eternam: ut illa iustificatio u-nius tantum momenti sit. Postea uerò per totam uitam, ut salutem consequamur, per & propter opera nostra iustificemur. Nam Romanorum quarto, Paulus probat, Abrahamum fide gratis propter Christum sine operibus iustificatum non in principio tantum conuersionis: sed tunc etiam cum renouatus per multos annos bonis operibus Deo obediisset, imputatur ipsi iusticia sine operibus, non operanti, sed credenti.

Et cum affirmat Dauidem dicere, hanc esse beatitudinem hominis, cui imputatur iusticia sine operibus: certè non potest de principio tantum cōuersionis intelligi. hanc enim dicit iustificationē esse, ut ipsam tandem beatitudinē consequamur: ut scilicet iusticia nobis imputetur, sine operibus.

Romanorum quinto, extat illustris distributio. Prima de principio: per Christum habuimus accessum fide, in hanc gratiam, ut fide iustificati, pacem habeamus ad Deum. Secunda, de medio: in illa ipsa gratia, fide stamus. Tertia, de fine: illa ipsa gratia, fide gloriamur spe glorie Dei. hoc est: sicut fide accessum habuimus in gratiam, ita etiam speramus eadem fide & gratia, nos perueniuros ad glorificationem. Sicut igitur in principio, ita etiam in medio & in fine, fide gratis propter Christum, sine operibus iustifi-

iustificati, pacem habemus apud Deum.

Philippen. 3. Paulus eodem modo per distributionem tradit doctrinam iustificationis, quæ fuerit sua iusticia coram Deo ad uitam æternam: scilicet, primò, cum ex Pharisaismo conuerteretur. secundò, tunc cum ad Philippenses scriberet, tertio, quando occursumus est ad resurrectionem mortuorum.

Num uerò dicit aliam fuisse suam iustificationem in principio conuersionis, & aliam postea cum ex uinculis scriberet, uel quando occursumus est ad resurrectionem mortuorum? Hoc certè non dicit: sed unam & eandem iusticiam fidei, scilicet in principio, medio & fine describit.

Romanorum primo, Habacuc non tantum dicit, iustus ex fide uiuit: sed *in oetate*, uiuet, una igitur & eadem est iustificatio & in principio conuersionis, & qua tandem peruenimus ad uitam æternam. Reuelatur enim iusticia Dei in Euangelio, non ex fide in nostra opera, sed ex fide in fidem.

Actor. 15. questio tractatur, an Gentibus proponenda sit iustificatio fidei, sine operibus legis? Ne uerò ad principium tantum conuersionis hoc restringatur, audi quam probationem Petrus afferat. Dicit, Gentibus siue conuersis, siue conuertendis, ita proponendam doctrinam iustificationis sine operibus legis, sicut nos Apostoli

762 EXAMEN DECRETORVM

credimus, nos gratia Domini Iesu Christi saluari. Certè uerò Apostoli tunc non erant in principio conuersionis, cum Petrus hanc sententiam pronunciaret: sed ad minimum intercesserant 18 anni. Et tamen non dicit, Sicut nos credidimus: sed, Sicut credimus nos saluari. Et idem accommodat Petrus ad Patres iam defunctos, quòd illa ipsa gratia, sine iugo legis saluati sint. Eandem igitur rationem iustificationis & salutis, Petrus tribuit principio, medio & fini.

Ita Christus dicit: Qui credit in me, habet uitam æternam, Ne uerò de principio tantum conuersionis hoc intelligatur, coniungit hæc duo, Io. 6. Qui credit in eum, habet uitam æternam: et ego resuscitabo eum in nouissimo die. Ita loquitur. Io. 3 & 5. Qui credit in filium, non iudicabitur non uenit in iudicium. Eadem igitur est iustificatio ad uitam æternam & in principio: & postea in resurrectione mortuorum, ne ueniamus in iudicium.

Falsum ergo, & Scripturis aduersum est dogma illud de differentia primæ & secundæ iustificationis. Et comuiosius est in sanctissimū meritū Christi, asserere secundum iustificationē quæ in nostris operibus consistit, maiorem, auctiorem & digniorem esse apud Deum, quàm primā quæ solo Christi merito nititur: & quidem non primā, sed secundam iustificationem mereri uitam æternam. Quòd uerò incrementum iustificationis tribuunt

CONCILII TRIDENTINI. 763

buum simul obseruationi mandatorũ Dei, & Ecclesia, in loco de Bonis operibus examinabitur.

DE FIDE.

De necessitate præparationis ad iustificationem, in adultis: & unde sit.

CAP. V.

DEclarat præterea, ipsius iustificationis exordium in adultis, à Dei per Christũ Iesum præueniente gratia sumẽdũ esse, hoc est, ab eius uocatione, qua nullis eorũ existentib. meritis uocatur, ut qui per peccata à Deo auersi erant, per eius excitantẽ, atq; adiutantẽ gratiã ad cõuertendũ se ad suã ipsorũ iustificationẽ, eidẽ gratiã liberẽ assentiendo & cooperãdo disponatur, ita ut tangente Deo cor hominis per Spiritus S. illuminationem, neq; homo ipse nihil omnino agat, inspirationem illam recipiens, quippe qui illam & abicere potest, neq; tamen sine gratia Dei mouere se ad iusticiã corã illo libera sua uolun-

764 EXAMEN DECRETORVM
uoluntate possit, unde in sacris literis
cum dicitur, Conuertimini ad me, &
ego conuertar ad uos, libertatis nostrae
admonemur. cum respondemus, Cōuer
te nos Domine ad te, et conuertemur,
Dei nos gratia praeueniri cōfitemur.

MODVS PRAEPARATIO-
NIS. CAP. VI.

Disponuntur autem ad ipsam iu-
sticiam, dum excitati diuina gra-
tia, & adiuti, fidem ex auditu concipi-
entes, liberè mouentur in Deum, cre-
dentes uera esse, quae diuinitus reuela-
ta et promissa sunt, atq; illud in primis
à Deo iustificari impiū per gratiā eius,
per redemptionem quae est in Christo
Iesu, & tamen peccatores se esse intelli-
gentes à diuina iusticia timore, quo u-
tiliter concutiuntur, ad considerandā
Dei misericordiam se conuertendo in
spem

spem eriguntur, fidentes Deū sibi propter Christū propitiū fore, illumq; tanquā omnis iusticiæ fontem diligere incipiunt, ac propterea mouentur aduersus peccata per odium aliquod & detestationem: hoc est, per eam pœnitentiā, quā ante baptismū agi oportet. Deniq; proponūt, suscipere baptismū, inchoare nouā uitam & seruare diuina mandata. De hac dispositione scriptum est, *Accedentē ad Deum, oportet credere, quia est, & quod inquirentibus se, remunerator sit. & Confide fili, remittuntur tibi peccata tua. & Timor Domini expellit peccata. & Pœnitentiam agite, et baptisetur unusquisque uestrū in nomine Iesu Christi in remissionem peccatorum uestrorum, et accipietis donum Spiritus sancti. et, Euntes ergo, docete omnes Gentes, baptisan-*

766 EXAMEN DECRETORVM
prisantes eos in nomine Patris & filij
& Spiritus sancti: docentes eos seruare
omnia quaecunq₃ mandauimus uobis. De-
niq₃, preparate corda uestra Domino:

Qui sit iustificatio impij, & quæ
eius causæ. CAP. VII.

HAnc dispositionem seu prepara-
tionem iustificatio ipsa consequi-
tur, quæ non est sola peccatorum remis-
sio, sed & sanctificatio & renouatio in-
terioris hominis, per uoluntariam susce-
ptionem gratiæ & donorum, unde ho-
mo ex iniusto fit iustus & ex inimico
amicus, ut sit hæres secundum spem ui-
tæ æternæ. Huius iustificationis
causæ sunt. Finalis quidem gloria
Dei & Christi uita æterna. Effi-
ciens uerò, Misericors Deus, qui gra-
tuito abluit & sanctificat, signans &
unguens

unguens Spiritu promissionis sancto,
 qui est pignus hereditatis nostræ. Me-
 ritoria autem dilectissimus unigeni-
 tus suus, Dominus noster Iesus Chri-
 stus, qui cum essemus inimici, propter
 nimiam charitatem, qua dilexit nos,
 sua sanctissima passione in ligno cru-
 cis nobis iustificationem meruit, &
 pro nobis Deo patri satisfecit. In-
 strumentalis item Sacramentum ba-
 ptismi, quod est sacramentum fi-
 dei, sine qua nulli unquam iustifi-
 catio contingit: demum unica for-
 malis causa est iusticia Dei, non qua
 ipse iustus est, sed qua nos iustos fa-
 cit, qua uidelicet ab eo donati, reno-
 uamur spiritu mentis nostræ, &
 non modo reputamur, sed uerè iusti
 nominamur et sumus, iusticiam in no-
 bis recipientes, quam Spiritus san-
 ctus

simè dicitur, fidem sine operibus mortuam & ociosam esse : & in Christo Iesu neque circumcisionē aliquid ualere, neque præputium, sed fidem quæ charitatem operatur. Hanc fidem ante baptismi sacramentum, ex Apostolorum traditione Catechumeni ab Ecclesia petunt : cum petunt fidem, uitam eternam præstantem, quam sine spe & charitate fides præstare non potest : unde & statim uerbum Christi audiunt : Si uis ad uitam ingredi, serua mandata. Itaque ueram & Christianam iusticiam accipientes, eam ceu primam stolam, pro illa quam Adam sua inobedientia sibi & nobis perdidit, per Christum Iesum illis donatam, candidam & immaculatam iubentur statim renati conseruare : ut eam perfe-

772 EXAMEN DECRETORVM
rant ante tribunal Domini nostri Ie-
su Christi, & habeant uitā eternam.

QVOMODO INTELLIGATUR,
impium per fidem & gra-
tis iustificari.

CAP. VIII,

Cum uero Apostolus dicit, iusti-
ficari hominē per fidem, & gra-
tis: ea uerba in eo sensu intelligenda
sunt, quem perpetuus Ecclesiae catho-
licae consensus tenuit, & expressit: ut
scilicet per fidem ideo iustificari dica-
mur, quia fides est humana salutis
initium, sine qua impossibile est place-
re Deo, & ad filiorum eius consorti-
um peruenire: gratis autem iustifica-
ri ideo dicamur, quia nihil eorum
qua iustificationem precedunt, siue
fides, siue opera, ipsam iustificationis
gratiam

gratiam promeretur. Si enim gratia est, iam nō ex operibus: alioquin. (ut idem Apostolus inquit) gratia iam non est gratia.

CONTRA INANEM HERETICORUM FIDUCIAM.

CAP. IX.

QUamuis autem necessarium sit credere, neque remitti, neque remissa fuisse unquam peccata, nisi gratis diuina misericordia propter Christum: nemini tamen fiduciam & certitudinem remissionis peccatorum suorum iactanti, & in ea sola quiescenti, peccata dimitti, uel dimissa esse dicendum est: cum apud haereticos & schismaticos possit esse, imò nostra tempestate sit, & magna contra Ecclesiam catholicam contentione

prædicetur una hæc, & ab omni pietate remota fiducia: Sed neque illud asserendum est, oportere eos qui uerè iustificati sunt, absque ulla omnino dubitatione, apud semetipsos statuere, se esse iustificatos: neminemq; à peccatis absolui ac iustificari, nisi eum qui certò credat se absolutum & iustificatum esse: atque hac sola fide, absolutionem & iustificationem perfici: quasi qui hoc non credit, de Dei promissis, deq; mortis & resurrectionis Christi efficacia dubitet. Nam sicut nemo pius de Dei misericordia, de Christi merito, deq; sacramentorum uirtute & efficacia dubitare debet: sic quilibet dum seipsum, suamq; propriam infirmitatem & indispositionem respicit, de sua gratia formidare ac timere potest: cum nullus scire ualeat cer-
 titudi-

*ritudine fidei, cui non potest subesse
falsum, se gratiam Dei esse consequu-
tum.*

PRAEDESTINATIONIS TE-
merariam praesumptionem
cauendam esse.

Cap. XII.

Nemo quoque, quamdiu in hac
mortalitate uiuitur, de arcano
diuinae praedestinationis mysterio usq;
adeo praesumere debet, ut certo statu-
at, se omnino esse in numero praedesti-
natorum: quasi uerum esset, quod iusti-
ficatus aut amplius peccare non possit,
aut si peccauerit, certam sibi resipiscen-
tiam promittere debeat. Nam si ex spe-
ciali reuelatione sciri non po-
test, quos Deus sibi
elegerit.

DE PERSEVERANTIAE
munere.

CAP. XIII.

Similiter de perseverantia munere, de quo scriptum est: Qui perseverauerit usque ad finem, hic saluus erit. quod quidem aliunde haberi non potest, nisi ab eo qui potens est, eum qui stat statuere, nemo sibi certi aliquid, absoluta certitudine polliceatur: tamen si in Dei auxilio firmissimam spem collocare & reponere omnes debent. Deus enim, nisi ipsi illius gratia defuerint, sicut cæpit opus bonum, ita perficiet, operans uelle & perficere. Veruntamen qui se existimant stare, uideant ne cadant: & cum timore ac tremore salutem suam operentur, in laboribus, in uigilijs, in elemosynis, in orationibus & oblationibus,

nibus, in ieiunijs, in castitate. Formidare enim debent, sciētes quòd in spem gloriae & nondum in gloria renati sunt, de pugna quæ superest cum carne, cum mundo, cum diabolo: in qua victores esse non possunt, nisi cum Dei gratia, Apostolo obtemperent dicenti: Debitores sumus non carni, ut secundum carnem uiuamus. Si enim secundum carnem uixeritis, moriemini: si autem spiritu facta carnis mortificaueritis, uiuetis.

778 EXAMEN DECRETORVM
CANON IIII.

Si quis dixerit, liberum hominis arbitrium à Deo motum & excitatum, nihil cooperari assentiendo, Deo excitanti atque uocanti, quo ad obtinendum iustificationis gratiam se disponat ac præparet: nec posse dissentire, si uelit: sed uelut inanime quoddam, nihil omnino agere, mereq; passiuè se habere, anathema sit.

CANON VII.

Si quis dixerit, opera omnia que ante iustificationem fiunt, quacunque ratione facta sint, uerè esse peccata, uel odium Dei mereri: aut quanto uehementius quis nititur, sed dispo-
nere ad gratiam, tanto eum grauius peccare, anathema sit.

CANON IX.

Si quis dixerit, sola fide impium iustificari, q; ad iustificationis gratiã consequendam cooperetur: & nulla
ex parte

ex parte necesse esse, cum suæ uoluntatis motu præparari atque disponi, anathema sit.

CANON XII.

Si quis dixerit, fidem iustificantē nihil aliud esse, quā fiduciam diuinæ misericordiæ, peccata remittētis propter Christum: uel eam fiduciam solam esse qua iustificantur, anathema sit.

CANON XIII.

Si quis dixerit, omni hominī ad remissionē peccatorum assequēdam, necessarium esse, ut credat certò & absq̃ ulla hæsitatione, propriæ infirmitatis et indispositionis peccata sibi esse remissa, anathema sit.

CANON XIII.

Si quis dixerit, hominē à peccatis absolui, ac iustificari ex eo quòd se absolui ac iustificari certò credat: aut neminem uerè esse iustificatum, nisi qui credit se esse iustificatum: & hac sola fide absolutionē & iustificationem perfici, anathema sit.

780 EXAMEN DECRETORVM

CANON XV.

[Si quis dixerit, hominē renatum & iustificatum, teneri ex fide ad credendū, se certò esse ex numero prædestinatorum, anathema sit.

CANON XVI.

Si quis magnum illud usq; in finē perseuerantiæ donum se certò habiturum, absoluta & infallibili certitudine dixerit, nisi hoc ex speciali reuelatione didicerit, anathema sit.

EXAMEN.

Non adferemus huc omnia quæ ad iustam de fide tractationem pertinent: sed de ijs tantum quæ instituta ratio examinis exigere uidebitur, quædam annotabimus.

In Paulinis igitur epistolis, præsertim ad Romanos & ad Galatas, in singulis ferme uersibus, resonant illæ uoces: Hominem iustificari fide, per fidem, ex fide: fides dicitur imputari ad iusticiam. Vocatur iusticia fidei, Roman. 4. Iusticia per fidem, Rom. 3. Iusticia ex fide, Rom. 10. Iusticia in fide, siue (quod significantius est) ἐν τῇ πίστει, Phil. 3. Iusticia per fidē, in omnes & super omnes qui credunt, Roman. 3. Nos in Christum credidimus, ut iustificemur ex fide Christi, & non ex operibus legis, Gal. 2.

Hec

Hæc quia manifestissima sunt, Pontificij negare non possunt. Varia igitur querunt sophismata: ut cum uocabula fidei iustificatis, negare non possint, ipsam tamen ueram, & consolationis plenissimam sententiã, peregrinis explicationibus Ecclesijs eripiant. Nec uerò de uarijs aliorum sophismatis nunc dicemus, sed artificium Tridentini concilij examinabimus. Et status disputationis in hac principali quæstione uersatur: Quo sensu, & qua ratione fides dicatur iustificare.

Tria autem potissimum sunt capita quæ examinanda erunt. Primò, De præparatione ad iustificationem. Hunc enim uolunt sensum esse, quãdo Paulus dicit, iustificari hominem per fidem: quòd fides sit fundamentum & radix iustificationis: hoc est, quia fides tantũ initium sit iustificationis, per modum præparationis seu dispositionis. Secundò, Quomodo Scriptura describat fidem iustificantem, & in quam sententiam explicet, quando dicit hominẽ per fidem iustificari. Tertiò, De Pontificiorum dubitatione contra fiduciam & certitudinem fidei iustificantis, de remissione peccatorum iuxta promissionem Euangelij.

DE PRAEPARATIONE AD iustificationem.

Haftenus in aliquot exẽplis lector animaduertit architectos decretorum concilij Tridentini, tali
usos

usos artificio, ut priusquam institui possit uel expli-
 catio, uel refutatio, primū sit inquirendū, quid sit
 quod uoluerint dicere. Quia enim propositū ipsis
 fuit, totam formam doctrinæ Scholasticæ & suis
 Ecclesijs confirmare, & nostris rursus obtrudere:
 excogitandū fuit tale artificiū, ne fraus illa primo
 statim aspectu à quibusuis animaduertetur: ideo
 terminos quidē, seu modos loquendi, qui sine Scri-
 pturā in philosophicis Scholasticorum officinis
 nati sunt, studiose in plerisq; fugiunt & declinant:
 res uerò ipsas, sicut à Sentētiarijs traditæ sunt, sim-
 pliciter retinent: nisi quòd fucum addunt uocabu-
 lis quibusdam ex Scriptura mutuatis: ut lector qui
 non est uersatus in Scholasticorum παρὰ δὲ ἀρετῆ-
 βαις, sed tantum assuetus ad linguā Spiritus sancti,
 primo aspectu existimet, concilium seriò meditari
 reformationē aliquā doctrinæ Scholasticæ ad nor-
 mam Scripturæ, cum audiat non tam frequētes ibi
 sonare solos terminos Scholasticorū, sed adhiberi
 in quibusdā locis etiā uerba & Phrases Scripturæ.
 Sed postea in progressu, & ex rebus, & ex uerbis
 longē diuersum, imò cōtrariū deprehēditur. Licet
 enim alicubi uerba quaedā ex Scriptura mutuātur,
 faciūt tamen Babylonicā confusionē linguæ Spiri-
 tus sancti, & terminorum scholasticorum, iuxta
 dictum: Vinum tuum est mixtum aqua. Isa. i. since-
 ritatem uerò rerum ipsarum, sicut in Scriptura
 traditæ sunt, prorsus adulterant.

Et huius artificij illustre est exemplum in capitulis de præparatione ad iustificationem. Omni-
no enim certus est siue modus, siue ordo, in uerbo
Dei nobis designatus et præscriptus: quo Deus uti-
tur, quando uult hominem ad iustificationem dedu-
cere, ut accipiat reconciliationem, remissionē pec-
catorum, adoptionem, &c. Et qui ad modum siue
ordinem illum diuinitus præscriptum, non uolunt
se ductu spiritus accommodare, sed negligunt, &
conculcant illum: hi ad iustificationem non perue-
niunt. uult enim Deus à noticia & assensu uerbi sui
nos ordiri. Et ante iustificationē oportet præcede-
re contritionem, hoc est seriam agnitionē peccato-
rum, pauores cōscientiæ agnoscentis iram Dei ad-
uersus nostra peccata, & dolentis propter pecca-
tum. in qua cōtritione non retinetur, sed abijcitur
propositū perseuerādi et pergēdi in sceleribus. Ad
hos uerò terrores necesse est accedere fidem, quæ
agnitione & fiducia misericordiæ Dei promissæ,
propter filiū mediatorē, rursus erigat & console-
tur animū: ne oppressi desperatione, ruamus in æ-
ternum exitiū. Sed fides accedat ad Deum, quærat,
desideret, petat, apprehēdat et accipiat remissionē
peccatorum. Et hoc modo seu ordine in uerbo Dei
designato, uiam parari Domino: ut in ipso, per &
propter ipsum, fide cōsequamur & accipiamus ius-
tificationē, ipsa Scriptura tradit. Ita enim uox cla-
mat: Parate uiam Domino. Isa. 40. Matt. 3. Mar. 1.

784 EXAMEN DECRETORVM

Luc. 3. Et de ministerio Baptiste prædicantis baptis-
mum poenitentiae, dicit Gabriel Luc. 1. Parare Do-
mino plebē preparatam. Huc etiam accommodari
potest, quod Syracides cap. 2. inquit: Qui timent
Dominum præparabunt corda sua, & in conspe-
ctu eius humiliabūt animas suas. Incidamus potius
in manus Domini, quàm in manus hominum. se-
cundum enim magnitudinem eius, sic & miseri-
cordia eius.

Si igitur hæc esset mēs et sentētia Synodi, quod
simpliciter uellent monstrare illum de quo iam di-
ximus modum & ordinem, quo iuxta Scripturæ
traditionem Deus utitur, quando homines uult de-
ducere ad iustificationem: & si illa quæ Scriptura
tradit præcedere, tribuerent nō uiribus liberi arbi-
trij, sed gratiæ Dei, & operationi Spiritus sancti:
nec in illis præparationibus cōstituerent meritum
aut dignitatem propter quam iustificemur: facile
posset de uocabulo præparationis dextrē, iuxta
Scripturam intellecto, conueniri.

Nam & Lutherus ab illo non abhorruit. inquit
enim in 3. caput ad Galatas: Legem in uero suo offi-
cio esse ministrā & præparatricem ad gratiam:
quia ad hoc prodest, ut gratia possit aditum ad nos
habere. Imò dicit, legem in suo officio prodesse ad
iustificationē: non quod iustificet, sed quia urgeat
ad promissionē gratiæ, & faciat eam dulcē & de-
siderabilē, &c. Falsum igitur est, quod in 9. Ca-

none nobis tribuūt, quasi doceamus, nullum planē motū uolūtatis diuinitus donatū et excitatū, præcedere acceptionē iustificationis. Omnino enim docemus pœnitentiā seu contritionē præcedere: quæ sanē nō potest existere sine magnis, ueris & serijs uolūtatis motibus. Nō autē dicimus pœnitentiā seu contritionē præcedere tanquā meritū, quòd sua dignitate cooperetur ad consequendā iustificationē: sed sicut sensus morbi aut dolor uulneris, non est meritum sanationis: sed urget & impellit ad desiderandum, quærendum et suscipiendum medicum. Sanis enim non opus est medico, sicut Christus inquit: sed malè habentibus.

Longè uerò aliud est, de quo insidiosè dimicant Tridentini patres, quando de præparatione ad iustificationem disputant. Et ne opus sit coniecturis agere, Osius in proluxa sua confessione, disertè illud explicat. dicit enim, Scholasticos meritum congrui extruxisse, quòd apud ueteres quosdā alicubi legatur: Peccatores, bonis operib. ante iustificationē factis, mereri remissionē peccatorū, et ipsam iustificationē. Quia uerò cōtra meritū illud congrui et ex Scriptura, et ex Patrib. præsertim uerò ex Augustino, multa uerè possunt opponi: dicit igitur Osius, synodū Tridētinā maluisse appellare præparationes, uel dispositiones ad gratiā, q̄ meritū congrui. Et hoc lector diligenter notet, conciliū scilicet Tridentinū idem intelligere uocabulo præparationis
uel

uel dispositionis, quod Scholastici intelligūt, quando de merito congrui disputant. Nam & in illis ipsis Scholasticorū disputationibus de merito congrui, ubiq; resonant uocabula preparationis & dispositionis. Vt igitur rectius examinari possint illa, quæ Tridenti de preparatione ad iustificationē decreta sunt: paucis repetenda sunt, quæ Scholastici disputant de Preparationibus seu dispositionibus ad gratiam, & de merito congrui.

Pantheologia ex sententia Thomæ ita disputat: Oportet esse aliquam preparationem, ad receptionem gratiæ gratum facientis. Et ratio est: Nulla enim forma recipitur in materia, sine debita eius dispositione: sicut ignis non recipitur in ligno, nisi sicco & arido: nec scientia in homine recipitur, nisi à uolente: & sicut in creatione animæ rationalis, quæ immediate à Deo producitur, natura disponit materiam ad animæ rationalis receptionē. Ad illam uerò preparationē, dicit non requiri donum aliquod Spiritus sancti habituale, sed tantum auxilium diuinum, mouens & excitans liberum arbitrium: quod ita motum, ex suis naturalibus uiribus sufficiat ad eliciendum actum conuersionis, faciendo quod in se est, ut ita per propriū actū se præparet & disponat ad habendā gratiā. Efficaciam uerò illius preparationis ad meritū, dicunt inde esse, quia uires liberi arbitrij per gratiā gratis datā mouentur & excitentur. Vnus igitur & idem est motus,

motus, inquit Thomas, quo liberum arbitrium disponitur, & quo gratia iustificationis infunditur, sicut in generatione naturali in eodem instanti ultima dispositio in materia alterationem terminat, & forma substantialis inducitur: ita cum motu uoluntatis, qui ad gratiam disponit, faciendo quod in se est, simul infunditur gratia iustificationis. Gabriel in 3. sententiarum dist. 27. ita disputat. Cui libet facienti quod in se est, & per hoc sufficienter disposito ad susceptionem gratiae, Deus infundit gratiam. Sed perfectissimus modus faciendo, quod in se est, est diligere Deum super omnia quod affirmat, humanam uoluntatem ex suis naturalibus posse. Hunc igitur actum dicit esse immediatam & ultimam dispositionem ad gratiae infusionem, & illa dispositione existente in eodem instanti, infundi gratiam: quia in naturalibus subiecto disposito ultimata dispositione ad formam, forma immediate infunditur.

In 4. senten. distinct. 14. quæst. prima dicit duplicem esse dispositionem ad gratiam, scilicet præuiam, quæ non est sufficiens, ut sunt primi actus considerationis peccati & offensæ Dei, qui disponunt ad eliciendum ex naturalibus actum seu motum diligendi Deum super omnia. Concomitantem dispositionem uocat, cum qua simul est infusio gratiæ seu charitatis. Quando enim ex naturalibus elicitur actus dilectionis Dei super omnia,

d d. illa

illa est immediata sufficiens & ultima dispositio aptans ad gratiæ susceptionem, & ea existente, statim infunditur gratia: & ita actus ille meritorius est, sicut in physicis ultima dispositio necessitat ad formā. Quæstione secūda dicit, Sicut forma nō inducitur in subiectū ind dispositū, & habens contrariū formæ inducendæ: ita necesse est subiectū præparari ad infusionē gratiæ, quæ sit formalis nostra iusticia coram Deo. hoc est, sicut Andradius meus explicat, est habitus animi diuinæ lege cōformatus ad parendum diuinæ legi atq; uolūtati, uirtutumq; omnium officia obeunda inducens.

Et Gabriel dicit, hac gratia infusa, hoc est habitu illo hominē dignum reddi gloria æternæ beatitudinis. Item per illam gratiā, hoc est, per habitum illum hominē acceptari ad uitam æternam, & per illum habitum tolli obligationem ad mortem æternam. Talis est Scholasticorum præparatio seu dispositio ad iustificationem, tali etiam dispositioni respondens est ipsorum iustificatio.

De Merito cōgrui ita loquuntur in compendio Theologiæ lib. 5. cap. 11. meritum in genere est boni operis efficacia ad obtinendum id, quod non habetur, uel ad habendum iustius quod habetur. Meritum congrui est, per quod disponitur subiectum ut possit recipere gratiā, secundū rationē diuinæ iusticiæ. iniuria enim fieret diuinæ iusticiæ, si daretur gratia, in quib. esset obex, hoc est prorsus indignis.

Thomas

CONCILII TRIDENTINI. 787

Thomas inquit: Meritum congrui est, quod procedit ex libero arbitrio. Congruum enim est, ut dum homo uirtute liberi arbitrij bene utitur, Deus secundum excellentiam misericordiae suae excellentius operetur. Et hoc merito congrui potest aliquis primam gratiam promereri. Cuius rationem Gabriel hanc assignat: Quia actum facientis, quod in se est Deus acceptat ad infundendam gratiam, non ex debito iusticiae, sed ex sua liberalitate. Huic liberi arbitrij operationi Thomas adiungit generalem influentiam Dei.

Compendium Theologiae dicit gratiam gratis datam semper praestò esse, excitare & commouere liberum arbitrium: quod ita motum, quando naturalibus suis uiribus utitur, tunc facit, quod in se est, & tunc Deum infallibiliter infundere gratiam, hoc est charitatem, qua accepti reddamur Deo, & postea eius operibus uitam aeternam ex condigno promercamur.

Has Scholasticorum descriptiones, de praeparationibus seu dispositionibus ad gratiam & de merito congrui adhibeat lector ad Decretum concilij Tridentini de praeparatione ad iustificationem, & agnoscet qualia monstra decretum illud alat. Et ut eo minus sit dubitationis, interpret concilij Andradius prolixè explicat in hanc sententiam intelligenda esse, quae de praeparatione ad iustificationem traduntur.

Facilis igitur & plana iam erit examinatio 6 et 5. capitulorū de Præparatione ad iustificationē. Et obseruet lector insidias. uerba enim, cum aliqua mentione gratiæ diuinæ, ita sunt posita, ut supplicari aliquis possit, Tridēinos patres nihil uelle cōmunē habere cū Scholasticorū opinionibus, de dispositione ad gratiam per opera non renatorū ex naturalibus liberi arbitrij uiribus elicita. Num igitur reiiciūt & improbant illas opiniones? Nihil uerō minus. nam Canone 7. Anathema dicunt illis, qui negant infideles per sua opera se disponere ad gratiam. Et sugillant illam Lutheri sententiam, quòd infidelis, quando operibus extra gratiam naturalibus liberi arbitrij uiribus factis confidit se disponi posse ad gratiam, dupliciter peccet. 1. quia omne quod non ex fide est, peccatum est. 2. peccatū grauius efficitur, quando illis operibus affingitur opinio meriti & fiducia, quòd propter ea Deus daturus sit gratiam. Suprà etiam ostendimus quòd Andræus Tridenti scribens operibus infidelium, nō tantum ipsum meritum congrui, sed longē & multum plus ultrā tribuat. Sed inquis: Multā certē gratiæ diuinæ mentionem faciunt Tridentini patres, cap. 5 & 6. Respondeo: illud intelligendū est iuxta ea, quæ iam ex Scholasticis recitauimus, gratiā scilicet gratis datam excitare & cōmouere liberum arbitrium, quòd ita motum ex naturali sua uirtute possit elicere tales motus & actiones, quibus ho-

mo disponatur ad gratiam. Agnoscit igitur lector, quàm insidiosis technis usi sint architecti decretorū. Explicationes uerò & refutationes Scholasticæ istius opinionis suprà in locis de libero arbitrio & de operibus infidelium traditæ sunt. Pergamus igitur ad ea quæ sequuntur quòd scilicet ratione præparationis fides intelligenda sit iustificare. Canone enim duodecimo, Anathemate damnant, si quis fidem iustificantem intellexerit fiduciam diuinæ misericordiæ, quærentem, apprehendentem & accipientem in promissione Euangelij remissionē peccatorum propter Christum mediatorem, & illa sola fiducia, nos coram Deo ad uitam æternam iustificari. Et cap. 8. suā sententiā ita explicant, ut scilicet per fidem ideo iustificari dicamur: quia fides est humanæ salutis initium, fundamentum & radix omnis iustificationis. Illud uerò quomodo intelligi uelint, copiose declarāt, cap. 6. de modo præparationis ad iusticiam. Et quo res planior sit, Andræ addit suas interpretationes. Dicit enim, iustificandi uim, fide in sacris literis ideo tribui: quia animum ad accipiendam iusticiam præparet, præmuniat & præfulciat. Et illud mox clarius explicat his uerbis, impius fide iustificari dicitur: quia fides initium & fundamentum est iustificationis hac ratione, quia fores quodammodo aperit ad spem & charitatem, quæ opera sunt ad comparandam & consequendam iusticiam necessaria.

cessaria. Fides igitur in cōcilio Tridētino est initiū et preparatio ad iustificationē, nō quod apprehendat iustificationē, hoc est, remissionē peccatorum gratis propter Christū in promissione Euāgelij propositū: sed quia incitet liberū arbitrium ad eliciendos tales motus seu actus, qui ratione meriti cōgrui, necessarij sunt ad cōsequendā iusticiā, quā dicunt esse nouū uoluntatis nostræ habitū. Et Scholastici sanē, nō diſsimulāt ex quibus lacunis lutulentam istā opinionē hauserint. Sicut enim in philosophia actio uirtutis nascitur ex *πρὸς αὐτὴν ἐκείνην*, hæc uerò oritur ex scientia: eodē modo Thomas philosophatur, iustitia est habitus uolūtatis: uoluntas uerò nō fertur in incognitū, sed mouetur à potentia cognoscente. Ideo fidē sentit requiri ad iustificationem tanquam quoddā dirigens uoluntatē, ut eliciat motus spei & dilectionis, quibus ita præparetur et disponatur ut de congruo mereatur infusionē iustificationis. fidē igitur simpliciter intelligunt, historicam tantum noticiam, & nudum assensum, quō in genere cognoscimus et statuimus uera esse, quæ de Deo & uoluntate eius reuelata sunt non tantum in Scriptura, uerumetiam in illis, quæ titulo traditionum pronuntur. Quomodo uerò Tridentini in 6. cap. sentiant historicam illam noticiam, & nondum illum assensum incitare liberum arbitrium ad opera illa, quæ statuunt necessaria esse ad consequendam iustificationem, ex Gabrielis senten-

sententia exponam, quæ extat, distinct. 14. libro 3. quæst. 2. Ita enim lector rectius intelliget chymeram 6. capituli, de modo præparationis. Voluntas, inquit, in actibus suis præsupponit actus intellectus. 1. Oportet igitur actû fidei præcedere, quo apprehendatur peccati abominatio, & quod sit stipendium peccati. 2. Inde sequitur timor iræ Dei, & gehennæ incendij. 3. Inde peccata incipiunt displicere cum quadam detestatione. Et hæc est dispositio de congruo, non immediata, nec sufficiens, sed ualde remota. 4. Fides conuertit se ad considerationem diuinæ misericordiæ, & statuit Deum paratû remittere debita, per infusionē charitatis, illis qui sufficiēter sunt præparati & dispositi. 5. Ex illa consideratione sequitur actus spei, per quem incipit Deum concupiscere, ut summum bonum. 6. Ex illo actu spei ascenditur ad diligendum Deû super omnia, ex naturalibus. 7. Ex illa dilectione elicitur alia displicētia & detestatio peccati, non ob timorē damnationis: sed propter Deû finaliter super omnia dilectum. 8. Istos actus sequitur propositum emēdationis. Et hoc tandem est meritû cōgrui sufficiens, seu immediata sufficiens & ultima dispositio ad infusionē gratiæ. Hos gradus præparationis seu dispositionis, eodē planē ordine & uerbis non multum mutatis lector uidet recenseri in sexto capitulo, de modo præparationis. Audi uerò, quid præparationibus illis tribuatur.

Thomas uocat dispositionem aut preparationem necessitatis, quando ad ultimam dispositionem materiae necessario sequitur & adest formae introductio. Ita Gabriel inquit: Quando adest sufficiens & ultima haec dispositio, in qua gratia commouet & incitat liberum arbitrium, quod deinde ex sua uirtute elicit & producit tales actus preparatoris, tunc Deum necessitari ad infusionem gratiae: quia statuerit, facienti quod in se est, infallibiliter dare gratiam. Andradius hoc ita explicat, illis imperfectis motibus spei & charitatis animum ita preparari, ne iusticia sit prorsus indignus. Colonienses Iesuitae preparationes illas ita declarant, quod Deus talē fidē cum ceteris actibus in homine inuentā, dignā ducat cui conferat iustificationē. Habemus igitur tandē, quid conciliū illis suis preparationibus quærat, ut scilicet stabi-
liatur meritū aliquod nostrū, et dignitas aliqua nostra, quæ necessaria sit ad cōsequendā iustificationem. Dicunt enim iustificationē nostram ita inniti misericordiae Dei, ut tamē salua sit iusticia diuina, ut scilicet non conferatur, sine nostro aliquo merito, & sine nostra aliqua dignitate.

Scriptura uerò docet, quicquid diuina iusticia ad iustificationem, hoc est reconciliationem peccatoris requirit, totum à Christo, pro nobis impletum esse: ut quo ad nos mera sit misericordia, gratis nos iustificans sine nostris operibus,
tantum

tantum ut in uera poenitentia, miseriam nostram agnoscentes, gratuitum illud beneficium fide gratis accipiamus, non per modum meriti aut dignitatis.

Attente igitur consideret lector, quid illa uerba sibi uelint quae posita sunt in 7. capitulo. Homo Christo inseritur per fidem, spem & charitatem. Nam fides, nisi ad eam spes accedat & charitas, neque unit perfecte cum Christo, neque corporis eius uiuum membrum efficit. Illud uero mox clarius explicant. Dicunt enim: Catechumenis fidem uitam aeternam praestantem petentibus responderi. Si uis ad uitam ingredi, serua mandata. Omnino alludunt ad disputationes de fide informi, & de fide formata, licet a uocabulis certo consilio sibi temperent. Fidem enim iustificantem nolunt intelligi fiduciam apprehendentem in promissione Euangelij, Christum mediatorem, cum toto ipsius merito: sed historicam tantum noticiam & nudum assensum intelligunt, quando fidem nominant. Et quia tales fides, quae aliquando in impijs, imò in ipsis etiam diabolis inuenitur Iacob, 2. non potest iustificari: cogitant igitur fidei adiungendum esse aliquid, quod maioris sit poderis & meriti, charitatem scilicet, cuius dignitate homo acceptetur ad uitam aeternam. Ut autem ratio examinis eo certior sit, addam Andradij interpretationem. Is igitur dicit, Opera spei & charitatis necessaria sunt, ad comparandam iusticiam. Et rationem addit: Quia illis operibus

dd 5 Christum

Christum perfectè apprehendimus. Contendit etiã ad iustificationem necessarium esse, ut Christus apprehendatur. Sed illum asserit, non sola fide, sed fide, spe & charitate simul apprehendi. Illud uerò his uerbis declarat: Plurimorum iustificationem epistola ad Hebræos fidei tribuit, non ob Christũ solo intellectu, qui fidei sedes est apprehensum: sed quia fides, ad spei & charitatis egregia opera preclaros illos uiros incitabat. Ita Noe fide iustificatus dicitur, quia fides amore Dei ipsum inflammavit. Quomodo uerò Christus apprehendatur operibus spei & charitatis, Andradius ita explicat: quia scilicet illis operibus animus cumulatè ad iusticiam preparatur, ne scilicet sit prorsus indignus, cui Christus se & merita sua cõmunicet. Et dicit quidem in illis operibus non constituendũ uim meriti, sed intelligit meritum condigni: preparationem uerò intelligit, in eodem planè sensu, sicut Scholastici de dispositionib. & de merito cõgrui disputant, sicut suprà hæc sunt explicata.

Et ipse Andradius, ut est apertus, sine dissimulatione se declarat. disputans enim utrũ fidei uel charitati uel pœnitentiæ quæ ex fide oritur, primæ partes in hac preparatione deferendæ sint, tali utitur syllogismo: Ea ad quidpiam efficiendum potissimè ualent, quæ ad illud augendum plus uirium habent. Cum igitur iusticiam augere, nullæ res magis quàm charitatis officia possint: colligitur sanè necessario, ea

riò, ea in animo ad iusticiam præparando, principem locum obtinere. Videt lector, quod in cōclusioned dicere debuerat (Ergo actiones charitatis, quæ iustificationem præcedunt, ad eam efficiendā potissimū ualent.) Illud uocat præparationē. Quid igitur intelligat, hinc manifestum est.

Hæc acuratius & prolixius aliquāto examinanda fuerūt, ut clarè intelligi possit, ex quib. fontibus illa sint hausta, quid monstrant, & quò tēdant, quæ in Concilio Tridētimo, de iustificatione decreta sunt. Simpliciter enim nihil aliud sunt, quàm repetitiones & confirmationes illarum opinionum, quas Scholastici scriptores ex Philosophia & Theologia mala & infeliciter dilatas in Ecclesiam inuexerūt: nisi quòd mutatis aliquantulū terminis scholasticorū, quæ sita nunc sunt uocabula quædam ex Scriptura, quæ ad præsumptas illas, ex philosophia opiniones, intorquerētur, ne fraus statim appareret. In disputatione enim, de præparatione ad iustificationem, ex professō, sicut ostendimus, repetunt & confirmant, opiniones de merito congrui. In capitulo de iustificatione stabiliunt Scholasticorum disputationes, de gratia gratum faciente, hoc est, de qualitate seu habitu charitatis, qua fingunt hominem Deo acceptum reddi & dignum uitæ æternæ. Vbi uerò de incremento acceptæ iustificationis loquuntur, nihil aliud agunt, quàm ut meritum condigni restituant, hoc est,

ut renati

Vt renati suis operib. de condigno sibi mereantur uitam æternam. Atq; ita tota lerna & colluies Theologiæ Scholasticæ mutatis tantum uocabulis, Ecclesiæ per concilium rursus obtruditur. Quàm insidioso autem artificio meritum congrui sub disputatione, de præparatione ad iustificationem occultarint, aliquanto pluribus ostendendum fuit. Verum enim est, ordiendum esse à noticia & assensu uerbi Dei. Verum est, oportere præcedere aliquam contritionem. Verum etiam est, quod Ambrosius dicit: Neminem rectè posse pœnitentiam agere, nisi qui sperauerit indulgentiam: uerum etiam fidem non esse mortuam uel ociosam, sed efficacem, per charitatem nullum est dubium. Quid igitur inquis, uitij habet Decretum illud? Respondeo: fidem intelligi uolunt, 1. historicam noticiam & nudum assensum, ita ut negent esse fiduciam diuinæ misericordiæ peccata remittentis propter Christum. 2. Fingūt gratiam diuinā tantum mouere & excitare liberum arbitrium, quòd deinde ex naturalibus suis uiribus possit illa præparatoria inchoare & præstare. 3. In illis præparationibus constituunt aliquod meritum et aliquā dignitatem, cuius intuitu iustificemur. Fidem enim dicunt debere statuere, quando homo facit quod in se est, tunc Deum necessitari ad infundendam gratiam. 4. Quod proprium est fidei, apprehendere scilicet Christum ad iusticiam & salutem, illud tribuunt

tribuunt nostræ charitati. Et ordinem in Scriptura monstratum simpliciter inuertunt. Fingunt enim dilectionē Dei in nobis debere præcedere reconciliationē cum Deo, cum impossibile sit inchoari ueram dilectionem Dei, nisi prius audita & fide apprehensa, uoce Euangelij de reconciliatione per misericordiam Dei propter filium mediatorem. Hæc certè, ut de Scriptura iam non dicam, cum Augustino non conueniunt, qui hanc perpetuò regulam inculcat: Bona opera non præcedunt iustificandum, sed sequuntur iustificatum.

Hoc sit simplex examen decreti Tridentini de præparatione ad iusticiam, & quo sensu intelligi uelint, quando Paulus dicit impium fide iustificari. Refutationem uerò & explicationē in sequenti capite tractabimus. Quædam uerò pertinent ad locum de pœnitentia.

QVID VERE ET PROPRIE SIT

fides iustificans, quo & sensu Scriptura uelut intelligi, quando pronunciat
impium fide iustificari.

Omnino necessaria est uera & genuina explicatio, quid sit fides iustificans, & quo sensu intelligendum sit, quando Scriptura tradit hominē iustificari per fidem. Est enim fides instrumentum seu ὄργανον illud, per quod in uoce Euangelij misericordiā Dei remittentis peccata, & acceptantis
nos

nos propter filium mediatorē ad uitā aeternā, quærimus, apprehendimus, recipimus, & nobis applicamus. Et hinc fit, quòd diabolus tam hostiliter insensus est doctrinæ de fide. Quia enim decretum Dei, de redemptione generis humani nō potuit impedire: omne igitur suū artificiū eò confert, ut organon applicationis uel eripiat, uel labefactet, uel deprauet. Nouit enim id quod Hebr. 4. scriptū est: Verbum Dei auditum non prodesse illis auditoribus, quorum fidei non est admixtum. Quia qui nō crediderit, condemnabitur.

Breuitatis autem & ordinis gratia in questionēs aliquot explicationem distribuam. Et prima quæstio erit de obiecto, circa quod fides iustificās propriē & principaliter uersatur. Habet enim fides, in Scriptura siue in uerbo Dei, suum propriū, peculiare & certum obiectum, quod ita respicit & intuetur, ut in eo quærat, apprehendat, accipiat, & sibi applicet illud, cuius respectu, merito et dignitate credēs corā Deo iustificetur, hoc est, accipiat remissionē peccatorū, recōcilietur Deo, accipiat adoptionē & acceptetur ad uitā aeternā. Sicut enim fides est organon, quo nos apprehendimus & accipimus gratuitā misericordiā Dei remittentis peccata, adoptātis nos & acceptātis ad uitā aeternā: ita Deus certū constituit organon, seu instrumentū per quod offert, distribuit, cōmunicat, et applicat credentibus reconciliationē, remissionē peccato-

catorum & uitam æternam. Et sicut meritū Christi non potest apprehēdi ad iusticiam & salutem, nisi per organon fidei diuinitus ad hoc ordinatum: ita si fides alibi, quā in suo proprio et principali obiecto, quærat iustificationem, non inuenit, nec accipit illam. utrumq; igitur ex firmis & perspicuis Scripturæ testimonijs certò constituendū est non enim sine periculo & perniciæ salutis & iusticiæ in altero horum erratur: & ideo hæc fundamenta subruit diabolus, quando doctrinam iustificationis conatur labefactare & euertere. Ne autem explicatio illa sophisticis confusionibus turbetur, per diuisionem seiungenda sunt illa quæ à ratione fidei iustificantis diuersa sunt.

Est enim fides miraculorum 1. Cor. 12. sed multi tales audient in illa die, Non noui uos, discedite à me. Est fides mortua, Iacobi. 2. hypocritica seu ficta, 1. Timoth. 1. Et mortuā fidem nō iustificare extra cōtrouersia est, ut est historica tantū noticia, externa tantū professio fidei, Epicurea persuasio de impunitate omniū scelerū, &c. Hæc igitur à fide iustificante, quæ uera & uiua est, seiungenda sunt. Pontificij. n. confusione illorū ueram explicationē turbāt, obscurant & deprauant. Est autē fides quædam generalis, quæ complectitur in genere historicam noticiam eorum, quæ in Scriptura à Deo proposita sunt: & generalem assensionē, qua statuimus ea, quæ in uerbo Dei nobis reuelata sunt,

uera

uera esse, non propter argumēta rationis: sed quia certi sumus, à Deo, qui uerax & omnipotens est, illa tradita & proposita esse. Et hæc quidem generalis fides, quia etiam in impijs esse potest, per se non iustificat: fides tamen iustificans, generalem illam fidē præsupponit & includit. Quando enim generale illud fundamentum, statuens uera & certa esse, quæcunq; diuinitus in uerbo Dei patefacta sunt, non adfuerit, uel uacillauerit, nec concipi potest, nec in lucē retineri, fiducia promissionis diuinæ misericordia remittentis peccata propter Christum.

Articulus etiam redemptionis, iustificationis seu reconciliationis, non potest rectē intelligi, nisi præcedente noticia reliquarum partium uerbi Dei.

Quando igitur dicimus propriū & principale obiectum fidei iustificantis esse promissionem gratiæ & misericordiæ Dei propter Christum mediatorem, non subtrahimus fidem reliquis articulis seu partibus uerbi Dei. Sed sicut summa, finis & scopus totius Scripturæ est Christus mediator, Lucæ 24. Ioan. 5. Rom. 10. Heb. 10. Ita fides, quando uniuerso uerbo Dei assentitur, respicit ad scopum & finem Scripturæ, Christum scilicet in officio mediatoris, sicut Augustinus fidem Christianam à fide demonū discernit per ultimos articulos: *Cre*do remissionem peccatorum, corporis redemptionem & uitam æternam.

Propter

Propter hanc causam, & in hanc sententiam, nostri in definitione fidei iustificantis addunt hanc particulam, Fides est assentiri uniuerso uerbo Dei nobis proposito, & in hoc promissioni gratuite reconciliationis donatæ propter Christum mediatorem. Neque enim probamus Appellis Marcionitæ opinionem, qui apud Eusebium disputat, non nocere si quis reliquis partibus uerbi diuini, quæ ad fundamentum pertinent. Vel prorsus non credat, uel prauè credat, modò in Christum crucifixū credat.

Hoc igitur modo fides iustificans, præsupponit & includit fidem illam generalem. Questio autem est, quod sit proprium & principale obiectum, quod fides iustificans in uniuerso uerbo Dei ita intuetur, ut in eo quærat apprehendat, & accipiat reconciliationem cum Deo, remissionē peccatorum, adoptionē, et uitā æternam. Et ex enumeratione principalium partium uerbi Dei, explicatio huius questionis non est obscura.

Primò enim in historia de annis Mathusalem, de ædificatione turris Babel & similib. historijs, fides directè, nec quærit, nec inuenit remissionem peccatorū: imò nec historia τὸ ἔξῃς creatio- nis docet, quomodo à peccato, ira Dei, & à morte æterna liberemur. Et ubi illa non traduntur uel offeruntur, ibi fides nō debet ea quærere, nec si quæserit, poterit ea ibi inuenire.

Secundò, in illa parte uerbi Dei, quæ arguit peccata, & cõminatur pœnas temporales & æternas, fides nõ potest quærere & inuenire reconciliationem & remissionẽ peccatorũ. Fides. n. in uerbo, nõ debet aliud quærere, nec potest aliud inuenire & accipere, quàm quod uerbum mōstrat, docet & offert. Quomodo igitur ibi quæreret & inueniret reconciliationem et remissionẽ peccatorũ, ubi uerbum iram & maledictionem Dei denunciat.

Tertiò, quia illa pars uerbi diuini, quæ præcipit obedientiam, & præscribit opera, habet promissiones iusticiæ, benedictionis & uitæ, Rom. 2. Deu. 30. Luc. 10. Videtur in illo obiecto fidem debere quærere iustificationẽ: pponit. n. promissiones uitæ. Sed Paulus hæc quæstionẽ ex professõ explicat. Dicit. n. legẽ promittere uitam non credentib. sed faciẽtibus, Rom. 4. & 10. Gal. 3. Ita ut peccator sentiens peccata sua, & iram Dei, non possit in legalibus promissionibus humili & supplice fide, inuenire remissionem peccatorum, reconciliationẽ & uitam æternam. Illæ enim promissiones non gratis ex gratia seu misericordia credentib. talia offerunt: sed exigunt, ut asseramus opera satisfaciẽtia legi. Qui fecerit hæc uiuet in eis, Rom. 10. Gal. 3. Et Rom. 4. Operanti merces imputatur, non secundum gratiam, sed secundum debitum. Fides autem secundum gratiã, sine operibus, quærit & accipit promissionem hereditatis, ideo Gal. 3. Paulus dicit,

dicat, Lex nō est ex fide, sed qui fecerit ea uiuet in eis. Et quia promissionib. legis annexa est conditio perfectæ impletionis: ideo fides, nec potest, nec debet statuere, quod propter opera nostra, quæ propter carnem imperfecta sunt, in promissionibus legis inuenire possimus iusticiam, benedictionem et uitam: quia maledictus qui non in omnibus permanserit. Et qui in uno offenderit, reus est omnium. Sine lege igitur reuelata est iusticia Dei, per fidem Iesu Christi, super omnes qui credunt. Rom. 3. Item exclusa est gloriatio, non per legem factorum, sed per legem fidei. Et Roman. 4. Si ex lege hæreditas, exinanita est fides & abolita promissio. Suprà autem in loco iustificationis ostendimus, Paulum, quando de operibus legis disputat, non tantum de operibus liberi arbitrij loqui: sed de operibus Abraham & Davidis, hoc est renatorum. Verum igitur & proprium obiectum fidei iustificantis, in quo quærere debeat reconciliationem & remissionem peccatorum, non est doctrina de bonis operibus, & de remuneratione bonorum operum. Paulus enim iustis disputationibus hoc negat in Epistola ad Romanos & Galatas.

Firma aut & perspicua sunt Scripturæ testimonia, quæ docet & affirmat, pmissionē, quæ est Euāgelij, ppria de gratuita misericordia Dei ppter filiū mediatorē remittētis peccata, adoptātis et acce-

tantis credentes ad uitam æternam, esse uerũ, propriũ et principale obiectũ fidei iustificãtis, in quo quærat, apprehēdat & accipiat iustificatiōẽ, hoc est, reconciliatiōẽ cum Deo, & remissionẽ peccatorũ. Rom. 3. Iustificati gratis per gratiã ipsius, per redēptionẽ, quæ est in Christo Iesu, quẽ proposuit Deus propitiatoriũ per fidem in sanguine ipsius, Rom. 4. Non operãti, credenti aut̃ in eum q̃ iustificat impiũ, imputatur fides eius ad iusticiã, sicut & David inquit: Beati quorũ remissæ sunt iniquitates, &c. Itẽ: Ideo non ex lege, sed ex fide et secundũ gratiã, ut firma sit promissio. Item scriptũ est propter nos, quibus imputabitur ad iusticiã, credentib. in eum, qui suscitauit Iesum Christum Dominum nostrum à mortuis, qui traditus est propter delicta nostra, & resurrexit propter iusticiã nostrã. Rom. 10. ex professo describēs fidei iusticiã, obiectum eius constituit mortẽ & resurrectionẽ Christi. quod uerbum uocat Euangelio euangelisans pacem. Acto. 10. Christo, qui mortuus & resuscitatus est, omnes Prophetæ testimonium perhibent, remissionem peccatorum accipere per nomen eius, omnes qui credunt in eum. Ioan. 3. Sic Deus dilexit mundum, ut filium suum unigenitum daret. Item: ita exaltari oportet filium hominis, ut omnis qui credit in ipsum, non pereat, sed habeat uitam æternam. Sed non est opus omniã loca adscribere. hæc enim quæ annotauimus, ostendunt pertinere

pertinere huc omnes Scripturæ sententias.

1. Quæ loquuntur de gratuita misericordia, dilectione, gratia, benignitate, beneplacito, &c. Dei patris mittentis filium, eligentis, uocantis, reconcilians, adoptantis, acceptantis, ad uitam æternam credentes, &c.

2. Quæ sententiæ loquuntur de officio mediatoris in incarnatione, cruce, passione, resurrectione, ascensione, sessione ad dexteram.

3. Quod Spiritus sanctus illa beneficia proponat offerat, distribuat, applicet, obsignet fide per uerbum Euangelij, & per sacramenta à filio Dei ad hoc instituta. 4. Pertinent huc etiam plurimæ Scripturæ sententiæ, quod ex misericordia Dei propter Christum mediatorem, fide accipiamus & habeamus gratuitam reconciliationem, remissionem peccatorum, imputationem iusticiæ, acceptationem coram Deo ad uitam æternam, adoptionem, liberationem à lege peccati & mortis, liberationem ab execratione legis, propiciationem pro peccatis, pacem, gaudium, spem gloriæ Dei, hæreditatem salutis & uitæ æternæ, &c.

Hæc de uero, proprio & principali obiecto fidei iustificatis in quo iustificationem querere debeat & accipere possit, firma & perspicua habent in Scriptura testimonia

Et ualde multum interest ad conseruationem puritatis doctrinæ de iustificatione, tenere uerum &

proprium illud obiectum fidei iustificantis. Obser-
 uet autem lector, quòd Tridentini Patres, cum de
 causa instrumētali disputāt, per quam Deus pro-
 ponat, offerat, distribuatur, communicet & appli-
 cet credentibus beneficia iustificationis: nomi-
 nant tantum sacramentum baptismi; nulla facta
 mentione uerbi seu promissionis, quæ Euangelij
 propria est, cum Scriptura, uerbum & sacra-
 menta in hoc officio cōiungat. Pronunciat enim
 Euangelium esse ministerium spiritus & uitæ, 2. Cor.
 3. Est enim potentia Dei ad salutem omni creden-
 ti, Roman. 1. Et 2. Corinth. 5. Paulus dicit, quod
 Deus qui mundum sibi reconciliat non impu-
 tans peccata ipsorum, dederit Apostolis ministe-
 rium reconciliationis. Item quòd uerbum recon-
 ciliationis in ipsis posuerit, & sacramenta nihil
 aliud sunt, quàm sicut Augustinus eleganter dixit,
 uisibile uerbum. Neq; enim baptismus est separa-
 tum aliquod opus operatum, præter et extra pro-
 missionem Euangelij, sed est sigillum iusticiæ fidei.
 Et Ephes. 5. Paulus coniungit baptismum & uer-
 bum. dicit enim: Mundās Ecclesiam lauacro aquæ
 in uerbo. Neq; etiam semel tantum in hac uita,
 quando scilicet baptisamur, Deus nobis offert,
 communicat & applicat beneficium iustificatio-
 nis. Non igitur caret artificio Romanensi, quòd
 solum sacramentum baptismi, non facta mentio-
 ne uerbi aut promissionis Euāgelij, causam instru-
 menta-

mentalem constituunt iustificationis, sed in loco de Sacramentis plenior forsitan erit de his dicendi occasio.

In 6. capitulo obseruet lector, quod ipsa ueritatis extorqueat ipsis hæc uerba, quod dicant, Fidem credere uera esse, quæ diuinitus reuelata & promissa sunt, atque illud in primis, à Deo iustificari impium per gratiam eius. Sed cum uerba hæc sonent, rem ipsam interim non obscure deprauant. fingunt enim fidem debere statuere, quando habemus gratiam, hoc est habitum charitatis, quod propter illam sumus Deo accepti & digni uita æterna. Atque ita fidei iustificanti, uerbis quidem concedunt, re ipsa uerò suffragantur & eripiunt uerum & proprium eius obiectum, quod scilicet in gratuita misericordia Dei, peccata remittētis propter Christum mediatorem, querere debeat iustificationem. Et obiectum illud transferunt in dignitatem qualitatatum hærentium in nobis. Manifestum igitur est, quàm sit utile & necessarium, ex firmis & perspicuis Scripturæ testimonijs constituere & confirmare, quod sit uerum, proprium & principale obiectum fidei iustificantis. uarijs enim sophismatis insidia struuntur ueritati in hac disputatione.

Res aut ex Scripturæ testimonijs sicut ostēdimus plana est, nisi quod illa obiectio, non admonitum

turbare posset, quod Hebr. 11. per totum caput describuntur uaria obiecta fidei. Vt articulus creationis, diluuium, occultatio Mosis, transitus maris rubri, casus murorum Iericho, calamitates sanctorum, praelia Iudicum, Regum Iuda, &c. Et in Euangelica historia, ubi fides multum cōmendatur, plerumq; describuntur obiecta externa.

Hac obiectione Pontificij utuntur, ut cōtra manifesta Scripturæ testimonia aliqua specie disputare possint. Promissionem gratuitæ misericordiæ propter Christum mediatorem, non esse proprium & principale obiectum fidei iustificantis. Illud uerò ideo disputant, ut probent fidem uim & uirtutem iustificandi, non habere ex suo obiecto, quod apprehendit, sed eam à charitate mutuari, neque enim fides ideo iustificat, quia intellectu apprehendit casum murorum Iericho: aliam igitur præstantiorem uirtutem, charitatem scilicet, docent adiungendam esse fidei, cuius dignitate formetur, & ita iustificet. Sed simplex, & uera est huius obiectionis explicatio. Non negamus, uaria esse fidei obiecta, imò fidem in genere uersari circa omnia illa, quæ diuinitus in uerbo Dei reuelata sunt. Sed iam est quæstio, quodnam illud sit obiectum, in quod fides iustificans propriè & principaliter intuetur, quando uult querere, inuenire, apprehendere & accipere remissionem peccatorū, recōciliationē, adoptionē, &c.

Fide

Fide transierunt mare rubrum, Heb. 11. Sed non in omnibus illis beneplacitū fuit Domino, 1. Corinth. 10. Ita in decem leprosis fides apprehendit obiectum externæ sanationis, sed uni tantum Christus dicit, Fides tua te saluum fecit.

Aliter igitur Scriptura loquitur de obiecto fidei in genere: aliter uerò constituit illud obiectum, cuius respectu & apprehensione, fides coram Deo iustificat ad uitam æternam, sicut supra ostendimus. Alia deinde est quæstio de exercitijs fidei in cruce, in obedientia, in petitione, & expectatione rerum corporalium, & spiritualium, postquam persona iam fide reconciliata est.

Et de hac quæstione disputat epistola ad Hebræos, quomodo scilicet fides post acceptam iustificationē, per patientiam se exercent, sicut status totius sequentis disputationis ponitur in fine capituli 10. Et in illis ipsis exercitijs, quando fides uersatur circa alia externa obiecta, ut firma & stabilis sit, expectatio, patientia, & obedientia, oportet tanquam fundamentum præsupponi & præluere proprium et principale illud obiectum, gratiæ scilicet misericordiæ Dei, promissæ propter Christum mediatorem. In cruce enim et inter scandala, quando præstanda est patientia, obedientia et expectatio auxilij diuini circa alia obiecta, conscientia in primis, & ante omnia angitur de hac quæstione: An Deus mihi sit placatus, reconcilia-

tus, & propitius. Et nisi fides iustificans ex proprio & principali suo obiecto, prius de hac questione statuat, nō potest esse uerum, firmum & stabile exercitium fidei circa alia obiecta. Quotquot enim sunt promissiones Dei, sunt vāi ῥῆς ἀπάν in Christo Iesu ad gloriam Deo per nos. 2. Corinth. 1. Hoc est, promissiones de reliquis obiectis, tunc deum nobis sunt ratæ, ita ut earum impletionē certa fiducia expectare possimus, quando fide in Christum cum Deo reconciliati sumus. Et ita sunt nobis ratæ, si earū impletio ad Dei gloriam, per nos illustrandam faciat. Particula enim vāe significat asseuerationem certitudinis promissionum, ἀπάν refertur ad expectationem ex certa fiducia eorum quæ promissa sunt.

Firmum igitur & fixum manet proprium & principale obiectum fidei iustificantis, cuius respectu & apprehensione iustificat, esse gratuitā promissionem misericordiæ Dei remittentis peccata, adoptantis & acceptantis credentes ad uitam æternam, propter Christum mediatorem.

Et hæc est prima questio, de obiecto fidei iustificantis.

Altera questio est, quomodo & qua ratione fides iustificans circa illud suum obiectum uerse-
tur ut iustificet, scilicet non frigida cogitatione,
non generali aut superficiali assensione: sed ita
ut agnosca, intueatur expetat, quærat, apprehen-
dat,

dat, accipiat, complectatur, & singulis credentibus applicet in promissione Christum cum omnibus suis meritis, & in Christo misericordiam Dei remittentis peccata. Omnino enim accipere oportet Christum & promissionem gratuite misericordiae propter Christum illos qui uolunt iustificari. qui enim non accipiunt, non iustificantur, iuxta dictum Ioan. 1. Sui eum non receperunt: quotquot autem acceperunt eum, dedit eis potestatem filios Dei fieri.

Duobus uocabulis utitur *παρελαβον* & *ελαβον*. Et notum est, quod in communi lingua Graeca uerbum *παρελαβεῖν*, Demosthene explicante significet id quod ab alio offertur & traditur ad se recipere. Hanc uero proprietatem & hoc officium, in promissione scilicet Euangelij apprehendere & accipere Christum, & in Christo misericordiam Dei ad iusticiam & salutem, Scriptura nō operibus, non charitati, nō alijs uirtutibus, sed soli fidei tribuit.

Io. 1. Cum dixisset, Quotquot receperunt eum, dedit eis potestatem filios Dei fieri: mox addit explicationem, qui sint qui Christum recipiant, & quomodo accipiantur. Qui scilicet credunt in nomen eius. Et mox subiungit: Ex plenitudine eius omnes accepimus gratiam pro gratia.

Ioan. 17. Verba tua dedi eis, & ipsi acceperunt & agnouerunt, & crediderunt.

Rom. 9. Gentes quæ non sectabantur iusticiam, apprehenderunt iusticiam, iusticiam inquam quæ ex fide est, Israel uerò sectans legem iusticiæ, ad legem iusticiæ non peruenit. Quare hoc? quia non ex fide, sed quasi ex operibus. Vtrunq; diserte ponit. Non operibus, sed fide apprehendi iusticiam Euangelij in Christo. Et quid uocabulo Fidei intelligat, mox sequitur. Omnis qui credit in illum, qui positus est in Zion lapis angularis, nō cōfundetur.

Rom. 5. Propositionem, Fide iustificati pacem habemus, ita explicat: Accepimus reconciliationē, item accipientes abundantiam gratiæ & donationis iusticiæ, regnabunt in uita per Christum.

Gal. 3. Ut benedictio Abrahamæ contingeret gentibus in Christo, ut promissionem spiritus accipiamus per fidem. item: Scriptura conclusit omnia sub peccatum, ut promissio ex fide Christi detur credentibus.

Coloß. 2. Accepistis Iesum Christum Dominum nostrum, radicati & superædificati in ipso, et confirmati in fide. Et in historia Euangelica multis exemplis ostenditur, fidei proprium esse, ut sit organon accipiens beneficia Christi: ut Matth. 9. cæcis clamantibus, Miserere nostri fili Dauid, Iesus dicit: Creditis me hoc posse facere. Et cum respondissent, Credimus: tunc tangens oculos illorū, dicit: Iuxta fidem uestram fiat uobis. ita Matth. 13. & Marc. 6. In patria Nazareth non potuit ullam uirtutem

tutem edere, propter incredulitatem illorum, & Marci 9. cum pater Lunatici clamaret, Si quid potes, subueni nobis misertus nostri. Respondet Christus, illud, Si potes credere, omnia possibilia sunt credenti.

Ita Io. 6. Nisi credideritis, non habebitis uitā in uobis. Io. 3. Exaltari oportet filiū hominis, ut omnis qui credit in ipsum non pereat, sed habeat uitā eternam. Act. 10. dicit Petrus: Huic omnes prophete testimonium perhibent, remissionem peccatorum accipere per nomen eius, omnes qui credunt in eum. Rom. 3. Paulus dicit: Iusticia Dei per fidem Iesu Christi in omnes, & super omnes qui credunt in eum. Item: Unus est Deus, qui iustificat circumcisionem ex fide, & praeputium per fidem. Rom. 10. Christus est finis legis, ad iusticiam omni credenti. Nec uerò opus est plura testimonia coaceruare: natura enim gratuita promissionis Euangelij, requirit ut fide accipiatur, id quod etiam Gropperus in Coloniensi institutione fateri cogitur. Illa igitur potissimum testimonia nunc annotare uolui, quae expressè fidei hoc tribuunt, quòd accipiat Christū, gratiam, iusticiam, reconciliationem, remissionem peccatorum, &c.

Tertia quæstio est: Quomodo, & qua ratione fides in promissione accipiat Christum, misericordiam Dei, reconciliationem, remissionem peccatorum, &c. Andradius meus, concilij sententiā expli-

§14. EXAMEN DECRETORVM

explicans dicit, hoc ita fieri: quia fides incitet & inflammet animum, ad actiones charitatis, quibus animus ita preparetur & disponatur, ut non sit indignus cui donetur Christus cum suis meritis, misericordia Dei, reconciliatio, adoptio & uita æterna. Ideo contendit Christum perfectè apprehendi non sola fide, sed simul etiam operibus seu actionibus spei & charitatis. Et spem ideo adiungunt, quia illam uolunt partim nostris meritis, partim misericordia Dei niti. Sed hæc suprà de Preparatione ad iustificationem pluribus sunt explicata: quæ nunc repeto, ut consideretur, quàm necessariae sint ueræ declarationes.

Scriptura uerò tradit quidem, fidem parere bona opera: sed quando loquitur de acceptance iustificationis, hoc est reconciliationis, non tantum nominat fidem, sed ex antithesi addit, Non ex quibus, non secundum opera. Et quidem Romanorum decimo, affirmat Israelem, licet sectabatur legem iusticiæ, non peruenisse ad ueram iusticiam coram Deo, propter hanc ipsam causam: quia non ex fide, sed quasi ex operibus. Et Romanorum quarto, de Abrahamo, quando multis uirtutibus à Spiritu sancto iam erat ornatus, loquens dicit, Non operanti, credendi autem in eum, qui iustificat impium, fides eius imputatur ad iusticiam: certè Abraham tunc simul & credebatur & operabatur, fides uerò imputatur ad iusticiam, non

CONCILII TRIDENTINI. Sig

non operanti, sed credenti. Idem etiam Davidis testimonio probat, quòd renatis, qui habent bona opera, iusticia fidei tamē imputetur sine operibus, Romanorum quarto. Quando igitur fides etiam renatorum agit coram Deo, de reconciliatione, adoptione & acceptatione ad uitam æternam, non afferat & proponit Deo opera, dignitatem & merita, ut propter illa, persona digna iudicetur, quæ à Deo adoptetur & acceptetur ad uitam æternam.

Paulus enim. 1. Cor. 4. inquit: Nihil mihi conficius sum, sed in hoc non sum iustificatus. David precatur, Ne intres in iudicium etiam cum seruo tuo, quia non iustificabitur in conspectu tuo omnis uiuēs. Et Daniel inquit: Nō in iusticijs nostris prosternimus preces nostras. falsum igitur est organō, quo Christi meritum ad iusticiam accipitur esse simul & fidem & opera: ita quòd fides primū efficiat opera, deinde ad Deum afferat & ipsi proponat bona illa nostra opera, ut propter ea recōciliemur, adoptemur & acceptemur ad uitā æternam.

Nam & renati agnoscunt in carne sua, non habitare bonum, sed peccatum, opera sua propter adhaerentem carnem, utpote languida, imperfecta & immunda, non esse talia quibus coram Dei iudicio ita possint consistere, ut propter illa, persona iustificetur, hoc est reconcilietur Deo, adoptetur & acceptetur ad uitam æternam. Fides igitur circūspicit et quærit, ut apprehendat, obtimeat,

816 EXAMEN DECRETORVM

obteneat, & ad Deum afferat aliam iusticiam perfectiorem & praestantiorem, qua consistere possit coram iudicio Dei ad salutem, & uitam eternam. Illa autem iusticia est Christus mediator fide apprehensus: Christus enim est impletio legis ad iusticiam omni credenti, Rom. 10. In tentatione siquidem & lucta, quando mens uero obruitur pauore & metu irae Dei. In illa certè consternatione fides non ita statuit: iam habeo charitatem, uirtutes & merita, & propter illam dignitatem Deus me recipiet. Sed fides monstrat & intuetur filium Dei, factum uictimam pro nobis, sedentem iam ad dexteram patris, & interpellantem pro nobis: ad illum confugit, petit, credit, & statuit propter hunc pontificem nobis ignosci & donari reconciliationem, non propter nostras uirtutes & nostram dignitatem. Et ita fides peccato nostro & damnationi nostrae opponit, non nostra opera & nostram dignitatem, sed meritum Christi. Habet igitur fides uim & uirtutē iustificandi, non inde aut ideo, uel quòd pariat bona opera, uel quòd tam excellens in nobis sit uirtus, tam praeans opus, aut tam digna actio nostra, sed correlatiue intelligitur propositio, Christus enim mediator in illo suo officio: est iusticia nostra. Iere. 23. Rom. 5. 10. 1. Corinth. 1, &c. et propter illum misericordia Dei recipit nos, remittit peccata, adoptat, et acceptat ad uitam eternam: Christum uerò, eius meritum, misericordiam Dei,

Dei, reconciliationem, &c. fide oportet apprehendi. Et quia fides facit nos, illorum beneficiorum Dei participes: estq; uelut manus nostra, qua nobis applicamus & ad nos recipimus, complectimur & possidemus ea, quæ in gratuita promissione Euangelij offeruntur: propter hoc officium applicationis, fidei tribuuntur, quæ sunt meriti Christi, & misericordiae diuinæ: qui enim non habent fidem, illi non fiunt participes beneficiorum Christi. Paulina igitur antithesis inter fidem & opera ostendit, fidem iustificare non hoc modo & hac ratione, quod per opera faciat hominem dignum, cui donentur beneficia Christi. Sed humilitas agnoscit, & fatetur naturam esse immundā, & personā non dignā his tantis beneficijs, ex gratuita igitur misericordia Dei propter Christum mediatorem, fides querit & petit illa.

Et quia in promissione per uerbum & sacramēta, Spiritus sanctus in ministerio monstrat, proponit, offert, distribuit, communicat & donat illa merita, & beneficia Christi: ideo fides non dubitat se apprehensione promissionis, illa uerè accipere & possidere. Quibus uerò motibus fides apprehendat & accipiat promissionem Euangelij, in ueris fidei iustificantis exercitijs intelligitur. ibi enim animaduertuntur tales motus & gradus, sicut in Scriptura describuntur.

1. Noticia seu scientia, cogitatio & meditatio.

ff

pro.

promissionis Dei, de beneficijs Christi mediatoris,
de misericordia Dei, de gratuita reconciliatione,
Eccl. Luc. 1. Isa. 53. Col. 2. &c.

2. Huic noticiæ oportet coniunctam esse assensionem, non quidem generalem tantum, sed qua firma persuasione, quisq; credēs statuatur uniuersalem promissionem priuatim ad se quoque pertinere, se quoq; includi & cōprehendi in uniuersali illa promissione. Ro. 4. Scriptū est nō propter Abraham tātū, sed et propter nos, quib. imputabitur credētib.

3. Ex illa noticia & assensione cor seu uoluntas per operationem Spiritus sancti, concipit desiderium, ut quia seriō sentit, se oneratum peccatis & ira Dei, expetat, uelit, querat, petat sibi donari & communicari beneficium iustificationis, quod in promissione Euangelij proponitur, & illud fide apprehendit ut ad se recipiat.

4. Quando hoc modo, à sententia damnationis, quæ per legem propter peccata nobis denunciat, fides confugit ad thronū gratiæ, & ad propiciatorium, quod pater cœlestis proposuit in sanguine Christi. Accedit fiducia. Eph. 3. quæ ex promissione statuit Deum tunc tibi donare, communicare, & applicare beneficia promissionis: et te hoc modo uere accipere ea, quæ gratuita Euangelij promissio offert, ad iusticiam, salutem & uitam eternā. Ex hac fiducia sequitur *παρρησία*, quæ habet accessum ad Deum, Eph. 3. pax conscientiæ,
Rom. 5.

Rom. 5. Gaudium spiritus, Rom. 14. ut cor acquiescat in promissione misericordie, etiam in cruce, in tentatione, in ipsa deniq; morte, retinens spem glorie Dei. Rom. 5. Hæc in multis Scripturæ testimonijs & exemplis copiose describuntur: quæ singillatim ascribere studium breuitatis prohibet. Volui autem per αὐάλυσιν aliquanto crassiorẽ, simplicem tamen & ueram, gradus fidei iustificantis delineare: ita enim in serijs exercitijs, & in lucta, rectissimè intelligi potest doctrina de fide iustificante.

Nec utilem illam simplicitatem patiamur perturbari philosophica Pighij cauillatione: qui clamat, fidem esse chimæram, si simul & in mente & in uoluntate collocetur. quæ enim subiectis differunt, realiter differunt. Sed respondemus. Primò, Quòd Scriptura philosophicas illas distinctiones non superstitiose obseruet, sed simpliciter tribuat cordi noticias, fiduciam & affectus: sicut etiam menti sæpe ea quæ uoluntatis sunt tribuit. Secundò, Quicquid sit de subiectis, hoc certum est, motus mentis & uoluntatis sibi correspondere: ut qualis est noticia & assensio in mente, tales etiam motus plerunq; in uoluntate sequantur & respondeant. Tertiò, Quæstio illa iam dudum à Scholasticis explicata est. Bonauentura enim querit, quomodo conueniat spem esse certam expectationem: cum certitudo pertineat ad mentem, expectatio

ad uoluntatem. Respondet autem de intellectu practico. Et addit, nullum esse inconueniens, unū habitum ponere, & in ratione, & in uoluntate.

Addenda autem est commune factio, in singulis hisce gradibus, uirtutem Dei in infirmitate perfici. Fides enim nec semper, nec in omnibus est lux ardens, sed sepe linum tantum fumigans. Est enim fides magna, ut in Centurione & in Cananæa, est modica, Matthæi decimoquarto: imbecillis, Romanorum decimoquarto. Et infirmitas fidei uel est in agnitione, Romanorum decimoquarto, uel in fiducia, Matth. 9. Iustificat autem fides, non propterea quod sit uirtus tam firma & perfecta, sed propter obiectum, quod scilicet apprehendit Christum mediatorem. Quando igitur fides in obiecto nō errat, sed illud inter trepidationes fiducia quantumuis languida apprehēdit, aut apprehēdere conatur & expetit: est quidem modica & infirma fides, uera tamen est fides. Et Paulus dulcissimas proponit consolationes in tali fidei infirmitate, Philip. 3. Apprehendo, imò magis apprehensus sum à Christo. Gal. 4. Cognouistis Deum, imò magis cogniti estis à Deo, modò oremus. Marci nono, Credo Domine, sed tu adiuua incredulitatem meam. Ex sensu etiam consolationis & gaudij spiritualis, non semper iudicari uel debet uel potest, an fides sit uera. Sensus enim ille non præcedit, sed sequitur fidem: & sepe absconditur, & obruitur cruce & tenta-

tentationibus : Ex uerbo igitur iudicandum est de fide.

Et hæc est breuis, simplex & uera explicatio, quid sit fides iustificans : & quo sensu Scriptura intelligi uelit, quando tradit impium per fidem iustificari. Et ipsa authithesis illustris est refutatio commentorum Tridentini concilij.

Postremò pauca quædam dicenda sunt de argumento illo, quod præcipuum est in decretis concilij : beneficia scilicet Christi, ita sibi cohærere, ut quando homo per remissionem peccatorum reconciliatur, simul etiam per Spiritum sanctum inchoatur sanctificatio & renouatio. Vnde uolunt consequens esse, fidem ad iustificationem in Christo, apprehendere non solam reconciliationem, sed simul etiam renouationem. Et clamitant, nos qui iustificationem constituimus in sola gratuita imputatione iusticiæ Christi, tollere & negare alterum beneficium Christi, sanctificationem scilicet & renouationem. Item capite septimo : Homo cum remissione peccatorum, simul accipit etiam spem & charitatem. Ergo non sola fides, sed fides, spes et charitas simul iustificat. Et spem ideo in applicatione iustificationis adiungunt. dicunt enim, sine nostris meritis sperare, non esse spem, sed præsumptionem. Et canone. 11. dicunt nos sola fide, excludere charitatem quæ renatis inhaeret. Hoc est unicum & potissimum argumen-

tum concilij Tridentini, contra solā fidē, sola imputatione iusticiæ Christi iustificantem. Sed plana est responsio. Luculentam nobis iniuriam faciunt, quasi iniustificatis tollamus et negemus sanctificationē seu renouationē. Planē enim & clarē nostri docent, quòd reconciliationē sequatur renouatio, ita ut cum remissione peccatorū coniuncta sit donatio Spiritus, qui inchoat renouationē. Qui igitur fide propter Christum Mediatorē reconciliantur, in illis Spiritus sanctus inchoat sanctificationem, seu renouationē. Sed cum Scriptura affirmamus, inchoatā nouitatē nō esse illud propter quod accipiamus remissionē peccatorū, adoptemur, & acceptemur ad uitā aeternā. Ita etiā nullo modo docemus, fidē iustificantē esse solitariā, hoc est talem persuasionē, quæ sit sine pœnitētia, et nulla omnino pariat bona opera. Sed fidē quæ sine operibus ociosa & mortua est, dicimus nō esse uerā & uiuā illā fidē, quæ per charitatē efficax est, Gal. 5. Consideret autē lector, qualis sit consequētia argumenti Tridentinorū. Fides uiua nō est solitaria, sine charitate. Ergo nō sola, sed unā cum charitate iustificat. Ergone quæ simul adsunt, quæ cohærēt & coniuncta sunt, unum officium, & eandem omnia habebunt proprietatem? Simul ergo auribus & pedibus audiemus, oculis & manibus uidebimus. Nulla ergo, erit uel sensuum, uel potentiarum animæ distinctio: quia homo simul illa accipit, & habet. Si-

cat

cūt igitur hæc & similia multa, etiam quando simul adsunt, recte & necessario distinguuntur: ita nos reconciliationem & renouationem, fidem & charitatem non ita diuellimus, ut alterum tollamus & negemus: sed cuique suum locum, suum officium, & suam proprietatem tribuimus cum Scriptura: quæ solius fidei hoc proprium esse docet, apprehendere & accipere in promissione Euangelij, Christum ad iusticiam coram Deo, ad uitam æternam. Et illam iusticiam fides non partitur inter Christum & nostram nouitatē seu charitatem, sed in solidum eam tribuit merito Christi.

Vera igitur fides apprehendit Christum: uera etiam fides non est sine operibus, Iacobi secundo: sed per charitatem est efficax, Galatas quinto. Quod autem fides iustificat & saluat, illam uir-utem non mutuatur, sumit & habet inde, quia per charitatem efficax est, & bona opera parit: sed quia Christum apprehendit, qui est impletio legis ad iusticiam omni credenti, Romanorum decimo, & non est in alio salus, Actorum quarto. Alia uerò questio est, qua nota & quo testimonio agnoscatur & deprehendatur, an sit uera & uiua fides: ne falsa & mortua opinione fictæ fidei nos seducamus. In hac questione cū Scriptura dicimus: Illa fides ualet, quæ per charitatem est efficax, Gal. 5. Et fides sine operibus est mortua, Iacobi 2. Et hoc sensu Apologia cōfessionis Augustanæ

824 EXAMEN DECRETORVM

dicit, fidem quæ est sine bonis operibus, non iustificare. Item: Si quis dilectionē abiecerit, etiamsi habuit magnam fidem, tamen non retinet eam. Nec enim fidem aut iusticiam retinent illi, qui secundū carnem ambulant.

Hec quæ in libello contra Iesuitas hoc sensu dixeram, Andradius ita deprauat, quasi sentiam, bona opera ad iustificationem & salutem esse necessaria; & addit, Si ita sentire & loqui cœperimus, sperare se fore, ut breui ad Romanam ecclesiam redeamus, & idipsum cum Pontificijs sentiamus & dicamus. Et illud lector hoc loco diligenter obseruet, qualem spem, & quantum robur Pontificij collocent in propositione de necessitate operum ad iustificationem & salutem. Ad me uerò quod attinet, respondeo: uirulentam & sycophanticam esse Andradij calumniam. Nunquam sensi, nunquā dixi hoc: sed profiteor et contestor, me serio improbare illas propositiones, quæ à quibusdā in nostris Ecclesijs sparse quidem, sed cōmunibus suffragijs explosæ & refutatæ sunt: scilicet bona opera ad iustificationem & salutem, ita esse necessaria, ut impossibile sit, quenquam sine bonis operibus saluari. Hec enim gloria debetur uni & soli Christo, qui fide apprehenditur & accipitur: ita ut beatitudo sit eius hominis, cui Deus imputat iusticiam sine operibus, Romanorū 4. Nectamen ociose uel mortuæ fidei tribuimus iustificationem,

tionem: sed dicimus fidem, si uera & uiua est, non esse ociosam, sed efficacem per charitatem. Vitam autem quam fides affert credentibus, non mutatur, aut accipit à charitate, sed à Christo quem cōplectitur, qui est uita & salus nostra. Contra Pontificiorum igitur calumnias, & cōtra Epicureas persuasiones ex Scriptura, Apologia Augustanæ confessionis proponit hāc notam ueræ fidei, quòd existat in uera pœnitētia, & quòd sit efficax per charitatem. In questione uerò, Quomodo fides iustificet: dicimus fidem unicum mediatorem Christum apprehendere, ad iusticiam & salutē, sine nostris operibus.

In hac enim questione Paulus non simpliciter proponit doctrinam iustificationis, sed addit multas & uarias particulas exclusiuas: ne quid, quacunque specie assuatur, sed ut causa iustificationis nostræ, soli gratuite misericordiæ Dei remittentis peccata, meritum solius Christi, mediatoris obedientiæ applicatio, soli fidei uendicetur.

Sunt autem hæ ferme exclusiue particule apud Paulum. 1. uocabulum gratiæ, cum equipollentibus. Eph. 2. Gratia saluati estis per fidem, & hoc non ex uobis. Rom. 11. Si ex gratia, iam non ex operibus: alioqui gratia, non esset gratia. Tit. 3. Non ex operibus, sed secundum misericordiam suam saluos nos fecit. 2. Timoth. 1. Non secundum opera nostra, sed secundum propositum

8:6 EXAMEN DECRETORVM
suum, & gratiam, quæ data est nobis in Christo Ie-
su, ante tempora secularia.

Psal. 70. Memorabor iusticiæ tuæ solius. Vbi
propter maiorem emphasin, affixum geminatur
iusticiæ tuæ, solius tuæ.

2. Particula gratis cū synonymis. Rom. 3. Gra-
tis iustificamur, ipsius gratia.

Rom. 6. Stipendium peccati, mors est: sed χά-
ρισμα Dei est uita eterna.

Ephes. 2. Non ex uobis, δῶρον Dei est.

Gal. 3. Si ex lege hereditas, iam nō ex promif-
sione. Abrahæ uerò Deus per promissionē κλη-
ρονοῦσα, gratuito donauit.

3. Nomen unus Rom. 5. Gratia unius hominis
Iesu Christi, in plures abundauit. Regnabunt in uia
24 per unum Iesum Christum: per unius iusticiam
in omnes: per unius obedientiam iusti constituun-
tur multi. Heb. 10. Vna oblatione consummauit in
sempiternum sanctificatos.

4. Rom. 3. Sine lege. Gal. 2. Nō per legem. Gal.
3. Non ex lege.

5. Opera. Rom. 4. Sine operibus. Tit. 3. Non
ex operibus. 2. Timoth. 1. Non secundum opera.
Eph. 2. Non ex uobis. Phil. 3. Non habens meā ius-
ticiam. Rom. 11. Propriam iusticiam.

6 Vocabulum imputationis. Rom. 4. Non o-
peranti, sed credenti fides imputatur ad iusticiam.
Imputatur iusticia sine operibus. Imputatur se-
cundum

secundum gratiam, non secundum debitum.

7. Remissio peccatorū. Rom. 4. David pronuntiat beatitudinem esse eius hominis, cui Deus imputat iusticiam sine operibus: Beati quorum remissæ sunt iniquitates. 2. Corinth. 5. Reconcilians sibi mundum, non imputans ipsi peccata eorum.

8. Vocabulum fidei. Rom. 3. Fide sine operibus. Ephes. 2. Per fidem non ex uobis, non ex operibus. Rom. 3. Exclusa est gloriatio non per legem operum, sed per legem fidei. Acto. 13. Ab omnibus à quibus non potuistis in lege iustificari, per hunc omnis qui credit iustificatur. Et Gal. 2. Extat peculiaris exclusiua: Scientes quòd ex operibus legis non iustificatur homo, nisi per fidem. Particulam enim ἐἰ μὴ, ἢ ἐὰν μὴ, excludere præcedentia membra, multa exempla Scripturæ ostendunt. Vt Apocalypsis 9. Dictum est locustis, ne lederent fœnum, neque omne uiride, neque omnem arborem: nisi homines qui non habent signum Dei in frontibus. Apocalypsis 21. Non intrabit in ipsum omne prophanium, nisi qui scripti sunt in libro uitæ. Marci 13. De die illa nemo nouit, nec angeli, nec filius, nisi pater. Ioannis cap. 15. Palmes non potest à seipso fructum facere, nisi in uite manserit. Ibi est ἐὰν μὴ. 4. Regū uigesimo secūdo. Græci interpretes particulam aduersatiuā ἀλλὰ reddiderūt per ἐἰ μὴ. quod alibi

alibi plerunq; reddunt per ἄμ' ἡ. Et in eadem significatione Exod. 4. usurpāt particulā ἐὰν μὴ. Sensus igitur Pauli Gal. 2. hic est: Non iustificatur homo ex operibus legis, sed per fidem Christi. Et mox exclusiuam explicat, inquit: Nos in Christum credidimus, ut iustificemur ex fide Christi, et non ex operibus legis.

Hæ sermē sunt exclusivæ, Paulo usitatæ: quas in nostris linguis non possumus brevius & cōmodius efferre, quā per particulam Sola. Illa enim omnes exclusivas Pauli, uno quasi complexu significatissimē comprehendit, & auditoribus proponit. Et quia omnibus temporibus particula illa, in articulo iustificationis in Ecclesia semper usitata fuit, sicut testimonijs ex omnia sermē Patrum scriptis ostēdi potest: recepta est in Ecclesijs nostris, quando uolumus omnes exclusivas Pauli breviter complecti, quod dicimus: Sola misericordia Dei, sola fide, sola imputatione iusticiæ, solius mediatoris Christi, nos iustificari.

Et illam exclusiuam ita intelligimus, ut primò excludatur conditiō meriti, seu dignitatis nostræ.
 2. ut causa reconciliationis adimatur nostris operibus seu uirtutibus, & transferatur in solam gratiam Dei, propter meritum Christi mediatoris.
 3. ut ostendatur medium seu organon applicationis. Non enim operibus, sed sola fide apprehenditur, accipitur et applicatur gratuita promissio reconciliationis.

conciliationis, propter Christum mediatorem. Reprehenduntur uerò sicut apud Chrysostomum & Augustinum, ita & apud nos illi, qui particulas exclusiuas ita intelligunt, quasi illi qui sine pœnitentia in sceleribus perseuerant & pergunt, mortua fide, hoc est Epicurea persuasione impunitatis iustificentur. Neq; etiam solam fidem intelligimus solam noticiam, seu externam professionē dogmatum Ecclesiæ, qualis in multis hypocritis & impijs esse potest.

Hæc quæ prolixè à nostris explicata sunt, breuiter recito : ut manifestum fiat, quàm sycophantis calumnijs particula Sola in Tridentino concilio exagitetur, & deprauetur : utq; lector intelligat, quando particula Sola, in illo sicut declarauimus sensu, damnatur, simul damnari omnes exclusiuas Pauli. Et hoc quærunt Pontificij, ut per particulam Sola, iugulent omnes Pauli exclusiuas.

Et quia Andradius clamat Lutherum per particulam Sola, intellexisse solitariam & mortuam fidem, adscribam locum eius in. 15. cap. Genesis, ubi clarissimè explicat sensum huius exclusiuæ. uerba hæc sunt : Scio reliquas uirtutes esse insignia dona Dei, scio fidem sine his donis non existere. Sed quæstio est, quid cuiusq; proprium sit. Tenes manu uaria semina. Non autem quero, quæ cū quibus coniuncta sint, quæ sit cuiusq; propria uirtus. Hic apertè dic, quid faciat sola fides : nō cum quibus

830 EXAMEN DECRETORVM

bus uirtutib. cōiuncta sit. Sola autem fides apprehendit promissionem : hoc proprium solius fidei opus est. Reliquæ uirtutes alias habēt materias, circa quas uersantur. Item : Scimus quòd fides nunquam est sola, sed affert secum charitatem & alia multiplicia dona : neque unquam sola est, sed non ideo confundendæ res, et quod solius fidei est, alijs uirtutibus tribuendum. Hæc Lutherus.

AN VERA FIDES IUSTIFICANS
sit, uel fiducia, uel dubitatio de remissione peccatorum.

Lutherus in 41. caput Genesis dicit : Etiam si nihil præterea peccatū fuisset in doctrina Pontificia, quàm quòd docuerunt, nos debere uagari & fluctuare ambigētes & dubios de remissione peccatorum gratia & salute nostra, iustas tamen haberemus causas cur ab Ecclesia infideli nos seiungeremus. Et Gropperus etiam turpitudinē Pontificij istius dogmatis de dubitatione fidei iustificatis, non tantum agnouit, sed publicè improbauit. Extant etiā de hac questione duo aduersaria scripta Ambrosij Cathareni & Dominici à Soto, quæ ostendunt illis ipsis, qui Tridenti cōgregati fuerūt, non conuenisse de flagitioso isto dogmate, quòd fides debeat esse dubitatio. Et propter hanc causam dicunt Titulum 9. capituli non simpliciter, sed ita constitutum esse, Cōtra inanē hæreticorū fiduciā.

Hæc obseruatio, si rectè consideretur, ostendet

quo

quo artificio compositū sit illud decretū, cuius tamen intentionem, finē & summā esse Andradius Tridēti in concilio scribens, affirmat ut monachorum dogma de dubitatione quoquo modo retineatur, confirmetur & stabiliatur. Nec sanē nullæ sunt causæ, quare tam acriter Pontificij de retinenda dubitatione digladiantur: intelligunt enim, totam negociationem Pontificiæ nundinationis hoc fundamento niti. Conscientia enim quærens certam aliquam & firmam consolationem, quando audit ipsam fidem, etiam quando in promissione Christum mediatorem apprehendit, deberet dubitare de remissione peccatorum, cogitat se uelle cumulare tam multa & tam uaria opera, ut iuxta poetā, si non prosint singula, plura iuuēt. Hinc ultra opera diuinitus mādāta, electitij cultus, sine fine et modo excogitati fuerāt. Hinc uota, peregrinationes, et inuocationes sanctorū, fraternitates, opera indebita, opera supererogationis, nundinatio missarum, negociatio indulgentiarum, & breuiter tota illa lerna superstitionum Pōtificiarum. Cumq; in agone conscientia in illis omnibus non inueniret certam & firmam consolationē excogitatum tandem est purgatorium, & propositæ redemptiones suffragiorum post mortem. His regni sui uestigalibus timent publicani Pontificij. Vident. n. fore, ut minuātur et intercident, si homines ex uerbo Dei doceantur, fidem esse fiduciam,

quæ

quæ in promissione Euangelij inueniat, accipiat
 & possideat certam & firmam consolationem, de
 reconciliatione cum Deo. Hinc illæ lachrymæ.
 Hinc tentationes pro stabilienda dubitatione.

Sed audiamus, qualem fidem remissionem pec-
 catorum Tridentini patres Ecclesiæ proponant.

1. Concedunt, quòd necessariū sit credere, pec-
 catum nō remitti, nisi gratis diuina misericordia,
 propter Christum. Illud uerò inde scimus credēdū
 esse, quia doctrina Euangelij hanc promissionem fi-
 dei proponit.

2. Mox uerò addunt: Nemini tamen in sola fi-
 ducia & certitudine remissionis peccatorum suo-
 rum acquiescenti, peccata dimitti dicendum est. Fi-
 des igitur in concilio Tridentino ita credit pro-
 missione Euangelij, de gratuita remissione peccato-
 rum propter Christum, ut tamen in ea certa fidu-
 cia acquiescere non ausit: imò non uerentur dicere
 nemini remitti peccata, qui iuxta promissionem E-
 uangelij, in fiducia & certitudine remissionis pec-
 catorum suorum acquieuerit.

3. Rationem adducunt, quia etiam apud hæreti-
 cos possit esse uana, & ab omni pietate remota fi-
 ducia.

4. Addunt: Ne illos quidem qui uerè iustifica-
 ti sunt, debere absq; ulla omnino dubitatione apud
 semetipsos statuere se esse iustificatos.

5. Dicunt non esse asserendum, neminē à pec-
 catis

catīs absolui & iustificari, nisi eum qui certò credat, se absolutum & iustificatum esse. Sentiunt ergo, homines à peccatis absolui, etiā si non certò credant se absolutos esse: hoc est, docent absolutionē sine fide.

6. Ponunt hanc declarationem, pios quidem in genere non debere dubitare de promissis Dei, de efficacia mortis Christi, de merito Christi, deq; sacramentorum uirtute: sed quod ad applicationem ad indiuidua attinet, quemlibet dum suam propriā in dispositionē respicit, de sua gratia formidare et timere posse. Neminem enim scire posse certitudine fidei, cui non possit subesse falsum, se gratiā Dei esse consequutum.

7. Anathemate damnant, si quis dixerit, omni homini ad remissionem peccatorum assequendam necessarium esse, ut credat certò & absq; ulla hæsitatione propriæ infirmitatis & indispositionis, peccata sibi esse remissa.

Hæc sunt capita, quæ de dubitatione contra fiduciam Tridenti decreta sunt. Andradius uerò suo more, ut interpret Concilij, addit declarationem, quid sit quod uocant indispositionem: & quòd toties damnant, si quis in sola fiducia remissionis peccatorum acquiescat. Ita enim inquit: Euangelium docet eos qui sincera fide & ardenti charitate Deū prosequuntur, consequi iustificationem: an uerò ipse ea omnia habeam, quæ ad iusti-

ciam comparandam sunt necessaria, Euangelium minimè afferit, Item : Fides quidem mea potissimum debet in Christo quærere, ut ego saluer : an uerò eam operam ad iusticiam consequendam : quam oportebat adhibuerim, ex fide non accepimus. ijs enim solùm censet à Deo tribui iustificationem, qui pœnitentiæ se, & charitatis actionibus ad illam suscipiendam præpararunt. Non autem constat fidei testimonio, an ea omnia quis præstiterit, quæ sunt ad iusticiam comparandam necessaria. Ego, inquit, nulla ratione dubito, mihi ad iusticiam aditum patere, si sincera fide, ueraq; pœnitentia, ad diuinæ gratiæ thronum accessero. Sed an id uerè & integrè aliquando præstiterim, constare rectè mihi nunquam potuit. Rationem uerò hanc addit : Multa sunt peccata, ipsis etiam peccatoribus usqueadeò occulta, ut illa internoscere nullo modo possint. Cū igitur nemo scire possit, an aliquo sit crimine implicatus, cuius nulla sit ratione conscius : quomodo certò credere potest, iam se esse iustificatum? Et persuasionem esse minime Christianam, sibi de consecuta iustificatione blandiri, probat illa Cypriani sententia : Nemo sic sibi blandiatur de puro & immaculato corde, ut innocentia sua fretus, medicinam non putet esse adhibendam uulneribus, cum scriptum sit : Quis gloriabitur mundum se esse à peccato? Et quod Iesuitæ scripserant : Fidelis firmiter quidem sperat

ſperat uitam eternam, & quod magis eſt, confi-
dit etiam: non tamen certò credit, ſed dubitat.
ſpes enim fallere poteſt. At illud reſponſurus An-
dradius, inquit: Spem habere aliquam dubita-
tionem coniunctam & implicatam. Cum enim
ſpes; qua nobis uitam eternam pollicemur, &
noſtris operibus, & maximè diuinæ miſericor-
diæ & impotentiae fidat: quippe quæ ex meri-
tis & gratia proficiſcitur: ita fit ſanè, ut ſpes ita
ſit certa, ut ſemper cum metu & dubitatione ſit
coniuncta & copulata.

Hanc Andradij interpretationem, conſerat le-
ſtor ad capita decreti Tridentini. de dubitatione:
et uidebit, ex quibus lacunis, relicto uiuo fonte, de-
ſperabunda illa dubitationis opinio deriuata ſit.
Qualis enim eſt iuſtificatione, talis etiam eſt fides
in Pontificia Eccleſia. Primò enim uerbis qui-
dem tribuunt reconciliationem & remiſſionem
peccatorum, miſericordiæ diuinæ propter Chri-
ſtum: ſed addunt, illam nemini communicari, con-
ferri aut applicari, niſi qui operibus pœnitentiæ
& charitatis, ita ſe diſpoſuerit, ut nò prorsus indi-
gnus ſit, in quem Deus beneficium iuſtificatione
conſerat. Quia uerò conſcientia ſemper du-
bitat, an ſatis habeat talium operum, an ſatis di-
gna ſit eorum præſtantia, an ſufficiens ſit præpa-
ratio, an uerè & integrè omnia illa pœnitentiæ &
charitatis opera, quæ ad dignam & ſufficientem

præparationem requiri sentiāt, præstita sint: necessario fit, quod ex hac doctrina anxie mentes in inuocatione, in tētatione, in lucta cū ira Dei, ppter peccata, in ipsa deniq; agone mortis, nunquā possunt inuenire certam & firmam consolationem, qua se possint sustentare & erigere, ne oppresse desperatione ruant in æternum exitium: quo enim magis conantur se hoc modo disponere & præparare, eo profundius in dubitationem immerguntur. magis enim magisq; in ipso conatu agnoscunt & experiuntur insufficiētiā, & indignitatem præparationum. Quod si uerò de sufficiētiā & dignitate præparationis suæ præsumpserint, incidunt in iudiciū Pharisei, Lucæ decimo octauo, quod scilicet Israel sectando legem iusticiæ, ad legem iusticiæ non peruenerit: quia non ex fide, sed quasi ex operibus. ita utrinque intercluditur & abstruitur uia ad iustificationem, per Pontificias præparationes. Et iam lector ex Andradij interpretationibus intelligit, quid quæsitū fuerit Tridentinis illis præparationibus, ad iustificationem: ut scilicet tota fides remissionis peccatorum, dubia & incerta, hoc est nulla redderetur. Ita enim Paulus loquitur Rom. 4. Si ex lege hæreditas, exinanita est fides, & abolita promissio.

Secundò. Tridentinū decretum inquit: Etiam si uerè quis iustificatus fuerit, non tamē debere quæquam absq; ulla omnino dubitatione apud semeti-
psum

psum statuere, se esse iustificatū. Nihil igitur nisi
 meras dubitationes cōtinet doctrina Pōtificia, siue
 uersetur in pręparatorijs, siue in causa principali
 iustificationis. Aduertat autem lector, quam Andra-
 dius rationem reddat, dubitandum esse etiā si uerē
 quis iustificatus sit: Quia, inquit, quędam peccata
 tā sunt occulta, ut illa internoſci nō facile possint:
 & in scrutabiles sunt cordis humani recessus. Cum
 igitur nemo scire possit, ne forsan crimine aliquo
 sit implicatus, cuius nulla sit ratione cōsciū: sem-
 per dubium manet, an simus iustificati. Cyprianus
 enim dicit: Nemo sic sibi blandiatur de puro &
 immaculato corde, ut innocentia sua fretus, medi-
 cinam non putet esse adhibendam uulneribus: cum
 scriptum sit: Quis gloriabitur, mundum se esse à
 peccato? Et Hieron. inquit: Quod nobis interdum
 mundum uidetur, Dei oculis sordidum deprehendi-
 tur, hoc est: quia causam formalem sue iustifica-
 tionis coram Deo, ad uitam æternam, constituūt in
 qualitatibus iusticię inherētis: & uerò propter
 legem peccati militantem in membris, nemo po-
 test certò statuere, illas suas inherētes qualitates
 tales esse, quę miserum peccatorem possint Deo
 gratum & acceptum facere, quęq; dignę sint uita
 æterna: meritò ergo perpetuò de sua salute dubi-
 tant, qui hoc modo iustificari uolunt. Et hoc est
 quod antea dixi, qualem iustificationem habent
 Pontificij, talem etiam docent fidem.

cunt) potest subesse falsum: & spei (sicut Iesuitæ dicunt) proprium est, posse fallere. Nec sanè elogi-
um hoc inuidemus doctrinæ Pontificiæ: imò addi-
mus ex Paulo, eos qui hoc modo suis operib. præ-
parari, & suis qualitatibus iustificari uolunt, mi-
nus adhuc quàm par est facere: quod saltem dubi-
tant de sua reconciliatione, adoptione & accepta-
tione ad uitam æternam. Paulus enim non dubita-
tiuè, sed categoricè pronunciat, se in hoc quòd ni-
hil sibi conscius est, non esse iustificatum. 1. Cor. 4.

Item qui ex operibus legis sunt, sub maledictò
sunt: quia qui non in omnibus permanserit, male-
dictus esto. Gal. 3. Qui nò ex fide, sed quasi ex ope-
ribus sectantur iustificationē, ad eam nò perueni-
unt. Rom. 9. Euacuati estis, à Christi gratia excidi-
stis, qui in lege iustificamini. Gal. 3. Qui igitur tali
consolatione afferente dubitationem & despera-
tionem delectatur, fruatur sanè ea: nec prætere-
derit, se deceptum esse: prædicunt enim Pontifi-
cij suam doctrinam non afferre talem pacem cōsci-
entijs, in qua tutò et certò acquiescere possint. Qui
ergo uult de salute sua dubitare, amplectatur do-
ctrinam Pontificiam: hoc enim est, quod de summa
& fine doctrinæ suæ pollicentur.

Non autè hîc consistunt Tridentini patres, sed
ulterius progrediuntur, & decernunt: Nemi-
nem, etiamsi uera fide credat, gratis diuina mise-
ricordia propter Christū peccata sibi remitti, de-

§40 EXAMEN DECRETORVM

bere certò statuere, se à peccatis absolui. Imò addunt: Qui credit peccata nō remitti, nisi gratis diuina misericordia propter Christum, si in illa fiducia acquiescat, tunc & ideo peccata illi non dimitti. Huic uerò blasphemiae, propter gloriam Christi & conscientiarum cōsolationem resistendum est. Et insignis contumelia est, doctrinam cœlestē hoc titulo infamare, quòd sit doctrina & materia dubitationis in articulo de remissione peccatorum. Ideo enim diuinitus patefacta est generi humano doctrina cœlestis, ideo proponitur in Ecclesia: ut uerè credentes habeant certam & firmam cōsolationē, in qua cōtra omnes tentationes tutò acquiescere possint, in promissione Euāgelij de reconciliatione sua cum Deo, de adoptione & acceptance ad uitam aeternā. Sicut igitur libenter damus, & pleno ore confirmamus, Pontificiorū doctrinam de iustificatione esse officinam dubitationis & desperationis: ita pro fiducia gratuita reconciliationis cum Deo, propter Christum mediatorem, omnino pugnandum est in Ecclesia. hæc enim est doctrina Euangelij, & Ecclesie propria. Non autem prolixa oratione disputationis huius explicationem persequemur: sed fundamenta tantum, qua fieri poterit breuitate, notabimus.

Vt autem eo commodius illud fieri possit, primum paucis illa remouebimus, quorum confusione Pontificij callide & insidiosè statum disputationis

tationis coram imperitis transponere conantur.

Non igitur disputatio est de fide hæreticorum, qui falsas & blasphemias opiniones, pugnantes cū fundamento, amplectuntur & tuentur. Nec de Epicurea persuasione, pollicente sibi in perseverantia scelerum impunitatem, quæstio est: illis enim non dubitationem, sed certam asseuerationem iræ diuinæ, nisi conuertantur proponimus. Qui talia agūt, non habent partem in regno Dei & Christi.

Fatemur etiam, ueram fidem in hac carnis infirmitate non esse perfectam, sed sæpe tentari multis & uarijs dubitationibus: ita ut in tentationibus sæpe inter trepidationes, ualde languida sit fiducia. Docemus autem non indulgendum dubitationi, sed perpetuò cum ea luctandum, & orandum: Credo Domine, sed tu opem fer incredulitati meæ. item: Domine adauge nobis fidem. Monetur etiam iustificati, ne fiducia misericordiæ Dei, ad alendā & confirmandā securitatem & petulantiam carnis abutantur, illa enim semper freno timoris Domini coercenda & reprimenda est. Nec sanè quando respicimus ad infirmitatem nostram ad nouas nostras qualitates, siue uirtutes, inde concipimus fiduciam, quòd Deo certò simus accepti ad uitā æternam: disertè enim cum Paulo fatemur, In hoc non sum iustificatus.

Has quæstiones ideo ab hac disputatione separo. uideo enim Pontificios harum confusione hanc

84: EXAMEN DECRETORVM

doctrinam turbare. Verus igitur controuersie huius, inter nos et Pontificios status hic est: quod ipsi docent, Peccatorem quando in seria pœnitentia, uera fide, ex uerbo Dei per Spiritum sanctum concepta, apprehēdit promissionem gratuita misericordiae, & in ea simul apprehendit ipsum mediatorem filium Dei, qui est iusticia nostra, nec posse nec debere certa fiducia statuere, peccata sibi remitti: posse quidem bene sperare, & de Dei misericordia optima quaeque sibi polliceri: sed hæc tamen sine certa fiducia in medio fluctuantis dubitationis suspensa esse relinquenda: quia fidei possit subesse falsum, & spes possit fallere. Et hanc dubitationem numerant non inter infirmitates & maculas carnis, sed inter uirtutes fidei: ut nisi dubitatio adsit, ornet & commendet fidem, sit inanis hæreticorum fiducia non fides iustificans. Quia uerò uident duo hæc manifestè esse pugnantia, credere & dubitare: fingunt fidem in genere quidem statuere promissiones diuinas de misericordia Dei, de merito Christi & de sacramentorum efficacia, ueras & certas esse: sed de applicatione ad credentes, fidem debere in perpetua dubitatione suspensam manere: an scilicet mea fides, quæ promissione Dei nititur, certò iuxta dicta Euangelica statuere debeat: Confide fili, remittuntur tibi peccata tua. item: Fides tua te saluum fecit.

Iuxta

Iuxta Pontificios igitur, fides inter uniuersalia siue realia siue nominalia, inter ideas Platonicas in aere, generali persuasione suspensa uoluitabit: de applicatione ad personam credentem uel non sollicita, uel non certa.

Quia uerò utilis & necessaria est illa doctrina, quæ Euangelij propria est: quomodo conscientie, quæ pauore iræ Dei propter peccata anguntur, possint habere certam & firmam consolationē, in qua certa fiducia de remissione peccatorū acquiescere possint: non prolixè sanè rhetoricabimur, sed præcipua tantū fundamēta ei⁹ doctrinæ notabimus.

1. Fundamentum firmum & manifestum sumitur ex natura & proprietate promissionis gratuite: fiducia enim salutis nostræ non eo nititur, quasi ingenij nostri perspicacia, acumine suo possit penetrare cœlos cœlorum, & scrutari quid de me in arcano consilio Trinitatis decretum sit: sed hoc fundamento nititur, quòd Deus ex arcana luce prodiens, uoluntatem suam nobis in uerbo patefecit: ut Paulus 2. Corinthiorum secundo, non dubitet affirmare, nos mentem Christi tenere. Et in lege quidem uoluntas Dei ita patefacta est: Qui fecerit hæc, uiuet in eis. Quòd si per dubitationē apprehendi posset uita æterna, nulla magis idonea esset promissio q̄ legis. propter annexā enim cōditionē perfectæ impletionis, cōscientias relinquit in perpetua dubitatione. Ro. 4. Quia uerò nō dubitatio, sed

sed fides iustificat: nec qui dubitat, sed qui credit habet uitam æternam: ideo Deus proposuit gratuitam promissionem Euangelij, quæ nititur non nostris operibus, sed misericordia Dei propter obedientiam filij Mediatoris. Et quare hæc promissio sit proposita, Paulus ostendit Roman. 4. Ideo ex fide, ut secundum gratiam, ut firma sit promissio. Num uerò ut tantum in genere, & per se firma sit promissio? Imò, inquit Paulus, ut firma sit omni semini. Quomodo uerò? Scriptum est, inquit, propter nos, quibus imputabitur credentibus. In genere enim & per se, firma est etiam legis promissio. ut uerò nobis sit firma, ideo secundum gratiam, & ex fide. Ita Hebr. 6. extat pulcherrima sententia, Deum in gratuita promissione interposuisse iusurandum: ut per duas res immobiles, quibus impossibile est mentiri Deum, firmam consolationem habeamus, qui confugimus ad tenendam propositam spem. Audis non in genere tantum, nec per se firmam tantum esse promissionem: sed ut nos, qui confugimus ad apprehendendam propositam spem, firmam consolationem habeamus. Ex hoc fundamento Ioannes ducit argumentum, 1. cap. 5. Qui non credit Deo, mendacem facit eum. Nec uerò de generali assensione Ioannes loquitur. subiungit enim: Hæc scribo uobis, qui creditis in nomen filij Dei, ut sciatis quòd uitam æternam habetis.

Nam si credo in filium Dei, & tamen dubito,

an habeam uitam æternam: non credo huic promissioni. Qui credit in filium, habet uitam æternam. Iuxta Ioānem igitur facio Deum mendacem.

2. Ex proprietate fidei iustificantis. Tribuitur enim fidei πληροφορία, ὑπόστασις, ἔλεγχος, παρρησία, πεποιθήσις: quæ certè non dubitationem, sed certam & firmam fiduciam significat: sicut exemplis probare possem, nisi uererer prolixitatem. Ioannes peculiari consilio de fide ita loquitur, 1. cap. 3. Scimus quòd translati sumus à morte ad uitam. cap. 5. Vt sciatis, quoniam uitam habetis æternam, qui creditis in nomen filij Dei. 1. Pet. 1. Perfected sperate in eam quæ ad uos defertur gratiam. Heb. 3. Si fiduciam & gloriationem spei ad finem usq; firmam tenuerimus. Heb. 10. Accedamus uerò corde in plerophoria fidei, tenentes confessionem spei ἀκλινῇ. Heb. 6. extat dulcissima metaphorā ancoræ. Quando enim ancora in terram sabulosam incidit, non potest nauem firmiter retinere: quādo uerò in fundum firmum & tenacem iacta est, firmiter retinet nauē contra omnes fluctus. Ita inquit ancorā spei nostræ iactum esse in ipsum cælum: & quidem ubi Christus pro nobis Pontifex est, qui apprehenderit, fulcit & retinet ancoram illam. sicut inquit Ioan. 10. De manu mea nemo rapiet eas. Et sicut Paulus inquit Phil. 3. Apprehendi, imò magis apprehensus sum. Ita Roman. 15.

Iusti-

Iustificati fide, pacem habemus apud Deum. Item: Stamus in gratia Dei, & gloriamur spe glorie Dei. Roman. 4. Ideo ex fide, ut firma sit promissio. Has dulcissimas consolationes, sceleratè nobis dubitatione sua deprauare & eripere conatur Pontificij Academici. Quòd si uirtus esset dubitatio, nõ rectè præciperetur esse luctandum contra dubitationem: nec iuberemur petere: Adauge nobis fidẽ, Adiua incredulitatem. Est & hoc ualde firmum argumentum, contra Pontificiam dubitationem, quod 2. Corinth. 13. Paulus inquit: Tentate & probate uos ipsos, an sitis in fide. An ne cognoscitis uos ipsos, quòd Iesus Christus in uobis sit, nisi forsitan reprobi estis. Audis quemque debere se ipsum probare, an sit in fide: & illos qui non agnoscunt Christũ in se esse, reprobos esse. Hæc copiosa oratione possent explicari: sed nos tantum fundamenta nunc monstramus. Illud tantum addam, quàm uarijs artificijs locum Romanorum octauo, ludificare conentur Pontificij. Pighius ex Thoma dicit, Paulum ibi tantum de suæ salutis certitudine quam ex peculiari reuelatione habuerit, loqui: non uerò affirmare omnem Christi fidelem, eiusmodi certitudinem habere: sed hoc manifestè falsum est. Paulus enim in tota illa sententia in plurali loquitur, & fundamenta illius certitudinis ponit: Christus mortuus est, imò sedet ad dexteram patris, interpellans pro nobis.

Andradius igitur uidens, has ludificationes non posse consistere, dicit uerbum *πεισμαι* significare non certam fiduciam, sed uerisimilem estimationem seu persuasionem: quæ tamen falli possit, quia in quibusdam Scripturæ locis ita usurpetur. Atqui usurpatur etiam pro certa, firma & indubitata persuasione, 2 Tim. 1. Certus sum, quod potens est depositum meum seruare. Et ab hoc themate *πεισθης* deducitur.

Quæstio iam est: utra significatio conueniat loco Romanorum octauo. Illud uerò totus contextus tantum non clamat: Si Deus pro nobis, quis contra nos? Quomodo non omnia cum filio nobis donaret? Quis accusabit, quis cõdemnabit? Deus iustificat, Christus mortuus est. Quis separabit nos à charitate Dei, quæ est in Christo Iesu Domino nostro. Num periculum, num gladius? &c. Imò in his omnibus plusquam uincimus, per eum qui dilexit nos. Et post hæc sequitur uerbum *πεισμαι*. Manifestissimum autẽ est, eum cum ratione (quod dicitur) insanire, qui totã illam orationẽ, de dubitatione conaretur explicare. Et inter ipsos Pontificios, nemo hactenus ausus fuit dicere, Paulum Roman. 8. de sua etiam salute incertum dubitare: nisi quod Iesuitarum impudentia hoc tentauit, quam Andradius non æquare tantum, sed & superare contendit.

3. Doctrina de uero usu sacramentorũ, præbet
sua.

suauissima argumenta de certitudine salutis credentium, contra dubitationem Pontificiorum. Certum enim est, filium Dei promissione gratiæ, sua institutione addidisse signa illa quæ sacramenta uocantur: ut promissio Euangelij non tantum in genere proponeretur, sed ut in actione sacramentorum, generalis illa promissio singulis fide utentibus offerretur, applicaretur & obsignaretur: & quidem ut fidei infirmitas, quæ generali & nuda promissione contra spem in spem ægrè se potest sustentare, efficacia sacramentorum subleuaretur & confirmaretur. Ita Romanorum quarto, circumcisio uocatur sigillum iusticiæ fidei, Galatas tertio: Quotquot baptisati estis, Christum induistis. prima Petri tertio, Baptismus est stipulatio bonæ cōscientiæ. In usu cœnæ Dominicæ, singulis non indignè accedentibus filius Dei applicat illud: Accipe, ede: hoc est corpus meum, quod pro te traditum est: hoc poculum, nouū Testamentum est, &c. Ita oratio Damasceni, in sumptione mysteriorum inquit: Dignare ut accipiam, εἰς ἁγῶν καὶ μελλόντων ζωῆς καὶ βασιλείας. De absolute quàm dulcis est promissio: Quorū remiseritis peccata, remissa erunt eis. Quicquid solueritis in terra, solutū erit in cœlo. Hinc Gerson rectè disputat, absolutionē nō in optatiuo modo, sed propter certitudinē pronunciandam esse in indicatiuo modo: sicut hac forma absolutionis Nathan utitur:

Domi-

Dominus abstulit peccatum tuum. Et Christus Lucæ 7. Fides tua te saluam fecit: uade in pace. Matt. 9. Confide fili, remittuntur tibi peccata tua. Hæ dulcissimæ consolationes non tantum labefactantur, sed omnino conscientijs eripiuntur per Pontificiam dubitationem.

4. Firmiſſima argumenta contra Pontificiorũ dubitationem, ſumuntur ex testimonijs Scripturæ de obſignatione credentium per ſpiritum ſanctũ. Eph. 1. Poſtquam credidiſtis, obſignati eſtis ſpiritu promiſſionis ſancto, qui eſt arrhabo hæreditatis noſtræ. 2. Corin. 1. Deus eſt qui obſignauit nos, deditq; arrham ſpiritus in cordibus noſtris. Ephes. 4. Nō contriſtetis ſpiritum, quo obſignati eſtis in diem redemptionis, &c. Emphaſes uocabulorum obſignationis & arrhabonis, pulcherrimè cōfirmant hanc doctrinā. Obſignatio enim extra omnē controuerſiam ijs adhibetur, quæ uolumus alijs ad quas illa pertinet, indubitata, & q̄ certiſſima eſſe: & quidem in hunc finem adhibetur, ut omnis dubitatio & hæſitatio, quæcunq; incidere poſſet, per obſignationē remoueat. Nec uerò obſignatio ſpiritus in ſingulis credentibus, ad generalem tantũ perſuaſionē pertinet: ſed ut ſinguli ſtatuāt ſibi firmam & certā eſſe promiſſionem: et quidem cōtra dubitationem, quæ naturaliter hæret in animis noſtris, Deus adhibet obſignationem precioſiſſimā & firmiſſimā, ipſum ſcilicet ſpiritum ſanctum.

Alterũ uocabulũ, est arrhabo: quod origine Hebraicũ esse, certũ est. Significat autẽ hypothecã, cautionem seu symbolum, quodcunq; sit, quo ratificatur & confirmatur fideiussio: non certẽ ut de ea dubitetur, sed ut ei fides indubitata habeatur. Hoc etiam uocabulo appellantur obsides, 4. Reg. 14. usurpatur & Gen. 28. sicut à Latinis arra, pro parte aliqua persoluti precij, qua fides sit persoluendæ reliquæ summæ. Et hæc uocabula præbent dulcissimã consolationem. Quia enim salui sumus, sed spe, Rom. 8. & interim uarijs tentationibus fides quassatur & conculitur ne propterea de bona Dei erga nos uoluntate, de remissione peccatorum, adoptione, salute, & uita æterna dubitemus, dedit nobis quasi obsidem, pignus & arram: non angelum, uel creatum aliquid: sed ipsum Spiritum sanctum, qui est ὁμοούσιος patri & filio: ut contra omnem dubitationẽ, in fiducia salutis nostræ quæ in nobis reuelabitur, acquiescere possimus. Et illæ metaphoræ manifestis seminibus alibi explicantur. 1. Ioan. 5. Qui credit in filium, habet testimonium in seipso. Ro. 8. Spiritus sanctus dat testimonium spiritui nostro, quòd filij Dei simus. Gal. 4. Deus misit spiritum filij sui in corda nostra clamantem abba pater. 1. Cor. 2. Accepimus spiritum ex Deo, ut sciamus quæ nobis à Deo donata sunt. Ephes. 1. Illuminati oculos mentis, ut sciamus quæ spes hæreditatis nostræ, &c. insignis igitur

contumẽ-

contumelia est in spiritum gratiæ, decretum Tridentini concilij, de dubitatione ueræ fidei.

De his dulcissimis sententijs Andradius inquit, ridiculè magis quàm acutè dici, credemes inde certam certas reddi de reconciliatione, quòd Spiritus sanctus id intus in animo testetur: Quia, inquit, sine peculiari reuelatione nemini certò constare potest, illam quam multi sentiunt nemis testificationem, esse Spiritus sancti uoces. Et certum quidem est, non omnes humani animi cogitationes & impetus, esse motus & impulsus Spiritus sancti: sed quia uerbum Euangelij est nuntiari spiritus, 2. Cor. 3. Ioann. 6. & ex auditu fidei spiritus accipitur, Gal. 3. testificationem igitur in mente credendum, ex fide secundum promissionem Euangelij conceptam, certum est esse ob signationem Spiritus sancti, sicut Paulus inquit: Postquam credidistis, ob signati estis spiritu promissionis sancto: Eph. 1. Andradius uerò uult, hæc iudicari non secundum uerbum promissionis, sed expectandas esse peculiare reuelationes alias sine quibus ambiguam, dubiam & incertam, forsitan etiam falsam esse credentium fiduciam, ipsam etiam ob signationem spiritus, de qua Paulus loquitur.

5. Idem probatur ab exemplis sanctorum, ut de Abraham, Romanorum quarto, Paulus dicit: Contra spem in spem credidit. Et non infirmatus est fide, in promissione etiam Dei non

hæsitauit diffidentia, sed confortatus est fide: plenissime sciens, quia quæcumq; promissit Deus, potens est & facere. Ideo & reputatum est ei ad iusticiam. Hæc non uerba, sed fulmina sunt contra Tridentinum decretum quod dicit, Nemini qui in fiducia remissionis peccatorum iuxta promissionem acquiescit, peccata remitti. Paulus uero dicit, Ideo reputatum est ei ad iusticiam. Nec de generali assensione loquitur Paulus, sed de applicatione ad indiuiduum, ad Abraham scilicet.

Dauid inquit Ps. 22. Si ambulauero in mediobus bra mortis, nã timebo mala, quoniã tu mecũ es.

Psalm. 26. Dominus salus mea: quem timebo? à quotrepidabo?

Psalm. 30. In te Domine speraui, non confundar in æternũ. item: Qui confidit in Domino, sicut mons Sion in æternum non commouebitur.

Paulus Romanor. 8. Quis accusabit, quis condemnabit, quis separabit? &c persuasum enim mihi habeo, quod nulla creatura poterit nos separare à dilectione Dei, qua diligit nos in Christo Iesu Domino nostro.

Luc. 7. Remittuntur tibi peccata tua, uade in pace: fides tua te saluam fecit. Matt. 9. Bono animo esto fili, remittunt tibi peccata tua.

6. Dubitatio pugnans cum fiducia, disertis uerbis in Scriptura reprehenditur. Matth. 6. O modica fidei. Matt. 14. Modice fidei, quid dubitasti?

utitur uerbo *διταράξαι*, quod significat, quando animus affectibus, nunc huc nunc illuc impellitur, ut non maneat in una sententia. Ita usurpatur 7. Ethicor. cap. 2. Et idem est quod Pontificij dicūt, spem asseiri quidem propter probabiles rationes uni parti sed tamen cum formidine partis alterius. Rom. 4. Iacob. 1. Mar. 11. fidei opponitur uerbum *διανέμειν*, quod Budæus inde dici sentit, quod illi qui hæsitant, secum ipsi alternantibus sententijs quasi litigant & disceptant. Et planè talem fidem fingunt Pontificij.

* Luc. 12. loco *ὁ διχοπορίας*, utitur uerbo *μετέωρος* quod significat animū ancipiti & sollicita dubitatione suspensum, quò res euasura sit: sicut quæ in sublimi suspensa sunt. facili momento huc illuc impelluntur. Ita Thucyd. lib. 2. Tota Græcia *μετέωρος* lū. Græci interpretes Psal. 41. 92. 87. de fluctibus maris uehementioribus hoc uocabulum usurpant. Et hanc amphiboliam Iacobus cap. 1. explicat: Postulet in fide, nihil hæsitans. qui enim hæsitat, similis est fluctui maris, qui à uento circumagitur. Nō ergo existimet homo ille, quod accipiat aliquid à Domino. Loquitur autem Iacobus non simpliciter de infidelitate, sed uirum uerbo *διανέμειν* de quo iam dictum est. Simpliciter igitur damnat Trideminam dubitationem. Et obseruet lector, quod Trideminum decretum hæsitationem facit uirtutem fidei: Paulus uerò Rom. 4.

354 EXAMEN DECRETORVM

eam tribuit τῇ ἀπιστίᾳ, incredulitati. Et Roman.
 14. synonyma sunt, Quicquid non est ex fide: &
 Quicquid fit dubitante conscientia. Et affirmat,
 dubitationem non tantum per se esse uitium, ue-
 rum etiā cōtamınare alia opera ut fiant peccata.
 7. Vtilis est hęc etiā observatio, unde sum-
 pta sit doctrina, quę iubet uerē credentes dubita-
 re de remissione suorū peccatorū. Nā Mat. 9. scri-
 bē, de generali quidem promissione remissionis
 peccatorum, non dubitant: sed Christum blasphem-
 ię arguunt, propterea quōd doceat se tam certō
 promittere, & donare remissionem peccatorū cre-
 dentibus, ut iubeat paralyticum *ἄρρωστὸν*, hoc est
 bono & tranquillo animo esse. Ita Luc. 7. cum
 Christus mulierem absolueret, Remittuntur tibi
 peccata tua: & iuberet eam in pace ire, pharisęi
 inuoluunt blasphemiam esse.

Et Nouatiani, conuersis post lapsum non sim-
 pliciter negabant remissionem peccatorum, sed
 iuebant illos bene quidem sperare, non tamen cer-
 tō statuere, uel posse uel debere peccata sibi re-
 mitti. Ita enim in Tripart. lib. 9. error ipsorum de-
 scribitur: esse quidem lapsos inuitandos ad pœni-
 tentiam, remissionem uerō Dei potestati relin-
 quendam. Ita etiā Ambrosius de pœnitentia lib.
 1. cap. 2. Nouatiani dicunt se soli Deo remittendo-
 rum criminū potestatem reseruare. Sed Christus
 mandauit discipulis, soluere peccata. Et lib. 2. cap.
 5. dicit

5. dicit Nouatianos pro stabilienda dubitatione de remissione peccatorum, obieciſſe locum ex Actis cap. 8. ubi Petrus dicit: Pœnitentiam age, ſi forte tibi remittatur iniquitas peccati tui. Ibi dicunt, Petrum non certò affirmariſſe, pœnitentibus peccata dimitti. Ambroſius uerò reſpondet, Petrum ita loqui: quia Simon magus non ex fide credebat, ſed dolum cogitabat. De phraſi uerò, inquit, ego nec Petrũ dubitaſſe dico. Nec uerbi unius præiudicio, totã cauſam ſtrangulandã arbitror. Nam & Chriſtus dicit Io. 8. Si me ſciretis, forſitan & patrẽ meũ ſciretis. Et addit: Nec poterat Petrus dubitare de Chriſti munere, qui ſibi ſoluendorũ peccatorũ dederat poteſtatem. Obſeruet lector, Nouatianos in ſuo certamine nõ ſimpliciter diſputaſſe, Deũ nemini q̃ poſt lapſum pœnitentiã agit, uelle peccata remittere: ſed hæc fuit iuxta Ambroſiũ cõtrouerſia, an miniſter Eccleſiæ, cui cõmiſſa eſt poteſtas ſoluendi peccata, certò debeat affirmare: an uerò dubitatiuè proponere, illis qui pœnitentiam agunt, peccata dimitti. item an pœnitēs, qui uera fide amplectitur Chriſtũ, certò ſtatuerẽ: an uerò dubitare debeat, ſibi peccata dimitti. Et ad hãc deſcriptionẽ certaminis Nouatiani, cõferatur doctrina Põtificia, de dubitatiõe. Addã uerò et hoc, q̃ ali⁹ quidã ſuppoſitici⁹ libellus de exhortatiõe ad pœnitentiã, in titulo Ambroſij dicit: Pœnitentiã dare poſſum, curitatẽ dare nõ poſſum. Non dico damnabitur,

sed nec liberabitur dico. Non præsumo, non promitto, prorsus nescio de Dei uoluntate: Aut ignoscetur tibi aut non ignoscetur, quid horum tibi futurum sit, nescio.

Hæc certè contradictoria planè sunt eius sententiæ, quã Ambrosius cõtra Nouatianos ex Scriptura defendit. Et hoc obseruet lector, multa suppositicia interspersa esse scriptis Patrũ, ut ita specie antiquitatis simpliciorib. facilius imponatur.

Postremò extant et ueterum Scriptorũ præclara testimonia, quæ ostẽdunt nouitiũ et adulteriũ esse Pontificiorũ dogma, de dubitatione. Nos illa tantum annotabimus in quibus conspicitur planè eadem tunc cõtra fiduciã fidei fuisse obiecta, quæ nunc agitantur & opponuntur à Pontificijs.

De obiectione enim arrogantie & superbiæ Augustinus inquit sermone 28. de uerbis Domini, Omnia tibi peccata tua dimissa sunt. Ideo præsumere nõ de operatione tua, sed de Christi gratia. Gratia enim saluati estis, inquit Apostolus. Non ergo hic arrogãtia est, sed fides, prædicare quod acceperis, nõ est superbia, sed deuotio. De obiectione indignitatis & indispositionis August. in Psal. 88. ita inq̃t: Hoc dixit Deus. Hoc promisit, si parũ est, hoc iurauit, quia ergo non secundũ merita nostra, sed secundũ illius misericordiã firma est promissio, nemo debet cum trepidatione prædicare, de quo nõ potest dubitare. Bernhardus de fragmẽtis septem
serm.

Serm. 3. Tria considero in quibus tota spes mea consistit. Caritatē adoptionis, ueritatē promissionis, potestātē redditionis, murmure iam quātū uoluerit insipiens cogitatio mea dicens: Quis es tu, aut quanta est illa gloria, quibusue meritis hāc obtinere speras? Et ego fiducialiter respondeo: Scio cui credidi et certus sum, quia in caritate nimia adoptauit me, quia uerax est in promissione, quia potēs in exhibitione. Hic est funiculus triplex, q̄ difficile rumpitur: quem nobis ē patria nostra in hūc carcerem usq; demissum, firmiter obsecro teneamus: ut ipse nos subleuet, ipse nos trahat, & pertrahat usq; ad conspectum gloriæ magni Dei.

Ad obiectiones ex Ioele et Iona, Nazianzenus in oratione cōsolatoria in grādinis calamitate ita respondet: Quis scit, nū quid cōuertatur & poeniteat, & relinquat benedictionē? Atqui manifestē hoc scio. Ego diuinæ clemenciæ fideiussor sum. Ad sententiā Solomonis, quæ ab aduersarijs semper opponitur Bernhardus pulcherrimē respondet, scr. 5. in dedicat. Quis poterit saluus esse: dicūt discipuli. Et apud homines hoc impossibilē est, sed non apud Deū. Sed de possibilitate iam certi, de uoluntate quid agimus? Quis scit, si est dignus amore uel odio? Quis nouit sensum Domini? Hic iam planē fidem nobis subuenire necesse est. Hic oportet succurrere ueritatē: ut quod de nobis latet in corde patris, nobis per ipsius spiritū reueletur: & spiri-

858 EXAMEN DECRETORVM

tus eius testificans, persuadeat spiritui nostro, q̄ filij Dei sumus: persuadeat autem uocando, & iustificando gratis per fidem.

De presumptionis obiectione, August. respondet Tract. 22. in 10ā. Oportet nos oēs exhiberi ante tribunal Christi: & tu tibi audes p̄mittere, quia in iudicium non uenies? Absit, inquis, ut ego hoc mihi promittere audeam: sed credo promittenti (in iudicium non ueniet) Ideo non presumptione mea, sed ipsius promissione in iudicium non uenio.

Ad obiectionē de fide generali, respondet Bernhardus De annunciatione serm. 2. Necesse est primo omnium credere, q̄ promissionem habere non possis, nisi per indulgentiam Dei. Sed adde ut credas et hoc, q̄ per ipsum peccata tua donantur. Hoc est testimonium quod perhibet Spiritus sanctus in corde tuo: Dimissa tibi sunt peccata tua.

Dubitationem et incertitudinem pugnare cum ipsa fide & iustificatione, Hilarius pronūciat in 5. Mat. Regnū cœlorū quod Dominus noster in se esse positū, est professus, uult sine aliqua incertæ uolumatis ambiguitate sperare: quod alioqui iustificatio ex fide nulla est, si fides sit ambigua.

Cyprianus serm. 4. de mortalitate: Quis hīc anxietatis et sollicitudinis locus est? Quis inter hæc trepidus et mœstus est, nisi cui spes et fides deest? Eius est enim mortem timere, qui ad Christū trāsi re nolit: eius est ad Christū nolle ire, qui se non credit

credit cū Christo incipere regnare. Scriptū est. n-
iustū fide uiuere. Si iustus es, et fide uiuis, si uerè in
Deū credis: cur nō cum Christo, futurus et de Do-
mini pollicitatione securus, amplecteris? Itē: Deus
tibi de hoc mundo recedenti, immortalitatē polli-
cetur: et tu dubitas et fluctuas. hoc est, Deū omni-
no non nosse, hoc est Christū credentiū magistrū
peccato incredulitatis offendere: hoc est in Eccle-
sia constitutū, fidem in domo fidei non habere.

Hæc fundamenta profectò tam sum firma &
perspicua: ut mirū sit inueniri homines, & quidem
titulo Ecclesiæ gloriames, qui ausint contrarium
statuere: & quidem cum anathematis denuncia-
tione, ueram, firmā & certam consolationem con-
scientijs eripere, ut homines in pristinā rursus con-
scientiarū carnificinam detrudant.

Sed inquis: Habent & ipsi dubitationes suæ ra-
tiones. Respōdeo: Antea diximus, quia simpliciter
legem tantū docent, hoc est, hominem suis qualita-
tibus & operibus iustificari: nō possunt aliud do-
ctrina sua efficere, quàm perpetuas dubitationes,
& tādē desperationem. Hæc uerò suprà sunt ex-
plicata. Videbimus iam de reliquis obiectionibus.

Et q̄ primò dicunt, hæreticos qui falsas et bla-
sphemas opiniones defendūt, Epicureos etiā in me-
dijs scelerib. sine pœnitētia, posse talē persuasionē
certitudinis sibi fingere: facilis est responsio. Non
enim loquimur uel de falsa, uel de mortua aut dia-
boli-

bolica: sed de uera fide, & uerè credendi ibi. Nihil igitur amplius dico quàm prodigiosam esse argumē-
tationē, propter falsam fidem labefactare & conuellere ueram fidem.

Secundò opponum cōtra fiduciā, respectū propriæ infirmitatis et indignitatis. Et speciosè amplificane, quàm grata Deo uirtus sit, uera animi humilitas, agnoscens & confitens propriā indignitatem, quando in conspectū Dei progrediendū est. Respondeo. Fides nostra omnino habet, & debet habere adiunctā uerā humilitatē, quæ ser iō considerat, agnoscit & fatetur propriā nostrā indignitatem. ita ut nō ausit nostrā dignitatē opponere iudicio Dei, in articulo iustificationis: sed ser iō statuit, et ex animo cōfitetur: Nō intres in iudiciū cum seruo tuo, quia non iustificabitur in cōspectu tuo omnis uiuens. Hæc uerò humilitas nō facit fidem dubiam & fluctuantē: quia nō detinet conscientiam in lege, ut propriā dignitatē opponat iudicio Dei: sed impellit & urget, ut querat aliā promissionē, in qua gratis propter filiū Mediatorē, pater credemus donet reconciliationē: ut quia in propria dignitate non potest inuenire, quo tutò corā iudicio Dei nitatur, at prehendat illum mediatorē, in cuius uulnerib. firma tutaq; securitas est uerè credentibus: sicut Bernhardus loquitur.

Tertio docē: mō de prædestinationē siue electione, opponum cōtra fiduciā salutis: utiq; specie aliquā

qua illud faciāt, dicūt temerariā praesumptionē ar-
 canū mysterij praedestinationis cauendā esse. Et
 uerū sanē est, quod sedulò etiā apud nos docetur,
 nō esse in arcanū consiliū Dei inquirendū, ut inde
 statuamus, an simus in numero electorū. hoc enim
 praecipitum est in multos errores, & deniq; in i-
 psam desperationem. De electione enim non est in-
 dicandū ex rationis cogitationibus, aut dubijs spe-
 culatōibus, quid in arca non consilio Dei, de cu-
 iusq; uel salute, uel damnatione decretū sit: sed ex
 uerbo Dei, in quo uoluntatem suā Deus nobis pa-
 tet fecit: non autem ex lege, quā de nostris operib.
 meritis & dignitate concionatur: sed ex Euange-
 lio. Loquitur autem Euangelium de electione, non
 sicut poetae de tabulis Parcarū fabulātur, alios ad-
 uitā, alios ad mortē adscriptos esse: qua de re planē
 nihil nobis cōstet, an simus in numero saluandorū,
 an uerò damnandorū. Sed doctrina praedestinati-
 onis proponit decreta à Deo facta, et postea in uer-
 bo reuelata, de causis & modo saluandi aut dam-
 nandi ut est. 1. Decretum Dei de redimendo gene-
 re humano, per obediētiā & passiōē Christi me-
 diatoris. 2. Decretū de uocandis, per ministeriū
 uerbi, tam iudeis quā Gentibus, ad cōmunionē
 meriti Christi ad salutem 3. Decretum Dei, quod
 spiritu suo uelut per auditum uerbi in cordibus ho-
 minum operari, ut agant poenitentiam, & credāt
 Euangelio. 4. Decretum Dei, quod illos qui cum
 sentiunt.

sentiunt peccata sua & iram Dei, fide confugiunt ad thronum gratiæ, & Christum mediatorem in promissione Euangelij propositum amplectuntur, uelit iustificare & saluare: abijcientes uerò uerbam, aspernantes & non amplectentes promissionem, uelit damnare.

Hæc est summa et ἀναλυσίς doctrinæ de prædestinatione, sicut illa in uerbo patefacta est: quæ non docet uerè credentes debere dubitare, an sint in numero electorū: sed sicut Paulus Rom. 8. gradationem instituit: Quos elegit, hos uocauit: quos uocauit, iustificauit. Ergo quos Deus uocat et iustificat, illi certò debent statuere se esse electos. Et lector si inspexerit Scripturæ sensum de electione, manifestè uidebit doctrinā prædestinationis in Scriptura patefactā esse nō ut dubiā & incertam redderet salutē credentiū, sed ut esset fundamentū certitudinis. Eph. 1. Elegit nos in Christo, ante creationem mundi. 2. Timot. 2. Fundamentum Dei stat firmū, habens hoc sigillum: Nouit Dominus suos: Ioan. 10. Oues meæ uocem meam audiunt, & non peribunt in æternum, & nemo rapiet eas de manu mea. Rom. 8. Qui secundum propositum Dei uocati sunt. Quis igitur damnabit? quis separabit? Ro. 11. Dona & uocatio Dei sunt sine poenitentia. 2. Tim. 1. Non dedit nobis spiritum timoris. Vocauit enim nos secundum propositum suum, & gratiam quæ data nobis est in Christo Iesu, ante tempora secularia, &c.

Et

Et nunc quidem totā doctrinā prædestinationis non constitui explicare: sed tantum ostendere uolui, electionem Dei, sicut in uerbo Dei patefacta est, non labefactare, sed confirmare & stabilire certitudinem salutis, & fiduciam credentium. Falsum enim est, quod in 12. cap. dicit Tridentum concilium: ex uerbo Dei non posse scire, quos Deus sibi elegerit, nisi præter & extra uerbum specialis reuelatio accedat. Neq; hoc uerum est: neminem uerè credentem, ex uerbo Dei, sine peculiari reuelatione certò posse statuere, se esse in numero prædestinatorum. Pugnant enim hæc cum Scriptura. sicut ostendimus. Non ignoro autem, multa inextricabilia & portentosa neçti de prædestinatione, à spinosis ingenijs: sed quam iudicem esse simplicissimam sententiam, breuiter exposui.

Quartò, obijciunt etiam sententias de perseverantia. Ut maximè de præsentis ratia certi sint credentes, neminem tamen certum esse, an sit perseveraturus in finem. Et quia illi soli salui fiunt, qui usque in finem perseverant: non igitur posse certam fiduciam esse de salute credentium. Respondeo: Multos non perseverare, sed gratia excidere, & Scriptura & experientia docet. Sed hoc fit non inde & ideo, quasi Deus nolit credentes quos semel in gratiam recepit, ad finem usq; conseruare: sed ideo fit, quia multi securitate, diffidentia & operibus carnis, Spiritum sanctum effun-

effundunt, & fidem excutunt. Non igitur docēdi sunt homines, quomodocunq; se gerant, non posse ipsos excidere gratia Dei. scriptum est enim Ro. 11. Si permāserint in bonitate Dei. Heb. 3. Modò si duciā retineāt usq; ad finem. Sed monendi sunt, ut actiones carnis spiritu mortificent, & fide firmiter inhæreant Christo: illiq; per usum uerbi & sacramentorum magis magisq; uniantur, & petant à Deo donū perseverantiæ: luctenturq; ne carnis petulantia donum perseverantiæ excuiat.

Et hoc modo nō debēt dubitare de perseverantiā, sed statuere, iuxta promissiones, Phil. 1. Qui cœpit in uobis, perficiet usq; in diē Iesu Christi. Vocati .n. sumus ad consortiū Christi sempiternum: nō ut mox iterum abijciat quos sibi adiunxit: sed (sicut inquit) non peribunt in æternū. Nemo rapiet eas de manu mea. 1. Cor. 1. Confirmabit uos usq; in finem, sine crimine, in die aduentus Domini. Ita Dauid inquit: Non confundar in æternū. Et Ioannes dicit: Hæc scribo uobis, ut sciatis quòd uitā habetis æternā. Itē: Scimus cum apparuerit, quòd similes ipsi erimus. Ro. 8. Quis separabit? certus sum enim, quòd nec præsens nec futura nos separabunt. 2. Tim. 4. Reposita mihi est corona iusticiæ, quam reddet mihi Dominus in illa die. Roman. 5. Gloriamur spe gloriæ Dei. Hæ sententiæ manifeste ostendunt, spem fidelū de perseverantiā, non esse inter cœlū et terrā in ambigua dubitatione suspensam.

Quin-

Quintò, agitant has & similes Scripturæ sententias. 1. Cor. 10. Qui stat, uideat ne cadat. Phil. 2. Cum timore & tremore operemini salutem. Ro. 11. Noli altum sapere, sed time. 1. Pet. 1. In timore incolatus uestri tempore conuersemini. Prou. 28. Beatus qui terret assidue cor suum. Ad has sententias responsio generalis est. Monent enim, ne persuasione certitudinis de salute, degeneremus in carnalem securitatem: qua, ipsa fides suffocatur & extinguitur. Nec indulgeamus uitiosis affectibus, ita enim fides excutitur. Et nisi permanserimus in bonitate Dei, excindemur. Rom. 11. Non manet autem fides in illis, qui sine pœnitētia indulgent prauis affectibus. Sunt ergo hæ sententiæ non conciones de dubitatione fidei, sed exhortationes, ne fides possidens certitudinem salutis, uel securitate extinguatur, uel actionibus carnis excutiat: sed ut exerceatur perpetuò in lucta cōtra carnem, ne illius petulantia effundatur gratia, Spiritus sanctus, & certitudo salutis. Quædam etiã tales sententiæ, credentibus ob oculos ponunt suam infirmitatem: non ut fidem in dubitationem conijciant, sed ne credentes insolescant, fiducia donorum: sed ut toti à Domino pendeant, ardentius et firmitus in hæreant misericordiæ promissæ propter Christū.

Sextò. Andradius utitur etiam hoc argumento cōtra fiducia. Paulus dicit: Nihil mihi cōscius sum, sed in hoc nō sum iustificatus: quia qui me iudicat,

Dominus est. Ergo Paulus de sua iustificatione nō fuit certus. Respondeo: Paulus non tantum dubitat, an sua nouitate & suis operib. sit coram Deo iustificatus, sed disertè dicit: In hoc non sum iustificatus. Et rationem addit: Quia licet ipsum conscientia non reprehendat, & coram hominib. sit irreprehensibilis: tamen coram Dei iudicio non possit illa iusticia consistere. Aliam igitur querit, in obedientia & merito Christi, quam opponere possit iudicio et iræ Dei: ut reconcilietur, adoptetur, & acceptetur ad uitam æternam. Et de illa iustificatione non dubitatiuè loquitur, sed Ro. 5. Iustificati fide, pacem habemus. Fide accessum habemus ad gratiā, in qua stamus et gloriamur. Ro. 8. Quis condemnabit? Deus est qui iustificat, &c. Paulus igitur ueræ fidei in Christum non adimit fiduciam & certitudinem iustificationis: sed suis operibus non dubitatiuè, sed simpliciter adimit iustificationem: non tantū quæ fecit ante cōuersionē, sed cum renouatus per spiritū, in nouitate eousq; iam esset progressus, ut dicere posset: nihil mihi sum cōsciū. tamē addit: In hoc nō sum iustificatus: quia qui me iudicat, Dominus est: cuius iudiciū requirit talem perfectionē, ut qui in uno delinquit, re^p sit omniū.

Solomonis sententiā Eccl. 9. Tam amorē quā odium nescit homo: Andradius ita explicat: tam esse hominis uiuendi rationem obscuram, ut nesciat, quid potius mereatur, odiūne an amorem. Er

gōne dubiam est in Ecclesia, an Sodomitarū scele-
ra displiceant Deo? Paulus certè magna asseuera-
tione aliquoties repetit: Qui talia agunt, regnum
Dei nō possidebunt. Et ipse Solomon in eodē capi-
te mox dicit: Quia Deo placent opera tua. Quid
igitur (inquis) est, quod Solomō dicit: Tam amorē
quā odiū nescit homo? Respōdeo: Quilibet uerbo-
rū suorū ipse optimus interpret est. Solomon igi-
tur mox addit sententiæ illius rationē: Et amorē
et odiū nescit homo, eo q̄ uniuersa æquē eueniāt iu-
sto et iniusto: unde corda hominū implentur mali-
tia. hoc est: Ex euentib. externis in hac uita, nō de-
bet nec potest statui, utrū Deo placeam⁹, hoc enim
iudiciū seducit impios. Non autē sequitur: Ex euen-
tibus nō potest statui, ergo fides etiā ex uerbo Dei
debet incerta esse. In eodē. n. libro etiā dicitur: Ex
euentib. externis non posse cōgnosci, utrū differat
anima hominis à pecude: quia idem sit utriusq; in-
teritus. Rectè igitur Bernhardus dicit rationē p se
et ex euentib. nō posse statuere de amore Dei erga
nos: sed fidē ex ueritate uerbi diuini hoc statuere
et posse, et debere.

Locū Syracidis ca. 5. dixi esse deprauatū à mo-
nachis, qui fecerūt (De ꝑꝑiciato peccato noli esse
sine metu) ut dubitationē inde possent stabilire. An-
dradius uerò cōtēdit, ex Græco etiā textu illud pos-
se probari q̄a ꝑꝑiciatū illud dicatur, quod iā est
condonatū. Ergo fides etiā post acceptā iam recō-

culationem debet dubitare. Atqui in Græco nō est participiū præteritū, sed *ἡσυχασμῶν*, de propitiatione. Et ipse textus se explicat. Inquit enim: Ne dixeris, Peccavi, et qđ mihi accidit? Et postea: Ne sis sine metu, ut adijcias peccatū super peccatum, eo qđ miseratione Domini magna est. Concionatur itaq; cōtra carnalē securitatē, ne quis cumulet peccata sine pœnitentia, ideo quia proposita sit propitiatio: uel ne quis ita sit securus, ut dīfferat reconciliationem. Hæc uera sunt, quæ et nos sedulo monemus. Inde uerò non sequitur: Ergo fides debet dubitare de accepta propitiatione peccati.

Hæc fundamēta perspicua, firma et solida sunt. Quod. n. obijcitur, multos hac doctrina abuti ad securitatē: uera est responsio, propter abusum, mutandam doctrinæ ueritatē: sed seruandū esse præceptū Pauli, de rectē secando uerbo Dei. Impœnitentibus enim non præponuntur hæ cōsolationes, sed fulmina. Eph. 5. Gal. 5. Col. 3. 1. Cor. 6. Qui talia agunt, regnū Dei nō possidebunt. Illis uerò qui in pauoribus fide cōfugiūt ad thronū gratiæ, proponimus nō dubitationē, sed certā et firmā cōsolationē, ex promissione Euangelij. Quia uerò in ipsis credentibus est adhuc caro et spiritus, uetus et nouus homo: semper inculcantur etiā illæ cōmonefactiones, ne abutātur promissione Euangelij, ad stabilendam securitatē, et petulantia carnalis: qui uerò cōtemptis illis cōmonefactionibus, doctrina
hac

hac abutuntur, cogitent quod scriptum est. 2. Pet. 3. Deprauāt Scripturas ad suā ipsorū perditionē.

Postremò addenda est hæc cōmonefactio: nos non loqui de idea quadam certitudinis fidei, quæ in hac carnis infirmitate nulla prorsus temetur dubitatione, quæ nihil sentiat trepidationum: quasi infirma & languida fides, quæ non sentit perfectam fiduciam, & absolutam certitudinem, iudicanda sit non esse uera fides. suprā enim ostendimus: fidem quantumuis. infirmam, modò uerum obiectum apprehendat, uerā esse. Sed inquis: Cur igitur proponitur doctrina de fiducia & certitudine fidei, in hac carnis infirmitate? Respondeo. Propter duas causas. 1. Vt sciamus, quicquid sentitur dubitationum seu trepidationum, non esse de natura fidei, sed pertinere ad illas sententias: In carne mea non habitat bonum. Volenti mihi agere bonū, adiacet malum. Credentes igitur, corā Deo has sordes dubitationum non iactant quasi uirtutes fidei: sed agnoscunt, fidem quatenus opus & uirtus est in nobis, esse imperfectam, & illas sordes quæ fidei ex carne asperguntur, petunt tegi & ignosci. Et tamen propter obiectum, quod in illa infirmitate fides apprehendit, habem certā & firmam consolationem. 2. Proponitur ideo, ne indulgeamus dubitationibus, sed luctemur cum infirmitate fidei: ut semper ita enitamur ad certitudinem, ne patiamur nobis excuti fiduciam: sed ut

170 EXAMEN DECRETORVM

illa confirmetur, crescat & augeatur. ideo enim Deus in exercitijs fidei proposuit remedia uerbi, sacramentorum & orationis. Imò ideo spiritus adiuuat infirmitates nostras, ut fides possit eluctari, ne linum fumigans extinguatur: utq; in ipsa infirmitate, fides nihilominus habeat certam & firmam consolationem, sicut Paulus dicit: Non tam apprehendi quàm apprehensus sum: non tam cognoui, quàm cognitus sum.

Ita contra omnes sophisticas cauillationes plana, uera, utilis & necessaria est doctrina de certitudine reconciliationis, iuxta promissionem Euangelij: in qua uera fiducia credentes acquiescunt, aut saltem acquiescere conantur.

DE BONIS OPE=

RIBVS.

De obseruatione mandatorũ, deq̃
 illius necessitate & pos-
 sibilitate.

CAP. XI.

Nemo autem, quantumuis iustifi-
 catus, liberũ se esse ab obseruatio-
 ne mandatorũ putare debet: nemo te-
 meraria illa, & à patribus sub anathe-
 mate prohibita uoce uti, Dei præcepta
 homini iustificato ad obseruandũ esse
 impossibilia. Nã Deus impossibilia nõ
 iubet: sed iubẽdo monet et facere quod
 possis, & petere quod nõ possis, & ad-
 iuuat ut possis, cuius mandata graua
 non sunt, cuius iugum suaue est, & o-
 nus leue. Qui enim sunt filij Dei, Chri-
 stum diligunt: qui autem diligũt eum,
 ut ipsemet testatur, seruant sermones
 eius: quod utique cum diuino auxilio

872 EXAMEN DECRETORVM
præstare possunt. Licet. n. in hac mor-
tali uita, quantumuis sancti et iusti, in
leuia saltem & quotidiana, quæ etiã
uenalia dicuntur, peccata quãdoq; ca-
dant: non propterea desinunt esse iusti.
Nam iustorum illa uox est, et humilis
et uerax: Dimitte nobis debita nostra.
Quo fit, ut iusti ipsi eo magis se obliga-
tos ad ambulandũ in uia iusticiæ senti-
re debeant, quo liberati iam à peccato,
serui aut facti Deo, sobriè, iustè et piè
uiuētes, proficere possunt per Christũ le-
sum, per quẽ accessũ habuerunt in gra-
tiã istã. Deus namq; sua gratia semel
iustificatos nõ deserit, nisi ab eis prius
deseratur. Itaque nemo sibi in sola fide
blandiri debet, putans fide sola se hære-
dem esse constitutum, hæreditatemq;
consequuturum: etiamsi Christo non
cõpatiatur, ut et conglorificetur. Nam

& Christus ipse (ut inquit Apostolus)
 cum esset filius Dei, didicit ex his quæ
 passus est, obedientiam, & consumma-
 tus, factus est omnibus obtemperanti-
 bus sibi causa salutis æternæ. Propte-
 rea Apostolus ipse monet iustificatos,
 dicens: Nescitis, quod ij qui in stadio
 currunt, omnes quidem currunt, sed
 unus accipit brauium? Sic currite, ut
 comprehendatis. Ego igitur sic curro,
 non quasi in incertum: sic pugno, non
 quasi aerem uerberans: sed castigo cor-
 pus meum, & in seruitutem redigo: ne
 fortè cum alijs prædicauerim, ipse re-
 probus efficiar. Item princeps Aposto-
 lorū Petrus: Satagite, inquit, ut per bo-
 na opera certā uestrā uocationē & ele-
 ctionē faciatis. Hac enim faciētes, non
 peccabitis aliquādo. Unde constat, eos
 orthodoxæ religionis doctrinæ aduer-

874 EXAMEN DECRETORVM
sari, qui dicunt iustū in omni bono ope
re, saltem uenialiter peccare: aut, quod
est intolerabilius, pœnas æternas mere-
ri. atq; etiam eos, qui statuunt in om-
nibus operibus iustos peccare, si in illis
suam ipsorum socordiam excitando,
& sese in stadio ad currendum cohort-
tando, cum hoc ut in primis glorifice-
tur Deus, mercedē quoq; intuentur æ-
ternā: cū scriptū sit, Inclinaui cor meū
ad faciēdas iustificationes suas, ppter
retributionē. Et de Moise dicat. Aposto-
lus, quòd respiciebat in remunerationē.

DE FRVCTV IUSTIFICA-
tionis: hoc est, de merito bonorū
operum: deq; ipsius meriti
ratione. CAP. XVI.

HAc igitur ratione iustificatis ho-
minibus, siue acceptam gratiam
perpetuò conseruârint, siue amissam
recuperauerint, pponenda sunt Apo-
stoli

stoli uerba: *Abundantes in omni opere bono, sciētes quòd labor uester nō est inanis in Domino. Non enim iniustus est Deus ut obliuiscatur operis uestri, et dilectiōis quā ostēdistis in nomine ipsius. Et nolite amittere cōfideiā uestrā, quæ magnā habet remuneratiōē. Atq; ideo bene operantib. pponenda est uita æterna, et tanquā gratia, filiys Dei per Christū Iesum misericorditer promissa: et tanquā merces, ex ipsius Dei promissione, bonis ipsorū operib. et meritis fideliter reddenda. Hæc est enim illa corona iusticiæ, quā post suum certamen et cursum, repositā sibi esse aiebat Apostolus, à iusto iudice sibi reddendam: & non solum sibi, sed & omnibus qui diligūt aduentum eius. Cum enim ille ipse Christus Iesus, tanquam caput in membra, et tāquā uitis in palmites, in ipsos*

876 EXAMEN DECRETORVM
ipſos iuſtificatos iugiter uirtutem in-
fluat: quæ uirtus bona eorum opera
ſemper antecedit, comitatur & ſubſe-
quitur, et ſine qua nullo pacto Deo gra-
tia & meritoria eſſe poſſent: nihil i-
pſis iuſtificatis amplius deeſſe creden-
dum eſt, quo minus plenè illis quidem
operibus quæ in Deo ſunt facta, di-
uina legi, pro huius uitæ ſtatu ſaiſe-
ciſſe, & uitam æternam ſuo etiam
tempore, ſi tamen in gratia de-
ceſſerint conſequendam, uerè prome-
ruſſe cenſeantur: cum Chriſtus Sal-
uator noſter dicat: Si quis biberit ex
aqua quam ego dabo ei, non ſitiet in
æternum, ſed fiet in eo fons aquæ ſa-
lientis in uitam æternam. Itaq³ neque
propria noſtra iuſticia, tanquã ex no-
bis propria ſtatuitur: neq³ ignoratur
aut repudiatur iuſticia Dei. Qua
enim

enim iusticia nostra dicitur, quia per eam nobis inhaerentem iustificamur: illa eadem Dei est, quia à Deo nobis infunditur per Christi meritum.

Neq³ uerò illud omittēdū est, quòd licet bonis operibus in sacris literis usque adeò tribuatur, ut eam qui uni ex minimis suis potum aqua frigida dederit, promittat Christus eum non esse sua mercede cariturū: & Apostolus testetur id quod in præsenti est momentaneū, & leue tribulationis nostrae, supra modum in sublimitate, aternū gloriæ pōdus operari in nobis: absit tamē, ut Christianus homo in seipso uel confidat, uel glorietur, et non in Domino: cuius tanta est erga omnes homines bonitas, ut eorum uelit esse merita, quae sunt ipsius dona. Et quia in multis offendimus omnes, unusquisq³ sicut misericor-

sericordiam & bonitatem, ita seueritatem & iudicium ante oculos habere debet, neq₃ seipsum aliquis etiã si nihil sibi conscius fuerit, iudicare: quoniã omnis hominũ uita nõ humano iudicio examinãda & iudicanda est, sed Dei, qui illuminabit abscondita tenebrarũ, & manifestabit consilia cordiũ: et tũc laus erit unicuiq₃ à Deo, qui (ut scriptũ est) reddet unicuiq₃ secundũ opera sua.

Post hanc catholicam de iustificatione doctrinam, quam nisi quisq₃ fideliter firmiterq₃ receperit, iustificari nõ poterit: placuit sanctæ Synodo hos canones subiungere: ut omnes sciant, non solum quid tenere & sequi, sed etiam quid uitare & fugere debeant.

CANON XVIII.

Si quis dixerit, Dei præcepta homini etiam iustificato, & sub gratia constituto, esse ad obseruandũ impossibi-

CONCILII TRIDENTINI. 879
possibilia, anathema sit.

XIX.

Si quis dixerit, nihil præceptū esse in Euangelio præter fidē, cetera esse indifferentia, neq; præcepta, neq; phibita, sed libera: aut X. præcepta nihil pertinere ad Christianos, anathema sit.

XX.

Si qis hominē iustificatū, & quantumlibet perfectū, dixerit nō teneri ad obseruantiam mandatorum Dei & Ecclesie, sed tantum ad credendū: quasi uerō ad Euangelium sit nuda & absoluta promissio uite eterne, sine cōditione obseruationis mandatorum, anathema sit.

XXI.

Si quis dixerit, Christum Iesum à Deo hominibus datum fuisse, ut redemptorē cui fidāt, nō etiā ut legislatorē cui obediant, anathema sit.

XXV.

Si qis in qlibet bono opere iustū salte uenialiter peccare dixerit, aut qd
into

880 EXAMEN DECRETORVM
intolerabilius est, mortaliter, atq; i-
deo pœnas æternas mereri: tantũq;
q̃b id nō damnari, quia Deus ea ope-
ra bona non imputet ad damnatio-
nem, anathema sit.

XXVI.

Si quis dixerit, iustos non debere
pro bonis operibus quæ in Deo fue-
rint facta, expectare & sperare, eter-
nam retributionē à Deo, per eius mi-
sericordiam, & Iesu Christi meritũ, si
bene agendo, & diuina mandata cu-
stodiendo, usq; in finem perseuera-
uerit, anathema sit.

XXXI.

Si quis dixerit, iustificatũ pecca-
re, dum intuitu eterne mercedis be-
ne operatur, anathema sit.

XXXII.

Si quis dixerit, hominis iustificati
bona opera ita esse dona Dei, ut nō
sint etiã bona ipsi iustificati merita:
aut ipsũ iustificatũ, bonis operib. q̃
ab eo per Dei gratiã, & Iesu Christi
meritũ cuius membrũ uiuũ est, fiũt,
non

*non uerè mereri augmentum gratiæ,
uitam eternā, & ipsius uitæ eternæ:
sitamen in gratia discesserit, consecu-
tionem, atq; etiam gloriæ augmētum,
anathema sit.*

EXAMEN.

Non instituemus nunc integram explicationem
loci de bonis operibus: sed illa quæ in concilij Tri-
dentini decretis, et in Andradij explicationibus cō-
tra nostras Ecclesias disputantur, breuiter exami-
nabimus, & explicabimus. Possunt autem illa 4. ca-
pitibus comprehendī.

I.

An facienda sint bona opera.

II.

*Quæ sint bona opera, in quibus Deus uult re-
natos exercere obedientiam.*

III.

*An obedientia renatorum in hac uita, sit perfe-
cta legis impletio.*

IIII.

De meritis & præmijs bonorum operum.

PRIMA QVÆSTIO.

An facienda sint bona opera.

*De hac quæstione, prorsus nulla apud nos quidē
est controuersia, nisi quòd Pontificij illa calumnia*

Ecclesias nostras falso et iniuste à multis iam annis onerant, quasi ipsa uerè bona opera prohibeamus, & omne studiũ eorũ damnemus. Tridentinũ conciliũ cap. 11. insinuat nos, quasi in sola fide ita nobis blãdiamur, ut existimemus nos prorsus liberos esse ab obseruatione mandatorũ Dei. Et Canone 19. nobis oblique tribuunt illam doctrinam, nihil esse præceptũ præter fidẽ: cetera omnia esse indifferentia, neq; præcepta, neque prohibita, sed libera: & quidẽ ita, ac si doctrina Decalogi nihil ad Christia nos pertineat. Hæ uerè Pontificiæ caluniæ, sæpius uerè & grauiter à nostris refutate sunt. Et quidẽ scripta nostrorum, præcipue uerò ipsa uox doctrinæ, quotidie sonãs in nostris Ecclesijs, luculentum dicit coram toto mundo testimonium, ipsis etiam Pontificiorum conscientijs non ignotum, falso nobis talia tribui. Ipsi uerò questionem hanc ideo tam operose disputant, ut imperitis fucum faciant, quasi illa potissimũ inter Pontificios & nos sit controuersia: an facienda sint bona opera. Ad refutandam igitur illam calumuiam, pauca quædam repetẽda sunt. Vtq; eo breuius illud fieri possit, tantum capita exhortationum, ad studium bonorum operum, quæ ex Scriptura in nostris Ecclesijs proponi solent, breuissimè recitabo.

1. Inculcatur hoc, Deum iustificatis & renatis nullo modo dare licentiã, ut liberè & securè possint & amsint prauis suis cupiditatibus indulgere, im-
pio

pio mūdo se cōformare, diabolo & peccato seruire, mādāta Dei uiolare & cōciliare. 1 Theß. 4. Nō uocauit nos Deus ad immundiciē, sed ad sanctificationē. Ro. 6. Peccabim⁹ ergo, quoniā nō sumus sub lege, sed sub gratia? Absit. Rom. 3. Qui dicūt, Faciamus mala ut eueniāt bona: illorū dānatio iusta est.

2. Certum est & hoc, Deum iustificatos & renatos non uelle ociosos esse sine bonis operibus. Matt. 20. Quid statis totū diē ociosi? 2. Pet. 1. Hæc si uobis adsint, nō ociosos nec infructuosos uos cōstituet in agnitione Christi. Matt. 3. & 7. Omnis arbor quæ non facit fructus bonos, excindetur, & in ignem conijcietur.

3. Nec dubiæ, nec obscuræ sunt Scripturæ sententiæ, quæ iustificatis et renatis studiū bonorū operum cōmendant. Tit. 2. Christus dedit semetipsum pro nobis, ut mūdaret sibi populū peculiārē, & ὁ ἅγιος: hoc est, qui peculiari zelo sit sectator bonorū operū. Eph. 2. Ipsius factura sumus, creati in Christo Iesu ad bona opera, quæ Deus preparauit ut in illis ambulemus. 2. Cor. 5. Pro omnibus mortuus est Christus, ut qui uiuunt, iam nō sibi uiuant, sed ei qui pro ipsis mortuus est & resurrexit. Et summa proponitur ex Psalm. 34. Declina à malo, & fac bonū. 1. Pet. 2. Mori peccato, uiuere Deo, seu iusticiæ. Eph. 4. Deponere ueterem hominem, & induere nouum. Roman. 13. Abicere opera tenebrarum, & induere arma lucis.

4. Illam uerò obedientiam Scriptura in iustificatis & renatis non tantum consulit, nec ut rem indifferentē aut arbitrariā proponit: sed tradit necessariam esse, propter uoluntatem & mandatum Dei. Roman. 8. Debitores sumus, non ut secundum carnem uiuamus. Rom. 13. Nemini quicquā debeatis, nisi ut inuicē diligatis. Luc. 17. Quæ debuimus, fecimus. 1. Ioan. 4. Et nos debemus mutuò nos diligere. 1. Thessal. 4. Hæc est uoluntas Dei, sanctificatio nostra. Roman. 12. Probetis quæ sit uoluntas Dei. Ioan. 14. Mandatum do uobis, ut diligatis uos inuicem. 1. Ioan. 4. Hoc mandatum habemus, ut qui diligit Deum, diligit & fratrem.

5. Scriptura addit, non ueram esse fidem, quæ non est efficax per charitatem. 1. Io. 4. Qui dicit se nosse Deū, & mandata eius non facit, mendax est. 1. Tim. 5. Qui suorum curam non habet, fidem abnegauit, & infideli deterior est. Iacob. 2. Fides sine operibus, mortua est.

6. Violatoribus proponuntur cōminationes pœnarum corporaliū, spiritaliū & æternarum. 1. Theß. 4. Deus ultor est de his omnibus. Ps. 89. Si mādāta mea nō custodierint, uisitabo in uirga iniquitates eorū. Ro. 8. Si secundū carnē uixeritis, moriemini. Col. 3. Propter hæc uenit ira Dei super filios inobediētiæ. 1. Tim. 1. Repellentes bonā consciētiā, circa fidē naufragiū fecerūt. 2. Pet. 1. Cui hæc nō adsunt, obliuionē cœpit purgationis peccatorū.

Et

Et qui talia agunt, regnū Dei non possidebūt, &c.

Quia igitur & doctrina de necessitate bonorum operum, & serie exhortationes ad studium bonorum operum, sedulò apud nos traduntur, urgentur & inculcantur: unde quæso Pontificij sumunt occasionem, texendi uirulentā illam calumniam, quasi prohibeamus, damnemus, aut certè arbitraria faciamus bona opera? Illud uerò Tridentini patres Canone 20. nō obscure significāt. Quia enim docemus, promissionem Euangelij de remissione peccatorum & uita æterna, non pendere ex conditione nostræ obseruationis mandatorum diuinorum, sed ex gratuita misericordia Dei, propter obedientiam & meritum Christi mediatoris: fingunt Pontificij inde consequens esse, iustificatos non teneri ad obseruantiam mandatorum. Quasi uerò prophetae & Apostoli prohibeant & damnent studium bonorum operum, quando (sicut demonstrauimus) docent ex gratuita misericordia, fide propter Christum mediatorem, sine operibus homines iustificari. Neque enim quia opera nostra ex articulo, aut negotio & officio iustificationis excluduntur, propterea nullas planè habent causas, nullum usum quare sint facienda. Pontificiorum uerò imaginatio est: Si bona opera non ideo sunt facienda, ut illis promereamur reconciliationem cum Deo, adoptionem & uitam æternam: tunc potius omittenda esse. Ita uerè sunt

mercenarij, qui nihil liberaliter ut obedientes filij, præstare uelint: sed ut mercenarij, seruiliter spectant, & expectatione præmij operari uolunt: nec uerò ignorare debent, quid Augustinus de huiusmodi operatoribus, ex Scripturæ sententiâ pronunciet.

Quamuis igitur operibus non promereamur remissionem peccatorum, reconciliationem, adoptionem & uitam æternam: aliæ tamen multe ueræ et graues causæ sunt, propter quas iustificati et renati debitores sunt, ut non secundum carnem, sed secundum spiritum uiuant & ambulent. Est enim uoluntas et mandatum Dei, ut liberati seruiamus ipsi in iusticia & sanctitate coram ipso: Lucæ primo, sicut testimonia suprâ annotauimus. Et illud debitum inchoandæ nouæ obedientiæ, non soluitur aut tollitur per gratuitam imputationem iusticiæ Christi: sed ex gratuita illa reconciliatione, accedunt multe grauißimæ impulsivæ causæ, præstandæ nouæ obedientiæ: quarum primæ quedam respiciunt ipsum Deum, ut sunt testimonia Scripturæ de Deo patre. prima Petri primo, Si Deum inuocatis patrem, sicut filij obedientiæ, sancti estote conuersantes in timore. prima Ioannis tertio, Sumus filij Dei: & qui hanc spem habent, in eo sanctificant se. prima Ioannis quarto, Si Deus dilexit nos, & misit filium: debemus ergo & nos alterutrum diligere. Lucæ primo, Fecit redemptionem

nem plebis suæ, ut liberati seruiamus ipsi. 1. Theſſalon. 4. Non uocauit nos Deus ad mundiciem, sed ad sanctificationem.

De filio. Titum 2. Dedit semetipsum pro nobis, ut redimeret nos ab omni iniquitate, & mundaret sibi populum peculiarẽ, sectatorem bonorum operum. 1. Pet. 2. Qui peccata nostra ipse pertulit in corpore suo super lignum : ut peccatis mortui, iusticiæ uiueremus. 2. Cor. 5. Pro omnibus mortuus est Christus: ut qui uiuunt, iam non sibi uiuant, sed Christo. Eph. 2. Creati in Christo Iesu ad bona opera. Rom. 6. Sepulti sumus unà cum Christo per baptismum in mortem, ut posthac nõ seruiamus peccato, sed in nouitate uitæ ambulemus.

De Spiritu sancto. Gal. 5. Si spiritu uiuimus, spiritu & ambulemus. Eph. 4. Ne contristetis Spiritum sanctum. 1. Theſſ. 4. Qui hæc spernit, nõ hominẽ, sed Deum spernit, qui Spiritũ sanctum dedit in nobis. Roman. 8. Qui Spiritu Dei dicuntur, hi sunt filij Dei. Eph. 5. Sitis imitatores Dei. 1. Ioan. 2. Qui dicit se in Christo manere, debet sicut ille ambulauit, & ipse ambulare. Colossenses tertio, Condonate uobis inuicem, sicut et Deus per Christum. 1. Petri 2. Reliquit nobis exemplum, ut insequerimini uestigia eius. Coloss. 1. Ambulate digne Deo. Phil. 1. Digne Euangelio Christi, ad laudem est & gloriam Dei. 1. Petri 4. Vt in omnibus glorificetur Deus. Tit. 2. Vt doctrinam saluatoris ornent in

omnibus. 1. Timoth. 6. Ne nomen Dei & doctrina male audiat.

2. Quædam causæ impulsivæ, respiciunt ipsos renatos: ut quia sunt renati in Christo, ergo debent esse nova creatura. 2. Cor. 5. & Rom. 6. Qui mortui sumus peccato, quomodo adhuc vivemus in eo? Liberati à peccato, servi facti estis iusticiæ. Eph. 5. Ut filij lucis ambulate, nec cōmercium habeatis cū operibus tenebrarū. Eph. 4. Dignè ambulate vocatione uestra. 1. Cor. 6. Hæc eratis quondā, sed sanctificati estis, &c. 1. Io. 3. Qui peccat, nō vidit nec cognovit ipsum. Qui non diligit, manet in morte. In hoc manifesti sunt filij Dei, et filij diaboli. 1. Tim. 5. Qui suorum curam non habent, fidem abnegavit. 1. Timoth. 1. Quidam repellentes bonam conscientiam, circa fidem naufragium fecerunt, &c.

3. Quædā causæ respiciūt proximū, ut nostris officijs subleuetur. Luc. 6. Ne cuiquā offendiculum præbeamus. 2. Cor. 6. Ut nostro exēplo alij ad pietatem inuitentur. 1. Pet. 3. Ut benefaciendo os obturemus aduersarijs. 1. Pet. 2. & 3. Tit. 2.

Sed de causis finalibus bonorū operum, postea quedam repetenda erunt. Nunc breviter tantum Pontificiorum calumnia refutanda fuit, quasi nostra doctrina vel prohibeat bona opera, vel faciat illa arbitraria, vel certè in dubium reuocet, an facienda sint bona opera. Recitavi autem præcipua Scripturæ testimonia: ut ostenderem,

nos exhortari renatos ad studium bonorum operum, ex illis ipsis fontibus & fundamentis, sicut in Scriptura traduntur: utq; monstrarem, multo rectius in nostris Ecclesijs tradi doctrinam de Bonis operibus, quàm apud Pontificios, qui apud se solos gloriabantur esse possessionem bonorum operum. clarè enim ex uerbo Dei docemus, non tantum quòd facienda sint bona opera, sed explicantur etiam, qualia debeant esse opera renatorum, bona opera: ut discrimen sit inter uirtutes philosophicas inter opera Pharisaica, & inter renatorum nouam obedientiam: et quomodo in hac nostra infirmitate fieri possint: à persona scilicet fide reconciliata, & à Spiritu sancto renata. Sed integra harum questionum explicatio, non est huius loci.

SECUNDA QVAESTIO.

Quæ si nt bona opera, in quibus Deus uult renatos exercere obedientiam.

De hac questione concilium Tridētinum cap. 10. inquit, iustificatos per obseruationem mandatorum Dei et Ecclesiæ, in ipsa iusticia crescere, & magis iustificari. Et Canon. 20. dicunt, iustificatū teneri ad obseruantiam mandatorum Dei, & Ecclesiæ. Et moderatior quispiam per mandata Ecce-

ſiæ forſan intelligeret, quæ Eccleſia per miniſteri-
 um uerbi Dei ex Scriptura proponit & præſcri-
 bit: ut ita planè eadē ſint mandata Dei, ratione au-
 toritatis: et Eccleſiæ, ratione miniſterij. Sed conci-
 lij interpres Andradius, hanc mitigationē non ad-
 mittit. diſertè enim mandata Dei, & mandata Ec-
 cleſiæ cōtra ſe diſtinguit. Et differentiā hanc cōſti-
 tuit, q̃ Dei mādata ſint ab ipſo Deo, in uerbo ipſi-
 us tradita: Eccleſiæ uerò mādata ſint de ijs rebus,
 quæ non habēt in uerbo Dei expreſſum mandatū
 aut testimoniū. Vt aut̃ ſtatus queſtionis rectè con-
 ſtituatur, repeto quæ ſuprà in loco de traditionib.
 dicta ſunt: quando diſputatur de ijs quæ habēt te-
 ſtimonium in uerbo Dei, intelligenda eſſe non illa
 tantum, quæ totidem literis & ſyllabis in Scriptu-
 ra extant, ſed illa etiam quæ ex certa & manife-
 ſta Scripturæ ſententia, bona conſequentia dedu-
 cuntur. Et ſi talia intelligerent mandata, nulla eſ-
 ſet controuerſia. Sunt enim non minus diuina man-
 data, quàm quæ totidem literis & ſyllabis in Scri-
 ptura exprimuntur. Sed Andradius allegat illud
 Matthæi 23. Super cathedrā Moſis ſedent Scribæ
 & Phariſei, omnia quæcunq; dixerint uobis, ſer-
 uate & facite. Et inde argumentatur: Si in ueteri
 Teſtamento, non ea ſolū obſeruanda erant, quæ
 Moſes præceperat, ſed illa etiam quæ ij imperaſ-
 ſent, qui in Moſis locum ſucceſſerant, ut Scribæ et
 Phariſei: non minor ergo obedientia & obſer-
 uantia

uantia debetur praelatis Ecclesie, in nouo Testamento. Ex hac argumentatione lector non obscure intelligit, quorsum tradant decreta de mandatis Ecclesie: utq; eo propius ad statum questionis accedamus, addenda est hæc declaratio. Sicut in Ecclesia ordinationes quædam de uirib. aut obseruationibus quibusdam exteris: de quib. quæ sūt Scripturæ sententia, in loco de traditionibus explicauimus.

Ritus enim qui sunt Scripturæ consentanei, quia hætenus habent uerbi Dei testimonium, recte possunt retineri: qui uerò cum Scripturæ pugnant, iusto iudicio & nulla temeritate reijciuntur & abolentur.

Sunt uerò præterea diaphori quidam ritus, qui cum Scriptura quidem non pugnant, sed tamen non habent expressum in Scriptura mandatum aut testimonium. De illis simplex & plana est responsio: Si ordini, decoro & ædificationi seruiant, & ita proponuntur, ut non pugnent cū Christiana libertate: hoc est, ut non proponantur uel obseruentur cum opinione necessitatis, cultus & meriti: posse de illis Ecclesiam statuere, pro ut ædificationi pro temporis, morum & gentium uarietate conducere iudicabitur. Sunt pluribus hæc explicata, supra de traditionibus.

Quod si hic esset questionis huius status, non magnopere contendendum esset.

Sed Andræus concilij mentem ita explicat,

Roma

Romanum pōtificem accepisse à Christo integrā, perfectam atq; plenam potestatem regendi uniuersam Ecclesiam, ita ut leges ab illo late, omnibus in rebus non aliter sint obseruandæ quàm diuinæ. Et addit, Sæpe euenire, ut maiori scelere inuoluatur qui tales Ecclesiasticas, quàm qui diuinas leges perfrerit: si præsertim prælatorum despicientia feratur. Et huius exemplum cum Iesuitis hoc adducit, illos ueluti ethnicos & publicanos habendos, qui Ecclesiæ præscriptione ab utraq; Eucharistiæ specie sumenda non retardantur. Hæc omnia sunt Andradij uerba: ex quibus lector intelliget, qualem *ἡρώδης* sit locus Pontificiorum, de mandatis Ecclesiæ. Tridentini uerò patres, præter hæc addunt cap. 10. hominē iustificari obseruatione mandatorum Dei & Ecclesiæ.

Est igitur iuxta Andradij explicationem, status controuersię in hac questione: 1. Leges à Romano pontifice, & prælatis Ecclesiæ datas, licet non habeant mandatum aut testimonium uerbi Dei: non aliter tamen omnibus in rebus obseruandas, quàm diuinas. 2. Sæpe maius esse scelus, huiusmodi traditiones, quàm diuinas leges perfringere. 3. Obligationem talium traditionum talem ac tantum esse, ut illi qui in sumenda utraq; Eucharistiæ specie, malunt testamentariam filij Dei institutionem, quàm prælatorum Ecclesiæ præscriptionem sequi, habendi sint ueluti ethnici & publicani. 4. Obseruatio

nem

nem talium traditionum, homines coram Deo iustificari ad uitam æternā. Non fingo hæc: ideo ipsa uerba & concilij, & Andræ, qui Tridenti in concilio scripsit, annotaui.

Quæ uerò insolentior potest excogitari impudentia, quàm hominum traditiones pari, imò eodē gradu æquare mandatis diuinis? & quid dico æquare, imò præferre: & quidem ita præferre, ut maius pronuncietur esse scelus humanas traditiones, quàm diuinas leges perfringere: imò scelus esse anathemate dignum, si quis uoluerit humanam prohibitionem præferre institutioni filij Dei, de utraq; Eucharistiæ specie sumenda. Agedum purpurata bestia, homo peccati, & fili perditionis, imple mensuram eius quod scriptum est 2 Thess. 2. ut ex coloribus pij te cognoscere possint. Extolle te super omne quod dicitur Deus, aut quod colitur. Colloca te in templo Dei, tanquā deum: ostenta & renuncia te ipsum quòd sis Deus. Quin quod res est, aperte dic, Isa. 14. In cælum conscendam, iuxta astra Dei exaltabo solium meum, & sedebo in monte testamenti: ascendam super altitudinem nubium, similis ero altissimo. Faxit autem Deus, ut propediem sequatur alter ille uersiculus: uerum tamen ad infernum detraheris, in profundum loci: Amen, amen.

Olim Pelagius damnatus est, quòd iustificationem tribuebat obseruationi legis diuinæ. Nunc uerò

uerò in concilio Tridentino, non ueretur promitt
ciare hominem gratis iustificatum, magis iustifica
ri per obseruationem mandatorum Dei, & tradi
tionum humanarum: ita ut meritum uitæ æternæ,
distribuatur inter obseruationem mandatorum
Dei, & traditionum humanarū. Quomodo uerò
putas Paulum ad hanc blasphemiam si audisset,
exclamaturum fuisse? qui de operibus legis diuine
inquit: Si per legem iusticia gratis, ergo Christus
mortuus est. Euacuati estis à Christo, à gratia exci
distis qui in lege iustificamini.

Augustinus de suo tempore inquit epistola 119.
Hoc nimis doleo, quia multa quæ in diuinis libris
saluberrimè præcepta sunt, minus curatur: & tam
multis præsumptionibus sic plena sunt omnia, ut
grauius corripiatur qui per octauas suas terram
nudo pede tetigerit, quàm qui mentē uinolētia se
pelierit. Et addit: Vt tolerabilior sit conditio Iu
deorum, qui etiam si tempus libertatis non agno
uerunt, legalibus tamen sarcinis, non humanis præ
sumptionibus subiiciebantur. Quid uerò existimas
optimū illum uirum dicturum, si legisset illa blas
phemiarū monstra, quæ in concilio decernere non
uerentur de humanis traditionibus æquandis, imò
præferendis mandatis diuinis, & de iustificatione
hominis, per obseruationē traditionū humanarū?
& debebat quidē in hominibus in Ecclesia, ea esse
lux, & is zelus, ut ne ad auditum quidem admit
terentur

ferentur talia portentiloquia, sicut Ireneus loquitur. Sed quæ postrema iam sunt tempora, in quibus iuxta Christi & Apostolorum uaticinia regnat efficacia erroris: talia impunè non tantum scribuntur, sed in Tridentina synodo, tanquam Spiritus sancti oracula promulgantur. Breuiter autem recitabimus firma, perspicua et inmutata Scripturæ testimonia: ea esse opera, in quibus Deus uult renatos exercere obedientiam, quæ ipse in uerbo suo præscripsit & mandauit. Res. n. si iuxta Scripturæ testimonia iudicetur, manifestissima est. Nam et affirmatiue et negatiue Deus sententiam suam de hac questione in Scriptura patefecit, propterea quod omnibus temporibus fuerunt, qui pietatis speciem, & prætextu bonæ intentionis, à norma bonorum operum in uerbo Dei nobis proposita discesserunt, facturi uel plura, uel præstantiora opera, quam quæ Deus ipse nobis præscripsit. Est enim Pharisaica quedam animi humani superbia, quæ non libenter patitur ad præscriptum uerbi diuini se astringi & alligari, sed electionis cultus uel à se, uel ab alijs excogitatos, iudicat esse præstantiores. Hinc luci, hinc excelsa, & multi tales cultus, apud populum ueteris Testamenti quod diuinitus non erant mandati: in quibus prætextus bonæ intentionis ita regnauit, ut lapidaret & occideret Prophetas, reprehēdentes tales electitios cultus. Verè autem sunt sarcasmi diaboli, acerbè illudentis miserimæ infirmitati corruptæ nostræ naturæ.

Quia

Quia enim propter carnem in hac uita adherentem, ne renati quidem legi Dei perfecta obedientia satisfacere possunt : instillat diabolus tales opiniones, naturam humanam plura & præstantiora posse supererogare, quàm quæ Deus præceperit. Et fit, ac si seruus, neglectis & posthabitis domini mandatis, occupetur alijs laboribus ex suo arbitrio delectis & susceptis. Ita autem loquitur Deus in Scriptura, Deut. 12. Nō faciat unusquisq; quod in oculis suis rectum uidetur : sed quicquid ego præcipio, hoc obseruabitis, ut faciatis Domino, nec addas ad illud quicquā, nec minus quicquam ab eo.

Num. 15. Non sequantur cogitationes suas, & oculos post quos fornicantur : sed memores præceptorum Dei, faciant ea, eruntq; sancti Deo suo.

Ezech. 20. In præceptis patrum uestrorum nolite incedere. Ego Dominus Deus uester : in præceptis meis ambulate. Obseruetur addita ratio, quare non in patrum, sed in Dei præceptis ambulandum sit : quia, inquit, ego sum Dominus Deus tuus. Hac enim præfatione in Decalogo uendicat sibi præcipiendi authoritatē, & nos ad uerbi sui obediētiam alligat. In eius autem præceptum ambulare debemus, qui est Dominus Deus noster. Hunc titulum, qui uel uerbis uel facto, tribuit Romano Pōtifici, & prælatis Ecclesiæ, manifestē blasphemus est.

Deut. 5. Facite quod præcepit Dominus Deus uester :

uester: non declinabitis, neq; ad dextram neq; ad sinistram: sed per uiam quam præcepit Dominus Deus uester, ambulabitis,

Ies. 1. Quis requisiiuit hæc de manibus uestris? Matthæi 15 ex 29. Esaiæ: Frustra colunt me mandatis, quæ ab hominibus docentur. Coloss. 2. expressæ damnantur ἐβελοθῆσκειαι, cultus electi- cij. Ephes. 2. dicit Paulus, Deum præparasse ope- ra in quibus ambulent, qui in Christo Iesu ad bo- na opera creati sunt.

Et Roman. 12. traditurus doctrinã de bonis ope- ribus, inquit: Vt probetis quæ sit uoluntas Dei bo- na, placens & perfecta. Voluntas autem Dei, ex uer- bis ipsius æstimanda & discenda est. Ita Roman. 13. ostensurus quomodo & unde uoluntas illa Dei sit probanda, nominat legem: & ad uerbum reci- tat præcepta Decalogi. Ita Gal. 5. charitatẽ quæ radix & summa est bonorum operum, dicit nihil aliud esse quàm plenitudinẽ legis, & summã man- dati. 1. Timoth. 1.

2 Timoth. 3. Omnis Scriptura Dei utilis est, ut perfectus sit homo Dei, ad omne opus bonum in- structus.

Verbum igitur suũ Deus proponit normã bo- norum operum: & quidẽ ita, ut cultus electionis, & mandata quæ ab hominibus opinione cultus do- centur, reiiciat. Et affirmat, uerbum suũ normam esse perfectissimã. inquit enim: Nec addas quicquã,

nec minimas. Deut. 12. Nec declines uel ad dextrā,
uel ad sinistram. Deut. 5. Iosue. 1. Iniuria igitur sit
normæ diuinæ bonorum operum, quam ipse pro-
nunciat esse perfectissimam, quando ei aliquid ab
hominibus superadditur. Et norma bonorum ope-
rum, præter cæteras causas etiā ideo ex uerbo Dei
proponi debet in Ecclesia, ut de imperfectione no-
stra nos admoneat, in ipso exercitio & cursu bo-
norum operū. In humanis enim traditionibus, et in
electicijs cultibus, mens humana facile potest per
suasione perfectionis, imò supererogationis sibi
fingere: quæ perniciēs est doctrinæ iustificationis.

Hæc Scripturæ testimonia manifestè docēt, quæ
sit Dei sententia de proposita quæstione: lectorem
autem oro, ut ea quæ prophetæ contra cultus ele-
ctitios, & quæ Christus contra traditiones senio-
rum disputant, conferat ad Andradij axiomata su-
prà recitata, quæ ex Tridentino durante concilio
in orbem Christianū sparsit: & uidebit qualis spi-
ritus præfuderit in Tridentino concilio.

Propter cauillationes uerò hoc addam: non in-
telligēdas esse captiosc breuissimas illas lineas quæ
in Decalogo signatæ sunt: sed sicut norma illa bo-
norū operū à prophetis, Christo & Apostolis in
Scriptura tradita & explicata est. Et simul intel-
ligimus, quæ in diuina illa norma compræhendun-
tur & cōtinentur. ut cū Paulus gratis predicet Co-
rinthijs, ne offendiculū det Euāgelio. 1. Cor. 9. etc.

Audiat.

Audiamus iam porrò quæ argumēta cōtra hæc Scripturæ testimonia Andradius mandatis prælatorum Ecclesiæ, eo sicut dictum est modo, patrocinaturus opponat.

1. Qui uos audit, me audit: qui uos spernit, me spernit. Lucæ 10. Mandatum ergo Christi est, ut prælatos Ecclesiæ non secus ac se ipsum audiamus, illis omnibus in rebus obtemperemus: eorum præcepta non aliter obseruemus quàm diuina: & existimemus magis esse diuina iussu quàm humana. Hæc Andradius. Respondeo: Dulcissimam doctrinam & consolationem continet hæc Christi sententia, quòd ministri uerbi, quando ea quæ docent, ex uerbo Dei probant, non secus audiendi sunt, ac si uox diuina cœlitus nobis insonaret. Deus. n. ministerio uerbi adest, & per illud medium nobiscum loquitur, et efficax est, sicut Baptista inquit: Ego sum uox clamantis. Deus enim est qui per Baptistam clamat. 2. Corinth. 13. Paulus inquit: An experimentum quæritis eius qui in me loquitur Christus. Ita 2. Cor. 5. inquit: Deus exhortatur per nos. Quomodo uerò? quia uerbum reconciliationis posuit in nobis. Sicut Iesai. 59. Spiritus meus qui est in te, & uerba mea quæ posui in ore tuo, &c. Hæc doctrina conciliat ministerio ueram reuerentiam, & flectit animos ad obedientiam, iuxta dictum Heb. 13. Obedite præpositis uestris. Ut quando ministri afferunt

Et proponunt uerbum Dei, auditores accipiunt illud, non uti uerbum hominum, sed sicut uerè est uerbum Dei: sicut Paulus inquit 1 Theſſalon. 2. Et dulciſſima eſt conſolatio, quòd uerè poſſumus ſtatuerè, quando ex ore miniſtri uerbum Dei audimus, ipſum filium Dei nobis adeſſe, nobis loqui, Et per illud uerbum efficacem eſſe. Inde enim pendet quod Chriſtus pronunciat: Quorū remiſeritis peccata, remiſſa erunt: quicquid ſolueritis in terra, ſolutum erit in cœlo. Sed hæc dignitas, reuerentia, obedientia Et efficacia miniſterij, inde pendet, ut uerbum Dei aſſerat Et proponat.

Hoc uerò Andradius non uult, ſed cōcedit, Chriſtum prælatis Eccleſiæ dediſſe poteſtatem, non limitatam, ſed quaſi infinitam: ut quæcunq; proponant, ſtatuant Et præcipiant, ſiue habeant mandatum Et testimoniū uerbi Dei in Scriptura, ſiue nō habeant, Eccleſia nihil ominuſ alligata ſit ad obedientiā: ut omnibuſ in reb. prælatis ſuis obtemperet, Et illorū præcepta non aliter obſeruet quàm diuina: ita ut nulla ratiōe de illorū præceptis diſceptandum ſit, an ſcilicet uerbo Dei ſint cōſentanea. Et ex Hieronymo huc accōmodat dictū illud: Audi Iſrael, Et tace. Sed hæc nullo modo eſt uerborū Chriſti ſententia. Cum enim ad miniſterium emitteret Apoſtoloſ, Matth. 10 Et ſeptuaginta, Luc. 10. addit quidem ipſorum miniſterio hoc priuilegiū: Qui uoſ audit, me audit. Num uerò hanc habet ſenten-

sententiam: Quicquid hominibus tradideritis, etiamsi eius rei nullum à me habeatis mandatum, uel uerbi mei testimonium, nihilominus pari reuerentia & pietatis affectu obseruandum erit, ac si esset diuinum mādatum: Nullo uerò modo. sed certa mandata ministerio Apostolorum & septuaginta, Matth. 10. Luc. 10. præscribit, quibus tanquam certis limitibus, & quasi cācellis, ministeriū ipsorum includit & circūscribit. Et de illa administratione ministerij, certis mandatis Christi circūscripta dicit: Qui uos audit, me audit. Ita Matthæi 28. dicit: Vobiscum sum usq; ad consummationem seculi. sed addit: Docete cos seruare quæcunque præcepi uobis. Et tunc rectè dicitur: Qui uos audit, me audit. Ioann. 20. Christus dicit: Sicut me misit pater, ita ego mitto uos. De sua uerò missione dicit Ioannis 14. Sicut mandatum mihi dedit pater, sic facio. Qui uerò ab ipsis Apostolis egressi sunt, quando non afferunt doctrinam Apostolicam: num in omnibus rebus ipsis obtemperandum est, num præcepta ipsorum non aliter ac diuina obseruanda sunt? nullo uerò modo, inquit Ioannes: sed nolite eos in domum recipere, nec aue eis dixeritis. Item: Nolite omni spiritui credere, sed probate spiritus, num ex Deo sint. Multi enim pseudoprophetae exierunt in mundum. Ita Paulus ipsos Apostolos docet alligatos esse ad certam uocem doctrinae, à Christo traditæ et acceptæ,

gentes pro re indifferente habeatur, certè uoce diuina prohibetur: & quibus argumentis Apostoli eam gentibus conuersis prohibuerint, manifestum est. 1. Cor. 6. ubi certè non dicit, se pro arbitrato suo eam prohibere: sed grauissimis utitur argumentis. De reliquis tribus, obscurior uidetur ratio: sed fundamenta sunt manifesta. Ritus enim illi legales erant antiquati, non quòd simpliciter interdicta & prohibita esset eorum obseruatio: sed quòd illorum obseruatio iam non erat amplius eo modo necessaria, sicut sub lege fuerat, sed libera erat facta. Illa uerò libertate in rebus medijs seu adiaphoris, uerborum Dei docet non esse utendum. Si charitas monstret, infirmos in fide offendi: & si libertas illa non usurpata, possit sine fidei detrimento, infirmos inuitare ad fidem. Quia igitur talis tunc erat ratio eorum, qui inter Iudeos infirmi erant: Apostoli ex illo uerbo Dei fundamento, decretum hoc fecerunt, ut qui ex Gentibus conuersi erant, libertate sua, in illis ritibus qui iam facti erant adiaphori, ad tempus nō uterentur, ne offenderent infirmiores inter Iudeos, sed ut ita per charitatem eos ad fidem Christi inuitarent.

Non igitur sine fundamēto & testimonio uerbi Dei, Apostoli ex plenaria potestate decretū istud fecerūt: nec per illud quod Christus prohibuit, ipsi laeta lege gētib. imposuerūt: sed ex regula uerbi Dei,
de usu

de usu libertatis in ritibus adiaphoricis, decretū illud sumpserunt. Quod uerò capita illa uocant necessaria, non hunc habet sensum, quasi ea quæ Christus libera reddidit, Apostoli eo modo necessaria faciant gentibus, sicut sub lege fuerant. Hoc enim Paulus acriter reprehēdit, Gal. 2. et Col. 2. Sed quia tunc charitas exigebat, ut illa sua libertate, qui ex gentibus conuersi erant, propter proximi ædificationem inter Iudæos non uterentur, sed ab ea abstererent: hætenus hoc modo Apostoli dicunt ea quæ per se libera sunt, necessaria fieri, non per se, non generaliter, nec semper, sed pro ratione ædificationis infirmiorum. Nam 1. Cor. cap. 10. Paulus dicit: Omne quod in macello uenit, manducate: nihil interrogantes propter conscientiam. In epistola uerò ad Galatas, & ad Coloss. erga eos qui infirmi, sed non præfracti sunt, & urgent opinionem legalis necessitatis illorum rituum ad salutem, Paulus docet non cedendum, sed necessario usurpandam libertatem. Diuersitas uerò non pendet ex plenitudine quadam potestatis, ut sine fundamento & testimonijs uerbi Dei, pro arbitratu quiduis possint, modò constituere, modò abrogare: sed habet certa fundamenta, & firma testimonia in uerbo Dei. Talem uerò potestatem & auctoritatem ministerij, libenter agnoscimus & prædicamus.

Spiritus sanctus igitur, qui adest ministerio in Ecclesia, non præbet infinitam licentiam quiduis

siæ forsan intelligeret, quæ Ecclesia per ministeri-
 um uerbi Dei ex Scriptura proponit & præscri-
 bit: ut ita planè eadē sint mandata Dei, ratione au-
 toritatis: et Ecclesiæ, ratione ministerij. Sed conci-
 lij interpres Andradius, hanc mitigationē non ad-
 mittit. disertè enim mandata Dei, & mandata Ec-
 clesiæ cōtra se distinguit. Et differentiā hanc cōsti-
 tuit, q̃ Dei mādata sint ab ipso Deo, in uerbo ipsi-
 us tradita: Ecclesiæ uerò mādata sint de ijs rebus,
 quæ non habēt in uerbo Dei expressum mandatū
 aut testimoniū. Vt aut̃ status quæstionis rectè con-
 stituatur, repeto quæ suprā in loco de traditionib.
 dicta sunt: quando disputatur de ijs quæ habēt te-
 stimonium in uerbo Dei, intelligenda esse non illa
 tantum, quæ totidem literis & syllabis in Scriptu-
 ra extant, sed illa etiam quæ ex certa & manife-
 sta Scripturæ sententia, bona consequentia dedu-
 cuntur. Et si talia intelligerent mandata, nulla es-
 set controuersia. Sunt enim non minus diuina man-
 data, quàm quæ totidem literis & syllabis in Scri-
 ptura exprimuntur. Sed Andradius allegat illud
 Matthæi 23. Super cathedrā Moysis sedent Scribæ
 & Pharisei, omnia quæcunq; dixerint uobis, ser-
 uate & facite. Et inde argumentatur: Si in ueteri
 Testamento, non ea solū obseruanda erant, quæ
 Moses præceperat, sed illa etiam quæ ij imperas-
 sent, qui in Moysis locum successerant, ut Scribæ et
 Pharisei: non minor ergo obedientia & obser-
 uantia

uantia debetur praelatis Ecclesie, in nouo Testamento. Ex hac argumentatione lector non obscure intelligit, quorsum tradant decreta de mandatis Ecclesie: utq; eo propius ad statum questionis accedamus, addenda est hæc declaratio. Sicut in Ecclesia ordinationes quædam de uirib. aut obseruationibus quibusdam exteris: de quib. quæ sūt Scripturæ sententia, in loco de traditionibus explicauimus.

Ritus enim qui sunt Scripturæ consentanei, quia hætenus habent uerbi Dei testimonium, rectè possunt retineri: qui uerò cum Scripturæ pugnant, iusto iudicio & nulla temeritate reijciuntur & abolentur.

Sunt uerò præterea diaphori quidam ritus, qui cum Scriptura quidem non pugnant, sed tamen non habent expressum in Scriptura mandatum aut testimonium. De illis simplex & plana est responsio: Si ordini, decoro & ædificationi seruiant, & ita proponuntur, ut non pugnent cū Christiana libertate: hoc est, ut non proponantur uel obseruentur cum opinione necessitatis, cultus & meriti: posse de illis Ecclesiam statuere, prout ædificationi pro temporis, morum & gentium uarietate conducere iudicabitur. Sunt pluribus hæc explicata, suprâ de traditionibus.

Quod si hic esset questionis huius status, non magnopere contendendum esset.

Sed Andræus concilij mentem ita explicat,

Roma

Romanum pōtificem accepisse à Christo integrā, perfectam atq; plenam potestatem regendi uniuersam Ecclesiam, ita ut leges ab illo latæ, omnibus in rebus non aliter sint obseruandæ quàm diuinæ. Et addit, Sæpe euenire, ut maiori scelere inuoluatur qui tales Ecclesiasticas, quàm qui diuinas leges perfrerit: si præsertim prælatorum despicientia feratur. Et huius exemplum cum Iesuitis hoc adducit, illos ueluti ethnicos & publicanos habendos, qui Ecclesiæ præscriptione ab utraq; Eucharistiæ specie sumenda non retardantur. Hæc omnia sunt Andradij uerba: ex quibus lector intelliget, quid *ἡ ἐκκλησία* sit locus Pontificiorum, de mandatis Ecclesiæ. Tridentini uerò patres, præter hæc addunt cap. 10. hominē iustificari obseruatione mandatorum Dei & Ecclesiæ.

Est igitur iuxta Andradij explicationem, status controuersie in hac questione: 1. Leges à Romano pontifice, & prælatis Ecclesiæ datas, licet non habeant mandatum aut testimonium uerbi Dei: non aliter tamen omnibus in rebus obseruandas, quàm diuinas. 2. Sæpe maius esse scelus, huiusmodi traditiones, quàm diuinas leges perfringere. 3. Obligationem talium traditionum talem ac tantum esse, ut illi qui in sumenda utraq; Eucharistiæ specie, malunt testamentariam filij Dei institutionem, quàm prælatorum Ecclesiæ præscriptionem sequi, habendi sint ueluti ethnici & publicani. 4. Obseruatio

nem talium traditionum, homines coram Deo iustificari ad uitam æternā. Non fingo hæc: ideo ipsa uerba & concilij, & Andræ, qui Tridenti in concilio scripsit, annotaui.

Quæ uerò insolentior potest excogitari impudentia, quàm hominum traditiones pari, imò eodē gradu æquare mandatis diuinis? & quid dico æquare, imò præferre: & quidem ita præferre, ut maius pronuncietur esse scelus humanas traditiones, quàm diuinas leges perfringere: imò scelus esse anathemate dignum, si quis uoluerit humanam prohibitionem præferre institutioni filij Dei, de utraq; Eucharistiæ specie sumenda. Agedum purpurata bestia, homo peccati, & fili perditionis, imple mensuram eius quod scriptum est 2. Thess. 2. ut ex coloribus pij te cognoscere possint. Extolle te super omne quod dicitur Deus, aut quod colitur. Colloca te in templo Dei, tanquā deum: ostenta & renuncia te ipsum quòd sis Deus. Quin quod res est, aperte dic, Isa. 14. In cœlum conscendam, iuxta astra Dei exaltabo solium meum, & sedebo in monte testamenti: ascendam super altitudinem nubium, similis ero altissimo. Faxit autem Deus, ut propediem sequatur alter ille uersiculus: uerum tamen ad infernum detraheris, in profundum loci: Amen, amen.

Olim Pelagius damnatus est, quòd iustificationem tribuebat obseruationi legis diuinæ. Nunc
uerò

uerò in concilio Tridentino, non ueretur pronũ-
ciare hominem gratis iustificatum, magis iustifica-
ri per obseruationem mandatorum Dei, & tradi-
tionum humanarum: ita ut meritum uitæ æternæ,
distribuaturs inter obseruationem mandatorum
Dei, & traditionum humanarũ. Quomodo uerò
putas Paulum ad hanc blasphemiam si audisset,
exclamaturum fuisse? qui de operibus legis diuinæ
inquit: Si per legem iusticia gratis, ergo Christus
mortuus est. Euacuati estis à Christo, à gratia excẽ-
distis qui in lege iustificamini.

Augustinus de suo tempore inquit epistola 119.
Hoc nimis doleo, quia multa quæ in diuinis libris
saluberrimè præcepta sunt, minus curatur: & tam
multis præsumptionibus sic plena sunt omnia, ut
grauius corripiatur qui per octauas suas terram
nudo pede tetigerit, quàm qui mentẽ uinolætia se-
pelierit. Et addit: Ut tolerabilior sit conditio Iu-
deorum, qui etiam si tempus libertatis non agno-
uerunt, legalibus tamen sarcinis, non humanis præ-
sumptionibus subijciebantur. Quid uerò existimas
optimũ illum uirum dicturum, si legisset illa blas-
phemiarũ monstra, quæ in concilio decernere non
uerentur de humanis traditionibus æquandis, imò
preferendis mandatis diuinis, & de iustificatione
hominis, per obseruationẽ traditionũ humanarũ?
& debebat quidẽ in hominibus in Ecclesia, ea esse
lux, & is zelus, ut ne ad auditum quidem admit-
terentur

terentur talia portentiloquia, sicut Ireneus loquitur. Sed quia postrema iam sunt tempora, in quibus iuxta Christi et Apostolorum uaticinia regnat efficacia erroris: talia impune non tantum scribuntur, sed in Tridentina synodo, tanquam Spiritus sancti oracula promulgantur. Breuiter autem recitabimus firma, perspicua et inmutata Scripturae testimonia: ea esse opera, in quibus Deus uult renatos exercere obedientiam, quae ipse in uerbo suo praescripsit et mandauit. Res. n. si iuxta Scripturae testimonia iudicetur, manifestissima est. Nam et affirmatiue et negatiue Deus sententiam suam de hac quaestione in Scriptura patefecit, propterea quod omnibus temporibus fuerunt, qui pietatis speciem, et praetextu bonae intentionis, a norma bonorum operum in uerbo Dei nobis proposita discesserunt, facturi uel plura, uel praestantiora opera, quam quae Deus ipse nobis praescripsit. Est enim Pharisaica quaedam animi humani superbia, quae non libenter patitur ad praescriptum uerbi diuini se astringi et alligari, sed electionis cultus uel a se, uel ab alijs excogitatos, iudicat esse praestantiores. Hinc luci, hinc excelsa, et multi tales cultus, apud populum ueteris Testamenti quod diuinitus non erant mandati: in quibus praetextus bonae intentionis ita regnauit, ut lapidaret et occideret Prophetas, reprehedentes tales electitios cultus. Verum autem sunt sarcasmi diaboli, acerbè illudentis miserimae infirmitati corruptae nostrae naturae.

Quia

Quia enim propter carnem in hac uita adherentem, ne renati quidem legi Dei perfecta obedientia satisfacere possunt : instillat diabolus tales opiniones, naturam humanam plura & præstantiora posse supererogare, quàm quæ Deus præceperit. Et fit, ac si seruus, neglectis & posthabitis domini mandatis, occupetur alijs laboribus ex suo arbitrio delectis & susceptis. Ita autem loquitur Deus in Scriptura, Deut. 12. Nō faciat unusquisq; quod in oculis suis rectum uidetur : sed quicquid ego præcipio, hoc obseruabitis, ut faciat is Domino, nec addas ad illud quicquā, nec minus quicquam ab eo.

Num. 15. Non sequantur cogitationes suas, & oculos post quos fornicantur : sed memores præceptorum Dei, faciant ea, eruntq; sancti Deo suo.

Ezech. 20. In præceptis patrum uestrorum nolite incedere. Ego Dominus Deus uester : in præceptis meis ambulate. Obseruetur addita ratio, quare non in patrum, sed in Dei præceptis ambulandum sit : quia, inquit, ego sum Dominus Deus tuus. Hac enim præfatione in Decalogo uendicat sibi præcipiendi authoritatē, & nos ad uerbi sui obediētiam alligat. In eius autem præceptum ambulare debemus, qui est Dominus Deus noster. Hunc titulum, qui uel uerbis uel facto, tribuit Romano Pōtifici, & prælatis Ecclesiæ, manifestē blasphemus est.

Deut. 5. Facite quod præcepit Dominus Deus uester :

uester: non declinabitis, neq; ad dextram neq; ad sinistram: sed per uiam quam præcepit Dominus Deus uester, ambulabitis,

Ies. 1. Quis requisiiuit hæc de manibus uestris? Matthæi 15 ex 29. Esaie: Frustra colunt me mandatis, quæ ab hominibus docentur. Coloss. 2. expressè damnantur ἐβελοβησικίαι, cultus electicij. Ephes. 2. dicit Paulus, Deum præparasse opera in quibus ambulent, qui in Christo Iesu ad bona opera creati sunt.

Et Roman. 12. traditurus doctrinã de bonis operibus, inquit: Vt probetis quæ sit uoluntas Dei bona, placens & perfecta. Voluntas autem Dei, ex uerbis ipsius æstimanda & discenda est. Ita Roman. 13. ostensurus quomodo & unde uoluntas illa Dei sit probanda, nominat legem: & ad uerbum recitat præcepta Decalogi. Ita Gal. 5. charitatē quæ radix & summa est bonorum operum, dicit nihil aliud esse quàm plenitudinē legis, & summā mandati. 1. Timoth. 1.

2 Timoth. 3. Omnis Scriptura Dei utilis est, ut perfectus sit homo Dei, ad omne opus bonum instructus.

Verbum igitur suū Deus proponit normã bonorum operum: & quidē ita, ut cultus electionis, & mandata quæ ab hominibus opinione cultus docentur, reiiciat. Et affirmat, uerbum suū normam esse perfectissimã. inquit enim: Nec addas quicquã,

nec minimas. Deut. 12. Nec declines uel ad dextrā,
uel ad sinistram. Deut. 5. Iosue. 1. Iniuria igitur sit
normæ diuinæ bonorum operum, quam ipse pro-
nunciat esse perfectissimam, quando ei aliquid ab
hominibus superadditur. Et norma bonorum ope-
rum, præter cæteras causas etiā ideo ex uerbo Dei
proponi debet in Ecclesia, ut de imperfectione no-
stra nos admoneat, in ipso exercitio & cursu bo-
norum operū. In humanis enim traditionibus, et in
electicijs cultibus, mens humana facile potest per
suasione perfectionis, inò supererogationis sibi
fingere: quæ perniciēs est doctrinæ iustificationis.

Hæc Scripturæ testimonia manifestè docēt, quæ
sit Dei sententia de proposita questione: lectorem
autem oro, ut ea quæ prophetæ contra cultus ele-
ctitios, & quæ Christus contra traditiones senio-
rum disputant, conferat ad Andradij axiomata su-
prà recitata, quæ ex Tridentino durante concilio
in orbem Christianū sparsit: & uidebit qualis spi-
ritus præfederit in Tridentino concilio.

Propter cauillationes uerò hoc addam: non in-
telligēdas esse captiosc̃ breuissimas illas lineas quæ
in Decalogo signatæ sunt: sed sicut norma illa bo-
norū operū à prophetis, Christo & Apostolis in
Scriptura tradita & explicata est. Et simul intel-
ligimus, quæ in diuina illa norma compræhendun-
tur & cōtinentur. ut cū Paulus gratis predicet Co-
rinthijs, ne offendiculū det Euāgelio. 1. Cor. 9. etc.

Audiat.

Audiamus iam porrò quæ argumēta cōtrā hæc Scripturæ testimonia Andradius mandatis prælatorum Ecclesiæ, eo sicut dictum est modo, patrocinatoris opponat.

1. Qui uos audit, me audit: qui uos spernit, me spernit. Lucæ 10. Mandatum ergo Christi est, ut prælatos Ecclesiæ non secus ac se ipsum audiamus, illis omnibus in rebus obtemperemus: eorum præcepta non aliter obseruemus quàm diuina: & existinemus magis esse diuina iussa quàm humana. Hæc Andradius. Respondeo: Dulcissimam doctrinam & consolationem continet hæc Christi sententia, quòd ministri uerbi, quando ea quæ docent, ex uerbo Dei probant, non secus audiendi sunt, ac si uox diuina cœlitus nobis insonaret. Deus. n. ministerio uerbi adest, & per illud medium nobiscum loquitur, et efficax est, sicut Baptista inquit: Ego sum uox clamantis. Deus enim est qui per Baptistam clamat. 2. Corinth. 13. Paulus inquit: An experimentum quæritis eius qui in me loquitur Christus. Ita 2. Cor. 5. inquit: Deus exhortatur per nos. Quomodo uerò? quia uerbum reconciliationis posuit in nobis. Sicut Iesai. 59. Spiritus meus qui est in te, & uerba mea quæ posui in ore tuo, &c. Hæc doctrina conciliat ministerio ueram reuerentiam, & flectit animos ad obedientiam, iuxta dictum Heb. 13. Obedite præpositis uestris. Ut quando ministri afferunt

Et proponunt uerbum Dei, auditores accipiunt illud, non uti uerbum hominum, sed sicut uerè est uerbum Dei: sicut Paulus inquit 1 Theſſalon. 2. Et dulciſſima eſt conſolatio, quòd uerè poſſumus ſtatuerè, quando ex ore miniſtri uerbum Dei audimus, ipſum filium Dei nobis ad eſſe, nobis loqui, Et per illud uerbum efficacem eſſe. Inde enim pendet quod Chriſtus pronunciat: Quorū remiſeritis peccata, remiſſa erunt: quicquid ſolueritis in terra, ſolutum erit in cœlo. Sed hæc dignitas, reuerentia, obedientia Et efficacia miniſterij, inde pendet, ut uerbum Dei afferat Et proponat.

Hoc uerò Andræus non uult, ſed cōcedit, Chriſtum prælatis Eccleſiæ dediſſe poteſtatem, non limitatam, ſed quaſi infinitam: ut quæcunq; proponant, ſtatuant Et præcipiant, ſiue habeant mandatum Et testimoniū uerbi Dei in Scriptura, ſiue nō habeant, Eccleſia nihil ominuſ alligata ſit ad obedientiā: ut omnibus in reb. prælatis ſuis obtemperet, Et illorū præcepta non aliter obſeruet quàm diuinita ut nulla ratioe de illorū præceptis diſceptandum ſit, an ſcilicet uerbo Dei ſint cōſentanea. Et ex Hieronymo huc accōmodat dictū illud: Audi Iſrael, Et tace. Sed hæc nullo modo eſt uerborū Chriſti ſententia. Cum enim ad miniſterium emitteret Apoſtolos, Matth. 10 Et ſeptuaginta, Luc. 10. addit quidem ipſorum miniſterio hoc priuilegiū: Qui uos audit, me audit. Num uerò hanc habet ſenten-

sententiam: Quicquid hominibus tradideritis, etiamsi eius rei nullum à me habeatis mandatum, uel uerbi mei testimonium, nihilominus pari reuerentia & pietatis affectu obseruandum erit, ac si esset diuinum mādatum? Nullo uerò modo. sed certa mandata ministerio Apostolorum & septuaginta, Matth. 10. Luc. 10. præscribit, quibus tanquam certis limitibus, & quasi cācellis, ministeriū ipsorum includit & circūscribit. Et de illa administratione ministerij, certis mandatis Christi circūscripta dicit: Qui uos audit, me audit. Ita Matthæi 28. dicit: Vobiscum sum usq; ad consummationem seculi. sed addit: Docete eos seruare quæcunque præcepi uobis. Et tunc rectè dicitur: Qui uos audit, me audit. Ioann. 20. Christus dicit: Sicut me misit pater, ita ego mitto uos. De sua uerò missione dicit Ioannis 14. Sicut mandatum mihi dedit pater, sic facio. Qui uerò ab ipsis Apostolis egressi sunt, quando non afferunt doctrinam Apostolicam: num in omnibus rebus ipsis obtemperandum est, num præcepta ipsorum non aliter ac diuina obseruanda sunt? nullo uerò modo, inquit Ioannes: sed nolite eos in domum recipere, nec aue eis dixeritis. Item: Nolite omni spiritui credere, sed probate spiritus, num ex Deo sint. Multi enim pseudoprophetae exierunt in mundum. Ita Paulus ipsos Apostolos docet alligatos esse ad certam uocem doctrinæ, à Christo traditæ et acceptæ,

202 EXAMEN DECRETORVM

ita ut anathema dicat, si uel angelus è cælo præter illud annunciet. Gal. 1. Falsum igitur est quod Andræus dicit, Ecclesiam diuinam habere auctoritatem in ferendis legibus, quæ nullum habeant uel mandatum, uel testimonium in Scriptura. Si enim habent uerbi Dei testimonium, tunc diuinæ esse, nullum est dubium.

2. Textu argumentum ex loco Act. 15. Christus non instituerat ut conuersi ex gentibus abstinerent sanguine, suffocatis, &c. inò ex Paulo discimus, abrogatos tunc & antiquatos fuisse omnes ueteris legis ritus. Et tamen Apostoli de illis legem imponunt gentibus: & confidenter asseuerant, non sibi modò, sed Spiritui sancto etiã ita uisum fuisse. Ergo Ecclesia diuinam habet auctoritatem ferendi leges, etiam de illis quæ à Christo, uel non sunt tractata, uel etiam ab ipso abrogata.

Fortè me herculè argumentum, quod Prælati Ecclesiæ tribuere potest infinitam licentiam, non tantum quiduis sine uerbo Dei instituendi, sed & ea quæ Christus prohibuit permittendi, uel quæ ipse instituit prohibendi. Vbi igitur manet iste titulus: Ego Dominus Deus uester: in præceptis meis ambulate? Num gloriam illam alteri nunc dedit? Num inter 15 annos obliti fuerant eius mandati, Matthæi 23. Docentes eos seruare quæcunque ego mandauì uobis: ut quod Actorum primo in ultimo colloquio constituuntur doctrine

Christi

Christi testes, non nouæ doctrinæ legislatores. Et si quis Apostolis in carne uiuentibus hoc tribuere uoluisset, quòd haberent diuinam authoritatem ferendi leges, de quibus nullum haberent uel mandatum, uel testimonium uerbi diuini: inò quòd possent ea quæ Christus abrogaret restituere, uel quæ instituerat abrogare: sine dubio sonora uoce & scissis uestibus ostendissent, se illud nec agnoscere, nec probare.

Illam enim adulatoria prædicatio uerè esset accusatio *ωπερπετοῦ χάρις*, quòd. legationē suam 2. Corinth. 5. nō fideliter obtinerent, sed excederent fines mandati: quod de lure etiam communi infamiæ genus est.

Ad ipsum uerò argumentum hoc respondeo: propter illam etiā causam Apostoli dicūt, Visum est spiritui sancto, & nobis: ne putarentur, pro imperio, sine mandato & testimonio diuino, tale decretū facere. Vnde uerò certi fuerint Spiritui sancto ita uideri, ex oratione Petri & Iacobi manifestum est: ubi certè uocatio gentium, & articulis gratuite iustificationis; quòd onus legis non sit imponendum conscientijs: & ex Scriptura, & miraculis Spiritus sancti probantur. Et hæc sunt præcipua capita decreti Apostolici. De reliquis uerò quatuor capitibus, ut de idolothytis, sanguine, suffocato, & fornicatione, plana etiam est responsio. Fornicatio enim quæ inter

gentes pro re indifferente habeatur, certè uoce diuina prohibetur: & quibus argumentis Apostoli eam gentibus conuersis prohibuerint, manifestum est. 1. Cor. 6. ubi certè non dicit, se pro arbitrato suo eam prohibere: sed grauissimis utitur argumentis. De reliquis tribus, obscurior uidetur ratio: sed fundamenta sunt manifesta. Ritus enim illi legales erant antiquati, non quòd simpliciter interdicta & prohibita esset eorum obseruatio: sed quòd illorum obseruatio iam non erat amplius eo modo necessaria, sicut sub lege fuerat, sed libera erat facta. Illa uerò libertate in rebus medijs seu adiaphoris, uerborum Dei docet non esse utendum. Si charitas monstret, infirmos in fide offendi: & si libertas illa non usurpata, possit sine fidei detrimento, infirmos inuitare ad fidem. Quia igitur talis tunc erat ratio eorum, qui inter Iudeos infirmi erant: Apostoli ex illo uerbo Dei fundamento, decretum hoc fecerunt, ut qui ex Gentibus conuersi erant, libertate sua, in illis ritibus qui iam facti erant adiaphori, ad tempus nõ uterentur, ne offenderent infirmiores inter Iudeos, sed ut ita per charitatem eos ad fidem Christi inuitarent.

Non igitur sine fundamēto & testimonio uerbi Dei, Apostoli ex plenaria potestate decretū istud fecerūt: nec per illud quod Christus phibuit, ipsi la ta lege gētib. imposuerūt: sed ex regula uerbi Dei,
de usu

de usu libertatis in ritibus adiaphoricis, decretū illud sumpserunt. Quod uerò capita illa uocant necessaria, non hunc habet sensum, quasi ea quæ Christus libera reddidit, Apostoli eo modo necessaria faciant gentibus, sicut sub lege fuerant. Hoc enim Paulus acriter reprehēdit, Gal. 2. et Col. 2. Sed quia tunc charitas exigebat, ut illa sua libertate, qui ex gentibus conuersi erant, propter proximi ædificationem inter Iudeos non uterentur, sed ab ea abstererent: hætenus hoc modo Apostoli dicunt ea quæ per se libera sunt, necessaria fieri, non per se, non generaliter, nec semper, sed pro ratione ædificationis infirmiorum. Nam 1. Cor. cap. 10. Paulus dicit: Omne quod in macello uenit, manducate: nihil interrogantes propter conscientiam. In epistola uerò ad Galatas, & ad Coloss. erga eos qui infirmi, sed non præfracti sunt, & urgent opinionem legalis necessitatis illorum rituum ad salutem, Paulus docet non cedendum, sed necessariò usurpandam libertatem. Diuersitas uerò non pendet ex plenitudine quadam potestatis, ut sine fundamento & testimonijs uerbi Dei, pro arbitratu quiduis possint, modò constituere, modò abrogare: sed habet certa fundamenta, & firma testimonia in uerbo Dei. Talem uerò potestatem & auctoritatem ministerij, libenter agnoscimus & prædicamus.

Spiritus sanctus igitur, qui adest ministerio in Ecclesia, non præbet infinitam licentiam quiduis

statuendi, sed gubernat Ecclesiam, iuxta uerbū patet factū. Nam & Apostolis Christus dicit Ioan. 14. Spiritus sanctus suggeret uobis omnia quæcūq; dixi uobis. Non enim inquit (sicut Pontificij textum deprauarunt) Quæcūq; dixero uobis. Et tamen differentia est. Apostoli enim habent diuina testimonia miraculorum & Spiritus sancti, quod non errent in doctrina. Talia uerò testimonia, reliqui praelati Ecclesie non habent, sed allegati sunt ad uocem doctrine cœlestis, sonantis in Scriptura: sed talē subiectionē ægerrimē ferunt praelati Pontificij: tam procul scilicet ab sunt à politica etiā modestia, quæ in laudatissima illa sentētia celebratur, Digna est uox maiestate Imperatoris, legibus subiectum se principem fateri.

3. Ad obiectionē illam uerissimam: Omnia quæ à ministris Ecclesie proponūtur, sacrarum literarum trutina examināda esse. Audi quæso quid Andræadius in Tridentino concilio didicerit respondere: Christi, inquit, uerba sunt: Super cathedram Moyses sederūt scribæ et Pharisei, omnia quæcūque dixerint uobis, seruare & facite. Hæc uerò uerba ita interpretatur: Non ea solum obseruāda esse decernit Christus quæ Moses præceperat, sed illa etiam quæ ij imperassent, qui in Moyses locum succederent: scribæ scilicet & Pharisei. Et inde à minori ad maius argumentatur, de obseruantia praelatorum Ecclesie in nouo testamento. Hoc argumentum

mentum non ideo recito, quasi requirat opus sanctum
 aliquam explicationem: sed ut Lector uideat, qua-
 lem dominatum quærant Pontificij in Ecclesia, et
 quàm religiosi sint tractatores et interpretes Scri-
 pturæ. Vt enim de ueterum explicationibus non di-
 cam, qui interpretantur scribas tunc sedere super
 Moſis cathedram, quando non ſuas traditiones, ſed
 doctrinam à Deo per Moſen traditam proponūt:
 & tunc propter perſonarum uitia, miniſterium
 uerbi non eſſe contemnendū, uel abiiciendum: cer-
 tē ipſa rei euidentia, impudentem & paraſiticanz
 Andradrij interpretationem refutat. In illo ipſo
 enim capite Chriſtus dicit: Væ uobis ſcribæ &
 Pharifæi, qui clauditis regnum cœlorum ante ho-
 mines. Væ uobis duces cæci, qui dicitis, &c. Lu. 17.
 Væ uobis legisperiti, quia tuliftis clauem ſcientiæ:
 ipſi non introiſtis, & eos qui introibant prohibui-
 ſtis. Matth. 16. Videte & cauete à fermento Phari-
 ſæorum & Sadducæorū. Quod Euāgelifta poſtea
 expreſſe interpretatur de doctrina Pharifæorū &
 Sadducæorū. Matt. 15. Vbi de traditionibus Phari-
 ſæorū quæſtio propoſita erat, Chriſtus diſertē di-
 cit: Sinite illos, cæci ſunt, & duces cæcorum. cæcus
 uerò ſi cæco ducatū præſtet, ambo in foueā cadūt.
 Et quid multis? maniſeſtiſſimū enim eſt, in tota Eān-
 gelica hiſtoria, Chriſto certamē eſſe cū Pharifæis,
 propterea q̄ ſine uerbo Dei, extra & præter uer-
 bū Dei, hominū cōſcientias traditionibus ſeniorū
 onera-

908 EXAMEN DECRETORVM

onerabant. Et ab illis Christus homines reuocat ad uerbum Dei: Frustra, enim inquit, colunt me, docentes doctrinas & mandata hominū. Et hæc cum sint euidentissima, cogitet lector, quale sit concilium, in quo Andradius non ueretur ad stabiliendam Romanorum pontificum tyrannidem, tam impudenter falsam fingere interpretationem uerborum Christi. Matth. 23. quæ uno calculo phariseos potest absolvere, Christum uerò & omnes Apostolos damnare, ut quid enim, si uera est Andradij interpretatio, omnia Pontificum dicta & mandata ad trutinam uerbi Dei examinabant, & nō potius simpliciter quæ ab ordinarijs imperabantur, obseruabant? Dignum certè est hoc emblema, Pontificia Synodo.

4. Verbum Dei nihil statuit de ieiunio sabbati. Ignatius uerò scribit, Apostolos fecisse decretum, eos esse interfectores Christi, qui sabbato ieiunauerint. Habent ergo prælati Ecclesiæ, diuinam auctoritatem in ferendis legibus, quæ nullum habent uel mandatū, uel testimonium in uerbo Dei. Respondeo. Hoc ipsum argumentum ostendit, qualia sint fundamenta decretorum Pontificiorū. Suprà enim in loco de traditionibus, clarè ostendimus, suppositiciū esse quod ex Ignatio citatur: & falsò hoc decretum, cum tali quidem appendice, Apostolis tribui. Augustinus enim epistola 86. ex professò disputat, sabbato ieiunare uel non ieiunare, non esse tradi-

traditionem Apostolicam: sicut tunc etiam à quibusdā cœperat disputari. Et Socrates lib. 5. cap. 22. in genere ostendit, Apostolos nullas leges de ieiunijs condidisse. Suppositivum igitur & falsum est fundamentum illud. Hoc quidem fieri potest, quod in gratiam infirmorum qui ex Iudæis uel conuersi uel conuertendi erant, tale quid constitutū & seruatum fuerit ex regula charitatis in Christiana libertate: sicut dictum est de decreto Apostolorum Act. 15. Paulus uerò accurate discernit ea, de quibus expressum Dei mandatū habent. & de quibus ipse Apostolico spiritu contulit. Illis enim hoc addit: Non ut laqueum uobis iniiciam. 1. Cor. 7. Non igitur Apostolici spiritus est appēdix illa, eos esse interfectores Christi, qui sabbato ieiunent.

5. In antiquissimis & probatissimis concilijs, multæ factæ sunt constitutiones, quæ à pijs imperatoribus, & à reliqua Ecclesia, religiose obseruatæ fuerunt. Habet ergo Ecclesia diuinam auctoritatem in ferendis legibus, &c. Respondeo. Qua moderatione, & quo fine in rebus adiaphoris Ecclesia ad ædificationem posset aliquid statuere, suprâ explicatū est. Et hac ratione, hoc fine, utiles & piæ ordinationes non damnamus, modò non fiant laquei conscientiarum, & in Christianam libertatē impingant. Nullo modo uerò quod Andradius contendit, concedimus. Inde stabiliri tyrannidem Romani pontificis, quæuis impia decreta, superstitiosas opi-

910 EXAMEN DECRETORVM

ſas opiniones & laqueos conſcientiarum. In illa enim libertate ſtandum eſt, qua nos filius Dei liberavit, ne iugo ſeruitutis ſubijciamur. Gal. 5. Coloſſ. 2. Hæc ſunt Andrædij argumenta. Reliqua uerò de operibus indebitis & ſuperogationis, pertinent ad locum de Pœnitentia.

TERTIA QVÆSTIO.

An bona opera renatorum, in hac uita ita ſint perfectæ, ut legi diuinæ plenè, cumulatè & perfectè ſatisfaciant?

Vera explicatio huius quæſtionis, omnibus temporibus, uarijs corruptelis turbata & deprauata fuit: propterea quia non ſola Scripturæ testimonia, ſed rationis etiam iudicium adhibetur in conſiliū. Eius uerò axiomæ eſt, ſicut Plutarchus in Solone inquit: *Νῆ κατὰ τὸ δύνάτω τῖς δοῦναι τῶ νόμῳ*. Lex debet habere hanc conditionē, quod ſit poſſibilis illis quibus proponitur. Hæret propterea in triſtiſſima miſeræ naturæ deprauatione, Phariſaica præſumptio perfectionis, imò ſupererogationis. Inde in ipſa promulgatione legis, populus dicit: cuncta quæ locutus eſt Dominus, faciemus. Exod. 19. Deut. 5. Deus uerò ut perſuaſionē illam retunderet, ſpecie tam terribili legem promulgauit, ut territi dicerent: Non audiamus ultrà uocem Domini,

Domini, ne moriamur. Cumq; peterent ut Moses esset mediator, ipse uerò diceret: Exterritus sum, & tremebundus. Heb. 12. Deus repetiuit promissionē de Messia, et de doctrina Euangelij, Deut. 18. Act. 3. Et Deut. 5. inquit: Bene locuti sunt. Sed quis det talem eos habere mentem, ut custodiant uniuersa mandata mea, omni tēpore? Cū Phariseis etiā Christo multū fuit negocij de illa persuasione perfectionis, Matth. 19. Luc. 10. Omnia hæc seruauī à iuuetute mea: qd adhuc mihi deest. Et Luc. 18. Phariseus corā Deo gloriatur, se ultra mandata Dei, multa etiam supererogasse. Et nostro tempore una ex præcipuis controuersijs est, quæ magna contentione à Pontificijs disputatur, perfectam impletionem legis adeò esse & possibilem & facilem, quòd renati in hac uita, sua obedientia non tantum plenè & perfectè legi diuinæ satisfacere possint: sed quòd ultra legem Dei, multa etiam opera indebita possint supererogare.

Valde magni autem momenti est hæc controuersia. Primò enim non rectè tradi, intelligi aut usurpari potest doctrina Scripturæ, de agnitione & cōfessione peccatorū: quæ etiā in sanctis in hac uita hæret et manet, nisi rectè explicata hac quæstiōe. 2. Puritas articuli iustificationis nō potest retineri, nisi ex Scripturæ sentētia hæc quæstio rectè explicetur: ut scilicet mōstretur, ubi renati quere-re debeāt pfectā impletionē legis, quā corā iudicio

Dei

Dei opponere possint accusationi legis & iræ Dei aduersus peccata, ut iusti pronuncientur ad salutem & uitam æternam. Habent quidem renati per spiritum renouationis, inchoatam obedientiam legis: sed quia minimus apex in lege diuina non potest cadere quin perfectè impleatur, renati inchoata illa sub obedientia quæ non est perfectæ, non possunt in iudicio Dei consistere, ut propter illam iustificentur ad salutum & uitam æternam. Christum igitur fide apprehendunt, qui est impletio legis ad iusticiam omni credenti. Rom. 10. Persuasio uerò quæ renatorum bonis operibus in hac uita tribuit perfectionem, facit Christum post primam reconciliationem ociosum, ut non amplius sit nostra iusticia. Iere. 25. sed iustificationem transfert à Christo ad nostra opera. Tertiò, ipsa doctrina de bonis operibus, non potest rectè tradi sine uera quæstionis huius explicatione. Neq; enim uera & necessaria animi humilitas, in ipso exercitio & cursu bonorum operum, præstari potest: sed Pharisaica gloriatio, quam Paulus Rom. 3. 1. Cor. 1. exclusam esse uult, sequetur, si doceatur renatos suis operibus in hac uita perfectè satisfacere legi diuinæ. Ostendit etiam quæstionis huius explicatio: cum Scriptura manifestè affirmet, credentiū bona opera Deo placere, quomodo & quare placeant: scilicet non ideo, quòd legi perfectè in hac uita satisficiant, sed quia omnia mandata tunc facta deputantur:

tur: quando quicquid non fit, propter Christū ignoscitur, sicut Augustinus loquitur lib. 1. Retractat. cap. 19. Et Pontificij non sine causa, tanta contentione de hac questione dimicant. Vident enim precipuos regni sui neruos in ea consistere: renatos scilicet bona sua opera posse & debere opponere iudicio & iræ Dei, ut propter illa digni iudicentur uita æterna: imò multa ipsos posse supererogare, quæ per nundinationē Pontificiam alijs possint accommodari.

Remouendæ aut sunt calumniæ, ut status questionis rectè constituatur. Non enim docemus, impletionem legis ita esse impossibilem, ut qui per spiritū renouationis renati sunt, nec possint nec debeant in hac uita inchoare obedientiā legis. Neq; hoc etiam principaliter cōtra Pontificios disputamus, quòd homines non renati naturalibus liberi arbitrij uiribus, non possint legi Dei perfectè satisfacere. Dicimus enim, licet externam disciplinam aliquo modo præstare possint homines etiam non renati: uerum tamen hoc est, spiritualem legis obedientiam ne inchoari quidem posse, sine Spiritu sancto. De renatorum igitur bonis operibus, qualia in hac uita sunt, quæstio est: an scilicet perfecta impletionem legi diuinæ plenè & cumulatè ita satisfaciant, ut lex diuina nihil habeat, quod in illis bonis renatorum operibus in hac uita accusare & damnare possit, si Deus in iudicium cum ipsis, sine

uenia & remissione intrare uellet.

Quibus uerò, & quàm insidiosis technis fabricatum sit undecimū capitulum Tridentini concilij, lectori paucis monstrādum est. Studiose enī uitarunt uocabulum perfectionis. Non expresse dicunt, quod tamen sentiunt & uolunt, perfectam impletionē legis diuinæ, operibus renatorum in hac uita possibilem & facilem esse: sed in genere dicunt, obseruationem mandatorum Dei, homini iustificato, iuuante Deo, non esse impossibilem. Quod si de obseruatione mandatorum Dei, quæ in renatis per Spiritum renouationis in hac uita inchoatur, quæ etiam subinde crescere debet, intelligerent: nulla esset controuersia. ideo enim spiritu renouātur iustificati, ut possint inchoare nouam obedientiam iuxta mandata Dei. Ita etiam allegant Scripturæ sententias, quæ monent iustificatos debere inchoare nouam obedientiam, & quæ docent renatos habere talem inchoatam obedientiam. Sed hæc nullam planè apud nos habent controuersiam, sicut in prima questione ostendimus. Sine distinctione etiam loquuntur de bonis iustificatorū operibus, qualia sint in se, quando ad normam legis diuinæ exiguntur: & quo loco apud Deum reputentur, quando propter Christū neui & defectus non imputātur. Quid uerò sub illis indistinctis generalitatibus querant, in fine non obscure indicant: iustificatorū scilicet bona opera, in hac uita tam esse perfecta

perfecta, ut nihil illis adhaereat quod uenia opus habeat. Illud uerò non statim in principio 11. capituli proponunt, sed ludunt generalibus sententijs & argumentis, ut ita imperito & incauto lectori fucū faciāt: ut priusquā animaduertat, irretitus teneatur.

Eodem artificio ludunt uocabulo impossibilitatis. Meminerunt enim, Pelagianos olim Augustino negocium fecisse illa cauillatione: quòd secundum absolutam Dei potentiā, non sit impossibile, ut per gratiā Dei renatus aliquis in hac uita sit sine peccato. Augustinus uerò de peccatorum meritis li. 2. cap. 6. respōdet, aliā esse questionē, utrū esse possit, et aliā utrū sit. Et addit cap. 7. Si queratur, utrū in hac uita alijs sit sine peccato: esse nō credo. magis enim credo Scripturæ, ubi sanctorū uox est: Si dixerimus, quia peccatū nō habem⁹, nos ipsos seducim⁹, & ueritas in nobis non est. Inde igitur Augustinus dicit ibidem cap. 6. & de Natura & gratia cap. 43. Deum nō præcepisse homini impossibilia. Illud uerò dupliciter exponit, primò ad Bonifaciū lib. 3. cap. 7. Gratia Dei tribuit in hac uita studium præcepta seruandi, & eadem, si quid etiam in illis præceptis minus seruatur, ignoscit. Et 1. Retract. cap. 19. Omnia mādāta Dei facta deputātur, quādo quicquid nō sit, ignoscitur. 2. In lib. de perfectione iusticiæ, dicit nō uersari in questione, an possit homo omni prorsus culpa uacare: sed quādo atq; per quē: hoc est, neq; in hac uita, neq; naturæ, sed solum

diuinæ gratiæ viribus. Ad Valerium lib. 1. cap. 29. Ad hoc lex dicit, Non concupisces : ut medicinam gratiæ quæreremus, et in eo præcepto sciremus, et quò debeamus in hac mortalitate proficiendo conari, et quà possit à nobis in illa immortalitate beatissima perueniri. Nisi enim esset quandoq; perficiendum, nunquam iubendum fuisset.

Et propter illas quidē Pelagianorum cauillationes, Augustinus à uocabulo impossibilitatis abstinnit. Postea uerò in libello suppositicio sub Hieronymi titulo anathema adiectum est: et illud citatur à Tridentinis. Scriptura uerò de obseruatione legis non ueretur dicere esse iugū, quod nec Apostoli, nec credentes in primitiua Ecclesia, nec patres ferre potuerint. Act. 15. quod de iustificatis certē, et renatis dicitur. Et pulcherrima est Bernhardi sententia, Sermone 50. in Cantica: Si placet tibi, de affectuali charitate datum fuisse mandatū, non inde contendo: dummodo acquiescas & tu mihi, quòd minimē in uita ista, ab aliquo hominum possit uel potuerit adimpleri. Quis enim sibi arrogare id audeat, quod se Paulus ipse fatetur non comprehendisse? Nec latuit præceptorē, præcepti pondus hominū excedere uires: sed iudicauit utile, ex hoc ipso suæ illos insufficientiæ admoneri, & ut scirent sanē, ad quē iusticiæ finē niti pro uiribus oporteret. Ergo mandando impossibilia, nō præuicatorum homines fecit, sed humiles: ut omne os obstruatur, &

tur, & subditus fiat omnis mūdus Deo. Accipiētes quippe mandatū, & sentientes defectum, clamabimus in coelum, & miserebitur nostri Deus: & sciamus in illa die, quia non ex operibus quæ fecimus nos, sed secundū suā misericordiā saluos nos fecit.

Ex hac commemoratione intelligit lector, quo consilio Tridentini de uocabulis possibilitatis & impossibilitatis litem moueant: ut scilicet ita homines à uero statu quæstionis abducant. Seposita igitur lite de uocabulis, de rebus ipsis constituatur quæstio: an scilicet renatorum bona opera in hac uita, perfecta impletione legi diuinæ satisficiant: sicut suprà statum quæstionis constituimus.

Facilior autem & planior erit explicatio. Andræ enim 4. axiomata quæ in hac quæstione sunt fundamēta firmissima, concedit & approbat.

1. Nouitatē seu sanitatem, quæ in renatis per Spiritum sanctū, inchoata est in hac uita, nō esse perfectam & absolutam. Est enim, & manet in renatis in hac uita, nouius et uetus homo, caro & spiritus: lex mentis, & lex peccati. Et interior homo de die in diem renouatur: sicut Augustinus multis probat lib. 2. de peccatorum meritis. Et tractatu in Ioannem 41. Lex uerò est spiritalis. Roman. 7. Quando igitur caro repugnat spiritui, lex non potest perfectè impleri. Ita Augustinus integram sanitatem, et perfectam charitatē, quæ sit impletio legis, mutuò se cōsequi docet, lib. de perfectione iusticiæ.

918 EXAMEN DECRETORVM

2 Præceptum cbaritatis de diligendo Deo ex toto corde, tota anima, tota mente, et omnib. uiribus: itē ultimum præceptum, nō cōcupiscēs: in hac uita non posse à quoquā pfectē impleri, quādiu aliquid est carnalis cōcupiscētiae, quod uel cōtinēdo frenatur, et quādiu corruptibile istud incorruptionē nō induerit. sicut Augustinus ex Scripturæ fundamētis, multis in locis præclare demōstrat, libro de perfectione iusticiæ, de spiritu & litera cap. 36. ad Bonifacium lib. 3. cap. 7. Ad Asellicum epistola 200.

3 Propter carnem, in qua non habitat bonū, sed malum: q̄ uolenti bonum facere, adiacet malū: & propter legē peccati in mēbris renatorū, quæ repugnat legi mētis: nemo renatorū in hac uita est sine peccato. Rom. 7. 1. Io. 1. Ps. 32. & 129. Prou. 20. Sicut Augustinus multis disputat de peccatorū meritis li. 2. De perfectione iusticiæ. Et de natura et gratia, cap. 36. pulcherrimē dicit: Si oēs sanctos & sanctas cū hīc uiuerēt, cōgregare possemus, et interrogare, utrū essent sine peccato, quātalibet fuerint excellentia sanctitatis: si hoc interrogari potuissent, una uoce clamassent: Si dixerimus, quia peccatū nō habemus, nos ipsos seducimus, & ueritas in nobis nō est. Peccatū uerō iuxta Ambrosiū, est præuariatio legis diuinæ. Nō ergo pfectē in hac uita lex pōt impleri à renatis, q̄ peccatis carere nō possunt.

4 Paulus expresse dicit Rom. 7. Velle adiacet mihi: perficere autē bonū, nō inuenio. Phil. 3. Non q̄ iā
 appre-

apprehēderim, aut perfectus sim. Hæc fundamēta quæ sunt firmissima et manifestissima, Andradi cōcedit et cōprobat. Et tamē simul etiā defendit Pōtificium axioma: Legē diuinā à renatis, in hac uita plenē & perfectē seruari & impleri posse. Fatetur aut hęc cōtraria, et inter se q̄ maximē pugnātia uideri. Sed tamē pollicetur se demonstraturū, utraq; esse uerissima. Tanta scilicet est hominis persuasio siue eruditionis, siue eloquentiæ. Reliqui Pontificij scriptores, fundamēta illa uarijs modis conati sunt arrodere. Andradius uerò tumidæ suæ grandiloquētiæ tantum tribuit, ut speret se etiam uera dicendo posse fallere, & ex ueris ea quæ falsa sunt, posse probare & defendere. Nihil tamen adfert, quod iam dudū in reliquorū Romanensium scriptis protritum sit: nisi quod forsā cogitauit de prouerbio, Quisquilie in aureo flumine. Disputat igitur ea parte legis, quæ in hac uita dum in carne sumus, perfectē impleri nō potest, homines in hac uita nō teneri obstrictos: sed ea solū Deū præcepisse, quæ præstare diuinis uiribus adiuti, secundū uitæ huius conditionē possemus. Reliqua uerò in legē nō obligare homines in hac uita, sed pertinere tantum ad futuram immortalem uitā. Inepti igitur fuerunt filij Israel, unā cum Mose, qui exterriti clamārūt: Sē audierimus ultrā uocē Domini, moriemur. Frustra enim iuxta Andradij opinionē, illis mādatis legis se obstrictos teneri timuerunt q̄ in hac uita perficere

est Andradij & Pontificiorum opinio. Et talis etiam erit argumētatio Petri, Act. 15. Quia iugum legis neque patres nostri, neq; nos ferre potuimus: ideo per gratiam Christi credimus saluari. Andradius enim excipit, ea quæ in lege ferre non possumus, ad nos non pertinere. Paul. Rom. 8. cum questus esset, se nō posse in hac carne legem perfectæ obedientia implere, mox subiicit hanc consolationem: Quod impossibile erat legi, Deus misso filio, qui uictima pro nobis factus est, præstitit, &c. Andradij uerò opinio sentit, non opus esse tali uel remedio, uel consolatione: quia ea solum Deus præceperit, quæ præstare diuinis uerbis adiuti secundum uitæ huius conditionem possumus: reliqua uerò ad nos non pertinere. Atqui Christus Matth. 5. similem planè Phariseorum opinionem, de mandatis Dei maximis & minimis acriter reprehendit. Et Andradius quidem uariè ludit in explicatione minimorum mandatorum. Sed quæ exempli gratia à Christo de interpretatione aliquot præceptorum, Matth. 5. adducuntur, manifestè ostēdunt, quæ Pharisei intellexerint minima mandata: non irasci fratri, dicere Racha, uel fac tue: qui uiderit uxorem ad concupiscendum eam: diligere inimicos. Estote perfecti, sicut pater uester cœlestis perfectus est, &c. Et cum dixisset: Iota unum, & apex unus non præteribit à lege, donec omnia fiāt: subiicit, Qui ergo soluerit unū ex

mandatis istis minimis, & docuerit sic homines, minimus uocabitur in regno cœlorum. Manifesta igitur est declaratio, de quibus mandatis loquatur: quæ Phariseorum Cabala minima uocauit, & sine detrimento iusticiæ solui posse docuit, si modò reliqua in lege seruarentur. Christus uerò pronunciat: Nisi facta fuerit reconciliatio cum Deo, & remissio in hac uita, in carcerem mittêris. Amen dico tibi, non exhibis inde, donec solueris nouissimum quadrantem. Pugnat igitur cum tota Scriptura illa Pontificiorum opinio.

Sed argumenta quædam ex decretis Tridentini concilij contextit Andradius, quibus opinionem istam confirmare nititur. Dicit igitur, cõtumeliosum esse in ipsum legislatorẽ Deũ affirmare, ipsum præcepisse aliquid quod in hac uita, & in hac naturæ corruptione nemo perfectè implere possit. Quasi uerò propter naturæ nostræ deprauationem, mutanda & inflectenda fuerit regula legis, quæ est perpetua & immutabilis norma iusticiæ in Deo: imò cum ne unum quidem tota legis præterire possit, quin perfectè impleatur: ideo Deus misit filium suum, factum sub lege, ut eos qui sub lege erant, redimeret. Adeo lex illam ludificationem Pontificiorum non admittit, quòd scilicet ea tantum flagitet quæ in hac uita præstare possumus. Sed Ioannes inquit, filios Dei in hac uita habere charitatẽ Dei: & charitas Dei, iuxta eundem, est seruare mandata Dei.

Respon-

Respondeo: Non est questio, an renati habeant charitatem, & incipiant facere legem: hoc enim concedimus & docemus: sed questio est an charitas reparatorum in hac uita sit integra, perfecta & absoluta: item, an perfecta obedientia satis faciant legi.

Illud uerò argumentum aliquāto speciosius est, quòd Ioannes dicit, mandata Dei non esse grauiā: & quòd Christus pronunciat, onus suum esse leue. Item quòd Augustinus ad Bonifacium lib. 3. cap. 7. dicit, obedientiā reparatorum perfectā dici posse, pro statu uiatoris. Ibidē: Secundū hominis mortalis capacitatem, pro huius uitae modulo, perfecti sumus. Sed plana est responsio: Qui fide ppter mediatorē Deo reconciliati sunt, donatur Spiritu sancto, q̄ renouat ipsos. Et in illa inchoata nouitate est aliq̄s in hac uita gradus bonae cōsciētiae reparatorum: ut scilicet praebeāt mēbra arma iusticiae Deo: nec admittāt uel errores cōtra fundamētū fidei, uel lapsus cōtra cōsciētia. Quod uerò pfectioni deest, et sordes quae ex lege peccati in mēbris asperguntur, malum itē q̄ adiacet, fides petit ppter Christū tegi, & nō imputari. Et hoc modo mādata Dei nō sunt grauiā: 1. q̄a sunt Dei filij. 2. quia ducuntur spiritu Dei. 3. q̄a quicquid nō sit ppter Christū, ignoscitur: sicut Augustin. inquit. Hoc etiā modo renati dicuntur perfecti, Phil. 3. & 1. Cor. 2. imputatiōe scilicet et inchoatiōe. Primò. n. fides in Christo accipit, habet et possidet p̄ imputationē, integerrimā & perfectissimā
impletiō.

924 EXAMEN DECRETORVM

impletionem legis, ad iustitiam & salutem. 2. Spiritus sanctus renouat corda credentium, accensa charitate, ut incipiat facere legem. 3. quod in inchoata illa obedientia imperfectum, & propter carnem immundum est credentibus propter Christum non imputatur, sed tegitur. Pōtificij uerò has sententias ita deprauant, quasi id quod inobedientia renatorum, in hac uita perfectioni quam lex requirit deest, non sit peccatum quod à lege accusetur: nec opus habeant renati, illud imperfectionis uitium agnoscere. affirmant enim illud non obstare, quo minus bona renatorum opera in hac uita opponantur iudicio & iræ Dei, ad iustificationem & uitam eternā. Sed Paulus manifeste, & expofesso opinionem istam refutat, Rom. 7. 1. Cor. 4. Et Augustinus ad Bonifaciū li. 3. cap. 7. disertè se declarat, quomodo perfectionem uiatoris intelligi uelit, cum inquit: Virtus quæ nunc est in homine iusto, hætenus perfecta nominatur: ut ad eius perfectionem pertineat, etiam ipsis imperfectionis & in ueritate agnitio, & in humilitate confessio. tūc enim secundum hanc infirmitatem pro suo modulo perfecta est ista parua iusticia, quādo etiā quid sibi desit intelligit. Ita Apostolus perfectū & imperfectum se esse dicit. Ibidem: Gratia Dei tribuit hūc studium præcepta seruandi: & eadem si quid etiam in illis præceptis minus seruatur, ignoscit. Ita 1. Retract. 19. disputans de perfectione renato-

rum in hac uita, utitur hac dulcissima sententia: Omnia mandata facta deputantur, quando quicquid non fit, ignoscitur. Et in confessionibus: Vae huiusmodi uitæ, quantumuis laudabili, si remota misericordia iudicetur. De ciuitate: Inhærens iusticia sanctorum in hac uita magis remissione peccatorum constat, quàm perfectione uirtutum. In epistola uerò 26. ad Hieron. disertè dicit: Propter illud imperfectionis uitium, si dixerimus quia peccatum non habemus, nos ipsos seducimus, & ueritas in nobis non est: propter illud etiam uitium, quantumlibet profecerimus, necessarium est uobis dicere: Dimitte nobis debita nostra. ex quo uitio non iustificabitur in conspectu Dei, omnis uiuens. Ita Hieronymus dicit: Quid ergo sapimus, imò quid sapere debemus, qui perfecti sumus? imperfectos nos esse confiteri, & nondum comprehendisse, nedum accepisse. Hæc est enim hominis uera sapientia, imperfectum esse se nosse. Atq; (ut ita loquar) omnium in carne iustorum, imperfecta perfectio est. Et quod in hanc sententiam intelligendæ sint & Scripturæ, & Patrum sententiæ de perfectione. Augustinus in multis locis ostendit, ad Bonifacium lib. 3. cap. 5. De gratia, cap. 48. & 49. & c. de perfectione iusticiæ.

Illud enim argumentum est firmissimum: Peccatum est præuaricatio legis diuinæ. Sed nemo sanctorum in hac uita caret peccato. Ergo nemo in hac
uita

926 EXAMEN DECRETORVM

uita perfectè satis facit legi, sed omnes sunt prauis
 ricatores legis, quia peccatores. Audiamus uerò
 quid & quomodo respondeant. Antea Andradi-
 us dixit, iustos licet aliquando & alicubi offendat
 & labantur, multa tamen & pleraq; edere opera,
 omnis uitij & peccati prorsus expertia. Sed Paul.
 Rom. 7. de uno & eodem opere, imò de singulis o-
 peribus renatorū in hac uita dicit: Volēti mihi fa-
 cere bonū, adiacet malū. Velle adiacet mihi, perfi-
 cere uerò nō inuenio. Ipse ego mente seruiō legi
 Dei, carne uerò legi peccati. Non q̄ ipsum opus le-
 ge Dei mandatū, malū sit, & peccatū: sed id quod
 minus est q̄ debebat, uitiū est: sicut Augustinus lo-
 quitur. Et uitiositas ex carne adhērēs peccatū est.
 Atq; hoc modo iustus in omni bono opere pecca-
 re, Lutherus dixit. Hoc loco uerò Andradius dicit,
 non esse intelligēdū de peccatis mortalibus, sed de
 uenialib. Et hoc quidē rectè. Peccata enim morta-
 lia excutiūt fidē & Spiritū sanctū, et tunc desinūt
 esse iusti: uenialia uerò peccata, sunt etiā in rena-
 tis: nec propterea desinūt esse iusti. Dicitur et hoc
 rectè. Sed quæstio est, quomodo & quare renati,
 propter peccata uenialia nō dānentur: q̄a scilicet
 beati sunt, quorū tecta sunt peccata, & quib. non
 imputantur peccata. Psal. 32. Rom. 4. Nulla n. con-
 demnatio est his qui in Christo Iesu sunt. Rom. 8.
 Et n. capitulū Tridentinū uideri posset in illā etiā
 sentētiā inclinare. Rationē enim, quare sancti in
 hac

hac uita, etiā si labantur in uenialia peccata, nō desinant esse iusti, hanc reddit: quia iustorum illa uox est, & humilis, & uerax: Dimitte nobis debita nostra. Sed Andradius Concilij interpres, hoc nō admittit. Contendit enim, uenialia peccata per se tam esse minuta & leuia, ut non aduersentur perfectio ni charitatis, nec impedire possint perfectā & absolutam legis obedientiā: utpote quæ non sint ira Dei & condemnatione, sed uenia digna, etiam si Deus cum illis in iudicium intret. Sicut Lindanus inquit: Leuicula uitiola lapsuum quotidianorum, aspergines & nœuuli sunt: qui per se non maculant & contaminant, sed quasi puluisculo leuiter aspergunt uitam Christianam: ut nihilominus tamen per se sint perfecta, & undiq; immaculata renatorum opera in hac uita. Sed falsum hoc esse, suprā demonstratum est. Licet enim sint differentie & gradus peccatorum, nullum tamen tam minutum & leue est peccatum, quod nō sit *arropia*, hoc est præuaricatio legis diuinæ.

Lex uerò maledictionem denunciât, qui non permanserit in omnibus quæ scripta sunt in libro legis. Qui enim totam legem seruat, & in uno aliquo delinquit, reus factus est omnium. Nam ne unum quidem ex minimis mandatis Dei soluendum est.

Iam uerò in multis labimur omnes, secundum Iacobum. Lex igitur accusat & damnât etiam illa peccata

peccata quæ uenialia uocantur, nisi tegantur, et nõ imputentur propter Christum. Aliter igitur iuxta Augustinum est beatus sine peccato: quod futurum est in altera uita. Aliter autẽ beatus cui non imputat Dõminus peccatum: quod fit in credentibus, in hac uita Non autem potest esse absoluta & perfecta legis impletio, ubi peccatum non potest deesse. Sed de peccato mortali & ueniali, locus dicendi erit in doctrina de pœnitentia.

Accedo iam postremò ad insignem illam, sicut Typographus eam uocat, orationẽ Andradij: quam me ut falsarium, conuersa ad ecclesiam Brunsvuicensem & ad totam Germaniam oratione, quasi in triumpho in frequentissimis totius orbis theatris traducit. Sed bene adhuc res habet: est enim ἐπιὶ νίκῃ ante uictoriam. Primò enim non est accusatio de falsatione uel Scripturæ, uel uerbi Dei: sed de Augustini quadam disputatione, controuersia est: de qua tamẽ res ipsa planissima est, ut nullum planè locum habeant tragica illæ Andradij exclamationes: nisi quod uidetur, talem sibi locum communem in omnem euentum contra Lutheranos antea præparasse, is ne periret, arripienda fuit qualiscunq; occasio. Res autem ita se habet: de qua cuius lectori iudicium permitto liberrimum. Scripsit Augustinus librum de perfectione iusticiæ cõtra Cœlestinum, in quo docet, in hac uita neminẽ peruenire ad tantã perfectionem charitatis

charitatis seu inherēntis iusticiæ, ut perfecta & absoluta impletione satisficiat primo & ultimo præcepto, ita ut sit sine peccato. Iam questio est: an Augustinus illam perfectionem tantum adimat non renatis, qui sine Spiritu sancto, solis liberi arbitrij uiribus conantur legem implere? Ego dixi, & adhuc dico, Augustinum etiam illis qui per spiritum sanctum renati sunt, in hac uita ex Scripturæ sententiâ, adimere illam perfectionem. Et hoc certè uerissimum & manifestissimum est. Nam & in alijs multis locis, questionē illam Augustinus ita tractat, ut de peccatorum meritis libro 2. ad Bonifacium libro 3. de spiritu & litera, de natura & gratia, &c. Sed, inquit Andradius, sunt in illo Augustini libro multe ratiocinationes cœlestij, quæ de solis liberi arbitrij uiribus non renatorum loquuntur. Scio hoc. Sed addo & illud quod negare non potest: Cœlestium in illo libro obijcere Augustino multas etiam scripturæ sententias de perfectione: quæ loquuntur non de infidelibus, sed de illis qui per Spiritum sanctum renouati sunt. Et illas sententias Augustinus ita explicat, ut perfectionem charitatis, quæ sine peccato sit, adimat etiam renatis in hac uita. Quod uerò Andradius dicit, Pelagianorum disputationes prorsus exclusisse gratiam Dei, & solius naturæ uiribus sine Spiritu sancto asscripsisse perfectionem:

tionem : nō existimet nos adeo rudes esse antiqui-
tatis, ut ignoremus, quod & quomodo Pelagiani
subinde statum controuersiae mutarint. Cum enim
animaduernerent, omnium piorum aures abhorre-
re à blasphemia illa sententia, qua gratiā Spiritus
sancti prorsus ut non necessarium excludebant,
coeperunt ita loqui: Gratiam Spiritus sancti ad
hoc ualere, ut quae homines per liberum arbitrium
facere iubentur, facilius possint implere per gra-
tiam. Postea uerò, sicut in libris ad Bonifaciū Au-
gustinus recitat, ita loqui coeperunt Pelagiani: Gra-
tiam adiuuare bonum cuiusque propositum. Item
uoluntatem in omni bono opere à gratia semper
adiuuari: ibi certè gratiam non excludunt. Augu-
stinus uerò quando de perfectione, quae sine pec-
cato in hac uita sit, disputat, negat illum non tan-
tum quando Pelagiani prorsus excludunt gratiam
Dei, uerum etiam quando gratiam coniungunt li-
bero arbitrio: hoc est, etiam illis qui per Spiritum
sanctū renati sunt, & in illa nouitate auxilio Dei
adiuuatur, talem perfectionem in hac uita adimit.
Haec sunt, quae ego dixi de disputatione Augusti-
ni, in libro de perfectione iusticiae contra Cœlesti-
um, & quae Andradius tam atrociter accusat. Et
non tantum ferre possum, sed oro lectorem, ut
inspiciat illas Augustini disputationes.

Agnoscat enim Andradium ex fulgure tragica-
rum

rum exclamationum, sumum tantum edere, scis
potius uendere. Nam Augustinus ipse in illo li-
bro statim controuersie dicit uersari in duabus il-
lis questionibus. 1. Per quem homo possit per-
uenire ad talem perfectionem, ut sit sine peccato:
scilicet non per liberum arbitrium, sed per grati-
am Dei. 2. Quomodo ad talem perfectionem ho-
mo peruenturus sit: scilicet non in hac, sed in fu-
tura uita. Sed in re plana nolo lectorem diutius
detinere: & sicut iniqua praeiudicia non curo, ita
equa iudicia in hac accusatione non pertimesco.

Huius uero commonesactum uelim lectorem,
ut obseruet quid Andradius quærat: ut scilicet &
Scripturæ, & ueterum sententiæ, quæ perfectio-
nem charitatis quæ sine peccato sit, hominibus in
hac uita adimunt, restringantur simpliciter tan-
tum ad non renatos: ita ut renatorum bona ope-
ra, in hac uita per se ita sint perfecta, ut seuerita-
tem diuini iudicij, sine remissione peccatorum su-
stinere possint. Hoc agit: sed ne animaduertatur,
strepitum illum exclamationum contra me exci-
tauit. Hoc enim est artificium oratori-

um, si non potius sophi-
sticum.

QVARTA QVAESTIO.

De præmijs & meritis bonorum
operum.

Hæc doctrina in nostris Ecclesijs planè & distinctè ex uerbo Dei proponitur: expiationē scilicet peccatorum, seu propitiationē pro peccatis, nō debere tribui meritis nostrorum operum. Pertinent enim ad officium quod solius Christi mediatoris proprium est. Ita remissio peccatorum, reconciliatio cum Deo, adoptio, salus & uita æterna, non pendent ex nostris meritis: sed donantur gratis, propter meritum & obedientiam filij Dei: & fide accipiuntur. Sed in reconciliatis postea bona opera cum placeant fide propter mediatorem, habent præmia, spiritualia & corporalia in hac uita, & post hanc uitam: idq; ex gratuita promissione diuina: non quod Deus propter perfectionem & dignitatē nostrorū operum, sit debitor: sed quia ex misericordia & paterna liberalitate, propter Christum, promisit se præmijs ornaturum quamuis inchoatam, languidam, imperfectam, & immundam filiorum suorum in hac uita obedientiam. Et illæ promissiones debent in renatis excitare studium bene operandi. Inde enim intelligimus, quā grata patri cœlesti sit filiorum qualiscunque illa, quam Spiritu sancto ducente

Quæ in hac uita sub hoc corruptibili onere carnis inchoant, obedientiã: ut quã præmijs spiritualibus & corporalibus, quæ sua dignitate non meretur, ex gratia & misericordia propter filiũ ornare uelit. Et in hanc sententiam, nostri etiam à uocabulo Meriti non abhorrent: sicut etiam patribus usitatum fuit. Præmia enim promittuntur ex gratia & misericordia: non tamen dantur ociosis, uel malè agentibus, sed laborantibus in uinea Domini. Atque ita in Apologia Confessionis Augustanæ, in confessione Vuirtenbergenſi, & in alijs nostrorum scriptis, usurpatur uocabulum Meriti. Hoc modo, & in hanc sententiam, proponimus in nostris Ecclesijs Scripturæ sententias, de præmijs bonorum operum. 1. Timoth. 4. Pietas ad omnia utilis est, habens promissiones & huius & future uitæ. Lucæ 14. Retribuetur tibi in resurrectione iustorum. Matth. 5. Merces uestra erit copiosa in cælis, Matth. 10. Non perdet mercedem suam. Gal. 6. Bonum faciendo non defatigemur: tempore enim suo metemus non defatigati. Ephes. 6, Scientes quòd quisq; fecerit boni, hoc reportabit à Deo. Heb. 6. Non iniustus est Deus, ut obliuiscatur operis uestri, & dilectionis qua ministratis sanctis. 2. Theſſal. 1. Si tamen iniustum est apud Deum, retribuere tribulationem ijs qui tribulant uos, & uobis qui tribulamini re-

quiem, &c. Et plena est Scriptura talium promissionum, de spiritualibus & corporalibus præmijs.

Hæc uerò cum ita se habeât: quid igitur in controuersia positum est, inter Pontificios & nos, quod attinet ad doctrinâ de præmijs bonorû operum? Respondeo. Controuersia consistit in duobus potissimû capitib. 1. Quòd docêt, renatos suis operib. uerè promereri nō alia tātū spiritualia et corporalia præmia, sed ipsam etiā uitam eternā: quæ tanquā merces bonis renatorû operib. & meritis reddēda sit. 2. Quòd censent dare præmia bonis operibus, non ex gratia, misericordia, & paterna liberalitate patris cœlestis, sed ex debito: quia renatorum bonis operib. nihil desit quo minus diuinæ legi, pro huius uitæ statu plenè satis fecisse, & uitā eternam uerè promeruisse censeātur. Hæc extant in 16. cap. Tridentini concilij. De quibus quædam dicenda sunt: quæ ideo pauciorib. absolui possunt, quia pleraq; quæ huc pertinent, in loco de iustificatione, & in tertia questione, quomodo & quare bona opera Deo placeant, explicata sunt.

Concilium igitur Tridentinū dicit, bona renatorum opera uerè promereri uitam eternā. Atq; ita simpliciter repetūt & stabiliūt Scholasticorū cōmentis de merito cōdigni: q. scilicet renatorû opera in hac uita in charitate facta, ex condigno mereantur uitam eternam: hoc est, quòd uita eterna ex debito

debito iusticiæ diuinæ retribuenta sit bonis operibus. Ita enim definiunt meritum cōdigni. Lindanus dicit, bona opera esse peccatorū prius admissorū expiationes et propiciationes. Petrus à Soto dicit, Pontificiæ Ecclesiæ sensu esse, bonis operibus quæ ex gratia fiunt, ita esse fidendum, ut ad expianda peccata, iram Dei placandā, & uitam æternā consequendam necessaria sint & utilia. Et addit: Si aliquid his inferius retribueretur, non esset uerum & proprium bonorum operum præmium. Andrædradius cōcilij interpret, multis improbat, & reijcit nostrorū explicationē, q̃ uita æterna sit merces, quia cōpenset benefacta, etiamsi detur propter aliud, scilicet propter Christum: sicuti patrimonium est merces filij obediētis, etiamsi cōtingit propter aliā causam. Et dictitat, non minus sempiternam felicitatem iustorum esse præclaris operibus debitā, quā æternos cruciatus impiorū sceleribus. Item uitam æternam ita esse bonorum operum retributionem, quod non tam gratis & liberaliter à Deo conferatur, quā debita sit bonis operibus. Atq; ita uera & integra ratio meriti constet: ut scilicet æqualitas sit Geometrica, meriti ad precium. Dissputat etiam, meriti & mercedis rationem, cum gratiæ nomine exaduerso pugnare: atq; ideo uitā æternam tanquam mercedem, non debere secundū gratiā, sed secundū debitū imputari bonis renatorū

n n 4 operibus.

operibus. Quia Paul. Rom. 4. dicit: Operanti merces imputatur, non secundum gratiam, sed secundum debitum. Hæc asscripsi, ut plenior extet explicatio 16. cap. concilij Tridentini, de Merito bonorum operum. Et obseruet lector, quod Tridentinis patribus nimis impudens uisum fuit, uitam æternam tribuere solis nostris meritis: ideo dum aliquam modestiæ significationem dare student, honoris gratia, uitam æternam partiuntur inter meritum Christi, & nostrorum operum merita. Sed illa ipsa qualiscunq; modestia non probatur Pontificijs scriptoribus. Lindanus enim acriter reprehēdit, quod quidam qui inter Pōtificios modestiores uideri uolunt, dicunt Deum bona iustorum opera, uita æterna remunerare, ex gratuita dignatione suæ clementiæ. Contendit enim illud fieri secundum ueram rationem meriti. Andradius uerò argumentatur ex Paulo, non posse consistere illam partitionem, quæ donationem uitæ æternæ partitur inter misericordiam Dei propter meritum Christi, & inter debitū propter merita nostrorum operū. Et certē fortissimū est argumentū Rom. 4. Si secundū gratiā, iam nō secundū debitū: si uerò secundum debitum, iam nō secundū gratiā. Et Rom. 11. Si gratia, iam non ex operibus: aliās gratia non esset gratia: si uerò ex operibus, iam non amplius est gratia: aliās enim opus non esset opus

opus. iuxta Paulum igitur, non possunt simul in articulo salutis æternæ consequendæ, consistere gratia & opera seu debitum, lex et fides, seu Christus. Romanorum 4. Si ex lege hæreditas, exinanita est fides, & abolita promissio. Gal. 3. Euacuatistis à Christo, gratia excidistis qui in lege iustificamini. Quòd enim Pontificij fingunt, Paulum loqui de operibus in fidelium tantum: supra in loco de iustificatione refutauimus. Loquitur enim de operibus Abraham & Galatarum, post conuersionem: nec de ceremonialibus tantum, sed de moralibus præcipuè. Vel igitur ex solis nostrorum operum meritis, uel ex sola gratia Dei propter meritum Christi datur uita æterna. Scriptura uerò eam simpliciter operibus etiam renatorum addimit, & tribuit misericordiæ Dei, propter meritum Christi. Romanorum 4. Dauid pronunciat, beatitudinem esse eius hominis, cui Deus imputat iusticiam sine operibus. item: Non operanti, credenti autem fides imputatur ad iusticiam. Si ex lege hæreditas, exinanita est fides. Ephesios 2. Gratia saluati estis, non ex operibus. Tit. 3. Non ex operibus iusticiæ quæ nos fecimus, sed secundum misericordiam suam saluos nos fecit. 2. Timoth. 1. Non secundum opera nostra, sed secundum propositum suum & gratiam, quæ data est nobis in Christo Iesu. Matth. 20. 1. Timoth. 2. De-

938 EXAMEN DECRETORVM

dit animam suam, precium redemptionis pro omnibus. 1. Ioannis secundo: Si quis peccauerit, aduocatum habemus apud patrem, Iesum Christum, iustum: & ipse est propiciatio pro peccatis nostris. Blasphema Lindani uox est, opera iustorum esse expiationes peccatorum, & propiciationes pro peccatis prius admissis. Paulus Romanorum octauo, in questione, Quis accusabit? quis condemnabit interponit non merita suorum operum: sed Christus, inquit, mortuus est, imò resuscitatus est, & intercedit pro nobis. Quàm frequens est repetitio illius sententiæ apud Ioannem: Filium suum unigenitum misit, ut omnis qui credit in ipsum, non pereat, sed habeat uitam æternam. Ioannis 6. Viuet propter me. Ioannis 11. 14. Ego sum uita. 17. Hæc est uita æterna, ut agnoscant te solum uerum Deum, & quem misisti Iesum esse Christum. 20. Ut credentes habeatis uitam in nomine Christi. prima Ioannis 5. Hæc uita est in filio eius: qui habet filium, habet uitam æternam. Actorum 4. Non est aliud nomen datum in hominibus, in quo oportet nos saluari. In nullo alio est salus, nisi in illo qui est lapis primum reprobatus, postea factus in caput anguli. Romanorum sexto, Stipendium peccati, mors est: donum uerò Dei, est uita æterna. Denique tota Scriptura plenissima est talium sententiarum. Ita Augustinus

stinus de gratia & libero arbitrio, loquens de operibus sanctorum post iustificationem: Non meritis nostris Deus nos ad æternam uitam, sed pro sua miseratione perducit. Et Bernhard. Necesse est primò credere, quòd remissionem peccatorum habere non possis, nisi per indulgentiam Dei: deinde quòd nihil prorsus habere queas operis boni, nisi & hoc dederit ipse: postremò quòd æternam uitam nullis potes operibus promereri, nisi gratis detur & ipsa. Et rationem addit: Quia si bene cogitare uolueris, inuenies proculdubio, quòd nec cum decem milibus possis occurrere ei, qui cum uiginti milibus uenit ad te.

Quanta uerò impietas & blasphemia est, gloriam illam propiciationis pro peccatis, salutis & uitæ æternæ, quæ obedientia & merito Christi debetur, ipsi detrahere, & transferre ad nostrorum operum merita, aut certè partiri inter Christi meritum, & nostra merita: quasi non esset summum sacrilegium, & extrema idololatria, gloriam Christi alteri tribuere. Sed excipiunt, hominem non debere in seipso uel confidere, uel gloriari: sed in Domino. Quomodo uerò? Quia scilicet non artibus liberi arbitrij, sed uirtutibus à Deo donatis mereamur uitam æternam. Atqui tales erant Abrahæ uirtutes. Romanorum quarto,
quando

quando Paulus dicit: Non operanti, sed credenti. item: Beatitudo sine operibus. Si ex lege hereditas, exinanita est fides, &c. Et Ieremie 9. prima Corinthiorum primo, Non gloriatur sapiens in sapientia sua, non fortis in fortitudine sua: sed qui gloriatur, in Domino gloriatur: Quomodo uerò? Quia Iesus factus est nobis à Domino sapientia, iusticia sanctificatio & redemptio. Et ne ad nouitatem hæc detorqueantur, Romano- rum tertio, Paulus dicit: Non per legem operum, sed per legem fidei excludi gloriationē. Et cap. 4. Exemplo Abrahæ iam renouati hoc explicat: ipsum scilicet in articulo iustificationis & beatitudinis, non habere gloriationem coram Deo: quasi secundum debitum, & non secundum gratiam, fiat imputatio: sed beatitudinem esse eius hominis, cui Deus imputet iusticiam sine operibus. Et capite quinto subiicit: Per Christum accessum habemus fide in gratiam, in qua stamus, & gloriamur super spe gloriæ Dei. Ephes. 2. Gratia saluati estis, non ex operibus, ne quis gloriatur. Falsa est igitur Tridentina explicatio. Scriptura enim quando tradit homines non debere in seipsis, sed in Domino gloriari, adimit gloriationē de uita æterna, etiam renatorum operibus, & tribuit gratiæ seu misericordiæ Dei propter filium mediatorem.

Hoc uerò candoris est, quòd in conclusione aperte

apertè declarant, quis sit fructus & exitus doctrine, de uita æterna, nostris operibus promerenda: ut scilicet de salute sua homines dubij, incerti, & suspensi sint, donec unicuique reddatur secundum opera sua: quia scilicet scriptum est: In multis offendimus omnes. Atqui ideo non ex operibus, nec secundum opera: sed gratis, secundum gratiam, propter Christum mediatorem datur, & fide accipitur remissio peccatorum, reconciliatio, adoptio, salus & uita æterna, ut promissio nobis sit certa & firma. Romanorum quarto, Pontificij uerò, ut promissionem illam nobis incertam & infirmam reddant, ideo hæreditatem à misericordia Dei, & à Christo transferunt ad merita nostrorum operum. Ita uerò exinanita est fides, & abolita promissio, si uera sunt quæ Paulus scribit Roman. 4.

Operæprecium uerò est, paucis etiam argumenta considerare, quibus Tridentini meritum uitæ æternæ, quòd ex nostris operibus pendeat, stabiliunt.

Iustificatis nihil deesse affirmant, quo minus suis operibus in hac uita plenè diuinæ legi, pro huius uitæ statu satisfaciant. Ergo suis operibus uerè promerentur uitam æternam. Respondeo. Maior propositio huius argumenti quæ subticetur, uerissima est. Et si quis in hac uita suis operibus absoluta obedientia, legi plenè & perfectè satisfac-

ret,

242 EXAMEN DECRETORVM

ret, omnino sequeretur conclusio. Vox enim & promissio legis est: Si uis in uitam ingredi, serua mandata. Sed minor propositio, quod renati in hac uita suis operibus legi perfecte satisfaciant, falsissima est: sicut in tertia quaestione demonstratum est. Et hoc ipsum decretum citat dictum illud de renatis: In multis offendimus omnes. atqui non tantum qui in multis, sed qui in uno delinquit, reus est omnium. Qualis igitur perfecta satisfactio esse potest? Quod uero pro uitae huius statu fingunt nihil deesse, supra refutatum est.

2 Dicunt opera renatorum non ex seipsis, sed
 2 Christi cui renati insiti sint, & à Spiritu sancto cuius renouatione opera illa fient, accipere & habere uim et efficacitatem promerendi remissionem peccatorum, adoptionem, salutem & uitam æternam. Et sanè non aspernanda, sed insignis est dignitas operum quæ in Deo facta sunt, si in suo loco & ordine relinquuntur. Sed quæ sit illorum uis & efficacia, non ex nostris ratiocinationibus, sed ex scriptura iudicandum est. Illa uero gloriam & dignitatem promerendi remissionem peccatorum, adoptionem & uitam æternam, Christo mediatori, non operibus renatorum uult tribui sicut testimonijs ostendimus. Non enim passus est Christus, ut nostris operibus tribueret talē uim & efficacitatē, ut illis demum promeremur remissio-

nem

nem peccatorū, adoptionē, et ipsam uitam aeternā: sed illos immensos thesauros filius Dei mediator, sua obedientia & passione, factus sub lege, nobis ipse acquisiuit: ut omnis gloriatio de operibus exclusa sit. Romanorum tertio, Et qui gloriatur in domino gloriatur. 1. Cor. 1. Lectori igitur propono consideranda illa uerba Andradij: Præclaræ actiones ad quas diuinus spiritus mentem inhabitans incitat & impellit, diuinitatem quandam habeant necesse est. Agnoscit Andradius remissionem peccatorum, reconciliationem, adoptionem, salutem & uitam aeternam, non humana, sed diuina esse beneficia. Ideo enim mediatorem oportuit esse Deum & hominem, ut obedientia & passio eius æquiualens esset precium tantis thesauris promerendis. Quia uerò renatorum operibus Pontificij hoc tribuunt, ideo Andradius scribere non ueretur, necesse esse ut renatorum opera diuinitatem quandam habeant. Nihil addo: sed lectorem oro, ut nouam diuinitatem nostrorum operum, quam Andradius in Tridentina officina fabricatus est, consideret.

Est uerò & hoc considerandum. Magna est dignitas, quòd renati sicut palmites Christo insiti, fructum faciunt, Ioan. 15. & quòd ipsorum opera sint fructus spiritus, Ephesios quinto. Sed rursus etiā hoc consideretur, quòd lex peccati in membris

244 EXAMEN DECRETORVM

bris renatorum in hac uita, legi mentis ita reputat, ut bonum quod agente spiritu uolunt, non perficiant. Et quia lex illa carnis facit, ut uolente bonum agere, adiiciat malum: inquinat igitur, et commaculat ea quæ spiritus in renatis operatur. Si igitur Deus in iudiciũ, etiã cum renatorũ operibus intraret, non pronunciarentur merita cõdigna uita eterna, sed rei constituerentur renati, quod fructus spiritus carne sua impediant, inquinent et commaculent. Et hoc ipsum sancti confitentur: Quis gloriabitur, Mundum est cor meum, Purus sum à peccato? Et Esa. 64. Non de impijs tantum, sed de se etiam: nec de lapsibus, sed de bonis operibus loquitur, cum inquit: Quasi pannus menstruatae, uniuersæ iusticiæ nostræ. Sicut Bernhardus pulcherrimè dicit: Nostra si qua est humilis iusticia, recta forsitan, sed non pura: nisi fortè meliores nos esse credimus, quàm patres nostros: qui non minus ueraciter, quàm humiliter aiebant: Omnes iusticiæ nostræ tanquam pannus mulieris menstruatae. Quomodo enim pura iusticia, ubi adhuc non potest culpa deesse? Et pulchra est Augustini sententia: Multum nobis in hac carne tribueremus, si non usque ad eius depositionem subuenia uiueremus.

Alterum caput controuersiae, est de reliquis premijs bonorum operum, spiritualibus et corporalibus:

poralibus: an renatorum bona opera, præmijs illis à Deo ornentur, ex debito iusticiæ diuinæ: an uerò ex gratia, clementia & bonitate patris cœlestis, erga filios suos propter Christum mediatorem. Dixi autem supra, Lindanũ serió irasci illis, qui censent Deum remunerare iustorum bona opera, ex gratuita dignatione suæ clementiæ. Andradius etiã contendit, non secundum gratiam, sed secundũ debitum, ex uera & propria ratione meriti, mercedem bonis operibus à Deo promitti et dari. Et Tridentinum decretum, meriti rationem ita explicat: Quia iustificatis nihil desit, quo minus operibus suis in hac uita diuinæ legi satisfaciant, & ita uerè promereantur præmia.

Etsi igitur fatemur, in reconciliatis bona opera habere præmia Spiritualia & corporalia, in hac uita & post hanc uitam: non tamen concedimus illud fieri (sicut Pontificij dicunt) non secundum gratiam, sed secundũ debitum iusticiæ diuinæ, propter ueram rationem meriti: quia nihil desit operibus, quo minus legi diuinæ satisfaciant. Scriptura enim aliquot recitat rationes, bona opera habere præmia, non ex debito iusticiæ diuinæ, propter rationem meriti: sed ex gratuita dignatione paternæ erga filios quos gratis propter filium adoptauit, clementiæ.

1. Christus Luc. 17. longa similitudine ostendit, Dominum ex debito non obligatum esse, ut gra-

tiam habeat seruo, quia fecerit quæ ipsi imperata fuerant. Et addit: Sic & uos, cum omnia feceritis quæ uobis præcepta sunt, dicite: Serui inutiles sumus, quod debuimus facere, fecimus. Est enim Deus Dominus noster, nos serui ipsius, multis nominibus: ut ratione creationis, redemptionis, & sanctificationis. sicut Paulus inquit 1. Corinth. 6. Non estis uestri. precio enim empti estis. Ergo non est nobis ex debito obligatus, ad retribuenda præmia pro operibus debitis.

2 Propter legem peccati, in membris imperfectio, & malum adherens bonis operibus renatorum in hac uita. Romanorum 7. Atque ideo seueritatem iusticiæ & iudicij diuini sustinere nō possunt, si remota misericordia iudicentur. Quod igitur non abijciuntur & damnantur, sed acceptantur, & præmijs etiam ornantur: non fit secundum debitum, propter rationem meriti. Ita enim legis sententia diuersum pronunciaret: Qui non in omnibus permanserit quæ in lege scripta sunt, maledictus esto. item: Qui in uno delinquit, reus est omnium. Fit ergo ex gratia & dignatione paternæ bonitatis erga filios suos, propter filiū mediatorē.

3 Non sunt condignæ passionēs huius temporis, ad futurā gloriā quæ reuelabitur in nobis. Rom. 8.

4 Non sumus idonei ex nobis ipsis. 2. Corinth. 3. sed Deus est qui operatur in nobis, & ut uelimus, & ut faciamus aliqua ipsi grata. Philip. 2. Quod si
igitur

igitur accepisti, quid gloriaris quasi non acceperis? 1. Corinth. 4. Non igitur debitum ex uera & propria ratione meriti, sed misericordia & bonitas Dei est, quod dona sua in nobis Deus coronat.

Et propter hanc causam Scriptura, quæ mercedem et retributionem nominat, uocabulum tamen meriti nō usurpat. Quod enim Eccles. 16. & Heb. 13. interpretes reddidit, Meritum: Scriptura uocabulum illud non habet.

Hæc uerò commonefactio ideo necessaria est, ne Pharisaica superbia, persuatione propriæ dignitatis in exercitio bonorum operum, renatorum animos occupet: sed ut semper & ubique exuberet & regnet gratia Dei, & celebretur gloria bonitatis & misericordiæ eius: utq; renati in ipso cursu bonorum operum, imò inter ipsa bonorum operum præmia, humili cōfessione indignitatem suam agnoscant, & omnem gloriam tribuant misericordiæ & bonitati clementissimi patris cœlestis, sicut exemplum pulcherrimum describitur Apocal. 4. ubi seniores coronas suas mittunt ante thronum, & dicunt: Dignus es Domine Deus noster, accipere gloriam & honorem. Et Matth. 25. electi nolunt agnoscere merita, & dignitatem operum suorum, etiam quando coram angelis & hominibus ab ipso filio Dei opera ipsorum celebrantur: sed dicunt: Domine, quando uidimus te esurientem, & pauiimus? &c.

Et hæc sunt precipua capita, quæ in 6. Sessione Tridentini concilij tractantur. Doctrina enim de lapsis, & reparatione eorum, pertinet ad locum de poenitentia. Reliqua uerò quæ in Andradij scripto, & in decretis Tridentinis, de doctrina sacramentorum sequuntur: uno quasi continuo contextu coherent. Et quia prima hæc descriptionis pars, propter institutum & opinionem longius excurret: uisum fuit, propter alias etiam certas causas, responsionē ita distribuere, ut hæc sit prima pars.

Deum uerò æternum patrem Domini nostri Iesu Christi, toto pectore oro, ut lucem uerbi sui, diuinitus in nostris Ecclesijs accensam, Spiritu suo sancto conseruet: nec eam uel tenebris Pontificijs, uel nebulis phanaticorum extingui sinat:

sed in uera sui agnitione nos conseruet ad uitam eternam: Amen.

CAPITVM PRAECIPVORVM huius Libri elenchus.

D E Apostolorū scri- ptis & epistolis	su Scripturae uelit in- telligi, quando pro- nunciat impium fide iustificari <u>797.</u> uera iustificans an sit fidu- cia uel dubitatio de remissione peccato- rum 830
113. an sint facienda	Gratiae uocabulū 687
881. quae sint, in qui- bus Deus uult rena- tos exercere obedien- tiam 889. renatorū an in hac uita ita sint perfecta, ut legi diui- nae plenē satisfaci- ant 910	Gratis particula <u>690</u> hereticorū fiducia ina- nis <u>773</u>
bonorum operum pra- mia 932	impium per fidem & gratis iustificari, quo modo intelligatur <u>633. 772</u>
de Bonis operibus <u>871</u>	de Infidelīū operib. An- dradij sententia 530. item Scripturae <u>542</u>
Christi aduentus dispen- satio & ministe- rium 625	iusticia quae in iustifica- tione iudicio Dei op- ponitur <u>692</u>
de Concupiscentia uete- rum sententia <u>479.</u>	iustificatio impij, eiusq; cause <u>629. 766</u>
item Tridentinū con- cilium 469	iustificationis acceptae
de Euangelistarum scri- ptis fides <u>763.</u> iusti- ficans quid propriē et uerē sit, et quo sen-	

CAPITVM

- incrementū 634. 753.
 fructus 874. loci ue-
 rus status 641. impij
 descriptio, & modus
 eius in statu gratie
 627. Tridentini cōci-
 lij sententia 716. ue-
 terū testimonia 704.
 uocabulum 647
 iustificationē hominis
 ad uitā eternā qui-
 bus reb. adimat Scri-
 ptura 661
 ad iustificationē præpa-
 ratio 781
 de iustificatione Andra-
 dij argumenta 729
 iustificari hominem co-
 rā Deo ad uitā eter-
 nam, quomodo Scri-
 ptura tradat 685
 liberum arbitrium 555
 de Libero arbitrio cōci-
 lij Tridentini senten-
 tia ex interpretatio-
 ne, Andradij 584.
 principalis stat 573.
 quā inuidiose posi-
 ta sint Tridentina de-
 creta 613. Scripturæ
 sententiæ 589. animæ
 quæstiones 561
 libri canonici, seu Scri-
 ptura canonica 18
 librorum sacrōrū uete-
 ris & noui Testamē-
 ti receptio & nume-
 ratio 16
 mandatorum obserua-
 tio, dicti illius neces-
 sitate & possibilitate
 871
 Maria uirgo an sine
 peccato originali cō-
 cepta sit 517
 de Operibus infidelium
 528
 peccatum originale
 426
 peccati uocabulū 477
 de Peccati originalis
 post baptismum reli-
 quijs 459
 de Peccato originis pō-
 tificiorū sententiā 432
 item Scripturæ sen-
 tentiæ

ELENCHVS.

tentiæ	443	ueteris Ecclesiæ testi-	
perseuerantiæ munus		monia	<u>191</u>
<u>776</u>		traditiones	296
prædestinationis teme-		traditionum pontificia	
raria præsumptio ca-		rũ similitudo & affi-	
uenda	<u>775</u>	nitas cum Pharisai-	
præparationis necessi-		cis et Thalmudicis	<u>57</u>
tas ad iustificationē		traditionũ primum ge-	
in adultis: & unde sit		nus 300. secūdũ 306.	
<u>763</u>		tertium 310. quartũ	
Scriptura noui Testa-		<u>329. quintũ 335. se-</u>	
menti	66	<u>xtum 346. septimũ</u>	
Scripturæ in alias lin-		<u>362. octauum 369</u>	
guas uersio <u>264. in-</u>		uulgatæ editionis rece-	
terpretatio 280. ue-		ptio, item modus in-	
teris Testamenti ori-		terpretãdi & impri-	
go, causa & usus 35		mendi sacram Scri-	
de Scriptura sacra <u>26.</u>		pturam	20

F I N I S.



[The page contains faint, illegible traces of text from the reverse side.]

2121-1

